

續修四庫全書

《續修四庫全書》編纂委員會編

續修四庫全書



上海古籍出版社

五〇一・史部・詔令奏議類

曾文正公奏稿三十六卷（卷九至卷三十六）〔清〕曾國藩撰……………

2641/01

曾文正公奏稿

二

〔清〕曾國藩撰

據清光緒二年傳忠書局
刻本影印原書版框高二
一一毫米寬二七八毫米

曾文正公奏稿

卷之九目錄

官軍攻勦撫州迭獲勝仗摺

咸豐六年五月二十三日

饒州防勦勝仗摺

全日

派兵赴建昌助勦摺

全日

水師吳城勝仗克豐城縣片

陳明鄰省援兵協餉片

分別失守員弁處分片

官軍攻勦撫州迭獲勝仗摺

六月三十日

水師連勝收復南康府城摺

全日

饒州失守旋經克復摺

全日

建昌攻城黃虎臣陣亡摺

全日

陳明各路援師片

贛州解圍并攻勦情形摺

八月初七日

湖北援師進攻瑞州府城摺

全日

攻勦撫州疊獲勝仗摺

全日

水師疊獲勝仗摺

全日

專催崑壽赴江南并及江省軍情片



官兵攻勦撫州迭獲勝仗摺 咸豐六年五月二十三日

奏為四月十一日至五月初十日官兵攻勦撫州迭獲勝仗情

形恭摺具奏仰祈

聖鑒事竊官兵自三月下旬進勦撫州破賊五營並四月初旬

圍攻各情業經具奏在案嗣據李元度會同鄧輔綸林源恩等

陸續稟稱四月十一日探知建昌援撫之賊盤踞油墩等處派

兵馳往截擊擒斬十六名十四日黎明賊傾巢來犯先撲左右

二營分黨千餘排立隄上接應李元度親率中營馳進彭大壽

從左路鈔襲賊後彭斯舉從右路直衝賊鋒該逆前後受敵力

不能支奔赴水田斷港被官兵刺殺二百餘名港水為赤各營

直趨城下又刃賊七八十名是日周鳳山繞禦西門大股耿光

宣李進發等截擊南門一路高夢漢迎擊隄上之賊陳大力迎

擊隄下塘岸之賊均斬獲多名收隊後查點賊屍由營外至隄

外共三百十六具而城下及港中溺斃者不與焉此十四日迎

勦大勝之實在情形也十八十九二十等日賊均出隊搗戰我

軍每出不意開礮殲賊不敢前二十一日水師定湘營在城

外文昌橋轟礮攻城各營出隊夾攻該逆出城迎拒被礮轟斃

十餘名追殺數名賊遂歸巢二十二日賊忽大舉來犯一從西

門直撲中營為正兵一從南門繞至清風門為牽制之兵我軍

捲旗埋伏潛襲賊後賊遂驚潰各軍併力馳擊傷賊二百餘名

一

別股賊由文昌門至隄上各營追擊轟斃及偏溺水中者約近
百人是日自辰至午鏖戰三時之久我軍亦受傷八十餘名陣
亡三名二十五日賊仍出隊先撲中營以千餘人列陣隄上以
百餘人直偏濠邊復分一股從東門繞出隄上我軍或伏民房
或伏叢林或從隄內斜鈔大礮對轟刀矛交錯血戰兩時殲賊
一百餘名我軍受傷者十八人二十六日探知瑞臨援賊三千
屯紫西津渡對岸距北門僅五里因派兵前往防勦城內賊窺
我軍出隊緹城來撲李進發身先陷陣殺賊數名受傷力戰直
抵城下復斃賊多名李元度見西北城空虛督兵負梯進攻該
逆併力堅禦胡蓋南吳齊源彭大壽周鳳山等分路鏖戰賊遂

秦稿卷九

敗奔傷斃計百餘名我軍亦陣亡七名受傷六十二名二十七
日賊復出犯中營親兵劉步龍等殺賊四十餘名其時沿隄另
有伏賊突出鄧輔綸派右營搜勦火器環攻追殺十餘名此十
八至二十七日接仗小勝互有損傷之情形也二十八日城內
賊由北門分二股繞出一直冲隄上一從隄下包鈔對岸之援
賊亦趁勢分數起渡河希圖會合其時耿光宣堵住上游賊不
得渡彭斯舉彭大壽陳大力等包鈔賊後奮力衝殺約斃三百
餘名餘賊折回河干復被張應龍等追逼溺水無數對岸之賊
移船接渡我軍百礮齊轟下游水師又至擊沈賊船十餘隻約
斃四五百人拋棄刀矛旗幟不計其數二十九日我軍復沿河

堵截奪獲賊船十餘隻焚燬三隻三更後賊用小划偷渡我軍
排礮截之並沈其船三十日我軍復過河搜勦援賊追逐七八
里將河岸新築賊壘三座盡行焚燒奪獲帳房二十餘架刀矛
數捆大小船四十餘隻黃旗號褂百餘件子藥十餘石此二十
八二十九三十日截擊援賊躡毀營盤迭獲勝仗之情形也五
月初一日探知崇宜交界之棠埠地方及相距十里之秋下地
方均有賊盤踞希圖來援初二日五鼓派兵往勦當我軍出隊
時城內賊已偵知辰刻傾巢出犯專撲南門清風門我軍力戰
相持兩時之久迴合數十次別隊從兩旁鈔住殺賊百餘名鎗
傷二百餘名賊終不退我軍因見城內空虛傳令負梯登城撲

秦稿卷九

營之賊乃退登陴擊鼓百礮齊轟我軍受傷二十餘人賊之傷
斃者亦以百計初五日賊復以全力撲我中營我軍開礮轟斃
大旗四賊追至堤上鎗礮對擊傷斃之賊二百餘名我軍帶傷
亦五十餘人收隊後探知崇宜援賊復踞棠埠搭橋至秋下嘴
聚幾二千人恐其乘閒入城急派弁勇往擊申刻行抵秋下兵
力已疲兩旁伏賊鈔出我軍遂至小挫幸丁峻陳英等殿後回
追殺賊數人乃得捲塘收隊初七日賊又出城直犯中營李元
度以中營最當賊衝先期於賊之來路埋伏銅礮三尊撥勇守
護賊近營牆礮連斃數賊賊遂奔回初八日賊又來撲中營
愈出愈多其由後路鈔出者尤兇悍我軍靜待數刻始行出隊

併命對擊傷賊殺賊計一百數十名追至城根該逆暗設突門地孔倏忽不見城上礮子如雨我軍陣亡九人帶傷四十餘人是日各營血戰而都司唐得陞怒馬陷陣尤為諸弁所不及初九日賊又分股出犯我軍傳令勿動惟轟礮禦之而北門忽出千餘賊往西津一路迎接援賊進城我軍派隊截擊賊仍退入北城初十日黎明秋下援賊二千人糾合城內之賊大舉來撲中營從上頓渡來者分三路馳至從城內出者亦分三路圍攻直逼營前港外及卡門我軍分投迎擊彭大壽大呼過港唐得陞怒馬衝鋒吳齊源童梅華李錫發陳增應等從港之上下游分途圍殺連斃兇悍大旗賊十餘人賊遂奔潰各勇追殺計三

奏稿卷九

四

百餘人彭斯舉李卿雲帶兵從墩下過港衝殺殪賊二百餘名其援賊逃至上頓渡回巢者被李錫發童梅華陳上進等且追且殺屍橫遍野其城內出犯之賊仍回西北城被彭斯舉耿光宣丁峻等轟擊不成隊伍其分犯江軍老營者亦經林源恩等擊退是日城內城外之賊糾集來犯兇猛異常我軍奮勇直前僅陣亡一人受傷數人殺賊五六百名轟斃三四百名生擒七名奪獲大旗號褂二百餘件擡鎗紅鎗刀矛二百六十餘件此五月上旬接仗及初十日大獲全勝之實在情形也伏查李元慶周鳳山督帶楚軍鄧輔綸林源恩督帶江軍自三月之季進勦撫州大小二十餘戰惟五月初五日小挫一次餘皆仰託

天威迭獲大勝祇以該逆倚恃堅城上排大礮我軍屢偏城下輒被轟傷以致前後傷亡至八九百人之多瑞臨援城源源不斷郡城未能遠復然賊雖愈勦愈悍我軍仍愈戰愈憤等時加激勵誓當力復此城先清東路以挽大局所有四月十一日至五月初十日撫州攻勦各情形理合據實縷陳伏乞

奏

皇上聖鑒謹

奏稿卷九

五

饒州防勦勝仗摺 咸豐六年五月二十三日

奏為饒州防勦迭次接戰互有勝負並五月十五日大獲勝仗情形恭摺具奏仰祈

聖鑒事竊饒州一郡外防江皖內障廣信實為江西東北之藩籬自二月間樟樹鎮失利湖口東岸之陸軍撤赴撫州青山西岸之陸軍撤赴省垣都湖彭建之賊匪虎視眈眈常有窺伺饒州之意吉南贛甯道耑自調防以來辦理諸務俱臻妥善惟部下兵勇僅二千餘人軍勢實形單薄所辦鄉團又皆未經戰陣若無官兵維持亦未足恃等因派都司畢金科帶陸兵一千名都司金世蓮候選知縣賀虎臣帶水師千人前往饒郡聽

奏稿卷九

候該道調度以資防勦嗣據該道陸續稟報三月初旬股匪屢犯鄱陽地境屢經防兵團勇迎擊俱有斬獲十七日賊合大股進犯十六都地方團首陳鴻烈軍功趙德溶等率勇出隊斃賊五六十名內有偽七十二將軍張姓金九將軍汪姓及偽總制等三人該逆另股從後鈔襲趙德溶力竭捐軀士卒傷亡四十餘人次日整隊復出五更時用噴筒火彈焚燬賊踞民房火光中時聞礮聲迸烈乃賊所藏火器之局也該逆不虞我軍猝至火器被焚倉皇回竄我軍乘勝跟追傷斃賊黨五十餘名追偪落水死者百餘名奪船十餘號追至二十里外之黃家祠始行收隊此三月十七十八連日接仗之情形也自此以後該逆退

屯都昌之張家嶺鄱陽境內為之一清然張家嶺與鄱湖鄰近處處皆可入寇該道相度地勢繪圖貼說詳稱章田渡響水灘十六都三處尤為緊要派撥陸勇水師分屯扼守仍規畫進取張家嶺之策意在以勦為堵以戰為守其由省派去之都司畢金科千人者則令駐紮童子渡以與各營互相控制正在調遣之際而都昌湖口逆匪勾結彭澤南康之賊四千餘眾於五月初六日直撲十六都該處團勇接仗失利響水灘營會同章田渡營馳往援勦斃賊百餘名我軍陣亡二十餘人受傷十餘人遂退至章田渡東岸併力守禦初九日聞賊將自荻溪灘渡河來撲營官康國器等出隊河干禦之立將賊船擊沈奪獲旗幟

奏稿卷九

斃賊二十餘人我湯家嶺營內之勇乘勢過河追勦章田營之勇亦渡河接應伏賊突起前隊失利賊遂以大股圍包我接應之師我軍見眾寡不敵仍復渡回東岸賊亦未敢追逼惟前隊湯家嶺營各勇未及回渡傷亡百餘人營盤陷失此五月初六初九接仗挫損之情形也自此西路要隘響水灘十六都章田渡三處均被該逆佔踞惟都司畢金科所部千人駐紮童子渡尚屬完全無恙十四日探得該逆於章田渡搭造浮橋將撲我童子渡之營畢金科意以我僅千人賊數五倍若待其四面圍撲必難抵禦不如中途邀截擊之遂於十五日丑刻出七百人進勦匪三成隊守營行抵油墩地面尚距章田十五里聞該逆

亦已整隊前來畢金科飭令幫辦朱洪章哨長楊承英李正清等帶勇一支當前迎擊又派千總龔廷貴哨長李克封黃興貴等帶勇一支隨後策應而自督哨長李興隆呂紹全等暨雲南征兵壓隊以防後面鈔襲分撥後未及三里即遇黃馬掛騎馬賊老長髮約二千餘人前來迎戰朱洪章龔廷貴等飭我兵開放鎗礮斃騎馬賊數名另率一隊從逆賊後路鈔出連斃悍賊多名賊即潰敗迨至我兵追逼近前而該逆又竭力反噬山後又鈔出伏賊一股約四千餘人浮橋上又添援賊一股亦近千人四面圍撲勢甚猖獗畢金科督雲南兵暨哨長李興隆等奮力抵禦鏖戰逾時賊黨敗北步步追殺逼近河岸即將浮橋

奏稿卷九

拆斷該逆紛紛墜水共擊斃長髮賊六百餘人生擒二十四名奪獲騾馬一百餘匹大旗七十餘面刀矛器械無數此十五日畢金科由童子渡進剿大獲勝仗之情形也伏查饒州一郡西接都湖悍賊北鄰皖南大股防務極為吃重臣等以本省之兵全力攻勦撫州建昌二府僅撥水陸各千人分防饒郡兵力實屬單薄贛南道耑齡到饒年餘勸團撫民籌捐練勇百計經營始臻妥善此次該逆大股入寇一戰大捷人心為之鎮定然眾寡懸殊隘口過多仍須由省城添撥兵勇前往始足以資防禦都司畢金科自臣國藩咸豐四年奏調入營以來每戰身先士卒驍勇冠倫軍中稱為塔齊布以下一人去臘攻破樟樹鎮亦

係首先陷陣此次獨當一面以少勝多關係東北全局甚重懇皇上天恩賞加巴圖魯名號其餘出力員弁兵勇容臣等酌保數人以勵戎行而作士氣陣亡弁勇查明照例辦理所有饒州防勦大獲勝仗各緣由恭摺由驛馳奏伏乞皇上聖鑒訓示施行謹奏

奏稿卷九

九

派兵赴建昌助勦摺 咸豐六年五月二十三日

奏為建昌官紳辦理防勦並由省城分撥兵勇三千餘人赴建會勦各情恭摺具奏仰祈

聖鑒事竊建昌府城於二月二十九日失陷其時路途梗阻至三月二十五日始接據該府何忒稟報並據稟稱探得各屬賊匪裏脅居多不甚兇悍冀欲艱難號召次第收復即會同丁憂在籍之安徽候補知府張家駒籌辦口糧招勇五百名並札諭新城縣拔貢生楊希閔招勇五百名與游擊名謙分帶於三月二十八日收復新城縣因駐紮新城再行招募共得勇一千八百餘名分派游擊名謙署守備楊錦斌管帶六百名駐鴻門拔

奏稿卷九

貢楊希閔把總劉興揚管帶五百名為中隊駐下長巷前署守備吳瀛外委趙金彪管帶三百名駐上長巷該府與張家駒管帶四百餘名輪赴各營調度相機進剿四月十五十八十九二十等日疊次打仗俱有斬獲自是宜黃崇仁等處援賊日增城上之防禦日密二十七日城內之賊由東關出一千人由南關出一千二百人分隊至廟嶺地方搗戰名謙楊錦斌分本營為三隊賊以右支衝我左隊楊錦斌策馬大呼兵勇應聲而出殺賊數十名賊遂敗退繼以左支衝我中隊右支之賊退而復進名謙楊錦斌督率中左兩隊奮力抵禦殲賊數十名並殲大旗賊目賊隊自亂我軍右隊從旁突進殺賊百餘名賊不能抵禦

兩支並退逆首二人提刀攔截賊眾復回旗搗戰我軍蜂擁而前一以當百刀矛鎗礮各自為戰自辰至未該逆三戰三北紛紛回竄入城統計斃賊四百餘人驅散脅從二百餘人奪獲器械百餘件我軍傷亡二十餘人此四月二十七日大獲勝仗之實在情形也自此以後賊愈嬰城固守堅伏不動五月初五日學政廉兆綸派廩生郭守謙帶廣信義勇一千二百名何忒等派教諭袁英帶南豐勇五百人均赴建郡因約會各營分路進攻名謙楊錦斌等紮南路之麻橋楊希閔趙金彪等紮東北之萬家橋郭守謙等紮西北之登高山初六日偪城而陣以鎗礮仰攻斃賊二十餘人一勇扒城殺賊五人受傷而墜初七日復

奏稿卷九

議進攻自辰至午賊仍不出忽聞西路有宜黃援賊千人將至守備楊錦斌教諭袁英各帶兵勇馳往迎擊該逆不虞官兵猝至拋棄礮械而奔我軍追殺一百餘人餘賊奔踞山巔我軍飢疲收隊賊忽下山追逐武生張榮變扼住山口楊錦斌回軍合擊殺賊三十餘名生擒五人賊遂竄逸此五月初六初七連日攻城並截擊逆援之實在情形也臣等以建昌與撫州兩府相為唇齒能被建昌則撫賊之右臂已斷聲援益孤或可迅速得手而建昌之何忒張家駒等當無兵無餉羣情渙散之秋尙能招集義旅自成一軍若非由省城另派兵勇助之一旦挫敗則官紳中更無敢出而任事之人而廣信及南豐新集之勇未可

深恃亦須有久經戰陣者列前行以爲之倡率於是商定派楚軍黃虎臣等二千三百人益以九江鎮標兵勇千餘共三千五百人於五月初二日由省城馳赴建昌十二日行抵該府以張家駒前在安徽屢著戰功即派該守總理營務處與何斌會辦建昌防勦事件合之該郡兵勇及廣信南豐之勇統計建昌一軍不下六千五百人與撫州大軍互爲聲援氣勢頗覺雄厚該逆堅忍頑悍素以善守爲長技等嚴飭張家駒等激勵士卒晝夜環攻務期力復名城肅清東路所有建昌府官紳辦理防勦並由省城添撥兵勇會勦各緣由理合恭摺馳奏伏乞

奏

奏稿卷九

七

水師吳城勝仗克豐城縣片 咸豐六年五月二十三日

再水師九營惠潮嘉道彭玉麟帶四營駐吳城防下游湖口之賊記名道劉于濤帶二營駐市汊防上游瑞臨之賊又分撥二營駐饒州一營駐省河均經奏明在案嗣據李元度等迭次稟請水師赴撫州會勦等分撥饒州一營省河一營前赴撫州水陸夾攻而吳城及市汊上下游之防如故也據劉于濤先後稟稱豐城被賊占踞相逼太近市汊終無安枕之日必須克復豐城而後上可以規取臨江下可以保全市汊四月初十日督戰船至豐城十一十二連日鏖戰五十八亦督隊轟擊豐城一線大隄我開礮則賊隱隄以避之賊登隄則我排礮以擊之

奏稿卷九

七

終以無陸兵助勦未能得手二十日初更乘月光未出於豐城縣東西北三門各派戰船放礮攻城牽制賊匪一面親督舢板十號從西岸暗渡派令千總李逢春萬元昌右營涂安邦豐城縣把總宛世雄等督帶哨勇登岸各持火器直撲南門外賊營登時火起賊即退走我勇隨後追趕復燒賊隄內營盤並將四門戰船調齊轟擊賊疑陸軍已至前後夾擊不敢駐足悉往樟鎮上竄擊斃殺斃約二三百人克復縣城旋督各勇搜捕城內城外奪獲大礮鉛子鎗械百餘件米五百餘石分賞各勇此劉于濤水師克復豐城之情形也又據彭玉麟督同吳城水師四營稟稱五月十三日辰刻有賊船四十餘號偃息旗鼓混稱民

解蜂擁上犯將近望湖亭開礮轟擊時各營哨探已先後偵知彭玉麟派定後營嚮導營走東路由夾河包鈔左右兩營走西路由大河直下比賊船已近各帶船隻分途而下兩相攻擊鏖戰逾時約轟斃賊匪數十名賊始敗退我軍乘勝追趕燒燬賊擄民船四隻追三十里至德安河口日昃風起收隊回營我軍無一傷損此吳城水師迎勦獲勝之實在情形也伏查水師各營分駐要地均尚得力祇以西岸數百里無一陸兵水軍不能獨樹功績劉于濤專用水師克復豐城顯懇天恩准臣等酌保數人以示鼓勵所有水師近日開仗緣由理合附片具奏伏乞

奏稿卷九

西

皇上聖鑒謹

奏 硃批賊先竄出焉得謂克復姑念其打仗奮勇著准其酌保數人欽此

陳明鄰省援兵協餉片 咸豐六年五月二十三日

再江西軍務除撫州建昌饒州三府勦辦吃緊各由專摺具奏外至各省援兵湖南援師分兩路而來南路係道員劉長佑統帶由醴陵萍鄉以至袁州屢獲勝仗現已圍偏郡城北路係同知蕭啟江都司劉培元等管帶由瀏陽以至株樹潭四月二十九日克復萬載縣城軍威大振湖北援師係游擊普承堯同知吳坤修暨臣國藩之弟曾國華管帶普承堯所帶之兵勇則去年八月自九江派去

奏稿卷九

五

共萬餘人集厚力以相拯救而賊亦出死力以相抗拒凡江楚文報自賊中經過輒被殺害臣等顧募長髮探卒蠟丸細字作為隱語以通消息但能知三路勝仗之大略而不能詳悉何營何地及鏖戰之情形也至浙江援師前經

奏明派萬青藜前來廣饒等處援勦厥後因甯國失守浙防孔亟不暇議及援江之事福建援師參將舒隆阿所帶之五百人已至河口鎮現調赴昌府會勦副將張從龍所統之三千餘人尚無入境確信廣之援師蒙

恩派重兵五六千人等亦屢次函咨陳詞懇切迄今未見援師未接回文每念贛州天險為古來必爭之地非得廣東厚援

終恐不免疏虞道途久梗呼救無從中宵念此魂夢屢驚合無
顯懇

皇上天恩飭下廣東督撫先撥一二千人星速踰嶺保守贛州
先據上游俟大隊齊集再圖入援吉安不獨江西之幸亦廣東
之先著也至各省協濟之餉浙江五月間解到銀二萬兩分撥
各軍尚不敷抵換鈔票之用廣東之餉亦以道途梗阻尚無音
耗所有鄰近各省援兵協餉理合附片縷晰陳明伏乞
皇上聖鑒謹

奏
殊批另有旨欽此

奏稿卷九

去

分別失守員弁處分片 咸豐六年五月二十三日
再江西八府淪陷州縣失守至四十餘屬之多文武員弁有守
士防汛之責者若不嚴行參辦則居官者不復知城守之重幾
以

國憲為不足畏然使一律嚴辦則其中不無情有可原之人臣
文俊擬逐一查明察其平日居官之賢否臨時被賊之情形分
別輕重參辦恭候

欽定因軍務旁午道途梗塞尚多不知下落之員一時未能訪
察確實未及悉行入奏惟現在攻勦撫建袁州等府萬分吃緊
之際中有一二守令艱難顛沛出而任事籌兵籌餉慨然以克

奏稿卷九

七

復為志者 臣文俊與 臣國藩再四熟商不得不假以事權作其
愧奮之氣即如建昌府知府何斌到任甫經月餘兵餉兩空無
可藉手猝被淪陷即赴各鄉糾合紳耆號召義旅竟能成軍以
出圍攻郡城目下省城及廣信兵勇赴建會剿該守又赴新城
等處籌捐錢米接濟軍餉萬載縣知縣李吉言於去冬城陷之
後率舉人辛辰雲等招募勇誓圖克復嗣同知蕭啟江在鐵
山界防堵卑辭乞援逮援師入境大小十二戰李吉言自率瀏
勇千人扼守株樹潭後路派其弟李審言隨同進剿屢次陷陣
衝鋒攻克縣城所捐錢五萬餘串於給發瀏勇口糧外概接濟
蕭啟江等援師餉項宜春縣知縣錫榮於候選道劉長佑援師

入境以後竭力供支捐錢四萬餘串贍給楚師俾無缺乏目下
建昌大兵雲集實自何斌創其端萬載援師賴李吉言爲之主
袁州援師賴錫榮爲之主此一府二縣者實屬失守案內愧奮
有爲之員臣等責令襄辦一切如果始終出力再行
奏請寬免處分除文武各員弁由臣文俊查明另行分別參奏
外所有何斌李吉言錫榮現在建昌袁州出力之處謹合詞先
行附奏伏乞
皇上聖鑒謹
奏

奏稿卷九

十一

官兵攻勦撫州迭獲勝仗摺 咸豐六年六月三十日
奏爲五月十一日至六月十一日官兵攻勦撫州迭獲勝仗恭
摺具奏仰祈

聖鑒事竊官兵攻勦撫州五月初十日以前迭獲勝仗各情形
業經會奏在案嗣據李元度會同鄧輔綸林源恩等陸續稟報
五月十一日賊分三支來犯楚軍中營我軍豫伏礮位於濠外
樹間出其不意礮數名各勇隨煙槍進賊仍死拒都司唐得
陞從右手鈔擊直薄城下互有殺傷賊遂從隄上橫過更犯江
軍經各軍奮力擊退十六日約會水陸夜攻四更時從文昌橋
轟擊東北門其駐紮千金陂之礮船十號攻擊清風門及南門

奏稿卷九

九

楚軍復於西城轟礮以分賊勢城內更鼓加嚴鎗礮不絕江軍
之在清風門梯城而登者被火彈燒傷十一人遂於黎明收隊
十八日探得瑞臨援賊由棠埠秋溪進紮上頓渡對岸初列三
營繼併爲一大營高壘深溝冀與撫賊爲犄角之勢因約會水
師於十九日合攻辰刻楚江兩軍派哨馳抵渡口該逆列隊河
干紅傘黃衣怒馬充斥所掠民船百餘號盡泊對岸我軍水師
二十餘艘駛至礮斃數十賊賊遽敗退我勇亮水過河牽船接
濟陸軍營官彭大壽等由上游徑渡童梅華等繼之哨官易祥
泰等由下游過渡夏宏江等繼之同時飛渡千餘人該逆分股
抵敵我軍鎗礮先轟刀矛續進斫倒悍賊數名賊始卻退仍復

回禦是時我軍進易退難已成背水之勢人人併命直逼賊壘彭大壽等從左手衝來劉體厚等從右門薄入立將賊壘踣平賊從壘後狂竄我軍乘勝追殺合計殲斃四五百名偏溺百餘名逃散殆以千計奪獲黃旗百七十三面號掛四百餘件擡鎗刀矛藥鉛甚多此十九日冒險渡河踏破援賊營壘之實在情形也二十三日賊探知我軍開挖地道因出二百人傍城開濠並埋鎗礮以為抵禦之計我軍出隊驅逐用大礮轟斃數名賊始縋城而入二十四夜用火箭噴筒前來驚營四更始盡擊退我軍旋於五更水陸夾攻千礮雷動該逆登陴死拒黎明收隊次日辰刻賊復分股出城一撲右營一撲中營經各營擊退二

奏稿卷九

三

十七日我軍在懸鶴嶺築一邊牆安礮俯擊城內賊出三百人奮力相爭我軍亦奮力迎擊互有傷亡而退六月初一日賊用全力來撲江軍我軍用銅礮排轟紛紛踏地仍堅忍不退其分犯楚軍者亦極強悍鏖戰兩時之久殲斃一百餘名我軍陣亡二人受傷四十餘人初三日省城解運大礮十尊到營是夜轟攻達旦初四日水師營官金世蓮帶船十四號紮於千金陂會合攻城自晝至夜水陸巨礮連聯不絕聲如墮牆城內震怖初五日城內遺散百姓七八百人復出賊二百餘人趁便劫掠我軍出隊追擊賊仍入城我軍復排礮攻城轟倒垛口守陴者盡皆伏匿我軍即負梯薄城賊又拚命死拒隊長周芝芳外委方

鳴玉中礮陣亡受傷者十餘人遂收隊罷攻十一日有賊數百由東岸來襲我水軍營官成章鑑先期防賊來犯多削竹籤暗釘兩岸沙草之中賊至半為竹籤所窘連發礮轟斃二十餘名賊黨稍退或伏隄下或匿樹間少頃再進復被轟斃十餘名賊始飛遁我軍尾追數里而還此自五月二十三日至六月十一日水陸圍攻迭獲勝仗之實在情形也伏查撫州賊匪嬰城拒守又有瑞臨援賊相繼而來經李元度等水陸夾攻迭有斬獲而相持兩月有餘郡城尚未克復自五月初十以後惟十九日渡河踏毀逆壘殺賊最多此外雖屢次報捷我軍傷亡亦多將士同深憤激等更切悚慚誓當力復此城以清東路所有五

奏稿卷九

三

月十一日至六月十一日攻勦各情理合據實縷陳伏乞

皇上聖鑒謹

奏

水師連勝收復南康府城摺 咸豐六年六月三十日

奏為水師連獲勝仗收復南康府城恭摺奏祈

聖鑒事竊南康府城為江西全省水道之總匯外接大江內控鄱湖為古來舟師戰爭之地去年臣國藩駐紮該府及屏峯等處水陸布置尚無疏虞自本年二月間樟樹鎮官軍失利將分駐青山屏峯之水師調紮吳城下游之賊遂竄踞南康城中不時乘間上犯水軍統領惠潮嘉道彭玉麟督率各營防剿兼施四獲勝仗疊經會奏在案茲據該道稟稱六月十一日探有賊船上駛因派後營營導營由東路包鈔左右兩營由西路直下麾旗向前兩相攻擊該逆潰竄我軍尾追殲盡其後子落賊船

奏稿卷九

三

傷亡甚眾順水順風該逆揚帆而遁十四日賊復上窺又經各營擊壞其船二隻斃賊十餘人此六月十一十四連日獲勝之情形也旋探賊在南康一帶迫脅民夫修造戰船因派各營分途往勦長龍在前舢板繼後於十八日五鼓出隊行抵老翁廟地方焚賊艦六隻賊即下竄維時風勁浪高我軍暫行停息風波稍定將長龍分泊兩岸各帶舢板直赴南康城下該逆嬰城拒守我軍將礮口高擡礮子入城而沿岸堆積船料甚夥一概焚燒賊見城外火起即開東門逃竄該道同營官鄧翼升孫昌國陳炳元丁義方麾水勇登岸進城因水兵不慣陸戰尾追十里而還城內磚牆為賊撤毀熬硝礮臺將其硝廠船廠一

概蕩毀此十九日收復南康府城之情形也伏查南康地瘠民貧城內賊黨無多水軍出其不意即時收復惟吳城水師祇有四營下游之賊雖經懲創前後兩河尚有德安建昌之賊截我後路又無陸兵為之犄角故不敢守此荒城祇得安撫居民仍回吳城駐泊每日派船十餘號游繹郡城以巡哨為防守所有善後事宜臣等另籌陸兵與水師依護庶足以資堵禦所有收復南康府城緣由理合由驛馳奏伏乞

奏

皇上聖鑒訓示謹

奏稿卷九

三

饒州失守旋經克復摺 咸豐六年六月三十日

奏為饒州失守旋經克復恭摺具奏仰祈

聖鑒事竊饒郡防勦事宜及五月十五日大獲勝仗情形業經會奏在案 臣等以此股賊匪雖經懲創而饒郡西通都湖北接彭建實為羣賊之淵藪四路可通時虞窺伺仍飭新任布政使耆齡督率水陸各軍擇要扼防相機攻擊並添派參將阿達春帶得勝軍五百名前往應援耆齡與各營商酌擬以阿達春一軍進紮童子渡而令畢金科移營紮陶溪渡會合嶺營併力守禦初一日探得都湖建德逆匪分三路內犯已抵陳家嶺畢金科等會商亦分三路迎敵初二日平明進至陳家嶺畢金科奮

奏稿卷九

五

勇當先派千總龔廷貴督勇衝殺殲斃長髮四百餘人奪獲羸馬九匹追及臥虎山四面壁立遙見密林中尚有伏賊四股畢金科勒馬壓隊毋許再追該逆知我兵不入伏中遂由山背鈔至陶溪渡直襲嶺勇營盤須臾火起被陷嶺營各勇退屯四里街畢金科以陶溪營壘被陷恐童子渡亦難孤立帶勇暫退紮北門外此初二日接仗互有勝負兩營退紮之實在情形也阿達春得勝軍到饒四日初三日方進紮四十里街中途聞信亦折回紮北門外嶺勇亦回屯府城初四日探聞該逆分竄景德鎮知其為聲東擊西之詭謀議定嶺營諸軍力扼東路阿達春畢金科防禦西路相機進剿水師則分布於祝君玲黃龍廟

沿河一帶既防賊舟突入兼為陸路聲援初五日賊眾分五股來撲郡城畢金科與得勝軍哨官朱光裕李鶴齡李遐齡等分途迎敵鏖戰二時陣斬偽指揮張姓等四名賊黨敗走追不數里忽分股鈔出隊尾兩營腹背受敵嶺勇之在茅園者亦已敗退賊眾由北門竄入直出東門各營紛紛潰散競渡沈溺者約二百人得勝軍哨官藍翎千總李鶴齡與其弟把總李遐齡回合衝擊至六七次被該逆重重包圍入湖中力竭陣亡水師賀虎臣康國器兩軍見事勢危急督帶水勇登岸畢金科率親兵百餘回擊由高門進至東門水勇登城短刀相接雜以磚石殲賊三百餘名該逆先勝後敗狂奔出城我師雖於收隊時轉

奏稿卷九

五

敗為勝然以傷亡過多勞乏過甚亦未敢久駐城內耆齡督率水師泊於城河對岸陸營亦分紮角山圩等處旋與賀虎臣退至距饒三十里之表恩汛地方此六月初五日官軍挫衄郡城失陷并該司等移營退守之實在情形也 臣等以陸軍帳械全失即飭畢金科馳回省城重加整頓迅圖克復十八日復自省駛赴饒州因阿達春告病乃另派都司林葆等協和營千人而以九江鎮總兵居隆阿前往督同勦辦十九日師至表恩汛與耆齡紮泊一處該逆於城外紮營四座一營黃龍廟并於河邊立礮臺九座阻我兵登岸之路一營東門外一營毛園防我兵鈔襲一營北門外以為退步尚有小營分布數處堅壘深濠竹

鐵鹿角極為周密二十一日耆齡等定大舉進攻之議畢金科
林棟兩軍由角山圩進攻東路及北門顧營由沙洲進攻西路
及芝山期於風雨山相會水師金世蓮賀虎臣兩營助攻東路
康國器助攻西路二十二日東路水師金世蓮等先抵黃龍廟
該逆鎗礮齊施火箭噴筒形如驟雨我軍幾不得進各戰船飽
食羣子萬礮齊轟哨官楊占黿首先登岸畢金科與林棟隨換
小船一躍而登兵勇如牆繼進奮力衝殺火箭火彈四面拋放
賊營火起千總龔廷貴等堵截該處股匪畢金科攻勦沿河礮
臺衝躡一座各處潰散遂合攻東門該處悍賊畢萃併力死拒
自卯至巳尚未擊退迄協和營繼進水師亦捨舟登岸環攻數
重始衝入賊營奪獲鎗礮數十件我兵進城乘勢跟追直逼至
大街城中伏賊突起三路鈔來勢似潮湧畢金科積前日之憤
乘新勝之氣下馬怒戰又值從九品楊玉輝帶守船丁勇前來
助勦連刺騎馬賊十一名該逆將旗幟各物拋棄墜城逃奔計
殺死及羸斃約五六百人林棟等至茅園繞出會合追賊共躡
北門外及張王廟賊營水師亦由祝君垠進躡去高門內教場
賊營一座維時居隆阿同赴東門督勵將弁追殺尤多其自西
路進者康國器先帶礮船於高門上下開礮故作攻撲之勢城
西之賊稍稍分撤往救耆齡督令守備羅玉祥等分為三隊風
飛登岸賊之撤救高門者回顧不及濟勝軍水師及陸勇乘機

分道上城先將其坐纛砍倒勦散守城之賊旋分為二一撲高
門一撲靈芝門賊營縱火焚燒賊膽驚落遂大奔潰分投追勦
自西城轉戰而出北門者適與城外羅玉祥勦散芝山股匪之
兵相遇前後夾攻殺賊無算其奔逃不及者紛紛竄匿東湖西
湖兩軍合併窮追至風雨山收隊武舉于宣等遙見援應之賊
自山後捲旗而來計圖暗襲我後各營嚴陣以待買其餘勇併
力追擊復殺賊百餘並燒道旁小營二處通計江楚水陸各軍
殺賊千餘生擒八十五名先後解送省城奪獲旗幟四百一十
面鎗礮子藥騾馬無數此二十二日克復饒州府城之實在情
形也伏查饒州一郡捍禦都湖皖南之賊東蔽廣信南衛省垣
實維江省要區特以逆蹤切近無城可守遂致屢復屢陷該逆
以善守為長技此次甫經半月修築營壘礮臺至十餘座為堅
悍不拔之計幸我軍文武同心憤激用命一鼓克捷保全東北
藩籬然近而都湖遠而徽池匪黨環窺仍須厚集兵力乃足以
資防勦此次酷暑鏖戰克復神速所有水陸將弁尤為出力者
願懇
天恩容臣等開單保獎以示鼓勵布政司耆齡有專辦饒防之
責饒州府知府張澧翰鄱陽縣知縣夏燮有地方之責均有應
得處分惟克捷迅速功過尙足相抵應請免議哨官李鶴齡請
交部從優照守備例

賜卹李遐齡請照千總例
賜卹陣亡弁勇查明照例
恭摺由驛馳奏伏乞
皇上聖鑒訓示施行謹
奏

秦稿卷九

天

建昌攻城黃虎臣陣亡摺 咸豐六年六月三十日

奏爲官兵會剿建昌府城連獲勝仗恭摺具奏仰祈

聖鑒事竊建昌官紳辦理防勦並省城分撥兵勇應援各情業

經會奏在案嗣據該府何忒在籍知府張家駒等稟稱省兵黃

虎臣等於五月十二日到郡與建昌兵勇更番派隊分駐西南

北三面晝夜環攻閩兵張從龍等於五月二十七八等日次第

到郡分駐東面斷賊接濟並派哨赴宜黃偵探以防賊之應援

建昌城外民房櫛比我軍分駐房內開掘地道復派隊分段緣

梯而登該逆頑悍不出平時城上並無旌旗聲息俱寂我軍於

登高山設立望臺俯視城中不見一賊忽然礮聲陡起鎗子從

山頂飛過及我軍約會進攻賊匪了不接應兵勇扛梯而進飛

擲火毬則城上旗幟林立號鼓雷鳴鎗礮如雨每垛用皮木箱

滿盛磚石傾筐而下我軍受傷甚多因之卻立稍卻則鎗礮頓

息每夜用鐵鍊木板堆積棉花桐油四面燃放號火至四鼓漸

熄我軍即支梯飛登而上纔至梯巔則木石鎗礮齊下或傾倒

火藥往往跌墜陣亡苦攻半月之久未能得手六月初一日探

得宜黃援賊自茅排地方蠢擁而來各營集議派隊分守要隘

截擊外援並堵城內出應之賊是夜二鼓南城內突出數百人

暗撲建昌營經虎字營江永和帶勇橫截擊之殲賊五十餘名

建昌營聞聲攔擊又殲二十餘名賊遂鼠竄入城次日黎明援

賊忽分三路而來一撲西門一撲南門一襲建昌營併撲南門
突過虎字營地道之旁營官黃虎臣大隊未至率勇九人挺矛
邀擊衝突過早前面之賊為其所殲後股蜂擁攢刺該營官身
受十餘傷力竭捐軀各營駐建昌者以黃虎臣為眾望所歸未
成列而遇害三軍為之氣奪幸本營哨官黃之一江永和及外
營營官李大雄胡應元等聞信奔救大隊齊出於刀矛叢中將
黃虎臣屍首奪回且涕且戰憤氣百倍該逆紛紛敗北免走烏
飛自相踐踏廣義軍郭守謙等從登高山直趨而下聲震山谷
所向披靡兩路共殺賊五百餘人生擒二十三人訊明正法奪
獲黃旂呢轎文卷衣服甚多大小礮位十一尊步隊追至二十

奏稿卷九

里外馬隊至三十里之規下撤隊回營建昌營守備楊錦斌另
擊麻源之賊分路鈔追亦斃賊匪百餘名生擒十六名奪獲黃
旗軍械八十餘件此六月初一初二連日接仗獲勝之實在情
形也伏查建昌郡城之賊偵探皆云真賊不過千餘乃環攻半
月該逆嬰城拒守寸步不出較之撫州悍賊時出搦戰者情形
迥不相侔此次截勦援賊酣戰獲勝軍心為之一振然黃虎臣
為數營領袖遠爾殉難亦屬得不償失適因初五日饒州挫敗
臣等恐饒賊東援撫州南犯省城而建昌一隅兵力尙厚遂將
攻勦建郡之六營者移駐撫州撤回省城以便調遣都司黃虎
臣樸實驍勇前此克復建昌縣案內擬保游擊尙未出奏此次

力戰捐軀應請照游擊例

賜卹營官藍翎把總李大雄胡應元哨官江永和均係建昌縣
案內克城先登之員此次當黃虎臣初逝之際俱能憤極力戰
轉敗為勝關係甚大李大雄請以守備補用胡應元江永和均
請以把總卽補並

賞戴藍翎陣亡弁勇查明照例辦理所有官兵會勦建昌疊獲
勝仗緣由理合具摺會奏伏乞

皇上聖鑒訓示施行謹

奏

奏稿卷九

陳明各路援師片 咸豐六年六月三十日

再福建援江兵勇三千一百人現到建昌府者已有二千六百
人屢接閩浙總督 臣 王懿德來咨先派副將 陳上國帶一千五
百人馳赴金陵交向榮調遣其餘兵勇仍交副將張從龍留於
江西攻勦建昌等因鈔摺咨送前來六月初五日饒州失陷 臣
等恐賊蹤竄擾廣信擬俟陳上國閩兵過郡之便截甯防守廣
信咨明學政 廉兆綸會摺具奏在案今饒州業已克復此項
閩兵即無庸留防廣信應令迅赴金陵以資援勦惟查該副將
等一軍口糧取之閩省糧臺夫船取之江省州縣雖經 臣等札
催刻下尙未據報起程至湖北援師由普承堯曾國華等統帶

奏稿卷九

三

來江已於六月十八日克復新昌縣二十四日克復上高縣接
據細字隱語書函七月初旬可至瑞州從此兩湖聲息可通大
局當有轉機廣東援師接據稟報潮州鎮總兵壽山於五月十
九日至贛州入城二十二日大獲勝仗贛郡防守尙嚴當可保
全要郡仰慰

宸廑所有各路援師情形理合附片奏

聞謹

奏

贛州解圍攻勦情形摺 咸豐六年八月初七日

奏為贛州府城解嚴並各屬勦辦情形恭摺奏祈
聖鑒事竊贛州據江西上游為古來用兵者所必爭之地又與
粵東毗連時有土匪滋事本年正月吉安失守秦和繼陷沿途
文報不通該郡一切軍務傳聞異詞六月間廣東援師至贛 臣
等附片奏

奏稿卷九

三

聞在案茲接據護南贛道汪報閩署南贛鎮總兵阿隆阿等專
差繞道賚文來省據稱本年春間秦和一帶寇氛日熾汪報閩
帶領新城南康之勇三千餘名文英羊角二營官兵同往進勦
接仗失利三月十二日興國武進士韓進春至良口地方十五
日與秦和之賊戰於萬安武索一帶大獲勝仗擒斬頗多並擊
沈賊船三隻十七日該匪復四路來攻我軍陸路失利水軍不
能獨支韓進春一軍退紮大湖江汪報閩即帶餘勇回贛適值
署饒州營參將遮克敦布撫州戰敗之後於甯都收集兵勇到
贛三月二十二日南康所屬之潭口地方會匪滋事將委員鄒
慶雲戕害數日之間土匪四起下游之長髮賊又於二十五日
破龍泉於是潭口之賊糾集大庾新城土匪於四月初二日圍
南康塘江一帶之賊於初四日破上猶風鶴迭警人心搖動適
汪報閩先期招募之湖南東嶺勇從崇義而來十四日克復上
猶縣商借之廣東南雄勇從大庾而來初九日將新城土匪勦

散於是南康之勇會合東嶺南雄各勇連日攻勦金雞嶺李家山鏡填墟以及塘江潭口各處贛州亦派兵勇夾擊先後六十餘戰殺賊近萬軍威日振此東嶺南雄等勇勦辦土匪得手之情形也南嶺界連楚粵羣盜淵藪連歲三省梭勦斬刈不為不多無如黨羽甚繁蔓延日廣又復糾邀泰和萬安一帶之長髮賊上竄贛州四月十九日韓進春在大湖江戰敗之後各賊即分東西兩路於二十九日直薄贛城兩岸紮營數十座礮船數十號在城北龜角尾地方停泊復於上游擄取船隻搭造浮橋五月初三日賊分東西兩路過河徑撲城下經兵勇出隊擒斬三百餘人擊沈賊船七號淹斃百餘人餘匪潰回追逐落水者

奏稿卷九

五

尤多由是賊鋒稍挫連日未敢過河南路陸賊迭至扛道坪嶺上紮營均經我軍擊敗燬其營盤十五日以後大雨河漲湧金門一帶水與雉堞相平防守喫緊適東嶺勇因南康缺糧前來贛州就餉即令該勇入城守堞而廣東督撫奏調潮州鎮總兵壽山督帶兵勇一千五百名來江助勦於十六日攻破粵都十八日亦抵贛城官軍援師日集賊數亦日增二十二日東河賊匪會合南路賊萬餘直撲東南兩門各兵勇由南門出隊鎗礮齊施刀矛繼進擒斬五百餘人割級一百八十八顆追逐落水除漂失不計外壅塞汊河賊屍尚有六百餘具並開放大礮擊沈賊船奪獲旗幟器械無數其東岸嶺上營內各賊亦由旱路

逃往山後我軍追逐燒燬賊營十數座此贛郡被圍二十二日接仗獲勝東岸肅清之情形也總兵壽山等與汪報閩熟商攻勦西河之策欲趕造浮橋則船隻不敷且對岸賊礮甚多難於措手於是佯為置之不理令我軍分日出隊或攻東南路之樓梯嶺湖裏塘或攻正南路之南橋或攻西南路楊梅渡老虎坑等處至六月十七日乘其不備仍令兵勇於各路誘戰待至賊眾應接不暇之時我軍千餘人突出西門乘船過河直至對岸一擁而登先殺斃執旗賊目數人並焚燬沿河賊營兩座匪始退走我軍分路鈔擊上游楊梅渡等處之兵勇亦各用竹筏木簡過河上下夾擊計擒斬六百餘名割級三百八十五顆奪獲

奏稿卷九

五

大礮十一尊擡鎗一百五十三桿礮船三隻又大小船隻三十餘號躡平嶺上賊營二十餘座餘匪即日逃遁我軍追逐十餘里次日搜捕及鄉民捆送者又得五十餘人並將已受偽職之舉人劉效忠生擒正法此六月十七日攻破西岸賊營贛郡解圍之情形也現據鄉民稟報東河自贛城至興國得團勇數萬人西河自贛城至八十里之沙地均無賊蹤北路自贛至良口一百二十里亦趕辦團練一律薙髮惟南路之賊尙須迅圖攻勦前經汪報閩稟明廣東督撫准令南澳鎮總兵帶兵來江協勦如能上下夾擊則潭口一帶當可指日蕩平又前任按察司周玉衡之子候選同知周炎先於四月二十八日自備軍需

錢二萬串招集龍南鄉勇二千餘人來贛會屢次出仗獲勝嗣於六月間因廣東和平之賊竄入定南圍城以致長甯安遠信豐一帶時有警報飭周炎帶勇前往信安長定一路相機剿辦各等因稟報前來臣等伏查江西吉安撫建並陷之後贛州遠隔南路道途梗阻臣等每聞警報寢饋不安歷次陳奏皆以此為慮該護道汪報閏就近稟請廣東督撫撥兵赴援並接濟軍餉十餘萬又有東嶺南雄南康等勇及周炎捐募之龍泉勇先後協剿藉以殄逆黨而保郡城實為江省大局旋轉之一端除俟查明尤為出力人員籲請保獎傷亡弁丁照例請卹外謹據護南贛道汪報閏署南贛鎮總兵阿隆阿來文附驛

奏稿卷九

奏

具奏伏乞
皇上聖鑒再此案經汪報閏就近稟報廣東督撫臣或已先行具奏合並聲明謹

奏

湖北援師進攻瑞州府城摺 咸豐六年八月初七日
奏為湖北援師進攻瑞州府城江省派兵四千前往會合屢獲勝仗江楚之路漸通恭摺馳奏仰祈

聖鑒事竊湖北援師克復新昌上高等縣將至瑞州業經附片具奏在案嗣據探稟候補參將普承堯候補同知吳坤修同知銜曾國華候選知縣劉騰鴻於七月初一二等日先後抵瑞州府城外初三初五等日大獲勝仗臣等因派湖南河溪營都司彭山肥都司李新華守備萬泰羊瀛等率兵勇七營四千人於初九日自省起行十五日馳抵瑞州與援師相會自上高新昌以前接戰情形均由湖北湖南撫臣具奏既至瑞州城下十

奏稿卷九

奏

五以前接戰情形仍是細書隱語略敘大概十五以後省兵已到接戰情形稟報較詳臣等謹據原稟分別陳奏六月三十日援軍於距瑞州二十里之大山地方駐紮七月初一日率隊赴府城察看形勢猝與城外賊遇格殺數十名生擒六名初二日移紮西門外查瑞郡分建南北兩城北曰官城南曰民城中夾一河上有大橋一道初三日偽北王韋昌輝自臨江率黨三千餘人來援我軍派定兩大支以一支畱河北攻勦城內之賊以一支過河南列陣堵截外賊使不得入比韋逆至我軍之先過河者已拔其南城即從南城出勦望見賊勢甚盛儀從赫奕奢僭非常頭隊排刀手兇悍直前劉騰鴻堅持不動靜以待之該

逆三次猛撲銳氣稍衰我軍突起乘之賊眾敗潰我軍復從北岸渡兵鈔其後尾賊隊大亂殲斃近五百人奪獲偽王黃轎繡傘金碗金盆各僭物及銀錢甚多韋逆逃竄鄉間是夜偷入城內初五日我軍大舉攻城緣梯踏肩肉薄而登該匪鎗礮木石同時并發壯士多傷未能得手初九日賊匪乘雨前來撲營先犯吳坤修彪勇營盤我軍悄寂無聲佯呼天雨藥溼何以禦敵賊悉銳撲至濠外我軍點放礮山大礮飽食羣子轟倒數人各營鈔出截擊賊黨敗潰紛紛四竄有不及進城者追殺幾盡十一十二兩日賊復傾城出犯我軍相戒勿動俟其疲乏奮勇直前殲賊甚多追至城根而還此楚軍到瑞後十五日以前六次

奏稿卷九

美

接仗獲勝之情形也當楚軍初至瑞州之時該逆方大舉撲犯省城於省河之對岸數十里內築立賊壘五六處另詳水師奏中其塘頭一壘去省垣十里而近逆旗日來沙井搦戰一河僅隔一壘等欲派兵勇迎接瑞州之援師必先攻破沙井之賊壘七月初四日渡兵二千餘人進勦派守備羊瀛義武營擊中路守備萬泰把總胡應元兩營擊西路守備李大雄滕加洪兩營擊東路如牆排進直抵塘頭賊壘該逆出營迎敵未及片時我西路兵已截斷其尾營內逆黨紛紛潰竄前敵之賊亦相繼敗退踏破逆壘二座奪獲大礮四尊旗幟軍械無算此初四日進勦省河對岸賊壘獲勝之情形也初九日添派新字營虎字

營合四千人前赴瑞州十五日到郡與鄂省援師相會十七日該逆以楚軍精強未可輕犯江軍稍弱且新到營壘未堅遂出二千餘人牽制楚軍而以大隊六千人猛撲新到江軍之營江軍各營官議定整隊以待俟其切近始行出擊右路一股先至直向平江營胡應元帶隊沖出中路繼至李大雄出禦之萬泰率九江營抵禦左路義武得勝兩營合鈔右路之後回合數十次右路退挫義武營勇夫紛紛逃潰幾至不支都司李新華帶新字虎字營馳出力堵楚軍湘寶勇馳至救援各營先挫者亦回旗轉戰李大雄力衝中堅賊即敗潰勢如山頽殺賊五百餘人追至城下後者不及入城逼入濠籬自相踐踏城上火球大礮自相擊斃餘皆鳥驚獸散未得歸隊此十七日江楚兩軍初

奏稿卷九

美

合擊賊獲勝之情形也二十七日楚軍派三成隊出迎餉項賊又分股來犯西門三股湘勇寶勇禦之江軍各營懲十七日之小挫堅壁不動以觀楚軍之戰湘勇寶勇慶戰二時許該逆抵死不退滕加洪帶得勝軍策應寶營胡應元策應湘營又相持一時未能取勝李新華李大雄等從東北鈔出鎗礮兼施刀矛並舉聲震天地賊眾大敗江軍由北門追至西門與湘寶各營會合殺賊共五百餘人餘眾狂奔入城城上巨礮轟擊煙塵蔽空火箭石塊驟如雨下不及入城者自斃約近百人此二十七日接戰獲勝之情形也伏查湖北援師四月初開自鄂省起行

追賊繞至長沙旋復馳至江西皓暑行軍轉戰千有餘里克復
咸甯蒲圻崇陽通城新昌上高六縣扼駐瑞州以通兩湖之路
江西全局之轉機胥係乎此所有帶兵得力之員應卽籲懇
恩施以示鼓勵湖北補用參將普承堯請以副將歸部遇缺卽
選湖南候補同知吳坤修請以知府歸於湖南補用同知銜曾
國華係臣國藩之弟未敢仰邀

獎敘臣文俊查曾國華經其父曾麟書因聞羅澤南傷亡遣令
馳赴湖北幫理營務卽經湖北撫臣委帶湘勇兼統湘寶各營
來江援剿辛苦備嘗戰功卓著請以同知歸部儘先選用候選
知縣劉騰鴻謀勇爲全軍之冠請以直隸州歸於江西補用並

奏稿卷九

單

請賞加勇號其餘出力員弁仰懇

鴻恩容臣等擇尤開單保獎以昭激勸所有湖北援軍已至瑞
州並派江軍赴瑞會合疊獲勝仗各緣由恭摺由驛馳奏伏乞
皇上聖鑒訓示施行謹

奏

攻剿撫州疊獲勝仗摺 咸豐六年八月初七日

奏爲六月十二日至七月十三日官兵攻剿撫州疊獲勝仗恭
摺具奏仰祈

聖鑒事竊官軍攻剿撫州六月十二日以前疊獲勝仗業經臣
等會奏在案嗣據李元度會同林源恩陸續稟報六月十四日
楚軍擬於西南城根隄下築一新壘以絕賊蹤而挖隧道以爲
轟城之計賊併力來爭我軍抵陣衝鋒殺賊四十餘名殺黃旗
賊目十一名隄上之賊復經江軍轟斃數十名十六日五鼓賊
由文昌橋渡河趨正覺寺江軍派隊過河迎擊賊忽分股直撲
老營又分股在楚軍對岸隄上挑戰我軍分路迎剿並乘勢夾

奏稿卷九

單

攻礮斃數十名賊退復追斬七名二十日楚軍定計仍於西南
城隄上潛築新營以便再掘隧道夫役眾多四更工竣次日黎
明賊出城來爭我軍豫安大礮八尊於新營之內先出數十人
擗戰佯敗誘至牆邊開礮轟斃三四十名各營併力衝擊迫至
城根忽值狂風暴雨遂各收隊中有數十悍賊衝風冒雨來撲
新壘復被劉長培等轟退是日共計刃賊四十餘名礮斃四十
餘名鎗傷尤多二十二日賊復來犯新壘各營飛馳應援刃賊
三名礮斃二十餘名賊遂敗退二十四日五更賊復向新營大
呼圍撲營內靜守不動迨各勇馳赴一齊奮追斃賊十餘名其
分股牽制江軍者出清風門沿隄來撲復被斬獲二十餘名此

六月十四日至二十四日攻勦屢勝之實在情形也七月初一日探報偽翼貴丈黃玉崑偽承宣黃士福等由臨江經崇仁統賊七千餘人冀圖與郡城悍賊內外夾攻猛撲我軍老營然後併力以西禦兩湖來援之師是夕至上頓渡民房打館我軍定議於初二日五鼓派隊馳勦逆黨四千餘人已於四更時潛伏卡外我軍行抵該處賊分三路包來黃旗徧野勢甚洶洶周岐山胡德璜鄧國祥從左路鈔出賊後彭大壽策馬涉水衝賊之右耿光宣吳齊源夾攻中路殲賊二百餘人賊遂奔潰經周岐山彭大壽等怒馬窮追沿途殺斃二百餘名黃玉崑僅以身免綠呢大轎拋棄沙洲當各軍乘勝追捕之時城內突出二千餘

秦稿卷九

望

賊以數百人犯江軍以數百人犯掘隧之新壘以千人犯楚軍之中營其犯中營者復分三路直薄濠邊經丁峻鍾朝輔黃兆麟等協力鏖戰斃賊數十名其犯新壘者經劉長培督勇出營立取大旗賊之首級賊遂氣奪而奔復被斬獲多名其犯江軍者由隄上包鈔右軍營盤經呂克生雷福堯等堵擊被殲數十名而退是日自卯至午鏖戰四時計共殺賊五六百名哀尸十餘里殺偽官數名生擒十四名奪獲黃旗黃繖黃帽黃馬褂多件軍器數百件此初二日大破援賊之實在情形也是夜逆黨仍聚上頓渡次日我軍派隊再往城中賊黨窺營內空虛傾城出犯以兩支撲新壘兩支撲楚軍之中營兩支撲江軍營經我

軍分投迎擊眾礮齊發踣尸徧地維時進勦上頓渡之軍業已列陣市門該逆紛紛過河避遁我軍亦即收隊初五日賊分數支出犯江楚二軍而其撲新壘者尤悍炎天礮熱不便連開我軍更番轟擊計斃四五十名每斃一人新賊鬪然遽退老賊持矛督後兇很異常我軍用大隊衝之斬十餘名賊遂退去是夜五鼓我軍派隊埋伏民房賊黨出城拒戰李晉發呂克生耿光宣等中路誘之伏兵從旁鈔出鎗斃轟斃甚夥賊遂鼠竄入城初六夜賊出百餘人來襲新壘火箭噴筒突入牆內我營寂然不動但指人影所在轟礮指擊天明視之血痕殷地此初三初五初六等日夜接戰之實在情形也初十日黎明賊黨三四千

秦稿卷九

望

人出犯中營我軍用礮擊斃數名賊仍屹立不動每開一礮反進數步相持兩時之久周岐山彭大壽併力衝突賊始退至隄邊旋復猛撲新壘緣新壘之中開掘兩隧賊黨偵知特用全力圍逼忽值大雨如注我軍鎗礮皆不能然賊遂撲入迨吳齊源等率勇再進賊已反客為主混戰一時之久不能奪回計陣亡十三人受傷八九十人是夕我軍徹夜戒嚴次早賊復大至各營堅壁不動待其疲乏一擁而前賊出不意潰至隄根我軍用排鎗併擊每開一輪輒進十餘步如是數次轟斃約二百餘名又有埋伏民房之賊亦經圍燒死者纍纍又有從洲頭撲營之賊被擊落水無數是日我軍憤激誓洒前恥血戰半日呼聲震

天計殲賊四百餘名奪回五百斤大礮一尊此初十日被賊撲去新壘十一日復獲全勝之實在情形也十三日寅刻賊即吹角出城火光遍野黎明時分三路來犯中左右三營我軍先日趕築長牆於隄下埋伏劈山礮以俟逆黨先踞營前山嘴大礮轟倒八九名羣子如雨賊仍不退其下墝來撲者經理伏之礮排轟之連斃十餘人時督隊之賊有黑白馬二匹左突右衝前後窺探大隊皆受其指揮突被礮轟落馬馬遂狂奔有數十黃旗簇擁百餘人擡以入城於是各路之賊皆喪氣而歸收隊尚在辰初其來也如潮湧其去也如山墮擊斃者必為著名賊首無疑是日賊黨數千人出北門過西津渡而去有馬四五十匹

奏稿卷九

器

轎二十餘乘婦女二百餘名受傷之賊用竹牀昇去附近百姓一概逃盡據報稱人數在六千以上悉赴瑞臨以禦兩湖之援師由是撫州之賊數稍減我軍久戰力疲亦少資休息矣伏查臨江援撫之賊前經李元度等擊退三次踴毀四營受創不為不重今偽翼貴丈黃玉崑復率大股七千餘眾來援氣勢浩大民心軍心一時大為搖動我軍竭力指持合計斬獲傷夷數在千名以外惟初十日賊因探知地道所在出其全力撲去新壘小挫一次餘皆連獲勝仗足以固士氣而折逆鋒目下兩湖援師已至瑞州賊勢全注西路等仍飭李元度圍偏撫城力圖克復以期肅清東路歷次接仗奮勇初終不懈者顯懇

曾文正公奏稿

卷九

天恩准臣等核保數人其始勤終怠者甄別數人以昭激勸所有六月十二日至七月十三日撫州攻勦各情理合據實馳奏伏乞

皇上聖鑒訓示施行謹

奏

硃批知道了著查明舉劾欽此

奏稿卷九

呈

水師疊獲勝仗摺 咸豐六年八月初七日

奏為水師疊獲勝仗恭摺馳奏仰祈

聖鑒事竊江楚水師分布各路使水賊不致蔓延先後收復豐城南康郡縣業經陸續奏報在案該逆自去冬今春攻陷吉袁瑞臨等府因水路不得逞志於我遂於吉安臨江瑞州三府修造戰船於臨江鑄造礮位又復煎硝製藥採鐵鑄子勒派鄉官多設分局議定秋間大舉圍撲省城上游瑞臨之賊船出而下竄下游湖口之賊船入而上犯冀圖困我水師於中段六月二十五日該逆於生米司築立賊壘二十七八等日於塘頭垓萬壽宮瑞河口築立賊壘七月中旬又於臨江河口築立賊壘其

奏稿卷九

在塘頭垓者去省城不過數里逆旗逼於沙井一水僅隔猖獗已極七月初四日等派陸軍渡河攻勦踏毀賊營另於瑞州案內具奏其在生米司瑞河口臨江河口者深溝高壘密排礮位專擊官軍船隻而護瑞臨賊舟為衝出省河之計七月初一日賊由松湖帶戰船三十餘號陸賊千餘將抵瑞河口該處經我軍先釘排樁僅容一船出入是日辰刻江軍水師劉于濬派李鴻泰等相機進勦傍山迎敵該賊船身笨重甫近排樁被我軍哨官陳元勝唐書麒衝鋒直入百礮轟擊火器並舉各哨船兩路分追擊斃溺斃之賊各數十名熊吉華管帶小划督勇登岸殺斃陸城多名餘賊逃避山中其燒燬賊匪大快蟹船二號奪

獲大戰船二號舢板小划三號大礮十二尊子藥旗幟無數其

生米河沿之賊被楚軍前營游擊劉國斌礮船日夜轟擊新附逆黨不肯入壘因初一日水師有瑞河口之捷初三初四陸軍有瑞州之捷沙井之捷賊眾膽寒遂於初五夜棄營而遁我軍追奪大礮四尊火藥五十九桶大小子彈鎗械旗幟尤多此水師獲勝瑞河口及生米賊營逃遁之情形也七月二十七日記名道劉于濬親督守備李鴻泰李逢春蔡康業等營戰舟小划前往臨江河口巡哨該逆於南北兩岸堅築礮台二座外設浮橋內開木板又於襄河為連珠小礮台五座劉于濬傳令往樟樹鎮會齊派李逢春等船六號竟上吉安河以為疑兵派曹篤

奏稿卷九

清等船六號上前引賊派黃金彪等緊傍北岸以便入營放火曹篤清等至浮橋口門彼此開礮賊堅壁不動我軍佯為膠淺回船退走賊果擁出口門乘勢追趕我軍小划隨即進口一面斬斷浮橋曹篤清等六船一擁直前李鴻泰左營各船脚尾進勦李逢春等從南岸上牆放火黃金彪等從北岸上牆放火謝鳳高張桂林之陸勇分投登岸水陸夾擊賊不能支我軍將賊船圍在河心進退無路殺斃擊斃溺斃之賊約四百名奪得大小戰船九號大小礮位四十七尊火藥礮子百餘石大小黃旗五六十面奪米煤船十三號燒燬數十號割取偽元帥王姓首級偽印兩顆二十八日探得賊匪尚餘礮船五號退守臨江城

下劉于潯派舢板船王炳等徑入內河囑令見賊即退暗派李
 逢春等帶陸勇伏於南岸隄下賊見我軍船少果水陸來追我
 軍佯退隄下伏兵忽起賊船退敗我軍回棹返追閻廷臣躍入
 賊船鎗礮齊開斃賊甚多陸賊見事急自上游厲水前來救援
 我軍縱火焚賊划二十餘號奪獲大礮六尊煤米船十餘號子
 藥十餘石此二十七二十八日劉于潯水師獲勝掃除臨江河
 口賊壘之情形也下游水師之駐紮吳城者自六月收復南康
 之役久未接仗七月二十七日惠潮嘉道彭玉麟帶後營嚮導
 營赴下游巡哨行九十里已刻至南康循東岸而下遙見謝司
 塘逆旗招展陸賊上犯賊舟亦自西岸神靈湖列陣而出彭玉
 麟率各營哨仍自東而下將鈔尾而兜擊之賊船斜趨而西彼
 此橫列一字陣對敵逾時賊舟敗北我師乘勝窮追直至屏風
 去吳城老營已隔一百三十里捩舵收隊行不數里南風忽起
 該逆見我軍遠來勞乏又見南風之不利於退師也遂回棹返
 攻極力猛撲子如驟雨我軍亦停棹對擊礮煙蔽空湖波大作
 軍心搖惑幾至不支彭玉麟傳令大舟下旋與之坐戰陣腳稍
 定各舢板亦回頭奮擊銜枚無譁千礮雷震賊勢蹙復敗我軍
 揚帆佯作欲追之勢實則靜待以觀其變待賊舟奔北已逾二
 十里始行捲塘收隊五更乃抵老營此吳城水師巡哨南康接
 仗之情形也伏查江西水賊以湖口逆舟最為凶悍而吉安臨

曾文正公奏稿 卷九

江瑞州三處造船鑄礮各治水軍以圖上下夾擊因我省垣譎
 謀毒計深堪髮指臣等派彭玉麟駐吳城以防湖口之賊劉于
 潯駐豐城以防贛河臨江河劉國斌駐市汊以防瑞河茲幸仰
 仗
 天威數戰俱勝奪獲礮位至六七十尊之多從此瑞臨兩河賊
 舟不足為害上游漸易肅清記名道劉于潯自督帶水師以來
 無戰不勝以寡禦眾士卒樂為效命籲懇
 天恩賞戴花翎以示鼓勵其麾下出力員弁及彭玉麟麾下屢
 戰出力之員可否容臣等核保數人出自
 皇上天恩傷亡弁勇查明照例辦理所有水師迭獲勝仗緣由
 恭摺由驛馳奏伏乞
 皇上聖鑒訓示施行謹
 奏
 奏稿卷九
 完

專催崑壽赴江南并及江省軍情片咸豐六年八月初七日

再臣等於八月初三日承准軍機大臣字寄七月十七日奉

上諭現在廣東赴援江西之兵已有壽山謝焜孫福同等管帶

著即飭令崑壽徑往江南丹陽軍營藉資攻剿該提督克復和

平後是否已由江西折回改由海道前進或已出粵境行抵江

西著葉名琛柏貴曾國藩文俊確探該提督現在何處傳旨催

令迅赴丹陽毋稍延誤至江西省各路援軍漸次雲集南康饒

州兩府城已報收復建昌撫州亦獲勝仗大局當有轉機且逆

賊麇聚江南則江西境內情形較鬆曾國藩等務宜乘此機會

激勵將士將臨江瑞州等府次第克復此次軍金科攻克饒州

尚能奮勇著令隨剿隨進毋得株守一隅專待外省援兵致稽

時日等因欽此臣等於七月十七日接贛州鎮道來文尚無提

督崑壽入境確信茲欽奉

諭旨臣等即恭錄咨明專派把總曾耀坤繞道馳赴贛州確探

崑壽行營投交催令迅赴丹陽毋稍延誤至江西賊勢之浩大

黨類之眾多臣等於二月二十一日覆奏一摺業已縷晰言之

厥後三月初間逆首石達開竄擾皖南帶去男婦三萬餘人然

所帶者多係江西新擄之民非盡兩廣久從之賊江西賊勢仍

未見其衰落八郡名城久被淪陷南康雖經收復尚無陸兵駐

守刻下贛州建昌饒州三府各有兵勇數千撫州瑞州袁州三

府各宿重兵將近萬人兵力不為不厚糜戰不為不苦殺賊動

以千計自損動以數百計不為不多而迄未能克復要郡挽回

全局固由臣等調度之乖方亦足見此賊以全力圍困江西未

嘗有一處之瑕隙一日之鬆懈也臣等查閱俘獲偽文參核各

處探報賊首之在江西主持軍務者自去年十一月至本年二

月底以偽翼王石達開為主三四五月以偽翼貴丈黃玉崑為

主六七月後以偽北王韋昌輝為主如九江之林啟容瑞州之

賴裕新湖口之黃文金皆著名劇賊撫州之三檢點建昌之張

三和袁州之李能通雖不甚著名亦復謫謀百出堅悍異常統

計江西境內廣西滿髮老賊與廣東湖南新附之賊約在四萬

以外本省甘心從逆之匪約在三萬以外而皖鄂兩省上下往

來之賊不在此數臣等忝列戎行惟當壹意鎮靜化大為小以

安軍民之心何敢稍涉張皇然賊勢之多寡軍情之輕重亦當

悉心考究又何敢稍事含糊反蹈諱飾之咎所有專弁咨催提

督前赴江南及江西近日軍情理合附片覆

奏伏乞

皇上聖鑒謹

奏

硃批知道了欽此

曾文正公奏稿

卷之十目錄

查明吉安殉難員弁請卹摺

咸豐六年八月初七日

圍攻瑞州收復靖安安義二縣摺

八月三十日

邊錢會匪圍攻廣信浙兵援剿解圍摺

全日

閩兵援剿建昌府前後獲勝情形摺

全日

瑞州一軍九月接仗情形摺

十月十一日

撫州老營被賊撲陷摺

全日

贛南匪勢蔓延請添調粵兵摺

十一月十七日

謝湘鄉加學額 恩摺

十一月十七日

謝弟國華以同知選用 恩摺

全日

江西近日軍情據實覆奏摺

全日

瑞州奉新攻戰情形摺

全日

湖南援師克復袁州府摺

全日

湖口等縣團紳請獎片

查明吉安殉難員弁請卹摺 咸豐六年八月初七日

奏為查明吉安陣亡殉難文武員弁請旨從優議卹恭摺奏祈

聖鑒事竊照吉安府城於本年正月二十五日被賊攻陷業經

臣文俊繕摺

奏報嗣

等於三月二十六日承准軍機大臣字寄欽奉

上諭文俊奏吉安失陷一摺臬司周玉衡理問周恩慶遇害情

形著曾國藩文俊確查再降諭旨其闔城文武如何下落一併

查奏等因欽此欽遵行局查明詳辦在案查吉安府城於咸豐

五年十一月二十日被圍逆匪愈集愈多百計圍攻經臬司周

玉衡督同道銜吉安府知府陳宗元前任吉安營參將柏英及

在城文武員弁兵勇登陴堅守晝夜嚴防十二月初八日該逆

用地雷轟塌西門月城經周玉衡等督率士卒奮勇堵截立時

搶築完固斃匪多名賊眾屢次用雲梯四面來攻均為我軍擊

退每次殺賊三四百名不等並乘賊不備開城出勦迭有斬擒

焚營多座該逆聚眾數萬圖攻益急距郡周圍數百里外皆為

賊踞接濟阻絕援兵久頓泰和以致城中食用俱竭勢雖十分

危急而士卒齊心不稍懈怠詎本年正月二十五日被賊復用

地雷轟塌城牆逆眾拚死蜂擁衝入周玉衡陳宗元柏英與同

知銜吉安府通判王保庸推升湖北興國州知州現任廬陵縣

知縣楊曉昀提舉銜准升知縣署吉安府經歷余焯吉安府照磨胡瀚吉安府教授余步蟾准升知縣廬陵縣丞呂承恩廬陵縣典史章德懋國子監學正銜廬陵縣教諭李傳心訓導吳櫟浩推升浙江處州鎮標右營游擊萬安營都司馬福壽署吉安營守備揀發都司克什布周玉衡之子江甯布政司理問周恩慶六品軍功頂戴試用縣丞周自新六品軍功頂戴直隸候選訓導張滋六品軍功頂戴浙江生員范雲程六品軍功頂戴即補縣丞秦振元准升清江縣知縣王見周湖北舉人李鴻鈞候補未入流孟國觀陳宗元之子監生陳世濟署興國營千總顧標左營候補把總武舉張捷魁顧標中營署守備蔡元陞署

奏稿卷十

把總事外委李得魁左營兼署千總事本營把總吳廷瑞把總藍珩外委千總鄺昌貴後營把總戴文斌外委黃萬成吉安營千總謝明亮額外劉起元劉效熊准發臨江營候補外委武生鄧家璧已革准升德化縣知縣本任吉安府經歷林蔚六品軍功頂戴王虎臣直隸俊秀程虎炳九品軍功頂戴秦登元已革甘肅涼州鎮標外委千總韓衍彬督兵力戰柰寡不敵眾均遭戕害周玉衡陳宗元楊曉昀遇害尤慘兵勇紳民被戕甚多時示豐縣縣丞候選知縣萬慶章在郡辦理支應局務知城已失陷將縣丞鈐記交家丁嚴義密藏身邊囑令前赴鄰郡呈繳該員即在府義倉後投井殉難茲據總局司道以迭據各該員家

屬稟報具詳請

奏前來臣等伏查吉安被圍兩月有餘逆眾數萬百計攻撲經在城文武悉力守禦殲擒多賊乃因城牆兩次轟塌以致失陷該員弁或臨陣捐軀或從容殉節大義凜然該員弁等前次搶護缺口出力曾經臣文俊奏奉

硃批查明彙保欽此臣文俊當即逐加酌覈臬司周玉衡擬請加布政使銜陳宗元擬保以道員補用柏英擬加副將銜王保庸擬保以同知補用楊曉昀擬保以知府升用馬福壽擬保以參將用周恩慶擬保以知州補用周自新擬保以知縣補用張滋擬保以知縣即選范雲程擬保以從九品即選秦振元擬保

奏稿卷十

以知縣補用王見周擬加同知銜陳世濟擬保以縣丞選用黃萬成擬保以千總拔補張捷魁擬保以千總補用王虎臣擬保以府經歷即選程虎炳擬保以從九品即選秦登元擬保以從九品選用林蔚擬請開復准加知縣韓衍彬擬請開復外委正在覈辦旋聞該郡業已失陷是以未經出奏合無仰懇逾格

天恩均照擬保官銜

敕部議卹余焯胡瀚余步蟾呂承恩章德懋李傳心吳櫟浩李鴻鈞孟國觀克什布蔡元陞李得魁吳廷瑞藍珩鄺昌貴戴文斌謝明亮劉起元劉效熊鄧家璧萬慶章俱請交部從優議卹周玉衡久任贛南堵勦粵匪力衛邊疆素著聲威士民感戴並

請於吉南贛三府各建專祠陳宗元等均於吉安祠內附祀以慰忠魂而勵節義除飭查各署殉難眷屬幕友姓名及兵勇名數另行辦理外所有查明吉郡陣亡員弁請卹緣由謹合詞恭摺具

奏伏乞

皇上聖鑒訓示謹

奏

奏稿卷十

四

圍攻瑞州收復靖安安義二縣摺 咸豐六年八月三十日
奏為官軍圍攻瑞州屢獲大勝並分支出剿奉新收復靖安安義二縣恭摺奏仰祈

聖鑒事竊照湖北援師自抵瑞州等派兵四千前往會合七月內屢獲勝仗業經具奏在案八月初一日偽指揮黃姓糾集臨江奉新安義武甯義甯各處逆黨併合城內大股號稱四萬四路擁至旗分五色排列山岡黃旗一股對我湘營紅旗一股對我寶營白旗藍旗二股對我省兵五營青旗及雜色鑲旗一股伏在樹林之間我軍派定隊伍靜以待之賊亦排立不動相持約一時許另有青旗一股從東北數里外風馳雨驟而來截

奏稿卷十

五

我軍之後路排列山岡之賊呼聲震天直撲我軍待至濠外我軍一齊衝擊而賊勢浩大前者已殲後者不退黃旗已卻紅旗又至青旗一股更為兇悍我湘營以數人翼蔽劈山礮俟其逼近則轟擊之退而又進又指擊之賊陣大亂棄甲狂奔有數百賊撲平江營者戀戰不退幾欲摩壘而入我軍以數營追逐敗賊而以二營迴鈔平江營前之賊之尾圍此數百逆匪於垓心千矛叢刺黃埃般地官軍與賊隊混亂將不可辨悍賊露刃外向衝出重圍者近五百人殲斃者二百餘人其大隊分追敗賊馳逐奉新之西道分投擒斬橫屍遍野棄械塞途窮追三十里而返訊據生擒賊供號稱四萬實一萬餘人廣賊數千極為驍

悍本日被殺約計千餘此八月初一日瑞城之匪與援賊合攻我營迎戰大勝之情形也赴援之賊一經敗潰即欲分歸各處初三日偽將軍石姓自九江來援勒令敗賊仍回瑞州於東北大路夾立營盤五座與城內之賊為犄角欲斷我軍通省之路楚軍劉騰鴻普承堯與省兵營務處彭山肥羅萱等商議援賊初敗其眾已餒石姓新到之援強之同戰志氣未一壁壘未堅宜速戰以挫之定以楚軍之湘後營寶中營自守營盤以防城內賊黨之出犯而以湘中營寶右營與省兵五營者往攻東北援賊之營劉騰鴻志省兵不可深恃親率楚軍三百人者與之偕往初四日黎明出隊行未三里該逆蜂擁而至恃其眾倍於

秦稿卷十

六

我大圍包鈔漸逼漸近悉銳以撲劉騰鴻之師三百人者植立如樹不進不退寂然無聲該逆大呼動地我軍不之應火器如雨亦不之應待其撲近乃發劈山礮殪其執旗賊目賊稍卻則三百人者植立如故又近又殪之如是者凡六七次賊氣稍沮省兵得勝軍躍馬衝陣各營併力齊進賊遂敗退追至小橋忽卓旗排立我師斬其先鋒二名追至牆下賊又排立劉騰鴻率三百人者繼至乘勝一呼破其大壘一座火毬齊擲煙燄障空各壘驚惶又連破其四座敗賊擁聚一處我軍以一隊橫截之紛紛四竄追殺而還方悍賊卓旗排立之時城內之賊出撲官軍營壘湘中營寶右營飛馳回救我進則賊卻我稍暇則

賊仍進更番迴合至三時之久直待劉騰鴻與省兵五營者盡踏賊壘追賊歸來然後併力以擊城內之賊始獲全勝日暮收隊此初四日城外續添援賊我軍大獲勝仗踏破賊壘之實在情形也得此兩戰軍心大定援賊竄歸各處省城之路無梗江西兩湖遂獲疏通矣初六日我軍派隊渡河禁南城之民與賊貿易誅運送賊糧者五人西門出賊千餘來爭我軍迎擊驅而敗之初九日賊出二三千人分撲湘營寶營劉騰鴻普承堯督隊堵擊該逆反奔河沿甚窄遂徒步而涉以趨南城河干竹簍賊之預防我軍者至此反以自刺南城先有伏賊千餘突出來援我軍乘勝涉水追之矛擲港內殲斃無數十一日北城出賊

秦稿卷十

七

二千餘撲省城兵各營西門出賊四五千分趨兩路南城出賊千餘護礮船而上我軍亦分三路應之劉騰鴻擊西南普承堯擊西北萬泰李大雄等擊北路分道揚鑼鎗礮並發鏖戰三時西南兩路相繼敗潰北路之賊望風亦退十二日賊又出數千來撲省兵各營我軍出隊施放連環鎗礮斃賊百餘人賊奔入城午刻收隊傳餐甫畢賊又來犯以千餘人出北路牽制省兵各營而出全隊近萬人猛撲劉騰鴻之湘營長髮悍賊蟻附濠外火箭噴筒迸落營中帳棚屢然即時撲滅弁勇悄寂不動相持二時該逆氣竭湘營開壁馳之賊遂大敗如山潰河決殲斃甚多訊據生擒賊供賊中間劉騰鴻分兵出勦奉新遂定計以

全力攻撲湘營自辰至午出戰一次以疲之北路另出一枝以牽綴之其注意在專撲湘營不料反為所敗等語此初六初九十一二等日接戰獲勝之情形也嗣後遂匪常出搦戰小有斬獲二十六日南城出賊千餘護礮船而上抵湘營之對岸北城西門出賊約二千橫列隄上撲省兵之營劉騰鴻以礮轟南岸之賊而令劉連捷劉芳貴由西南橫截之省兵得勝軍出擊北路之賊斃尤悍者十餘名我軍亦傷數人二十七日奉新援賊復至瑞州由西南門出五六千人抵西北隅向省兵衝突者為第一隊其抵正西接應者為第二隊其橫布西南隅者為第三隊南城仍出賊千餘護礮船以上牽制石鼓嶺之湘營劉騰鴻

奏稿卷十

八

令省兵各營靜鎮以待以湘後寶中營直搗中堅攻其第一隊自帶親兵堵擊南城并礮船一股西路之隊先到將賊之第二隊衝開踐田隴間殺斃百餘人第一隊已被我軍截斷省兵開壁逐之四圍包裹築者突圍而出殺斃者近二百人正追逐間南岸賊忽徒涉來撲分支堵之一律敗退此二十六二十七

聊生吳坤修等於七月二十五日重收復新昌縣派員於二十八日重收復上高縣停留數日搜捕餘匪八月初八日行抵奉新夜半派隊渡河至縣城北門外之獅子山守城之賊寂不聞聲各勇急欲梯城而上將近城頭則火彈齊發若預知者我軍高踞獅山對城輪放鎗礮自寅至午聲震山谷正擬暫行休息忽賊繞東城而出獅山之麓直撲我營被我軍殲斃百餘人十一日安義援賊約二三千人分為兩股一股由正東撲義武營一股排列東北山岡我軍先擊山岡之賊連斃數人正東股匪亦即卻退兩路追殺奪獲旗械三百餘件斬馘百餘生擒十七名收隊不及一時靖安援賊又來數百人亦被我軍圍殺紛紛

奏稿卷十

九

逃竄十三日吳坤修飭令守備羊瀛等堅守營壘以防城內之賊而自帶各勇馳勦靖安該逆探知傾巢逃竄當即窮追截殺後隊甚多即日收復縣城十六日復帶各勇馳勦安義先飭邑人余英慶混入城內約會被脅鄉兵舉火為號我軍抵城天向未曙銜枚渡河由南門梯城而上城內之火亦起該逆倉皇失措開北門而逃屯聚王家橋其地樹木叢雜賊旗隱見綿亘數里未幾反戈來撲我軍奮力直前開礮連擊該逆不能抵禦盡氣狂奔而民房尚有輜重小車百餘兩吳坤修恐各勇貪財行伍散亂縱火焚之申刻進城安民次日仍返奉新此吳坤修分勦奉新擊散援賊並先後收復安義靖安二縣之實在情形也

臣等伏查逆賊欲困江西必先力爭瑞臨瑞州城內本集悍賊萬餘又調各援賊撲我營壘初一初四兩次大戰關係全局甚鉅所有尤為出力人員應請立沛

恩施以示鼓勵營務處湖南河溪營都司彭山吧九江營守備萬泰均請

賞戴花翎候選訓導羅萱請以知縣歸部分班選用仍加知州銜守備銜千總滕加洪請以都司歸於湖南儘先補用藍翎把總詹榮清請以守備歸於湖南儘先補用外委黃純珍黃在玉均請以藍翎把總歸於永州鎮標補用外委黃兆麟建昌案內擬保千總尙未出奏此次奮勇捐軀請

奏稿卷十

敕部照千總例議卹其餘傷亡弁勇查明照例辦理所有瑞州官軍屢獲大勝並分支攻勦奉新克復安義靖安各緣由恭摺由驛馳奏伏乞

皇上聖鑒訓示施行謹

奏

邊錢會匪圍攻廣信浙兵援解圍摺成豐六年八月三日奏為邊錢會匪竄陷建昌廣信各屬並圍攻廣信府城現經浙兵援解圍各屬並未佔據恭摺奏仰祈

聖鑒事竊江西吉安建昌等處向有邊錢會名目以錢塗硃描金為字地方官歷經查禁而黨與已多不能遏絕漸且勾結已革之游勇新附之長髮煽聚千餘人滋事於吉安交界之區臣等接據署廣昌縣朱國幹署廣昌營都司張騰霄稟報七月十五日探有會匪竄擾南都州永豐縣連界之黃坡地方官兵接仗失利十八日竄至該縣城西門外典史周德耀之子從九周光裕抵禦陣亡經張騰霄督帶弁兵紳勇攻破隔河賊壘賊於

奏稿卷十

二十日即竄下游南豐縣境旋接建昌府何斌在籍知府張家駒稟報南豐縣於十九日告急當派閩兵及本處義勇前往會勦援師未至該縣已於二十三日失陷賊多本地會匪因四月間曾經拏辦會首林雙桂故破城之日屠戮甚慘文武各官俱無下落先經張家駒函諭該縣紳民協力規復收復之後稟請豁免錢糧眾心鼓舞聲勢甚壯賊遂於二十四夜棄城而去竄往新城縣境新城為建昌府營糧台所在何斌恐有疏虞即日帶領義勇七百名馳往防護仍調閩兵續往援應不意二十四日賊分三股蜂擁入城關廂內外四面火起在城之縣令諸葛槐縣丞馬長廡巡檢吳毓濬在籍知府楊堃父子同時殉難何

斌妻薛氏女三人胞姪何彥猗幕友陳德亮陳濟之僕婢八人全家盡節無苟免者該府何斌身被矛刺死而復甦兵勇昇至鴻門地方不食二日氣息僅屬適續調援應之建昌一軍聞兵至百餘後趕到該府帶同回縣掩殺匪黨遂於二十七日收復縣城二十九日賊由新城竄至瀘溪縣境之長興嶺即乘勢進城知縣田彬外委林長延帶兵燒燬賊營一座殺斃賊黨百餘次日賊由北門竄往貴溪此會匪擄陷建昌各屬並未佔據之實情形也復據貴溪縣令扎拉豐阿稟報八月初三日賊至貴溪四十里之杜灣初四日學政廉兆綸派令前皖南道石景芬教職郭守謙等各帶廣義勇分投迎擊先勝後敗郭守謙陣

奏稿卷十

十一

亡餘俱潰散匪黨即於是日進城該縣招集鄉兵堵擊賊旋紛紛東竄由弋陽興安一帶行走初七日即到鉛山之河口鎮焚燒房屋擄掠船隻聞該匪將分兩股一竄鉛山縣城一竄廣信府城據署鉛山縣令陳汝楨稟稱賊踞河口為境內山河所阻初九日尚未到城旋據探報該匪初十日突入鉛山隨即竄出徑奔郡城此會匪擄陷廣信各屬亦未久踞之實在情形也復據署廣信府沈葆楨稟稱該守先隨廉兆綸在河口籌辦軍餉忽聞貴溪失守因於初六日五鼓單騎馳回府城不但居民鋪戶移徙一空即兵勇胥役僕從亦皆散去當即飛函請駐防玉山之安義鎮總兵饒廷選就近赴援初九日饒廷選統帶浙兵

曾文正公奏稿 卷一〇

二千順流抵郡十一日賊亦麕集城下四門皆有賊蹤饒廷選令開東北二門出隊迎擊殺賊百餘名二十三復有斬獲賊尚未退等語臣等自聞貴溪之敗廣義軍全數潰散一面咨調玉山浙江之兵前來救援一面飛檄撫州李元度之師抽撥馳勦部署甫定接據稟報十五日浙兵大獲勝仗殲其渠魁餘匪遂於是夜全行遁去由興安竄往德興一帶廣信之圍已解河口亦無賊蹤此會匪圍攻廣信府城浙兵援勦解圍之實在情形也臣等伏查此股會匪初本不甚猖獗即旬日之間連擾數縣亦實無兵勇與之拒禦非果由賊勢之兇悍迫廣義軍潰於貴溪於是逆欲遽張裹脅愈眾遂敢圍逼廣信梗塞江省咽喉

奏稿卷十

十一

之路大局幾不可問幸知府沈葆楨先馳入城得以豫請援師與參將榮壽知縣楊昇千總胡再陞四人者立志堅守提調援師保全要郡實屬危而獲安沈葆楨係原任雲貴總督林則徐之甥又係其女婿講求有素此次守城吏民散盡衙署一空其妻亦同在危城無僕無婢躬汲爨具壺漿以餉士卒沈葆楨與楊昇等徒步登陴晝夜辛勤兩年以來江西連陷數十郡縣皆因守土者先懷去志惟汪報閩守贛州沈葆楨守廣信獨能伸明大義裨益全局除汪報閩歸於贛州案內奏請外所有署廣信府知府沈葆楨參將榮壽知縣楊昇千總胡再陞及饒廷選所帶之出力員弁可否容臣等分別保獎抑或另將浙江援師

三三

歸於浙江撫臣保奏之處伏候

聖裁訓示至新城縣在籍廣東知府楊堃知州銜署知縣諸葛槐縣丞馬長蘇州同銜極高司巡檢吳毓濟從九周光裕均請照陣亡例從優

賜卹貢生陳德亮監生陳濟之何彥猗均請照外委例

賜卹何斌一門殉難其妻薛氏及其三女均請

旨敕部旌表仍請分別官紳男婦准於殉難地方及各原籍建祠立坊僕婦照例附祀以慰忠魂監生陳廷弼手刃一賊身中五矛越宿而蘇城中紳士惟該紳僅存懇

恩賞給六品翎頂以昭激勸此外新城及各縣殉難官紳俟確

奏稿卷十

西

切查明續行具奏失事各員弁由臣文俊分別查辦所有邊錢

會匪竄陷各屬圍信浙兵來援府城圍解各情由恭摺由

驛馳奏伏乞

皇上聖鑒訓示施行謹

奏

閩兵援建昌府前後獲勝情形摺日 咸豐六年八月三十

奏為閩兵援建昌府前後獲勝情形恭摺奏仰祈

聖鑒事竊官軍於六月初旬會剿建昌府城連獲勝仗嗣因饒

州告警將省兵調回各情形業經具奏在案省兵調回之後廣

義一軍亦經學政臣廉兆綸撤回廣信其在建昌會剿者惟有

福建副將張從龍護副將陳上國等所帶援師二千六百名暨

本府之兵勇千餘人嗣據知府何斌在籍知府張家駒暨張從

龍等稟稱閩兵扼府之東南更番攻擊以防賊之內出本地義

勇在西北一帶往還會哨晝夜設伏以杜賊之外援復於南城

逼近築礮台二座即於其下開挖地道二處為明攻暗陷之計

奏稿卷十

五

六月三十日賊從水關鑽出突襲礮台守台弁勇短兵相接殺

斃執旗老賊多名賊之後隊奔潰入城張從龍等旋派守備吳

景芳伍連青勇目莊廷禮各帶兵勇分紮礮台前而身偕參

將舒隆阿各帶精兵駐紮距城半里秋水園地方派建昌營千

總楊錦斌等分探賊蹤乘機截剿自七月初旬以來分兵馳赴

二三十里外堵截九次屢有擒斬逆援斷絕賊首張三和陶文

發俱經受傷雖地道掘至城根為賊窺破壅水灌注然城中之

賊日益惶懼勢甚窮蹙正擬指日克復府城不意十九日有邊

錢會匪勾結逆黨嘯聚數千人竄擾南豐新城等縣不得不商

派閩師並本地兵勇二千餘人馳往屬縣分途堵剿此圍剿建

昌正在得手因會匪竄擾近縣郡城之圍稍弛之情形也知府何斌以新城設立糧台親率兵勇前往防護郡城軍務交張家駒等辦理維時城內之賊見官軍紛紛調撥計圖內外夾攻撲我營壘張家駒等探知即與張從龍陳上國商議嚴防並籌截擊二十七日宜黃援賊果分兩路而來一由西南麻源偷撲張從龍後山一由西路黃堂廟夾擊圍營之左城內之賊亦分三股而出張從龍以山後賊至揮軍出迎先據山巔立刺數賊餘黨滾跌下山自相踐踏死者甚多西路賊眾經圍營分軍擊敗復與西南之賊會合張從龍躍馬指揮刀矛齊進賊遽逃竄入城其出南門之賊正思接應經圍軍另枝截住遂併股衝突勢極兇悍我軍迭開連環鎗礮該逆冒煙直撲而來陳上國手刃一賊將弁齊赴先斬執大黃旗賊目乘勝追北其出東門者經建昌隔岸兵勇截擊其後圍省興化泉州兩營夾攻其前次第敗竄合計殲賊近六百名圍營之功為多奪獲大旗幟槍械五十餘件此二十七日官兵分調他縣賊匪乘虛撲營擊勦獲勝之情形也二十九日賊復由東門渡河武生張烈趙金彪會興化營迎擊敗之八月初一日復分兩路出城官軍分頭夾擊圍營外委留瑞英奮勇爭先中伏殞命圍兵憤怒追擊直逼南門城下共殺斃三百餘人生擒二十一人初三日黎明復傾巢出戰為官軍所敗午後偷渡東岸餽運糧糈復經東營兵勇擒斬

數人此又連日獲勝之情形也臣等查建昌之賊嬰城固守圍師百道圍攻該逆勢已不支乃因邊錢會匪突起大軍分調四出即勾引外援出城衝突幸我軍連獲勝仗足以寒賊膽而定人心目下撤調外縣之師已回郡城臣等又派都司張大雄道庫大使李熙瑞帶領標龍泉兵勇六百餘人前往協勦嚴飭各軍誓必力破此城以冀全局之轉外委留瑞英衝鋒殞命請從優照把總例賜卹以慰忠魂其餘傷亡弁勇查明照例辦理所有圍兵援勦建昌前後獲勝情形理合具摺馳奏伏乞皇上聖鑒訓示施行謹

奏稿卷十

十六

奏

奏稿卷十

十七

瑞州一軍九月接仗情形摺 咸豐六年十月十一日
奏為瑞州一軍九月接仗情形及上高縣再被賊擾旋即收復
恭摺馳奏仰祈

聖鑒事竊瑞州一軍八月二十七日以前迭次勝仗業經具奏
在案嗣據副將普承堯候選同知曾國華候補直隸州劉
騰鴻稟稱二十八日賊出西路搦戰旋分股往北向省兵營衝
突我軍寶營湘中營出隊擊之賊防寶勇之橫截也仍退聚西
路官軍兩路夾擊賊敗走劉騰鴻昇礮叢伏樹林中擊卻之九
月初三劉騰鴻劉連捷由南城外直趨飛蛾亭朱祖貴劉芳貴
率寶營由金川門入時甫五鼓飛蛾亭守卡之賊數百均枕戈

秦稿卷十

酣睡我軍圍而殲之燒濟賊之戶百餘家初十日賊由西門出
隊伏於城北田畔省兵五營出隊擊之賊即敗走方追殺閭田
畔賊伏突起迴合十餘次鎗礮對轟傷亡相當新保守備詹榮
清腹中礮子次日殞命寶營朱祖貴劉芳貴出隊橫擊賊陣潰
亂申刻收隊十五日西門出賊二三百人護礮船上犯北城出
賊約二三千意在撲省兵營劉騰鴻派黃澤遠擊賊之正兵
自率後營由河岸趨西門橫截之昇大礮堵擊賊船瑞州城內
多廣東老賊鎗礮最準劉騰鴻亦以火器擅長往往傷斃二三
百名而賊隊堅立不退我軍有受傷者亦堅立相持未刻收隊
賊忽回頭搦戰劉騰鴻之親兵素稱驍悍莫不一以當十刀矛

摩夏有聲賊遂紛紛奪路入城此九月十五日以前接仗獲勝
之情形也 國藩以九月初三日赴瑞州軍營二十日仍回省
河在瑞周視城垣履勘各路與各營官熟商必須先斷南路臨
江之接濟而後可以困賊自二十日後連朝大雨河水盛漲賊
之礮船不時上衝石鼓嶺擾湘勇各營之後二十七日普承堯
曾國華劉騰鴻等因南路之陰岡嶺傅家墟等處係臨江各賊
接濟之藪即飭黃澤遠劉連捷兩營往剿二十八日賊窺我分
兵遠出遂來撲犯老營西門出賊二千伏樹林中南城賊數百
護礮船上衝營壘劉騰鴻昇大礮至河岸截擊賊船普承堯率
寶營擊樹林之伏千礮萬鎗聲如墮牆積年悍賊專以持久為

秦稿卷十

得計直待傷斃數百始紛紛鼠竄入城二十九日賊黨復出搦
戰與二十八之戰相似特為時更久燈初乃克收隊三十日賊
復以戰船上犯而陸賊數百出南城外縱燒民房又二千餘人
出西北縱燒民房撲省兵之營壘適黃澤遠劉連捷兩營前日
出勦陰岡嶺傅家墟者自南路歸來南城之賊即遁竄入城曾
國華劉騰鴻分兩路飛趨西北賊遂敗退我軍追逼城下已過
小港鎗礮對施刀矛互進城上礮子密如驟雨我軍後背港水
無地可退壹意噤聲力戰賊知不能敵全數奔退此九月底三
日苦戰之情形也當我師之全集瑞州也後路之新昌上高二
縣時有逆匪回竄前經吳坤修迴勦一次而上高之賊復來竄

踞知縣傅自銘招募壯勇五百並請新昌縣令沈曦添撥錦字營勇協同勦辦九月十六日傅自銘正欲進勦適有湖南候選同知凌煌壽帶領平江勇二千餘名來江卽商請同往上高協助十七日傅自銘凌煌壽率平江勇由北路進新昌撥魏大伸高祥霖兩營由南路鈔擊十八日馳抵上高逆匪大隊由西門來撲傅自銘會督平江勇奮力出戰魏大伸高祥霖由南路夾擊鏖戰三時我軍大勝奪獲馬匹器械多件不意又有臨江援賊數千拚死堅拒愈殺愈多平江勇眾寡不敵卽時潰散傅自銘手刃數賊力竭陣亡所有印信交家丁呈繳藩庫此上高縣接仗小挫之情形也會國華劉騰鴻等以上高爲瑞軍後路不可令寇氛梗阻卽派黃澤遠朱祖貴周福昆等三營二千人於十月初三四等日進勦上高連獲勝仗克復縣城先後稟報前來臣等伏查江西各府久陷逆賊據城死守堅不可拔智窮力困焦灼難名然瑞州通接兩湖扼據西路中段但使此軍屹然不動大局終有可轉之機上高縣知縣傅自銘上年到任未及一月卽已失守此次募勇勦賊勉贖前愆力戰殉難深堪憫惜顯懇天恩交部照知縣例從優議卹新保守備詹榮清應請照例賜卹以慰忠魂傷亡弁勇查明照例辦理所有瑞州一軍九月各勝仗及上高縣被賊擾旋卽收復各緣由恭摺馳奏伏乞

奏稿卷十

三

奏稿卷十

三

皇上聖鑒訓示施行謹奏

撫州老營被賊撲陷摺 咸豐六年十月十一日

奏為撫州一軍分兵克復宜黃崇仁郡城老營被賊撲陷現在併紫崇仁恭摺馳奏仰祈

聖鑒事竊同知李元度林源恩分統江楚兩軍圍攻撫州屢獲勝仗迭經具奏在案自七月十三以後偽翼貴丈黃玉崑率大隊以去城中留廣賊不過三千餘人不常出戰戰亦小有斬獲無甚勝負我軍因四五兩月傷亡過眾又以盛暑鏖兵熱溼鬱疾疫至千餘人之多八月中旬有邊錢會匪隨同粵匪自建

奏稿卷十

三

李元度與林源恩商議撫建之賊以宜黃崇仁為來路取宜黃則建昌之賊源可斷取崇仁則撫州之賊源可斷此搃吭拊背之計也因於九月初二日分兵四營先勦宜黃初四日五岳營舉人陳大力帶兵先到城外賊即出城迎敵被我軍轟斃刃斃十餘人賊將望城返奔陳大力督率哨官彭厚坤等搶佔縣城東關之大通橋斷賊入城之路賊見歸路已絕沿港斜趨訓導郭式源率勇續至復斃十餘名賊竄南關守備伍連魁知縣鍾世楨等截殺二十餘名知縣傅培峯縣丞曾毓璋等亦追殺十數名陳大力簇擁入城城內守賊紛紛由北關奪門而逃即將縣城收復乘勝遂赴崇仁崇仁有民城與官城相間一河中有

大橋其形勢與瑞州相似賊踞城中重關鐵鎖繚以短垣木石堆積鐵鏡密布百長鍾連升等衝入橋邊伏賊突出短兵相接

身被重傷守備劉長培率二哨晷水過河城上礮石並施相持兩時之久彭厚坤李富廷童梅華等首先梯城砍倒點礮二賊親兵羅順高力開城門各營蜂擁而入殲賊百餘賊黨由北門逃往臨江復追殺數十名查點城內積穀萬餘石子藥數十石火箭噴筒數十隻知縣費兆鎔等隨同入城此九月初四日收復宜黃初九日收復崇仁之實在情形也當我軍之分勦宜黃崇仁也撫州之賊無日不出城來犯初六日全隊來撲犯江軍者呂克生率八哨禦之鎗傷百餘賊五音營由懸鶴嶺至城邊

奏稿卷十

三

破屋鈔擊犯楚軍者四股約千餘人連礮指擊賊退伏樹林另股三百人踞左營之空壘周岐山迎勦李元嘉繼之三進三誘賊遂折回墩下是日兩軍共傷賊三四百名我師亦傷亡九十人初八日大霧漫天城賊分路來撲一由清風門出至隄上右護軍在卡上轟礮禦之該逆敗竄繞至南門左護軍迎勦營官耿光宣嚴督隊伍且轟且進礮煙與晨霧相迷隨煙搶進不期已近城根耿光宣被城上礮子中腹穿髀登時陣亡該營憤管帶官殉難愈憤不退縱橫馳突賊遂敗竄其犯楚軍者周岐山李元嘉出隊鈔截該逆退近城隄復進犯中營李元度派丁峻迎擊百礮對轟賊之火箭雨集我軍據卡不動連斃大旗數

賊賊退追擊傷斃者七八十人哀尸滿地我軍亦傷亡四十餘人初九日辰刻賊復出犯盡萃於江軍之左營蓋探知營官耿光宣新失故也江軍衝出交矛對壘鎗礮已紅挑水漬之良久賊退李進發等搜殺鎗斃一黃馬褂賊目是夜賊驚江軍之左營火彈噴筒飛入牆內我軍出兩哨潛鈔擊卻之初十日賊又撲江軍以二百餘人牽制楚軍江軍出隊直衝賊又敗潰追上懸鶴嶺鏖戰一時楚軍派五哨應援賊乃悉退十一日賊復來犯楚軍礮斃三賊江軍出隊轟擊賊折入左右營舊地周岐山三往三返傷賊數十賊遂潛伏已燬之民房穴牆開礮傷斃我軍七人李元度率後哨從田隴斜截賊黨驚奔我師追擊賊輒

秦稿卷十

五

兵愈單弱矣十六日城賊大舉出犯我軍迎擊斃賊三十餘名賊不退亦不進而援賊千餘人從流坊過河意圖夾擊官軍李元度等急派鳳字營及左護軍四哨往截賊忽從下游近城處偷渡水淺河寬不能截住援賊遂與城賊合犯江軍李元度林源恩並都司唐德陞親自衝鋒鏖戰竟日殺傷相當援賊一股進城一股分擾河東而省城道路遂梗十七日城賊出犯先分三支撲楚軍中營經彭斯舉等擊敗另支圍撲江軍經唐德陞親兵擊敗奪黃旗十四五面斬首四十餘級忽大股援賊又從流坊過渡合圍江軍將附營民房一律縱火煙燄障天火箭火彈紛入營中唐德陞躍馬衝突手刃十餘賊馳赴中營入覘林源恩時右營已火起矣林源恩曰今日全營必陷此吾死所也誓不出營唐德陞不忍林源恩獨死而已獨生遂麾親兵出壘而囑其姪以報讐為念從容與林源恩同死兵勇死事者計三百人糧台委員從九周尚桂等殉焉李元度先率陳英吳修鼓李昇平等往救林源恩勢已無及回營則賊來愈多四面合圍李元度將聚軍裝縱火自焚親兵挾之上馬與陳英丁峻吳修鼓李昇平鍾輔朝單綏福等併力突圍而出因與都司周岐山定計直趨崇仁崇宜兩處尚有左右兩營志同奮勇等軍益以許灣彭大壽之師計完好者尚有七營四千餘人暫駐此處招集潰散重加整頓以圖再振此十七日撫州老營被賊撲陷

秦稿卷十

五

併紫崇仁之實在情形也現在撫州敗卒之回省者收輯潰散
 另編隊伍其赴崇仁者由李元度重加整輯二十九三十等日
 撫州大股前往撲營均經力戰擊退追奔二十餘里據李元度
 等先後稟報前來臣等伏查撫州一軍大小五十餘戰除五月
 初五七月初九兩次小挫外餘俱獲勝三四五六等月各府之
 賊萃於該郡尚能肅清東路外通江浙內蔽省垣惟此軍是賴
 厥後傷亡過多暑疫交臻臣等慮其疲乏致挫札飭全軍退駐
 七里岡李元度志在破城堅不肯退九月克復宜黃崇仁兩縣
 方期軍威更振終可斷賊援而復名郡不圖分兵太多復值景
 德鎮另股援賊突至遂致挫敗即選同知李元度調度失宜請
 旨革去花翎同知仍以知縣降補至殉難之湖南補用同知直
 隸州林源恩忠憤填膺見危致命前在平江任內倡團保境力
 遏寇衝自調赴大營後每戰身先應請
 賞加道銜即照道員例
 賜卹湖南卽補都司唐德陞樸誠驍勇從容就義有烈士風應
 請照游擊例
 賜卹副貢教諭耿光宣忠勇廉明前此擬保知縣加同知銜尙
 未出奏應請照同知例
 賜卹卽選從九品周尙桂請照縣丞例
 賜卹以昭激勸而慰忠魂其餘陣亡兵勇查明照例辦理所有

撫州一軍分兵克復宜黃崇仁老營被賊撲陷現在併紫崇仁
 緣由恭摺由驛馳奏伏乞
 皇上聖鑒訓示施行謹
 奏

奏稿卷十

七

額南匪勢蔓延請添調粵兵摺 咸豐六年十一月十七日

奏為額南各屬土匪鄰匪勾結滋蔓兵力不敷分勦請

旨救下廣東督撫添撥勁旅接濟軍餉以資勦洗恭摺具奏仰

聖鑒事竊照額南郡解圍並各屬勦辦情形業經臣等繕摺奏報

並咨行該鎮道會督諸軍設法攻勦在案茲據廣東潮州鎮總

兵壽山署額州鎮總兵阿隆阿護理吉南額甯道汪報閩暨各

府廳縣先後咨稟六月十九日起至二十五日派撥兵勇分攻

西南路之老虎坑盤龍墟馬坳等處股匪並添撥田勇助勦將

該三處賊營先後攻破焚燬殺賊三百餘人餘匪逃散二十六

日會撥江粵兵勇分勦沙河樓梯嶺之賊均獲小勝並於興

國江口地方擊沈賊匪米船三隻淹斃匪黨三十餘人奪獲匪

船五隻二十九日以後分攻樓梯嶺沙河畫眉瀧沙石鋪俱

獲小勝斬獲首級二十九顆生擒八名其南康之塘江一帶亦

經已革知府周汝筠進勦連獲勝仗道路已通七月初十日探

知南路來賊六七百人捲旗息鼓欲偷越西岸山背下竄該鎮

道即派兵分伏密林山坳以待賊眾窺見驚懼回竄兵勇乘勢

追殺斬賊三十我軍亦傷亡數人該鎮道以官軍進勦南路賊

匪須先走十餘里賊轉以逸待勞於十三日派彪勇赴離城十

里之高樓地方分紮水陸兩營自八月初間以後連日分攻南

路各匪斃斃一千餘人割取首級耳記九百餘件焚燬下寨灘

等處賊巢二十餘處大南坑等處賊匪棚寮四十餘處九月初

四日江粵各兵勇會出大隊賈勇過河將樓梯嶺賊巢焚燬擊

殺賊匪甚多內有騎馬賊目三名斬取首級一百三十七顆髮

長一二尺者居半又耳記五十三件奪獲大銅礮一尊旗幟刀

矛多件初五日攻勦從埠沙河嶺之賊亦有斬獲其樓梯嶺附

近之砂石鋪大埠華林寺均為賊藪現籌勦辦並令東莞勇及

守備孔慶林所帶兵勇留於南康縣協勦會同該縣田勇屢攻

附近潭口之黎邊王村殺賊千餘人賊巢焚燬大半武舉匡化

隆等之勇及續派彪勇廣勇進勦下游之賊於武索大王廟大

廖石華山並萬安縣城下連獲勝仗殺賊三百餘名生擒四十

餘名奪獲賊船三隻擊沈八隻淹斃匪黨百餘人又獲大礮二

尊烏槍旗械一百餘件此額南連日分路攻勦之情形也定南

廳地方於五月初六日有廣東和平縣逆匪翟火姑率其黨與

六七千竄入廳境初七日圍攻廳城愈聚愈眾數至萬餘經代

理定南廳姚世恩會同把總歐陽劍督率兵勇居民竭力固守

該逆攻撲二十餘次幸兵民同心屢次擊殺統計斃匪七百餘

人二十八日該逆由東門挖掘地道轟倒城牆五丈餘姚世恩

等督飭兵民堵禦殺賊四五十人槍礮轟斃無數立將缺口修

築完固我軍陣亡七名該逆復在西南二門挖掘地道姚世恩

等察出飭令兵勇破其地穴殺賊十人六月初八日由府派往
援剿之候選同知周炎帶龍南勇二千名行抵廳境姚世恩遂
令各堡鄉團協力助剿逆匪分股屯聚天花寺地方堵我援兵
來路十七日周炎會同署橫岡營都司吉勒通阿督帶兵勇並
五戶村團勇直入賊營斃賊匪多名餘匪敗退長橋地方十九
日周炎進攻長橋詎該逆先令黨與五路埋伏突起襲擊我軍
失利周炎將勇撤回龍南設法整頓再圖進剿自援兵敗後逆
燄愈張勾結鵝公墟天花寺土匪約有數萬之眾二十三日圍
攻橫岡營時下歷司巡檢孫雲錦先期前往月子江一帶催收
捐項接濟軍餉都司吉勒通阿外委趙雲龍督兵守禦寡不敵

奏稿卷十

眾被匪撲入營內兵勇傷亡多名吉勒通阿等各受重傷退紮
運腦地方嗣經姚世恩等齊集各堡田勇連日設法勦洗七月
初十日該逆被擊敗退竄往信豐境內廳城解圍此定南廳被
匪竄擾連日防剿之情形也和平縣逆首翟火姑之黨與陳芝
蘇勾結土匪葉紹品李元古等糾匪五千竄擾安遠縣太平堡
經署安遠縣知縣張仁法署把總李正禮帶領兵勇於五月十
七及二十三等日迭次進剿先後斃賊四百餘名生擒三十
餘名二十六日張仁法等石口墟遇賊接仗乃另股賊匪翻
越山嶺攻撲縣城守城兵力無多被匪攻陷典史曹秉正受傷
經兵勇救出在籍候補兵馬司吏目鄭家成被匪逼脅自縊殉

難兵勇亦多傷亡張仁法等趕回救援不及旋於六月二十四
日經張仁法添集團勇合力攻剿賊匪敗竄當即收復城池此
安遠縣被匪擾陷旋經克復之情形也五月二十五日贛縣韓
坊匪徒數千竄入信豐縣之小坑月嶺擾及竹絲河適候選同
知周炎帶勇赴援定南廳路過信邑該署縣吳秉衡即與周炎
商派練勇一千五百名吳秉衡又帶自募練勇八百名往剿擊
斃賊匪一百數十人生擒二十七名該匪敗退月嶺六月初二
日該匪竄踞曾姓圍內周炎又派勇一千七百名隨同吳秉衡
馳往圍攻殺賊數十名焚斃無數餘匪敗散周炎因定南待援
甚急即拔營起程旋有安遠賊匪分股竄至信豐縣鳳凰墟幸

奏稿卷十

初七日從九品孫福同帶領彪勇到縣吳秉衡即與相商進剿
斃賊十餘名賊始退踞韓坊一帶孫福同押護餉銀赴郡畱勇
數百在縣協剿十四日擊斃安息堡賊匪數十人十八日探聞
韓坊之賊愈聚愈眾十九日吳秉衡會同湯彪帶領彪勇進攻
韓坊賊巢斃匪多名餘黨四散旋又探聞和平股匪嘯聚於定
南之八十岡有眾數萬逼近信豐而安息堡痢石等邊界亦
有和平安遠等處匪徒越入境內圍攻縣城吳秉衡商令前任
南康縣訓導熊福姑招募南康龍迴地方田勇二千名與本縣
團勇合力援剿屢獲勝仗殺賊不計其數割取耳記六十餘件
已追至離城二十里之新仁墟因沿途節節有賊尚未直抵縣

城此信豐縣被匪圍攻之情形也六月初九日安遠縣賊匪勾通粵逆二千餘人竄入長甯縣西南等鄉肆擾該縣知縣楊長杰會同署羊角營都司藍瑤率領弁兵田勇於十二日往剿斃賊十餘人生擒四名該逆退竄首蒲墟十五日跟蹤追捕該逆遁回廣東境內各自散去二十六七日該匪散而復聚共三千餘人竄擾古坑岡等村七月初一日蜂擁撲城楊長杰等會督兵勇紳民嬰城固守開放槍礮擊斃賊之藤牌手數人施放火箭燒燬賊營火藥二桶賊勢稍卻一面飛調各鄉田勇赴援隨有北鄉廩生羅福基等帶練勇三百餘人三堡紳士胡德貴等帶練勇一千餘人先後來城楊長杰等亦派勇出勦兩面夾

奏稿卷十

三

攻賊眾潰敗追殺六十餘人是日酉刻該逆回旗來撲我軍仍分兩路迎敵鏖戰逾時殺賊二十餘名賊復敗退乘夜逃遁我兵追至河嶺地方殲斃匪黨數十人紳士劉士傑率勇沿途生擒賊目陳立謙等十六名十四日匪首謝滿石廣豐各率夥黨三千餘人至縣屬牛鬪岡焚搶楊長杰派兵三路進攻殺賊四十餘人生擒謝滿石廣豐正法餘匪退入咸水地方我兵被傷三十餘人二十日藍瑤帶各堡壯勇襲擊溪尾村賊營殲斃五十餘名二十一日匪眾圍撲我營經團勇奮力擊退餘匪仍踞公平葛蒲二墟勾結愈眾須厚集兵力方可擒渠掃穴此長甯縣節次被擾之情形也七月初一日上猶縣營前之賊竄至崇

義縣杰壩地方初二日署崇義縣何允廉派勇往勦兩獲勝仗詎是夜蝸牛坳營盤失火自焚合營驚潰何允廉正在添募壯勇初五日探知賊匪由茶潭高灘兩路來撲縣城何允廉即與汛弁分投堵禦而杰壩之賊已由蝸牛坳徑抵北門被城上兵勇擊斃多匪該逆全股攻撲南門城池遂陷何允廉聞警馳回已不能入城只得退守密溪趕緊招勇以圖收復此崇義縣城被擾失陷之情形也上猶縣城亦被營前股匪攻撲連挖地道兩處轟塌城牆二十餘丈經代理縣程烜把總畢開錄等會督兵勇奮力堵禦搶築完固八月初六七等日該逆又在西門外開挖隧道並於各要路紮營斷絕城中接濟正在危急之際經

奏稿卷十

三

該縣紳士前任御史李臨馴招募南康古樓堡田勇千餘名又經汪報閏派委候補按察司知事章澍帶勇千餘名同往救援初九日抵縣各鄉紳士亦帶團丁數千前來協助程烜等即率兵勇由東門出隊內外夾攻槍礮疊擊斃賊一百數十人奪獲旗幟數十件將東北一帶賊營悉行焚燬逆匪敗竄西街我軍乘勝進攻又轟斃匪黨數百人奪獲五百觔大礮一尊抬礮鳥槍數十桿火藥鉛彈數十桶賊船四十餘隻敗匪竄往爛泥湖一帶復被鄉團出奇邀截擒斬多名是役鏖戰竟日斃匪六百餘人城圍遂解我軍僅傷七名此上猶縣剿匪獲勝縣城解圍之情形也零都縣城經候補同知潘毓瑞帶勇收復以後堵禦

鄰匪迭獲大勝搜捕伏莽屢有殲擒地方賴以無虞龍南會昌
二縣及甯都州並瑞金石城等縣亦均有粵匪土匪滋擾幸俱
隨時擊退惟信豐被圍崇義未復應請速調大兵救援各等情
前來臣等伏查贛州府城雖已解圍而南路之砂石鋪等處賊
匪尚未剪滅南康縣塘江之路雖已無阻而潭口餘孽亦未肅
清是贛郡兵勇勢不能分顧外縣其定南安遠信豐長甯崇義
上猶等廳縣均被鄰匪土匪勾結滋擾僅祇安遠克復定南上
猶解圍此外各廳縣或被賊圍攻或城池被踞匪黨勾通誘脅
日見蔓延兵勇戰守巡防漸形疲乏况各該處均係瘠苦之區
餉糈無多勢難持久若不趕調客兵協力剿洗深為可虞無如

奏稿卷十

奏

省城兵力本屬無多並須兼顧廣信兩湖福建援師分屯瑞州
袁州建昌三府均值圍剿喫緊難以抽撥且贛南距省千里而
遙賊踞吉安路途多梗遞送文報均係繞道而行省中實有鞭
長莫及之勢臣等再四籌商惟有仍請添調粵兵以資會剿合
無仰懇

天恩敕下兩廣督臣再行籌撥勁旅三四千名隨同接濟餉糈
取道和平徑趨定南等廳縣會同本地兵勇次第剿辦務將各
屬逆匪殲除淨盡倘敢匪逃回粵境即併力跟蹤搜捕盡絕根
株庶免此孽彼竄聚散靡常防勦無已洵於兩省邊界俱有裨
益至署安遠縣知縣張仁法署安遠汛把總李正穰於城池被

匪攻陷雖因兵單餉絀所致業已據報自行克復尙知愧奮第
地方究已被擾應請將張仁法李正穰均革職畱任辦理善後
以贖前愆典史曹秉正請免置議署崇義縣事義甯州州同何
允廉被匪竄撲入城雖因賊分三路並進堵禦難週究屬防守
不力應請將何允廉先行革職仍令畱營攻勦以觀後效同城
武弁及佐雜等官俟查明係何員在任有無奉委出境再行核
辦除咨行該鎮道會督士卒並飭令各屬實力攻勦防禦並確
查傷亡員弁兵勇及殉難紳士分別請卹外所有贛南匪勢蔓
延請添調粵兵會剿緣由理合恭摺附驛具奏伏乞
皇上聖鑒訓示謹

奏稿卷十

奏

奏

Blank columns for the lower section of the document.

謝湘鄉州學額 恩摺 咸豐六年十一月十七日

奏為恭謝

天恩仰祈

聖鑒事竊臣接閱邸鈔咸豐六年六月二十一日內閣奉

上諭賚章奏請賞加湘鄉縣文武學額一摺湖南在籍侍郎

曾國藩前經招募鄉勇一萬餘人駐紮衡州頗資捍衛嗣後軍

分水陸克復武漢田鎮屢著戰功追賊鼠湘潭等處該紳勇截

擊獲勝地方得以保全連年土匪竊發亦賴該縣士民不分畛

域實力防剿南路肅清先後捐輸數逾巨萬洵屬踴躍急公自

應優加鼓勵所有湘鄉縣學額著於原額取進文童十五名外

加增三名取進武童十二名外加增三名均作為永遠定額以

示優獎欽此竊臣於咸豐二年十二月奉

命幫辦團練即邀同縣生員羅澤南劉蓉王鑫數人至省招募

湘勇千人認真訓練三年六月與撫臣駱秉章熟商復招湘勇

二千救援江西均經奏明在案是年冬間駐紮衡州疊奉

諭旨飭令援鄂皖籌備船礮肅清江面遂招募水陸弁勇數

逾萬人雖概稱湘勇之名實不盡湘鄉之籍頻年以來或在江

西湖北隨征或在本省南路防剿薄効涓埃之力屢邀高厚之

恩計一縣之中數年之內文員保舉道府以下至州縣佐雜者

數十人武弁保舉參游以下至于把外委者數百人悉荷

恩旨俞允而羅澤南李續賓均蒙

賞加藩司之銜

錫以二品之封在合縣諸人言之已覺勞薄而

賞厚在微臣一身言之尤為功寡而過多迺蒙

闕澤宏敷

皇仁特沛增文武三名之學額

寵錫濫綸勵水陸萬眾之軍心歡如挾纊戴地而深知其重

蚊負山而不憚其難臣惟有勉策駑駘普除醜逆率湘中之子

弟永矢同袍同澤之忱揚泂沼之芬芳無忘獻馘獻囚之義所

有微臣感激下忱謹摺恭謝

天恩伏乞

皇上聖鑒謹

奏

奏稿卷十

毛

謝弟國華以同知選用 恩摺 咸豐六年十一月十七日

奏為恭謝

天恩事九月十四日准兵部火票遞到八月二十七日內閣奉

上諭同知銜曾國華著以同知儘先選用欽此竊曾國華係

臣之胞弟出繼叔父為嗣世守清門家承儒術惟縹緲之靡涉

實軍旅之未嫻本年三月因聞羅澤南受傷馳赴湖北軍營經

撫臣胡林翼派委管帶湘勇兼轄各營救援江西同行如普承

堯吳坤修劉騰鴻等皆久歷戎行夙諳將略 弟國華與之諮

商得所依倚類因人而成事敢貪天以言功迺蒙

皇仁廣被寵錫頭銜仕版初登遽分猷於五馬

恩綸特沛如負重於六鼇 惟有督飭 弟共據丹悃念累世

踐土食毛之義欲全孝必思全忠法古人臥薪嘗膽之誠必有

忍乃能有濟明恥教戰補拙習勤冒鋒刃以先驅效鉛刀之一

割庶冀仰答

高厚鴻慈於萬一所有 感激下忱謹率同 弟國華北向

叩頭恭謝

天恩伏乞

皇上聖鑒謹

奏

江西近日軍情據實覆奏摺 咸豐六年十一月十七日

奏為江西近日軍情據實覆奏仰祈

聖鑒事竊 臣等於十一月初八日承准軍機大臣字寄十月二

十日奉

上諭曾國藩文俊自八月三十日奏報瑞州建昌勝仗之後已

及月餘未見續報昨據廉兆綸奏有探聞撫州官軍失利之語

與本日何桂清奏報相同亦未見曾國藩等入奏前聞賊匪多

回至金陵而江西失陷各郡尚無一處克復所有占據城池之

賊聞皆石逆黨與誘脅土匪為之拒守即廣東新附匪徒亦皆

係石逆所糾集與金陵逆黨尚未歸併現據江浙各省奏報皆

言金陵內亂楊逆已為韋逆所殺又聞楊逆被殺後石逆不服

逃出金陵洪逆現懸重賞購其首級可見石逆斷不再返金陵

金陵亦不肯更助石逆昨又據福濟等奏石逆現在安慶桐城

一帶其為糾合黨與自圖占踞已可概見現在福濟等已攻克

巢縣和州不日即可進擣安桐而湖北沙口田鎮水陸兵勇屢

絕賊援恐石逆不得逞志於皖楚勢必竄入江西該逆於諸賊

之中最為凶悍若令回竄江西占踞數郡煽惑羣民其勢愈難

收拾著曾國藩等乘此賊心渙散之時趕緊克復數城使該逆

退無所歸自不難窮蹙就擒若徒事遷延勞師糜餉日久無功

朕即不遽加該侍郎等以貽誤之罪該侍郎等何顏對江西士

民即又聞石達開係湖南拔貢現因與韋逆不睦頗有投誠之意雖未必即係確信而窮蹙思降亦或事之所有此輩狼子野心原難輕議招撫儻向會國藩處乞降應如何處置之法或使先自立功贖罪再邀重賞亦當豫為籌畫經權互用以收實效現在仍將失陷各城先圖攻克使該逆無所憑藉不敢退至江西是為至要本日據何桂清奏請飭催候補同知吳坤修將所帶彪勇二千五百名速赴廣信等語此項壯勇何以日久未到著會國藩等查明飭令該員迅速馳往以便饒廷選回駐玉山毋稍延緩將此由六百里諭令知之欽此臣等伏查賊首之在江西主持軍務者自上年十一月至本年二月底以偽翼王石達開為主三四五月以偽翼貴丈黃玉崑為主六七月以偽北王韋昌輝為主曾於八月初六日附片具奏在案自韋昌輝在瑞州戰敗竄回金陵被楊秀清斥責洪韋二賊謀殺楊秀清并誅其宗族黨與於是石達開自湖北洪山歸去黃玉崑自江西臨江歸去并赴金陵謀為楊秀清伸冤復仇八月以後江西軍事即係九江賊首林啓容主之臣等正思趁此機會克復數城仰慰

奏稿卷十

聖

赴援撫建蓋安慶為石逆舊踞之巢穴江西為石逆新陷之土地諭旨所謂石逆糾合黨與自圖占踞已可概見聖天子明見萬里之外洵屬無微不至臣等曷勝欽服至石達開係湖南拔貢頗有投誠之意一節查石逆係廣西潯州府桂平縣大梭村人在金陵時先據故明張侯第後駐上江考棚甲寅八月踞守安慶十一月臣國藩師次九江石逆與羅大綱同赴湖口救援官軍被挫乙卯春武漢復陷該逆往來蕪黃一帶提調賊軍十月由通城竄入新昌招納廣東新附之匪連陷江西數府本年三月下竄甯國蕪湖等處七月初九復由興國州上援武昌為李續賓之師所敗現據各路探報石逆糾集匪黨十餘萬人前往金陵誓殺洪韋二賊為楊秀清報仇以臣等愚見揆之如果洪韋勝而石逆敗則投誠乃意中之事若其石逆勝而洪韋敗則該逆挾詭詐以馭眾假仁義以要民方且飛揚自恣未必遽有投誠之心臣等曾檄諭九江賊目林啓容令其歸順又作偽文調瑞州賊目賴裕新令赴下游均無成效假令石達開自知大勢之已去識天威之難犯翩然歸命稽顙投誠則臣等招撫之法當令其立功贖罪獻城為質以大局言之北岸安慶南岸九江該逆之所必爭也以江西言之瑞州臨江為根本撫州吉安為膏腴亦該

奏稿卷十

聖

逆之所不肯輕棄也能於此六城中獻一二城為質則可信其為真心歸附

國初之施琅黃梧近日之張國樑成例具在臣等立即奏懇

鴻恩縻以高位優以厚祿若不能獻城為證外稱歸義內懷叵

測如阿睦爾撒納先降後叛之案幾至不可收拾臣等不敢貪

招撫之虛名弛防剿之實務是否有當伏乞

訓示指授機宜刻下瑞州奉新兩軍屢獲勝仗剿辦尚屬得手

周鳳山黃冕等之師初赴吉安差稱勁旅袁州新復西路大有

振興之機水師則彭玉麟駐下游之吳城鎮劉于濤駐上游之

樟樹鎮均甚得力惟撫建屢挫東路空虛臣等惟當嚴飭西路

諸將恪遵

諭旨先圖攻克數城使該逆無所憑藉仰副

聖主矜懷南服拯民水火之至意所有江西近日軍情恭摺據

實覆奏伏乞

皇上聖鑒訓示施行謹

奏

硃批爾等主見甚屬允妥剿撫固應弁用尤重先剿後撫可隨

時審其機宜好為之欽此

瑞州奉新攻戰情形摺咸豐六年十一月十七日

奏為瑞州一軍十月接仗屢次獲勝現在新修南北兩城暨奉

新接仗獲勝情形恭摺馳奏仰祈

聖鑒事竊瑞州一軍九月接仗情形并分兵克復上高縣城業

經具奏在案嗣據普承堯會國華劉騰鴻等稟稱瑞州分兵兩

營於初四日克復縣城尋獲知縣傅自銘尸首安撫遺黎授剿

餘匪擬於初十日回瑞州老營是日卯刻探報有賊數千隔河

浩蕩而至紛分三支一由河南一由河西一由河東湘寶各營

商議朱祖貴敵河南之賊黃澤遠敵河西周福昆敵河東而賊

之從河西來者因水深未能猝渡又分而為二與河南河東兩

支涉水急渡黃澤遠見賊不從西面徑渡乃分兵助朱祖貴周

福昆而自率親兵抄河東之賊之尾該逆濟河甫畢朱祖貴周

福昆迎擊賊背水而陣死戰不退黃澤遠自東旁抄前後圍逼

自辰至午殺賊四百餘名溺死無數奪獲槍礮旗幟刀矛號褂

五百餘件此分兵克復上高後初十大戰獲勝之情形也瑞州

分南北兩城中跨一河北曰官城南曰民城鄂省援師初到瑞

時於七月初三日攻破南城賊黨盡歸北城然南路與臨江相

通賊中之接濟頑民之貿易猶以南城為藏奸之藪我軍屢赴

南路搜剿大小數十戰終不能絕其接濟自九月下旬大雨漲

河浮橋衝斷而南路之賊日益猖獗候補直隸州劉騰鴻與曾

奏稿卷十

國華普承堯等熟商必須築堅壘於南岸造極固之浮橋而後南路之外援可斷十月初八日劉騰鴻於南岸修築新壘拆取舊南城之磚石搬移新營之前有賊數百出而爭之劉騰鴻先派隊伍埋伏於舊城之內賊至遇伏突起奮擊賊奪橋而遁後遁者數十名梟水而渡我軍小槍入水擊之須臾皆斃初九日辰刻賊數百人抄省兵各營之後經都司滕加洪守備李大雄擊退午後城內賊大股擁出實二千餘人滕加洪復與胡應元出隊迎擊副將普承堯派寶勇分兩支而出一從田壠抄賊之尾一接應滕加洪等之軍進退數合賊不能支即行敗退田壠之師從中邀擊逆黨大敗退至樹林當寶勇與賊鏖戰之時劉

奏稿卷十

謹

騰鴻率親兵百餘名至西門外牽制賊勢與城門之賊正爾相持而大股賊之爲寶勇擊敗者悉至其地因劉騰鴻隊僅百餘人二千餘賊併力來撲劉騰鴻令各勇植立不動槍礮環擊該逆雖眾亦不敢犯忽一騎馬賊目揮眾前進我軍礮山礮適中其胸餘賊遂如鳥獸散矣十一日賊隊全出我軍堅守不動俟其稍近各營會合齊出將四面圍剿以大創之該逆甫經接仗即逃回城根我軍跟追僅斃數名賊遂全竄入城我軍憤極繞城仰攻劉騰鴻攻南門萬泰胡應元等攻北門滕加洪李大雄攻東門普承堯曾國華攻西門而往來接應北路直逼城下雲梯甫進城上火彈礮石紛如驟雨賊首多受重傷自午至亥

未能得手收隊時已三鼓矣各營官會商多製長梯廣儲稻草添造檣牌十八日復大舉進攻普承堯率寶勇二千獨當前敵直入濠內拔其木椿竹簽低頭於礮子亂石之中相戒不復仰視前者已死後者繼進傷者昇歸昇者仍來苦戰四時城賊以全桶火藥傾下燒斃過多始傳令收隊凡傷亡二百餘人都司銜劉芳貴身受重傷普承堯據地涕泣矢以城不破不肯還營各弁勇強扶之以歸此初八以後各仗獲勝及十八日攻城未克之情形也劉騰鴻以南路爲賊所力爭每日派隊五成排立南岸而以其半修築新壘高厚堅固屹然如一石城南工既畢又於北岸石鼓嶺就現在之營基築一新城派湘勇長夫四千

奏稿卷十

謹

餘人并力與工劉騰鴻與曾國華晝夜監視至十一月初旬一律竣工礮石爲基移磚爲壁環以雉堞排以槍眼四門鞏固閉以闌板高皆二丈有奇內濠深一丈外濠倍之崇墉屹屹與瑞州之北城相隔二里有餘寬廣不逮舊城而堅實過之自是賊之南城拆毀殆盡而我軍南北兩城占據上游巋然新立此劉騰鴻等因瑞州通江楚要路特築新城之情形也湖南候補知府吳坤修管帶彪勇各營駐紮奉新之甘洲地方等前派赴廣信府防守因三縣紳士稟聞仍令兩駐奉新業經具奏在案旋因甘洲去城稍遠近城之賊焚劫奸淫不堪言狀紳民泣求進剿九月三十日吳坤修派彪左營山東路六分橋進彪右營

義武營由中路百尺橋進長字營由西路烏嵐橋進黎明起行先紮距城五里外吳坤修自率親兵登城北獅山周覽城垣復繞至南城登岐嶺瞭望該逆由南門出隊蜂擁而來當即渡河迎敵目戰目退佯作畏縮之狀該逆逞志狂追引至數里外方卓旗回戰彪左營全隊從東抄出彪右營兩哨并義武營抵敵中路長字營全隊禦西門之賊槍礮先施刀矛繼進傷賊極多而該逆知我距營較遠難忍飢渴計欲疲乏我軍傾城而出漫山遍野進退數十回合自辰至申更番飲食力戰五時酉正始收隊賊復以數千人尾追牽掣俟其來既遠我軍鼓勇撲回擊之又斃數人自來交鋒之久以是日為最吳坤修因城賊四出

奏稿卷十 吳

竄擾即移紮近城之六分橋地方十月初八日賊來誘戰堅忍不出使其久立以勞之初九日復分數股直來撲營吳坤修派彪左右營兩路衝出長字營從左首遠包義武營從右首遠包賊即敗退轟擊無算追至城下而旋十八日各營派七成隊分作兩路繞城五里外游繹該逆亦分兩路來迎彪右營長字營抵東南一股彪左營義武營抵西北一股賊匪愈戰愈多兇狼已極長字營官把總王吉昌奮勇進退數十合賊不能抵禦即退回南城王吉昌接踵而至意欲乘勝入城該逆復從城中衝出各勇稍卻王吉昌殿後被傷陣亡彪右營長字營又合隊衝擊殺賊無數彪左營獨當西面力戰尤久營官千總吳修

攷衝鋒二十餘次中賊火彈身受重傷是日我兵傷亡逾百而斃賊三倍過之此吳坤修在奉新屢戰獲勝之情形也據普承堯曾國華劉騰鴻吳坤修先後稟報前來臣等伏查江西賊匪以瑞臨為根本自鄂省援師抵瑞該逆併力固守堅不可拔現在我軍新修南北兩城亦以為西路各軍之根本如瑞城不能遠克則留五千人守此新城餘兵或分或合可以調遣如意把總王吉昌由湖南千里來援自備口糧三四千金前在新昌上高屢獲勝仗後隨同進剿奉新克復安義均甚出力此次力戰捐軀應請照千總陣亡例從優

奏稿卷十 吳

南北兩城暨奉新屢戰獲勝各緣由恭摺由驛馳奏伏乞皇上聖鑒訓示施行謹

奏

硃批知道了王吉昌著照千總例議卹欽此

湖南援師克復袁州府摺 咸豐六年十一月十七日

奏為湖南援師克復袁州府城恭摺馳奏仰祈

聖鑒事竊湖南援軍圍攻袁州防剿萬載臣等於三月二十六日具奏一次旋因道路梗塞稟報未能常通所有袁州軍情概由湖南撫臣奏報茲於十一月初六初八等日先後接據道員劉長佑候補知府蕭啟江游擊劉培元稟稱自九月屢破援賊之後袁城之賊十分窮蹙旋於吉安糾合偽檢點傅逆龍泉黃逆并安福賊共萬餘臨江賊數千齊集分宜設卡昌山十月初三夜五更前隊已到彬江翌日我軍出隊下浦以待賊果三路至遂分頭迎擊又大敗之至初七八賊遂悉數駐紮合山築立

奏稿卷十

吳

土城深溝高壘誓決死戰劉長佑等飛書至萬載調游擊田興恕一軍來袁州助剿十三日迎擊援賊於下浦賊潰轉守合山巢窟十六日蕭啟江田興恕等分三路進破合山賊巢大獲全勝賊連營二里一炬焦土斬奪無算積聚概行燒盡乘勢追逐距分宜僅十五里乃收隊是夜分宜賊乃悉數遁去二十三日復有竄轉者二十四日劉長佑派隊會剿收復分宜縣城賊援自此絕矣袁城之賊計窮力盡紛紛投誠惟廣賊尚欲忍死以待堅不肯降我軍乘其內潰連夜環攻二十七日賊目偽侍衛李能通詣劉長佑軍中乞降羣賊益無固志十一月初一日游擊劉培元率兵列陣楊家山令哨官黃開甲莫有陞等伏於山

下誘戰城賊數千由秀江橋蜂擁而來我軍佯為敗退賊眾追來黃開甲等率勇橫截斃賊十餘進而衝擊又斃賊目二名餘賊潰走乘勢力追城門下聞賊眾大亂未申之際降賊俱供稱城中賊東裝將遁初更候偽檢點黃逆果率數十賊由北門出餘眾續出我軍恐其竄向萍鄉派隊堵禦賊之出者悉皆驚回欲逃無路我軍乃收隊暫避暗伏各處四更後賊多縋城出者我師併力攻之蕭啟江率勇斬縋城之賊而自奪其索縋入急開北門以納諸勇西門內應之賊亦啓關以納劉長佑軍中之勇賊悉向東南冒死突出我軍分路跟追沿途剿殺伏勇橫出追擊俱往返百餘里逃賊殄滅殆盡城內投誠者計二千餘偽

奏稿卷十

吳

檢點亦經生擒立將城池克復該逆漏網無幾各等情稟報前來臣等伏查江西八府淪陷惟南康府聚賊無多餘皆悍賊數千悉力固守堅不可拔自湖南援軍圍攻袁州吉臨等處之賊盡銳以救袁城逮鄂軍圍攻瑞州又盡銳以救瑞城互相援應轉相灌輸我之兵力已疲而賊之負隅如故臣等焦灼之餘彌增慙悚茲幸仰仗天威袁州克復一郡得手全局或有轉機除應保員弁及安置降賊各事宜由湖南撫臣詳細奏報外所有袁州克復緣由謹繕摺由驛馳奏仰慰宸廑伏乞

皇上聖鑒訓示施行謹奏

奏稿卷十

辛

湖口等縣團紳請獎片 咸豐六年十一月十七日

再鄱陽湖之東岸湖口彭澤都昌鄱陽四縣為饒九南三府接壤之區外濱長江內臨大湖東鄰皖南池州各縣久已陷於賊中鄉民迫於凶威蓄髮納貢編充偽職三年以來幾若淪為異域而其間一二忠義之士抗節不屈變易名姓避跡山林或陰結壯士密辦團練以待官軍之至咸豐五年臣國藩駐紮南康有湖口都昌紳士舉人袁英等來營請兵情詞懇摯分任嚮導偵探之責自李元度師抵湖口後該紳等辦團辦捐任勞任怨前後捐米一萬石銀一萬五千餘兩添募三營二千人分駐鄱湖兩岸兩月口糧及製備軍械棚帳等件共費二萬餘金皆係

奏稿卷十

辛

取給捐款為該紳董等所合籌本年二月官軍撤營後土匪復仇賊目緝拏各紳士家破無歸生業蕩盡內如袁英之子弟遭屠謝庭芝之全家受戮譚焱奎之父叔被戕均係大兵未到之先因辦團致觸賊怒一門殉難上年七月官軍克復涂家埠袁英胞兄袁蕃安子姪五人均被賊擒死事尤慘曾經臣文俊遵旨查明復奏在案方湖口駐軍之時前翰林院編修吳嘉賓與彭澤紳士劉文藻等倡辦二十五都團練於程山廟地方扼要設防募勇六百人捐餉五萬餘緡兩次克復彭澤縣城殺賊頗多團勇隨剿者五六千人在事紳耆類皆自備資斧跋涉經營不避艱險今春湖口撤營之後彭澤各團紳之家屋宇被焚貨

財被掠父母兄弟妻子流離播越尤可矜憫據總局司道具詳請將各縣團紳擇尤保獎臣等正核辦聞復據鄱彭都湖四縣紳士公同具稟以鄉里被賊久據片瓦無存奸淫擄掠民不堪命願糾合四邑義憤之士辦團殺賊由鄱陽進剿都昌由都昌規復彭湖以助官軍而雪私憤等情臣等查江西被賊蹂躪之區以四縣爲最久其受害亦最深該紳等忠憤激發始終不懈理合籲懇

奏稿卷十

五

恩施伏乞

皇上聖鑒訓示施行謹附片具奏請

旨

曾文正公奏稿

卷之十一目錄

克復安福縣城摺

咸豐六年十一月二十三日

單金科軍進剿勝仗摺

全日

劉于潯水師屢次勝仗摺

全日

附陳近日軍情請催各省協餉片

咸豐七年正月十七日

克復奉新縣城摺

全日

官軍克建昌武甯兩湖軍收復各縣摺

全日

目疾請假摺

全日

報丁父憂摺

二月十六日

呈請代奏奔喪到籍日期摺

二月三十日

呈請代奏謝恩摺

三月二十六日

懇陳下情懇請終制摺

五月二十二日

恭謝天恩并籲請開缺摺

六月初六日

懇陳辦事艱難仍懇終制摺

全日

欽奉兩次諭旨覆奏摺

九月初九日

酌擬報銷大概規模摺

十二月初七日

克復安福縣城摺 咸豐六年十二月二十三日

奏為周鳳山等一軍屢獲勝仗克復安福縣城恭摺馳奏仰祈
聖鑒事竊照新授吉安府知府黃冕與前任湖北藩司夏廷樾
前任廣東羅定協副將周鳳山共籌援師進剿吉安府業經
等於十月十一日附片具奏在案嗣准湖南撫 臣 駱秉章咨稱
派委 臣 國藩之弟曾國荃帶湘勇二千人先發黃冕夏廷樾隨
後繼進等語曾國荃由萍鄉入周鳳山由萬載入約定會攻安
福以趨吉郡十一月十二日周鳳山駐軍楓溪距安福城四十
里次日五鼓行至清溪探報大嶺小嶺伏有賊匪攔截即派守
備劉之能等自左路進攻守備楊光福等自右路抄出初及交

奏稿卷十一

鋒賊即折回我軍乘勢追北殺賊數十名奪獲黃旗馬匹槍礮
等件曾國荃亦於是日行至江口遇賊距安福尚三十餘里登
高瞭望賊匪兩枝迤邐而來曾國荃派都司陳光孚拒其右肅
李泗截其左而自率隊伍禦於中路有騎馬黃袍賊目六人突
前我軍植立不動相距二丈許該逆亦不復進逼張開輯以劈
山礮擬定一發立斃二賊奪馬與印羣賊遂紛紛獸散我軍三
路抄追殺斃二百餘賊生擒十六人窮追三十里申刻即抵安
福克復縣城周鳳山亦即入城安撫遺黎撥剿餘匪兩軍會合
均紮東門之外此十三日兩路獲勝同克安福縣城之情形也
嗣據探報稟稱通吉安之東路大汾楓田等處屯賊甚多約有

五六千人約期夾撲官軍營過十七日周鳳山等出隊分三路
進兵曾國荃派都司蕭孚泗等由中路進周鳳山派守備劉之
能等抄右路進歐啓貴等抄左路進該逆亦分三股迎敵槍礮
雷轟自辰至午我軍堅不可撼該逆悉眾向右路衝突哨官李
發枝奮勇直前刺取黃袍賊目一人賊勢小卻劉之能彭東貴
何正旺等大呼齊進刀矛摩戛斃賊二百餘名該匪敗竄追過
大汾河十餘里奪獲旗幟繡帽龍袍槍械百餘件生擒十一人
正擬移營進剿探得吉城永新來援賊千餘屯集固江里田
并驅還安福敗匪二千餘竄至竹江青一帶思據河以拒我軍
十九日周鳳山率哨官劉之能楊光福等由河東北分五枝徑

奏稿卷十一

擊竹江青之賊曾國荃率湘營由樓背洋口分三枝兜剿里田
之賊周鳳山行三十里竹江青股匪已先遁矣曾國荃偵知賊
在洋口對河之千金壇山上各弁勇赤身涉河賊見我軍至列
一字陣於山腰有黃袍賊目四人擁隊前衝又伏賊一枝出隴
中大村冀繞擊官軍之旁藍翎都司蕭孚泗陳光孚禦中左兩
路而張開輯偃旗蛇行由右路抄出賊伏之外羣賊由山半乘
高撲下槍礮兼施并放噴筒我軍靜寂無聲屹立不動賊下山
甫逼我軍衝鋒擁進賊勢稍卻眾勇大隊趁之羣賊奔竄追殺
五里至橋東村賊據石橋相拒思俟伏賊之勝卓旗回戰不意
官軍追騎奄至刀矛相格張開輯之伏兵已從右路抄出伏賊

之旁中路之賊頓失所恃首尾不能相應遂大敗狂奔我軍窮追直至距營六十五里之固江亭子始行收隊奪獲洋槍礮械藤牌四百餘件旗幟尤多此十七十九日大汾里田兩次獲勝之情形也據周鳳山曾國荃等稟報前來臣等伏查吉安爲江西膏腴之地該逆悉力固守與瑞臨撫州并重茲幸克復安福屢獲勝仗乘此聲威圍攻吉郡或可迅速得手成上游建瓴之勢以固南贛天險之區所有周鳳山等一軍克復安福各緣由恭摺由驛馳奏伏乞

皇上聖鑒謹

奏

奏稿卷十一

三

畢金科軍進剿勝仗摺
咸豐六年十二月二十三日
奏爲饒防一軍進剿泥灣等處屢獲勝仗鄱陽境內肅清恭摺奏祈

聖鑒事竊照饒州府城自六月克復以後防剿各情經臣等具奏在案嗣據雲南臨沅鎮都司畢金科升用都司林保等先後稟稱該逆屢次受創之後糾集都昌彭湖各處匪黨八千餘人盤踞鄱陽縣西北百餘里之泥灣一帶奸淫焚掠民不聊生紳民紛紛來營請兵畢金科等熟商該逆既萃各處之賊竄踞泥灣勢必撲犯郡城與其使人薄我不若我先薄人遂定議於九月十三日進剿十四日至泥灣十五日黎明該逆約四五百人

奏稿卷十一

四

分五股直撲我軍畢金科等亦分五路迎敵升用都司林保拒中路已革都司岳炳榮擊右路畢金科派千總龔廷貴把總朱洪章等分擊左路而自率親兵迎頭衝殺鏖戰數時該逆抵死不退畢金科下馬大呼衝入賊陣岳炳榮由松嶺之旁包襲賊後該逆首尾不能相顧遂如鳥獸散矣我軍乘勝窮追斃賊四百餘名生擒十二名奪獲旗幟刀矛馬匹無數次日仍回老營此十五日進剿泥灣賊匪大獲勝仗之情形也十一月十六日探報前竄饒州之聶張二賊由建德東流等處各聚悍賊數千與新到李邱二賊目所帶匪黨不日來犯官軍營壘畢金科等籌商以我軍僅二千人而賊眾數倍過之不可力勝但可籌取

當派龔廷貴等五百餘人於初更時乘暗潛赴陶溪渡復派百餘人分布各路叢林埋伏以作疑兵十七日賊分兩路而來一由陶溪渡一由童子渡塵土漲天黃旗徧野龔廷貴等前夕已至由左路遠包以防童子渡之賊抄襲後路朱洪章等由右路繞過山後橫出以截之岳炳榮向前迎敵而自率親兵接應不逾時聞龔廷貴等已抄左路之賊之尾朱洪章等亦將右路之賊截為兩段該逆分為兩枝殊死鏖戰畢金科飭放礮叢林中伏兵四起呼聲雷動畢金科縱馬衝突各哨弁亦迴合力擊無不以一當十賊黨大敗我軍兩路窮追至臥虎山青田埠兩處始行收隊殲斃及生擒共六百餘名此十七日在陶溪渡大獲全勝之情形也奏稿卷十一二十三日紳民稟稱該逆經痛剿之後竄踞線洲地方催貢掙搶民不堪命畢金科以鄱境未清終為饒郡之患且聞調湖口之賊千餘約期大舉入犯遂於二十四日派隊前進二十五日黎明甫抵離線洲三里賊於望樓下點放信礮偵候之賊飛奔而退畢金科登高瞭望見該處四面皆山中橫一港兩岸民房數百間該逆已於兩路列陣而待畢金科派龔廷貴由西路進岳炳榮由東路進而自伏中路靜觀其變方接仗時民房之內伏賊齊起勢如潮湧我軍四面受敵幾不能支龔廷貴等躍馬衝陣斬大旗賊目一人中路親兵突起衝擊刀矛摩戛有聲雜以噴筒火箭該逆紛紛敗北畢金科截住橋

頭擒斬尤多賊多揭衣渡港我軍投鞭追之至村後金龍橋以山峻力疲即行收隊是日擊斃及生擒者多係長髮老賊我軍亦傷亡十餘人此二十五日線洲接仗獲勝之情形也臣等伏查饒州一郡西接都湖北鄰皖南為羣盜出沒之區畢金科等一軍僅二千人臣等慮其單薄常飭嚴守老營不宜輕出免致疏失畢金科以紳民懇次籲請遠出迎剿以少勝多鄱湖肅清辦理尚屬得法現仍飭其嚴加防守以固藩籬一俟鄂師進攻九江即可調赴湖口水陸會剿所有饒防一軍疊次進剿獲勝緣由恭摺由驛馳奏伏乞

皇上聖鑒訓示施行謹

奏稿卷十一

六

奏

獲全勝之情形也奏稿卷十一二十三日紳民稟稱該逆經痛剿之後竄踞線洲地方催貢掙搶民不堪命畢金科以鄱境未清終為饒郡之患且聞調湖口之賊千餘約期大舉入犯遂於二十四日派隊前進二十五日黎明甫抵離線洲三里賊於望樓下點放信礮偵候之賊飛奔而退畢金科登高瞭望見該處四面皆山中橫一港兩岸民房數百間該逆已於兩路列陣而待畢金科派龔廷貴由西路進岳炳榮由東路進而自伏中路靜觀其變方接仗時民房之內伏賊齊起勢如潮湧我軍四面受敵幾不能支龔廷貴等躍馬衝陣斬大旗賊目一人中路親兵突起衝擊刀矛摩戛有聲雜以噴筒火箭該逆紛紛敗北畢金科截住橋

劉于濶水師屢次勝仗揭 咸豐六年十二月二十三日

奏為道員劉于濶一軍再克新淦縣城及在樟樹鎮屢獲勝仗恭摺馳奏仰祈

聖鑒事竊道員劉于濶一軍駐紮樟樹鎮屢次擊敗瑞河臨江河口賊船克復新淦為上游之鎖鑰屢次具奏在案自十月以來據劉于濶先後稟稱九月之季水軍至上游黃山奪獲大木船一次至臨江城下奪獲船礮二次十月之初焚剿茂林荷塘墟兩處賊卡者二次擊敗樟樹鎮撲營之賊者一次自撫州師潰臨江之賊數日增樟樹之警報頻聞而新淦縣克復之後未能分兵防守復為賊黨所踞十月二十一日劉于濶督帶戰船

奏稿卷十一

七

十五號飛划十二號寅夜前往襲之派陸勇三百隨船馳進黎明抵縣賊見我軍人數無多城池新葺竟敢負隅固拒蔡康業督廣勇攻北門白天佑帶川貴勇攻南門謝鳳高帶團勇攻東門以分賊勢西門濱江大河礮船自河下轟擊賊見四面受敵於城上擲下大黃旗兩次暫求解圍即出投誠我軍自前夕二更至酉刻未得少息收隊傳餐因令百姓趕辦稻草暗置門洞裏以火藥噴筒射入頃刻火起城內鼎沸西門亦放火延燒槍礮乘之聲震山谷各勇梯足於肩緣城而入百姓跪稱賊已開南門逃走其存者概係長髮不辨是民是賊遂出南門追逐十餘里奪得旗幟刀矛入城安民賊存米鹽食物分給各勇當劉

于濶襲擊新淦之時臨江之賊乘虛來犯樟鎮老營從西岸突出李逢春派船上下迎擊管帶彭武軍謝得龍吳攀魁等亦出隊衝鋒廣勇川貴勇從隄內包裹該逆三次回旗返戰俱被我軍擊卻適新淦之師從上游歸來礮聲不絕羣賊一律敗退此二十二日再克新淦次日樟鎮交仗獲勝之情形也自袁州克復之後袁城敗賊二三千陸續至臨江城內不納在西岸沙湖屯駐撫州樂安復陷有賊三四千在東岸永泰屯駐聲言約會二十四日來樟樹鎮圍撲官軍營盤至期劉于濶派蔡康業帶廣勇白天佑帶川貴勇沿河直上謝得龍帶彭武軍謝鳳高帶團勇由隄內包裹專擊東岸之賊水師轟擊江中防西賊渡而

奏稿卷十一

八

相援水師先至永泰賊匿隄下以避礮子廣勇川貴勇衝鋒出戰以人寡稍卻後彭武軍團勇繼至併力擊退臨河口有賊數百亦經礮船擊敗二十五日西岸之賊出二千餘來犯劉于濶令陸軍暫緩出隊礮船排列河口連斃數賊賊避匿裏廣勇川貴勇分兩路抄襲一人直前刺取首逆偽張指揮殲之奪其大旗賊盡敗退我軍水陸登岸追北十餘里始行收隊二十六日賊匪出隊來犯東西兩岸約共五六千名水陸弁勇各告奮勇登岸相持半日勝負未決劉于濶傳令收隊飭弁勇登舟飽餐賊仍站立兩岸不退弁車載千斤重礮三四位臨河施放我軍飯畢劉于濶麾旗登岸我飽賊勇氣百倍賊黨亦自知餒

腹不可以久持徐徐引退我軍鼓譟乘之殺賊二百餘追北數里賊由隄裏奔命四散時已酉正矣二十七日賊復兩岸來犯東岸之賊以鄉音與廣勇相約曰我願投誠助官軍以攻西岸匪黨西岸之賊亦以鄉音相約曰我願投誠助官軍以攻東岸匪黨我軍方推心待之該逆忽放排槍傷官軍五人各奔勇憤甚登岸力戰我猛進則賊退我稍卻則賊又進刀矛對舉洞曾賊目迴合十餘次斃賊百餘我軍亦傷亡數十人二十八日復出隊鏖戰自辰至酉更番迭進賊眾皆百戰之餘頑鈍凶狡彼此互有殺傷此二十四以後五日苦戰之情形也該逆以數日未受大挫遂為久踞之計距我軍五里杜家村一夜之中築起

秦稿卷十一 九

礮台三座用木桶架砌中實以土外挖深濠十分堅固官軍礮船連環攻擊該逆即藏匿礮台之內負固不出樟樹鎮兩岸民房皆賊時出時沒多寡不定劉于濶日夜籌思正不得所以破之之法適 臣等派康國器水軍前往濟師二十九早至樟樹鎮各營因驟添勁旅歡欣鼓舞康國器之水勇尚未紮營一擁登岸劉于濶恐其初到不知地形囑令紮駐河灘派蔡康業帶水陸廣勇與之同進以禦中路派白天佑川貴勇團勇分股包裹派謝得龍帶彰武軍兩路接應派署臨江都司羅玉祥帶本營兵前導派戰船二十號牽制杜家村礮台之賊小划上下飛巡以迷賊目畱李逢春涂安邦水師兩營於樟鎮以固老營行抵

大隄望大小村莊黃旗徧插中有大營盤二座與杜家村礮台遙遙相對該逆分五隊迎敵馬隊當先勢如潮湧我軍初見恟懼卻退劉于濶帶親勇督隊大呼退奔者斬白天佑卓旗停駐彼此施放槍礮噴筒火毬連環拋擲相持不下康國器昇小礮食以羣子擊必命中賊稍畏懼劉于濶施放一窩蜂火箭賊遂潰敗我軍乘勝追北蔡康業匹馬衝突圍攻賊營縱火環燒衣服錢米堆積如山同時火起煙燄漲天連日受傷之賊與守營之賊收歸之賊無一逃脫兩營既焚軍威大振李逢春涂安邦亦即帶勇登岸拆毀杜家村礮台三座是日之戰賊死於火死於礮死於刀矛者約六百餘人我軍受傷者甚少二更後該逆

秦稿卷十一 十

用民船紮成巨簿上載枯草數百石火藥十餘石意欲衝燒水營又被我哨船立刻擊散此二十九日蹋燬賊營及礮台之實在情形也伏查道員劉于濶自督帶水軍以來勸捐供支不盡取之官帑戰則身先功則歸人軍心民心樂為效命此次臨江撫州之賊兩面環伺 臣等深以眾寡不敵為慮該道以水陸二千之眾拒凶悍三倍之賊實屬謀勇兼優記名道劉于濶懇天恩賞加巴圖魯名號蔡康業驍勇尤著懇請賞換花翎以示鼓勵其餘出力員弁可否容 臣等擇尤保獎出自 聖主鴻施所有再克新淦縣城及樟樹鎮屢獲勝仗緣由恭摺

奏伏乞

皇上聖鑒訓示施行謹

奏

奏稿卷十一

十一

附陳近日軍情請飭各省協餉片咸豐六年十二月二十三日

再臣國藩於十二月初一日由江西省河赴吳城鎮與廣東惠湖嘉道彭玉麟商酌水師進剿事宜連日接據署湖北提督楊載福布政司銜李續賓南稟武漢斬黃大治興國三府七州縣於十一月底次第克復楊載福督水師於十一月二十九日直抵九江焚奪賊船殆盡李續賓督陸師進剿南岸賊匪於十二月初九日進攻九江府城臣展閱之下不勝怵懾查外江水師上年正月初五日經臣國藩奏明飭赴湖北援剿是時戰船或入內湖或為風損僅存一百四十餘號駛至武昌今重來九江陸續添至四百餘號李續賓陸軍係上年八月遵

奏稿卷十一

十一

旨派赴湖北援剿是時羅澤南李續賓所帶湘寶各營僅五千人今重來九江添至八千餘人該二軍馳驅數省轉戰三年所向有功而江甯將軍都興阿統帶之馬隊亦由北岸以至小池口臣國藩於十八日由吳城馳赴九江迎勞諸軍見其軍威嚴肅士氣樸誠自十二至十八日環攻六晝夜并未收隊楊載福李續賓與都興阿聯絡契合愛敬交至雖積勞之後屢勝之餘猶復日夕兢兢衣不解帶不特東三省馬隊忠勇可風即湘營與水師亦實為不可多得之勁旅惟是餉項匱乏積欠口糧一百三十餘日臣等前次奏請山陝兩省每月各撥協餉三萬兩

恭奉

恩旨飭令酌解數月現聞晉餉起解三萬兩已有一萬到江合無顯懇

天恩飭催山西陝西迅速籌解概交湖北撫臣胡林翼經收山水路解至九江專濟北軍之用至於江西各府尚有分駐兵勇五萬餘人舊欠無從補給新歲尤難支持合再懇

天恩敕下兩廣督臣廣東撫臣於該省無論何款項下每月籌撥銀四萬兩解至長沙由湖南撫臣駱秉章轉解江西以濟急需能多發一日之餉則多收一日勁卒之用能早克一處之城則早收一處錢漕之利等補苴無術迫切瀆陳不勝惶悚待命之至除新到各軍接仗情形另行查明續奏外謹附片具

奏請
奏稿卷十一
三

克復奉新縣城摺 咸豐七年正月十七日

奏為吳坤修一軍屢獲勝仗克復奉新縣城恭摺馳奏仰祈

聖鑒事竊湖南候補知府吳坤修管帶鄂省援師來至瑞州分

兵克復安義靖安圍攻奉新等擬調防廣信府城經三縣紳

士御史帥方蔚等具稟請畱均由等奏明在案旋據吳坤修

陸續稟稱十一月初八日探知建昌之賊將欲上犯安義派彰

武軍丁峻長字營易桂修彪中營滕代富等馳往迎擊初九日

賊匪撲城安義把總藍占魁衝其前彪營等自後策應佯北誘

賊折回擊之割取首級者百有九顆追奔二十餘里保全安義

縣城吳坤修以我軍分隊往援安義賊必乘虛攻撲遂飛函瑞

州約會副將普承堯於十一日來奉新助戰該逆果於是日蜂

擁而來吳坤修掩旗息鼓佯示以怯該逆志得氣驕聲震山谷

適普承堯率所部六百人至兩軍自武昌同來親如手足分軍

數月忽然相聚歡欣鼓舞奮勇百倍該逆氣奪屢戰三時賊黨

大敗其悍者回撲愈猛捻斬愈多十三日賊復出搦戰我軍堅

忍不動疲而擊之刀矛摩戛賊尸林積追逼近城吳坤修飭士

眾少退避城上之賊礮該逆見我軍收回以為敗怯悉力撲出

寶勇分枝包抄勢如山壓斃賊計在六百以外官軍亦傷亡四

十餘人藍翎外委余瑞林力戰殞命二十一日賊來誘敵我軍

力戰窮追忽於樹林中衝出悍賊官軍小退傷亡近百吳坤修

念近營則賊勢愈猛營壘且不能自保立馬麾眾與賊相搏死者曳歸後者復進苦戰經時賊旋敗竄次日復戰亦如之二十三日又戰亦如之二十四日逆黨大舉來犯我軍堅忍不出俟其情歸開壁逐之勢如潮湧賊遂大敗自有此數日苦戰士氣愈堅賊燄漸落奉新逆黨不敢復出而下游之建昌安義警報日三四至吳坤修於二十九日帶各營馳往安義救援奉新城內之賊乘虛出犯各營官守吳坤修堅立之法排隊岡嶺橫互數里屹立如山卒亦以此取勝殺賊無算此十一月苦戰屢勝之情形也自二十一以後吳坤修於營外修築長濠立壩遏水每遇賊眾我寡之時利則前進否則阻水自固十二月初二

奏稿卷十一

五

三月初十日十八九二十等日均與該逆接仗賊強悍而多吳坤修終守此法自立於不敗伺其隙而破之該逆遂於瑞州邀來悍賊於二十三日黎明乘天大霧來撲我營我軍寂然不動若漫無驚覺者廣賊本以槍礮擅長發必命中是日與官軍連環對擊自卯至申鏖戰六時除奪去賊尸受傷不計外尙割取首級八十四具從此賊膽已喪堅閉不出吳坤修料其不能固守此城矣但以官軍單薄甫及三千剿辦則有餘圍攻則不足乃嚴飭各鄉趕辦團練以相協助賊在奉新肆虐已久百姓恨之切骨紳士御史帥方蔚等督令比戶練丁各持器械二十七八九等夜賊由南門出城赴各鄉擄劫頃刻之間聚集團練數

萬人鳴鑼震天賊知官兵方盛團練又成不敢復出城半步聲息斷絕始有逃遁之意咸豐七年正月初五日吳坤修派隊直逼城下以火箭噴筒焚其更樓而以槍礮環擊傳齊三縣團練盡夜環攻使之不得休息二更時城上槍礮已稀各營由北門獅山梯繩而上縱火焚燒該逆由西南兩門奔竄列炬追殺斃賊極多三更時克復奉新城池藍翎把總陳有才手刃十餘賊中礮殞命初六七等日各營及四鄉團練遍搜山林民房生擒老賊二百二十一名竇勇追至大坵斬殺及瑞州營內截擊者均不在此數內百姓恨之切齒每生擒一賊輒剖腸剝皮醫樹礮石以雪其憤見者無不凜凜此十二月力戰屢勝及正月初

奏稿卷十一

六

五日克復奉新縣城之情形也 臣等伏查逆黨之在江西專以堅守爲長策自九江瑞臨等六府之外又以全力守湖口奉新二縣蓋以湖口與九江爲唇齒奉新與瑞臨爲犄角故也吳坤修自抵瑞州卽思先拔奉新以翦瑞賊之羽翼乃圍攻四月大小五十餘仗我兵傷亡至七百餘人之多尙賴團練協助乃克奪此堅城賊之凶很善守實有出於情理之外者湖南卽補知府吳坤修自鄂省率援師而來分兵獨攻奉新所辦捐款旣以供其本軍復能解濟省庫實屬謀勇兼優仰懇天恩交軍機處記名以道員請旨簡放候選知縣杜霖請免選本班以直隸州知州不論雙單

月遇缺卽選藍翎卽選從九品孔廣晉請免選本班以知縣畱於江西補用其餘營中員弁兵勇暨隨同出力之地方各官團練紳士可否容_臣等開單酌保之處出自

聖主鴻恩藍翎把總陳有才請

旨飭部照守備例議卹藍翎外委余瑞林請照千總例議卹以

慰忠魂所有疊戰獲勝克復奉新縣城緣由恭摺由驛馳奏伏

乞

皇上聖鑒訓示施行謹

奏

奏稿卷十一

七

官軍克建昌武甯兩湖軍收復各縣摺_{咸豐七年正月十日}奏為官軍兩克建昌一復武甯及湖北官軍收復瑞昌德安湖南援師克復新喻永甯等縣城恭摺彙奏仰祈

聖鑒事竊查瑞州奉新經_臣等分派大兵圍攻而由西迤北至

於九江中間建昌武甯德安瑞昌等縣數百里間均有逆黨盤

踞往來遙為瑞奉聲援而建昌近接省城武甯近接興國州尤

為賊匪出沒嘯聚之區吳坤修奉新一軍亦只能兼顧安義靖

安不能遠及建昌武甯十一月初六日_臣等由省派令千總張

金壁帶九江兵從九品段起樊俊帶衡勇四百名馳赴建昌雕

剿初八日至老官嘴探知小河口有賊數千人初九日抵三角

奏稿卷十一

七

湖焚燬把卡賊船二隻整齊隊伍分四路直撲小河口老巢賊

亦分股迎敵鏖戰兩時之久未分勝負親兵丁世昌周高升等

拋擲火毬十餘適中賊隊賊始敗退跟蹤力追殺斃溺斃四百

餘名陣斬守城之吳賊目及來援之德安賊目卽將建昌縣城

克復張金壁等帶勇旋省嗣聞該縣仍被德安之賊竄踞十二

月初一日_臣等復派張金壁段起樊俊等前往攻剿探知離馬

路口二十里之蘇藉有賊千餘人離蘇藉二十里之灘頭有賊

二千餘人存城之賊尚有千餘張金壁等初二日行抵馬路口

適遇管帶平江勇投効之李元音正議進兵而蘇藉灘頭之賊

聞風先遁是夜我軍宿半邊花橋山一帶初三日黎明張金壁

督同把總李華榮從九段起焚俊及投効之李元音前進賊於距城八里之廖姓村迎敵我軍四面兜擊追至河邊平江勇稍卻賊眾猛追張金壁等直前截之賊黨潰亂紛紛入城我兵四面環攻登山瞭望賊旗已靡親兵丁世昌周高升等首先登城衡勇繼之共斃賊五百餘名生擒二十三名奪獲黃袍黃褂旗幟五百餘件騾馬三十一匹此十一月初九日十二月初三日兩次克復建昌之實在情形也又據代理武甯縣候補府經歷冒溶稟報十月初八日賊匪千餘自紐絲嶺犯境舉人柯芬管帶平江勇李述攀駐紮橫路預定前後夾攻之計柯芬由東路潛繞賊後李述攀迎擊賊前行至芭蕉地方遇賊接仗礮斃

奏稿卷十一

十九

營軍功羅燭子等帶勇先由僻路抄出賊後教職黃先鐸等督隊迎剿行至上莊猝與賊遇槍礮齊施斃十餘賊羅燭子等復從後截擊賊盡棄械越嶺而逃生擒張佩五別股賊目柯定耀帶數百人由羊腸山衝出亦經羅燭子擊卻之二十八日賊眾四千人由黃坊清溪港兩路人犯柯芬與黃量成議分三路迎剿賊盡銳撲左路黃量成督勇殺斃大旗賊目一名中右兩支乘勝衝出四圍兜擊斃賊百餘三十夜柯芬黃量成偵知賊在路口洪家源滋擾分派隊伍往圍剿獲勝十一月初一日賊數千人由瑞昌之王家鋪竄入上莊一帶經紫鹿嶺練勇迎擊眾寡不敵我兵小挫初五日賊忽開道由建昌之猴子崖竄至草坪冒溶督帶存城義勇及團勇又輔以童益彰之平江勇四百名初七日擊賊於潘墩港連斃十餘賊乘勝直追賊愈集愈眾我兵被困紛紛潰散縣城洊罹兵火障堞不完賊撲城下冒溶等退紮澧溪與舉人劉馨翰招集潰勇一面迅催橫路柯芬黃量成之勇一面飭各團派兵助剿初十日賊出千餘人至石口渡焚劫冒溶帶鄉勇二千餘名馳擊柯芬黃量成等橫路之勇繼進適等飛調駐紮奉新之府經歷鄭奠管帶義武營先到遇賊開仗并力夾攻斃賊百餘居民積苦荼毒怨恨入骨或持木棍鋤之屬助戰瓦石攢擊如雨諸軍人人思奮斬馘四百名逐北四十餘里是夜我軍駐距城八里之羅墩鄭奠因

奏稿卷十一

二十

賊膽已寒帶勇繞至西南山坡千聲大呼雜以槍礮冒浴亦率
勇從南路堵截城內之賊逃去大半跌斃踐斃溺斃無算偽檢
點李同偽將軍黃光手刃諸賊迄不能制十一日卯刻四面攻
城賊由東門竄出皆為鄉團擒殺立復縣城此十月初九十八
等日屢獲勝仗十一月初七日先勝後挫兵單城陷初十一
大獲勝仗克復縣城之實在情形也又據布政使銜李續賓稟
報自大冶與國追賊東下十二月初六日行次距瑞昌縣十里
之亭子山該逆聞風遁去該縣署汛外委扈高發與紳耆率練
勇抄擊殲賊多名生擒十二名內有偽探花舒三峯訊明正法
奪獲黃風帽黃馬褂多件收復瑞昌縣城李續賓一面進駐九

奏稿卷十一

江一面派兵收復德安縣城此十二月初五六等日鄂師抵潯
收復瑞昌德安之實在情形也又據道員劉長佑稟稱十一月
二十日探報新喻賊目偽將軍朱一點率眾二千勢將上竄劉
長佑派隊馳赴分宜并催候選知府蕭啟江進屯洋橋互為聲
援二十三日三更賊果悉眾來犯一股進界首一股進界橋界
首之賊抵離城五里白田地方楚勇奮擊破之界橋之賊亦為
汪正準親勇及團練所敗十二月初三日劉長佑率楚勇及投
誠李能通之義勇千名由袁州赴分宜朱一點退踞新喻分股
扼守寶山初八日我軍屯紮界首是夜進剿寶山李能通率眾
先進劉長佑隨後策應寶山之賊先嚴陣以待李能通匹馬突

陣各勇鼓譟從之賊遂敗退我軍并力窮追至離新喻縣城里
許之大頭山賊悉據山巔義勇衝擊賊猶拚死抵拒候選知縣
劉坤一麾眾繞向山後賊勢不支乃敗入城中義勇逐之而入
賊遂出東門楚勇在城外邀擊賊渡河欲斷浮橋我軍一擁登
橋賊於對岸開放槍礮正在相持義勇從下游渡河賊首尾受
敵始狂奔四竄追殺百餘名生擒五名此劉長佑一軍克復新
喻縣城之實在情形也又據知府銜即選同知趙煥聯稟報奉
湖南撫臣札飭會商鄱縣各軍先攻永甯十二月初九日派左
右兩營進扼永新之橋頭初十日趙煥聯督中營越山而進永
甯外委呂宗標進花廳照磨沈鶴鳴隨帶兵勇助剿探知甯新

奏稿卷十一

交界之泥湖坳有逆黨設伏守隘十一日且探且進該逆聞風
遁去未刻行抵渡陂營壘未定驛頭賊目何逆因乘我軍疲乏
掩旗息鼓分三路來犯趙煥聯分三路擊之中路之賊先敗左
右同時奔潰殲斃四十餘名次日黎明派隊往擊賊入亂山
中尾殺十餘人十三日行抵縣城我軍甫入南門偵知賊伏城
外五里之蕉碧村趙煥聯率眾奮擊大破之殺賊目二名餘匪
三百餘名生擒偽協理王起盛等此趙煥聯一軍克復永甯縣
城之實在情形也據各營稟報前來臣等伏查咸豐五年冬間
瑞臨袁州相繼失陷西路州縣多淪於賊自去秋援軍來瑞而
兩湖之路始通自袁州克復鄂師抵潯而西路各屬以次恢復

目下南昌八屬袁州四屬一律肅清南康四屬已復其三臨江
瑞州吉安九江四府亦各克復二屬四屬不等臣等仍當激勵
諸將規復府城俟西路局勢大轉即當分兵東路掃蕩羣醜以
期仰慰
宸廑其武甯縣一案可否容臣等酌保數人伏候
訓示遵行所有官軍兩克建昌一復武甯及湖北官軍收復瑞
昌德安湖南援師克復新喻永甯等縣城各緣由理合恭摺彙
奏伏乞
皇上聖鑒訓示施行謹
奏

奏稿卷十一

三

目疾請假摺 咸豐七年正月十七日

奏為微臣現患目疾懇

恩賞假一月在營醫調恭摺奏祈

聖鑒事竊臣於上年十二月初一日馳赴吳城九江各軍營業
經附奏在案旋於二十八日回省屢接稟報南岸李續賓之師
於三十日與城賊援賊接仗大勝北岸續到之副將鮑超管帶
三千六百人於初五日接仗獲勝蹋毀小池口賊壘二座目下
九江南北兩岸水陸馬步至二萬餘人之多聲勢浩大事務繁
多臣即日擬由瑞州前往九江料理一切庶可與湖北安徽聯
絡一氣惟現患目疾竟日不能開視合無籲懇

奏稿卷十一

三

天恩賞假一月即在瑞州九江軍營靜心調養恭候

訓示除九江各戰情形另行會摺詳報外理合附驛具奏伏乞

皇上聖鑒謹

奏

報丁父憂摺 咸豐七年二月十六日

奏為 現丁父憂恭摺馳報仰祈

聖鑒事竊 於正月十七日自省河拜摺後即馳至奉新督帶

候補知府吳坤修一軍同赴瑞州四面合圍開掘長濠斷賊接

濟二月初四日回省一次與西安將軍 福興巡撫 文俊晤

商大局初九日仍來瑞州十一日接到家信 父

誥封光祿大夫曾麟書於二月初四日病故 係屬長子例應

開缺丁憂溯查 自咸豐二年奉

命典試江西奏蒙

恩准假歸省親行至太湖縣聞訃丁母憂即由九江奔喪回籍

甫經百日奉

旨飭辦團練時值武昌失守數省震動 出而襄事摺內聲明

俟大局稍轉即當回籍終制具奏在案咸豐三年冬間屢奉

鄂按院肅清江面之

命四年八月摺內聲明 係丁憂人員如稍立戰績無論何項

褒榮何項議敘 概不敢受辦理稍有起色即當奏明回籍

補行心喪等因具奏亦在案五年九月蒙

恩補授兵部右侍郎維時雖已服闋而 之私心常以未得在

家守制為隱憾今又遽丁父憂 服官二十年未得一日

侍養親闈前此母喪未能妥辦葬事今茲父喪未能躬視含殮

而軍營數載又過多而功寡在

國為一毫無補之人在家有百身莫贖之罪椎胸自責抱痛何

極瑞州去 家不過十日程途即日遵

制丁憂奔喪回籍一面由驛馳奏恭候

諭旨 之胞弟曾國華出繼叔父為嗣現在瑞州軍營即日交

卸回里丁本生降服憂胞弟曾國奎現在吉安軍營亦應奔喪

回籍惟撫建大股賊匪二萬餘人赴援吉安連日與官軍大戰

雖屢獲勝仗而我軍亦有傷亡國空之能否遄歸尚未可知伏

查 經手事件以水師為一大端署提督楊載福駐紮九江

所統外江水師十五營道員彭玉麟駐紮吳城所統內湖水師

八營合計船隻五百餘號礮位至二千餘尊之多此非 一人

所能為力 在衡州時僅奏明造船百六十號岳州以下雖陸

續增添而九江敗挫之後則水師中衰其時回援湖北者僅船

百餘號賴彭玉麟力支危局胡林翼楊載福重廓規模而又有

廣東督 購運洋礮湖南撫 督率官紳廣置船隻子藥於是

外江之水師始振陷入鄱湖者亦僅船百餘號賴江西撫 及

總局司道竭力維持增修船礮籌備子藥於是內湖之水師亦

振合四省之物力各督撫之經營揚載福等數年之戰功乃克

成此一枝水軍 不過因人成事豈敢無其實而居其名惟

因事離營內外水軍或分歧而不定相應奏明請

旨特派署提督臣楊載福總統外江內湖水師事務惠潮嘉道彭玉麟協理外江內湖水師事務庶幾號令歸一名實相符楊載福戰功最偉才識遠勝於臣彭玉麟備歷險艱有烈士之風伏乞

聖恩時加訓勵該二人必能了肅清江面之局仍請

旨飭下湖北撫臣胡林翼月籌銀三萬兩江西撫臣文俊月籌

銀二萬兩解交楊載福彭玉麟水營俾此軍不以饑疲致潰則

不特為攻剿九江湖口所必需即將來圍攻金陵巡防長江亦

必多所裨益此臣經手事件之大端也自水師而外惟湘勇係

同縣之人寶勇係久從之卒於臣略有關係現在李續賓之湘

勇駐紮九江精勁樸實隱然巨鎮久在

聖明洞鑒之中劉騰鴻之湘勇普承堯之寶勇駐紮瑞州嚴明

勤謹足當大敵但使餉項稍敷必能樹立功績臣在軍中亦無

所益即不在軍中亦無所損此外江西水陸諸軍及各省援師

自去歲以來皆由撫臣文俊與臣會商調遣今臣丁憂開缺應

由西安將軍福興與撫臣會商辦理近日洪楊內亂武漢肅清

袁州奉新等處克復數城江西局勢似有旋轉之機惟臣猝遭

父喪苦塊昏迷不復能料理營務合無籲懇

天恩准臣在籍守制稍盡人子之心而廣

教孝之典全家感戴

皇仁實無既極抑或

賞假數月仍赴軍營効力之處聽候

諭旨遵行現在南商將軍福興巡撫文俊兩臣酌請一人前來

瑞州撫循各營將士臣拜摺後即由瑞州奔喪回里除俟抵家

後再行呈報外所有微臣丁憂開缺緣由理合由驛六百里馳

奏伏乞

皇上聖鑒訓示施行謹

奏

奏稿卷十一

天

呈請代奏奔喪到籍日期摺 咸豐七年二月三十日

為呈請據情代奏仰祈

聖鑒事竊

國藩

在瑞州營次聞訃丁憂奔喪回籍業於二月十

六日由驛馳奏在案嗣經西安將軍福興江西巡撫文俊派令

督糧道李桓於二十日來至瑞州軍營聯絡將領拊循士卒

國藩將一切軍情面為述告布政司銜李續賓亦令其胞弟李續

宜由九江馳至瑞州幫同照料營務瑞州開挖長壕三十一里

於正月二十五日興工晝夜催趨二月十八日完竣賊之接濟

文報均已斷絕諒無他虞 國藩即於二十一日匍匐起行二十

五入湖南境二十九日抵家所有奔喪到籍日期理合呈請據

奏稿卷十一

完

情代奏伏乞

皇上聖鑒謹呈

呈請代奏謝 恩摺 咸豐七年三月二十六日

為呈請據情代奏恭謝

天恩仰祈

聖鑒事本年三月十一日准湖南巡撫咨開咸豐七年二月二

十七日內閣奉

上諭賂秉章奏統兵大員現丁父憂一摺兵部侍郎曾國藩之

父曾麟書在籍病故該侍郎現在江西督師軍務正當喫緊古

人墨經從戎原可奪情不令回籍惟念該侍郎素性拘謹前因

母喪未終授以官職具摺力辭今丁父憂若不令其奔喪回籍

非所以遂其孝思曾國藩著賞假三箇月回籍治喪并賞銀四

奏稿卷十一

三

百兩由湖南藩庫給發俾經理喪事俟假滿後再赴江西督辦

軍務以示體恤欽此跪聆之下感泣難名當即宣讀

諭旨祭告先靈恭設香案率領闔家大小望

闕叩頭竊 國藩才識庸劣軍旅未嫻數載從戎過多功寡觀烽

煙之未靖愧調度之無方茲又遽遭大故解職離營方憂懼之

交深欲陳情而悚息迺蒙

皇上天恩賞假三月回籍治喪并

賞銀兩經理喪事凡臣子難言之隱早在

聖明體諒之中不匱之思

錫類罔遺於一物非常之典

殊恩下賁於九泉國藩惟有殫竭愚忱勉圖報稱戰戰兢兢常懷履薄臨深之義子子孫孫永矢銜環結草之忱所有國藩感激下忱理合率同諸弟呈請據情代奏叩謝天恩伏乞皇上聖鑒謹呈

奏稿卷十一

呈

憑陳下情懇請終制摺 咸豐七年五月二十二日

奏為憑陳下情懇請終制仰祈

聖鑒事咸豐七年二月二十七日奉

上諭駱秉章奏統兵大員現丁父憂一摺兵部侍郎曾國藩之父曾麟書在籍病故該侍郎現在江西督師軍務正當喫緊占人墨經從戎原可奪情不令回籍惟念該侍郎素性拘謹前因母喪未終授以官職具摺力辭今丁父憂若不令其奔喪回籍非所以遂其孝思曾國藩著賞假三箇月回籍治喪并賞銀四百兩由湖南藩庫給發俾經理喪事俟假滿後再赴江西督辦軍務以示體卹欽此三月初一日奉

奏稿卷十一

呈

上諭曾國藩奏丁憂回籍請派員督辦軍務一摺曾國藩丁父憂前據駱秉章奏到業經降旨賞假三箇月回籍治喪假滿後著仍遵前旨即赴江西督辦軍務以資統率等因欽此仰見我皇上深仁渥澤既俯鑒臣子之隱曲示矜憐復不棄下之材曲加器使凡屬旁觀猶為感泣矧在身受能無奮興惟微臣下情有不敢不憑陳於聖主之前者臣通籍時祖父母父母皆無恙在京十四年在軍五年堂上四人先後見背生前未伸一日之養沒後又不克守三年之制寸心愧負實為難安前代及我朝奪情之案被人彈劾者層見疊出而兩次奪情則從古所無

臣到籍以來輾轉思維欲終制則無以報吾

君高厚生成之德欲奪情則無以報吾親恩勤鞠育之懷欲再

出從軍則無以謝後世之清議欲不出則無以謝患難相從之

軍士進退狼狽不知所裁伏查近日軍務我

皇上不動聲色芟夷大難潛移默運實已挽回十分之七八以

大局言之河北蕩平洪楊內亂武漢肅清水師精勁迥非咸豐

二三年氣象可比以江西言之西路克復十餘州縣潯瑞吉臨

皆駐重兵亦迥非上年春夏情形可比自臣出營而後又聞瑞

州長濠日固臨江四面合圍吉安賊船焚燬一空東路貴溪屢

獲大捷江西軍事漸有起色得將軍巡撫兩臣辦理裕如添

一人未必有益少一人不見其損臣恭閱邸鈔上年大學士

賈楨丁憂

皇上賞假六箇月令其回籍治喪旋因賈楨奏請終制又蒙

諭旨允其所請并指明御史郝焄杰傳聞之誤臣假期將滿葬

事未畢合無懇

天恩援照賈楨之例准臣在籍終制感激

鴻慈永無既極微臣報

國心長治軍才短守制之日有限事

君之日無窮瞻望

北闕惶恐待

命所有懇陳下情懇請終制緣由恭摺由驛五百里馳奏伏乞
皇上聖鑒訓示遵行謹

奏

奏稿卷十一

書

恭謝 天恩并願請開缺摺 咸豐七年六月初六日

奏為恭謝

天恩仍願請開缺恭摺仰祈

聖鑒事咸豐七年閏五月十七日兵部火票遞到閏五月初五日內閣奉

上諭曾國藩奏懇請終制一摺曾國藩在江西軍營聞丁父憂前經降旨賞假三箇月回籍治喪俟假滿時再赴江西督辦軍務以示體卹茲據該侍郎奏稱假期將滿葬事未畢願准在籍終制曾國藩本以母憂守制在籍奉諭勸辦團練當賊氛肆擾皖鄂即能統帶湖南船勇墨經從戎數載以來戰功懋著

奏稿卷十一

忠誠耿耿朝野皆知伊父曾麟書因聞水師偶挫又令伊子曾國華帶勇遠來援應尤屬一門忠義朕心實深嘉尚今該侍郎以假期將滿陳請終制并援上年賈楨奏請終制蒙允之例覽其情詞懇切原屬人子不得已之苦心惟現在江西軍務未竣該侍郎所帶楚軍素聽指揮當茲剿賊喫緊亟應假滿回營力圖報効曾國藩身膺督兵重任更非賈楨可比著仍遵前旨假滿後即赴江西督辦軍務并署理兵部侍郎以資統率俟九江克復江西肅清朕必賞假令其回籍營葬俾得忠孝兩全毫無餘憾該侍郎殫心事主即以善承伊父教忠報國之誠當為天下後世所共諒也欽此

自願何人膺茲

寵獎非分之榮惶悚無地 臣父畎畝效忠既蒙 頒賜賻銀復荷

溫語褒嘉當即焚香祭告宣讀

諭旨合家跪聆感激零涕伏念 臣材識駑下本乏寸長而事會所乘復多乖舛自咸豐三年初奉援鄂援皖之

命維時吳文鎔總督鄂中係 臣之座師江忠源巡撫皖省係 臣

所保舉公義私情望援孔切書牘催促皆相助以忠義期共濟

於艱危不圖 臣甫出師而吳文鎔江忠源相繼殉難 臣亦旋有

岳州之敗靖江之挫厥後憑仗

天威水陸東征岳鄂蕪黃長驅席卷謂可成破竹之勢不圖舟

奏稿卷十一

師挫於湖口陸兵潰於北岸遂有武昌再陷之變五年秋間九江南康水陸安穩又分湘勇回援湖北軍勢尚沛然而有餘不圖塔齊布羅澤南相繼淪謝兩路悍賊適於其時竄入江西腹地局勢為之大震聲威亦為驟減六年困守江西備極艱險冬春之間西路克復十餘州縣漸有轉機 臣進駐瑞州開掘長濠甫經合圍不圖又有聞訃丁憂之耗材智本極庸愚事機復多不順 臣獨居深念常恐福分淺薄終不能立功以報 聖明於萬一所為聞自傷感者也計湖南一軍有功可言者往年則陸路塔羅水路楊彭久立聲績近年則李續賓力振湘軍而劉騰鴻李元度亦有撐持堅忍之力 因人成事毫無功

效履經具奏在

諡旨戰功懋著之褒謚

流汗在

聖主善善從長或姑為過情之舉以試將來在微臣循名責實

又何敢掠人之美以為己有至楚軍素聽指揮一節查湖南練

勇昔年猶有見賊逃遁懷鄉思歸之事近則閱歷極久膽氣皆

壯輕賊匪之伎倆慕

天家之官爵以投營為名利兩全之場以戰陣為日用常行之

務湘中勇夫赴江西湖北投效者絡繹不絕父缺子代此往彼

歸較之臣初募練之時風氣迥不相同但使稍給口食即可靜

聽指揮臣二月間訃之初亦慮將士相從日久恐難驟離而他

奏稿卷十一

老

屬自出營而後各路安謐如常吉安臨江屢獲勝仗將軍福興

至瑞州視師一次巡撫耆齡遣員至瑞州犒賞一次各營皆歡

欣踴躍樂為用命可見士無常親惟撫馭者是親不必楚人而

後能用楚眾也我

皇上器使庸材嘉矜并至於有過宜罰之時曲賜

恕原於無善可錄之中曲加

獎借既荷

溫語寵答復蒙

飭署兵部侍郎以資統率臣伏念丁憂人員未開竇缺寸心終

抱不安衰絰從事明臣黃道周目為凶醜不祥之人況臣兩遭

親喪自度不祥之身決非宏濟時艱挽回大局之象合無顯懇

天恩俯准開除兵部侍郎缺感激

皇仁實無既極除將微臣辦事艱難情形同日另奏外所有恭

謝

天恩并願請開缺緣由恭摺由驛五百里馳奏伏乞

皇上聖鑒訓示施行謹

奏

奏稿卷十一

美

歷陳辦事艱難仍懇終制摺 咸豐七年六月初六日

奏為歷陳微臣辦事艱難竭蹶終恐貽誤願懇在籍守制恭摺

奏祈

聖鑒事竊臣謬廁戎行與聞軍事仰蒙

聖慈垂注

轉載恩深凡有奏請多蒙

俞允即有過失常荷

宥原遭逢

聖明得行其志較之古來疆場之臣掣肘萬端者何止霄壤之

別惟以臣之愚處臣之位歷年所值之時勢亦殊有艱難情狀

奏稿卷十一

三九

無以自申者不得不略陳於

聖主之前定例軍營出缺先儘在軍人員拔補給予劄付臣處

一軍概係募勇不特參游都守以上無缺可補即千把外委亦

終不能得缺武弁相從數年雖保舉至二三品而充哨長者仍

領哨長額餉充隊目者仍領隊目額餉一日告假即時開除終

不得照綠營廉俸之例長遠支領弁勇互生猜疑徒有保舉之

名示無履任之實或與巡撫提督共事一方隸人衙門則挑補

實缺隸麾下則長生缺望臣未奉有統兵之

旨歷年在外不敢奏請滿漢各營官兵實缺之將領太少大小

不足以相維權位不足以相轄去年曾籌江西軍務偶欲補一

千把之缺必婉商巡撫請其酌補其隸九江鎮標者猶須商之

總兵令其給予劄付雖居兵部堂官之位而事權反不如提鎮

此辦事艱難之一端也

國家定制各省文武黜陟之權責成督撫相沿日久積威有漸

督撫之喜怒州縣之榮辱進退繫焉州縣之敬畏督撫益出於

勢之不得已其奉承意旨常探乎心之所未言臣辦理軍務處

處與地方官相交涉文武僚屬大率視臣為客視本管上司為

主賓主既已歧視呼應斷難靈通防剿之事不必盡謀之地方

官矣至如籌餉之事如地丁漕折勸捐抽釐何一不經由州縣

之手或臣營抽釐之處而州縣故為阻撓或臣營已捐之戶而

奏稿卷十一

三九

州縣另行逼勒欲聽之則深慮事勢之窒礙欲懲之則恐與大

吏相齟齬錢漕一事小民平日本以浮收為苦近年又處積困

之餘自甲寅冬間兩路悍賊竄入江西所在劫掠民不聊生今

欲於未經克復之州縣徵收錢漕勸諭捐輸則必有勁旅屯駐

以庇民之室家而又或擇良吏以恤民隱或廣學額以振士氣

或示減向日之浮收或奏豁一年之正課使民感惠於前倖澤

於後庶幾屢捐而不怨竭脂膏奉公上而不以為苦然此數者

皆巡撫之專政臣身為客官職在軍旅於勸捐擾民之事則職

分所得為於吏治學額減漕豁免諸務則不敢越俎代謀縱欲

出一愷惻詳明之告示以儆官邪而慰民望而身非地方大吏

州縣未必奉行百姓亦終難見信此辦事艱難之一端也臣幫辦團練之始仿照通例鐫刻木質關防其文曰

欽命幫辦團防查匪事務前任禮部右侍郎之關防咸豐四年

八月臣剿賊出境湖南撫臣咨送木印一顆其文曰

欽命辦理軍務前任禮部侍郎關防九江敗後五年正月換刻

欽差兵部侍郎銜前禮部侍郎關防是年秋閒補缺又換刻

欽差兵部右侍郎之關防臣前後所奉援鄂援皖籌備船礮肅

清江面諸

諭皆係接奉

廷寄未經明降

奏稿卷十一

望

諭旨外閒時有譏議或謂臣係自請出征不應支領官餉或謂

臣未奉

明詔不應稱

欽差字樣或謂臣曾經革職不應專摺奏事臣低首茹歎但求

集事雖被侮辱而不辭迄今歲月太久關防之更換太多往往

疑為偽造釀成事端如李成謀戰功卓著已保至參將矣被刑

辱於芷江縣出示以臣印札而不見信周鳳山備歷艱辛已保

至副將矣被羈押於長汀縣亦出示以臣印札而不見信前福

建巡撫呂佺孫曾專函馳詢臣印不符之故甚至捐生領臣處

之實收每為州縣猜疑加之鞠訊或以為不足據而勒令續捐

今若再赴軍營又須另刻關防歧舛愈多憑信愈難臣駐紮之

省營次無定閒有部頒緊要之件亦不徑交臣營四年所請部

照因久稽而重請六年所請實官執照至今尚無交到確耗此

外文員之憑武官之劄皆由督撫轉交臣營常遲久而不到軍

中之事貴取信如金石迅速如風霆而臣則勢有所不能斯又

辦事艱難之一端也茲三者其端甚微關係甚鉅臣細察今日

局勢非位任巡撫有察吏之權者決不能以治軍縱能治軍決

不能兼及籌餉臣處客寄虛懸之位又無圓通濟變之才恐終

不免於貽誤大局凡有領軍之責者軍覆則死之有守城之責

者城破則死之此天地之常經古今之通義臣講求頗熟不

奏稿卷十一

望

敢踰閑今楚軍斷無覆敗之患省城亦無意外之虞臣赴江西

無所容其規避特以所陳三端艱難情形既如此而奪情兩次

得罪名教又如彼斯則宛轉縈思不得不泣陳於

聖主之前者也臣冒昧之見如果賊勢猖狂江西危迫臣當專

摺馳奏請赴軍營以明不敢避難之義若猶是目下平安之狀

則由將軍巡撫會辦事權較專提挈較捷臣仍願懇

天恩在籍終制多守數月盡數月之心多守一年盡一年之心

出自

聖主逾格鴻慈不勝惶恐待

命之至所有滯陳辦事艱難仍願懇終制緣由恭摺馳奏伏乞

皇上聖鑒訓示施行謹
奏

奏稿卷十一

四三

欽奉兩次 諭旨覆奏摺 咸豐七年九月初九日
奏為欽奉兩次 諭旨恭摺覆奏仰祈

聖鑒事

七月初一日准兵部火票遞到六月十九日奉

上諭前因曾國藩以假期將滿願懇終制當經諭令假滿後即
赴江西督辦軍務并署理兵部侍郎以資統率原因該侍郎督
剿有年楚軍正資調度器經從戎忠孝兩盡茲據奏稱江西各
營安謐如常毋庸親往撫馭并懇陳才難宏濟心抱不安仍請
開缺守制各等語曾國藩以督兵大員正當江西喫緊之際原
不應遽請息肩惟據一再陳請情詞懇切朕素知該侍郎并非

奏稿卷十一

四

畏難苟安之人著照所請准其先開兵部侍郎之缺暫行在籍
守制江西如有緩急即行前赴軍營以資督率此外各路軍營
設有需才之處經朕特旨派出該侍郎不得再行瀆請致辜委
任欽此九月初三日准湖南巡撫咨稱八月十四日奉

上諭在籍侍郎曾國藩前經降旨准其暫行在籍守制倘江西
軍務緊急或他省有需人之處仍著候旨前往昨據給事中李
鶴年奏曾國藩自丁父憂屢蒙賜金給假褒獎慰留此後墨經
從戎宜為天下所共諒豈容以終制為守經再三瀆請請飭仍
赴江西及時圖報等語軍務奪情原屬不得已之舉朕非必欲
該侍郎即入仕途然如該給事中所奏亦可見移孝作忠經權

并用公論自在人心現在江西軍務有楊載福統帶雖無須曾國藩前往而湖南本籍逼近黔粵賊氛未息團練籌防均關緊要該侍郎負一鄉重望自當極力圖維急思報稱所有李鶴年原摺著鈔給閱看將此諭知駱秉章著傳旨諭令曾國藩知之欽此臣初奉暫准守制之

旨因軍勢未定恐有

後命是以未及遽行覆奏自七月以來聞龍泉克復吉安挫失之信又聞克復瑞州府城進賢縣城之信頃又聞九江一軍攻克黃梅縣及小池口之信仰託聖主威福江西軍務辦理得手

奏稿卷十一

聖

批諭飭令緩急赴營之處揆度時勢自可毋庸前往茲復欽奉

諭旨飭臣在湖南本籍辦理團防力圖報稱

聖主使臣以禮因時制宜跪聆之下感悚曷勝目下湖南全省肅清臣當仍遵

前旨暫行守制如果賊氛不靖湖南告警所有應須團練籌防之處屆時商之湖南撫臣再行奏明辦理臣自到籍以來日夕惶悚不安自問本非有為之才所處又非得為之地欲守制則無以報

九重之鴻恩欲奪情則無以謝萬世之清議惟盼各路軍事日有起色仰紓

宵旰之憂即微臣恪守禮廬寸心亦得以稍安所有奉到兩次諭旨恭摺由驛三百里覆奏伏乞皇上聖鑒訓示施行謹

奏

硃批江西軍務漸有起色即楚南亦就肅清汝可暫守禮廬仍應候旨大臣出處以國事為重抒忠即為全孝所云懼清議之訾猶覺過於拘執也欽此

奏稿卷十一

聖

酌擬報銷大概規模摺 咸豐七年十一月初七日

奏為酌擬報銷大概規模請

旨飭部核議恭摺奏祈

聖鑒事竊 臣處一軍未經奏派 大員總理糧台亦無專司之員 始終其事初在衡州造船募勇 冒昧從事條理未精厥後越境 剿賊用銀漸多歷時漸久所募 概係勇丁將領多係紳士官事 非其所嫻冊報閒有未備而又 與湖南湖北江西三省總局相 交涉有先在 臣處糧台領餉而後在他處支領者有本在 臣處 領餉而他處亦時為接濟者又有由江援鄂由鄂援江忽分忽 合中間并無餉可領者 臣處辦理報銷比他軍尤覺散漫難清

奏稿卷十一

四

臣之愚見擬將統轄較多者分為數大款將 臣處領餉之月日 及他處領餉之月日先行具奏 俾眉目清楚起訖分明庶免輕 轉混淆之弊亦無重複開報之虞如塔齊布所統為一款該提 督所帶道勇寶勇等於咸豐四年二月在 臣處糧台支餉其所 帶撫標等兵仍在湖南省局支餉在通城湘潭岳州皆係如此 辦理四年閏七月初二日岳州賊退塔齊布出境追剿其所帶 全軍應自閏七月初三日起至五年七月二十日止概由 臣處 糧台報銷二十一以後即歸入 周鳳山款下接算羅澤南所統 為一款該員所帶湘勇自咸豐二年臘月隨 臣同赴長沙嗣後 年餘均在省局領餉自四年閏七月初三日起直至五年十一

月二十八日由江西抵湖北洪山之日止應歸 臣處糧台報銷

其二十九日以後即應歸湖北總局報銷楊載福所統水軍為

一款該員自咸豐三年十一月衡州造船起至五年正月初五

日止應歸 臣處糧台報銷其因病離營後再出統帶水師則由

湖北湖南報銷彭玉麟所統為一款該員自三年十一月衡州

造船起至五年正月由九江赴 臣處報銷五月初一日以後則歸湖北

截至四月三十日止歸 臣處報銷

總局報銷是冬調赴江西自十二月起至六年臘底止仍歸 臣

處報銷七年正月以後則歸江西總局報銷李孟羣所統為一

款該司經 臣咨調由廣西來楚自四年六月初八到長沙之日

奏稿卷十一

四

起至五年正月初三由九江赴 臣處報銷湖北之日止應歸 臣處糧台 報銷此後則歸湖北報銷李元度所統為一款該員自五年正 月在南昌募勇起至六年臘月三十日止應歸 臣處糧台報銷 七年以後則歸江西省局報銷 周鳳山所統為一款該將自咸 豐三年九月剿辦常甯道州土匪即在 臣處支餉自四年二月 至五年七月應併入塔齊布款下核算自七月廿一日接統潯 營全軍起至六年九月底止應歸 臣處糧台報銷其再由長沙募 勇援剿吉安則歸湖南江西報 銷以上七款皆為日較久用銀 較多交涉各省宜分別界限者 也此外水陸兩軍營數尚多或 先分後併或因敗撤遣與各省 并無交涉者將來彙冊報部不

必先行瑣陳又如李續賓蔣益澧前在臣軍年餘擬即併入羅澤南款下核算厥後該員等各統一軍則歸湖北等省報銷又如臣弟曾國華曾國荃或自武昌赴援瑞州或自長沙赴援吉安在臣處領餉甚少應歸江西等省報銷凡此皆出款之大概規模也至若經手人員臣在衡州時出入銀錢多係自行經理委員即補同知陶壽玉檢點帳目四年二月至長沙委員候補知府李瀚章管理收支事件七月由岳州赴鄂於長沙設立後路糧台派湖南即用道裕麟湖北記名道厲雲官司其事其水陸行營收支事務則李瀚章及江南同知鄭德基主之九月以後於漢口設立轉運局派禮部員外郎胡大任司其事五年駐軍南康於南昌設立後路糧台派禮部員外郎甘晉及李瀚章司其事六年十二月撤毀糧台自七年正月起歸併江西省局司道辦理除鄭德基業經病故外其裕麟厲雲官胡大任甘晉李瀚章陶壽玉六員現在分處兩湖江西安徽四省俟江西軍務將畢即行設局飭該六員為臣辦理報銷事件遵照定式造冊送部大約水陸數年之餉精礮船各廠之經費通共用銀在三百萬兩內外勾稽尚易完竣惟是該六員者并非總理本無專責自始至終皆係窮窘之境勸捐挪墊委曲維持或因敗挫遊散奔走於危地或因空乏屢展受侮於弁兵廉謹將事艱苦備嘗而九江一敗又有燒劫餉船遺失文卷之事將來如有款

奏稿卷十一

完

奏稿卷十一

季

目不符著賠追繳之處皆係臣一身承認不與該六員相干是否當謹擬大概規模請旨飭下該部核議施行理合具摺送交江西撫臣附奏伏乞皇上聖鑒訓示施行謹奏

曾文正公奏稿

卷之十二目錄

恭報起程日期摺 咸豐八年六月十七日

湖口建昭忠祠九江建塔齊布祠摺 八月十二日

湘鄉縣建忠義祠摺 全日

廣豐玉山兩縣解圍摺 全日

遵旨移師援閩摺 全日

攻克安仁縣城摺 八月二十四日

移師由杉關入閩摺 九月十三日

調派官軍分道入閩摺 十月十六日

移軍勦景德鎮股匪摺 十一月二十六日

遵旨斟酌具奏摺 十二月十一日

通籌全局請添練馬隊摺 咸豐九年正月十一日

李續賓死事甚烈功績最多摺 全日

曾國華殉難三河鎮摺 全日

謝曾國華追贈優卹恩摺 全日

蕭啟江在南康勝仗摺 全日

張運蘭攻勦景鎮情形摺 全日

恭報起程日期摺 咸豐八年六月十七日

奏為恭報起程日期仰祈

聖鑒事竊臣於六月初三日准湖南巡撫咨稱承准軍機大臣

字寄五月二十一日內閣奉

上諭前因江西賊匪竄入浙江之常山開化圍逼衢州府城疊

由江南徽州等處調撥援師馳往救援恐官軍無所統屬特加

漳州鎮總兵周天受提督銜督辦浙江防勦事宜嗣因處州失

守并攻陷金華所屬之永康武義二縣恐周天受資望較淺未

能統率眾軍復諭和春前往督辦茲據和春奏現在患病未痊

刻難就道東南大局攸關必須聲威素著之大員督率各軍方

能措置裕如曾國藩開缺回籍計將服闋現在江西撫建均經

克復止餘吉安一府有曾國荃劉騰鶴等兵勇足敷勦辦前諭

者齡飭令蕭啟江張運蘭王開化等馳援浙江該員等皆係曾

國藩舊部所帶勇丁得曾國藩調遣可期得力本日已明降諭

旨令曾國藩馳驛前往浙江辦理軍務著駱秉章即傳旨令該

侍郎迅赴江西督率蕭啟江等星馳赴援浙境與周天受等各

軍力圖掃蕩該侍郎前此墨經從戎不辭勞瘁朕所深悉現當

浙省軍務喫緊之時諒能仰體朕意毋負委任何日起程并著

迅速奏聞以慰廑念將此由六百里各諭令知之欽此伏念浙

江完富之區關繫東南大局賊勢方張亟應迅籌援勦遵即於

初七日自家起程十二日抵長沙與撫臣駱秉章會商并一面
飛飭蕭啟江張運蘭王開化等由撫建拔營進駐鉛山縣之河
口鎮擬由水路至九江登陸遊抵河口大營即便督率星馳
赴浙蓋由湖南江西陸路赴浙與假道長沙程途遠近相同而
夏令南風順水舟行較速且軍後路餉需轉運一切亦須與
湖北督撫臣面相商權庶期無悞師行才質凡陋頻年飽歷
憂虞待罪行間過多功寡伏蒙
皇上鴻慈曲加矜宥惟有殫竭愚忱慎勉襄事以求稍紓
宵旰憂勤所有軍務一切俟行抵河口後再行詳悉陳奏理合
將微臣起程日期恭摺由驛覆奏伏乞

奏稿卷十二

皇上聖鑒訓示施行謹

奏
殊批汝此次奉命即行足徵關心大局忠勇可尚俟抵營後迅
將如何布署進剿機宜由驛馳奏可也欽此

湖口建昭忠祠九江建塔齊布祠摺咸豐八年八月十二
奏為湖口建立水師昭忠祠九江建立前提臣塔齊布祠請
旨敕部核議恭摺奏
聞仰祈

聖鑒事竊臣國藩於咸豐三年在衡州製造戰船設立水師四
年越境剿賊自湘潭以至九江焚燒賊艦萬餘事機甚順旋以
湖口之挫戰船半入內湖半阻外江其在外江者由彭玉麟帶
領回援武昌復經湖南撫臣製造船礮交臣楊載福募勇會同
援鄂苦戰兩年再克武漢湖北撫臣胡林翼經營恢廓外江水
師遂增至一十八營其在內湖者初僅戰船百零七號臣國藩

奏稿卷十二

入南昌後會同江西撫臣添置船礮札調彭玉麟來江統帶內

湖水師亦增至二百餘舟七年二月臣國藩丁憂回籍請

旨特派臣載福總統外江內湖水師事務彭玉麟協理仰蒙

聖恩允准九月內會同規取湖口彭玉麟攻其內臣楊載福攻

其外臣李續賓亦以陸師從山後抄擊立將湖口克復自是而

逆舟之精銳略盡九江之賊勢益孤矣仰荷

聖主威福合三省之物力成此一枝水師上下三千里舳艫不

絕旌旗相望臣楊載福復進剿蕪縣一次進剿蕪湖一次肅清

江面之局大致羸定惟是數年以來弁勇出入於礮子如雨之

中挺身殉難鬱為國殤合計陣亡傷亡不下三千餘人其有雖

死而冊名偶遺及大風覆舟而溺死失火藥箱而焚死者均不在此數中臣楊載福與彭玉麟會商就湖口石鍾山上建祠一所合祀水師陣亡各員弁勇丁名曰水師昭忠祠上以體聖主褒崇忠義之意下以動各營觀感奮發之心彭玉麟留防湖口就近監修分別正祀附祀刊刻木主依次列入此湖口建立水師祠宇之原委也前提臣塔齊布署湖南撫標守備時已毅然有殺賊立功之志湘潭一役以千餘新集之師當數萬方張之賊楚軍之勇敢實倡於此大局之轉機亦始於此逮渥荷聖恩超擢提督涅管刺字精忠報國轉戰岳州武昌大冶興國田家鎮廣濟黃梅等處身先士卒所向有功祇以九江一郡未能速下忠憤填膺鬱成疾日對孤城竟以身殉本年四月水陸諸軍克復九江該處士民及在營弁勇語及塔齊布當時遺憾無不感歎流涕異口同聲公請建立專祠並附祀陸師陣亡各員弁以報功而示勸已就郡城隙地擇期興工名曰塔忠武公祠臣李續賓委員監修其附祀之員弁勇丁確切查明刊刻木主依次列入此九江建立塔齊布祠宇之原委也臣國藩欽奉諭旨馳赴浙江經歷九江湖口見兩處祠宇俱已將次工竣瞻拜爭趨往來相屬廣盛世褒忠之典卜斯人向善之忱伏思

皇上眷念蓋臣恩施逾格凡茲效命疆場之士悉本朝廷鼓舞而成臣等不揣冒昧籲懇天恩敕下該部九江湖口兩祠宇照各府昭忠祠之例飭地方官春秋致祭於聖朝褒忠勸善之道或亦足以裨補於萬一謹會同湖廣總督臣官文湖北巡撫臣胡林翼江西巡撫臣耆齡恭摺附驛具奏伏乞皇上聖鑒訓示施行謹奏

湘鄉縣建忠義祠摺 咸豐八年八月十二日

奏為湘鄉縣城捐建忠義祠彙祀陣亡員弁勇丁恭摺奏

聞仰祈

聖鑒事竊 國藩於咸豐二年十二月奉

旨督辦湖南團防時長沙解圍未久撫 張亮基札調湘勇千

人 國藩率同羅澤南王鑫劉蓉羅信南數人督帶湘勇赴省

仿照前明戚繼光之法編束隊伍練習膽技當經縷晰奏明在

案三年二月衡山土匪曹賊李躍搆亂於草市派劉長佑王鑫

前往勦滅是為湘勇殺賊立功之始五月十八日江西省城被

圍前安徽撫 江忠源由九江入省登陴守禦飛書請援 國

藩會商湖南撫 招募湘勇二千楚勇一千配以三廳兵八百

人赴江救援其監護軍行者則有夏廷樾郭嵩壽朱孫詒羅澤

南其管帶湘勇之員則有謝邦翰易良幹羅信南康錦輝楊虎

臣等而羅澤南亦自帶一營七月二十日軍至南昌二十四日

因進兵大銳先勝後挫謝邦翰易良幹及羅信南之弟羅信東

等同時陣亡此湘勇出境勦賊帶勇紳士力戰捐軀之始也

續賓時在謝邦翰營中幫辦營務謝邦翰沒後遂接帶斯營

國藩時在衡州聞援軍挫衄之信倡議於湘鄉建立祠宇祀謝

邦翰易良幹及在江殉難之人此後如有死事員弁以次附祀

名曰忠義祠四年冬間祠工告竣數載以來湘勇援鄂援江援

廣東援廣西幾無虛日今 國藩復奉

命援勦閩浙 續賓奉

命援勦皖豫統計湘勇之出境征伐者不下六七萬人員弁勇

丁之陣亡傷亡者亦不下五千餘人其間死事最著者羅澤南

靖節於武昌王鑫盡瘁於樂安劉騰鴻效命於瑞州羅澤南奉

諭旨於三省建立專祠王鑫奉

旨於兩省建立專祠自應於本縣各建一祠劉騰鴻奉

旨於瑞州建立專祠亦應推廣

皇仁建祠本縣此外殉難各員如李杏春宣勞最久而勳名未

彰鍾近衡死綏最先而卹典尚闕及其他營官幫辦哨弁死難

之人或慷慨以赴敵或力窮而就義均應彙入總祠上以體

聖世褒忠之意下以勵湘人觀感之誠本年六月 國藩于役

浙省經過縣城周覽舊立祠宇規模狹小附祀之主無可安設

思欲稍加廓大行次黃州晤 續賓商議意見相同 等擬即

倡捐銀兩擇交邑紳就四年所修之祠添購基地重加修葺凡

陣亡將領弁勇分別正祀附祀刊刻木主依次列入合無籲懇

天恩敕下部議湘鄉縣所建忠義祠俯准照各府昭忠祠之例

飭地方官春秋致祭於

聖朝褒忠勵節之道或不無小補所有湘鄉縣捐建忠義祠

緣由謹會同湖南巡撫 駱秉章恭摺附驛具奏伏乞

一、... 丹... 任... 臣... 言... 身... (片...)

皇上聖鑒訓示施行謹奏

奏稿卷十二

八

曾文正公奏稿 卷一二

廣豐玉山兩縣解圍摺 咸豐八年八月十二日

奏為聞賊竄撲廣豐玉山兩縣官軍力戰守禦屢獲勝仗兩城先後解圍恭摺奏祈

聖鑒事竊浦城大股賊匪於七月初十日回竄廣豐縣五都地方平江營營官守備彭大壽候選知縣夏宏江等與在城文武一面稟請援師一面分撥堵禦十一日黎明前隊長髮老賊數百名直犯縣城彭大壽等派三成隊出城迎擊賊稍卻退已刻復繞東門山背而來黃旗殷山喊聲震地數次猛撲猖獗異常彭大壽等以眾寡不敵飭各勇堅守勿動排列垛口以槍礮轟之待賊氣已疲突出不意出城奮擊賊遂大潰退三四里屯踞

奏稿卷十二

九

未刻候選道李元度續派平江老左營都司銜守備童梅華新左營千總張詩華右營候選知縣郭式源馳來救援人心稍定十二日辰刻賊悉銳薄城我師仍堅忍相持未刻分三門出隊奮擊斃賊百餘名陣斬乘坐紅呢大轎賊渠二人我軍陣亡把總易金榜李傳綸二員十三四兩日逆賊愈集愈眾三面環攻並於東南兩門暨小北門外近城房屋加築牆壘另立堅卡圖開地道又於大北門高嶺時出大隊往來放鎗發喊十四日申刻彭大壽等商定左營出三百人排立北門嶺上以拒北路援賊右營前營湘勇營新左營各挑奮勇俱出小北門直撲賊壘賊列隊屋外鎗礮連施右營冒險衝入斃悍賊十餘人賊仍選

八三

屋內堅拒我軍抄過屋背放火圍殺五六十人燒斃無數當將
小北門外地道填塞時北路接應之賊擁至我左營之三百人
者奮力攔截斃二十餘名賊始收潰十五日黎明彭大壽等商
定新左營及前營由大南門東門左右兩營由北門分門突出
用劈山礮轟斃守卡之賊合力毀卡奪關擁入哨目彭學仕先
鋒洪文杰及各勇目帶重傷者數名猶復鼓勇繼進賊遂不支
常將南門外賊壘四座焚燒地道填塞乘勝追擊斃賊數百奪
獲旗械無數隔河南岸之賊出援亦經潮勇擊退同時東門外
之火已發殺斃燒斃之賊約二百餘名生擒九名賊遂向北逃
奔左營帶隊尾追一二里餘賊奔過山背是夕二鼓後前營左

奏稿卷十二

營新左營右營各出五成隊乘月色出城分八支前進放礮為
號齊隊向前破賊壘五座餘賊越嶺狂奔城圍立解探聞浦城
後至股匪已至五都五鼓時復將守城之五成隊換出直抵毛
家村拆毀浮橋沿河列隊拒之賊偵知有備折回北去不敢復
窺廣豐比十一日至十六日廣豐縣城力戰解圍之實在情形
也其竄玉山縣者十五日至十里塔前塔浮橋渡河候選道李
元度率勇扼七甲街口該逆三次衝突均經擊退斃賊數十名
逼溺二十餘名我勇追過浮橋遇伏陣亡六人酉刻賊忽分兩
股從三里街河灘搶渡李元度回軍逆擊對河之賊即從七里
街擁進又分股直撲城下李元度恐城中有失乃帶隊入城登

陣守禦飛調老中營武威軍奇兵彭武等營陸續入城協守十
六日辰刻賊圍西北兩門另股登南門塔上俯瞰城內我軍開
礮指擊悍賊盡伏三里街民房牆內開挖地道距城僅三四丈
十七日我軍趕挖西門濠溝該逆於牆中鑿洞轟礮擊斃我勇
二人傷十九人李元度懸賞選募把總劉斗寅等百餘人直開
西門援屋而上施放火箭噴筒破卡三處將賊踞各屋焚燬生
擒五賊李元度在城上督戰被拍礮子打傷左目之下三分流
血數升暈絕撲地半時始甦時城外之賊較官軍多至十餘倍
環城掘洞鋤欽之聲相聞城中米糧缺乏主將又復受傷人心
驚惶其勢岌岌李元度傳檄甫畢裏創登城激厲將士安撫居

奏稿卷十二

民飭各勇從城內自挖地洞出城後橫繞城根暗設賊之隧道
又從小西門起至西北角止趕築月城五十餘丈高與城齊日
夜竭力抵禦賊礮向城環擊各營轟害者十一人委員議敘八
品職銜監生李家純中礮殞命百姓多被擊傷十八日賊出隊
犯東門彭奇兵營官丁峻帶隊出擊各營派隊繼之奇兵哨官
龔茂發陣斬偽總制胡先祥一名奪獲偽印偽官照及馬匹等
件逆黨大敗歸巢又在西門四五丈外民房紮卡之處開挖地
道仍穴牆開鎗使人莫敢近李元度復懸賞百金選募劉斗寅
等開城緣屋而上將卡焚燬燒斃挖隧之賊數十人於土穴之
中賊黨退數丈紮卡於北門外添營七座又從東門小港外搭

橋過渡希圖四面合圍二十日辰刻賊在東北城添大小營壘二座阻我常山來路各營派五成隊出擊丁峻帶彰奇營從東津橋包抄屈蟠黎獻丁應龍等從中路分進搶近賊營立將二壘踏毀追擊里許援賊大至漫山遍野不下二萬人丁峻等督隊相持迴合十餘次黎獻等另從北門橫衝賊陣刀矛相交哨官張應龍彭飛熊龔茂發龔拱綸等乘勝深入而賊來益眾龔茂發龔拱綸中礮陣亡張應龍彭飛熊各受重傷張應龍旋亦死李元度見時已向晚傳令收隊入城查點各勇陣亡七人受傷五十一人二十一日黎明賊在西城搭造望樓有賊酋黃帽黃衣登樓瞭望我軍用兩礮山礮指擊一發下之是日衢州鎮總兵李定太自江山派寶勝勇千人來援平江左營童梅華右營郭式源等亦自廣豐會同廣信府防勇祥字豫勝等軍來援士氣愈壯賊之凶鋒稍斂矣二十二日賊復於東北隅添營三座常山來路已斷李元度等以此路不可不通令彰奇武威同字及兩中營從東門出隊直搗新紮之營時近黃昏賊不爲備立將三營踴盡殺賊約二百餘名奪獲旗幟六百餘面正慶擊時李元度見三里街一帶之賊均往東城救應遂潛飭水師登岸將南門對河之街房焚燒其地與三里街郭家洲賊館相連風勁火烈一律延燒該逆撲救不及勢甚慌亂三更候燒及賊之火藥館煙燄沖霄聲如巨霆各營乘勢開城出擊連破大

奏稿卷十二

十一

西門賊卡三處賊不能支盡棄行李輜重狂竄德興一帶我師黎明跟追殺賊二百餘名生擒四十七名奪獲軍裝旗幟數百件騾馬三十一匹窮追三十里始行收隊此十五日至二十二日玉山縣城力戰解圍之實在情形也伏查廣玉兩城當浙江福建江西三省之衝與安徽之婺源相距亦不過二百里一有疏虞則四省震動候選道李元度以一軍分守兩城身受鎗傷苦戰旬日卒能殺賊解圍保全大局李元度自衢州從軍以來備嘗艱險百折不回上年丁憂回籍該員以孤軍支柱東路屢能以少勝眾此次力保兩城較之上年之守貴溪厥功尤偉可否顯懇

奏稿卷十二

十一

賞加按察使銜並賞給勇號其平江各營可否擇尤保奏之處出自天恩陣亡之把總易金榜李傳綸龔茂發張應龍外委龔拱綸八品職銜監生李家純監生黃查請旨飭部照各該員本職從優議卹以獎忠義而勵將來所有廣豐玉山兩城力戰解圍各緣由理合恭摺由驛六百里具奏伏乞

皇上聖鑒訓示施行謹

奏

遵 旨移師援閩摺 咸豐八年八月十二日

奏為遵

旨移師援閩擬從崇安進剿敬陳現在賊情軍勢恭摺奏祈

聖鑒事竊 臣自六月十六日長沙拜摺後旋於二十四日行抵

武昌與督 臣官文撫 臣胡林翼籌商轉運事宜七月初四日抵

蕪水縣屬之蕪溪晤巡撫 臣浙江布政使 臣李續賓商調所部

總兵銜副將朱品隆前營湘勇五百名副將唐義訓強字營湘

勇五百名隨同援剿十二日抵湖口縣與福建水師提督楊載

福布政使銜廣東惠潮嘉道彭玉麟定議於該處設立轉運局

在湖口患病四日二十一日行至南昌與江西撫 臣耆齡籌

商進剿機宜二十三日疊據廣信探報偽楊國宗帶大股賊數

萬從福建浦城竄出二度關圍攻廣豐玉山二縣廣信各屬戒

嚴 臣即於二十四日起程馳援東路途次承准軍機大臣字寄

七月初十日奉

上諭本日據和春何桂清趙德轍奏福建情形危迫請飭會國

藩改道馳援一摺前因浙江軍務緊急諭令會國藩赴浙剿辦

現在衢州業已解圍處州等府縣亦相繼克復境內餘匪不難

剋日肅清惟閩省浦城崇安建陽松溪政和等處賊勢蔓延亟

應趕緊剿辦和春等現飭總兵周天培於援浙兵勇內挑選精

銳三千數百名由龍泉一帶進剿饒廷選帶漳州兵勇亦馳往

浦城會國藩業已奏報起程著即以援浙之師由江西鉛山直

搗崇安相機進剿迅將閩省各匪一律掃除毋少延悞會國藩

赴浙援剿所需軍餉著官文等仍遵前旨由湖南北按月籌銀

各二萬兩解赴會國藩軍營以資接濟將此由六百里各諭令

知之欽此旋接准部咨七月二十日內閣奉

上諭和春奏浙江軍務平定請旨可否毋庸赴浙等語浙江被

陷郡縣經周天受督兵先後克復全境漸就肅清和春著毋庸

前赴浙江總兵李定泰前令幫辦和春軍務此時周天受等會

剿賊聞各匪著總歸會國藩調度會國藩未到以前即歸慶端

調度欽此又七月二十二日內閣奉

上諭周天受奏浙江軍務將次完竣擬即帶兵前往福建助剿

等語著福建漳州鎮總兵周天受著加恩賞還提督銜即著馳

往福建與周天培饒廷選張騰蛟等分路進剿俟前任侍郎會

國藩到後即歸會國藩調度欽此伏思浙境既已肅清其自浦

城竄犯廣豐玉山之偽國宗楊逆復經官軍擊敗竄往德興婺源

源一路而去 臣同日另摺具奏其現擾閩境者疊據探報偽翼

王石達開尙屯踞崇安縣境之星村黎源一帶地方及建邵各

屬總兵周天培等已入浦城又據九江道沈葆楨候選道李元

度稟稱訊據賊供偽國宗楊輔清與石逆共帶賊黨十餘萬楊

逆先踞浦城石逆自衢處敗竄入閩窺犯延建等郡本年五月

奏稿卷十一

四

奏稿卷十二

五

內楊逆仍假楊秀清偽號自稱東殿石逆妬之互相仇殺楊逆遂帶賊六七萬棄浦城而出犯擾廣豐玉山分道而馳石逆尚有七八萬眾盤踞閩省各屬未能測其所向各等語臣於八月初八日行抵河口鎮前奉

諭旨飭調之張運蘭蕭啟江兩軍及臣在湖南帶出之吳國佐一軍在湖北撥出之朱品隆等一軍均已陸續到鎮惟道員蕭啟江前經奏明給假兩月目下尙未回營伏查賊渠以石逆爲最悍其誑煽莠民張大聲勢亦以石逆爲最譎臣謹遵

諭旨卽日親督兵勇由鉛山入分水關直搗崇安由崇安而東北可出小關仙霞嶺仍趨廣豐玉山一路以達於皖境由崇安

奏稿卷十二

七

而南約有三路東路出建陽葉坊以至延平府西路出光澤龍湖以至建甯縣中路出麻沙挈口而至將樂則可達於汀州而遁入廣東矣現在署督臣慶端駐紮延平東路當可無虞西路各境在在與江西毗連現經撫臣耆齡調派布政使銜江西候補道劉長佑一軍由撫州移防新城瀘溪嚴扼杉關等隘口或無回竄江西之慮其或北歸皖省併入賊黨南回廣東仍返老巢均在意中目前未與接仗不能遽測其所之俟抵崇安後探確賊蹤再行縷晰具奏所有遵旨援聞卽日由崇安進兵並現在臣向軍勢恭摺由驛六百里馳奏伏乞

皇上聖鑒訓示遵行謹

奏

硃批覽奏均悉欽此

奏稿卷十二

七

攻克安仁縣城摺 咸豐八年八月二十四日

奏為聞賊分股回竄江西擬入瀘溪金谿屯踞安仁官軍移師截剿攻克安仁縣城恭摺奏祈

聖鑒事竊 臣軍改道援閩擬由崇安進剿業於本月十二日在河口鎮馳奏在案拜摺後正在料理成行疊接稟邵武光澤之匪分股萬餘人竄出鐵牛關直犯瀘溪時候補道劉長佑分軍防守瀘界初七日迎擊獲勝以追剿過遠另股賊乘空撲營遂至失利該逆擾入瀘溪初九日竄入金谿十一二等日分擾許灣一帶十三日竄入安仁撫建饒廣處處戒嚴 臣以江西腹地并 軍後路所關必須先行掃蕩方可入閩爰於十

奏稿卷十二

九

四日飭調道員張運蘭率老湘營自河口拔營往剿 亦於十五日移駐弋陽以便調度張運蘭等行抵貴溪探報該逆將趨萬年樂平歸併皖南即與候選知府王文瑞分為兩支橫截樂萬去路賊遂折回安仁踞城抗拒 臣於十七日加派主簿吳國佐帶義字營由弋陽馳往策應并調平江營戰船及水師濟勝軍扼截安仁河面使賊不能南渡十九日卯刻張運蘭等折赴安仁行抵青山鋪命老湘營一二旗伏山之右副湘營吉左營伏山之左自率六旗及侍勇出中路誘賊該逆登陴堅守另以悍賊數千埋伏城外見官軍無多徑犯中路張運蘭鳴鼓為號伏兵從左右殺出適王文瑞帶隊分三路馳至我軍力戰呼聲

震天該逆敗退入城張運蘭等跟蹤追進藍翎千總擬保守備周玉田暨外委李益和文春陽首先入城死之逆黨閉關抗禦矢石如雨各勇遂從兩旁攀堞而登縱火先燒民房以斷街道水師戰船自南面轟擊該逆無路可逃城內伏尸山積約斃四千餘賊餘黨奪路狂奔張運蘭等復出東北門分路追殺又斃賊約二千人溺斃千餘水師轟斃數百生擒一百七十六名奪偽印二十顆偽官照十一張騾馬百餘匹繡袍繡帽旂幟軍械之屬數千件內有繡龍紅泥轎一乘為向來所未見吳國佐一支因繞道包抄於城破後數刻始到次日仍分路奮追王文瑞等追二十餘里殲賊無算吳國佐追至萬年境內尚未收隊此

奏稿卷十二

九

十九日攻克安仁縣城之實在情形也 臣查該逆自閩竄出牽制我軍後路往來飄忽幸獲殲除訊據賊供此股人數萬餘係石逆前隊偽經略楊在田所帶逃去者不過二三千名等語惟石逆是否尚在閩境未得確探如無另股竄出 臣擬改道由瀘溪入雲際關至光澤進剿延邵各屬惟聞景德鎮尙有大股果否內竄撫建尙未可知 臣當專視悍賊所在以定趨向按察使銜即選道張運蘭從前路兜截遲速攻剿皆合機宜可否賞加勇號候選知府王文瑞可否以道員歸部儘先選用水陸各營出力員弁兵勇可否擇尤保獎之處出自天恩陣亡擬保守備藍翎千總周玉田請照守備陣亡例

飭部議卹以慰忠魂所有官軍移師回剿攻克安仁縣城緣由
謹會同江西撫臣覺羅耆齡恭摺由驛六百里具奏伏乞
皇上聖鑒訓示施行謹

奏

奏稿卷十一

半

移師由杉關入閩摺 咸豐八年九月十三日
奏為聞賊大股回竄江西新城官軍移師建昌由杉關入閩恭
摺奏祈

聖鑒事竊臣軍回剿安仁竄賊克復縣城擬改道由雲際關入
閩業於八月二十四日在弋陽縣馳奏在案拜摺後於二十七
日拔營二十九日行抵雙港節據探報聞賊大股三萬餘人回
竄新城道員劉長佑扼守隘口連日苦戰雖獲勝仗而該逆
愈來愈多更番猛撲又吉安城中八月初十夜乘大觔衝出追
殺未盡之賊尚餘數百人沿途裹脅復聚至千餘人連陷崇仁
宜黃兩縣令殉難撫建各屬處處戒嚴臣以撫建兩城收復未

奏稿卷十一

半

久民心易於動搖劉長佑一軍兵力本不甚厚其分防瀘溪各
營曾於八月失利堵禦聞賊大股已慮難以支持復聞崇宜之
警尤恐軍心不固民間喧傳石逆全股希圖回竄南城等縣飛
書請援張運蘭亦稟請先救新城臣遂令張運蘭率所部兼程
馳進臣亦改道南行回顧建昌途次接准江西撫臣咨開八月
十四日奉

上諭崇安之賊竄出岑陽關現在鉛山河口處處戒嚴石逆又
有竄往建甯為回竄撫建之計是江西軍情亦形喫重曾國藩
已於七月二十一日行抵江西省城其前部蕭啟江之兵已至
廣信著耆齡飛咨曾國藩飭令該道亟籌堵剿該侍郎迅即前

進探明賊勢趨向何處即往策應是為至要欽此石逆窺伺撫建之說遂已上達

宸聽

聖天子明見萬里無微不照 臣督隊趨行初七日馳抵金谿聞劉長佑大獲勝仗自八月十九至九月初五等日竭力痛剿殲擒之賊不下二萬人奪獲騾馬至五百餘匹賊仍由建甯一帶竄去接見各團紳民無不稱爲奇捷鼓舞歡欣現建昌邊界均已肅清崇仁宜黃之賊亦由南豐竄入閩境 臣於初九日抵建昌府城擬將撫建甯都各府州防勦事宜咨商江西撫臣妥爲布置即率師由杉關入閩除劉長佑堵剿獲勝情形應由江西

奏稿卷十二

三

撫臣奏報外所有 臣移師建昌改從杉關入閩緣由恭摺由驛

五百里具奏伏乞

皇上聖鑒訓示施行謹

奏

調派官軍分道入閩摺 咸豐八年十月十六日

奏爲調派官軍分道入閩現在辦理情形恭摺奏祈

聖鑒事竊 臣移師建昌改由杉關入閩業於九月十三日在建

昌馳奏在案十四日札派張運蘭一軍向杉關進剿順昌將樂之賊派蕭啟江一軍向廣昌進剿汀州甯化之賊派吳國佐一軍赴南豐贛昌石城一帶擇要駐紮以爲蕭啟江後路策應分派已定值大雨經旬勇夫多病二十四日張運蘭始能拔營蕭啟江前經奏明給假回籍二十四日馳抵建昌即於二十七八兩日分起拔營吳國佐二十六日拔營疊接閩省函咨洋口順昌先後克復順昌將樂尚有餘匪未淨大股賊勢併注汀州分

奏稿卷十二

三

擾甯化及江西之瑞金等縣據蕭啟江稟稱汀州甯瑞一府兩

縣賊勢浩大復有千刀會匪盤踞石城縣屬之迴龍峯 臣批飭

蕭啟江先將石城會匪剿滅再行進攻瑞金侯江境一律肅清

然後進規汀州甯化適准閩浙督臣王懿德緘商請派勁旅由

邵武赴援汀州並另撥一旅堵賊由汀回竄瑞金石城之路與

微臣意見不謀而合查江閩交界中隔大嶺北自仙霞南至武

平一嶺綿亘殆逾千里大關小隘處處可通現派張運蘭由北

度嶺蕭啟江由南度嶺中間泰甯南豐等處尙覺空虛該逆仍

可伺隙回竄而二年以來賊匪往返蹂躪嶺內如建昌各屬嶺

外如邵汀各屬邑井蕭條百物蕩盡今歲疾疫流行居民鮮少

閩中田荒米貴油鹽無從購買且無現錢可換臣駐紮建昌一
面防中路回竄之賊一面轉運錢米等件解赴蕭啟江張運蘭
兩處計臣一軍分爲三起臣距蕭啟江四百餘里距張運蘭三
百餘里而蕭張相距亦在五百里外擬俟張運蘭將順昌將樂
賊匪搜剿淨盡歸併汀州一路臣亦率後隊繼進三軍先分後
合庶無此勒彼竄之虞是否有當伏求
聖慈指授機宜所有調派官軍分道入閩緣由理合恭摺由驛
五百里具奏伏乞
皇上聖鑒訓示施行謹
奏

奏稿卷十一

請

移軍剿景德鎮股匪摺 咸豐八年十一月二十六日

奏爲分調官軍追剿閩省竄賊並移剿景德鎮股匪恭摺奏祈
聖鑒事竊臣抵建昌調派官軍分道入閩及各營患病情形業
於十月十六日恭摺馳奏在案拜摺後張運蘭一軍行抵邵武
府城節據稟稱順昌將樂業已無賊汀州甯化各城次第收復
惟連城尚有餘匪人數聞亦無多大股逆賊併趨江西之甯都
各屬等語接准閩浙督臣函咨大略相同又據蕭啟江及贛南
道汪報閩先後稟稱閩賊回竄江西者約分三起一起長髮係
石國宗統帶一起花旗大半皆南康萬安贛縣之匪係何先鋒
傅檢點統帶一起廣碼係羅都督盧檢點統帶先竄瑞金會昌
等縣等語近則三縣皆已無賊盡竄信豐及南安府界中意在
窺伺贛州回竄廣東等語又據劉于濤彭玉麟先後稟稱景德
鎮官兵於十月二十八日失利鱖魚山營壘被陷賊氛日熾恐
其內犯廣信下游東流縣復陷恐其合景德鎮股匪再竄湖口
擾及九江各等語稟報到臣伏查臣現駐建昌東有福建連城
之賊南有信豐之賊北有景德鎮之賊以遠近言之去臣營皆
在五百里以外以緩急言之連城之賊其數尙少其勢已衰閩
事不足深慮信豐之賊或圖踞贛南或謀竄楚粵均屬可虞然
愈趨愈南愈去愈遠追逐不及尙有畏避官兵之意景德鎮之
賊無論東犯廣信西犯湖口皆爲莫大之患疊接湖廣督臣等

奏稿卷十二

請

函咨自三河敗潰安慶撤圍大江北岸業已防不勝防若使南岸彭澤湖口復有蹉跌則九江亦且岌岌可危就大局而論景德鎮情形又較重於南路江西撫臣耆齡亦兩次函咨商請撥兵往援適值汀州甯化肅清之後張運蘭自閩折回將赴甯贛臣因調之馳回建昌面商機宜即日令其赴景德鎮與劉于濤會同勦辦縱不能助江北之勢但使保全饒州湖口即於九江兩岸不無裨益其信豐南安之賊一面飛咨江西撫臣飭地方官認真防守一面札飭蕭啟江跟蹤緊追以冀痛加勦洗不留餘孽是否有當理合恭摺由驛五百里具奏伏乞皇上聖鑒訓示施行謹

奏

奏稿卷十二

三

奏為遵

旨覆奏仰祈

聖鑒事竊臣分調官軍追勦閩省竄賊並移勦景德鎮股匪業將辦理情形於十一月二十六日恭摺馳奏在案二十八日承准軍機大臣字寄十一月十一日奉

上諭駱秉章奏楚軍失利閩賊漸遠請飭曾國藩移師援皖一摺李續賓一軍進攻三河全軍失陷至今尚無下落都興阿圍攻安慶之師亦經撤回宿松一帶皖北賊勢鴟張楚省邊防喫緊諒曾國藩亦必有探報此時聞省之賊已南趨漳泉距江西

奏稿卷十二

老

漸遠若照駱秉章所請令該侍郎移師赴皖而留蕭啟江所部四千餘人防守江西亦未始非權衡緩急之計惟曾國藩所部各軍多染疾疫前奏尚須休息且景德鎮尚有股逆匪隨勦隨進亦非計日可到著曾國藩預為籌度如果閩省賊匪本省兵勇足資勦辦而江西邊境防勦有人自以赴援皖省尤為緊要不但廬州省城可收南北夾攻之效即上竄湖北之路亦可藉資堵扼倘因汀州甯化等處尚須兵力一時不能移軍或須俟景德鎮股匪殲除再回楚北亦著斟酌具奏將此由六百里諭令知之欽此伏查近日賊勢以皖江南北兩岸為最重皖南約分兩路中隔大山如彭澤之浩山祁門之歷山績溪之鄣

遵 旨斟酌具奏摺 咸豐八年十一月十一日

山以及黃山九華皆此一山之所綿互自山以北如貴池銅陵
下至蕪湖當塗濱江各屬自咸豐三年以來久為粵匪出沒之
區自山以南現惟婺源景德鎮兩處有賊兩處之賊不除則饒
廣徽衢四府時時可危若能驅除兩處之賊逐出山外歸併江
邊則江浙兩省防務皆鬆而皖南亦有一條鞭之勢辦理較易
得手皖北約分兩路中隔一湖周圍四百餘里名曰焦湖自湖
以南如安慶無為巢縣和含各屬久為粵匪盤據之所自湖以
北如廬州鳳陽以及淮北各屬則粵匪與捻匪錯雜紛擾幾至
汗漫而不可收拾前此都興阿之師由石牌進攻安慶勢趨湖
南即五年二月摺內所稱外一路者也李續賓之師由舒桐
進剿廬州勢趨湖北即五年摺內所稱內一路者也自十月
中旬三河桐城相繼挫敗安慶撤圍湘軍死者逾五千人士氣
大傷逆氛日熾皖北賊勢之浩大實倍甚於皖南逮十一月初
將軍都興阿總兵鮑超屢獲勝仗湖廣督臣王文分派各軍防
布要隘撫臣胡林翼聞警起復馳赴李續賓軍中重加整頓楚
皖之交人心漸定而皖南自灣沚黃池之變戴文英鄧紹良先
後殉難亦恐其悉力上竄合景德鎮之股匪及湖口窺伺九
江以愚見論大局之輕重則宜併力江北以圖清中原論目前
前之緩急則宜先攻景德鎮以保全湖口於前月二十六日
奏明後即札張運蘭一軍於臘月初二日自建昌啟行馳剿景

曾文正公奏稿 卷一二

德鎮計十四五可以接仗亦擬於正月初旬移駐鄱陽彭湖
等處聯絡水師先固南岸屏蔽九江與宿松都興阿等營不過
一江之隔百餘里之遙如果北岸有警亦可就近策應至
諭旨垂詢閩省賊匪江西邊防一節查福建之汀州甯化次第
收復僅連城有賊為數無多前摺業經奏明本省兵力當足
以資剿辦閩賊之回竄江西者前次奏明盡入信豐及南安
府界中頃接稟報南安被圍信豐之賊亦尚未退蕭啟江所部
病勇新愈已飭其迅速追剿將來此股賊匪或久擾南贛或
分竄楚粵蕭啟江一軍或隨北行或留防南路應俟賊蹤既
定相機調遣續行具奏所有遵
旨斟酌具奏緣由恭摺由驛五百里馳奏伏乞
皇上聖鑒訓示施行謹
奏
硃批覽奏均悉所擬尚屬妥協欽此

九三

通籌全局請添練馬隊摺 咸豐九年正月十一日

奏為遵

旨通籌全局並陳近日軍情仍請添練馬隊以圖進取恭摺奏

祈 聖鑒事竊臣前調蕭啟江一軍赴援贛南張運蘭一軍進攻景

德鎮並遵 旨斟酌援皖事宜於十二月十一日恭摺馳奏在案嗣承准軍

機大臣字寄咸豐八年十二月初八日奉 上諭王懿德奏請飭曾國藩暫緩移師留張運蘭一軍保衛閩

境一摺曾國藩援閩之師前因所部兵勇多染疾疫暫駐建昌

調度徐圖拔隊繼進嗣值李續賓全軍失利皖北賊勢披猖經

駱秉章奏請飭令該侍郎移師援皖留蕭啟江所帶四千餘人

防守江西當經諭令曾國藩倘因汀州等處尚須兵力江西景

德鎮大股匪徒尚未盡殲未能即日由楚入皖令其斟酌情形

具奏茲據王懿德奏接曾國藩咨稱擬率即選道張運蘭等軍

赴楚勦辦該督以閩省賊熾兵單連城尚被占踞接壤之饒州

甯郡等府州紛紛告警專賴曾國藩大軍鎮定邊陲其前部張

運蘭一軍已抵邵武轄境正資協勦未可撤回所奏亦係實情

著曾國藩通籌大局如閩省賊匪猶賴援軍即將張運蘭一軍

北粵捻屬聚有須兵力而江西地方尚有大股賊匪該侍郎亦
難舍近而圖遠仍著斟酌調度可也將此由六百里各諭令知
之欽此臣才識短淺何足以規畫全局就近處數省而論則安
徽軍務最為喫重江西次之福建又次之皖南中界一山皖北
中隔一湖兩路賊勢臣前疏已詳悉具奏近聞福建之賊尚踞
連城江西之賊竄入南安贛州戒嚴定南崇義相繼失守以臣
愚見連城之賊閩省兵力應足了之南贛之賊人數尚多悍者
較少非一枝客軍所能猝辦必須本省兵力輔以團練方可徐
起有功惟安徽賊黨其氛甚惡其患方長太凡官軍與賊此消
則彼長彼消則此長斷無中立之理我能進而勦賊則賊將竭

奏稿卷十一

三

力禦我不暇他竄我不能進而勦賊則賊將乘隙犯我旁出四
溢皖南無進勦之師則賊必東犯浙江皖北無進勦之師則賊
必北犯齊豫故就一隅觀之則江西之南贛福建之連城均是
賊黨均須兵力不可舍近而圖遠就全局觀之則兩利相形當
取其重兩害相形當取其輕又不得不舍小而圖大舍其枝葉
而圖其本根誠使大江兩岸各置重兵水陸三路鼓行東下勦
皖南則可分金陵之賊勢即可紓浙江之隱憂勦皖北則可分
廬州之賊勢即可紓山東河南之隱憂方今湖北全省肅清然
與皖境處處緊接防不勝防者莫如湖北據上游之勢能制皖
賊之致命者亦莫如湖北臣與官文胡林翼等熟商就現在之

兵力稍加恢廓北岸須添足馬步三萬人都與阿李續宜鮑超等任之中流現有水師萬餘人楊載福彭玉麟任之南岸須添足馬步二萬人臣率蕭啟江張運蘭等任之三道並進夾江而下幸而得手進占十里則賊蹙十里之勢進占百里則賊少百里之糧卽不甚得手而上游之勢既重卽下游之賊不得不以全力禦我其於金陵廬州兩大營均足以抽釜底之薪而增車外之輔此邊

旨通籌全局宜併力大江兩岸之微意也至臣處近日軍情請啟江一軍自石城拔營南赴雩都據稟南顧各屬賊蹤蔓延力難兼顧臣批令專救贛州以保要郡不必旁顧他處張運蘭一

奏稿卷十二

十一

軍自臘月十七日馳抵景德鎮十九日吳國佐小挫一次二十七日張運蘭大勝一次開仗情形由臣月摺具報贛州居江西之極南景德鎮居江西之極北相距千有餘里臣駐建昌距兩軍各五六百里調度不靈轉運不便且兩處皆孤軍深入賊眾兵單日夜焦思無師可濟臣前次摺尾聲明蕭啟江之軍或留防南路或隨臣北行容俟續行具奏近日詳加體察顧此則失彼顧南則失北與其懸心兩地不若專力一方已咨商江西撫臣耆齡請其月調勁軍以勦南顧兼辦團練以散脅從臣卽專辦北路調回蕭啟江一軍歸併饒州彭湖等處在江西則臣管北邊耆齡管南邊在皖楚則臣攻南岸都與阿等攻北岸地有

分防斯責無旁貸師有定向斯士無一心免致到處牽掣一無所成此臣處近日軍情擬調蕭啟江并赴北路之微意也臣往歲在軍未聞賊匪能用馬隊近聞粵匪常以馬隊衝鋒捻匪則馬匹尤多李續賓三河之敗卽係賊馬數千爲湘軍向來所未見昨吳國佐景德鎮之挫亦爲賊馬所眩今欲整頓陸軍不得不添設馬隊東三省馬隊天下勁旅根本所在不敢多爲奏調臣與湖北督臣撫臣緘商擬由官文等奏調察哈爾馬三千匹

請

旨飭上駟院押解來南顧毫一帶善騎之勇可募名曰馬勇應卽添練新馬隊二千餘騎與都與阿之舊隊相輔而行於九

奏稿卷十二

十一

江湖口等處擇平原曠野馳騁而操習之惟以南人而騎北馬以勇丁而學弓箭非倉卒所能奏效臣願竭數月之力朝夕講求從容訓練期於成熟而止練成之後以二千匹交江北隸都與阿舒保等麾下以五百匹交江南隸臣麾下以壯步軍之氣而寒賊黨之膽餘剩馬匹遊牧於黃州鞍轡等具設局於九江以備隨時添補更換之用仰仗

皇上威福茲事若成皖豫等省軍務可期大有起色此添置馬隊臣願自任教練之微意也溯自咸豐六年洪楊內亂河北肅清武漢再克臣方慶幸以爲大難計日可平不謂遷延歲月粵匪未靖捻匪復滋餉項有日竭不支之勢將士有久疲思退之

心若非奮發精神變換局面將有類乎古人所謂情氣歸氣者
不得不改弦更張亟思所以振之區區愚忱謹就近三省軍事
遵
旨通籌全局恭摺覆奏伏乞
皇上聖鑒逐條訓示施行謹
奏

奏稿卷十二

三

李續賓死事甚烈功績最多摺 咸豐九年正月十一日
奏為巡撫銜浙江藩司李續賓死事甚烈功績最多恭摺奏祈
聖鑒事竊臣於上年十月間皖北三河鎮官軍失利比念李續
賓剛烈性成必已見危致命惟相距過遠未悉其死事情形茲
據其胞弟李續宜稟稱李續賓自攻克潛太舒桐四縣後遵
旨進攻廬州因三河鎮為舒廬衝要賊築偽城一座堅壘九座
九月二十八日進紮三河十月初二日親攻九壘下之適與逆
陳玉成率大股賊自六合廬江來援捻逆張樂行率大股賊自
廬州來援眾十餘萬晝夜兼程直趨金牛鎮連營數十里鈔大
軍後路李續賓所部除留防九江及舒桐外隨征不過五千餘
人又攻壘血戰銳卒損傷過多遂飛調防兵策應未及至而賊
已來逼初十日派隊迎擊金牛鎮戰樊家渡已獲全勝忽左路
出賊數萬乘霧來鈔我軍迴戈返鬪前後受敵參將彭友勝游
擊胡廷槐饒萬福等力戰死之餘皆截阻不能歸營李續賓自
領親兵救應而偽城之賊復出與援賊相合我軍四面被圍初
更時最後兩營李續壽彭祥瑞越壘衝出於是賊踞其壘斷我
軍去路或勸以突圍退保無難再振李續賓曰某在軍前後數
百戰每出隊即不望生還今日固必死此有不願從死者請各
為計各員弁皆跪泣曰某等願從公以死報
國不願去李續賓具衣冠坐

關叩首一鼓向盡怒馬直出赴悍賊林立處死之臣胞弟曾國華及何忠駿何裕王揆一李續瑩吳立蓉萬斛源等皆死之而副將李存漢道員孫守信連同丁銳義等猶督守孤壘以俟柵城援兵至十三日亥刻子藥水米俱盡孫守信等死之十九日賊攻桐城李存漢趙友財謝嗣湘李景均等死之桐城復陷凡湘軍員弁兵役隨李續瑩死者近六千人十一月三河附近紳民從賊中覓得李續瑩尸骸潛送霍山迎至黃州卽將返葬湘鄉各等情稟報到臣伏查李續瑩戰績自咸豐三年赴援江西克復太和安福永興有江西南奏報四五兩年攻克岳州武漢廣信等處有臣國藩奏報六七八等年攻克武漢九江皖北

奏稿卷十二

美

各處有官文胡林翼等奏報各在案此次死事之烈官文等必詳奏請卹惟臣與李續瑩從事較久相知頗深有不得不瀆陳於聖主之前者李續瑩初援江西爲謝夢草營中幫辦嗣隨羅澤南征剿各處循循弟子退然若無所知不自表異人亦未有以異之連岳州大橋之戰塔齊布獨稱湘勇白旗爲無敵賊亦深畏白旗白旗者李續瑩所部右營也既而田家鎮之役以少勝眾九江之敗士卒多逃散獨右營勇丁依依不去然後眾稱其賢得士心矣猶復粥粥無能轉戰江西岳鄂之間經過州縣不見一客稠人廣坐不發一語自楚軍之興人人皆以節烈相高

或涅臂自盟或歃血共誓慷慨陳詞預相要約李續瑩獨默然深藏初不預作激烈自許之言然忠果之色見於眉閒遠近上下皆有以信其大節之不苟臣所立湘勇營制編隊立哨略仿古法計事授精皆有定程行之既久各營時有變更惟李續瑩守法五年始終不變嘗謂臣曰立法者但求大段妥善行法者當於小處彌縫臣初定湘營餉項稍示優裕原冀月有贏餘以養將領之廉而作軍士之氣李續瑩統營既多歷年已久節省贏餘及廉俸至數萬金不寄家以自肥概留備軍中非常之需咸豐六年冬曾寄銀五千兩於南昌濟臣糧台之急七年冬又寄銀萬兩至吉安濟臣弟曾國荃一軍又寄三千兩至貴溪濟

奏稿卷十二

老

李元度一軍此外贏餘銀兩亦皆量力濟人不忍他軍饑而已軍獨飽往者故撫臣江忠源嘗論兵勇利病勇則畛域不分而患其蹤跡無定此之所革彼之所收兵則尺籍有定而患其界限太分勝不相讓敗不相救兵則規矩較肅而患無陷陣剛猛之風勇則銳氣較新而患無上下等威之辨故用兵以和爲貴用勇以嚴爲貴李續瑩馭下極寬終年不見愠色而弁勇有罪往往揮涕而手刃之甲寅十月在田家鎮斬退怯之勇臣奏牘稱其有名將之風故刑人無多而歲久無敢弛慢至於臨陣之際專以救敗爲務以顧全大局爲先遇賊則讓人禦其弱者而自當其悍者分兵則以强者予人而攜弱者以自隨或攜隨數

次弱者漸強矣則又另帶新營以自隨江楚諸軍每言肯攜帶弱兵肯臨陣救人者前惟塔齊布後惟李續賓此次三河之敗亦由所部強兵分留湖北分撥處分防九江分駐桐城而多攜弱者以自隨其仁厚在此其致敗亦未始不由乎此此軍民所尤感泣不忘者也臣昔觀李續賓厚重少文百戰無挫私心慰幸以為可躋

中興福將之列不意大難未夷長城遽隕督臣官文等具奏請卹想蒙

聖慈矜鑒臣與李續賓同縣姻戚不敢飾辭溢美亦不敢沒其忠勳謹就夙昔所知瀆陳

宸聽伏乞

皇上聖鑒飭付

國史館查照施行謹

奏

奏稿卷十一

美

曾國華殉難三河鎮摺咸豐九年正月十一日

奏為臣弟曾國華殉難三河鎮恭摺奏祈

聖鑒事竊臣自上年十月間皖北三河鎮之敗即知臣弟曾國華同時殉難因道路遙遠傳聞鮮據專丁函詢李續賓及都興阿鮑超等處又派人至舒城附近查訪旋接各路先後函稟三河營壘於十月初十日被圍是夜二更後李續賓怒馬赴敵死之臣弟曾國華與李續賓兒女姻親又謀人之軍義不可以獨生亦衝騎赴賊中死之同幕諸客如何忠駿何裕王揆一李續藝吳立替萬斛源等同時併殉惟孫守信復堅守兩日至十三夜乃從容就義等情溯查咸豐五年十月翼賊石達開率眾由

奏稿卷十二

美

湖北通城竄入江西勾結廣東匪徒周培春等自湖南茶陵州竄入與石逆會於新昌縣連陷瑞臨袁州三府六年春又陷吉安撫建三府臣所部諸軍羅澤南既先赴湖北周鳳山又敗於樟樹鎮臣不得已率水師入援省城而令李元度陸軍進攻撫州維時人心震驚道路梗阻楚軍不得通鄉書因募死士蠟丸隱語回楚乞救賊亦懸賞購奸民捕殺湖南致書者無一倖免臣幾有宸宸坐困之勢臣弟曾國華馳赴武昌乞師以救江西經湖北撫臣胡林翼奏委國華統領普承堯吳坤修劉騰鴻各軍赴援遂由咸甯蒲圻沿途迎勦取道萬載攻克新昌上高兩月之閒連復六縣遂圍瑞州由是江西湖南始通音問而國華

積勞致疾就醫南昌與臣握手相見悲喜交集蓋以新募之眾千里來援節節攻打摧江西十餘萬之賊鏖戰於酷暑烈日之中艱險備嘗乃有此兄弟會晤之一日也病痊仍回瑞州督勦七年正月臣赴瑞州與國華定計合圍掘長壕三十里斷賊接濟二月丁父憂兄弟奔喪回籍厥後瑞城克復尚未變國華原定之規模臣叔父曾驥雲無子以國華為嗣八年二月降服期滿四月李續賓調赴湖北奏明留營幫辦相與講求戎政晨夕商酌國華性好讀史頗懷大志於古人艱危之境反復推究其得失平昔持論過高臣恆誠之近日議論軍事漸歸於精細穩實與李續賓兄弟意見多合十月初九日猶以家書寄臣稱援賊虜至各營意欲退保國華與主帥堅持不退二人謀合必不為眾說所搖等語豈料其發信之次日即為效命之秋而其堅持不搖之計即為全軍併殉之機也七年五月間欽奉恩諭有曾國華帶勇援應一門忠義實深嘉尚之褒跪讀之下感激涕零今幸臨危不苟仰副聖慈捐糜以報生成之德在門戶亦足增榮子弟得附忠義之林在臣心更復何恨特以臣叔父年齒日高倚闈望切孤姪曾紀壽幼稚何依臣六載軍中愆尤叢集即手足私愛亦覺愧負良多建昌去舒城千有餘里兵力不能遽及山川間隔日月澆淹骸骨未收遺

奏稿卷十二

四

恨難雪追思昔年若無國華援救臣無以至今日臣軍無以圖倖全即江西亦無以轉危為安愷念微勞不忍不瀆陳於聖主之前至於例得卹典應由湖北督臣撫臣集案具奏臣不敢妄為乞恩伏祈皇上聖鑒訓示施行謹奏

奏稿卷十二

聖

謝曾國華追贈優卹 恩摺 咸豐九年二月初九日

奏為恭謝

天恩仰祈

聖鑒事竊 弟曾國華上年十月初十日在三河鎮殉難情形業經 專摺奏陳在案昨准湖廣督 官文恭錄咨會咸豐八年十二月十八日奉

上諭候選同知曾國華著追贈道員照道員例從優議卹欽此

命之下悲感難名伏念 弟國華一介書生滿腔熱血鵲原急難虎穴孤行為書救趙之謀曾作乞秦之舉轉戰千里連下六

奏稿卷十二

城東道始通西江無恙乃長圍之甫合適銜恤以過歸梓里言

旋筠州亦克嗣以降服期滿重赴皖營與李續賓共濟艱危誓

同患難逮三河之失利竟一蹶而偕亡田橫之客俱從先軫之

元未返幸邀

恩卹得備哀榮

贈秩監司延光苗裔魂招千里淚滴九泉昔荷一門忠義之

褒今叨百世馨香之典執干戈以衛

社稷聊據自靖之忱聽鼓鼙而思將臣渥荷非常之

澤闔門銜感累葉增榮 仰沐

殊施愴懷同氣志不忘乎溝壑名已重於泰山在胞弟黃壤有

知敢忘結草銜環之報在 微臣 素餐無狀永矢卧薪嘗膽之誠

所有感激下忱理合繕摺附驛叩謝

天恩伏乞

皇上聖鑒謹

奏

奏稿卷十二

畢

蕭啟江在南康勝仗摺 咸豐九年一月初九日

奏為蕭啟江一軍在南康大捷攻克新城墟及池江等處賊巢現在馳救信豐以期力解城圍恭摺奏祈

聖鑒事竊於上年十一月檄調蕭啟江由石城赴援贛州業經奏明在案接據該道稟報本年正月初五日行抵贛州其時南康喫緊兼署南安府周汝鈞所帶各勇不敷堵剿遂於十六日抵南康查探得前陷南安之賊一支為偽翼府宰制陳亨容傳忠信何名標一支為偽渠帥蕭壽鎮蔡次賢一支為偽尙書周竹岐李遇隆一支為偽軍略賴玉新黃玉發一支為偽承宣劉逸才張遂謀眾至七八萬希圖由南康直犯贛州在新城墟

奏稿卷十二

地方築立偽城開壕列柵設望樓百餘座占踞村莊二十餘里其首逆則踞池江地方為第二巢傳聞石達開尚在此路勢甚披猖十七日蕭啟江抵賢女埔因賊眾兵單可以智勝難以力取遂傳令偃旂息鼓商令管帶田勇之知縣周慶榕府經歷周慶夏等先行出隊誘賊楚軍設伏待之十八日出隊銜枚疾走埋伏赤石塘地方周慶榕帶田勇三千直逼新城墟誘賊出巢田勇者贛南團練按田派出之勇也賊素輕田勇鳴角出隊約六七萬人漫山遍野田勇開鎗數次佯敗誘之賊不虞楚軍之驟至也猛追七八里蕭啟江聲礮為號伏兵四起先將去路截斷前營參將梁萬貴左營參將胡中和奇勝軍都司黎得盛由

左路截擊右營游擊毛治祺後營知府劉嶽昭新果營都司唐星照由右路截擊蕭啟江率親兵及中營游擊秦華祝副果營縣丞戴齡由中路迎擊賊見楚軍旂號天外飛來敗後丟棄軍械狼狽就戮伏尸徧地煙燄迷天田勇亦乘勢截殺南岸之賊該逆退過浮橋死拒胡中和梁萬貴率隊衝入正酣戰聞忽到悍賊七八千旂色鮮明與前迥異我軍殊死戰賊又敗北追過數里接應賊復至適我軍接應亦到追過新城墟十餘里踰麻布隴至小溪界申刻分番收隊往返九十餘里除田勇斬獲不計外楚軍斃賊二千餘名生擒二百一十名陣斬偽渠帥統戎檢點慶天候旨軍將軍之屬搜獲偽印四十二顆大小旂五百

奏稿卷十二

零八面均解建昌老營此十八日大獲全勝攻克新城墟之實在情形也二十日蕭啟江進攻池江賊巢謀報賊數甚少恐有詭謀行過麻布隴列陣以待蕭啟江自率數騎登高瞭望知有賊伏傳令勿進正收隊聞田勇之在前者忽蜂擁回先是十八之勝田勇奪獲賊賊最多遂益放膽是日集者約四萬人與楚軍隊伍相間雜田勇見賊即進被賊轟斃二人旋即返奔伏賊大起官軍隊伍為田勇所亂該逆愈撲愈眾胡中和毛治祺劉嶽昭黎得盛唐星照梁萬貴秦華祝等力戰斷後鎗斃殺斃二百餘賊都司龍復勝把總洪復勝等戰死各路無兵接應退至麻布隴仍卓旗迴馬衝擊數次返追二里斃賊百餘名斬偽

官二騎賊始退奔是役斃賊三百有餘生擒十九名奪偽印二顆我軍亦陣亡二百六十四名各將士憤欲再戰二十二日仍出伏麻布隴沿河一帶而以二三旗誘賊賊竟不出僅出數百人往來不定我軍奮追生擒三人而返據供十八二十兩役賊中死者逃者甚多蕭啟江等遂於二十四日再攻池江仍埋伏小溪一帶誘賊竟無影響久之對岸村莊出四五千賊捲旗而前我軍進擊轟斃多名田勇亦到賊黨奔逃我軍離營太遠遂未窮追立將池江小溪鳳凰墟長江墟等處賊巢焚燬敗賊均竄近南安府城一帶正欲跟追適接周汝筠函稟信豐被圍數月軍米告竭岌岌可危不能不先其所急且信豐崇義未靖遽

奏稿卷十二

突

以孤軍進逼南安亦虞後路鈔截蕭啟江遂飭周慶榕等嚴紮新城墟要隘而潛率所部由龍迴一帶馳赴信豐西路總兵遮克敦布現紮信豐北路約定環攻冀可迅解城圍然後會合遮克敦布進攻南安庶兵力厚而無牽綴之慮此二十日小挫二十四日焚燬池江小溪鳳凰墟長江墟賊巢及現援信豐之實在情形也據蕭啟江節次稟報前來查南安各屬賊勢浩大經蕭啟江設伏制勝雖二十日小挫旋即鼓勇進攻該逆棄壘遁逃其氣已奪惟信豐官民苦守圍城數月若不竭力救援何以勸守土之吏且信豐崇義不能掃蕩亦未便孤軍深進現批飭如稟辦理一俟解圍後會合遮克敦布再圖南安庶期辦

更易得手所有陣亡之都司龍復勝藍翎把總洪復勝陶泰益歐得勝朱源魯再高譚懷玉蕭清元把總謝明高藍翎外委涂清貴外委張連陞余鳳山蕭品南李春元章隆泉謝仁四陳高陞等十七員應請

飭部各照本職從優議卹以慰忠魂除飛咨湖南撫臣派兵從郴桂各屬以勦為堵合力夾擊外所有十八日大捷攻克新城墟賊巢二十日小挫二十四日攻破池江等處賊巢及現援信豐各緣由理合會同江西巡撫臣耆齡由驛六百里馳奏伏乞皇上聖鑒訓示施行謹

奏

奏稿卷十二

聖

張運蘭攻剿景鎮情形摺

咸豐九年二月初九日

奏為張運蘭一軍攻剿景德鎮小挫兩次大勝一次現仍守隘

相持濟師助剿恭摺奏祈

聖鑒事竊上年十二月臣調張運蘭等進剿景鎮賊巢節經奏

明在案該道等於臘月十五日由樂平拔赴柳家灣探得鎮賊

三四萬人與婺源賊相為犄角其輜重屯集浮梁悍賊盡聚鎮

上將各要路挖斷築卡開壕設望樓煙墩數十座近鎮之上李

村下李村橫亘二十里皆踞為巢地勢散漫港汊紛歧進攻不

易十九日道員王文瑞主簿吳國佐出隊由崖角嶺吳開嶺兩

路進攻鎮之中路張運蘭由黃泥嶺雞腳嶺兩路進攻鎮之右

路派第五旗紫牛角嶺堵截鎮之左路行抵勝梅亭見左路老

鴉灘出賊千餘當即迎擊敗之斃賊數十追至下李村騎賊復

出迎戰亦為我軍所敗忽景鎮及上李村小港嘴回子墓各巢

之賊一擁皆出約二萬人下李村賊欲愈肆守備扶正元等力

戰死之王文瑞飛往接應擊殺數十賊賊甫敗退而小港嘴回

子墓兩股斜鈔將我軍圍困守備何長庚等戰死其時吳國佐

兩營為老鴉灘伏賊所牽首尾不能相應張運蘭之營又相距

數里派援之吉左營正遇伏賊鏖戰守備李冠羣等死之賊遂

直撲王文瑞所占山岡都司朱寬義等力禦之迴合十數次併

力衝突殺賊數十名守備朱正魁等皆沒於陣幸吉左營接應

奏稿卷十二

吳

時已日暮賊亦不敢進逼二更收隊是日斃賊四五百名副湘

營陣亡四十八人義字營九十四人吉左營十二人緣各營均

出六成隊賊蓋十倍於我也自後雨雪泥濘賊不敢出二十七

日稍晴張運蘭預派第五旗紫牛角嶺六旗守湖角嶺吉左營

守崖角嶺王文瑞派隊會同團勇站立中左右三路高嶺賊至

則搖旗擊鼓以疑之布置定後張運蘭自率四旗從雞腳嶺進

攻上下李村隨分一旗專斷浮梁援賊約副湘營兩面包鈔行

抵李村該逆寂無聲響旋見白旗搖漾數十騎出站河岸我軍

渡河迎擊賊已飛遁良久寂然申刻收隊忽角聲四起回視則

賊隊已出萬餘四路來撲馬隊當先我軍轉隊列陣忽有賊目

八騎涉水衝來中路勇礮擊一賊落馬眾起逐之八騎皆殲張

運蘭等遂乘勢分三路過河衝擊賊黨敗奔旋復回拒王文瑞

等包鈔截擊呼聲震天時第一旗已將浮梁援賊擊敗又從北

路橫截而來該逆棄械狂奔伏尸枕籍追至上下李村賊遂棄

巢而遁縱火焚巢追至鎮市時已昏黑雨雪交加傳令收隊是

日破上下李村二巢殲賊二千名解散脅從千餘名奪劈山礮

八尊陣斬偽指揮楊大鵬郭正雲張明萬偽東殿後營將軍李

正隴鄧見光陳金隴等尸邊搜出偽照自後我軍屢出賊不敢

動本年正月十一日復出六成隊進攻列隊河岸自辰至午對

面寂然惟墩台上烽煙四起浮梁來賊七八百鎮賊亦出千餘

奏稿卷十二

吳

倚山排陣馬隊隱約林間我軍知有埋伏申刻收隊忽接探報是日大股賊圍犯道員劉于潯饒防各營旋忽退去始悟日中舉火者調賊回鎮也劉于潯一軍距張運蘭等六七千里而張運蘭派紫牛角嶺之第五旗人止三百名距老營又十六里是日我軍趨鎮藉解饒防之圍而回鎮之賊必從牛角嶺下經過竟以萬餘賊來撲嶺卡游擊王華國等出卡迎戰賊來益多遂回卡堅拒王華國等血戰終夜被賊撲去營卡陣亡四十一人張運蘭派第三旗往援已無及矣十二日辰刻加隊馳援將賊擊退賊亦回鎮不敢再犯第三旗仍紫牛角嶺堅守原卡此十二月十九日小挫二十七日大捷正月十一夜小挫之實在情

奏稿卷十二

辛

形也據張運蘭等稟報前來臣查鎮賊狡獪異常多而且悍避我朝銳擊我情歸楚軍現紫柳灣人止四千有奇距鎮二十里出隊六成進剿則眾寡主客勞逸飢飽之勢既已懸殊又為地勢所阻易進難退劉于潯一軍屢不得手與張運蘭等相隔太遠呼應不靈而張運蘭王文瑞分紮要隘備多而力益分現添派九江道沈葆楨所統之平江前營新中營左營由玉山赴鎮又調祥字營由弋陽赴鎮助剿並批飭張運蘭等以靜待動無庸遠出攻堅徒傷精銳除陣亡員弁現已片摺請旨賜卹及劉于潯一軍應由江西撫臣耑奏報外所有楚軍攻剿景德鎮情形恭摺由驛六百里馳奏伏乞

皇上聖鑒訓示施行謹奏

奏稿卷十二

辛

曾文正公奏稿

卷之十三目錄

謝會駿雲 賜封典 恩摺

咸豐九年二月十五日

克復南安府城摺 全日

移駐撫州片

信豐解圍調蕭啟江援湖南摺 二月二十八日

景鎮官軍攻勦情形摺 三月二十六日

新募楚軍來撫州教練片

添兵助勦景德鎮摺 五月二十六日

覆陳防蜀緩急摺 六月十八日

攻克景德鎮及浮梁縣城摺 六月二十二日

恭報兩路拔營日期摺 七月初六日

覆陳四次 諭旨摺 七月二十五日

會商大略摺 九月十二日

遵 旨悉心籌酌摺 十月十七日

恭報入皖日期摺 十一月十九日

謝交部優敘 恩摺 咸豐十年閏三月初五日

覆陳未能舍安慶東下請 簡用左宗棠摺 四月十三日

謝署兩江總督 恩摺 五月初三日

通籌全局並辦理大概情形摺 全日



請起用道員沈葆楨摺 全日

察看海漕並保鹽場片

擬設江西糧臺及牙釐局片

報銷歷年軍需摺 五月初六日

奏稿卷之十三目錄

十一

謝曾驥雲 賜封典 恩摺 咸豐九年二月十五日

奏為恭謝

天恩仰祈

聖鑒事竊臣弟曾國華在三河殉節經臣奏報後嗣准湖廣督

臣恭錄咨會蒙

恩優卹復經臣於本年二月初九日專摺叩謝

天恩在案頃准兵部由驛遞回前摺欽奉

硃批另有旨咸豐九年正月二十六日內閣奉

上諭曾國藩奏伊弟曾國華殉難情形一摺候選同知曾國華

在三河鎮殉難當經降旨追贈道員從優議卹該故員歷著戰

功一門忠義著再加恩賞給伊父曾驥雲從二品封典以示褒

嘉欽此臣伏讀之下感激涕零竊念臣弟一介儒生捐軀報

國荷蒙

溫諭頻頒

殊恩疊被既

贈監司之秩復膺

封典之榮存沒均沾哀感無既伏查臣胞叔曾驥雲道光三十

年正月二十七日恭遇

覃恩臣在侍郎任內加一級曾邀

賜封從一品榮祿大夫咸豐二年四月三十日恭遇

覃恩又以臣官加二級得晉

賜封正一品光祿大夫茲復仰蒙

錫類之仁特荷

褒嘉之典臣已肅具家書恭宣

諭旨誥軸則祇領

新綸謹拜此日

九重之命頂戴則仍從舊秩不忘昔年兩次之

恩惟是

隆施稠疊報稱尤難臣惟有竭盡愚忠代臣弟彌未竟之憾代

叔抒向日之忱以期仰答

高厚生成於萬一所有微臣感激下忱理合專摺附驛叩謝

天恩伏乞

皇上聖鑒謹

奏

克復南安府城摺 咸豐九年二月十五日

奏為肅啟江一軍協同各勇攻克南安府城現仍馳援信豐恭摺奏祈

聖鑒事竊正月十八二十四等日肅啟江等攻克新城墟池江一帶賊巢業經馳奏在案肅啟江本擬由龍迴開道先援信豐再圖合攻南安 臣亦批飭令解信豐之圍以勸守土之吏矣因疊據生擒賊供該逆自屢次痛殲後退保南安極為惶恐一夕數驚紛紛逃走等供肅啟江等以機會既有可乘不若趁破竹之勢直取南安免致死灰復熾遂親率所部協同管帶田勇練勇之知縣周慶榕縣丞周慶夏等進紮青隴黃隴一帶地方會

奏稿卷十三

攻郡城二十九日黃隴一路踞匪見官軍大至即行逃竄追殺十數名三十日出隊至三角嶺遙望城中煙焰迷天知賊中內亂即派營官朱桂秋黎得勝胡中和劉嶽昭梁萬貴督隊會同練勇進攻東北兩門營官毛治祺秦華祝唐星照戴齡督隊會同田勇攻剿城外各村賊館賊壘南安原係兩城北為水城中有一河之隔逆黨初猶抗拒見我軍銳氣百倍礮斃二百餘名復疊水進攻北城該逆傾巢西竄且戰且奔我軍衝鋒過猛登時陣亡七人受傷九人跟追數里聞各村角聲四起慮有埋伏且時已申正遂收隊仍回黃隴餐宿戒勿入城二月初一探報西北路烽火相連時有賊旗登山瞭望疑賊故空此城誘我深

入適大庾田勇旗長吳昌餘等在城外被擄我軍窺破賊謀且知城內米糧罄盡亦欲待賊入城再行圍剿是夜陶張兩逆首果率萬餘人回屯城內矣正籌剿聞而信豐告急之稟疊至欲赴援則南安功在垂成欲不赴則信豐萬分危急因定議初三日大舉攻期以一鼓下之是日已刻分數路進攻賊亦分路迎敵我軍鎗礮刀矛噴筒火箭同時並舉陣斬悍賊二三百名賊黨奔潰入城我軍跟蹤而入或攀堞而登轉瞬開東北兩門盡插官軍旗幟賊仍由西門奪路奔逃追擊二十里伏口繫繫敗賊仍分兩路鼠竄一由浮江西坑一由義安內梁等處皆係往粵之路是日克復府城除田勇練勇斬獲不計外楚軍共斃

奏稿卷十三

賊六百餘名生擒五十一名奪獲馬騾旂幟軍械無數我軍陣亡十八人肅啟江克城後以信豐緊急隨於初五日冒雨親率所部取道龍迴赴援信邑並派奇勝軍都司黎得盛留勇八百人駐守南安會同周慶榕等搜捕餘匪一面飛移該管道府調集各勇堅守嚴防此二月初三克復南安並馳援信豐之實在情形也據肅啟江稟報前來 臣查南安被陷數月賊數十倍於官軍幸仗 聖主天威各將弁及團勇力戰用命自十八日埋伏取勝後該逆膽落氣沮屢次敗奔攻克郡城甚為得手又據稟報崇義縣城亦於正月二十五日克復目下肅啟江馳援信豐解圍後江

省南路可冀肅清除管帶練勇田勇之周慶榕及各官紳等應

由撫臣耆齡奏報外其楚軍出力員弁兵勇合無仰懇

皇上天恩容臣擇尤保獎以昭激勵布政使銜卽選道蕭啟江

久著戰功老成果毅緩急分合之際皆洽機宜可否

賞加勇號之處出自

鴻恩所有楚軍協同團勇克復南安緣由謹會同江西撫臣耆

齡恭摺由驛六百里馳奏伏乞

皇上聖鑒訓示施行謹

奏

奏稿卷十三

五

移駐撫州片 咸豐九年二月十五日

再去冬今春以來張運蘭一軍進攻景德鎮未甚得手並聞鎮

賊日增將由樂平繞鈔官軍後路圖窺撫州查建昌僻在東隅

駐建則不能兼顧撫州駐撫則可以屏蔽建昌正月下旬臣卽

擬移駐撫州因慮福建連城股匪內窺是以未便移軍昨准閩

浙督臣來咨連城已於正月初十克復甯都建昌兩屬可無回

窺之虞臣已於二月十二日移紮撫州相機調度撫郡距景德

鎮較近卽距蕭啟江南安一軍亦較建昌稍近南北兩路聲息

易通除俟將景德鎮攻勦情形另摺奏報外所有臣軍移駐撫

州緣由理合附片奏聞伏乞

皇上聖鑒謹

奏稿卷十三

六

信豐解圍調蕭啟江援湖南摺

咸豐九年二月二十八日

奏為蕭啟江一軍力解信豐城圍現在調赴吉安為湖南援應恭摺奏祈

聖鑒事竊蕭啟江等克復南安後旋即馳救信豐經臣於二月十五日奏報在案初七日該軍行抵離信豐二十里之大小窩地方查探得城內官民萬餘人糧食止支三日賊黨盡屯城外東門浮橋已被水衝惟吳家嶺浮橋斷而復續逆黨築壘吳家嶺及石子嶺一帶阻截援師蕭啟江約會總兵遮克敦布於初八日進攻傳令果後果右兩營從右路進果前果左兩營從左路進副果新果兩營從中路進蕭啟江自率中營接應商合遮

奏稿卷十三

七

克敦布之飛虎勇署南安府周汝筠之練勇會同顧勇先行誘賊出巢楚軍偃旂息鼓以待先攻吳家嶺再攻北門辰刻賊果出隊抗拒營官劉嶽昭等由右路沿河而進悉力猛撲連破賊壘四座石子嶺之賊蜂擁來助又經左路胡中和率隊力戰梁萬貴由左路之右繼進是時戴齡唐星照已由中路直搗吳家嶺下蕭啟江見賊牆火起知已得手飛馳督勦正鏖戰間而吳家村忽出賊萬餘各執五色旗前來鈔截各營乘勝壓之直逼河岸紛紛投水浮尸蔽江賊正無路可逃忽大雨如注官軍鎗礮濕不能然窮寇拚命回撲北門外之賊一概回戈反鬪混戰一時斃賊數百我軍亦陣亡九十六人營官胡中和劉嶽昭戴

齡均受矛傷蕭啟江卓旗力禦賊始大奔雖因雨未及痛勦而賊已膽落矣初十日分八路進勦蕭啟江行至小溪橋見西北一帶火起知前隊已破賊營呼聲震山谷該逆奪渡奔逃各營併力追殺人馬死者無算城內兵勇亦乘勢出擊伏尸遍野遮克敦布一軍適當去路斬馘尤多楚軍斃賊二百餘名生擒二十八名敗賊悉往東路逃走此初八日鏖戰獲勝初十日力解城圍之實在情形也據蕭啟江等稟報前來臣查信豐被圍三月有餘力窮糧竭經蕭啟江等馳救會合遮克敦布等力戰解圍計楚軍八日之內克府城一解縣圍一死事至四百人之多尚屬踴躍用命除飛虎軍康勇顧勇及力守危城之信豐縣知

奏稿卷十三

八

縣錢蘭等咨請江西撫臣查明保獎外其蕭啟江一軍可否由臣併入南安克復案內保獎以示鼓勵陣亡之藍翎外委李先益李楚文藍翎把總黃龍光外委劉文友均懇天恩各照本職從優議卹以慰忠魂連日接據咨報南安之賊竄入湖南連陷桂陽宜章甯永興等縣及桂陽州頻年以來楚軍出勦江西湖北廣西貴州安徽等省將士分布各路本省空虛該逆乘隙竄入驟無應敵之師殊形喫緊臣已飛調蕭啟江一軍馳赴吉安為湖南援應如賊二安仁茶陵一帶即行橫出截擊以免蔓延除飛咨湖南撫臣籌防勦外所有蕭啟江一軍力解信豐城圍及調赴吉安援應湖南各緣由謹會同江

西撫臣耆齡繕摺由驛五百里馳奏伏乞
皇上聖鑒訓示施行謹
奏

奏稿卷十三

九

景鎮官軍攻勦情形摺 咸豐九年三月二十六日

奏為景德鎮官軍兩月以來攻勦情形恭摺奏祈

聖鑒事竊張運蘭等進攻景德鎮本年正月二十三日以前接
仗各情形業經馳奏在案二十八日各營約會進攻道員王文
瑞率副湘營出右路黃泥嶺堵禦浮梁援賊張運蘭率親兵及
平江前營由中路雞腳嶺進而以五旗出中路之右四旗出中
路之左並派三旗六旗及吉左營平江新左營協同樂平各局
團勇分守要隘以為接應已刻抵鎮該逆堅閉不出我軍過河
燒燬望樓二座並焚李村民房賊黨分支出撲各軍亦分途迎
擊迴合十餘次轟斃百餘名吉左新左等營均出隘夾擊其時

奏稿卷十三

十

浮梁援賊復經王文瑞等擊退自午至酉鏖戰竟日收隊忽片
股悍賊萬餘從栗樹山後面橫截歸路馬隊尤多我軍苦戰之
後忽遇新賊路隘不能施展雖更番奮擊殺賊三百餘名而老
湘營亦陣亡二百三十八人副湘營十人平江前營二十八人
團勇十五人長夫十三人游擊喻福慶等弁力竭陣亡幫辦王
開琳等因歸途擁遏遂繞道從湘湖街回營臣以景鎮地勢崎
嶇難打行仗且自去冬皖北失利湘勇之士氣未復此次損傷
三百皆係銳卒遂批飭張運蘭等少為休息堅守隘口賊來則
與決戰無庸輕出進攻庶致賊而不為賊所致自後賊亦伏巢
不出二月二十四日賊見湖角嶺要隘止紮祥字一營距張運

蘭老營十餘里遂出隊陽攻各隘率制官軍而以馬步隊萬餘人直撲祥字營守備劉勝祥竭力堅守張運蘭飛飭游擊朱紹輝文恆久馳往救應月派游擊楊虎臣都司張廣勝等截勦湖湘街援賊王文瑞及平江前營彭大壽新中營吳蓋臣均出隊援勦其時吉左營都司朱寬義副將陳品南平江新左營張詩華已從牛角嶺鈔擊賊後樂平團勇亦至當殪大旗賊目二名先鋒悍賊十餘名逆燄頗挫劉勝祥見援兵齊集卽出營奮擊陣斬偽官六名奪偽印二顆偽照四張殺斃轟斃二百餘名該逆棄械狂奔自此軍威仍振三月十三日張運蘭等以各營休息月餘可試決戰遂分三支出隊進攻卯刻行近景鎮賊在望

奏稿卷十三

臺舉烽副將黃萬友等將望臺焚燬伏賊四起張廣勝及游擊劉松山等迎擊大路之賊楊虎臣截擊浮梁援賊同知劉生璠往來策應陳品南朱紹輝等搜截栗樹山伏賊三路得手計斃賊百餘名斬賊目二名日暮收隊十六夜鎮賊忽舉火焚屋執炬北行偽作宵遁之勢旋即折回埋伏黎明時張運蘭王文瑞督隊往追一面查探虛實查悉該逆狡詐之謀嚴陣以待祥字營直入街口伏賊盡起酣戰逾時千總易執圭戰歿張運蘭等整隊接應賊雖數倍亦不敢來撲未刻大雨遂各收隊此正月二十八日二月二十四日三月十三十七等日攻勦景鎮之實在情形也據張運蘭等稟報前來臣查鎮賊狡悍而多地勢散

漫張運蘭等各營分紮要路延袤二三十里距于潯饒防各軍較遠中隔一江兩難救應楚軍抵鎮後損折六百餘人眾寡懸殊難遽得手南安克復後本擬調蕭啟江一軍從浮梁夾擊又因郴桂告陷回援湖南目下情形止得扼要嚴防觀隙而動藍翎游擊喻福慶藍翎都司易福陞等五十二員名先後力戰捐軀深堪憫惻謹另繕清單願懇天恩俯准各照本職從優賜卹以慰忠魂除劉于潯一軍應由江西撫臣詳晰奏報外所有兩月以來攻勦景鎮各情形理合恭摺由驛五百里馳奏伏乞

皇上聖鑒訓示施行謹奏

新募楚軍來撫州教練片 咸豐九年三月二十六日

再臣正月閒因蕭啟江張運蘭兩軍相距太遠老營空虛又有進規皖南之議遂行添募兵勇於上次奏明在案茲據總兵銜竹山協副將朱品隆游擊喻吉三五品銜知縣張岳齡同知銜布政司經歷凌蔭廷等共募南勇三千五百餘人均經陸續成軍其游擊彭山祀回南挑募之營兵四百勇二百及道員王勳添募之湘勇五百則均經湖北撫臣咨留協助本省防務所有新募各營現皆隨臣駐紮撫州親加教練目下賊擾湖南蔓延柳桂蕭啟江一軍已由吉安馳抵茶陵一帶江省吉袁各屬壤地毗連均須預防回竄是南路之賊情較北路之景鎮其喫緊

正復相等一俟湖南賊勢稍鬆即當調派各營協攻景德鎮理

合附片奏

聞伏乞

聖鑒訓示再自婺源賊竄陷建德後知府劉騰鶴進剿陣亡彭湖均甚喫重臣已派候選知府屈蟠帶領平江老中營千人自撫州馳赴湖口協防合并陳明謹

奏

添兵助剿景德鎮摺 咸豐九年五月二十六日

奏為楚軍進攻景德鎮逆巢連獲勝仗現在添兵助剿恭摺奏祈

聖鑒事竊張運蘭一軍自正月二十八至三月十七等日攻剿情形業經馳報在案三月二十日張運蘭等攻入下李村吉左營及祥字營接應平江三營迎擊回子墓之賊計共斃賊百餘名二十八日張運蘭王文瑞約水師夾擊一由河面攻鎮一進小河攻回子墓賊牆陸軍沿河護之破賊卡數重賊黨別出一路直犯平江三營迴合六七次祥字營吉左營馳往策應殺賊百餘賊始奔潰已革皖南道石景芬率各團截擊斃賊四百餘

人我軍亦陣亡十七人自後屢次進攻賊皆堅匿不出四月二十四日張運蘭王文瑞約會劉于濤及水師遊擊任星元等乘

水漲進攻將沿岸守卡賊掃斃無數內有黃衣賊目五六名惟街口堅卡數重難破兼有一港之隔二十八日復合諸營進攻參將文瑞一軍專防河岸石景芬督團丁分守各隘我軍誘賊出卡用劈山礮排轟當者糜碎立斃數十賊賊遂敗奔是日劉于濤等攻破西瓜洲城壘江楚兩軍互為聲援此三月二十日至四月二十八日楚軍攻剿景鎮獲勝之情形也據張運蘭等稟報前來臣查鎮賊屢敗勢能已衰各軍打仗亦不為不力惟地勢散漫路徑紛歧逆黨多而且穩江楚兩軍相距數十里

呼應不靈臣久欲濟師往剿因湖南永寶被擾防賊回竄故未
敢將撫州各營調出致南路過於空虛目下湖南賊蹤盡趨西
路卽派駐撫之湘前營強中營吉字營振字營岳字營護衛軍
共五千八百人於五月初九十一等日分起拔營助攻景鎮交
臣弟曾國荃督率以行與張運蘭劉于濤等面商進取機宜總
期迅掃逆巢肅清江境現駐撫州者僅撫臣所募之昇字營六
百餘人又湘後營千餘人蓋劉騰鴻兄弟之舊部撫臣調赴撫
州交臣爲之整飭者也除劉于濤一軍由撫臣耆齡詳悉奏報
外所有楚軍連月進攻獲勝及添兵助剿各緣由謹繕摺由驛
五百里馳奏伏乞

皇上聖鑒訓示施行謹

奏稿卷十三

五

奏

覆陳防蜀緩急摺 咸豐九年六月十八日
奏爲奉到防蜀

諭旨恭摺覆奏仰祈

聖鑒事竊臣添調五千餘人協攻景德鎮並商派總兵饒廷選
換防廣信業於五月二十六日馳奏在案六月初五日承准軍
機大臣字寄咸豐九年五月二十一日奉

上諭官文奏探知湖南賊眾勢將入蜀請飭曾國藩帶兵迅赴
夔州一摺逆首石達開竄擾湖南大股萃於祁陽與官軍相抗
復分竄邵陽新化武岡等州縣據稱該逆蓄謀已久欲逞志於
四川由湖南入蜀道路紛歧若由資江沅江遠窺常澧則湖北

奏稿卷十三

六

之荆宜兩郡俱危或由辰沅走秀山西陽或由黔中假道皆可
蔓延川境湖北水陸各軍全力施之於皖省卽再分撥亦僅能
近防洞庭常澧不能再顧西路詳覽該大臣所奏各情實爲通
籌大局起見本日已諭令有鳳派兵扼要嚴防惟該省兵力恐
不能當此悍賊曾國藩前派蕭啟江帶兵援剿湖南現在湖南
喫重此一軍自未能調回此外如江西湖北湖南四川等兵均
素稱得力著曾國藩卽日統帶由楚江前赴四川夔州扼守以
據兩湖上游之勢倘賊蹤竄至卽可有備無患至江西景德鎮
之賊尙未剿平據官文奏請飭李定太守饒州饒廷選守撫州
彭玉麟守九江著曾國藩斟酌情形咨商耆齡妥爲布置俾得

迅掃賊氛不至顧此失彼是為至要將此由六百里諭令知之
欽此仰見

聖主思慮預防熟計兼權之至意伏查臣部下除蕭啟江之五
千人援剿湖南外其張運蘭之三千七百人上年臘月即調攻
景鎮屈蟠之平江營千人本年三月復調防湖口昨派臣弟曾
國荃帶五千八百人赴鎮協剿臣身邊並未留一卒一兵撫州
老營惟湘後及昇字兩營二千餘人均由省局發餉不歸臣處
調遣聊假虛聲以坐鎮要郡耳曾國荃等抵鎮後移營進逼五
月二十六二十八六月初二等日均獲勝仗雖賊多且悍能否
即破堅巢尚無把握然兵屢添而愈多營屢逼而愈近以機勢

奏稿卷十三

七

而論可期得手今若改圖入蜀將楚軍全行撤退則饒防僅劉
于濤一軍不能扼截東路賊必乘虛內竄北而彭澤湖口南而
撫州建昌均慮難支是未保將危之四川先棄甫定之江西
臣商巡撫耑撫臣覆書囑臣朱品隆王文瑞屈蟠三千人助
攻景鎮臣所部僅此數將若留以防江更難入蜀再四思維實
覺顧此失彼有礙大局

諭旨飭令李定太守饒廷選守撫州彭玉麟守九江等因
查彭玉麟現紮湖口尚可兼顧九江饒廷選初赴廣信係屬三
省要區礙難他調李定太守防衛州係屬浙省門戶能否來江
應由撫臣耑齡奏咨俟一月以後始可定局景德鎮能否攻克

一月以後亦可定局目下尙當竭力攻剿不宜徑退以長凶鋒
此處一軍難遽拔隊西行之情形也自本年賊擾湖南永祁
被圍湘勇在江西者各懷內顧之憂近日寶慶危急距湘鄉不
過百里弁勇瞻顧身家歸思尤切徒以景鎮喫緊不准告假一
日拔隊征蜀道經楚境必且紛紛請假勢難禁止凡勇之弊敗
挫則不知歸伍久征則常思還家不獨湘勇為然各省均坐此
弊勇之不如額兵者在此臣丁巳年奏疏深以弁勇不能補都
守千把實缺為慮者亦職此也今攜湘勇直上夔州水路三千
餘里風濤之惡三峽之險程途太遠人地太生竊恐弁勇未必
樂從即使多方開導樂於西征而粵賊現在湖南號稱二三十

奏稿卷十三

六

萬若果竄蜀裹脅更多臣以區區萬人入蜀剿固不敷防亦不
足孤軍客寄傷亡難補以勢度之恐無裨於大局若遵
諭旨據兩湖上游之勢則即現在之兵力略加水師駐紮宜
昌等處即可穩占上游固湖廣之西門若必徑趨夔州則不以
兼顧湖廣為重而以籌防全蜀為重不特蕭啟江一軍必須調
集同行且當添調水陸湊齊三萬人乃可攜以入峽此又由鄂
赴蜀應俟兵力略厚之情形也自軍興以來川陝兩省最為完
善而蜀中財力雄厚百物豐饒木多足以立舟師馬多足以備
騎隊尤為逆黨垂涎羨我
皇上瞻焉西顧慮未形洵屬刻不可緩之至計惟景德鎮目

下難遽抽動及臣處兵力單弱情形不得不縷陳於
聖主之前除景德鎮開仗情形即日另行奏報外理合恭摺由
驛六百里覆奏伏乞
皇上聖鑒訓示施行謹
奏

奏稿卷十三

九

官軍攻克景德鎮及浮梁縣城摺
奏為官軍攻克景德鎮及浮梁縣城江西全省肅清恭摺奏祈
聖鑒事竊臣於五月十一日派道銜候選知府曾國荃帶領五
千餘人助攻景德鎮二十二日抵鎮約會張運蘭等移營雞脚
嶺一帶層層進逼二十六日辰刻營壘未成賊出三大支過河
來撲各營晁水鈔擊殺賊百餘逼溺無數賊敗回巢未刻浮梁
援賊大至偽楊國宗悉銳來犯計二萬餘人各營分三路截擊
鏖戰兩時陣斬黃衣騎賊及先鋒賊十數名賊始奔潰經劈山
礮截路排轟擊斃溺斃約四五百名我軍陣亡五人帶傷四十
五人二十八日賊復來犯過河直撲老湘營餘皆埋伏對河我
軍用鎗礮扼港迎擊未刻賊氣已疲始大呼衝出殺賊百餘名
六月初二日賊仍傾巢來撲馬隊三四百匹排列對河而以一
支犯老湘營一支犯岳字營張運蘭帶隊將賊擊退直衝過河
與岳字營逼李村逆巢窮追過猛賊從旁路包鈔我軍陣亡五
十三人都司李印典守備向其昌陳玉才均沒於陣經朱品隆
唐義訓蕭孚泗等各營接應回合數次賊始大敗自是三戰皆
勝圍逼愈緊賊糧垂盡知其不能久踞矣適天雨江漲劉子溥
水師與彭玉麟派來之水師游擊任星元緊逼西瓜洲晝夜轟
攻排牆倒壁楚軍陸師派隊將湖湘街黃港臧家灣等處賊卡
焚燒斷賊接濟署浮梁縣事柴維翰亦帶團將羊塢街賊卡焚

燬賊益窮蹙遂趕造火船火船圖襲下游水師劉于濬等探知嚴加準備十三夜賊果出火船四十餘架夾岸輔以陸賊焚攻水師我軍排礮對轟楚軍亦出隊轟勦兩岸之賊擊斃多名血尸盈岸賊計不行十四日夕水陸各營施放噴筒火箭風火火烈延燒鎮市民房該逆忙亂遂於是夜子刻乘黑暗潛竄浮梁會國荃親率參將張勝祿游擊蕭孚泗都司周惠堂副將朱品隆知縣張岳齡等由中路黃泥渡進張運蘭親率參將文恆久劉松山朱紹輝游擊王萬友都司張廣勝易開俊等由左路李村羊塢街進道員王文瑞偕副將唐義訓游擊朱寬義藩經歷凌蔭廷游擊喻吉三游擊銜彭大壽都司吳蓋臣守備劉勝祥

奏稿卷十三

三

張詩華等由右路湖湘街進一面焚燒各卡斬馘追奔十五日辰刻抵浮梁縣該城有一河之隔賊搭浮橋上下三道礮船十餘號轟護歸路其殿後之賊尚有數千未過浮橋我軍窮追緊逼溺尸滿河賊用鎗礮扼橋傷我弁勇十數人守備銜高成春死之抵敵良久中路難進城內忽出悍賊三四千人回過浮橋直衝中路朱品隆張岳齡等方分翼鈔擊適左路張運蘭等已追至下渡浮橋邊右路王文瑞等已追至上渡浮橋邊劉于濬所派之江軍亦到會國荃等遂奮擊中路立斃悍賊二百餘名該逆自相踐踏落水死者近千人當即跟蹤入城張運蘭從西門外鈔入王文瑞從東門外鈔入所有斷後悍賊殄殲殆盡已

革皖南道石景芬前浮梁縣楊錚署浮梁縣柴維翰率浮樂各團勇由東鄉追捕前來隨同克復縣城賊奔竄祁門建德一帶我軍仍分三路追勦追過縣城四十餘里伏尸盈路戍刻收隊是日追逐七十餘里斃賊二千餘名生擒二百零七名奪獲旂幟軍械之屬將二千件楚軍陣亡四十九人帶傷百三十餘人此五月二十六二十八等日疊獲全勝六月十四五等日攻克景鎮浮梁縣城之實在情形也據張運蘭會國荃等稟報前來臣查景鎮為江西皖浙三省要衝去臘派張運蘭帶領楚軍與劉于濬之江軍會勦前後數十戰互有勝負楚軍陣亡至七百餘人之多今幸濟師助勦力戰成功仰仗

奏稿卷十三

三

皇上天威江西全省一律肅清除會國荃係臣親弟不敢仰邀議敘及江軍出力人員應由撫臣奏獎外按察使銜即選道張運蘭治軍堅忍艱險不渝可否賞加布政使銜候選道王文瑞勇敢明練候補游擊任星元忠實勤能可否均賞加勇號其餘楚軍出力員弁可否由臣擇尤保獎以勵戎行出自天恩陣亡之都司李印典守備向其昌陳玉才守備銜千總高成春請照各本職從優賜卹藉慰忠魂所有官軍攻克景鎮逆巢浮梁縣城江境肅清

各緣由恭摺由驛六百里馳奏伏乞

皇上聖鑒訓示施行謹

奏

奏稿卷十三

三

恭報兩路拔營日期摺 咸豐九年七月初六日

奏為恭報兩路拔營日期仰祈

聖鑒事竊臣自景鎮克復後檄調道員張運蘭一軍回援寶慶

臣擬率各營先赴湖北宜昌等郡扼防已於六月二十二日附

片具

奏並聲明兩路拔營各日期續行馳報在案茲據張運蘭稟報

已於六月二十八日自景德鎮拔營由南昌臨江袁州一路回

湘臣亦擬於初七日自撫州拔營由江西省城至湖口沂江而

上所有前派往會攻景鎮之湘前強中護軍振字岳字五營已

飭令由饒州至湖口過江先赴小池口一帶等候其吉字中營

奏稿卷十三

三

現來撫州因令其由湘潭雇船至荊州取齊除俟抵鄂後察看

各處情形再行馳報外所有兩路拔營各日期恭摺由驛五百

里具奏伏乞

皇上聖鑒謹

奏

覆陳四次 諭旨摺 咸豐九年七月二十五日

奏為欽奉四次

諭旨恭摺覆奏仰祈

聖鑒事竊 臣自撫州啟程已將兩路拔營日期專摺馳報在案

七月初九日行至荏港途次承准軍機大臣字寄咸豐九年六

月二十九日奉

上諭前因官文等奏湖南賊勢蔓延意圖窺伺川省當即諭令

曾國藩帶兵由湖北入川防堵茲據該侍郎奏稱楚軍進攻景

德鎮正在喫緊難遽抽動擬就現在兵力駐紮宜昌等處以固

湖廣西門等語自係熟籌江西湖北兩省大局起見惟昨據

齡奏景德鎮業經克復江西軍務稍鬆該侍郎應將景德鎮善

後事宜妥速辦理酌留防兵仍遵前旨統帶所部兵勇由楚赴

川至蕭啟江一軍赴援湖南該侍郎兵力較單可至湖北與官

文胡林翼商酌撥兵帶往以壯聲威原摺所稱駐紮宜昌等處

即可穩占上游是但為鎮守湖北起見尙未能籌防蜀省曾國

藩當熟思大勢應如何定計之處詳悉馳奏毋得遷延等因欽

此十一日在南昌省城承准軍機大臣字寄七月初二日奉

上諭曾國藩奏攻克景德鎮並浮梁縣城一摺尤為出力之張

運蘭等已降旨先行給獎並將曾國藩交部優敘伊弟曾國荃

以道員用矣該侍郎檄調張運蘭一軍先赴寶慶會剿如能在

湖南界內將該逆協力痛殲使其不至西竄自與該侍郎入川

無異所恐賊勢散漫路徑紛歧未能攔截曾國藩雖先駐宜昌

等處仍當偵探賊情如寶慶一帶未能遏其入川之路即當親

督兵勇赴蜀以便調度堵剿機宜未可遷延貽誤著曾國藩仍

遵前旨俟到楚後與官文等妥商進紮地方並酌撥兵勇以備

帶往設或賊犯四川則蕭啟江張運蘭兩軍皆可調赴防剿該

侍郎隨時酌辦可也等因欽此十三日承准軍機大臣字寄七

月初四日奉

上諭張芾奏浮梁景德鎮敗匪悉竄祁門邊境請飭援師合剿

一摺曾國藩因江西肅清調張運蘭一軍赴援湖南該侍郎亦

即日拔營由武昌前往宜昌等處乃浮梁景德鎮敗匪竟傾巢東

竄突至祁門邊界延及箬坑禾沙坑口一帶建德之軍既隔於

外祁門之兵復紮於內徽州勢處甚迫亟應由江西就近撥兵

援應曾國藩能否暫留兵勇前赴徽州越境會剿或以兵力已

單須親自帶往湖北則江西一省必尙有可用之兵著著齡即

行抽撥勁旅赴祁門一帶協剿著該侍郎與該撫會同商辦以

免遷延等因欽此二十日湖口縣途次承准軍機大臣字寄七

月十二日奉

上諭前因浮梁景德鎮敗匪竄入祁門邊境曾諭知曾國藩著

齡會商撥兵援應茲據張芾奏祁門竄匪業經擊退惟石埭建

德兩路喫緊請飭景德鎮帶兵大員移兵會剿等語現在祁門之匪經副將余永椿等並該處兵團疊次擊敗後復竄入石埭之七都勢甚猖獗各營被圍數重先後被陷貴池青陽之賊乘機蠢動建德城賊又傾巢撲營情形極為緊迫亟應由江西就近撥兵援剿曾國藩如可酌撥兵勇暫留江西著即飭令移紮建德會同該處官兵合力剿賊其普承堯一軍兩月來株守彭澤並未出境援應著著齡飭令該總兵迅即帶兵前往夾擊等因欽此仰見

聖主明燭萬里權衡緩急訓示諄諄委曲周詳伏查江西雖全省肅清而防務未可稍弛南則防湖南廣東之賊北則防皖南

奏稿卷十三

七

徽池之賊前此江軍之在北路者饒州有劉于濤一軍彭澤有普承堯一軍臣昨經過省城撫臣耆齡與臣熟商擬留饒廷選在江添領一軍又令吳坤修出省另領一軍皆防守北路九饒各屬普承堯一軍自建德敗挫士氣未復只能謹守彭澤不能進圖皖境其劉于濤饒廷選吳坤修三人擬以二軍分防北邊以一軍助攻皖南稍濟徽州兵力之所不逮至南路吉贛等屬如係粵中小股來犯本省兵力足以禦之如係寶慶大股回竄仍須奏調蕭啟江一軍攔頭迎剿與湖南追擊之師共收夾攻之效至臣隨身所帶各營人數無多不特不能抽撥赴皖並不能酌留防江且商調湘後營之千六百人攜以赴鄂除江西分

防布置應由耆齡詳悉奏報外此臣處兵單不克分剿皖境之情形也臣以初十日抵省十七日至吳城鎮十九日行抵湖口與楊載福彭玉麟會晤臣所設之報銷局各員亦隨至湖口其中有須親為核對者約須三四日乃能清釐就緒前自景德鎮調來之朱品隆等五營由饒州來至九江途次感受暑熱病卒甚多紛紛請假醫調溯查上年七月張運蘭等軍冒暑遊征未得少休厥後九十月間疾疫大作屢次陳奏上煩

聖慮竟不能剋期入閩今年鑒前此之失不能不少與休息已飭各營給假十日多者給假半月趕緊醫調一俟暑病稍愈即當趨程西上輜重病卒概由水路各營隊伍仍由陸路臣督率

奏稿卷十三

天

遊行由鄂入川籌防全蜀仰副

皇上弭患未形之至意斷不敢稍事遷延致有貽誤除俟抵鄂後察看賊勢與官文胡林翼會商再行馳報外所有欽奉四次諭旨恭摺由驛五百里覆奏伏乞

皇上聖鑒訓示施行謹

奏

會商大略摺 咸豐九年九月十二日

奏為欽奉

諭旨會商大略由鄂省回駐巴河恭摺覆奏仰祈

聖鑒事竊 臣行抵湖口已將清釐報銷休息病卒各情馳報在

案在湖口小住十日八月初一日解纜出江十一日行抵黃州

與撫 臣胡林翼晤商一切十八日由黃赴鄂陽邏途次承准軍

機大臣字寄咸豐九年八月十三日奉

上諭官文奏皖省賊勢日張籌議由楚分路勦辦一摺皖省粵

匪與捻匪勾結蔓延日甚勝保圖攻懷遠翁同書退守壽州廬

州以外並無一旅之師前此楚軍東下復以深入失利以致匪

勢漫無牽制肆意竄擾官文以寶慶解圍敗賊悉數南竄川省

已有備無患請飭曾國藩緩赴川省暫駐湖口俟湖南大定分

軍四路步步為營進勦皖省所籌實於大局有益曾國藩前奏

尚在湖口清釐報銷並休息病卒此時如已起程赴鄂著與官

文商酌如湖南大局已定川境可保無虞即暫駐湖口俟調回

湖南各軍為分路進勦皖省之計設湖南敗匪尚未免有入蜀

之虞只可從緩酌量辦理軍情變幻靡常該大臣等近在鄰省

偵探較確必能相機籌畫力顧全局至皖省糜爛已極勝保自

護城挫敗後其勢不可復振非由楚省派援不能牽掣賊勢該

大臣等務須亟籌協勦預為布置一俟湖南定局即照所議調

奏稿卷十三 三十九

撥水陸各軍分路進勦實深盼望另片請飭催四川等省餉銀

已諭令各該督撫迅解等因欽此仰見

皇上權衡大局熟計兼籌尤以援皖為急務令 臣等相機酌辦

虛衷委任感悚曷勝 臣於八月二十三日行抵武昌晤商督 臣

官文維時探聞相賊大股全竄粵西前隊已趨義甯距黔省邊

界甚近或由龍勝懷遠一帶入黔以遂其竄蜀之謀亦未可定

固不敢謂川境可保無事此賊必無入蜀之虞惟以道里計之

賊蹤離蜀尚隔三千餘里粵黔兩省萬山叢雜賊多食少勢難

遽達蜀境查皖北粵捻各匪蔓延日廣南為金陵蕪湖之援北

為齊豫數省之患自安慶至宿毫千餘里人民失業田廬蕩然

火熱水深迫切待救勝保翁同書兩軍相隔既遠兵餉并絀東

北各路亦無協勦之師誠如

聖諭非由楚省派兵馳援不能牽掣賊勢官文胡林翼擬將援

湘馬步各軍調回分路進發皖鄂接壤途徑紛歧上年李續賓

銳意深入連克四城因兵數太少有戰兵無守兵有正兵無援

兵是以中道挫衄今懲前此之失須合全力圖之多添一兵得

一兵之力早辦一日救一日之難中原腹地莫要於皖生民苦

厄莫甚於皖就大局緩急而論 臣自應回軍援皖先其所急以

期速蘇民困仰慰 宸廑 臣於九月初三日由武昌回駐黃州下游四十里之巴河

奏稿卷十三 三十九

簡校軍實詳考入皖形勢進兵須分四路南則循江而下一由宿松石牌以規安慶一由太湖潛山以取桐城北則循山而進一由英山霍山以取舒城一由商城六安以規廬州南軍駐石牌則可與楊載福黃石磯之師聯為一氣北軍至六安州則可與翁同書壽州之師聯為一氣臣所部不及萬人僅足自當一路若將援湘之蕭啟江調回則臣處可分為兩支若並將張運蘭調回則臣處可分為三支一支之力僅能會剿皖北三支之力則可專任皖南臣於正月十一日曾經縷晰具奏在案此時湘事雖紓邊防尚緊臣擬酌留張運蘭一軍協防湖南咨調蕭啟江帶勇五千先行來鄂相應請

奏稿卷十三

三

旨飭下湖南撫臣檄催蕭啟江剋日前來會同鄂省各軍陸續東下以期廓清皖境蕩平寇氛除進剿事宜另行會商馳報外所有遵

旨商籌全局並回駐巴河各緣由恭摺由驛五百里覆奏伏乞皇上聖鑒訓示遵行謹

奏

遵 旨悉心籌酌摺 咸豐九年十月十七日

奏為遵

旨悉心籌酌恭摺覆奏仰祈

聖鑒事竊咸豐九年九月二十八日承准軍機大臣字寄九月二十一日奉

上諭曾國藩奏遵旨籌剿皖匪機宜現已由鄂回駐巴河一摺皖省賊氛甚熾必須楚師東下方可掃蕩曾國藩奏稱以兩軍循江而下規取安慶桐城兩軍循山而進規取舒城廬州各軍所部兵勇自即照官文前奏派撥該侍郎獨任一路尚擬將蕭啟江調回派張運蘭留湘協防但蕭啟江一軍已入粵西現當

奏稿卷十三

三

桂林危急萬分全恃此軍援應急切未能調回至湘中防堵尚有兵勇可派著該侍郎斟酌情形即將張運蘭調取回鄂亦可補蕭啟江之缺再本日據袁甲三庚長奏現聞官文等籌議進兵勦辦皖逆並議令勝保等於東北路截剿惟勝保傳振邦兵力單弱一經楚師大舉深恐驅賊北竄請飭由光州固始潁州一帶繞赴北路進剿等語曾國藩所奏北路一軍由商城前進本去潁州不遠惟須折赴六安規取廬州則蒙亳等處已難兼顧此時捻粵勾結設因南路不支竟圖北竄恐傳振邦翁同書等不能堵遏袁甲三等所慮亦不為無見著官文曾國藩胡林翼再行悉心籌酌所有東下四軍內應如何派出一軍取道光

固潁州繞出懷蒙以北與勝保等官軍會合南剿俾逆匪不致北犯是為至要袁甲三等原摺著鈔給閱看至此大官文等會籌大舉關係全局利害總須計出萬全不妨稍遲時日謀定後動也將此由六百里各諭令知之欽此仰蒙

皇上籌維全局指示機宜曷勝欽感伏維自古辦竊號之賊與辦流賊不同辦流賊法當預防以待其至堅守以挫其銳辦竊號之賊法當剪除枝葉併搗老巢今之洪秀全據金陵陳玉成據安慶私立正朔偽稱王侯竊號之賊也石達開等之由浙而閩而江而湖南而廣西流賊之象也宮張諸捻之股數眾多分合無定亦流賊之類也自洪楊內亂鎮江克復金陵逆首

奏稿卷十三

三

兇燄久衰徒以陳玉成往來江北勾結捻匪廬州浦口三河等處疊挫我師遂令皖北之糜爛日廣江南之賊糧不絕等竊以為欲廓清諸路必先攻破金陵全局一振而後江南大營之兵可以分剿數省其餉亦可分潤數處欲攻破金陵必先駐重兵於滁和而後可去江甯之外屏斷蕪湖之糧路欲駐兵滁和必先圍安慶以破陳逆之老巢兼搗廬州以攻陳逆之所必救誠能圍攻兩處略取旁縣該逆備多力分不特不敢悉力北竄齊豫並不敢壹意東顧江浦六合蓋竊號之賊未有不竭死力以護其本根也現擬四路進兵自江濱而北第一路由宿松石牌以規安慶國藩親自任之第二路由太湖潛山以取桐城

多隆阿鮑超等任之第三路由英山霍山以取舒城林翼親自任之先駐楚皖之交調度諸軍兼籌轉運第四路由商固以規廬州調回李續宜一軍任之袁甲三等原奏恐驅賊北竄請由光固潁州繞赴北路等語查湘勇久戰江濱於淮北賊情地勢不甚熟悉能否繞出懷蒙以北應俟李續宜軍至固始後察看情形再行奏明辦理至蕭啟江一軍國藩前於奏明後即經檄調來鄂嗣聞桂林解圍又經飛札催調計日內當已由粵回湘張運蘭一軍經湖南撫臣派防郴州該道久勞於外適值防務稍紓稟請給假三月暫予休息國藩與駱秉章皆經批准難遽北來應懇

奏稿卷十三

三

皇上天恩仍飭蕭啟江來皖俾等少收臂指之助除俟各軍取齊再行馳報外所有遵旨悉心會籌緣由謹合詞恭摺由驛五百里覆奏伏乞皇上聖鑒訓示施行謹

奏

硃批另有旨欽此 又摺內攻陳逆之所必救旁奉

硃批惟恐言之甚易行之甚難 又李續宜軍至固始後旁奉

硃批誠恐緩不濟急欽此

恭報入皖日期摺 咸豐九年十一月十九日

奏為恭報入皖日期仰祈

聖鑒事竊楚軍分路援皖 臣由第一路循江而進業於十月十

七日會奏在案拜摺後即於十月二十四日由巴河拔營十一

月初三日行抵黃梅小住八日十三日進駐皖省之宿松縣蔡

營東北門外所有蕭啟江張運蘭二軍遵

旨均不調回 臣目疾醫調尚未痊愈就現在兵力勉強支持進

剿實虞不足防守或尚可恃除遵

旨另籌一軍繞赴淮北由 臣官文會奏辦理外所有拔營入皖

進駐宿松緣由恭摺由驛五百里馳奏伏乞

皇上聖鑒訓示謹

奏

謝交部優敘 恩摺 咸豐十年閏三月初五日

奏為恭謝

天恩仰祈

聖鑒事准督 臣官文咨鈔咸豐十年二月十四日內閣奉

上諭官文胡林翼會國藩奏官軍大破援賊克復太湖城池一

摺曾國藩督師進剿調度有方著先行交部從優議敘等因欽

此當即恭設香案望

闕叩頭伏念 臣才識迂拘未諳方略前此下游剽悍之賊實有

傾巢深入之虞賴督 臣官文撫 臣胡林翼調度應機副都統多

隆阿總兵鮑超等驍勇善戰皆同心以戮方遂掃穴而摧堅

臣本無尺寸之功

聖主不遺涓塵之助

恩榮特被感愧獨深 臣惟有勉率偏師力襄全局矢憂勤於夙

夜策奠定於江淮以期仰答

高厚鴻慈於萬一所有 臣感激下忱謹繕摺附驛恭謝

天恩伏乞

皇上聖鑒謹

奏

覆陳未能舍安慶東下請 簡用左宗棠摺咸豐十年四月十三日

奏為遵

旨覆奏仰祈 聖鑒事竊 臣承准軍機大臣字寄咸豐十年四月初一日奉

上諭前因金陵大營官軍不支退守鎮江當諭令曾國藩等傳

旨令都興阿馳赴江北將如何進取之處悉心籌酌茲據瑞昌

王有齡奏上游悍賊屬集金陵鎮常處處喫緊請飭曾國藩會

同楊載福分剿蕪湖並入甯境以分賊勢等語金陵大營退守

鎮江軍威不振而逆賊分踞句容溧水等處圖犯蘇常江浙安

危在於呼吸曾國藩現紮安慶若與楊載福率領所部水陸各

奏稿卷十三

老

軍迅由東流建德一帶分剿蕪湖並入甯境以分賊勢而顧蘇

常於東南大局實有裨益惟安慶賊勢頗眾曾國藩能否舍安

慶而東下著酌度情形相機辦理迅速奏聞如該侍郎兵力不

敷未能前進即飭楊載福統領水師進攻蕪湖扼賊之吭並與

李德麟等梭巡江路亦足以牽掣賊勢是為至要等因欽此伏

查臣軍共計一萬數百人現正圍攻安慶多隆阿一軍現攻桐

城李續宜一軍現駐青草塢援應兩路均屬喫緊之際前奉

寄諭命臣等傳

旨令都興阿酌帶馬步隊四五百人馳赴江北當經飛咨該將

軍並咨商督臣官文撫臣胡林翼悉心籌酌計都興阿之軍須

從皖北各營中抽調兵力已不能不分此刻安慶賊勢尚強臣
若盡撤以赴蕪湖甯國則桐城之師不能獨立該逆若再乘機
上犯楚疆必將應接不暇臣處自肅啟江張運蘭撥赴楚蜀後
不獨將領無獨當一面之才且兵力亦太單薄難當巨寇目下
賊勢全趨常蘇如常州不支斷非進攻蕪湖一著之所能牽綴
此臣軍不能舍安慶而趨蕪湖之實情也

諭旨又以左宗棠熟習湖南形勢戰勝攻取調度有方目下賊
氛甚熾兩湖亦所必欲甘心應否令左宗棠仍在湖南本地襄
辦團練等事抑或調赴該侍郎軍營俾得盡其所長以收得人
之效並著曾國藩酌量辦理等因欽此查左宗棠剛明耐苦曉

奏稿卷十三

美

暢兵機當此需才孔亟之際或飭令辦理湖南團防或飭赴各

路軍營襄辦軍務或破格

簡用藩臬等官予以地方俾任籌餉之責均候

聖裁無論何項差使惟求明降

諭旨俾得安心任事必能感激圖報有神時局除飛咨楊載福

欽遵

諭旨迅巡下游江面並俟都興阿成軍由督臣官文主稿會奏

外所有遵

旨覆奏各緣由理合專摺由驛六百里馳奏伏乞

皇上聖鑒訓示施行謹

奏

謝署兩江總督 恩摺 咸豐十年五月初三日

奏為恭謝

天恩仰祈

聖鑒事竊臣於本年四月二十八日承准軍機大臣字寄咸豐

十年四月二十一日奉

上諭曾國藩已有旨署理兩江總督自應統帶各軍兼程前進

等因欽此臣雖尚未接准部文將欽奉

諭旨恭錄行知聞

命之下謹已恭設香案望

闕叩頭謝

奏稿卷十三

奏

奏稿卷十三

早

恩訖伏念臣從戎七載未展一籌既無橫草之功兼有采薪之

患迺蒙

龍光曲被虎節遙頒膺

九陛之

殊恩畀兩江之重寄

鴻慈逾格感悚難名查江督統轄三省兼理鹽政河漕江防諸

務地大物眾任重事繁在平時已才力之難勝況目下實艱危

之尤甚建業久淪為異域蘇常又失於崇朝臣忝任兼圻仍同

九伐祇自慙其棉薄詎有濟於涓埃惟

國家多事之秋豈臣子懷安之日計惟有殫心奉職嚙指誓師

攬轡而志澄清盡收疆土下車而問疾苦速拯瘡痍庶幾仰蒼
高厚生成於萬一除另摺陳報一切軍情外所有微臣感激下
忱理合專摺附驛叩謝

天恩伏乞

皇上聖鑒謹

奏

奏稿卷十三

聖

通籌全局並辦理大概情形摺 咸豐十年五月初三日
奏為欽奉疊次

諭旨通籌全局並辦理大概情形恭摺覆陳仰祈

聖鑒事竊臣於四月二十五日承准軍機大臣字寄咸豐十年

四月十八日奉

上諭本日據喬松年奏常州城外各營已潰郡城被圍無錫鄉
間已有賊蹤等語為今之計自以保衛蘇常為第一要務著官
文曾國藩胡林翼熟商妥議統籌全局即令曾國藩統領所部
各軍赴援蘇常或未能深入救援亦可扼截江面以杜北竄等
因欽此四月二十八日准官文咨開二十五日准軍機大臣字

奏稿卷十三

聖

寄四月十九日奉

上諭現在常州岌岌可危無錫又有賊蹤可以徑犯蘇城江南
大局幾同瓦解曾國藩接奉此旨即統率所部兵勇取道甯國
廣建一帶徑赴蘇州相機兜剿以保全東南大局毋稍遲誤等
因欽此同日承准軍機大臣字寄四月二十一日奉
上諭本日據徐有壬許乃釗奏賊逼蘇州和春受傷身故張玉
良在無錫一帶駐紮請催各路援兵現在江南情形萬分危急
亟待援兵速集以冀挽回大局曾國藩已有旨署理兩江總督
自應統帶各軍兼程前進等因欽此仰見
聖主睠懷南服移緩就急之至意臣於四月二十二日准張芾

來函蘇州於十三日失守旋接王有齡咨南常州於初六日失守無錫於初十日失守張玉良於十四夜回抵杭州等語接閱之下駭憤莫名竊以為蘇常未失即宜提兵赴援冀保完善之區蘇常既失則須通籌各路全局擇下手之要著求立腳之根本自古平江南之賊必踞上游之勢建瓴而下乃能成功自咸豐三年金陵被陷向榮和春等皆督軍由東面進攻原欲屏蔽蘇浙因時制宜而屢進屢挫迄不能克金陵而轉失蘇常非兵力之尙單實形勢之未得也今東南決裂賊燄益張欲復蘇常南軍須從浙江而入北軍須從金陵而入欲復金陵北岸則須先克安慶和州南岸則須先克池州蕪湖庶得以上制下之勢

奏稿卷十三

聖

若仍從東路入手內外主客形勢全失必至仍蹈覆轍終無了期臣所部萬餘人已進薄安慶城下深溝固壘挖濬長濠若一撤動則多隆阿攻桐城之軍亦須撤回即英山霍山防兵均須酌退各路皆退則軍氣餒而賊氣盛不但鄂邊難以自保即北路袁甲三翁同書各軍亦覺孤立無援是安慶一軍目前關係淮南之全局將來即為克復金陵之張本此臣反覆籌思安慶城圍不可遽撤之實情也臣奉恩命權制兩江必須帶兵過江駐紮南岸以固吳會之人心而壯徽甯之聲援無論兵之多寡將之強弱臣職應南渡不敢稍緩現定於十日內拔營渡江駐紮徽州池州兩府境內擬於江

之南岸分兵三路第一路由池州進規蕪湖與楊載福彭玉麟之水師就近聯絡第二路由祁門至旌太進圖溧陽與張芾周天受等軍就近聯絡第三路分防廣信玉山以至衢州與張玉良王有齡等軍就近聯絡目下安慶之圍不可驟撤臣商官文胡林翼酌撥萬人先帶起程一面分遣員弁回湘添募勁勇陸續趕赴行營以資分撥約須七月方能到齊八月方能進剿此臣移師皖南擬募新勇分途剿辦之情形也從前金陵大營以蘇常為根本餉糧軍械源源取給故能支拄數年臣今自皖南進兵應以江西為根本昨據安慶營中盤獲逆首陳玉成自金陵發來偽文內稱現派賊目楊輔青李世賢李秀成等直取

奏稿卷十三

聖

蘇常再攻徽浙以竄江西又擬派賊目吳如孝張樂行由定遠壽穎六霍以竄湖北四路大舉等語蘇常已失則該逆所稱各狡計均屬意中之事急須先事預防湖北各軍有官文胡林翼調度堵遏諒可無虞江西兵力單弱實不足以折新勝之燄禦百倍之賊必須湖南勁旅越境協防湖南撫臣駱秉章素顧大局為聖主所深知此次賊若窺伺江西所有兵勇餉械仍當借資湖南臣等往返咨商竭五六兩月之力辦江楚三省之防仰仗皇上威福能待兵勇漸齊布置漸定然後賊眾始至與之力戰所以保固江西兩湖者在此所以規復安徽三吳者亦即在此

目今賊燄方熾人心大震但求立腳之堅定無論逆氛之增長此臣聞賊計大舉上犯擬先防而後剿之情形也臣才識短絀夙乏遠略姑就近處籌畫略陳梗概其松江等屬是否尚存蘇省文武殉難若干暨准揚完區如何設法保全應俟查明熟籌陸續陳奏其起程日期亦俟另疏具報謹將遵旨統籌全局並辦理大概情形先行繕摺由六百里覆奏是否有當伏乞
皇上聖鑒訓示謹
奏

奏稿卷十二

聖

請起用道員沈葆楨摺 咸豐十年五月初三日
奏為請

旨起用告養回籍之道員以固東防而資熟手恭摺奏祈聖鑒事竊臣擬三路分兵進取業經同日奏明由徽池一路前進賊必由衢廣等處窺犯江西為牽制馳突之計江西之東防即浙江之上游亦即福建皖南之關鍵是衢廣一路防兵最為喫重非得威惠素著之大員不能得力查告養按察使銜九江道沈葆楨明而能斷咸豐六年在署廣信府任內堅守郡城保全東路嗣蒙

奏稿卷十二

奏

簡用監司仍畱防務籌兵籌餉吏畏民懷八年春石逆自撫建傾巢竄浙卒不敢直犯郡城其後李元度守廣豐玉山均因該道接濟得全其去廣信也士民遮道攀轅來處遞呈請畱者凡十數次該道以二親年老又事多掣肘力請告歸現當時局艱難聞該道雙親尚健自應先

天恩俯准

飭下福建撫臣傳諭該道迅由本籍馳赴江西由臣會商撫臣奏委署理地方官仍辦廣信防務節制在防文武將來再請簡補司道各缺以期呼應靈通於大局必有裨益至該道器識才略實堪大用臣目中罕見其匹謹會同江西撫臣毓科合詞

附驛具陳伏乞

皇上聖鑒施行謹

奏請

旨

奏稿卷十三

聖

察看海漕並保鹽場片 咸豐十年五月初三日

再蘇常為財賦之區

京倉根本所繫一日不復則海運無可漕之粟重大之事以此

為最_臣有地方之責引領東望憂心如焚而遠隔賊氛又苦鞭

長莫及目下江蘇巡撫想已

簡放有人若係駐紮江南能與署

欽差大臣張玉良力保松江上海將來尙有辦漕之基若係駐

紮江北能力保淮揚下河州縣亦不失為產米之區_臣移營南

渡即當派員至松江淮揚兩處緘商新任巡撫察看海漕事件

兼保鹽場之利謹先附片陳明伏乞

奏稿卷十三

聖

皇上聖鑒謹

奏

擬設江西糧臺及牙釐總局片 咸豐十年五月初三日

再臣蒙

恩簡署江督與平時事勢不同江南舊治既被久踞皖南皖北均屬殘破之區目下蘇常新失徧地賊氛幾無下手之處自應以兩湖為籌兵之源而以江西為籌餉之源查臣自咸豐三年至今均係自設糧臺自辦報銷以本無地方之責也今擬札委江西藩司總辦糧臺仍添委道府數員幫同辦理其自咸豐三年至十年五月由臣分作三案造冊報銷自臣接總督印務以後即由江西藩司衙門報銷以專責成而免牽混至江西歲入之款除錢漕外專恃牙稅釐金現咨商撫臣毓科仿照湖南

奏稿卷十三

完

章程牙釐另設一局遴委道府大員專管不歸作藩司收款復仿照湖北章程督撫臣分辦牙釐錢漕各臻踴躍仍互相通融互相稽考以期無誤餉需此後江西通省錢漕應歸撫臣經收以發本省綠營及各防兵勇之餉通省牙釐歸臣設局經收以發出境征兵之餉似此眉目分明庶官吏各有職守銀錢出入滴歸源杜絕影射浮冒諸弊除酌派會辦糧臺及專司釐局各員俟與撫臣商定開單會奏外所有現設江西糧臺及牙釐總局各緣由理合附片陳明伏乞

奏

皇上聖鑒訓示施行謹

報銷歷年軍需摺 咸豐十年五月初六日

奏為歷年軍需支給官兵勇鹽糧等款查照例案造具總散各冊恭摺奏銷事竊臣自咸豐三年節次欽奉

諭旨辦理軍務所有水陸兩營軍需報銷因與湖南湖北江西三省總局相交涉恐有轉轄難清經臣酌擬報銷大概規模分為數款查明各營在臣處領餉月日與他省領餉月日劃清界限於咸豐七年十二月內在籍具摺先行奏明在案九年駐軍江西設局辦理報銷督同承辦各員逐款稽核計收到湖南湖北廣東四川陝西江西各省協濟餉銀並臣行營勸辦捐輸等項自咸豐三年起至六年十二月底止共收銀二百八十九

奏稿卷十三

辛

萬一千四百九十五兩九錢二毫八絲收湖南解到漕米二萬八千七百四十八石一升四合三勺收江西協濟米二萬五千八百二十二石六升九合自咸豐三年九月起至六年十二月二十日止共發過官兵勇人等鹽菜馬乾駝折夫價水腳工食等項銀二百六十六萬七千三百七十一兩六錢九分六釐三毫五絲九忽五微口糧米三千七百九十九石五斗八升三勺列為初案報銷尚應存軍需銀二十二萬四千一百二十四兩二錢三釐九毫二絲五微米四萬九千九百四十九石五斗一勺入於二案舊管接續造報合將支給兵勇鹽糧各正款列為初案按照軍需例案造具簡明總冊分目細冊蓋用安徽

宿松縣印除將各冊專差分送部科外理合恭摺具奏伏乞
皇上聖鑒敕部核銷施行謹
奏

奏稿卷十三

至

曾文正公奏稿

卷之十四目錄

遵 旨覆陳並報起程日期摺

咸豐十年五月十七日

預籌三支水師摺 全日

請查京倉存米片

請毋分撤鄂軍片

妥籌辦理並擬變通章程摺

六月初三日

恭報行抵祁門日期摺 六月十六日

請留左宗棠襄辦江皖軍務摺 全日

遵 旨調遣水師摺 全日

奏稿卷十四目錄

斟酌進兵兼顧皖南軍務摺 七月初三日

興辦淮揚水師派員先往籌辦摺 全日

覆奏統籌全局摺 七月十二日

謝授兩江總督 欽差大臣 恩摺 全日

欽奉四次 諭旨覆陳摺 七月二十三日

恭報進兵日期摺 八月初三日

援軍甫進甯郡被陷現籌堵剿摺 八月二十三日

欽奉 訓飭懷遵復陳片 九月初六日

覆奏勝保請飛召外援摺

徽州被陷現籌堵剿摺 全日

遵 旨覆陳並報起程日期摺 咸豐十年五月十七日

奏為欽奉

諭旨先行覆陳並恭報起程日期仰祈

聖鑒事竊

命權督兩江已將辦理大概情形於五月初三日專摺馳奏在案正在料理起程間初八日承准軍機大臣字寄四月二十九日奉

日奉

上諭前因蘇常危急疊次諭令曾國藩帶兵迅速馳赴兩江總督署任昨據巴棟阿李若珠等奏常州江陰相繼失陷本日復據瑞昌等奏蘇州於本月十三日失守文武不知下落請飭曾

奏稿卷十四

國藩來浙督辦等語覽奏實深憤懣本日已降旨將張玉良革職留營並命瑞昌總統各軍江長貴幫同辦理軍務辭煥暫署兩江總督矣江南軍務自和春身故大營兵勇全行潰散不獨不堪任使並且擾害民間非有勁旅不足掃盪賊氛張芾派江長貴帶兵二千七百名蕭翰慶帶兵四千名周天受派劉仁福帶兵二千名毓科派文瑞劉芳貴帶兵三千八百餘名皆係赴援蘇常之軍據瑞昌等奏江蘇潰散兵勇紛紛南下已諭令該將軍等飭張玉良截留認真簡汰惟賊勢飄忽異常官兵能否抵禦尚未可定著曾國藩即遵前旨兼程前進由浙赴蘇會同瑞昌調度各軍時據張芾奏溧陽股匪復陷建平進犯甯國此

路如有梗阻務當設法繞道前進以免耽延逆匪前撲鎮江巴棟阿等尚能固守江陰失陷南北梗塞昨已諭令李若珠調吳全美師船二百號赴狼山福山以通南北水路本日復催令都興阿軍餉矣將此由六百里加緊諭令知之欽此仰見我皇上籌慮全局備極憂勤聞

命之餘寢食俱廢連日與官文胡林翼商撥兵勇安慶之圍業已奏明勿撤臣所部萬人暫交臣弟曾國荃留皖統帶但於安慶圍師中抽出記名總兵朱品隆副將唐義訓之二千人從征而飭臣弟另募二千以補其缺又於鄂師中咨調綏靖鎮總兵

奏稿卷十四

鮑超靈字營五千游擊楊鎮魁禮字營一千合之現駐宿松馬步隊約共萬人隨臣先行過江又遵

旨檄調開歸陳許道張運蘭一軍並咨商湖南撫臣駱秉章候補四品京堂左宗棠在湖南募勇萬餘人挑選將佐配齊軍械陸續由江西以達皖南會合進剿惟鮑超因傷疾舉發於二月間奏准給假回蜀計須六月乃可趕到張運蘭遠在郴州計須七月乃可趕到左宗棠續募之勇到皖更需時日臣目下南渡兵數甚單統將未齊應先駐紮祁門縣境東以聯張芾徽州之聲援西以保江右饒州之門戶俟鮑超張運蘭趕到時即令分赴徽甯蕪湖兩路俟李元度五千人趕到時即令由廣信赴浙

蘇一路計三人到營之期先後不甚相遠臣已於十五日自宿松起程便道至安慶水師營次與楊載福彭玉麟面商後即由建德以趨祁門倘下游軍情愈迫鮑超等到營稍速臣當隨時策應不敢稍涉拘泥所有奉到諭旨覆陳並起程日期恭摺由驛六百里具奏伏乞皇上聖鑒訓示謹奏

奏稿卷十四

三

預籌三支水師摺 咸豐十年五月十七日
奏為預籌三支水師俟皖南賊勢稍定即行分投試辦恭摺奏祈

聖鑒事竊臣自聞蘇州失守之信即以京倉無漕為慮旋奉命署理江督海漕係職分中事日夜焦灼猝無良策曾於本月初三日附片具奏在案迄今又踰旬日不知新任江蘇巡撫簡放何人駐紮何地其力能設法辦漕以濟京倉與否無從商查淮揚之裏下河產米最多而鹽場為大利所在若改為就場征課經理得宜較之近年所入可多得銀百萬兩以外如果蘇松久陷不能辦漕或於裏下河辦米解京或於鹽課中籌巨

奏稿卷十四

四

款實銀解京專供京倉買米之用亦足以濟權變而固根本然欲保下河之米場竈之鹽非於淮安多造戰船急辦水師實有岌岌不可保之勢昨准安徽撫臣咨到奏稿亦以保裏下河為言湖北撫臣胡林翼七次寄函皆勸臣奏辦水師以保鹽場淮揚二郡自古稱為澤國北有長淮南有大江中有洪澤邵伯高郵寶應諸湖運鹽串場人字芒稻諸河巨浸支流互相灌注一片汪洋若能造戰船二三百號多購洋礮精選將弁則不特可以保下河之米場竈之鹽亦且可以輔揚州之陸軍使逆賊不敢北犯助臨淮之陸軍使川路不至梗塞此淮揚水師急宜籌辦之情形也賊之守金陵也以安慶廬州為犄角以太平蕪湖

為護衛蕪湖之南有固城南漪丹陽石曰諸湖上則通於甯國之水陽江青弋江西則止於東壩掘東壩而放之則可經太湖歷蘇州以達於婁江古之所謂中江者也蕪湖孤懸水中賊匪守之則易官軍攻之則難是以五年血戰不能得手而黃池灣止屢次失利皆以全無水師之咎臣愚以為欲克金陵必須先取蕪湖欲取蕪湖必於甯國另立一支水師徧布固城南漪等湖之中甯國水師攻其內大江水師攻其外如七年攻破湖口之例庶幾蕪湖可克回東西梁山可期以次恢復此甯國水師急宜籌辦之情形也逆匪堅忍善守各路奏報皆有同辭官兵圍攻屢年往往因水路無兵不能斷其接濟從前武昌九江臨

奏稿卷十四

五

江吉安等城之拔實亦舟師之功居其少半側聞紅單師船體質笨重非大江狂風不能起旋又不能接應陸戰不能巡哨江河金陵所以久而無功亦由水師一面始終不得絲毫之助今蘇州既失面面皆水賊若阻河為守陸軍幾無進兵之路城外幾無紮營之所臣愚以為欲攻蘇州須於太湖另立一支水師浙江無事宜於杭州造船浙江有警亦宜於安吉孝豐等處造船必使太湖盡為我有而後西可通甯國之氣東可拊蘇州之背而陸師亦得所依附此太湖水師急宜籌辦之情形也此三者皆目前之急務如力不能兼則先辦淮揚及甯國二支如力仍不逮則專辦淮揚一支蓋蘇省財賦之區淪陷始徧僅留下

河之米場竈之鹽若不設法保全則東南之利盡棄矣臣自咸豐三年奉

旨辦理水師閱歷頗久而三處皆臣管轄之地鹽漕皆臣應辦之事義無可辭責無可貸頃已專丁至欽差大臣袁甲三軍營函詢淮安等處尙有木料可以造船者否其甯國安吉亦當派人前往察看木料之多寡船工之難易至礮位一宗擬即日派員賞銀至廣東購買洋礮五百尊由大庾嶺過山以達江西而出湖口又由英霍等縣過山以達固始而出長淮計往返須五月有奇程途雖遠而期限必嚴搬運雖艱而志在必行是否有當伏乞

奏稿卷十四

六

聖慈詳明指示屢據探報逆首陳玉成欲由徽州竄擾江西臣進駐徽境與張芾一軍聯絡防剿俟鮑超張運蘭及左宗棠新募之勇次第到齊將皖南布置稍定立腳粗穩臣或輕騎馳赴淮安監辦水師或奏派大員赴淮辦理屆時再行奏明請旨遵行所有預籌三支水師俟皖南賊勢稍定分投試辦緣由恭摺馳奏伏乞

皇上聖鑒訓示謹奏

請查京倉存米片 咸豐十年五月十七日

再臣擬辦淮揚水師保裏下河產米產鹽之利查打造戰船必須料厚工堅不可借用民船漁划遷就誤事江北久被賊擾木料想亦艱絀約計赴粵買礮赴淮安設廠造船三百號采買油鐵棕纜各具自皖楚起程以至船礮配齊下水之日共須一年之久駛至各河湖港汊分別防剿與賊接仗數次立定胸根然後梭巡鹽場疏通引地又須數月之久果能在淮揚辦米解京或辦買米之銀解京屈指已在咸豐十二年矣其十一年辛酉應辦之漕尙屬毫無著落功效太遲憂灼實深不知部臣另有變通之方籌備京米否然無論效驗之遲速此事要在必行仰

奏稿卷十四

七

懇

皇上聖恩寬臣期限俾得辦成水師庶鹽漕俱有把握卽防剿亦有裨益仍懇

勅下戶部查明京倉米石存餘若干是否足支辛壬等年之用咨行到臣俾得斟酌籌辦伏乞

聖鑒訓示謹附片具

奏

請毋分撤鄂軍片 咸豐十年五月十七日

再鄂省爲各路用兵之樞紐自古有事於大江南北者必爭此上游形勝湖北但有重兵卽足制賊死命臣於九年正月十一日曾經詳奏在案此次臣過江兵單而不敢撤動安慶一軍者實因欲圖三吳宜於上游厚集其勢不敢專顧目前之私計也然臣調去鄂兵已分七千都興阿帶赴揚州又分數千人兩處各撥餉數萬湖北之力甚形竭蹶設愈分愈薄鄂省一有疏虞則南六省之奏報不能達於京師矣據探逆首陳玉成悉眾上犯捻匪亦思竄突鄂疆捍禦良不易易應請

奏稿卷十四

八

文胡林翼等得以勉力支持不致蹈金陵大營覆轍鄂省幸甚天下幸甚臣細察大局苟有所見不敢緘默是否有當伏乞

聖慈垂鑒謹

奏

安籌辦理並酌擬變通章程摺 咸豐十年六月初二日

奏為遵

旨妥籌辦理並酌擬變通章程恭摺陳仰祈

聖鑒事竊臣於五月十五日由宿松起程十七日於湖口縣境專摺馳報在案旋准軍機大臣字寄五月初九日奉

上諭本日有人奏安慶一城經曾國藩水陸布置聯營圍困賊已援絕勢窮剋日可復如舉建瓴之師直搗金陵急攻東壩踞蘇之賊必回顧巢穴即以援蘇之兵乘勢夾攻則蘇州可復常鎮可圖較之由長江取道赴蘇似為便捷各等語蘇常為東南財賦之區且係數省咽喉自應以急籌攻復為上策現在賊勢

奏稿卷十四

九

直趨杭湖勢將糜爛兩省尤為刻不可緩如果安慶一城指日可復正不妨先復安慶沿江而下乘金陵賊眾空虛之時直搗巢穴一面調派援兵併力夾攻蘇州使賊首尾不能相顧曾國藩既膺重任責無旁貸其安慶是否可以即復金陵是否可以進攻不致牽制兵力久頓堅城抑或設法先解蘇常之厄均著酌量緩急妥籌辦理原摺著鈔給閱看等因欽此十九日又准兵部火票遞回臣五月初三日具奏辦理大概情形一摺奉

上諭曾國藩現在進兵安慶已薄城下驟難撤動而蘇常一帶望援孔亟亦須帶兵過江先固人心所稱平江南之賊必踞上游之勢現擬駐紮徽池境內分三路一由池州進規蕪湖一由

祁門至旌太進圍溧陽一分防廣信以至衢州俟湖南防江西兵勇布置妥協約須八月方能進剿各情通籌全局甚合機宜即著照所擬辦理等因欽此仰見

聖主明燭萬里虛懷委任欽悚莫名臣疊次奏報以安慶之圍不可撤動蓋取以上游制下游之勢為進攻蕪湖克復金陵張本淮揚水師要在必行蓋取以北岸制南岸之勢為保護鹽漕協辦江淮張本連日淮浙江撫臣王有齡函咨稱蘇州各屬多為賊陷又陷松江郡縣太倉嘉定失而旋復張玉良督兵萬餘進攻嘉興兩次獲勝廣德州業經收復統計浙省兵勇現有六萬餘人等語是兵力已厚有瑞昌等商籌調度不獨杭城可保

奏稿卷十四

十

浙省不至糜爛且能由嘉興以漸圖蘇松

諭旨慮及賊勢趨杭一節當不至上勞

宸廑至安慶一城西南瀕江有楊載福彭玉麟水師扼紮東北倚山有臣弟曾國荃陸軍扼紮并令韋志俊協守樅陽城外之接濟漸斷城內之賊糧尙足北面雖挖長壕東面尙未合圍逆會四眼狗母妻宗族皆在城中秋間援賊必至如能與多隆阿李續宜各軍合力擊退則城賊勢窮可期得手即不能遽拔堅城但使陳逆全股與安慶桐城官軍相持亦足分下游之賊勢紓蘇浙之兵力

諭旨垂詢安慶指日可復一節應俟援賊戰退之後乃能確有

把握至南岸三路進兵之說臣前月兩奏業已具陳其略目今賊餒彌盛占地愈廣我軍挾全力以進攻不患賊之逼我前而患賊之鈔我後故須廣布局勢穩立腳根適准王有齡函開中路不宜遽進溧陽恐其驅賊南犯臣擬俟左宗棠李元度鮑超張運蘭等先後到齊北路則直趨池州南路則直趨廣德中路則暫不深入先守徽甯要縣庶免鈔我後路之患亦無逼賊南竄之虞此臣注重安慶皖南不敢先圖蘇常一隅之微意也臣昨陳淮揚水師一摺奉

旨後當即奏派大員先往籌辦臣俟將皖南布置稍定再行輕騎馳往監造並督同藩司運司經理鹽漕以期濟京倉而裕軍餉頃復接奉四月二十日

諭旨曾國藩現署兩江總督軍務地方均屬責無旁貸等因欽此是地方公事未可盡置之緩圖臣在皖南則於徽甯一帶駐紮行營在江北則於淮揚一帶駐紮行營仍於安慶水次設立老營規模與行省衙署相似臣前此歷年文卷概存水次官署後此地方文卷亦歸水次官署臣兩岸往來均於安慶水師小住免致蹤跡無定案卷遺失惟三省事務較繁必有責任司道數員隨同襄理從前總督駐劄金陵本有江甯藩司糧巡各道同駐一處每年督臣往淮揚駐紮數月又有漕河鹽各屬供其差遣自咸豐三年以後歷任督臣因金陵賊踞專駐常州不復

奏稿卷十四

十一

偶駐淮揚亦不復經營江皖殊非

朝廷設官之本意亦非近年通行之常例臣思整復舊規為因時變通之法擬請

聖恩飭派蘇藩司隨江蘇撫臣同駐一處蘇臬司江甯糧道巡道隨臣同駐一處聽臣酌量派委其江甯藩司兩淮運司仍駐揚州等處分管丁漕鹽務以專責成臣赴淮時就近督飭辦理

衙門文卷遞寄安慶水次者專委司道大員經營其地方尋常事件即令代拆代行緊要者彙封送營以憑核辦如此明定章程俾各屬有所稟承而地方公事亦不至久遠廢闕此臣兼管地方擬變通辦理之大概也臣舟次阻風於二十日行抵黃

石磯晤楊載福彭玉麟商籌添辦各路水師之法二十七日抵東流二十八日抵建德其湖北調來之霆字各營尙在北岸連日南風過大不能渡江臣在建德略候數日即馳赴祁門駐紮除到祁後續行奏報外所有遵

奏稿卷十四

十一

旨妥籌並擬變通章程恭摺由五百里覆奏伏乞

皇上聖鑒訓示謹

奏

恭報行抵祁門日期摺 咸豐十年六月十六日

奏為恭報行抵祁門日期仰祈

聖鑒事竊臣於六月初三日在建德縣行營將妥籌辦理情形專摺覆陳在案拜摺後即於初四日由建德啟程初九日簪坑途次承准軍機大臣字寄五月二十六日奉

上諭曾國藩現已抽調兵勇萬人由宿松進駐祁門俟鮑超張運蘭李元度到後即由徽甯蕪湖廣信分路進兵具見胸有成竹謀定後戰惟蘇省待援迫切該署督惟當催令鮑超等迅速來營會籌進剿但能援師早到一日即早一日救民水火實深殷盼該署督現統兵勇較單未可輕率前進宜加持重為要等

因欽此仰蒙

宸慮周詳

聖慈憫惻無任欽感臣冒雨遄行於十一日先抵祁門所帶宿松馬步各營及由安慶撥來之記名總兵朱品隆副將唐義訓兩軍合共四千餘人皆隨臣到祁扼要紮營惟朱品隆積受暑溼途間患病請假醫調未能同來靈宇各營紆道較遠旬日內方可到祁節次飛催鮑超張運蘭等迅速來皖據鮑超稟稱五月十二日由夔州起程適江水陡漲峽內行舟維艱略守數日即兼程由鄂赴營張運蘭稟稱本擬五月二十二日由郴州拔營因探報廣東花旗股匪竄近宜章縣界該處防剿喫緊須接

奏稿卷十四

十一

奏稿卷十四

四

替有人方能起行各等語是該鎮道等均難剋期而至左宗棠李元度新募之勇則須七八月間陸續前來目下蘇省待援迫切極欲提一旅之師相機進剿以期速解倒懸無如兵力過單將領尤乏恐不足以當大敵自應謹遵

奏

聖鑒訓示謹

請留左宗棠襄辦江皖軍務摺 咸豐十年六月十六日

奏為請將四品京堂左宗棠仍留 臣 曾國藩軍營共維江皖大

局恭摺覆陳仰祈

聖鑒事竊 臣 等承准軍機大臣字寄五月十一日奉

上諭四川軍務關係緊要本日據胡林翼陳奏各情業經降旨

令東純前往署理四川總督並令暫時接辦軍務曹樹鍾已令

回籍終制矣該撫所保之左宗棠一員前已有旨賞給四品京

堂令其襄辦曾國藩軍務若令督辦川省電 臣 能否獨當一面

於大局有無裨益即著妥速籌商如可勝任即一面令該員迅

赴川省一面奏聞再降諭旨等因欽此仰見我

奏稿卷十四

十五

皇上用賢無方慎重軍務

虛懷若谷下逮芻蕘 臣 等曷勝感悚伏查蜀省居長江之上游

形勢險固財力豐饒藍李各股匪蔓延雖廣究係初起之賊烏

合之徒果得有威望者為川督事權歸一辦理裕如即石逆亦

不敢再萌窺伺候補四品京堂左宗棠前在湖南贊助軍事肅

清本境克復鄰省上年石逆大股竄湘幫同撫 臣 駱秉章指揮

調度不數月間遂收廓清之效其才可以獨當一面固已歷有

明徵雖其求才太急或有聽言稍偏之時措辭過峻不無令人

難堪之處而思力精專識量闊遠於軍事實屬確有心得前奉

諭旨命左宗棠襄辦軍務該員感激圖報聞

詔之日即在湘募練五千餘人選擇甚嚴鉅細必躬專俟秋閒

成軍率以東下今若改東師以西行則 臣 國藩頓少一枝勁旅

恐不足當皖南之逆氛而左宗棠獨往川省亦恐人地生疏或

致呼應不靈且以吳蜀之事論之蜀省土匪倡亂占地少而撲

滅差易江皖狂寇披猖占地多而掃蕩甚難蜀為鄂秦兩省之

根本吳為

京師及東南數省之根本蜀有可籌之餉項吳無可靠之協款

事勢既分難易情形亦有重輕不待智者而可決左宗棠素知

大局勇敢任事必不肯舍難而就易避重而就輕合無顯懇

聖恩俯念 臣 國藩襄助需人仍令左宗棠督勇來皖實於江楚

奏稿卷十四

十六

等省大有裨益如將來蜀氛日熾江南軍情稍鬆再由 臣 國藩

隨時酌量奏明請

旨定奪 臣 等再四籌商意見相同謹合詞據實覆陳是否有當

伏乞

聖鑒訓示施行謹

奏

遵 旨調遣水師摺 咸豐十年六月十六日

奏為欽遵

諭旨調遣水師恭摺覆陳仰祈

聖鑒事竊臣於六月初二日在建德縣行營承准軍機大臣字

寄五月二十日奉

上諭前據曾國藩奏剋期渡江俟兵勇到齊即分三路進兵當

經諭令照擬辦理因思將來由池州蕪湖進攻金陵必須水陸

兼籌方能得力所有楊載福彭玉麟水師均著歸曾國藩調遣

此時楊載福攻破蠟磯賊巢業已得手著曾國藩即飭令該是

督與彭玉麟李德麟吳全美等師船聯為一氣進攻沿江賊巢

以牽賊勢而壯聲威將此由六百里諭令知之欽此臣查北岸

安慶無為和州各城南岸池州蕪湖太平各城皆濱臨大江將

來陸軍進攻金陵沿江掃蕩必藉水師夾勦之力吳全美李德

麟等師船本駐魯港現因下游喫緊遵

旨將吳全美調往前經臣飭李德麟全軍併赴狼山福山焦山

瓜洲一帶以資分布於五月十七日附片具奏在案厥後臣至

黃石磯李德麟前來謁見因其餉需軍火缺乏由臣借發銀五

千兩火藥二萬觔俾利進行所有蕪湖以上江面即商令楊

載福彭玉麟派營接防目下蕪湖縣城未復東西梁山未破吳

李二鎮下駛後與上游相隔過遠未易聯為一氣至楊載福彭

玉麟等本係臣之舊部第楊載福係在湖北領餉彭玉麟係在

江西領餉自前年出統陸軍久已水陸分途不相為謀茲復

奉命調遣水軍自應欽遵辦理查臣現駐祁門距安慶江面已三

百餘里此後或進駐徽甯或馳赴淮揚距安慶近者數百里遠

或二千里軍情瞬息變更機宜固不可遙度奏報尤不可太遲

若概由臣處轉奏誠恐稽延貽誤楊載福統率水師身經數百

戰雖積勞致疾身體稍弱而謀勇器識度越諸將其江面戰守

事宜似應仍令該提督會同彭玉麟妥辦並由該提督自行具

奏以期秉承

聖訓無誤事機所有遵

旨調遣水師仍由楊載福自行奏報緣由繕摺覆陳是否有當

伏乞

皇上聖鑒訓示謹

奏

奏稿卷十四

奏稿卷十四

六

斟酌進兵兼顧皖南軍務摺 咸豐十年七月初三日

奏為欽奉

諭旨斟酌進兵暨兼顧皖南軍務恭摺覆奏仰祈

聖鑒事竊臣於六月十六日業將行抵祁門日期恭摺馳報在

案嗣於二十四日承准軍機大臣字寄六月十二日奉

上諭瑞昌奏請催會國藩兼程赴浙一摺據稱浙省援師及收

集兵勇除由張玉良調攻嘉興外尚須分扼孝豐於潛嘉善等

處現在存兵無多急盼援師方能進規蘇州松江間會國藩已

由東流抵徽請飭兼程赴浙會商進剿等語已諭令該將軍即

將現有兵勇統帶迅速起程進取蘇松不得稍涉觀望惟該將

奏稿卷十四

九

軍兵力較單亦屬實情會國藩前奏於行抵徽州後尚須待新

募勇到再行前進自為持重起見第蘇松常等府均屬財賦之

區果能早為規復或可不至糜爛著會國藩酌度情形如所帶

官軍萬人合之瑞昌兵勇足敷勦辦即著星馳前進將蘇州等

府縣城池速籌克復不必再俟新勇其如何取道浙中以便與

瑞昌面商各務並著斟酌辦理至張芾督辦皖南軍務不能得

力前諭會國藩以徽甯本該督兼轄地方如將該處軍務歸

併辦理自覺事權歸一令於到徽後察度具奏會國藩現已渡

江著仍遵前旨即將能否兼顧之處據實奏聞將此由六百里

加緊諭令知之欽此又於二十七日承准軍機大臣字寄六月

十五日奉

上諭據會國藩奏妥籌辦法所稱中路不宜遽進溧陽恐其驅

賊南犯擬俟左宗棠李元度鮑超張運蘭等先後到齊北路則

直趨池州南路則直趨廣德中路則暫不深入先守徽甯要縣

庶免鈔我後路之患自係老成持重之見本日據薛煥奏松江

府城於五月二十七日克復現在會督兵團進攻青浦是蘇省

軍情漸有起色若得該署督所派援軍分道並進早與瑞昌等

軍會合進剿更可大振軍威迅復各城免致東南財賦之區久

遭蹂躪該署督務當兼權緩急毋得坐失機宜是為至要等因

欽此仰見

奏稿卷十四

十

聖謨廣運籌畫精詳曷勝欽悚臣自行抵祁門後浙江撫臣王

有齡派道員孫觀前來催赴浙將軍瑞昌亦咨催臣由浙赴

嘉興而甯國被圍緊急張芾屢函屬臣撥兵赴援臣以所部萬

人內僅四千七百人係久戰之士其五千餘人皆係新募之卒

未經見仗不敢輕於一試又以鮑超為水所阻尚未旋鄂朱品

隆患病未痊不能帶隊張運蘭雖入江西境內撫臣毓科咨商

暫畱袁州以防南贛之賊臣以不援則甯國有坐困之勢赴援

則統將無可派之人正在萬分焦灼忽於六月二十九日接將

軍瑞昌咨稱二十日賊逼杭州省城當經調集各軍奮力擊退

據奸匪供稱賊股回竄徽甯等語又接張芾甯開甯國亦獲勝

仗協餉已於二十四日送入府城等語臣前奏八月進剿欽奉恩旨諭允今浙江逼城之賊業經擊退若鮑超等陸續到齊甯國保全無恙當可與初次原奏相符至進兵之路凡浙中來信皆勸臣先赴杭州注重嘉興凡江北來信皆勸臣先攻池州注重蕪湖欽奉

諭旨飭臣斟酌辦理以臣愚見由杭嘉以至蕪州處處阻水兵從一路而入必難得手日下張玉良三萬餘人頓兵一面已屬失勢若臣與瑞昌再以重兵繼之愈覺窘束而不能施展不特進兵蘇州毫無把握抑且地隘兵多久必生變臣現以統將未至新軍未齊若往返商辦徒屬虛語即再三陳奏亦託空言且

奏稿卷十四

主

待兵將齊集察賊勢最重之處疾趨而痛剿之屆時再行專摺詳奏仰慰

慈廑

諭旨垂詢徽甯軍務能否兼顧一節臣前奉五月二十六日

寄諭徽甯軍務如併由該署督辦自覺事權歸一著會國藩於抵徽後察度情形奏明辦理等因欽此當將皖南兵勇甚不得力俟左宗棠張運蘭等到皖再行詳細奏明請

旨酌奪緣由附片具奏在案茲復奏

諭旨催詢臣入徽境已逾半月留心察訪張芾自咸豐五年籌辦徽池防務屢挫賊鋒使不至深入浙境於大局不為無益惟

所部各軍紀律太寬近日多住民房或帶婦女張芾於各嶺設卡之處並未親出查閱一次即徽州城守之具亦無預備觀其軍心之懈實已難期再振周天受向以能戰著名本年二月不能扼守廣德致有杭州之變三月不能扼守建平致有東壩之失徽甯兩防歷年取用浙餉約計千萬浙中特為長城故本省別無防守之師一旦藩籬盡撤任賊長驅杭人慘遭浩劫百物蕩盡以故浙江官紳士民莫不恨周天受貽誤大局而張芾有督辦之責亦當分任其過

奏稿卷十四

主

都御史學養深沈操行廉正尚為老成宿望惟治兵非其所長用人或受朦蔽應如何位置得宜之處

聖主自有權衡非臣下所敢妄擬已革提督周天受貽誤浙省

情罪較重惟從前打仗出力現在甯郡被圍尚能督率將士忍飢困守其胞弟周天培亦以忠勳殉難相應請

旨可否將周天受仍留臣營差遣以觀後效出自

聖主鴻裁至徽甯池太等府處處與江浙毗連地方遼闊袤延七八百里一片逆氛幾無完區臣即調募齊集人數不滿三萬

正當狂寇壓境之時不敢遂謂調度得宜漸有起色惟係臣兼轄地方且目下駐師將來進兵皆不離乎皖南自應力籌兼顧

責無旁貸特是徽甯兩防兵數尙眾銅習已深舊欠過多新餉尤缺不裁汰則口食無資一裁汰則變態百出辦理棘手一言難罄臣才力短絀深懼弗勝如奉

旨歸併臣處督辦臣兼顧皖南卽斷不能更顧浙江區區微忱不敢不縷陳於

聖主之前所有欽奉

諭旨斟酌進兵及兼顧徽甯軍務各緣由謹繕摺由五百里具奏是否有當伏乞

皇上聖鑒訓示謹

奏

奏稿卷十四

三

興辦淮揚水師派員先往籌辦摺 咸豐十年七月初三日

奏爲遵

旨與辦淮揚水師揀派大員先往籌辦並請

簡授實缺恭摺具陳仰祈

聖鑒事竊臣於五月十七日奏請預籌三支水師一摺奉

上諭所稱擬設淮揚水師以保裏下河之米各場竈之鹽兼輔

淮揚陸軍均屬目前要務應卽興辦等因欽此查蘇省財賦之

區淪陷幾徧僅畱裏下河之米各場竈之鹽若不設法保護則

東南之利盡棄裏下河通泰各口瀕江南岸之賊時欲乘開北

渡卽運河以內如三汊河萬福橋邵伯鎮等處均係裏河門戶

奏稿卷十四

四

揚州一軍兵力單薄亦難處處置守必須設立水師專營上下

梭巡協力防勦以輔陸軍所不逮臣前奏聲明江北須造戰船

三百號臣將皖南布置稍定或輕騎馳赴淮安監造或奏派大

員赴淮辦理欽奉

諭旨允准現在甫抵祁門徽甯軍情日緊調募未齊布置未定

暫難分身前往而淮揚水師關係重大必須趕緊籌辦該處久

被賊擾戰船所需木料及油鐵棕纜各具聞俱短絀事屬創始

締造維艱非數月所能集事臣已派都司成名標赴廣東購費

洋礮約冬閒可以回營明春可以繞運出淮應卽遴委大員先

行馳往淮揚一帶察度辦理查有按察使銜福建延建邵道缺

道李鴻章自咸豐三年正月在編修任內奉

旨派同前工部侍郎呂賢基回皖辦理團防在皖北軍營六年

歷著戰功於淮揚情形聞見較確上年五月間經臣奏赴江西

軍中會督兵勇克復景鎮浮梁因其力辭保舉是以未經奏獎

嗣隨臣周歷鄂皖各處十月間蒙

恩簡授福建遺缺道臣因襄贊需人未令赴任該員勁氣內斂

才大心細與臣前保之沈葆楨二人並堪膺封疆之寄而李鴻

章研覈兵事於水師窵要尤所究心擬請

旨飭派該員前往淮揚興辦水師擇地開設船廠由兩湖酌帶

委員工匠並由臣商令楊載福彭玉麟於水師營中選派打仗

得力之將弁交該員帶往以資練習抑臣更有請者江北水師

設立專營一切饟需費用尤鉅聞江北糧臺供給揚州陸軍已

形支絀若水師經費再由該臺籌給誠恐力難兼顧此項水師

兼為保護鹽場疏通引地而設必水師辦成鹽務方有把握二

者相輔而行尤須一手經理始則暫分鹽課之銀供水師辦船

辦礮之用繼則全仗水師之力為淮鹽護場護運之兵李鴻章

係隔省人員呼應不靈應請

旨改授江北地方實缺乃可措手倘蒙

皇上天恩破格擢授兩淮鹽運使俾得整頓鹽課以濟州師之

餉實於軍務鹽務兩有裨益其現任運司喬松年久任蘇省才

識卓著早邀

聖明洞鑒或可另予

簡擢之處

聖主自有權衡非臣下所敢妄擬凡興舉大事必才與事相副

人與地相宜李鴻章籍隸廬州洞悉皖北及兩淮艱苦於袁甲

三王夢麟等亦素相投洽如奉

旨允准當飭該員束裝由臨淮繞道前進臣俟皖南各軍到齊

立脚漸穩規模漸定明年再親赴淮揚監造水軍並督同該員

等辦理鹽漕各事宜以期濟京倉而保重地所有派員興辦淮

揚水師並請

簡授實缺各緣由繕摺馳陳伏乞

皇上聖裁訓示謹

奏

奏稿卷十四

美

覆奏統籌全局摺 咸豐十年七月十二日

奏為欽奉

諭旨統籌全局恭摺覆陳仰祈

聖鑒事竊臣於七月初七日承准軍機大臣字寄咸豐十年六

月二十四日奉

上諭前據曾國藩奏酌擬變通進兵章程北路趨池州南路趨廣德中路先守徽甯俟布置稍定後即親赴淮揚籌辦鹽漕大江南北兼顧統籌尚為周妥本日已明降諭旨將曾國藩補授兩江總督並授為欽差大臣督辦江南軍務矣上海官軍自攻克松江以後進攻青浦惟薛煥僻處海隅兵力單弱剿辦恐難

奏稿卷十四

五

得手瑞昌尚在浙省張玉良收集潰軍進攻嘉興雖獲勝仗亦未收復郡城此時蘇常一帶並無重兵攻剿前因李若珠已患痺疾在江北帶兵未能得力是以命都興阿馳往督辦本日據該將軍奏稱湖北無兵可撥尚在英山駐紮業經寄諭官文等派撥精兵刻即馳往惟都興阿未到以前江北各軍無人總統深恐賊勢北趨辦愈難措手曾國藩現授為欽差大臣事權歸一責無旁貸大江南北均應妥為布置著即飛催左宗棠李元度鮑超張運蘭等到齊由池州廣德分路進兵規復蘇常其江北一帶尤為緊要應如何布置之處並著先行籌畫免致臨事周章該大臣膺茲重任務當統籌全局迅掃逆氛以副委任

將此由六百里諭令知之欽此仰蒙

聖主委任至重指示周詳欽感之餘祇深悚懼臣自奉

命署理江督所籌進取規模迭經詳晰奏報在案茲

諭旨飭催左宗棠等到齊分路進兵規復蘇常一節查左宗棠之勇選練未齊聞須八月朔日始由湖南起程李元度擬於七月初帶勇由平江起程尚未報行抵何處鮑超因江水封峽不能行舟六月十六日始由夔州起程張運蘭六月二十七日行抵萍鄉適江西撫臣毓科以南贛有警札飭該軍暫紮袁州尚未接臣後二次飛催來皖之札屈指約計李元度張運蘭鮑超等到徽當在七八月間左宗棠到徽當在九月中旬臣前奏由

奏稿卷十四

五

池州廣德進兵維時廣德有江長貴扼守我軍由此進攻冀與嘉湖各軍聯絡頃接張芾函稱竄杭之賊由安吉孝豐回撲廣德該州城竟於七月初四日失陷江長貴不知下落賊必踞此要地使皖浙之師聲氣隔絕又甯國被圍一月雖經周天受督兵固守而賊仍未退據探報偽輔王楊七麻子帶池州之賊將自北路往撲甯國新破廣德之賊將自南路往撲甯國甯郡糧少援孤竊恐周天受力難久支軍情變幻旦夕不同鮑超不能於六月起程既與臣原奏不符江長貴不能一日堅守廣德尤非臣意料所及目下皖南固危乎其危浙江亦防不勝防臣軍調齊以後須一攻廣德一援甯郡甯廣之間又須有一

枝重兵往來策應勢不能繞越皖境而逕趨蘇常此蘇常急難規復之實情也

諭旨又念上海兵力單弱嘉興亦未收復一節前准薛煥咨函松江上海等處水陸人數無多欲由張玉良處分撥三千人未知果調得勁旅否臣相距過遠援應不及近因浙西多事文報阻滯雖彼此各致數函均尚未接覆書據探報偽忠王李壽成帶領賊眾由金陵往犯上海頃聞松江復陷上海舟師大挫危迫殊甚至張玉良嘉興一軍與臣處信息罕通但聞二十九日地道挖城轟塌數丈旋因賊眾堵禦未能成功又微聞將帥不和文武不協相持過久恐生事變臣新膺督師江南之

奏稿卷十四

三

命本有統轄該軍之責惟現值皖南陷危勢不能舍近而圖遠且廣德復陷浙事日棘臣與兩處文報動多梗塞此嘉興上海

斷難兼顧之實情也
諭旨垂詢江北一帶如何布置一節臣前於五月廿七日奏飭總兵吳全美李德麟師船全數下駛駐泊焦山瓜洲等處以通鎮揚兩府之氣而扼逆匪北渡之路又於七月初三日奏派道員李鴻章與辦淮揚水師以護鹽場而輔陸軍無非為力保江北起見惟水師庀材鳩工赤地新立非數月所能就緒臣俟皖南各城立腳粗穩乃能繞道馳赴淮揚亦非數月所能成行側身東望焦憤實深都興阿迭奉

諭旨督辦揚州軍務日夜焦灼謀所以速行之法官文胡林翼亦百計經營謀所以資送之法無如事多窒礙迄不能就不特三千勁旅五月口糧鄂省之力一時難以撥付即弁勇之心亦實不願遠行蓋自湘省至揚州繞道五千餘里上游一水可通人多而氣聚下游百物昂貴人少而勢孤同一應募之勇同一額定之糧其願就鄂就皖而不願赴揚州者情也勢也以臣愚見淮徐等處風氣剛勁不患無可招之勇但患無訓練之人擬即函商官文都興阿等酌帶楚師千人先行馳往仰慰

奏稿卷十四

三

聖懷到江北後用楚軍之營制練淮徐之勇丁嚴其禁約寬其期限李鴻章往辦水師亦照此法行之臣明年馳赴淮揚亦照此法行之餉絀而不改其常戰敗而不變其度期於有成而後止若仗

聖主洪福得一二名將出乎其間則兩淮之勁旅不減三楚之聲威此江北先行籌畫之微意也臣素性愚拙本無長駕遠馭之才力所能勉者惟思勤懇以收得尺得寸之功力所不逮者何敢欺飾以失顧言顧行之義除函商都興阿自行陳奏外所有遵
旨通籌全局緣由謹繕摺由驛六百里覆奏伏乞
皇上聖鑒訓示謹
奏

謝授兩江總督 欽差大臣 恩摺咸豐十年七月十二

奏為恭謝

天恩仰祈

聖鑒事竊臣於七月初七日准兵部火票遞到咸豐十年六月

二十四日內閣奉

上諭兩江總督著曾國藩補授並授為欽差大臣督辦江南軍

務欽此當即恭設香案望

闕叩頭謝

恩訖伏念臣材質駑下重遠難勝愧攝篆於兼圻未安籌夫全

局迺荷

奏稿卷十四

三

絲綸疊沛節鉞真除拜

三錫於師中忝專征於關外處大江南北水火日深之地值各

路軍民雲霓望切之時臣自顧何人謬兼斯任

寵榮非分惶悚莫名惟是戡亂無才分憂有志凡微臣思力所

能及職分所應為益當殫竭血誠勉圖補救擬漢臣之二表少

酬

聖主高天厚地之恩廣周雅之兩篇願佐

熙朝北伐南征之業所有微臣感激下忱理合專摺附驛叩謝

天恩伏乞

皇上聖鑒謹

奏

硃批知道了卿數載軍營歷練已深惟不可師心自用務期虛

己用人和衷共濟但不可無定見耳欽此

奏稿卷十四

三

欽奉四次 諭旨覆陳摺 咸豐十年七月二十三日

奏為欽奉四次

諭旨恭摺覆陳仰祈

聖鑒事竊臣於七月十四日承准軍機大臣字寄七月初一日奉

上諭周天受奏旌德等處賊匪竄犯甯國郡城被圍急盼援師一摺甯國為江浙屏蔽倘有疎失則蕪湖等處之賊得與蘇常聯絡剿辦愈難著手曾國藩已抵祁門著即調派勁旅前往甯國與周天受內外夾擊藉解城圍其蘇常等屬應如何速籌進剿一俟鮑超等到營並著即行籌辦等因欽此又於七月十五

奏稿卷十四

三

日承准軍機大臣字寄七月初三日奉

上諭王有齡奏逆匪竄入於潛勢將內犯省城請飭該大臣迅速赴援等語曾國藩若由淳安嚴州轉戰而東先將此股逆匪剿除則皖浙可以保全然後進兵削平江蘇諸郡縣如曾國藩尚未能督兵前往即催調張運蘭鮑超等迅速到齊兼程前進以顧全局等因欽此又於七月十七日承准軍機大臣字寄七月初五日奉

上諭龐鍾璐奏由浙至蘇必須先復吳江由滬至蘇必須先復崑山由江北至蘇必須由常熟進兵再由丹陽溧陽追躡其後庶可殲除賊匪請飭曾國藩迅速統師南下等語蘇常等郡縣

被匪蹂躪民團尚能殺賊亟望官軍援剿若任久陷賊中恐民心易懈賊守益堅辦理愈難措手著曾國藩體察情形應由何路進兵迅圖規復地方並將辦理情形迅速具奏至所稱常昭兩縣捐餉已竭請飭協濟等語並著曾國藩飭令該地方官就附近完善之區勸捐接濟庶使民團踴躍得以相機攻剿該大臣務當統籌全局迅掃逆氛以慰朕望等因欽此又於二十一日承准軍機大臣字寄七月初九日奉

奏稿卷十四

三

上諭據瑞昌等奏於潛大股賊匪疊陷臨安餘杭二縣並由餘杭塘竄逼省垣雖經總兵劉季三一軍擊退而省城兵勇能守而不能戰張玉良攻勦嘉興之軍正在得手亦難撤調福建江西之兵雖經催調到尚需時待援情形自屬非常緊迫著曾國藩仍遵前旨迅速取道入徽即由淳安嚴州轉戰而東先將此股逆匪撲滅保全浙省再圖規復江蘇諸郡設或該大臣不能親往亦須先派得力之兵前往救援以冀挽回大局等因欽此仰見

聖謨廣運籌示精詳曷勝欽感臣於七月十一日遵籌全局摺內業將甯國危急廣德失陷等情覆奏在案伏查目下軍情自以規復蘇常為要而由皖南進兵必須能保甯國能復廣德乃有進兵東下之路則必以急援甯國急攻廣德為要二者力不能兼辦則又以專救甯國為要然由祁門徽州而入甯郡須分

走旌德涇縣石埭等處現已一片賊氛必須節節掃蕩以分賊
勢而清後路則欲援甯郡又以先勦旌涇石埭三縣爲要臣自
聞甯國被圍之信續撥銀五千兩由張芾派弁轉解因無路可
達中途折回臣催調各軍急切難來日夜旁皇莫知所措茲幸
接據鮑超稟稱已於七月初五日行抵宜昌府張運蘭稟稱十
一日行抵江西省城李元度於十二日亦抵江省計七月底均
可趕到祁門臣擬俟該鎮道等到齊派鮑超率霆營六千由黟
縣以攻石埭張運蘭率老湘營四千由太平以攻涇縣又飭李
元度先往廣信布置防務仍由徽州旌德前進必俟涇旌石三
路肅清直抵甯郡然後臣軍之立腳始定皖南之局勢始安皖

奏稿卷十四

三五

南安則浙江亦安而蘇常亦有可圖若使皖南不安則臣軍且
岌岌自保之不暇又何能屏蔽浙江更何能規復蘇常臣之棉
力必俟八九月間大戰數次然後視打仗之利鈍定入蘇之遲
速目下兵力未齊上不能慰

聖主宵旰之憂下不能答蘇人雲霓之望此臣之寸心負疚惶
悚無地者也至龍鍾璐所稱由浙至蘇先復吳江此張玉良一
路之事必先克復嘉興然後能達吳江由滬至蘇先復崑山此
薛煥一路之事必先克復松太然後能進崑山由江北至蘇取
道常熟此李若珠一路之事必先分兵過江然後能趨常熟此
三路者聞方自保之不暇未必能遽圖進取若臣軍南赴吳江

仍須由皖南下手北赴常熟仍須從淮揚下手行軍本有次第
賊情時有變更既難僥倖於不可必成之功又豈敢臆斷於不
可逆料之事臣惟有嚴督皖南諸軍速戰一日速進一步以期
仰副

聖鑒至常昭捐餉已竭應飭該地方官勸捐妥辦惟祁門距常
熟等處相隔過遠文報不通臣當札飭州縣兼函商紳士設法
籌捐以資接濟至月前竄杭之賊當經擊退由原路退回竄陷
廣德臣已迭次奏明溇安嚴州現俱無事臣自無庸分兵赴援
所有欽奉四次

諭旨恭摺由六百里覆奏伏乞

奏稿卷十四

三五

皇上聖鑒訓示謹

奏

恭報進兵日期摺 咸豐十年八月初三日

奏為恭報進兵日期仰祈

聖鑒事竊甯國府城圍困日久未解臣俟各軍到齊擬由涇旌石三縣分路進援各情業於七月二十三日覆奏在案旋據布政使銜河南開歸陳許道張運蘭於二十四日馳抵祁門所部各營除畱防郴州兩隊尚未報到外其餘三千人均陸續到祁阻雨三日於二十八日拔隊由徽州進旌德以援甯郡又據綏靖鎮總兵鮑超稟已於七月十八日自武昌開船東下八月初旬必抵祁門因飭令代統該軍之副將宋國永先帶霆字營六千餘人於八月初三日拔隊由太平進攻涇縣如鮑超日內趕

奏稿卷十四

三

到即令赴營督率無論涇城能否速下均令張運蘭直赴甯國速解郡城之圍以安萬眾之心其石埭池州賊眾往來時圖內竄現尚無得力大隊可以派往臣須暫駐祁門兼籌扼守李元度所部三千人行抵江西貴溪縣境緣皖南進剿喫緊已改調來徽再飭陸續進發先清腹地若欲規復蘇常須待左宗棠一軍到皖扼駐廣德始能漸入蘇境所有調派進兵日期理合繕摺由驛六百里具陳伏乞

皇上聖鑒謹

奏

援軍甫進甯郡被陷現籌堵剿摺 咸豐十年八月二十三日

奏為 臣軍甫經前進甯國府城被陷徽郡戒嚴現在籌辦堵剿情形恭摺奏祈

聖鑒事竊張運蘭鮑超兩軍由祁門進兵日期業於初三日專摺馳報並聲明鮑超尚未到營暫令副將宋國永代統該軍在案張運蘭於初八日帶隊行抵旌德探聞涇縣之賊竄踞東岸長興建平之賊又乘虛竄襲廣德州逆酋四眼狗竄踞甯國縣該道防賊抄後暫紮旌德與宋國永一軍東西接應宋國永於初六日行抵長園探聞石埭大股賊竄入鐵家嶺三叉嶺所有徽軍原防太平甘棠之副將余永椿參將袁國祥等營盤被陷

奏稿卷十四

三

宋國永即派五營紮山口兩營紮烏泥關三營當前敵初七日辰刻見余永椿等潰兵及難民絡繹上擁逆眾繞過太邑約三四千人直撲我營當即派隊迎戰該逆紛紛潰退初八九日宋國永督隊追賊至太平山口一帶旋即進紮甘棠分布各嶺自廣德再陷四眼狗踞甯國縣賴裕新踞涇縣偽輔王楊七麻子攻圍甯郡八月初一以後周天受與徽州祁門文報不通臣深為焦急飭張運蘭宋國永捲塘疾進十六日忽接周天受十一日戌刻密書稱郡北四十里竹塘地方副將朱景山營壘於初九日申刻失陷城北廟埠順勇營盤於十一日失陷城內糧藥俱盡勢將不支等情正在飛催馳援十七日接探報則甯郡已

於十二日戌刻失守旋據張運蘭稟稱有副將熊廷芳自甯郡
潰圍退至旌德面稱十一日廟埠失利糧路阻絕城外尚有營
壘十餘座十二日於北門外出六成隊互有殺傷未刻大雨如
注火藥不燃賊乘勢撲入各營同時潰散賊分踞我營拋擲火
器入城周天受令百姓上城守禦各隊兵勇開南門衝出千餘
人城池遂陷周天受及道府以下各官不知下落等語伏查甯
防兵勇近七千人堅守七十餘日屢經擊退賊匪乃自七月底
至八月初旬陳楊古賴各逆目四面圍至糧盡援絕軍心離散
一朝潰決實堪痛惜臣送次奏明調募各軍擬七月取齊八月
進剿原冀速援甯郡先解城圍再圖進取乃調募三月之久尙
未畢集僅張運蘭三千人於七月底來祁祁門距甯郡五百餘
里張運蘭馳抵旌德甯邑狗賊伺其右涇縣賴賊阻其前兵力
過單勢難獨進宋國永馳抵太平因徽州有永椿之敗西路
未清該二員尙非赴援不力應免置議李元度於八月十六日
帶平江勇三千抵徽已在甯郡失事之後暫令接辦徽防事務
鮑超於春閒請假三月乃六月開始由蜀起行踰期已久七月
二十六日自英山經過至八月二十日始到祁門使該鎮如期
抵營督率進攻卽未必速解甯圍尙可以牽制悍賊遷延貽誤
咎實難辭姑念其苦戰六年驍勇罕匹相應請
旨將綏靖鎮總兵鮑超革去勇號以示薄懲仍責令督軍進剿

奏稿卷十四

五

力圖克復至浙江記名道廖士彥本係周天受文案委員飭令
赴浙催餉嗣浙省撥餉一萬臣處撥銀五千兩由張芾委該道
協同營員護解餉銀迅往接濟該道深知甯郡危迫原可乘甯
邑無賊之時輕賫開道速解至郡乃沿途逗遛復聞警折回致
甯軍因飢敗潰尤屬畏葸無能應請
旨將廖士彥卽行革職以示懲儆臣甫經奉
命接辦皖南軍務兵將未齊派援未至甯郡卽已失守亦有應
得之咎併請
旨將臣交部議處甯郡之陷已逾十日周天受捐軀殉節自無
疑義惟未接確實稟報應俟專員查明另摺奏請
賜卹其竹塘廟埠營盤被陷及城陷之時文武殉難員弁亦俟
查明另案開單請卹皖南鎮陳大富駐紮南陵堅守半年今甯
國既失南陵孤懸賊中萬難獨守臣已三次飛書囑其自拔出
城潛至江邊由水師接送上游以圖再振甯郡既失嶺外各股
悍逆乘勝內撲徽績祁黟處處交警臣仍駐扼祁門飭李元度
防守徽州添派禮字及河溪等四營馳往績溪協防張運蘭仍
駐旌德鮑超一軍仍駐太平堅守靜鎮以伺逆賊之隙飛催左
宗棠新軍倍道來援共圖克復甯廣進規蘇常以慰
宸廑而符原議所有援軍甫進甯郡失陷現籌布置各緣由專
摺由驛六百里具奏伏乞

奏稿卷十四

五

皇上聖鑒訓示謹奏

奏稿卷十四

聖

欽奉 訓飭懷遵覆陳片 咸豐十年八月二十三日
再臣於八月初五日准兵部火票遞回恭謝
天恩一摺奉

硃批知道了卿數載軍營歷練已深惟不可師心自用務期虛
己用人和衷共濟但不可無定見耳欽此仰蒙

皇上啟牖愚蒙指示親切跪聆之下感悚莫名臣賦質迂拘近
年閱歷漸多竊見兵興十載而軍政吏治二者積習未改甚或
日趨日下何以挽回劫運是以痛心疾首深自刻責與將士約
先求勿騷擾百姓然後能殺敵致果與官吏約先求勿沾染壞
習然後能潔已奉公臣以困勉自勵亦以勸誡僚屬而才智短

奏稿卷十四

聖

細措施失當誠恐有師心自用之處茲奉

聖諭惟有敬謹省察不敢師心而務要虚心以收集思廣益之
效勿存成見而須有定見貴審輕重緩急之宜至與各省相交
際兩湖江西督撫四人與臣水乳交融實屬和衷共濟足慰
慈廑浙江屢次請援情詞迫切臣既不能自往又不能撥兵期
望之極未免疑怨近日漸知臣兵力之薄亦已坦然相諒至江
蘇撫臣暨各官紳則但有期望並無疑怨每次請援之信呼籲
之聲耳不忍聞口不忍讀臣忝竊高位又竊虛名但有自責自
勵求濟時艱斷不敢稍存意見上貽
君父之憂所有欽奉

訓飭懷遵感激下忱附片覆陳伏乞

皇上聖鑒謹

奏

奏稿卷十四

聖

覆奏勝保請飛召外援摺 咸豐十年九月初六日

奏為欽奉

諭旨恭摺覆奏仰祈

聖鑒事竊臣於八月二十六日承准軍機大臣字寄咸豐十年

八月十一日奉

上諭本日勝保奏夷氛逼近闕下請飛召外援以資夾擊一摺據稱用兵之道全貴以長擊短逆夷專以火器見長若我軍能奮身撲進兵刃相接賊之鎗礮近無所施必能大捷蒙古京旗兵丁不能奮身擊刺惟川楚健勇能俯身柔進與賊相搏逆夷定可大受懲創請飭下袁甲三等各於川楚勇中共挑選得力

奏稿卷十四

聖

若干名派員管帶即行起程剋日赴京以解危急等語逆夷犯順奪我大沽礮臺占據天津撫議未成現已帶兵至通州以西距京咫尺僧格林沁等兵屢失利都城戒嚴情形萬分危急現在軍營川楚各勇均甚得力著曾國藩袁甲三等選川楚精勇二三千名即令鮑超張得勝管帶並著慶廉於新募彝勇及各起川勇身中挑選得力者數千名即派副將黃得魁游擊趙喜義管帶安徽苗練向稱勇敢著翁同書傅振邦飭令苗沛霖遴選練丁數千名派委妥員管帶均著兼程前進剋日赴京交勝保調遣勿得藉詞延宕坐視君國之急惟有殷盼大兵雲集迅掃逆氛同膺懋賞是為至要將此由六百里加緊各諭令知之

欽此跪讀之下神魂震越痛憤無地是日又聞徽州失守之信旋又接勝保咨敬悉

聖駕巡幸熱河臣既自恨軍威不振甫接皖南防務旬日之間

兩郡失陷又值夷氛內犯憑陵郊甸東望吳越莫分

聖主累歲之憂北望灤陽驚聞

君父非常之變且愧且憤涕零如雨而以新軍敗潰又不得不

強顏撫慰鎮定人心鮑超一軍自甯國失後漸紮太平自徽州

失後又令其回駐漁亭以遏寇氛欽奉

諭旨飭鮑超赴京交勝保調遣竊計自徽州至京五千餘里步

隊趨程須三箇月乃可趕到而逆夷去都城僅數十里安危之

幾想不出八九兩月之內鮑超若於十一月抵京殊恐緩不濟

急若逆夷凶頑猶豫相持果至數月之久則楚軍入援豈可僅

以鮑超應

詔應懇

天恩於臣與胡林翼二人中飭派一人帶兵北上冀效尺寸之

勞稍雪敷天之憤非敢謂臣與胡林翼二人遂能陷陣衝鋒殺

敵致果也特以受

恩最深任事日久目前可帶湘鄂之勇途次可素齊豫之餉呼

應較靈集事較速鮑超雖號驍雄之將究非致遠之才兵勇未

必樂從鄰餉尤難應手縱使即日飭令起程而弁勇懷觀望之

心途次無主持之人必致展轉濡滯本年四月初五日將軍都與阿奉馳赴揚州之

命即於初十日拜摺起程厥後因楚勇憚遠行之勞途中虞餉

項之缺遷延至八月十九日乃果成行今若令鮑超率師北上

即再四嚴催亦不免於遷延度才審勢皆懼無濟如蒙

聖恩於臣與胡林翼二人中飭派一人督師北向護衛

京畿則人數稍多裨益較大惟臣若蒙

欽派北上則當與李續宜同行皖北暫不能進兵祇能退守江

西境內胡林翼若蒙

欽派北上則當與李續宜同行皖北暫不能進兵祇能退守湖

北境內俟該夷就撫之後仍可率師南旋再圖恢復皖吳臣等

雖均有封疆之責而臣國樞本未接印胡林翼尙有督臣經理

皆無交卸事件一經

派出數日即可就道區區微忱伏乞

聖慈垂鑒所有欽奉

諭旨恭摺由驛六百里加緊覆奏伏乞

皇上訓示施行謹

奏

徽州被陷現籌堵剿摺 咸豐十年九月初六日

奏為大股悍賊由績溪竄入徽州府城猝被攻陷現籌堵剿情形恭摺奏祈

聖鑒事竊甯郡失守案內臣奏明偽英王陳玉成帶大股悍賊屯踞甯國縣旋經探確踞甯邑者非陳玉成乃偽侍王李世賢也八月十八日由胡樂司竄叢山關及樓下各隘口皖南道李元度於十六日帶勇三千抵徽接防聞叢山關告警即於十七日派肅字平字二營由績溪前進十九日出隊分兩路進剿一走叢山關一走樓下各行五里許而原防兵勇已潰肅字營營官同知童梅華督隊猛擊賊敗該營追出關外伏賊突起從嶺

奏稿卷十四

望

尖翻下包抄我後童梅華身受鎗傷登時陣亡弁勇傷亡百餘人平字營將到樓下各卡已破數重該營大呼衝陣追至卡上斃賊百餘正酣戰間肅字營失利而止是夜間道趨回賊乘勢竄過績溪張運蘭嶺外旌德之軍與李元度嶺內徽軍中間已被賊隔斷矣二十一日張運蘭探知大股賊進踞楊溪一帶派一三四旗從中邀擊行五十餘里望見賊卡整隊穩立少頃有黃衣騎馬賊十餘名步賊數百衝出街口餘眾迤邐分路來撲約二萬餘人我軍鎗礮並施鏖戰數時斃賊馬數十匹悍賊一千餘名賊紛紛潰走墜崖落澗死者無算追過板橋收隊次日仍回旌德因徽州賊勢浩大李元度兵力甚單先由祁門

抽派禮字河溪各營二千餘人倍道馳援飭於徽城外堅築濠

壘以靜制動乃李元度以賊逼城下逐日出隊搦戰修築不及又張芾於二十日由徽起程北上兵勇牽開口糧力為排解糾結不清營壘未成賊已大至二十四日偽侍王李世賢同掄天義通天義贊天義諸逆首共帶四萬餘人直撲徽城更番誘戰李元度親督各營出城接仗自辰至午斃賊數百嶺後伏賊併出抄我兩翼眾寡不支禮字河溪各營由西門大路退回休甯李元度率平江四營入城固守賊即跟蹤圍攻四門因西門城垣坍塌又無堞口是夜三更乘陰雨黑暗專攻此門勢極危險李元度身臥城頭竭力堵禦天明賊退二十五日申酉之間賊

奏稿卷十四

哭

伏西門民房鑿牆對城施放火鎗守陣弁勇站腳不住賊眾即緣梯直上李元度趕調各門隊伍來救賊已四面扒城而入府城遂陷迄今十日因賊氛隔阻尚未聞李元度下落臣自接李元度圍城中飛書求救即調張運蘭由旌德入援鮑超由太平入援無如城大而地紳民搬徙一空兵勇僅二千有奇不敷分布又係新募之卒由湖南遠來甫經到徽竟不能支持數日以待援師實堪痛惜臣調度無方咎無可辭應請旨將臣交部議處現在各股悍賊盤踞徽郡休甯及嶺外旌涇太石各縣有分竄浙江上犯祁門之意不得已檄調鮑超回駐漁亭張運蘭回駐黟縣以遏狂寇而定人心並咨商左宗棠迅

督所部赴樂平婺源一帶以防徽州竄江西之路俟賊勢稍定再行合力進剿除查明徽城文武下落並殉難員弁再行彙報外所有徽州失守現籌堵剿各情謹繕摺馳陳伏乞皇上聖鑒訓示謹奏

奏稿卷十四

完

曾文正公奏稿

卷之十五目錄

統籌緩急機宜摺

咸豐十年十月初四日

會攻休甯勝仗片

進攻休甯立復黟縣摺

十月二十六日

蕭啟江功績最多摺

全日

覆陳洋人助剿及採米運津摺

十一月初八日

左宗棠軍克德興婺源摺

十一月二十八日

建德失守旋經克復摺

全日

近日南岸軍情賊勢片

奏稿卷十五目錄

水師保守湖口克都昌縣摺

十二月十三日

皖南江西全局片

楊載福救拔南陵縣軍民摺

全日

上溪口江灣兩營失陷摺

全日

黟縣官軍勝仗摺

全日

湖南設立東征局請頒發部照摺

十二月二十八日

官軍扼守景德鎮會剿洋塘大捷摺

咸豐十一年正月二十四日

逆匪分犯大赤大洪二嶺迎剿獲勝摺

全日

近日江皖賊勢軍情片

統籌緩急機宜摺 咸豐十年十月初四日

奏為欽奉

諭旨統籌緩急機宜恭摺具陳仰祈

聖鑒事竊臣於九月十八日承准軍機大臣字寄八月二十九

日奉

上諭據薛煥奏蘇省民團可用惟無官兵為之倡率請飭曾國藩分撥精銳五六千人統以謀勇兼全之大員取道浙境以達松江得此生力軍固守海隅辦理較有把握現在蘇省常昭已陷上海岌岌援兵不至亦恐難支著曾國藩酌量情形速籌援救是為至要等因欽此又二十八日承准軍機大臣字寄九月

奏稿卷十五

十三日奉

上諭巴棟阿奏蘇常大股逆匪攻撲鎮江請飭曾國藩迅速統師來南會合進攻等語據稱賊於八月二十七日圍撲鎮城經巴棟阿督率馮子材等出城奮擊江面艇船亦開礮協剿相持三晝夜不退等語江蘇自常昭失守以後惟有鎮江一城孤懸江岸必須竭力保全以為進規蘇常之地雖經巴棟阿等勉力支持無如餉絀兵單金陵之賊亦有下窺之信甚屬可慮前閱曾國藩奏摺知該大臣刻刻以蘇常為念鎮江倘有疎虞則江南賊勢聯為一片異日進兵更為費手著該大臣統籌兼顧迅撥勁旅馳往援救務須設法保全等因欽此臣查規復蘇常分

救鎮江上海皆臣職分最要之事亦臣志所欲為而不能即副刻刻難安之事仰荷

聖慈慮指示方略至再至三欽佩之餘彌增愧悚臣前疊次奏明調募兵勇由皖南取道入蘇彼時徽甯二府廣德一州皆尚無恙擬八九月間各軍齊集即可分路進取不料鮑超張運蘭之師未至而廣德再失臣接防皖南十日而甯國即陷李元度抵任八日而徽郡休甯繼失事機不幸殊非臣始意所及其故由於嘉興潰而浙中無牽制之師金壇常昭陷而江左有長驅之勢各股悍賊無所顧忌遂得全力上犯阻我進兵之路適值連旬霖雨萬難進戰賊分踞徽休兩城並聲言抄撲祁門後

奏稿卷十五

路臣正在竭力布置間又聞夷逆竄逼京城義應率師入衛旁皇四顧日夜憂憤而皖賊之分竄浙江者又迭陷嚴州淳安各城浙江之衢州江西之廣信紛紛告急屢接瑞昌王有齡咨函請臣分軍繞出浙境與張玉良前後夾剿又搜獲偽文逆首陳玉成糾合李壽成各賊由北岸廬六一帶上犯楊雄青李世賢各賊由南岸徽池一帶上犯急救安慶之圍計甚兇狡查東流建德毘連饒州景德鎮賊若乘虛竄入則江西大局俱為掣動幸左宗棠一軍於九月十五日行抵樂平臣飛函商令暫紮該縣如饒州有警則赴西北截剿如廣信有警則赴東路截剿先布遠勢伺賊所向而後應之並飭鮑超張運蘭乘雨躡拔營進

攻休甯已於二十九日獲一勝仗以目前情形而論必須將各路防兵安置稍穩仍分一軍由開化華埠橫出外則與張玉良等夾擊嚴州之賊內則與鮑超夾擊徽州之賊使之復退出嶺外然後江西可保浙省可安而皖南之立脚可定處止左宗棠鮑超張運蘭三軍尚為得力已有應接不暇之勢如奉旨派臣入援則此三軍中必須抽出一軍隨同北上力量更單

臣之愚見俟奉到

批摺若責令專謀皖吳即將皖南設法經營苟立腳粗穩臣當於今臘明正親率馬步數千由皖北繞赴淮揚就近與薛煥巴棟阿會合聯絡相機策應仍一面嚴防江賊北竄之路以維全

奏稿卷十五

局而符原議至由徽繞浙江以至松江東有嚴州之賊西有嘉興之賊節節梗阻實難繞越薛煥勇畧素裕兵數雖少當能力扼海隅以待臣至淮揚時商籌辦理鎮江兵勇尚有萬餘人江面又有吳全美李德麟艇船新往果皆奮勇用命似亦可為數月之守所有統籌緩急機宜各緣由恭摺由驛五百里覆陳伏

皇上聖鑒訓示謹

奏

會攻休甯勝仗片 咸豐十年十月初四日

再九月二十九日鮑超張運蘭各軍會攻休甯鮑超於卯時出隊行抵碕庭橋飭余大勝唐仁廉張玉田鄭陽和婁雲慶熊鐵生等分路抄擊踏毀賊卡三座斃賊四五百人乘勢追至城下賊分股出東門繞北門迎戰復出一大股接應婁雲慶抄其歸路將賊截作兩段余大勝等督隊圍殺又斃七八百人鮑超派兩營憑高堡對城開礮賊由南門衝出鄭陽和等左右抄擊又斃多賊遂堅伏不出張運蘭是日先派左右翼及第六旗穩紮潭口以防旌太來路令陳青雲劉松山由南塘埭清左路劉光明易開俊由藍田埭清右路該道自率中軍馬步與諸將會於

奏稿卷十五

柳市攻破馮家嶺賊卡一座又進攻柳市賊卡賊憑河拆橋踞守藍翎千總朱得勝猛撲中鎗死之守備張添錫奮力直前中一傷立將該賊刺倒奪馬二匹遂破第二卡其卡前有兩壘一村適劉光明易開俊攻破龍源賊卡大呼齊至夾擊遂將村壘燬平追至城邊觀音閣斃賊三四百名生擒十三名解散脅從無算日暮收隊而回探聞偽輔王楊雄壽由池州至旌德偽忠王李壽成由青陽至太平意圖救援沐歛除飭該鎮道等逼城緊攻兼防後路並蓄銳以擊援賊外所有接仗獲勝情形附片具陳伏乞

皇上聖鑒謹

進攻休甯立復黟縣摺 咸豐十年十月二十六日

奏為進攻休甯疊獲勝仗大股援賊由羊棧嶺竄入黟縣我軍迎剿大勝立復黟城追賊出嶺恭摺具陳仰祈

聖鑒事竊鮑超張運蘭進攻休甯臣於十月初四日已將偽忠

王李壽成由青陽至太平圖撲我軍後路各情附片聲明在案

初二日鮑超移營西館張運蘭移營迪祥湖距休城皆十餘里

初四日賊四五千欲由榔市撲迪祥營張運蘭派隊出擊陣斬

偽將軍汪懷忠及衝鋒賊百餘鎗傷數百名侍講銜宋夢蘭帶

安勇協剿亦多斬獲初六日攻城賊伏不出探知徽州援賊屬

聚休東萬安街與城賊相犄角鮑超張運蘭會齊於十五日

出其不意夾擊大破之追十餘里殺賊二千有奇偽侍王李世賢

因休甯圍攻甚緊由嚴州退徽州十六日解子藥大礮進休城

十七日霆湘各營乘勝攻之北門出賊數千張運蘭揮兵直前

鮑超督馬步左右包抄殺賊千餘復圍攻東門賊營賊棄壘逃

竄斬馘殆盡立燬賊壘二座將弁兵勇受傷一百三十三名陣

亡八名此十月初四至十七日進攻休甯縣城之實在情形也

偽忠王帶三萬餘人由蘇州蕪湖而來經過南陵時提臣楊載

福見賊大隊上犯即飛函告臣預為防備十九日該逆約二萬

人突由羊棧嶺竄入圍解休甯之圍斷鮑張兩軍之糧路游擊

趙廷貴受傷夥嶺各防皆潰賊遂由盧村闖入黟縣二十日張

運蘭先分老湘營二五旗迎勦小挫午後鮑超派副將宋國永帶副中營後營右營禮前後並張應超各營趕至迎頭痛擊斃賊千餘會同老湘營各旗追入黟縣立將城池克復賊仍退踞盧村一帶二十一日鮑超添派兩營張運蘭添派各旗進勦賊由盧村出隊而來大戰於柏莊嶺我軍十盪十決賊眾大潰狂奔出嶺積屍遍山谷生擒三百十八名斃賊約四千餘人都司楊雲貴守備鄭德亮射中偽檢點艾逆落馬把總羅紫亭刺死偽丞相吳桂先該把總旋亦受傷身死訊據賊供李壽成亦受傷而遁此二十日二十一日大破羊棧嶺股賊克復黟縣之實在情形也伏查偽侍王李世賢由嚴州回徽偽輔王楊雄清穩

奏稿卷十五

七

踞旌德環徽郡二百里羣賊極多而偽忠逆復由蘇常上援竟欲攻破黟縣直犯祁門窺伺江西計殊狡毒我軍急馳百餘里兩日之間連獲大捷驅出嶺外實足寒賊膽而快人心提督銜湖南綏靖鎮總兵鮑超調度神速前甯國失守案內經

革去勇號尚未奉到諭旨部文可否仰懇

天恩另行

賞加清字勇號出自

聖主鴻施布政使銜河南開歸陳許道張運蘭布置周妥擬請旨交部從優議敘花翎參將湖南鎮守右營游擊楊鎮魁於徽

州失守案內奏參革職亦未奉到

諭旨部文擬請開復原官毋庸開游擊原缺副將銜儘先參將婁雲慶擬請免補參將以副將遇缺儘先即補副將張玉田余大勝均擬請

賞加總兵銜其餘在事出力員弁兵勇可否准其開單擇尤請獎之處出自

皇上天恩除飭派三營嚴防羊棧嶺並飭鮑超張運蘭蓄銳以待援賊圖攻休甯外所有迭獲勝仗並擊退大股悍賊各緣由專摺由六百里馳陳伏乞

皇上聖鑒訓示謹

奏稿卷十五

八

奏

蕭啟江功績最多摺咸豐十年十月二十六日

奏為已故統兵臬司蕭啟江功績最多據實奏懇

加恩賜諡建祠仰祈

聖鑒事竊布政使銜記名按察使蕭啟江統帶湘軍赴四川協

勦本年四月二十七日在營病故經前四川督臣曾望顏奏奉

上諭蕭啟江著追贈巡撫銜照軍營病故例從優議卹以慰忠

魂等因欽此仰蒙

篤念盡臣

恩施逾格伏讀之下欽感莫名茲據記名總兵胡中和儘先副

將蕭慶高何勝必候補同知王沐等自四川聯名具稟據稱記

奏稿卷十五 九

名臬司蕭啟江自咸豐三年奮袂從戎隨李續賓攻擊郴州岳

州武昌田家鎮等處賊匪所向有功五年江右寇熾竄犯湖南

蕭啟江奉札募帶湘勇果字營九月攻復茶陵州進援江西克

復萬載縣六年十一月克復袁州府城分宜縣城十二月克復

上高縣城七年二月大破賊於瑞州之陰崗嶺進圍臨江八月

破石達開於大坪十二月克復臨江府城八年三月克復崇仁

縣城四月克復撫州府城十月勦滅石城潮匪招安脅從數百

寨九年二月克復南安府城解信豐縣城之圍八月追勦石達

開股匪收復東安興安靈川三縣破賊於大溶江九月初十日

解桂林省城之圍數年來身經數百戰馳驅四省所至克捷本

年帶勇入川在營溘逝實屬忘家忘身盡瘁以歿縷陳戰績仰

懇據情奏請

賜諡給子世職並懇於湖南江西省城暨湘鄉縣城建立專祠

以慰忠靖等情具稟前來臣等伏查記名臬司蕭啟江性情果

毅平日粥粥若無能及其臨敵決策英鷲無前年來江西失陷

九府蕭啟江一人獨克四府厥功最偉上年援湘援粵援蜀一

歲之內奔走萬里積勞身故實堪憫惻該部將胡中和等具稟

陳請臣等往返商意見相同合無籲懇

加恩賜諡並於湖南江西省城及湘鄉原籍建立專祠以表忠

蓋出自

奏稿卷十五 十

逾格鴻施至該部將等稟請給予世職之處該臬司既奉

特旨追贈巡撫從優議卹照例應得蔭襲毋庸更議所有據情

奏懇

恩施緣由謹合詞恭摺具陳伏乞

皇上訓示施行謹

奏

覆陳洋人助剿及採米運津摺 咸豐十年十一月初八日

奏為遵

旨覆陳仰祈

聖鑒事竊臣於十月二十五日承准軍機大臣密寄十月十一日奉

上諭本年秋間俄國帶兵撲犯都城業經換約退兵俄羅
斯使臣伊格那替業幅亦即隨後換約該酋見恭親王奕訢等
面稱髮逆在江南等處橫行請令中國官軍於陸路統重兵進
剿該國撥兵三四百名在水路會擊必可得手又稱明年南漕
運京恐沿途或有阻礙伊在上海時有咪國商人及中國商

奏稿卷十五

情願領價採辦臺米洋米運津如令伊寄信上海領事官將
洋船沙船均可裝載用俄咪旂幟即保無虞等語中國剿賊運
漕斷無專借資外國之理惟思江浙地方糜爛兵力不敷剿辦
如借俄兵之力幫同辦理逆賊若能早平我之元氣亦可漸復
但恐該國所貪在利藉口協同剿賊或格外再有要求不可不
思慮預防俄即西在京時亦有此請著曾國藩等公同悉心體
察如利多害少尙可為救急之方即行迅速奏明候旨定奪至
代運南漕一節江浙地方淪陷明歲能否辦理新漕尙無定議
然漕糧為天庾正供自不可缺該酋所稱採辦運津之說是否
可行應如何妥議章程辦理之處並著曾國藩薛煥王有齡酌

量情形迅速具奏將此由六百里各密諭知之欽此具仰

皇上聖慮周詳馭夷之方達變之畧無微不至欽服莫名臣就

俄酋所陳二事思之其請撥夷兵三四百名助剿金陵髮逆一

節查大西洋咪咪各國恃其船堅礮大橫行海上俄羅斯國

都緊接大西洋所用船礮及所習技藝均足相抗近始由重洋

以通中國該夷與我向無嫌怨其請用兵船助剿髮逆自非別

有詭謀康熙年間進攻臺灣曾調荷蘭夾板船助剿亦中國借

資夷船之一證惟長江二千餘里上游安慶蕪湖等處有楊載

福彭玉麟之水師下游揚州鎮江等處有吳全美李德麟之水

師臣現又在長沙吳城等處添造師船為明年駛赴淮揚之用

奏稿卷十五

是皖吳官軍之單薄在陸而不在水金陵髮逆之橫行亦在陸
而不在水此時我之陸軍勢不能遽進金陵若俄夷兵船即由
海口上駛亦未能遂收夾擊之效應請

飭下王大臣等傳諭該夷酋獎其效順之忱緩其會師之期俟

陸軍克復皖浙蘇常各郡後再由統兵大臣約會該酋派船助

剿庶在我足以自立在彼亦樂與有成俄即西亦有此請亦可

獎而允之許其來助示以和好而無猜緩其師期明非有急而

求救自古外夷之助中國成功之後每多意外要求彼時操縱

失宜或致別開嫌隙似不如先與約定兵船若干隻雇價若干

每船夷兵若干需月餉若干軍火一切經費若干一一說明將

來助勦時均由上海糧臺支應庶可免爭競而杜弊端至所稱
咪商領價採米運津一節江浙各郡縣地方淪陷既多明年新
漕勢難趕辦咪商粵商情願領價採辦臺米洋米由海道運至
津沽實亦濟變之要著俄酋既以此爲請似即可因而許之除
粵商採辦之米應由該商自行經理毋庸插用俄咪旗幟外所
有咪商採辦運津之米亦請
飭薛煥在上海就近與該商訂明粵商領價須取保戶咪商則
聽咪酋經理當可無誤要需爲時局計似亦舍此別無良策伏
乞

聖明察酌行之抑臣竊有請者馭夷之道貴識夷情以大西洋

奏稿卷十五

七

諸夷論之嘆咭喇狡黠最甚佛郎西次之俄羅斯勢力大於嘆
咭喇嘗與嘆夷爭鬪爲嘆所憚咪喇啞人性質醇厚其於中國素
稱恭順道光十九年嘆夷因鴉片肇釁之始兵船闖入廣州省
河咪酋曾於參贊大臣楊芳處遞稟願爲居開調處嘆酋義律
旋出親筆有只求通商不討別情等語是並煙價亦不敢索也
楊芳曾據以入奏而不敢專主其議會官軍燒搶洋行誤傷咪
夷數人其事遂寢而夷患遂熾咸豐三年賊踞金陵聞咪酋亦
曾於向榮處託人關說請以兵船助勦未知向榮曾據以入奏
否嘆咭兩夷犯廣東省城時咪酋未嘗助逆上年天津擊敗夷
船時咪酋即首先赴京換約並無異詞是咪夷於中國時有效

順之忱而於嘆咭諸夷並非固結之黨已可概見此次俄夷既
稱咪商情願領價採米似可即
飭薛煥與咪酋面訂章程妥爲籌辦庶幾暗杜俄夷見好中國
市德咪夷之心而咪夷知中國於彼毫無疑忌或且輸誠而暱
就於我未可知也此次款議雖成中國豈可一日而忘備河道
既改海運豈可一歲而不行如能將此兩事妥爲經畫無論目
前資夷力以助勦濟運得紓一時之憂將來師夷智以造礮製
船尤可期永遠之利區區愚慮所及合併陳明伏乞
皇上聖鑒訓示謹

奏

奏稿卷十五

七

左宗棠軍克德興婺源捐 咸豐十年十一月二十八日

奏為廣東另股逆匪竄擾樂平貴溪地方迭經官軍馳剿大獲
勝仗連復德興婺源二城恭摺具陳仰祈

聖鑒事竊另股逆匪自廣東韶州而來竄擾南贛圍逼建昌占
踞湖口均經江西撫臣毓科奏報在案襄辦軍務候補四品京
堂左宗棠一軍前駐樂平曾經臣附摺奏明旋因西路有警移
駐景德鎮探報南贛另股由貴溪境內竄過安仁有直撲饒景
之勢左宗棠派游擊王開琳知府王開來分帶四旗兩營由珠
田大橋一帶相機迎剿十月二十日拔隊行抵珠田賊悉於十
九夜竄往貴溪二十一日我軍行六十里至大田坂聞大股賊

奏稿卷十五

五

屯踞周坊丁家坊等處相距二三十里是夜四鼓派七成隊偃
旗息號乘月急馳出賊不意以攻搗之行抵鶴嶺離周坊三里
許賊尚不知我軍之至也王開琳等遂分三路翻山而進該逆
驚覺搖旗迎敵我軍奮勇直前兩面伏兵并起圍賊核心斃三
四百人賊拋棄旂幟軍械衣物甚多我軍皆不之顧正痛勦間
忽三馬橋富村各處大股紛來勢甚兇猛喻勝榮丁長勝仍由
中路排進王明輝陳明南仍由兩路抄出賊即大敗我軍乘勝
追殺七八里斬馘四五百人該逆敗過小河復有丁家坊一股
與之合併隔河猛抵王開琳令各旗哨排整隊伍對施鎗礮另
派哨勇由丁家坊上下小港衝入中路正兵過河直搗賊巢趙

勝國右手被鎗子傷穿猶忍痛陷陣賊見我軍勢力更大遂向
高山奔竄是日自周坊追至丁家坊約二十里自晨至夕忍饑
力戰共斃賊二千數百名生擒一百八十餘名陣斬賊酋偽檢
點陳姓偽元帥黃姓偽丞相鄭姓多名此二十二日進剿貴溪
周坊等處大獲勝仗之實在情形也二十四日左宗棠接據探
稟周坊敗匪已由弋陽方家墩竄至德興之黃柏塘地方當即
移飭王開化楊昌濬督帶中營及前左後三營前往迎剿二十
七日抵香墩二十八日在太白司下河干架造浮橋二十九日
黎明過河比至楓樹嶺賊始知覺遂由三路蜂擁而來游擊羅
近秋都司黃少春副將崔大光各率親兵數十人前往覘賊立

奏稿卷十五

六

斬悍賊數十各營大隊續至謹呼陷陣王開化楊昌濬率中營
列隊山岡指揮策應該逆驚潰追殺十餘里適老湘各營亦於
是日由弋陽界追賊而來是夜四鼓探知賊畏勦思竄王開化
等會督各營進攻直逼城下賊見我軍旗幟即由南門竄走我
軍乘勝追擊一面入城安撫難民查點各營受傷者僅十餘名
此十月二十九日十一月初一日攻克德興縣城之實在情形
也賊由德興竄去旋分兩路一走海口一走太白司王開化督
諸軍橫截太白司一路老湘桂勇右營亦躡蹤而至初二日探
知竄賊已陷婺源初三日五鼓諸軍整兵前進辰刻行抵高沙
偵賊在該村莊擄糧我軍前隊馳迫斃賊百餘名生擒十三名

旋督隊進攻城北城西兩面賊出二千餘人負城列陣我軍兩路齊撲賊潰入城閉門死拒諸將督勇奮力登陴該逆即奪東南門逃走兩門外河水環繞賊奪橋而過我軍兩面抄擊並派隊由上游截渡攔橋逼賊紛紛墮水我軍乘勝過橋追剿二十餘里沿途尸骸枕藉餘匪由開化竄去此初三日克復婺源縣城之實在情形也臣查左宗棠一軍自移師景鎮紮未久一聞貴溪警報分路調撥或迎頭截擊或跟蹤追剿計十日之內轉戰三百餘里連克二城使狼奔豕突之眾喘息不得少定實屬調度神速將士用命自此股賊敗後即有池州大股撲陷建德直犯浮梁景德鎮亦惟左宗棠一軍獨當其衝左宗棠初立新軍驟當大敵晝而躍馬入陣暮而治事達旦實屬勤勞異常惟係襄辦京堂大員應如何優擢獎敘之處出自聖裁花翎副選道王開化請

奏稿卷十五

賞加按察使銜候選訓導楊昌濬請以知縣即選並加同知銜

賞戴花翎候選訓導劉典請以知縣選用並

賞加知州銜花翎副將崔大光請

賞加總兵銜暫革花翎游擊羅近秋請開復原官仍

賞加參將銜從九銜朱明亮張聲恆均請以州同選用並

賞戴藍翎花翎都司黃少春請以游擊歸部推補花翎游擊王開琳請以參將歸部推補花翎道銜知府王開來請以道員即

選花翎參將睦金城請仍以參將歸部遇缺先補守備銜千總章榮先請以都司即補花翎都司張志超請

賞加游擊銜其餘出力員弁可否准臣開單擇尤保獎之處出自

聖主鴻施所有周坊德興婺源三次大獲勝仗連復二城緣由專摺由六百里馳陳伏乞

皇上聖鑒訓示謹

奏

奏稿卷十五

六

建德縣失守旋經克復摺 咸豐十年十一月二十八日

奏為建德縣城失陷旋經官軍克復恭摺奏祈

聖鑒事竊池州之建德縣自十年正月克復後即由江西巡撫派總兵普承堯統帶實勇五千人駐防該縣於五月間率師渡江經過建德見其營濠柵卡尚屬堅固囑令賊若來撲但宜堅守卡隘不必出卡接仗八九月間又屢次批飭賊來撲建德能堅守數日即由祁門派兵星馳救援請飭各在案十月二十六二十九日池州逆黨撲犯建德普承堯派隊擊退十一月初二日實勇出隊微有斬獲初三日實勇接仗小挫普承堯即於是日酉刻專人來祁門稟請救援於初五夜接信即調祁

秦稿卷十五

九

門老營親兵令副將沈寶成星速往救詎行至中途已聞普承堯於初四早未戰而潰建德縣城失陷普承堯退至彭澤旋又退至湖口九江該逆長驅直入一股西犯彭澤湖口都昌一股南竄鄱陽浮梁景德鎮建德陷則處奏報之路已梗浮梁破則糧餉之道亦斷於十一日派副將唐義訓帶祁門各營馳勦建德與沈寶成等會合前進十七日行抵利步口賊未知官軍之猝至也十七日三路出隊唐義訓與陳玉恒葉光岳及馬隊由西大路進朱聲隆由東小路進沈寶成黃惠清由東大路進甫行十五里賊即列隊河洲而以馬隊抗拒各卡我軍東西兩路緣山而上中路直前迎擊礮斃騎馬悍賊數名卡賊即退

我軍兩路會合夾擊河洲之賊賊眾大呼衝陣我軍寂靜不應但以鎗礮轟擊每進愈厲山上各哨蜂擁而下抄賊後路前者見殺後者墜溺賊乃敗潰退至三里街唐義訓見賊伏街村未便徑進裹飯傳餐仍分街口及街右街左三路同進搜殺無算忽見城內及壘中之賊齊出我軍整隊排列河南賊亦列隊河北鎗礮對放互有損傷相持一時之久忽有金盛馬賊中礮落地賊似慌亂我軍乘機渡水如牆而進旁抄直擊賊分股竄入城內大股逃入西北壘中朱聲隆沈寶成由南門追賊入城賊向東門竄出黃惠清馳至東門攔截其前朱聲隆等追躡其後其西北賊卡經唐義訓與陳玉恒葉光岳分哨循山上下拋放

秦稿卷十五

二十

噴筒火彈賊壘立破由卡間遁竄卡隘而濠多人馬踐踏尸積山谷東北攻城之軍與西北攻壘之卒各追殺十餘里西正收隊回抵利步口敗賊歸張家灘一帶是役約共殺賊千餘名生擒六十三名奪獲騾馬一百六十一匹鎗礮旗幟無算據唐義訓等稟報前來伏查皖南中隔一嶺嶺內為徽州各屬嶺外為池州東流建德各屬建德一失則與江濱安慶各路聲息不通普承堯以五千之眾在防十箇月之久不能堅守數日以待援師遺誤江皖大局實堪痛恨請旨將九江鎮總兵普承堯即行革職等因以肅軍律總兵銜儘先副將唐義訓應請交軍機處記名遇有總兵缺出請

一第... 2

旨簡放藍翎通判銜州判朱聲隆請免選本班以同知畱於江

蘇補用總兵銜江西儘先副將沈寶成請

賞給正二品封典湖南補用副將黃惠清請

賞加勇號湖南補用參將陳玉恒請以副將畱於兩湖補用參

將銜選用游擊葉光岳請以參將畱於江蘇補用其餘出力員

弁可否容臣擇尤保獎出自

皇上天恩所有建德縣城失陷旋經官軍克復緣由恭摺由驛

馳奏伏乞

皇上聖鑒謹

奏

奏稿卷十五

三

近日南岸軍情賊勢片咸豐十年十一月二十八日

再自安慶合圍以來偽英王陳玉成大戰於江北之桐城偽忠

王李秀成偽侍王李世賢偽輔王楊七麻子萃聚於江南之徽

州無非為救援安慶起見也次南岸各賊約分三大枝環繞祁

門作大圍包抄之勢其西一支於初三日陷東流縣初四日陷

建德縣初九日陷彭澤縣十二日圍湖口縣十三日陷都昌縣

分一小支於十二日陷浮梁縣十三日陷都陽縣其東一支於

十五日陷江灣王夢齡營盤十六日陷上溪口楊名聲營盤十

九日陷婺源縣其北一支於十五日破禾成嶺而入十七日破

羊棧嶺而入十八日破新嶺而入二十一日復竄漳嶺實屬危

奏稿卷十五

三

險迭見應接不暇計祁門之東西南北四面皆賊其中如十二

至十七日各路文報皆斷仰託

皇上威福事機尚順東流彭澤都昌都陽四縣均經楊載福等

水師先後克復湖口一城為江楚鎖鑰經彭玉麟吳坤修水陸

固守幸保無恙浮梁縣經左宗棠陸軍克復建德縣經唐義訓

率師克復今西路大股雖尚未退而各城幸存可望轉危為安

北路各嶺之賊官軍十七日獲一小捷二十日獲一大勝賊膽

已寒當不敢再來犯嶺惟東路之賊據報已由婺源南竄其或

由德興以犯河口或由樂平以犯景鎮均未可知總之欲斷

之糧道擊臣之軍勢以解安慶之圍此則賊計狡謀顯而易見

者也臣之老營仍駐祁門張運蘭仍防黟縣等處抽出鮑超一軍回顧景德鎮與左宗棠會合堵剿以保臣軍之糧路以救江西之北邊能否得手尙未可知目下舍此別無萬全之策除各屬守城克城暨各嶺各營戰事另行專摺奏報外所有近日南岸軍情賊勢理合附片具陳梗概伏乞

奏

皇上聖鑒謹

奏稿卷十五

五

水師保守湖口克都昌縣摺 咸豐十年十二月十三日

奏為逆匪撲犯湖口經協理水師彭玉麟趕集水陸各軍併力擊勦得保危城並抽派師船克復都昌縣城各情形恭摺具陳仰祈

聖鑒事竊自大股賊匪十一月初四日撲犯建德普承堯一軍潰退賊即長驅深入連陷六縣而官軍與賊所必爭之地莫如湖口與景德鎮兩處景德鎮有左宗棠一軍駐紮湖口則并無陸兵僅有水師後營都司丁義方駐防該縣自建德失守臣即派道員吳坤修帶團防營千餘人馳赴湖口保守名城惠潮嘉道彭玉麟一面派前營都司胡友勝趕赴彭澤隨同楊載福防

奏稿卷十五

五

勦一面派左營副將成發翔趕赴湖口會同丁義方合力守禦十二日賊撲彭澤經楊載福水師擊退賊仍率大股上竄湖口離城十五里之馬影橋屯踞是日彭玉麟自黃石磯赴援湖口途次接據成發翔丁義方稟報初九日寶營潰勇紛紛逃至湖口搶劫錢店當率水勇沿街彈壓將無營官統屬之勇一概驅逐查有寶護左營金殿安中護軍營談開亮護左營江必勝前營劉吉慶等所帶之千餘人尙屬安靜當會商知縣及在城紳董於三營中擇其精壯者酌留五百人每人日給米一升分布城頭駐守正慮城大兵單適臣前派吳坤修之團防營亦於是日趕到沿途為賊所截把總李逢貴六品軍功吳修霖力戰陣

亡營官吳景星熊烜督率所部入城當即抽撥大礮數尊配
給子藥分合寶營團防營陸師駐守東南兩門以防山城而成
發翔丁義方自率水師駐守西北兩門以防水城此初九日至
十二日水師收集陸軍協守湖口之情形也十三日屯踞馬影
橋之賊擁眾萬餘分四股直撲各門均經守城各軍併力轟擊
自卯至午鏖戰四時之久賊始却退湖口一城係咸豐九年彭
玉麟督工新修其南門因清水浸腳坍塌數丈缺口趕修未成
申刻賊復分四股昇長梯而至前隊鎗礮中隊短刀火球後隊
馬賊排列吶喊之聲山谷皆震其東西南三股先進對城開鎗
子如雨下繼以木梯如潮湧上千總江必勝堵住南門缺口工

奏稿卷十五

五

總吳景星堵住西面千總談開亮堵住東面鎗礮石子環城齊
下悍賊迄不稍退蜂擁扒城丁義方見賊勢凶悍率領哨官張
三元黃發甲熊殿元楊雲輝彭大田等各帶水勇登陴助戰熊
烜燁金殿安劉吉慶等往來擊殺自申至酉齊力抵禦而城南
缺口已有悍賊數名冒死登城經江必勝手執大刀砍倒突被
賊匪洋鎗擊中頭顱我軍急以大桶火藥擲轟城下賊無數
賊始退去我軍開城追殺百餘人奪獲木梯三百餘架賊仍退
踞三里街馬影橋等處十四日彭玉麟周城閱視慰勞將士重
加布置午後諜知賊於村莊搜覓樓梯乘此日風雨夜半復來
扒城當即飭令談開亮選帶十餘人潛出偵伺見賊負梯送三

里街談開亮出賊不意繞出山凹賊驚遁散奪梯多件是夜風
雨益大咫尺不辨彭玉麟在城垣督飭各營分頭梭巡二更後
見四山僻徑隱隱火光迷漫空谷自遠而近各營哨皆雨立探
口靜以待動夜半雲暗天昏陰風怒號江濤激響燈光慘澹守
至天明各營派勇緝城哨探至三里街各館及馬影橋賊巢賊
已遠遁詢之民人言該匪竟夜環伺無隙可乘五更倉猝竄去
此三十四日夜堅守該逆宵遁之實在情形也彭玉麟以賊
遁不遠防其回竄一面函商皖南鎮總兵陳大富由東流飛撥
千五百人協同吳坤修之團防營妥籌駐守並探知另股賊匪
分竄都昌於十四日抽派成發翔左營戰船二十一號赴援成

奏稿卷十五

五

發翔於十五日趕至都昌城下督飭各哨排礮轟擊城賊抵敵
不住我軍乘勝登岸由大南門直追至城根賊眾慌亂放火開
東北兩門而竄立將縣城克復此水師分營收復都昌之實在
情形也查湖口一城為江楚之關鍵長江之腰膂咸豐五六
年間賊目黃文金胡鼎文等踞守該城率水陸百計攻之卒
不能下厥後七年九月楊載福彭玉麟等以血戰得之至九年
議修新城今冬甫經告竣此次黃文金挾賊數萬撲犯湖口尚
欲力爭此關以報仇而逞志經彭玉麟派撥將弁星夜赴援於
倉皇無備之際復能收集潰卒水師登陴聯絡陸兵用以力捍
危城維持大局洵足伐賊謀而壯軍威布政使銜廣東惠潮嘉

道彭玉麟調度有方籲懇

天恩交軍機處記名遇有按察使缺出請

旨簡放副將成發翔樸實果敢擬請

賞加勇號游擊銜都司丁義方膽識過人部署迅速擬請以參

將補用並

賞加副將銜陣亡之把總李逢貴六品軍功吳修霖均請

旨交部照把總陣亡例從優議卹其餘在事出力將弁可否准

其開單擇尤保獎之處出自

聖主鴻施所有水陸擊退大股逆匪保守湖口並克復都昌縣

城各緣由謹會同江西巡撫臣毓科專摺由六百里馳陳伏乞

奏稿卷十五

七

皇上聖鑒訓示謹

奏

皖南江西全局片咸豐十年十二月十二日

再臣在祁門賊分三大支四面環擾曾於十一月二十八日附

片具奏在案旬日以來賊之西支為偽主將黃文金所帶者臣

派鮑超一軍赴景德鎮與左宗棠會剿賊自景德鎮退至石門

洋塘一帶仍分賊黨黃萬興再擾建德林世發再擾彭澤即湖

口之賊亦尙屯踞張家嶺一帶其東一支為偽忠王李秀成所

帶者由婺源開化竄至玉山攻撲縣城冬月晦日臘月朔日城

中竭力防守未知能迅速解圍否其北一支為李逆古逆所帶

者十一月底屢次痛剿現尙未敢再犯仰託

皇上威福能將西路黃文金一股大加懲創然後能分兵援應

奏稿卷十五

五

東路不使深入江西腹地庶皖南軍務可期日有起色除各處

開仗情形專摺另報外合將皖南江西全局附片具奏伏乞

皇上聖鑒謹

奏

楊載福救拔南陵縣軍民摺 咸豐十年十一月十三日

奏為提 楊載福統帶水陸踏平賊壘拔出南陵全軍救全百姓十餘萬人恭摺具陳仰祈

聖鑒事竊自蘇常失陷賊勢愈熾如甯國府城金壇南陵兩縣城均係官軍堅守被賊重重圍困自金壇甯國先後失陷南陵一邑孤懸賊中總兵陳大富竭力守禦糧盡援絕勢難久全臣鑒於金壇被害之慘恐南陵軍民又遭屠戮疊次密飭陳大富由開道衝出並咨提 楊載福督派師船至江濱接應在案十一月二十九日據楊載福咨稱南陵官軍向與甯國為犄角自甯郡失守百姓扶老攜幼多歸此城陳大富一軍久困垓心已

奏稿卷十五

五

成孤注軍火口糧無由解濟而該軍忍饑固守必須趕緊設法救援庶免意外之變惟該城四面皆賊悉心妥籌猝難入手正深焦灼適九月內秋雨連旬江水盛漲沿江小港均可行舟九月二十七日准陳大富密函知賊勢趨重饑軍萬分危迫城中餓殍相望待援甚殷因定計潛師往援而留彭玉麟水師圍攻安慶照料黃石磯老營九月二十九日楊載福親督數營礮船進次樅陽探聞南陵城外四面賊壘層層密布惟北門一港可達魯港水程約計百里而近城一帶賊復夾港築壘踞守甚堅僅右邊沿港一綫之路必須陸師相輔方可進攻當就樅陽調出千總尹昌景韋以琳各領本營步隊隨同礮船前進揚言往

攻蕪湖十月初二日師次魯港即派總兵李成謀副將李濟清正右副中二營扼紮港口使蕪湖之賊不得截我軍出路初三日督率各營進港沿途見水面窄狹度非步步為營賊必議我之後當派參將楊占鼇領親兵後營防守我橋石碇都司郭明鼇領親兵前營防守小河密地方其黃木馬仁兩渡有賊把卡均經我軍擊退遂派副將劉正隆率正後營駐紮並令在月河口搭駕浮橋以待又派游擊羅進賢率新前營扼堵倉前一帶初四日卯刻派陸軍登岸依水師並進港左壘賊見我軍掩至出其不意舢板開礮轟擊賊遂蜂擁出撲副將丁泗濱帶隊先登副將何瑞祥率師繼進奮力衝突斃賊多名乘勢將近邊一

奏稿卷十五

三

壘焚燒該逆紛紛驚潰因並港左數壘概行焚燬尹昌景韋以琳領隊直攻港右氣勢壯猛該逆出壘列隊未敢遽戰我軍衝盪賊陣尹昌景縱火燒賊數壘逆眾敗潰韋以琳帶隊沿岸進擊賊之月股截尾橫抄副將李朝斌領各船開礮轟擊尹昌景韋以琳並力衝殺賊盡披靡遂將港右十數壘一併焚燬陳大富知北路援師已至乘勢將東南西三門賊壘攻剿一律掃平追殺十餘里斃賊不可勝計奪獲旗幟鎗械甚多南陵城圍以解陳大富猶思趕緊繕完力圖守禦楊載福見賊雖暫退水師萬難留駐該逆必將復至孤軍固守終成坐困之勢因力勸陳大富同赴上游拔出全軍初五日會督水陸大隊緩緩行走百

姓從者約十餘萬人沿途如月河口岡灣峩橋及各處堤埂隘
 口均經先飭各營搭駕浮橋軍民得以通行無滯高岡鋪雖有
 賊蹤經我軍擊退均不敢近惟偽忠王李秀成率賊數千並令
 蕪湖賊划百餘號在小河及石碗地方與親兵前後二營接仗
 意圖截我師歸路楊占鼐郭明鼐極力堵禦相持兩晝夜賊猶
 不退楊載福添派親兵左營及新前營助剿將該股賊匪擊退
 水陸軍民始得徐行出港初八日回次三山夾暫駐二十五日
 同抵黃石磯十一月初三日將該軍安插東流縣城並與彭玉
 麟勉壽周恤仍咨臣飭解口糧軍械以濟急需等因前來伏查
 皖南鎮總兵陳大富駐守南陵四面皆賊城中米糧軍火罄盡
 與金壇危困情形無異該總兵忠勇奮發與軍民團結一氣力
 保危城以待援師經提臣楊載福統帶水陸節節布置懸軍深
 入立掃凶氛拔出全軍保護百姓十餘萬人處之善地一時歡
 慶之聲流溢江表實足以固人心而作士氣楊載福氣韻沈雄
 出奇制勝可否籲懇
 天恩賞資荷包搬指等物以示旌異出力將弁可否由該提臣
 擇尤奏保之處均出自
 聖主鴻慈除飭總糧臺撥解餉銀二萬兩並帳房子藥接濟外
 合將水師提臣拔出南陵全軍安插東流各緣由專摺由六百
 里馳陳伏乞

皇上聖鑒訓示再此案臣曾商楊載福自行具奏楊載福以
 水陸援應上下奔馳咨請由臣轉奏又因道梗十餘日文報不
 通是以陳奏稍遲合併聲明謹
 奏

奏稿卷十五

三

上溪口江灣兩營失陷摺 咸豐十年十二月十三日

奏為上溪口江灣兩處營盤失陷現籌收集整理恭摺具奏仰

祈

聖鑒事竊臣於九月底調集鮑超張運蘭兩軍進逼休甯分紮西館迪祥湖一帶因上溪口江灣兩處為賊南竄之路當於徽防內調取凱迭勇義勇安健勇廣武軍果勝軍果敢軍等營飭令已革副將楊名聲整理成軍駐紮上溪口一帶飭令副將王夢齡所帶良勇協同副將程永年所帶池州兵廣威勇各紮江灣一路以資扼守自十一月十四日鮑超一軍由西館撤退前赴景德鎮之急上溪口江灣兩處防營頗形單薄又無可以籌

奏稿卷十五

五

撥協守之兵正深焦慮旋於十七十八兩日據報上溪口營盤為休甯城賊撲陷江灣營盤為屯溪之賊撲陷而婺源一路警報迭至矣據楊名聲稟稱十一月十六日賊匪分三路來犯一由汪溪橋直撲頭敵營盤一由石田小路橫抄廣武軍果勝軍之右一由迴口祖地山徑攻南岸各營三路賊眾約四五萬人登山俯瞰吶喊搖旗我軍寂靜無譁相持兩時之久南岸一股被果敢安勇兩軍鎗礮環施賊勢稍沮旋即涉水過河併力夾攻北岸營盤都司譚加耀帶隊衝突往返鏖戰斬敵數百人該逆抗拒自辰至申絕無退意楊名聲候其氣餒正欲督帶馬隊前往策應不料該逆突出一股繞街市之後直撲凱勇小隊千

總胡明昭棄營而走各營登時驚擾楊名聲親堵濠邊手刃二勇眾心稍固而北岸諸軍又被賊圍楊名聲馳馬過橋接應忽有騎賊五名從後追逐刀矛攢刺腰腿兩處受傷墜馬落水遇救獲生而各營弁勇傷亡過半不敷守禦持至酉刻南北各營先後失陷此十六日上溪口營盤被陷之情形也據王夢齡稟稱十四日撲犯江灣之賊被我軍擊退十五日黎明該逆大股傾巢而來王夢齡即飭各軍憑營固守程永年親督守備馬登榮李金山率領弁勇三百人往來野戰該逆始分三股繼添四股圍撲我營十餘次經馬登榮李金山帶隊抄擊相持至未刻逆眾忽退二里餘惟遠近山梁十數股仍未收隊王夢齡當令

奏稿卷十五

五

各軍趕緊造飯以備飽騰再戰賊忽分十數股由遠山繞赴江灣村市散紮街衢復於村頭各處築卡王夢齡即督帶馬登榮李金山回村鏖戰該逆死力相持馬登榮怒馬縱橫衝擊忽被洋鎗打穿鼻梁立時陣亡外委鍾洪興楊大榮亦歿於陣李金山肚肋又受矛傷正鏖戰間忽報賊眾各負門版圍撲我營鎗礮擊之不退王夢齡恐營盤有誤即帶隊回顧各營時村後街市火光燭天重以木石堆卡欲阻我軍迎擊之路王夢齡即諭各營奮勉出戰時已交亥賊仍重重更換圍裹不得已密商程永年督率各軍短刀巷戰分路衝出以圖再振此十五日江灣營盤被陷之情形也 臣伏查江灣上溪口兩處當祁門之東路

婺源之北境一有疎失則藩籬盡撤賊得長驅以入江西境內
現在偽忠王李秀成大股即由此路以犯江西圍撲玉山縣城
已革副將楊名聲候補副將王夢齡程永年駐防數月有險可
扼乃不能堅守待援實屬怯懦無能王夢齡程永年均應請
旨即行革職不准留營楊名聲係業經參革之員亦不准留營
潰退兵勇交署湖北提督江長貴收集整理陣亡員弁另繕清
單請

旨交部議卹其休甯縣各仗陣亡傷亡之將弁暨水陸前後
陣亡病故人員一併開單請

旨分別賜卹以慰忠魂所有上溪口江灣兩處營盤失陷緣由

奏稿卷十五

三五

專摺由驛馳陳伏乞

皇上聖鑒訓示謹

奏

硃批王夢齡程永年均著革職與前已參革之楊名聲俱不准
留營單開之徐祚明等均照所請分別議卹該部知道單併發
欽此

黟縣官軍勝仗摺 咸豐十年十二月十三日

奏為黟縣官軍迭次擊退犯嶺股匪并迎剿竄撲小溪漁亭之
賊大獲勝仗各情形恭摺具奏仰祈

聖鑒事竊偽忠王李秀成於十月二十一等日糾合大股
突犯羊棧嶺防擾及黟縣經鮑超張運蘭合軍痛剿追出嶺外
於十月二十六專摺奏明在案李逆敗後即繞入徽城旋復於
十一月十九日竄至婺源二十八日竄至玉山而羊棧各嶺之
外賊蹤時復屬集狡計窺伺圖犯祁門北路臣飭參將楊鎮魁
游擊蔣信玉分帶禮字前後兩營協同參將張應超之百勝軍
合紮盧村盧村者去羊棧嶺十里去黟縣二十五里令其深溝

奏稿卷十五

三五

高壘如有嶺賊闖入壁堅勿戰飛報請援以圖夾擊之勢十一
月十七日逆目古隆賢賴裕新糾合大股分三路突犯羊棧桐
林二嶺乘霧入卡遠抄盧村諸營之後楊鎮魁等閉壁堅守張
運蘭派左翼黃萬友六旗朱紹輝各六成隊馳往援應六旗從
左路進左翼從右路進該逆拚命力抵相持一時之久適五旗
亦來助勦聲勢彌壯禮字兩營百勝軍開壁齋出與援兵併力
猛攻斃賊四五百人賊由新嶺山中遁去是日諸營獲勝以賊
遁未遠戒備益嚴十九口嶺外添賊萬餘直於盧村左側築造
二壘為久踞以犯祁門之計維時景德鎮危急臣調鮑超全軍
赴援景鎮雨阻未能拔行賊不知其尚在祁門也因密派升用

總兵副將宋國永率霆字四營河溪營之七成隊并華字營黑龍江兩馬隊馳赴黔縣是日風雨交作不能開仗二十日辰刻諸軍會合盧村老湘營左翼黃萬友四旗劉松山陷陣橫截賊為兩段二旗張添習六旗朱紹輝繞出羊嶺斷賊歸路宋國永督霆字各營由盧村進攻兜剿禮字兩營百勝軍兩馬隊前後一齊突出為擊為抄賊勢大潰諸軍跟蹤追殺屍遍野血流成渠餘匪紛竄狂奔器械拋棄殆盡歸路既斷賊皆緣岩而遁我軍追者反出其前墜岩冒樹渙散哀號逃出嶺外此二十日諸軍合戰盧村大獲勝仗之實在情形也自是嶺外之賊漸覺膽寒不敢入犯而休甯城中之賊因鮑超回剿景鎮張運蘭一

奏稿卷十五

軍退駐葉村步步逼犯由藍田擾及小溪一帶張運蘭見我軍益孤賊勢益張思所以懲創之二十四日派三旗易開俊由中路進四旗劉松山沿山邊右路五旗劉光明沿山邊左路六旗朱紹輝由珠坑搜洗而進未刻行至小溪該逆分途擺列愈聚愈多鏖戰半晌各村賊館如蠶房之齊出劉松山見正路賊數甚厚分兵往應適六旗朱紹輝中軍張恒祥左翼黃萬友均各帶隊趕到賊見我軍大集勢遂不支各旗乘勝追殺斃賊約三百人我軍亦受傷數十名把總賀元峰力戰陣亡此二十四日張運蘭一軍小溪獲勝之情形也休城之賊自小溪敗後餘匪仍退踞藍田其另股在鄧公橋一帶屯聚者約眾萬人探知自

浙而來與休賊互為聲援逼近漁亭一路臣因鮑超撤退以後惟漁亭為前敵最要之區因令張運蘭派一二兩旗宋夢蘭帶安勇兩營又雷霆字副中副後副左副右四營合紮漁亭以厚兵力二十五日有賊騎十餘突至安營牆下往返窺伺經我軍擊斃二人賊即遁去二十六日該逆合眾萬餘徑犯漁亭騎賊百餘已駛至安勇壕外霆字營將官婁雲慶會同副左副右副後三營并湘勇二旗各派六成隊出擊該逆見我軍猝至堅踞大橋整隊抗拒副中副後二營衝鋒副左副後二營接應安勇由右邊山下湘勇由左邊山下兩路抄擊該逆不能抵敵奪命狂奔我軍愈進愈奮追至岩脚殺斃偽宰相黃世瑚偽宣傳吳

奏稿卷十五

斌生偽將軍劉廣偽指揮李逆四名老賊千餘名正追殺聞忽報上溪口之賊從南路來犯我軍自東路收隊回營申刻南路賊眾萬餘衝至漁亭街口霆字四營婁雲慶余大勝劉順隆熊鐵生會同一二旗張添習潘運璋陳青雲分路掩殺追至牌嶺日已向暮副後營衝過牌嶺追至當金街該處山路險窄只能魚貫而進不能排隊衝擊副後營哨官游擊銜儘先都司陳青雲守備胡克勝衝入街內遇伏陣亡婁雲慶熊鐵生各督本隊截殺伏賊數百名更初收隊回營此二十六日早擊休甯賊匪暮擊上溪口賊匪之實在情形也查黔縣官軍十日之內凡四大戰其抽隊助打行仗者遠至八九十里近亦四五十里風

雨嚴寒往返馳逐實因賊股眾多不能不東奔西救為變化莫測之象仰賴

聖主威福有戰皆捷盧村一役該逆精銳殆盡尤足以寒賊膽

而快人心陣亡將弁另行彙開清單請

旨交部議卹所有夥縣各軍迭次擊退犯嶺股匪并迎勦竄撲

小溪漁亭之賊獲勝各緣由理合專摺由驛馳奏伏乞

皇上聖鑒訓示謹

奏

奏稿卷十五

奏

湖南設立東征局請頒發部照摺咸豐十年十二月二十
奏為湖南官紳設立東征籌餉局辦有成效應請仿照江西茶捐章程頒發部照隨時獎敘恭摺會奏仰祈

聖鑒事竊湖南一省向稱瘠苦之區年來防勦本省援應鄰封兵勇分道四出而餉需猶能為繼良由經理得人取民有道前此助勦江西協濟黔粵歲費百餘萬兩久在

聖明洞鑒之中本年夏間臣與左宗棠在湖南招募勇丁數近

二萬餉項軍裝為款甚鉅皆由湖南竭力協濟得以從容集事

臣以一省之物力只有此數協助外省者日多則供給本省者日少此有所盈則彼有所缺本不欲再用湖南之餉致蒙竭澤

奏稿卷十五

單

而漁之譏無如添募勇丁添製鎗礮添造船隻在在與湖南相

交涉不得不借資湘中之力挹注皖省之師爰與湖南撫臣熟

商札飭臬司裕麟道員黃冕鄭元璧等會同藩司文格在於長

沙設立東征局凡鹽茶貨物酌抽釐金於商民稅則所增無幾

而於本省釐務兩不相妨臣與官文胡林翼等所統各軍同係

東征之師同值缺餉之際議定東征局所籌餉項以三分之二

解江西糧臺協濟皖南一軍以三分之一解湖北糧臺協濟皖

北一軍又會同遴派翰林院編修黃錫彤員外郎郭徵疇候補

道陶枕知府彭汝琮胡鏞黃廷瓚黃芳知縣馮晟等各官紳設

立分局襄同辦理本年七八月內次第開局臣以隔省籌餉事

涉煩難未敢遽行入奏九月間夷氛內犯該局官紳聞臣有帶兵入衛之奏益復倡明大義急湊東征之餉先犒北上之師由是規模漸定眾情胥協現已報解銀三萬五千兩其在局製械造船所費尤多洵屬力拯時艱著有成效惟是另設一局與本省抽釐不同凡鹽茶各商抽收較多者應仿照江西茶捐之例給與獎敘合無籲懇

天恩飭部頒發執照二千張內監生照一千張從九照八百張各色職銜封典翎枝照共二百張寄至湖南巡撫衙門轉交東征局司道經收填用近歲以來屢蒙我

皇上諭旨褒嘉湖南官紳有裨大局今茲時事彌艱猶能多方

籌措謀及皖吳之師雖出自該局官紳報

國微忱亦足見

聖主仁言感人之深有以激發於不自已所有湖南官紳設立

東征籌餉局請飭頒發部照緣由謹會同湖廣總督臣官文湖

北巡撫臣胡林翼前湖南巡撫臣駱秉章署湖南巡撫臣翟誥

恭摺由驛馳奏伏乞

皇上聖鑒訓示謹

奏

硃批著照所請行該部知道欽此

官軍扼守景德鎮會剿洋塘大捷摺咸豐十一年正月二日奏為官軍扼守景德鎮疊獲勝仗旋追賊至洋塘會剿大捷恭摺奏祈

聖鑒事竊襄辦軍務候補四品京堂左宗棠一軍駐紮景德鎮連克德興婺源二城經臣於十一月二十八日奏明在案左宗棠本擬由婺源進攻徽州因接到臣函知建德不守普承堯一軍潰退逆賊黃文金大股已竄饒州連陷江西數縣飛調各營由婺源回景德鎮十一月十一日探知賊已竄近離鎮五十里之規田街即於鎮後馬鞍山一帶修築營壘并飭團紳方雪昌等於鎮上之里市渡趕造浮橋十二日即選道王開化訓導楊

奏稿卷十五

聖

昌濬劉典等各帶親兵十餘人過河至羅家橋洪源等處察看地勢遇賊前鋒突至王開化等按轡徐歸方過浮橋賊騎亦至副將崔大光用劈山礮轟斃騎賊數名賊始卻退探報賊之大隊已逼浮梁縣城隨飭各營循河岸繞出截勦賊眾鼠伏不出而伺官軍收隊後竄陷浮梁縣城十三日令各營五更出隊進攻浮梁之賊分兵守里市渡及下游之西瓜洲賊之踞羅家橋者伺我軍隊伍上赴浮梁即擁眾至對岸先攻里市渡浮橋復由中渡駛至西瓜洲均經我軍擊退浮梁之賊亦即遁去十四日賊以千餘人列里市渡以千餘人列中渡其大隊直趨西瓜洲踞淺過河約渡至二千餘人之多排陣如新月之式比派中

營由鎮中街出前營游擊羅近秋由河街出前總哨都司黃有
功繼之左營都司黃少春由後街出後總哨都司李世顏繼之
中營先到列隊洲頭鎗礮排放賊眾伏地不動參將睦金城干
總章榮先都司張志超帶隊衝擊賊復抵死拒敵適羅近秋等
由左右兩路抄出王開化楊昌濬率親兵由中路繼進賊大驚
潰望水狂奔我軍泅水追殺先鋒悍賊百餘生擒數十名溺斃
者無算其對岸之賊復磨中渡以下數股擁至河邊輪放鎗礮
我軍亦分三層排列劈山抬鎗隔水轟擊又值從九朱明亮副
將王明輝參將丁長勝亦各帶隊前來策應賊見我兵層出不
窮遂翻山竄去十六日賊悉回竄洗馬橋珠田界牌等處此賊

奏稿卷十五

望

匪初次至景德鎮我軍力戰擊退及收復浮梁縣城之實在情
形也左宗棠以賊之前股雖退而黃文金大股必將復至遂令
老湘桂營堅扼婺源前後兩總哨堅守浮梁縣城又令楚軍四
營於觀音閣至西瓜洲沿河挖濠修築水牆嚴飭各營日夜防
守灘口自浮城至朱村李邨四五十里間輪流梭巡二十三日
洗馬橋之賊果回竄至羅家橋龍頭山一帶二十四日中渡集
家洲西瓜洲老虎灘金魚灘鮎魚山等處各有賊數百踞淺渡
河均經我軍擊退是夜探報偽賊目黃文金即黃老虎率黨二
萬餘由湖口鄱陽竄至二十五日賊先出千餘人列里市渡由
龍頭山出六七千人至西瓜洲對面層層排列官莊以下直至

鮎魚山分爲五路每路約三四千人旗幟滿山騎賊數十由老
虎灘衝過被桂勇轟退各灘口均爲我軍力拒鎗礮連施賊眾
披靡傷斃多名賊目李遠繼先以千餘人向葉家洲牽制我師
而大隊由上流高家灘過河頃刻間亮水而過者約三千餘人
未渡者不下萬餘前數十騎由揚湖街大路直趨景德鎮丁長勝
帶隊由李村捷徑迎擊立斃騎賊三名丁長勝身受矛傷裏創
血戰副將陳明南從衝內小路殺出副將喻勝榮游擊王開琳
從浮梁對面山內抄出副將王明輝復帶隊趕到右營後營亦
各率隊伍正路衝殺三面圍攻愈戰愈猛該逆大敗返奔過河
我軍乘勝追擊斃賊數百名墮水死者不計其數其另股賊攻

奏稿卷十五

望

浮梁縣城者亦經李世顏等各潛奪獲木梯保全堅城據生擒
賊供是日陣斬偽指揮三名二十七日賊目黃文金擁眾復犯
浮梁又經我軍擊退適臣派綏靖鎮總兵鮑超由祁門回援景
德鎮前隊已到是夜四鼓賊相率遁歸規田街曹家渡等處此
黃文金大股續犯景德鎮官軍憑河堅守力遏兇鋒之實在情
形也賊由景德鎮退後至鄱建交界之石門洋塘等處與左宗棠
鮑超兩軍相持雨雪連綿不能開仗臣於上年十二月二十八
日附奏在案嗣左宗棠由右路進扼梅源橋鮑超由左路進扼
洋塘該逆復從下游添集賊黨麇聚於洋塘對岸之雞公坡并
由謝家灘泥灣街一帶層層築壘聯絡二十餘里我軍因雪雨

阻河未能出擊而賊時由謝家灘踰淺過河聯騎結隊意圖潛撲鮑超營壘之後正月初九日左宗棠派令駐紮洋塘山北之四營游擊羅近秋等排列雞公坡河邊以護鮑營老營并派桂勇楚右營列隊洋塘左邊以防該逆由童家灘抄襲之路鮑超自率所部由洋塘山左前進一意專擊下游之賊詎該逆潛匿謝家灘乘夜修搭浮橋三座是日寅刻出有悍賊數千渡河而南伏於村房又有騎賊數百領步隊數千直趨謝家灘中路其旁一支由童家灘過河明突暗抄共分三路復於謝家灘對岸山尖密排賊隊吶喊助勢鮑超派中營副將陳由立仁字營守備唐仁廉副前營副將蘇文彪進攻中路靈前營副將黃

奏稿卷十五

聖

慶靈左營副將鄭陽和河溪營游擊蕭以德進攻左路以訓導伍華瀚華字營馬隊輔之靈右營副將陳得勝靈後營副將張玉田進攻右路以游擊趙廷貴川海營參領明興黑龍江馬隊輔之正分撥間雞公坡之賊過河徑襲老營經陳得勝張玉田會合羅近秋等各隊開放連環鎗礮賊即敗退我軍遂於謝家灘三路并進該逆亦三路迎扞戰二時之久賊勢不支鮑超督飭各營乘勝猛擊直抵浮橋殺斃悍賊二千餘名該逆奪橋而走我軍追殺擁擠溺斃之賊數百名有過橋不及鳧水逃溺者有逃竄下游過河經任星元礮船擊斃者賊之前隊懼官軍追剿河北已將浮橋斫斷鮑超飭陳由立唐仁廉等由淺灘分

途過河圍殺一時之久賊屍山積內有黃袍賊及紅袍賊目十餘名駢死其中我軍乘勢將謝家灘一帶賊壘全行踏平該逆後隊山岡之賊突又層層來援我軍愈戰愈奮將賊衝為數段該逆狼奔不顧日暮收隊回營是日計斃賊四千餘人溺斃逃散者不計其數據生擒賊供稱逆首林世發許茂才死於亂軍黃文金身受重傷奪獲鎗礮器械旂幟數千件初十日黎明鮑超會合左宗棠所部出隊過河雞公坡之賊已踉蹌宵遁我軍追至鐵鑪港地方該逆分兩路一由建德回竄青陽一歸併彭澤另股鮑超與左宗棠分派之營跟蹤追剿以清西路左宗棠仍回駐景德鎮稍休兵力以防東路此正月初九日洋塘大獲

奏稿卷十五

吳

勝仗之實在情形也臣查逆首黃文金為著名梟悍之賊自去年十一月撲陷建德蔓延鄱陽浮梁等縣其時臣在祁門三面皆賊僅畱景德鎮一綫之路以通接濟該逆盡銳攻撲欲得甘心賴左宗棠之謀鮑超之勇以守則固以戰則勝用能大挫兇鋒化險為夷洵足以寒賊膽而快人心所有出力員弁可否併入前案彙保出自鴻施陣亡之游擊周芸亭等三十員名另繕清單請旨交部從優議卹以慰忠魂所有官軍扼守景德鎮及追賊洋塘會剿大捷各緣由專摺由驛六百里馳奏伏乞皇上聖鑒訓示謹

奏

奏稿卷十五

聖

逆匪分犯大赤大洪二嶺迎勦獲勝摺咸豐十一年正月二十四日
奏為逆匪分犯大赤大洪二嶺進撲祁門老營官軍迎勦獲勝
追賊出嶺恭摺奏祈

聖鑒事竊祁門西北兩路嶺隘紛歧西路之大赤嶺北路之大
洪嶺尤為扼要臣於去年十月內閱視祁黟東北一帶嶺防派
副將唐義訓躡看祁西各嶺形勢在於大赤嶺頭修築柵卡並
分防大小樑根嶺派撥祁門老營更番戍守大洪嶺向有徽防
戍兵近日提臣江長貴駐紮柏溪更於大坦湘源兩處節次設
防以固門戶疊經嚴飭諸將慎密扼守正月初六日午未間連
接西北兩路探報石埭大股賊匪同日分犯二嶺大洪嶺一股

奏稿卷十五

吳

都司曹貴迎擊受傷退至長排經江長貴派隊援應該逆退伏
嶺脚時已昏暮不能測其蹤跡大赤嶺一股副將黃惠清迎擊
傷亡弁勇多名且戰且退當夜折回祁門賊已竄至歷口臣以
該逆兩路進犯不利分擊當俟其來撲時堅守營壘添調外援
為夾擊之計初七日探知大洪嶺之賊經江長貴督隊擊退防
兵仍至嶺頭堵塞卡隘北路可保無虞而大赤嶺竄入歷口之
賊乍前乍卻探報歧異臣以北路既穩於初八日辰刻派副將
唐義訓統領強中湘前及前左前右春字等營馳赴歷口一帶
迎勦詎我軍行至距祁二十里之石門橋賊已距橋不遠唐義
訓與各營官登高瞭望見白旗之匪約二千餘人擁至橋外田

龔見官軍大至排列未動橋外山岡黃旗黑旗花旗諸逆分三大股約計四五層遠山之外遙望旗幟紛紛不見其尾唐義訓與各營官商派哨隊分爲三路以黃惠清一支伏於橋左山衝以副將沈寶成成都司張遇春一支伏於橋右山後唐義訓督同通判朱聲隆當中一路排列橋頭及附近山上以候選知縣易潤壇督領接應各隊分派甫定揮令中路過橋白旗之賊徑由田壘猛撲而前我軍鎗礮齊施該逆隊仍復搖旗大進白旗賊拚命抗拒戰約半時之久我軍伏兵齊起黃惠清由左路衝內突出沈寶成張遇春由右路山後突出易潤壇後隊繼至左右兩路均翻山包出賊後礮斃騎賊一名殺悍賊數十名唐義

奏稿卷十五

訓朱聲隆乘勢揮令猛進中路賊勢不支我軍一齊猛撲聲振羣山該逆且退且拒各軍追殺純從兩旁包抄賊尸縱橫鬪林墜石拋棄旗幟鎗械無算窮追三十餘里至武陵嶺外距祁已五十里矣酉刻收隊回紮小路口適前派駐防榔根嶺之震字營官馬復震亦來會合初九日早唐義訓率各軍出隊過嶺仍分左右中三支并進敗賊之回聚厯口程村者望見官軍掩至驚潰而走我軍追勦直出赤嶺之外是役計斃賊千餘名生擒一百三十五名陣斬賊首麟天豫古得金獲其偽印奪獲旗幟二千一百餘面鎗礮二百三十餘件騾馬百零五匹我軍傷亡百餘名經唐義訓稟報前來查此股逆匪即去年十一月內

撲犯羊棧嶺竄踞廬村之賊經我軍大加懲創甫歷四十餘日復敢直犯祁門據生擒賊供該逆謀知處官軍盡回勦景鎮一帶祁門老營空虛意欲攻我不備計殊狡毒此次擒斬渠魁賊之器械拋棄殆盡足以寒逆黨而快人心副將唐義訓與記名總兵朱品隆二人由李續賓部下調至處樸實耐勞心思靜細口不言功去年克復建德及此次保全祁門均能以少勝眾所有出力將士籲懇

天恩併入建德案內開單請獎陣亡各員另摺懇請賜卹以慰忠魂所有逆匪分犯大赤大洪二嶺進撲祁門老營官軍迎勦獲勝緣由理合專摺由驛馳奏伏乞

皇上聖鑒訓示謹

奏

近日江皖賊勢軍情片 咸豐十一年正月二十四日

再祁門以北係石埭太平古劉賴各股賊匪去冬以來黟縣漁亭及羊棧大赤諸嶺屢次大戰迭經陳奏在案祁門以西係偽主將黃文金大股自去冬內犯江西所有湖口之守景德鎮之防洋塘之戰亦經上年及此次分別奏報現在賊退下隅坂尙力拒鮑超一軍相持未決祁門之東係偽忠王李秀成大股上年連陷皖南之江灣婺源浙江之常山江山本年正月圍攻玉山廣豐廣信三城均經官軍竭力堅守解圍以去現在竄至鉛山之吳坊陳坊等處有入擾江西腹地之意距祁門老營相去六百里外兵力實難兼顧臣已飛咨江西撫臣飭劉于濬堅守撫州府城飭黃鳴珂堅守建昌府城並飛調魏喻義一軍駐紮江西省城預爲籌防或可保全無虞所有江皖交界賊勢軍情理合附片具奏伏乞

皇上聖鑒謹奏

奏稿卷十五

辛

曾文正公奏稿

卷之十六目錄

官軍破賊黃麥鋪饒九境內肅清摺 咸豐十一年二月初八日

擬移駐東流建德抽出霆軍片

攻破上溪口賊巢進克休甯摺 二月十七日

近日江楚軍情片

官軍分剿婺源樂平大股竄匪摺 三月二十四日

嶺外逆匪竄撲西北兩路分剿大勝摺 全日

進攻徽州未能得手摺 全日

景鎮失陷陳大富陣亡請卹摺 全日

奏稿卷十六目錄

江皖大局片

官軍破賊樂平鄱景浮樂一律肅清摺 四月初二日

近日軍情片

官軍攻赤岡嶺賊壘悍賊殲除摺 五月十八日

代遞唐鑑遺摺摺 全日

收復徽州府城摺 五月二十八日

近日軍情片

覆陳左宗棠軍不能赴浙摺 六月初八日

覆陳華祝三臚奏摺 六月十八日

近日三省軍情片

官軍破賊黃麥鋪饒九境內肅清摺成豐十一年二月初八日

奏為官軍破賊於黃麥鋪等處大股下竄江西饒九境內全數肅清恭摺奏祈

聖鑒事竊自上年十一月逆賊黃文金大股由建德入犯江西連陷數縣左宗棠鮑超兩軍堅守景德鎮大戰洋塘各情疊經奏報在案鮑超從洋塘跟蹤追賊至彭澤之下隅坂左宗棠亦派楚軍四營由右路馳追駐紮小麥鋪地方該逆勾結青陽銅陵援賊一支仍踞建德縣城大支盤踞金家村黃麥鋪一帶意圖抗拒復犯景鎮正月二十六日鮑超商令皖南鎮總兵陳大富列隊建德牽制城中之賊而自率大隊馳至黃麥鋪賊見官

奏稿卷十六

軍突至層層密排山谷皆滿不見其後鮑超派霆左營副將鄧陽和霆中營副將陳由立馬隊訓導伍華瀚楚前營游擊羅近秋楚左營都司黃少春霆右營副將陳得勝由左路攻擊又派霆前營副將黃慶霆後營副將張玉田前旗都司黃有功後旗都司李世顏黑龍江馬隊佐領明興霆副前營副將蘇文彪由右路攻擊自率副將宋國永唐仁廉蕭以德等從中路進賊見我軍尚未成列遽來撲犯漫山遍野聲振萬壑鮑超督飭各營三路齊進鎗礮密施刀矛並舉鏖戰三時之久賊陣稍動我軍乘勢壓之如牆而進追奔四十里愈戰愈奮該逆有撲港淹死者有懸岩跌斃者尸橫遍野血濺林谷鮑超復令各營搜山躡

曾文正公奏稿 卷一六

伏追至建德適陳大富與水師萬化林會攻城賊克復縣城約共斃賊六千有餘淹斃跌斃逃散者共計萬餘生擒偽琳天福一名偽鼎天侯一名琳天侯一名擎天裕將軍各一名檢點三名丞相二十二名長髮老賊三百餘名當即訊明正法奪獲槍礮旗幟刀矛不可數計據左宗棠鮑超先後咨報前來臣伏查上年冬月以來逆目黃文金從建德入犯江西連陷數城意在斷祁門之糧路解安慶之重圍賴前有景鎮之守洋塘之捷茲又於黃麥鋪獲此大勝江西饒九等屬全數肅清轉危為安實屬有裨全局提督銜綏靖鎮總兵鮑超勇冠三軍每戰必克顯懇

奏稿卷十六

天恩交軍機處記名遇有提督缺出請旨簡放陣亡之守備曹有餘請交部從優議卹所有黃麥鋪破賊再克建城緣由恭摺由驛馳奏伏乞皇上聖鑒訓示謹

一八三

擬移駐東流建德抽出霆軍片咸豐十一年二月初八日

再偽忠王李秀成股匪由廣信內犯意圖竄擾江西腹地臣於正月二十四日附片具奏在案厥後李逆果圍建昌府城晝夜環攻安肅道劉于濤派兵救援正月二十七八九等日屢次開仗尚與城中文報不通無論能否解圍而大股既入內地則或犯南昌省垣或犯瑞州臨江皆不可不預為之防必須有大支勁旅馳往援剿庶江西完善之區不至糜爛又皖北四眼狗大股勾結捻匪四路狂竄聞霍山官軍敗挫准撫臣胡林翼商臣處派兵救援北岸亦須有大枝勁旅渡江援剿庶安慶垂成之功不至中棄臣處兵力祇有此數現在張運蘭一軍防剿徽

奏稿卷十六

三

州休甯之賊左宗棠一軍防剿新犯婺源之賊此外別無勁旅可作他處援兵萬不得已臣當移駐東流建德防堵下游池州蕪湖各股而抽出鮑超一軍作為游擊之師或馳援江西腹地或馳援皖北各路視其尤急者而應援之或可少遏凶鋒是否有當理合附片具奏伏乞

皇上聖鑒訓示謹

奏

攻破上溪口賊巢進克休甯摺咸豐十一年二月十七日
奏為官軍攻破上溪口賊巢進圍休甯縣克復城池恭摺馳陳仰祈

聖鑒事竊自上年八月徽州失守後該逆竄踞休甯縣城經臣派霆字營老湘營屢次攻剿漸可得手適逆首黃文金一股竄陷建德連破五縣擾入浮梁景德鎮臣之糧道阻絕不得已調鮑超統率各營回剿僅留張運蘭老湘營霆字四營及編修宋夢蘭所帶安勇駐紮漁亭等處防堵徽州休甯之賊南路溪口自已革副將楊名聲潰敗後無兵駐守均經隨時奏明在案臣以休甯不克徽郡既不可圖即祁門亦終不甚穩新年以來

奏稿卷十六

四

屢據探報該逆多聚上溪口意欲抄截漁亭後路撲犯祁門正月十六日曾飭張運蘭攻剿上溪口一次逆眾敗退以兵單未能駐守詎該逆見我軍退後復率大股在於上溪口及河村石田小當等處層層築壘與休城屯溪之逆互為犄角力抗我師二月初七日臣派記名總兵朱品隆率湘前等營記名總兵唐義訓率強中等營參將葉光岳率親兵營由祁門前赴漁亭會同張運蘭老湘營進攻上溪口令漁亭霆字四營及宋夢蘭所帶安勇約期列隊牽制休甯城內之賊初九日湘前強中各營由牌嶺當金街一路進老湘營由李村凌村一路進均約於上溪口會齊老湘營行抵長豐江潭即見上溪之逆四山擺列旂

幟又於各大村房設立埋伏沿河兩岸徧插地鍼堅修重卡張
運蘭揮眾迎擊刀矛并進施放噴筒火箭賊巢火起一面將卡
邊裝板伏行刀砍乃破重卡而入三旗官易開俊帶傷追至
河干百長廖定陞殺悍賊數名賊遂大潰時河村之賊復出萬
餘過河迎敵適湘前強中親兵各營先破石田堅卡乘勝而來
并至上溪聲勢彌壯大呼疾進橫出腰擊先將上溪口下面一
帶賊壘燒燬該逆紛竄狂奔我軍沿河分兩路窮追抵石田地
方又有賊營六座合攻夾擊火器齊施遂將河村賊營一併踏
破賊向小當敗走該處復有伏賊接應敗匪回旗抗拒朱品隆
唐義訓等揮令各軍愈前愈奮同知朱聲隆從九禹志連縣丞

李公選帶領後隊一齊趕至并將小當援賊全行擊敗沿途殺
斃逆匪二千餘名墮岩投水者不計其數生擒偽領天豫鄭逆
將軍洪天勝檢點李德全等二十八名髮賊八百四十餘名解
散難民以數千計奪獲偽印六十餘顆驢馬百餘匹旗幟器械
無算此二月初九日攻破上溪口賊壘之情形也是日漁亭
營安勇亦出隊至藍渡一帶亦將該處賊卡燒燬直抵休甯縣
城該逆負固不出朱品隆唐義訓張運蘭等次日會商該逆經
此番痛剿城賊必已膽寒急宜乘勝圍攻十一日各營會抵城
下四面環攻該逆但於城上轟放鎗礮我軍亦用噴筒劈山礮
對擊傷斃城上悍賊多名唐義訓復令朱聲隆葉光岳胡玉元

等督帶馬隊佯退河干誘賊出城而猛撲之該逆堅不敢出我
軍如牆而進扒城及被礮子傷者不下四百餘名各營銳氣不
爲少卻誓欲拔此堅城張運蘭朱品隆等遂商定暫退詰朝再
來環攻該逆見我軍圍剿甚猛全股已於是夜三更時分路遁
走比及天明各營追近城邊業已退盡當將休甯縣城收復查
視城上更棚五百餘座均各完固拋棄刀矛器械甚多各軍以
半分守各門以半由屯溪徽郡一路追剿此二月初九十一日
攻克休甯縣城之情形也臣查休甯之賊踞城將及半載牽綴
我師不能進取賴上溪口一戰連踏逆壘大挫凶鋒城逆膽寒
遂得一攻而克仰仗

奏稿卷十六

六

聖主威福士卒用命布政使銜河南開歸陳許道張運蘭平日
苦心訓練臨陣寓節制於奮猛之中籲懇
天恩請交軍機處記名遇有按察使缺出請
旨簡放記名總兵朱品隆唐義訓熟於分合之法勇而能靜願
懇
天恩簡放總兵實缺江蘇補用參將葉光岳請免補各缺以副
將仍留江蘇遇缺即補湖南補用參將胡玉元請免補本班以
副將仍留湖南補用江蘇補用同知朱聲隆請
賞換花翎候選縣丞李公選請以知縣不論雙單月遇缺即選
並加同知銜即選從九禹志連請免選本班以府經歷留於江

蘇儘先補用並加五品銜其餘出力員弁容臣擇尤彙奏請獎
受傷人數較多俟醫調後查明陣亡人員另單請卹所有攻破
上溪口賊巢克復休甯縣城緣由恭摺由六百里馳陳伏乞
皇上聖鑒訓示謹

奏

奏稿卷十六

七

近日江楚軍情片 咸豐十一年二月十七日

再江楚軍情偽忠王李秀成由廣信府內竄圍建昌府城撫
州喫緊江西省城亦為震動偽英王陳玉成由霍山內竄直入
蕪黃湖北省城亦為震動臣擬自赴東流建德一帶抽出鮑超
一軍援應兩處曾於二月初八日附片奏明在案茲據劉子溥
稟稱建昌之賊開挖地道城中兵不滿千危在呼吸援師敗挫
賊蹤跟至撫州等情臣查撫建去省甚近關繫甚大已飛調鮑
超一軍由九江一帶馳赴江西省城先顧根本次援撫建臣因
休甯新克徽州可圖暫緩移營仍駐徽州境內惟鮑超之軍一
動祁門西路建德一帶又將為賊所踞左宗棠之軍小挫一次
祁門南路浮梁一帶亦恐為賊所阻臣惟有激勵將士力攻徽
郡以通浙江之氣而開米糧之路所有近日軍情理合附片具
陳伏乞

皇上聖鑒謹

奏

奏稿卷十六

八

官軍分剿婺源樂平大股竄匪摺咸豐十一年三月二十四日

奏為官軍分剿婺源樂平等處大股竄匪三次大捷一次小挫謹將先後接仗情形恭摺奏祈

聖鑒事竊左宗棠一軍自追賊洋塘擊退黃文金大股後即回駐景德鎮扼防東路三月十七日據左宗棠咨稱偽侍王李世賢糾合大股逆匪竄陷婺源分踞清華街左宗棠分派各營相機防剿親率中營繼進二月初二日飭老湘營右營拔行初三日進紮傅村探知清華之賊分踞石嶺嚴田一帶意圖由甲路分犯浮梁景德鎮游擊王開琳與知府王開來從九張聲恆朱明亮等計商初六日進紮甲路扼之是日黎明各派八成隊已

奏稿卷十六

九

刻抵甲路甫築營壘賊已由石嶺嚴田揚旂蜂擁而來王開琳王開來會飭各營嚴陣以待午刻始令前旂由右路捲旂潛出後旂由左路捲旂潛出號鼓齊發左右兩旂及侍壯勇由中路衝出桂營右營繼之賊於田壘中層層列陳抵敵各營奮威衝殺鏖戰一時斃賊四五百名賊始敗走我軍乘勝力追賊忽回頭猛抵如是者數次我軍陣斬騎賊二百餘名步賊二千餘名生擒百餘名奪獲刀矛旂幟無算是夕賊退清華街初七早仍糾大股徑撲甲路營盤我軍奮擊卻之據生擒賊供清華街之賊實有四五萬人專力攻撲甲路直犯浮梁景德鎮王開琳等稟請加兵助剿左宗棠飭游擊羅近秋都司李世顏各率所部赴

甲路助之旋據探報婺源之賊已竄過中雲初八日左宗棠親率中左後三營及前總哨馬隊營進駐鯉魚橋於是分駐甲路之八營與左宗棠相距漸遠首尾不能相顧初九日逆眾由石嶺分三支直趨甲路兩面山林內層層埋伏以萬餘人由中路搦戰王開琳會商右營與前旂潛伏左邊山內桂營與左旂潛伏右邊山內自率侍壯勇及右後兩旂分列正路壠中之賊張兩翼衝犯而來我軍嚴陣不動俟賊逼營正伏齊出殺賊四五百人其後股悍賊日夕揚旂紛來復經我軍直撲旁抄擊斃者約千餘人該逆大敗而走伏賊亦盡縮退此初六七暨初九等日甲路兩次大勝一次小勝之實在情形也是日探報婺源大

奏稿卷十六

十

股賊已由中雲竄黃沙入樂平界如蠅如蟻晝夜趨行刻無停趾左宗棠即率中左二營及前總哨移駐樂平之柳家灣飭後營駐紮黃泥頭橫出截之探報賊之前隊踞湧山後隊踞董門沿溝一帶是夜四更派左營前總哨及順字營馬隊由柳家灣左路進三汊攻勦董門沿溝之賊親率中營由柳家灣中路進分水嶺攻勦湧山之賊又調黃泥頭後營之隊亦由中路繼進十一日黎明齊抵該處始知湧山逆眾甫於四鼓竄過正擬躡蹤追勦忽見下路逆匪漫山遍野由沿溝湧山大路而來我軍返旂突出截之賊不知官軍之所自來蜂擁而至並有零騎由旁路抄出直奔左宗棠馬前即選道王開化訓導劉典磨諸哨

從中左兩路衝出守備史聿舟率所部躍馬而前斜截旁路守備蕭仁慈于總張顯榮等各帶隊奮威衝殺賊始退卻黃有功黃少春馬德順從沿溝兜剿而來賊復大潰追殺十餘里斃賊近三千人奪獲刀矛旗幟二千餘件騾馬百餘匹解散脅從極多此十一日橫擊樂平湖山沿溝之賊大獲全勝之實在情形也是日羅近秋李世顏兩營甫抵甲路忽後面之賊撲犯桂營當經擊斃悍賊十餘人前面之賊亦經老洲等營擊退該逆連夜在徽州添糾大股以圖合圍我軍十二日賊黨大至各營前後右三路面皆賊王開琳王開來張聲恆合前後右三旂堵擊正路朱明亮及左旂堵擊右路羅近秋李世顏堵擊後路該

奏稿卷十六

十一

逆三面併力直撲更番迭進勢殊凶猛游擊陳明南大呼陷陣手刃搖旂賊目三人即率所部橫躍入陣往來盪決賊眾盡靡不虞中賊飛礮登時陣亡我軍少卻王開琳等率各營極力堵截並擊斃騎馬黃袍賊目一名賊方併歸田壠漸漸縮退王開琳等以賊數愈增包圍愈近各營鏖戰數日子藥米糧已無存畱共議全師出險之策是夜三鼓各營五成隊居前輜重居後黎明以五成隊排列徐徐退出十六日乃全師還景德鎮共計先後陣亡五十餘人受傷者百餘此甲路一軍先大勝後小挫之實在情形也臣查李世賢股匪實有六七萬眾狡悍過於他賊經左宗棠一軍屢挫其鋒雖甲路小有疏失猶賴將士同心

全師出險實屬進止有方陣亡之藍翎參將銜湖南補用游擊陳明南前於克復德興婺源案內擬保花翎副將銜該員樸實勇敢忠義奮發此次衝鋒殞命實堪憫惻應請照副將例賜卹以慰忠魂其同案擬保外委陳石台擬保把總趙玉蓮曾文清喻拔元陳正彪均照擬保各職請卹所有官軍分剿婺源樂平大股竄匪三次大捷一次小挫各緣由理合恭摺具奏伏

乞

皇上聖鑒訓示謹

奏

奏稿卷十六

十一

嶺外逆匪竄撲西北兩路分剿大勝摺咸豐十一年三月二十四日
奏為嶺外逆匪竄撲西路歷口北路禾成等嶺分投擊剿大獲
勝仗恭摺奏祈

聖鑒事竊正月初六日逆匪分犯大洪大赤二嶺提臣江長貴
擊退北路大洪嶺之賊副將唐義訓擊退大赤嶺之賊前經奏
明在案臣以西路歷口地當要隘即於那門抽撥三營駐防歷
口以副將沈寶成統之二月二十三日西路擲根嶺外之賊破
卡而入竄至箬坑北路之賊亦破禾成嶺而入江長貴親督將
弁由柏溪馳援堵禦尚為得手西路箬坑之賊四出焚掠二十
五日圍撲歷口營盤屬集河洲約近萬人并有騎賊百餘扼據

石橋橫截我軍歸路奏稿卷十六後面山林中旂幟密布復有賊八九千人
自卯至午迭次猛撲各營將士堅壁固守不稍搖動但以鎗礮
擊之斃賊多名前者裏戶後者繼進臣於二十五日派記名總
兵竹山協副將朱品隆率湘前親兵等營由那門赴援歷口賊
聞援兵將至解圍以去二十六日黎明朱品隆派同知朱聲隆
文童楊德霖藍翎把總朱寶隆率八哨由歷口之右翻山包繞
而去朱品隆自與沈寶成易潤壇楊鴻烈李公選副將陳玉恆
都司張遇春藍翎從九楊慶春率十三哨由歷口之左沿河
擊而出以副將胡暉堂都司賀湘洲守備喻賢能各帶哨隊
後接應朱聲隆等行距汪村二里許正值賊匪大股前來因

隊不動賊已三次鼓噪始麾各哨猛擊之礮斃黃衣悍賊數名
敗而復進我軍愈戰愈奮賊且拒且走正掩殺間見汪村突出
騎賊百餘經我軍劈山礮擊中十餘人又見村後山中賊眾前
來抵敵適楊德霖朱寶隆已至山上喊聲大震朱品隆等將塘
下陳田葉村各匪擊中亦追抵汪村左右兩路合而為一賊遂
大潰我軍乘勝追至擲根嶺始行收隊計斃賊九百餘名生擒
偽丞相宋先祥等二十七名解散脅從以千計奪獲騾馬四十
七匹旂幟五百餘面敗賊悉遁嶺外此二十五日朱品隆赴援
歷口二十六日會剿箬坑大獲勝仗之實在情形也北路犯嶺
之賊二十三日竄撲禾成嶺卡并分犯湘源楓樹嶺等處江長

貴親督游擊王金鼎江國林守備達金龍等馳往援應已革副
將羅承勳抵禦嶺賊正在危急之際見援兵大至軍心始壯適
犯楓嶺之賊經都司馬登富守備達玉元二隊由湘源老嶺腳
兩路抄截賊遂合股直犯禾成愈戰愈多我軍併力衝殺賊始
敗退回巢江長貴防其再逞並慮其避實擊虛分犯方干釣魚
各嶺因令達金龍並帶馬隊星夜馳赴黟縣一面設伏備援以
杜窺伺旋據參將袁國祥稟報是日已有股匪竄犯方干嶺參
將黃朝陞都司謝永發俱已受傷將潰袁國祥分頭抵禦鏖戰
三時之久生擒十一名奪獲器械多件當將該逆擊出嶺外二
十四日大霧彌漫賊復分犯禾成楓樹大洪三嶺及湘源隘口

曾文正公奏稿 卷一六

江長貴派王金鼎專顧左路羅承勳專顧右路自率親軍及游擊林耀龍等掩旂息鼓以觀其變該逆於濃霧中吶喊三次蜂擁而至我軍舉發號礮伏兵齊出火器斃賊甚多適守備譚加耀千總張連芳率隊由嶺卡衝出賊眾大奔墮岩落澗死者不計其數其犯楓嶺之賊亦經江國林張占元等擊敗惟湘源一股尤為凶悍分三路來撲馬登富專壓右手山梁馬懷珍扼堵左手山梁相持兩時許達玉元徐國春等從中路憑卡轟擊斷其首尾斃賊無算其時都司曹貴亦由大洪嶺抄出策應賊見我軍厚集大潰出嶺是日犯方干嶺之賊經袁國祥與峯字禮字各營併力擊退犯釣魚嶺之賊經黃勝林達金龍等擊退此

奏稿卷十六

五

奏

皇上聖鑒訓示謹

二十三二十四日江長貴分頭擊退北路各嶺竄匪之實在情形也查嶺外逆匪屢逞狡謀此次竄撲歷口幸賴三營堅守朱品隆援兵得以從容策應江長貴於賊竄各嶺時尤能多方應變悉合機宜出力員弁應即附於前案保獎以示鼓勵所有西北兩路各軍擊賊出嶺緣由理合專摺馳奏伏乞

進攻徽州未能得手摺 咸豐十一年三月二十四日

奏為官兵進攻徽州未能得手恭摺奏祈

聖鑒事竊偽侍王大股賊匪竄擾饒州一帶祁門餉道梗塞勢將坐困二月十二日官軍攻克休甯即擬力攻徽州以通浙江米糧之路臣於十六日曾附片具奏在案侍講銜翰林院編修宋夢蘭籍隸歙縣尤欲力攻徽州以保桑梓十四日督帶安勇由歙西繞至北鄉將稠墅賊卡富塌賊館勦洗一次回駐汪村十九日徽賊大股圍犯汪村四面包抄我軍鎗礮驟不及施騎賊復從旁繞出將宋夢蘭頭額砍傷三處顛暈馬下經家丁扶救出圍藍翎守備銜儘先千總梅魁員見勢不支勒馬殿後賊

奏稿卷十六

六

眾大至刀矛攢搗梅魁員回鞭衝突手刃二賊力竭陣亡此十九日汪村接仗之情形也三月初二日臣派祁門黟縣各防之兵九千餘人齊集休甯大舉攻徽臣亦親赴休甯就近調度初四日由休甯分兩路前進西路以副將唐義訓為主副將沈寶成同知朱聲隆等輔之是夜駐宿岩市街北路以開歸道張運蘭為主副將婁雲慶參將楊鎮魁張應超等輔之途次攻破潛口賊巢斬馘百餘人是夜駐宿潭木地方初五日西路唐義訓等營由岩市前進行過七里亭登高瞭望踏看地勢賊出北門搗戰各哨不俟號令衝過古虹橋賊匪佯敗我軍搶上山梁馬賊數百騎由右包抄我軍前阻堅城後隔河水節短勢促不

能施展適值驟雨如注衣服火藥盡溼騎賊皆用洋鎗乘我於
 危遂致挫敗營官副將葉光岳胡玉元力戰死之弁勇傷亡二
 百餘人北路婁雲慶等因天雨收隊馬賊百餘騎分途包抄我
 軍回鞭衝擊且戰且退轉塘收回張運蘭令隊伍植立不動俟
 馬賊全退連環收歸此初五月初次進攻徽郡之情形也初六
 日各軍仍回休甯稍為將息初十日再進攻徽專由北路行走
 十二日列隊於大李富場等處賊亦負城排隊相持竟日無隙
 可乘是夜唐義訓住宿槐塘張運蘭住宿大里賊於二更忽出
 萬餘人由西路包抄而來焚村劫營喊聲震天湘營舊規皆住
 營壘不住民房此次村房被燒勇夫大驚隊伍錯亂槐塘村莊
 首先被燒強中等營挫潰惟旗官劉松山力戰時許徐徐收隊
 張運蘭婁雲慶等見前村被燒齊出村房列隊山上得以保全
 無恙次日同回休甯其祁門黟縣各軍皆回原營此第二次進
 攻徽郡之情形也臣查徽郡之賊雖有二三萬眾其精悍者不
 過數千本可力戰攻取機緣不順兩次未能得手記名總兵儘
 先副將唐義訓初次以號令不嚴過橋輕進二次以哨探不遠
 被劫驚潰均難辭咎姑念平日謹慎屢著功績應請以游擊降
 補副將沈寶成請以游擊降補同知朱聲隆請以知縣降補聊
 示懲儆副將葉光岳胡玉元均請交部從優
 賜卹守備銜千總梅魁員力願主將奮勇捐軀請從優照部司

奏稿卷十六

七

例

賜卹以慰忠魂所有進攻徽州未能得手各緣由恭摺由驛馳

奏伏乞

奏

奏稿卷十六

七

景鎮失陷陳大富陣亡請卹摺成豐十一年三月二十四日

奏為景德鎮失陷總兵陳大富等力戰殉節請

旨優卹以勵忠貞並水師力扼河道救護糧臺軍械恭摺具奏

仰祈

聖鑒事竊偽侍王李世賢一股前在婺源清華街甲路等處與左宗棠一軍相拒左宗棠分出別部在甲路小挫退至黃港景德鎮臣於另摺縷晰具奏二月中旬景德鎮十分喫緊臣即飛檄皖南鎮總兵陳大富迅率駐守建德之四千餘人馳赴景鎮會同左宗棠軍相機防剿二月十五日自建德拔行二十日抵景鎮防所三月初三日臣在休甯營次接據左宗棠函稱景德

奏稿卷十六

九

鎮於二月三十日失陷該軍救援不及幸於二十九日掃清磐丹街一帶賊蹤打開一路現已移駐樂平等語臣以景鎮失陷祁門糧路斷絕當檄鮑超一軍急赴鄱陽一路會合左宗棠之師夾擊景鎮其時文報梗塞景鎮之附近一二百里一片賊氛失陷情形無從查悉三月十四日據糧臺委員湖北補用知府張秉鈞稟稱二月二十九日賊眾數萬在牛角嶺柳家灣迴龍嶺三處潛匿距鎮約三十里總兵陳大富於是日辰刻出隊至湖田渡河未見賊蹤仍復收隊午刻馬賊百餘由景鎮之南雙鳳橋竄至李村步賊繼之陳大富即督全軍迎頭截擊賊眾不戰而官軍追剿十餘里三十日黎明大霧迷漫該逆趁霧先

奏稿卷十六

十

行偷過雙鳳橋一伏於都司陳登科營壘之東一伏於游擊胡鳳雛營壘之南陳大富待至霧散督率大隊躍馬當先參將田應科隨其衝鋒將過橋之賊悉行擊退詎該逆大股由景鎮之東面觀音閣抄出我軍分頭截擊隊伍稍散而雙鳳橋之賊即乘虛蜂擁而入陳大富當先抵禦正中礮子穿過右乳血染馬背猶復裹創呼號眾軍奮力攻擊眾軍見主帥受傷無心戀戰賊復分途拚命抄襲我軍應接不暇未及收隊賊已進營放火陳大富負傷血戰見營盤火起下馬向北叩頭跳入李村河殉節其麾下將領參將田應科游擊蕭傳科胡占鼇都司胡鳳雛熊定邦吳定魁千總羅廷材等亦皆躍馬赴敵同時殉難此二月晦日景德鎮失事之實在情形也臣自至皖南於江西省城設立總糧臺景德鎮設立轉運糧臺派張秉鈞與同知王順曾通判朱煥文經理軍械子藥概置舟次以水師護之三十日陸兵失利商民紛紛擁至河邊爭船競渡騎賊已撲至西瓜洲幸水師營官高寅哨官李廷忠均在西瓜洲下之鷺頭灘齊放大礮賊不敢逼張秉鈞與訓導王慶奎將軍裝坐船開至西岸即令護臺水師哨官謝洪春何勝悅二哨沿河開礮保護軍裝民船千有餘號駛赴下游馬家澗當與各營哨計議分礮船為前後中三路護衛各船於四更開行駛至鳳岡天尚未明西岸之賊鎗礮子如雨下經水師往返轟擊護出各船天明至古縣渡

詢悉水師中營游擊任星元會合內河水師營官蘇萬福督率戰船連日苦戰使賊不能造搭浮橋賊匪銳意欲成浮橋冀圖圍我船隻搶我軍火兩岸十餘里豎旗排陣乘夜趕釘竹木密椿上用板料搭架中間尙未合攏我軍既至開放大礮斃賊極多該逆爭上浮橋兩頭夾放鎗礮民船傷亡者不下百數擊沈者亦復不少各船衝出浮橋缺口之後賊見前隊戰船去遠飛開快划趕至經謝洪春楊榮炳督帶礮划三隻拚命堵截且戰且走各船賴以保全僅失去鉛子帳棚兩船餘船軍器均無損失此水師保護軍裝衝出賊卡之實在情形也復據水師任星元稟暨陳大富部下將官胡鳳鳴等具稟前來大略相同臣查

奏稿卷十六

主

皖南鎮總兵陳大富以飢軍困守南陵激勵將士鎮撫軍民逆匪四面環攻閱時六月之久屢挫兇鋒孤城屹立經提臣楊載福赴援解圍拔出居民十餘萬眾名將風節傳播江表此次景鎮督軍血戰力竭捐軀尤爲大節凜然應請旨敕部照總兵例從優議卹並於南陵建立專祠以表忠蓋而畱遺愛所有景鎮失陷總兵等力戰殉節並水師救護軍火各緣由理合恭摺具奏伏乞

奏

皇上聖鑒訓示謹

江皖大局片 咸豐十一年三月二十四日

再臣自去冬以來歷次奏報均將江皖大局附片陳明各在案大約江皖之賊分四大股一曰定南主將黃文金卽上年十一月攻破建德連陷六縣者也經左宗棠扼之於景德鎮鮑超破之於洋塘黃麥鋪現聞該逆已赴援安慶矣一曰偽右軍主將劉官方盤踞池州涇旌石埭等處去年冬月破羊棧嶺本年正月破大赤嶺大洪嶺二月破樅根嶺皆係劉逆之黨此股在嶺外距臣軍最近戰事最多除三次大戰外其零支小戰皆未具奏一曰偽侍王李世賢卽去年八月攻陷徽州者也本年二月竄擾景鎮樂平一帶左宗棠一軍二月與侍逆大戰數次該逆

奏稿卷十六

主

已敗潰鼠竄而去鄱陽景德鎮浮梁樂平一律肅清容臣查明另行具奏一曰偽忠王李秀成去年十月攻陷羊棧嶺經鮑超痛剿破之十一月竄陷浙江之嚴州江山常山等處本年正月攻圍廣信玉山廣豐均以堅守得完二月攻圍建昌撫州亦以堅守得完現聞竄至吉水永豐一帶距祁門一千餘里文報久梗莫悉其詳除李秀成一股歷由江西撫臣奏報外其餘三股環繞祁門四面幾於無路不梗無日不戰仰託聖主威福屢獲大勝各股悍賊均已退竄皖南軍務日有起色惟四眼狗救援安慶夾攻官兵營盤十分危急現已調派鮑超一軍由景德鎮馳援安慶亦卽日拔營移駐東流就近調度

除各處開仗情形專摺奏報外理合將江皖大局附片陳明伏

乞

皇上聖鑒謹

奏

奏稿卷十六

七

官軍破賊樂平鄱景浮樂一律肅清摺咸豐十一年四月

奏為官軍大破賊於樂平鄱景浮樂等處一律肅清恭摺奏祈

聖鑒事竊左宗棠一軍二月內在湧山甲路等處與偽侍王李

世賢大戰數次經臣專摺具報三月內又大戰數次侍逆敗潰

鼠竄而去鄱景浮樂等處一律肅清並經附片陳明大概情形

在案三月二十三日接據左宗棠咨稱前於二月十六日全軍

回駐景鎮嗣據總兵陳大富於二十日抵鎮接防於是日拔

營向鄱陽進發師次鮎魚山聞大股逆匪已由鄱陽故縣渡偷

渡昌江意圖合圍景鎮二十四日移駐金魚橋擊敗袁家灣擄

掠之賊二十六日又冒雨擊敗太園石板橋屯踞之賊二十九

日探報賊之後隊由桃嶺范家墩頭竄聚斂丹街一帶當派前

左右後四營及老湘兩旗順字營馬隊由庵前一帶進剿行抵

太園適與賊遇營官羅近秋首先衝入黃少春躍馬繼至選用

知縣劉典率隊由右路進即選道王開化率隊由左路墩頭進

比右路至桃嶺賊前隊向踞庵前追至范家村賊大隊萬餘人

分兩支林立我軍整隊堵擊鎗礮連施賊伏不動適左路之軍

由墩頭過嶺衝殺前來截賊兩段始紛紛潰竄我軍合隊窮追

至斂丹街沿途踏毀賊巢五處計殺悍賊三千餘名陣斬偽謝

天義黃勝才燒天福李佳普等賊目百數十名而奪其印獲騾

馬八十餘匹旗幟礮械以數千計解散脅從五六千人此二十

九日范家村大捷之情形也是日往返八十里哨間回營方擬乘勝追勦次第翦除詎三十日賊由柳家灣湘湖街竄入總兵陳大富血戰陣亡景鎮淪陷左宗棠所駐之金魚橋三面皆賊後路復斷三月初一日乃拔營移駐樂平密調賊蹤知偽侍王李世賢分遣賊黨謁景鎮親率大股仍由故縣渡鳳岡一帶折回意圖竄攻樂平初五日賊至桃嶺塔前一帶初六日各營三路進勦兼防峇丹街之賊比抵馬家橋見賊隊排列十數層旗幟林立山谷皆滿各營整隊前進奮威衝殺賊勢稍卻漸向桃嶺縮退我軍追至桃嶺賊仍死拒適見大驕賊目從山坳突出滿髮悍賊百餘各持洋鎗護之營官黃少春麾健卒挺矛叢

奏稿卷十六

五

刺立斃悍賊十餘人該賊目棄轎而逸獲其偽印二顆一偽大佐將裨天義李尚陽一黃勝祥也賊眾大潰我軍追至太園山口賊復死拒擬保藍翎外委熊清石中礮陣亡日晚收隊而還計斃賊約三千名生擒百數十名拔出難民不計其數奪獲旗幟器械千餘件偽印百餘顆初七日探報景鎮之賊一由柳家灣竄至湧山厚田等處一由團嶺竄至龍珠蔡家等處又於桃嶺修砌營壘太園屯紮民房初八日黎明飭左營等由中路塔前進右營等由左路進老湘等營由右路龍珠進比過塔前賊即列隊於桃嶺一帶漫山遍野蜂擁而來中營左營左總哨右總哨自中路直撲鏖戰多時賊勢稍卻旋有另股自兩邊山內

齊出包抄正圍困適守備馬德順率馬隊橫截而來前營老湘各營亦由右路抄出後營等由左路抄出轉敗為功斃賊百餘初十日早有騎賊數名至橋南窺探旋即退去知大股必將續至嚴飭各營靜鎮待之仍分三路聽中營發號出隊雷六營為接應之兵布置甫畢賊大隊萬餘由龍珠桃嶺一帶湧至擺列山岡并於附近村莊放火意在搗我軍急戰我軍按兵不動午初始傳令飽餐賊匪猛撲後營營盤石營州同張聲恆率隊衝鋒左營游擊黃少春副將崔大光從兩旁夾擊賊仍抵死抗拒前營桂營老湘各旗兩路繼進而中營及各總哨亦迭出策應賊見我軍愈戰愈厚紛紛敗潰前營營官擬保副將羅近秋

奏稿卷十六

五

匹馬衝入賊陣連刃紅衣賊目三人忽右脅被洋鎗洞穿登時陣亡擬保守備李啟昭藍翎守備張致和後總哨都司聶常本外委聶福申藍翎千總孫紹凱均力戰陣亡士心愈憤奮威衝殺窮追二十里至龍珠始還計斃長髮悍賊千數百名奪獲刀矛旗幟礮械千餘件偽印五十餘顆此三月初六初八初十等日大戰獲勝之情形也訊據生擒賊供稱偽京衛軍大佐將裨天義李尚陽等初六日大敗後擬即退竄景鎮偽侍王李世賢不許調竄撲祁門賊黨由天保塘城家灣一帶折回並挑選景鎮悍賊親率以來誓與官軍決一死戰本日後隊尚未到齊也左宗棠以賊將復至飭各營傍樂平縣城東南加修外壕周十

餘里令南鄉團練入城固守以作疑兵復引長田畝之水塞堰為壕以陷賊騎十二日賊之先鋒已逼外壕是夜南鄉團勇渡河而歸存城者僅二百餘名比調前營四哨入城代守西北一面各營勻守外壕十三日賊股屬至距城營六七里層層布陣寬廣十餘里可數者約四十餘處旗幟林立掩映山谷登高瞭視遠山炊煙縷縷尚有伏賊未發也各營憑壕植立寂靜無譁午刻賊撲外壕更番迭至官軍俟其逼近排鎗轟擊逆賊屢卻屢前官軍再接再厲相持自晝至夜約斃賊數百名樂平縣城坍塌已久各營於礮石如雨之中漏夜修砌略具城形而該逆環攻徹夜不息其城外民房燒燬未盡者賊伏其中穴牆開礮

奏稿卷十六

五

弁勇傷亡者多屹立城頭未敢少避十四日賊之大隊漸由東北環趨紛撲西城前營勇丁傷亡尤多擬保副將丁長勝擬保都司趙克振易谷方等挺立城頭身受重創勢殊危迫王開化劉典以西城地勢太逼搶護殊難請調各營齊越外壕出賊不意擊之計議甫定王開化率隊由南門趨西路王開琳率隊趨右路左宗棠自與劉典趨中路每城一支以官軍一隊當之遇賊即斫退者斬未刻各營齊抵壕邊中路發號各躍出外壕大呼殺賊賊駭愕不知所為我軍縱橫盪決無不一當百擬保游擊史聿舟匹馬陷陣忽被洋鎗洞中小腹墜馬陣亡各營將士怒不可遏橫衝側擊愈戰愈奮賊屍駢積道旁各路迨至高

橋小溪賊之人馬自相蹈藉擠斃溺斃者無算正窮追間忽大雨如注繩藥盡溼乃收隊而還是役計斃賊約四五千人陣斬紅袍黃袍賊目十數名燒燬賊壘二十餘座據生擒賊供偽侍王李世賢自陷景鎮後即傳偽令犯祁門初六日行至天保塘調令折回親率攻撲樂平初十四兩敗偽京衛軍大佐將李尙陽幾為官軍所獲李世賢亦於十四日改裝潛遁此十二三賊匪圍城圍營我軍開壁大戰獲勝之情形也據左宗棠咨報前來臣查偽侍王李世賢自上年攻陷金陵營壘繼陷徽州嚴州等處凶愆尤張此次竄擾景鎮樂平祁陽一帶長圍近二百里又破陳大富官軍幾成燎原之勢左宗棠一軍前後轉戰

奏稿卷十六

五

三十餘日六獲大捷斬馘殆近二萬洵足寒賊膽而快人心陣亡之擬保副將羅近秋請照副將例從優賜卹擬保游擊之史聿舟請照游擊例從優賜卹並入祀湖南昭忠祠擬保守備李啟昭補用都司聶常本守備張致和外委聶福申藍翎千總孫紹凱均請照例賜卹傷亡之擬保都司趙克振擬保守備周崇高把總楊清和均請照例賜卹以慰忠魂按察使銜卽選道王開化沈毅忠實謀勇兼優請賞加布政使銜並請

賞給該員父母祖父母兩代二品封典知州銜知縣劉典善審地勢身先士卒請以直隸州知州歸部遇缺即選並請賞戴花翎襄辦軍務候補三品京堂左宗棠去冬拒黃文金大股今春破李世賢大股解祁休之圍困振江皖之全局勛績其偉可否
御賞搬指荷包等物以示旌異其餘出力文武員弁可否准其擇尤保獎之處出自
聖主天恩所有官軍破賊樂平鄱景浮樂等處一律肅清各緣由專摺由驛馳奏伏乞
皇上聖鑒訓示謹

奏稿卷十六

奏

近日軍情片 咸豐十一年四月初二日

再自景德鎮樂平等處肅清安慶危急 擬移駐東流援助江北業於三月二十四日附片奏明在案拜摺後 於三月二十六日自祁門拔營四月初一日馳抵東流鮑超於二十五日自景德鎮拔營初一日馳抵下隅坂其所統全軍擬令即日渡江救援安慶逆首四眼狗陳玉成於三月十八日逼撲安慶盤踞集賢關之內外所有安慶官軍曾國荃等各營城賊撲之於前援賊撲之於後勢殊危急幸自去秋以來久已開掘長濠二道有前濠以圍城賊有後濠以拒援賊現已相持十三日仰託皇上威福尙能堅守無恙 與官文胡林翼等熟商賊以全力

奏稿卷十六

救安慶我亦以全力爭安慶以多隆阿鮑超兩軍會勦集賢關之賊李續宜亦派十營回皖協勦必須攻破狗酋迅克安慶大局乃有挽回之日金陵乃有恢復之望至徽州布置事宜派令開歸道張運蘭守休甯記名總兵朱品隆守祁門湖北提督江長貴守柏溪副將唐義訓等守漁亭沈寶成等守歷口參將楊正魁等守羊棧嶺均囑以暫主堅守不遽進剿 至東流僅帶五百人以行餘皆防嶺內其左宗棠一軍自擊破偽侍王股匪後現已跟蹤追剿無論竄皖竄江均當伺其所向而痛懲之所有近日軍情理合附片具陳伏乞
皇上聖鑒謹

奏

奏稿卷十六

三

官軍圍攻赤岡嶺賊壘悍賊殲除摺咸豐十一年五月十八日

奏為官軍圍攻赤岡嶺援賊四壘悍賊悉數殲除恭摺奏祈

聖鑒事竊逆首陳玉成自三月十八日率黨回援安慶候選道

曾國荃會同水師憑濠固守賊不敢逼旋經臣曾國藩飛調總

兵鮑超臣胡林翼飛調副將成大吉會合副都統多隆阿之軍

進逼集賢關外陳逆畏懼於四月初十日由馬踏石潛竄甯四

壘於關外之赤岡嶺以梗我師臣官文胡林翼業已具摺奏報

在案茲准鮑超成大吉呈稱四月十一日黎明鮑超率中營副

將陳由立新中營副將顏紹榮攻其頭壘左營參將王衍慶副

左營參將劉順隆後營副將張玉田攻其二壘右營副將陳得

勝副右營副將余大勝仁字營守備唐仁廉攻其三壘前營副

將黃慶副前營參將劉玉堂攻其四壘成大吉自率貞右營及

發中營副將張運馥列隊於集賢關中路以防關內之賊派武

前營都司曾昭仕武後營參將王名泗搜勦集賢關以東武中

營參將胡以章凱前營都司銜守備蕭玉元凱後營都司銜守

備吳亮才搜勦集賢關以西其關內十三壘經曾國荃作長濠

圍之該總兵等遂得專意攻此四壘之賊詎料壘中皆係多年

悍賊官軍窺探閱若無人一近壘邊則鎗礮如雨我軍奮怒拔

鐵填濠四面猛撲多被鎗礮傷亡迄不能前時水師提督楊載

福飭水師助攻亦有傷亡湖北候補知州周開錫與該總兵等

籌商遂環濠修築礮臺數十座傳令各營兵勇晝夜輪流出隊用鎗礮環攻誓不使一名漏網二十四日成大吉將礮臺進逼賊之第四壘對壘轟擊至二十九日我軍大礮將賊壘轟倒數丈賊勢頓沮然猶踞壘不出五月初一日黎明鮑超成大吉盡派各營列隊四面圍定又命吳亮才入壘傳呼飭令脅從棄械出降於是出降者數百人該逆知勢已渙散萬無生理因皆乞降該總兵等遂傳令各兵勇以次入壘悉數生擒惟劉瑄琳踞第一壘仍然抗拒查點名數三壘之賊除先降之短髮二百餘名釋放外其長髮老賊共二千八百餘名悉皆正法其中有偽屆天豫賈仁富偽傅天安李仕福垂天義朱孔堂首逆三名偽

奏稿卷十六

檢點將軍丞相指揮以下共一百八十五名初二日成大吉奉調拔營回援鄂省鮑超仍圍攻劉瑄琳之壘該逆即於是晚三更後驚衝出壘分股逃竄鮑超即率馬步沿途追殺至馬踏石溪河汎漲賊不能渡當經鮑超督率副將陳由立游擊李文益黑龍江西丹營總明興知縣伍華瀚等將全股六百餘名悉數生擒其分竄之股沿河而下意欲覓船偷渡水師親兵右營營官彭楚漢副右營營官趙三元率水勇登岸兜剿適有民船一隻該逆二百餘人棄馬登舟哨官顏海仙飛漿趕到一併生擒其中有逆目偽雨天豫月天安略天燕熊里先丞相劉得勝檢點周子龍暨將軍等九十餘名當即正法其逆首偽請東主將

劉瑄琳就近解提臣楊載福大營訊明支解并函首送臬安慶城外呼城賊壘賊而告之以寒逆膽而快人心又據楊載福咨鮑超成大吉咨呈劉瑄琳李仕福賈仁富朱孔堂等均係廣西老賊與官兵歷年接仗每次首先衝鋒九年踞守太湖數月不下十年二月逆首劉瑄琳自安徽渡江充作先鋒破我金陵圍師營壘數十座連陷蘇常等郡邑皆係該逆等為首肆惡等因臣等查粵逆自滋擾以來雖屢經挫敗然臨陣率新擄之眾以當前敵我軍所斬長髮老賊至多不過數百名此次陳逆見我大軍雲集乘夜潛遁而留此四壘於集賢關外原欲牽制我師且壘中係其平日第一枝悍黨戰守可恃者希冀憑堅久抗以

奏稿卷十六

便糾合餘黨復來解安慶之圍不料四月十五日陳逆自被多隆阿敗於挂車河四壘之賊雖甚驍悍而孤守二十餘日援絕勢窮無計可脫鮑超成大吉等晝夜環攻仰賴皇上天威將士用命殲除長髮老賊至四千名之多實為從來所未有厥功甚偉所有尤為出力之都司銜守備吳亮才請免補都司以游擊儘先補用賞換花翎湖北補用知州周開錫請免補知州仍留湖北以知府儘先請用並賞戴花翎總兵銜儘先副將余大勝請以總兵記名簡放儘先副將顏紹榮請加總兵銜並

賞給巴圖魯名號副將銜儘先參將王衍慶請以副將儘先補用並請

賞加巴圖魯名號副將銜儘先參將李文益請以副將儘先即補儘先補用協領委營總明興請加副都統銜知州銜候選知縣伍華瀚請以直隸州知州不論雙單月遇缺即選松子關案內已保參將會昭仕請免補參將以副將儘先補用都司銜守備蕭玉元請以都司儘先補用並加游擊銜其餘出力員弁伏

祈

皇上天恩准其擇尤保奏其陣亡員弁應開單請

旨交部從優議卹以慰忠魂所有赤岡嶺圍攻賊壘殲除悍賊

奏稿卷十六

情形謹會同大學士湖廣總督臣官文安徽撫臣李續宜恭摺

由驛六百里馳陳伏乞

皇上聖鑒訓示謹

奏

代遞唐鑑遺摺摺減豐十一年五月十八日

奏為據情代遞遺摺仰祈

聖鑒事竊臣於四月十三日據原任太常寺卿唐鑑之子唐爾漢具呈到營稱其父唐鑑於正月十八日病故年八十五歲臨歿時諄屬我以無位之人仰荷

聖主恩遇最深今當永訣謹具遺摺以鳴戀

主之忱惟籍隸山東寄居湖南求人代奏均多未便在年出京時曾奉

諭旨仍回江南此摺應交兩江督臣代為遞奏理合專丁赴營

呈請代奏等情并將正摺及草稿實送前來臣查二品銜前任

奏稿卷十六

太常寺卿唐鑑由翰林院檢討歷官至江南布政使內轉太常

寺卿年老致仕主講江南鍾山書院咸豐元年奉

旨進京

召見十五次

皇上特旨褒嘉以唐鑑品學兼優器識安定

賞給二品銜仍

諭令回南主講書院咸豐二年粵匪竄擾湖南唐鑑念切虜墓於三年正月回湘服官三十餘年父子皆位至藩司而家無僮石清苦異常自少至老好學不倦著書二百餘卷多心得實踐之言近因時事日棘每以

聖主過於憂勞爲慮此次所寄摺稿臣審爲唐鑑親筆字畫恭
謹詞意肫摯以八十有五之年當一息僅存之候猶復瞻懷
君國洵屬神明不亂忠愛可風可否願懇

天恩俯念前太常卿唐鑑宿學忠敬

特旨賜諡出自

聖主鴻施所有代遞唐鑑遺摺緣由附驛馳陳伏乞

皇上聖鑒訓示謹

奏

奏稿卷十六

奏

收復徽州府城摺咸豐十一年五月二十八日

奏爲逆匪竄犯各嶺襲陷黟縣官軍合力勦辦旋即克復并乘
勝收復徽州府城恭摺奏祈

聖鑒事竊官軍分駐祁黟休甯三縣堅守嶺隘去冬今春石埭
太平之賊屢次犯嶺迭經奏報在案臣移駐東流賊疑嶺內空
虛欲合股竄擾祁黟以斷我軍糧路四月二十六七五月初一
等日羣逆糾踞嶺外琅田美坑奈溪等處約二三萬之眾揚言
分五路犯嶺五月初二日賊由羊棧嶺蜂擁而入該防所兵勢
本單署湖北提督江長貴飭令游擊王金鼎守備張占元率隊
往援駐防漁亭之副將婁雲慶亦統軍千餘往援羊棧之賊方

奏稿卷十六

奏

退而樟嶺與方干二嶺外賊眾麇集初三日辰刻各大股賊眾
分撲羊棧嶺方干嶺樟嶺其犯羊棧者賊數較少原紮盧村之
峯字禮字各營及彙營援兵禦之賊不敢近其犯方干樟嶺者
各軍極力迎擊頗有斬獲忽值大雨如注火藥難施暫革副將
銜參將袁國祥身受矛傷繞道退至漁亭參將黃朝陞爲賊所
包亦即潰退記名總兵降補游擊唐義訓迎戰正酣奪獲賊械
正擬追逐出嶺不知賊之分股繞襲後路業已潛陷黟縣城池
唐義訓作偃月陣勢捲塘收隊繞回漁亭老營婁雲慶等之援
羊棧者爲賊所隔亦於是夕回至漁亭即原駐盧村之禮字峯
字等營亦因後路已斷拔移漁亭由是黟賊中梗東而休甯漁

亭西而柏溪祁門四軍不能相通矣江長貴即飭軍駐西武嶺以顧柏溪門戶賊於陷黟之後果糾眾竄至西武嶺下四五里地方修築牆壘并分駐四都古竹等村意圖窺伺柏溪進擾祁門此五月初三日嶺賊入犯黟縣失陷之情形也初四日西軍駐紫柏溪之提督江長貴駐紫祁門之總兵朱品隆東軍駐紫休甯之記名按察使開歸道張運蘭駐紫漁亭之副將婁雲慶唐義訓四路商定兩面夾攻初五日西路朱品隆率前營知縣朱聲隆前新營知縣易潤壇李公選等江長貴督領王金鼎張占元游擊馬登雲守備傅奇喜等布列西武嶺上分途前進一面圍攻賊壘一面抄擊村莊各壘及各村踞賊始猶拚命抗拒

奏稿卷十六

完

我軍竭力猛進賊不能支棄壘而遁其伏處各村之賊亦敗走逃命東路張運蘭派老湘營三旗兩翼唐義訓婁雲慶各率所部由漁亭分三路進攻黟城老湘營由中路進婁雲慶率靈禮峯等營由右路進唐義訓率強中等營由左路進至距黟十里之石山橋悍賊約二千餘堅守二卡老湘營先至正在猛攻唐義訓急令隊伍馳助即平賊壘四座婁雲慶繼至併力合擊將賊卡拆毀乘勝追殺直至城邊並將附城二壘立刻擊破我軍分段攻城鎗礮齊施勇氣百倍城賊驚慌紛紛棄城遁走比將縣城克復隨齊隊伍跟追敗竄餘孽翻山越嶺而逃不復成隊合計斃賊二千餘名奪獲旗械馬匹甚多此初五日西軍攻勦

西武嶺賊卡東軍三路克復黟縣之情形也其嶺外續至之賊希圖復仇分股竄踞羊棧方干及樟嶺三處初六日唐義訓等仍分三路進兵靈字禮字等營從右路踞羊棧嶺老湘營從中路踞樟嶺強中營從左路踞方干嶺賊之大股聚踞三都汪村并於樟嶺口外築卡數座老湘營力擊三都之賊唐義訓亦自左路往助賊踞卡壘希圖由嶺右潛出包抄我軍分途奮擊即將卡壘概行踏毀追至樟嶺之下初九日仍分三路進踞賊已盡併入盧村十都占踞舊壘二座添築新壘五座守禦愈固老湘強中營圍其五靈營禮營圍其二四面埋伏先攻新壘鏖戰甚久賊黨死拒經噴筒火箭燃著賊棚奮力猛進四新壘以次

奏稿卷十六

完

悉平其一壘逃聚盧祠之內我兵圍攻生擒四百餘名悉行駢誅惟餘舊壘二座正擬詰朝合攻該逆等已於三更遁出嶺外初十日各軍跟追掃蕩諸嶺一律肅清徽郡之賊聞風膽落亦於十二十三日分兩路遁去張運蘭帶隊至郡搜殺餘賊收復府縣兩城唐義訓帶隊移守休甯此初六初九日大破賊壘肅清嶺防十四日收復徽州之情形也據各營稟報前來臣查此次羣賊犯嶺袁國祥黃朝陞堵剿不力以致嶺防不守賊得襲入黟縣雖係賊眾兵單究有應得之咎暫革副將銜參將袁國祥參將黃朝陞均請即行革職不准畱營以示懲儆記名按察使開歸道張運蘭於餉竭兵疲之際激厲軍心挽回全局調度

有方應如何優加獎勵之處恭候

聖裁降補游擊之記名總兵唐義訓於徽郡小挫之後振作士氣苦戰卻敵應請開復原官仍請升署皖南鎮總兵缺由臣另摺具

奏總兵銜副將婁慶請交軍機處記名遇有總兵缺出請

旨簡放知縣朱聲隆請開復原官以同知歸安徽補用徽州府知府劉兆璜欵縣知縣羅德隆徽州營參將文芳均請開復原官其餘出力人員籲懇

皇上天恩容臣擇尤保奏陣亡員弁查明開單請

旨交部議卹所有賊竄各嶺襲陷縣官軍合勦旋即克復并

奏稿卷十六

望

收復徽州府城各緣由恭摺由驛六百里馳陳伏乞

皇上聖鑒訓示謹

奏

近日軍情片 咸豐十一年五月二十八日

再近日軍情偽侍王李世賢一股自二月在景德鎮敗退即竄至廣信一帶左宗棠追至廣信李逆竄入浙江攻陷金華蘭谿等府縣此次徽州敗退之賊亦係李逆之黨半逃浙江歸併大股半逃甯國踞守下游偽忠王李秀成一股自竄入江西瑞州後旁擾武甯義甯奉新靖安等處近又竄入湖北之興國大冶武昌通山崇陽蒲圻等屬襄晉日多蔓延日廣偽主將劉官方一股四月之季分支由建德擾及鄱陽另支由樟嶺襲陷黟縣竄鄱陽者經左宗棠派隊擊退陷黟縣者經張運蘭等合力擊退此大江兩岸三大股之賊情也其大江北岸各賊如陳時永

奏稿卷十六

望

踞德安賴文光踞黃州暨各縣踞賊均係偽英王四眼狗之黨狗逆又新從南岸邀偽輔王楊輔清一股及林紹璋黃文金二股將於近日再攻桐城救援安慶處搜獲偽文數十件各處賊股狂竄千餘里無非欲分官軍之勢解安慶之圍現在胡林翼力疾回救鄂省臣等往返熟商以安慶賊糧垂盡功虧一簣必須力爭此城而後大局有挽回之望金陵有恢復之期除各處戰守細情專摺另報外合將近日賊勢軍情附片具奏伏乞

皇上聖鑒謹

奏

覆陳左宗棠軍不能赴浙摺 咸豐十一年六月初八日

奏為欽奉

諭旨恭摺覆陳仰祈

聖鑒事竊臣承准軍機大臣字寄咸豐十一年五月十八日奉
上諭瑞昌王有齡奏常山江山之賊繞越衢州連陷龍游湯溪
二縣及金華府城請飭催援師救應一摺據稱賊匪自竄陷常
山江山後另股竄踞壽昌縣城分股下竄均經兵練迎擊退回
四月十六日該逆越過衢城十七十八十九等日龍游湯溪二
縣及金華府城先後失守張玉良退守嚴州咨商左宗棠統師
援浙等語該逆以壽昌牽制我師仍從江山一路繞竄而下以

奏稿卷十六

聖

致三日之內連陷府縣三城猖獗已極其窺伺甯紹更在意中
張玉良各軍不能得力藩司林福祥帶勇千名甫抵貴溪弋陽
一帶已革道員李元度新募勇八九千人計方抵江西省城
未能剋期趕到浙省情形萬分喫緊必須設法援應以顧大局
前據曾國藩奏左宗棠自擊敗李逆股匪現在伺其所向跟蹤
追剿目下該逆以全股深入浙境果能四面兜剿不難聚而殲
旃左宗棠一軍屢獲勝仗聲勢頗壯即著統帶所部剋日起程
應援浙江會同瑞昌等所派官兵將失陷城池次第收復以靖
逆氛毋稍延緩等因欽此仰見
聖主屢念東南移緩就急之至計臣查左宗棠一軍四月間追

勦偽侍王大股直至廣信旋因池州之賊於四月十五再陷建

德將竄擾鄱陽景德鎮鄱陽失則江西之腹地可危景德鎮失則
祁門之糧路又梗各處紛紛告急臣亦迭次飛咨左宗棠不得
已乃棄東路而回救西路四月之季由廣信冒雨遄返五月初
七日行抵景鎮維時適值嶺賊內犯黟縣被陷祁門建德兩路
同警左宗棠至鎮後派九營由桃樹店進剿二十二日收復建
德縣城而張運蘭等亦已克復黟縣收復徽州於是各路之軍
民心為之一定惟徽郡眾積盤互羣賊環伺得之非易守之
更難現令張運蘭守郡城唐義訓守休甯朱品隆守祁門而漁
亭為徽休糧路所關尚無防守之兵其景德鎮為全徽咽喉之

奏稿卷十六

器

路臣屢次具奏以為宜駐重兵者也婺源縣為皖浙綰轂之區
王有齡等前奏請
旨飭駐重兵者也左宗棠兵僅七千能分為兩支斷不能分為
三支能顧景德鎮即不能兼顧婺源源亭連日往來籌商正苦
不敷分撥而聞汀大股頭起二起由德興婺源上竄圖犯徽州
左宗棠已於六月初一二日自統各營前赴婺源一面與張運
蘭等約會夾擊閩汀之賊一面謀所以保守徽州兼保婺源饒
景之策臣暫駐江濱照料北岸其徽嶺內外及饒州廣信各屬
戰守事宜均賴左宗棠就近維持以目下形勢而論左宗棠實
不能分身赴浙浙東賊勢浩大與江皖唇齒相依浙若不支其

患先及于皖次及于江臣雖至愚亦知保浙卽所以自保柰自
鮑超北渡之後南岸僅恃左宗棠一軍縱橫策應七百餘里若
并無此支活兵則張運蘭等孤懸嶺內糧路仍有必斷之日徽
郡終無能守之理欲求保徽之方更無援浙之力顧此則失彼
圖近則遺遠再四籌思且媿且悚除俟湖北江西攻勦得手或
安慶克復有兵可分再與左宗棠力謀援浙會銜具奏外所有
欽奉
寄諭曹難兼顧緣由謹繕摺由五百里馳陳伏乞
皇上聖鑒訓示謹
奏

奏稿卷十六

巽

覆陳華祝三臚奏摺咸豐十一年六月十八日
奏為欽奉

諭旨恭摺覆陳仰祈

聖鑒事六月初六日承准軍機大臣字寄五月二十四日奉

上諭御史華祝三奏上年秋間廣東樂昌仁化之賊由江西南
贛分竄甯都撫建廣信連擾數十州縣本年春間玉山解圍復
由河口東鄉金谿圍攻撫建由宜黃崇仁竄入臨江府屬之樟
樹鎮新淦縣攻陷吉安圍撲袁州占據瑞郡頃聞奉新靖安豐
城以及新建之生米鎮等處均有賊壘窺伺省垣錢糧釐金來
源俱竭各營欠餉至四五月之多兵勇飢潰降賊有李金暘者

奏稿卷十六

巽

率勇降賊並且為賊先驅請飭曾國藩速派勁兵赴江西省城
並分投勦洗等語粵匪闖入江西肆行竄擾除樂平浮梁鄱陽
等處肅清已據曾國藩奏報玉山廣豐撫州建昌廣信等城解
圍吉安府城新淦縣城於失守後卽行克復已據毓科奏報外
現在各屬匪蹤尚未淨盡曾國藩統轄該省且軍營餉需全賴
江西接濟自應亟籌掃蕩以免餉源告竭南昌為省垣重地尤
不可稍有疎失著曾國藩斟酌緩急應如何派撥官軍以及調
撥江西原有官兵應援江西省城及將袁臨等處賊匪分別勦
洗之處妥為籌辦毋任賊勢蔓延副將李金暘據毓科奏派令
援勦吉安於龍王廟地方失利退保安福是否降賊並著該大

臣查明具奏等因欽此仰見

聖主籌慮全局訓示周詳曷任欽佩查去冬以來竄擾江西之賊前後凡五大股其由皖境竄入自北而南者三股一曰偽主將黃文金股匪連陷建德鄱陽六縣經左宗棠鮑超於洋塘擊退一曰偽侍王李世賢股匪連陷浮梁景鎮等處經左宗棠於樂平擊退此二股均未能深入江西腹地一曰偽忠王李秀成股匪正月初間連陷玉山廣信廣豐三城未破又深入內地圍建昌撲撫州亦幸未破三四月間竄入崇仁樟樹鎮吉安峽江并占踞瑞州府城分擾奉新靖安武甯義甯各州縣五月間又竄入湖北之興國大冶蒲圻崇通等屬此北三股也其由兩

奏稿卷十六

廣竄入自南而北者兩股一曰廣東股匪其頭目有周姓許姓上年十月由仁化樂昌闖入江境圍攻信豐南豐建昌各城連陷河口興安德興婺源十一月初經左宗棠攻克德安兩城匪遂歸併徽州賊黨一曰廣西股匪其頭目為朱衣點彭大順等本石達開之餘毒也由廣西竄出湖南經過南贛陷建之汀州又由汀州回竄江西蹂躪甯都建昌河口等處其前隊已由婺源竄浙後隊尙停甯撫州屬境此南二股也五大股中又各為三支四支忽分忽合時南時北是以蔓延日廣頭緒迷離御史華祝三奏摺所稱去秋竄擾甯都撫建者廣東周姓等一股也今春由玉山撫建竄陷吉安瑞州者偽忠王李秀成一股

也

諭旨所指臣奏樂平鄱浮肅清者偽侍王一也毓科奏撫建解圍吉安新淦失而旋復者亦偽忠王一也江西本統轄之區營餉項全賴江省接濟自應力籌兼顧義不容辭處張運蘭江長貴朱品隆各軍皆駐防徽境斷難移動左宗棠一軍則久在江西之北境援剿饒州廣信各屬并未入皖六月初旬始以一半留江之景德鎮一半移皖之婺源保障五六百里不能再顧他處惟鮑超一軍為江皖兩省游擊之師二月間忠賊由建昌圍撫州恐省垣震動即飭鮑超由湖口赴援省城旋因撫建圍解樂平危急不得已調鮑超先救景鎮不果入省

奏稿卷十六

迨浮樂肅清而皖北四眼狗大股攻撲安慶圍師之背勢更危險臣移駐東流不得已又調鮑超援集賢關之賊五月初間始將關外赤岡嶺四賊壘圍剿淨盡與胡林翼會商令成大吉一軍回援鄂省由武昌入興國大冶鮑超一軍回援江西由九江入武甯瑞州鮑超於五月十五日自集賢關拔營行抵宿松被紳民苦留圍攻宿城五日未能得手正擬帶隊西行而狗逆從兩岸邀偽輔王楊輔清及林紹璋黃文金各股將由桐城復援安慶下游各軍思留鮑超仍駐北岸上游九江南康各屬亦紛紛稟報瑞昌之賊分竄德安建昌境內迫望援師現檄催鮑超迅速南渡由九江直搗建昌先保江西省城不復能兼

顧安慶冀可廓清腹地仰慰

宸廑此臣斟酌緩急派援江西之先後節次也瑞州及各縣踞

賊逼近南昌省會前經撫臣毓科商畱副將張運桂老湘營千

人并調游擊劉勝祥一營扼紮城外會同江省原有官兵協守

又有內河水師節節布扼數月以來省垣重地尚無疎虞又有

劉子潯二千人紮堵安義實後營千人紮營生米丁峻二千人

駐守臨江皆為省垣西路屏蔽此次鮑超由東北進鄂軍由西

北進兩路夾擊賊如敗遁必不敢窺伺省城但恐官軍追急仍

回竄吉安一路臣擬飭南贛鎮總兵陳金鼇帶新募千勇移駐

吉郡並添陸軍數百撥水師兩營以資控禦所需勇餉飭江西

藩司於吉安地丁項下按月劃提一萬兩源源濟用又飭贛南

道李瀚章固守贛城以杜竄突此又省城無虞及南路籌防之

大略情形也至李金陽戰敗陷賊旋即逃出臣已訊明正法於

五月十八日附片具奏矣所有遵

旨覆陳各緣由謹繕摺由五百里具奏伏乞

皇上聖鑒訓示謹

奏

近日三省軍情片咸豐十一年六月十八日

再近日各路軍情皖南之徽州休甯黟縣婺源俱幸平安祁門

嶺外之賊六月初旬連日犯嶺朱品隆連日出隊擊之初九以

後賊遂遠遁皖北偽璋王輔王諸逆從霍山越嶺圖攻太湖四

眼狗盤踞桐城之三塘埂將夾攻多隆阿一軍再撲安慶圍師

之背安慶城外前次援賊營壘十八座經曾國荃於六月初一

日全數踏平將賊眾八千餘人圍殺淨盡此次賊黨悉銳前來

報仇計日內必有大戰數次倘蒙

皇上威福再行擊退則城池可克矣江西之賊西路偽忠王一

股分擾德安建昌去省甚近臣現派鮑超全軍往援必可得手

東路朱衣點一股蔓延金谿鉛山等處本省無兵往剿臣亦無

兵派援荼毒民生深可焦慮湖北之賊南岸蒲圻咸甯崇通均

已肅清惟大冶興國未靖先派成大吉一軍往剿北岸德安黃

州蘄州隨州等城均尚為賊所踞與下游桐城霍山之賊粘連

一片剿辦實屬不易幸官文胡林翼李續宜俱在鄂省武漢根

本之地深固無虞除戰守情形專案另報外合將三省軍情概

附片具陳伏乞

皇上聖鑒謹

奏

曾文正公奏稿

卷之十七目錄

左宗棠軍五六兩月戰守情形摺	咸豐十一年七月十八日
覆陳購買外洋船礮摺	全日
鮑超軍豐城大捷摺	八月初二日
克復安慶省城片	
水師克池州府城摺	八月初十日
恭慰 大孝摺	八月二十七日
安慶省城酌派司道大員分任責成摺	九月初九日
鮑超軍克鉛山縣摺	全日
奏稿卷十七目錄	
瀝陳胡林翼忠勤績摺	十月十四日
克復銅陵縣無爲州等處摺	全日
會國荃回湘募勇片	
謝弟國華 子諡恩摺	十月二十六日
左宗棠定議援浙節制諸軍摺	十一月十六日
力辭節制浙省各官摺	十一月二十五日
苗沛霖應剿彭玉麟難離水營摺	十二月十七日
浙省失守徽郡被圍通籌全局摺	十二月十八日
裁撤江南團練大臣片	
王開化請卹片	



左宗棠軍五六兩月戰守情形摺 咸豐十一年七月十八日
 奏爲左宗棠一軍五六兩月戰守情形恭摺彙陳仰祈
 聖鑒事竊太常寺卿臣左宗棠於五月間由廣信回駐景鎮迎
 剿建德之賊六月間分軍移駐婺源迎剿閩汀股匪業將大略
 情形於六月初八日奏報在案先是池州逆首劉官方一股竄
 入鄱陽規田街距景德鎮僅六十里五月初七日聞左宗棠全
 軍至鎮卽夜遁走左宗棠派左右營及老湘營由桃樹店橫出
 擊截之十七日至桃樹嶺分路入桐樹嶺遇賊前隊副哨張曉
 林躍馬衝擊立刃先鋒騎馬賊二人後至之賊仍蜂擁環刺張
 曉林身受重傷正危急間各營自嶺馳下賊眾卽奪路狂奔我
 軍躡蹤分追斬滿髮悍賊百餘名生擒三十餘名是夜見山頭
 火光隱約二十餘里知賊巢相去不遠其地寸步皆山徑險箐
 密副將王開琳游擊黃少春州同張聲恆會商分進詎賊訶官
 軍抄出歸路將斷卽紛紛向建德後河宵遁十九日黎明派隊
 搜山僅獲迷路之賊二十餘及墜崖死者十餘人馬數匹二十
 一日追至建德三里街又斬其落後賊數十訊知劉逆遠遁遂
 收復建城而還此進剿建德立時收復之情形也惟時徽州甫
 復後路空虛婺源介皖浙江西三省之要衝欽奉
 寄諭飭臣派兵扼守臣咨商左宗棠分軍移駐左宗棠卽飭王
 開琳老湘營二千五百人及守備方雪昌新募勇五百人畱守

景德鎮而親率五營四總哨及桂勇馬隊各營於六月初移駐婺源縣該軍積勞之餘病疫繁興抵婺城後正值酷暑炎蒸不能不略爲休養乃逆首賴裕新一股糾合閩汀竄出頭起股匪約二萬餘人由常山晝夜遊行二十三日抵德興之白沙關比飭四哨守城總兵銜副將崔大光州同張聲恆率兩營扼王瓜尖嶺二十四日賊前隊已踞德興之九都新建地方距婺城止四十里隨飭州同朱明亮率桂勇繼之二十五日賊後隊大至布政使銜卽選道王開化訓導楊詠春縣丞王室藩周覽地勢擬以王瓜尖下出中路爲正兵而奇兵由小路搗新建左宗棠又派中營哨長及前營鍾南英左營黃少春馬隊營馬德順各率所部二十六夜潛師悉起赴之是夜三更崔大光張聲恆由左路進朱明亮由中路進天甫明遇賊朱明亮大呼陷陣斬悍賊數人旋有賊從兩旁松林內抄出藍翎外委朱光隆陣亡各勇稍卻崔大光張聲恆突從左路遶出賊後各營乘勢蹙之斬馘數百追及新建王開化率中前左三營會合進搗賊已棄巢紛竄由新建五里外嶺水渡河忽見追軍從谷口馳出盡棄礮械而走馬德順率馬隊衝之賊分由兩岸高嶺攀躋而上手與趾接我軍從下擊之墜崖落淵死者無算追至五林賊復回旂抗拒千總李萬彪都司蕭仁慈首先衝撲均帶重傷猶手刃騎馬賊目眾勇騰躍入陣賊大敗且追且殺直至白沙關共計斃

奏稿卷十七

二

賊一千一百餘名生擒八十餘名內有布天燕白倫鳳因天福汪姓及右四提牌柰松林等賊目解散以數千計奪獲馬騾二十餘匹所餘紅旂一股仍向浙江開化華埠竄逸德興婺源境內一律肅清此迎勦白沙關新建等處大獲勝仗之情形也據左宗棠咨報前來臣查劉官方一股由建德乘虛深入圖竄江西腹地幸左宗棠回援神速力保景德鎮要道並追賊出嶺收復建邑至賴裕新一股由江浙邊界內竄欲陷婺源以圖徽郡計甚狡毒不虞官軍據險以待一敗不支且新建之戰以二千五百病疫之卒當二萬餘慍悍之賊猶能所向克捷俾婺城危而復安於全局亦有裨益其出力弁勇仰懇

奏稿卷十七

三

天恩准其擇尤併入樂平大捷案內分別優獎以示激勸所有左宗棠五六兩月戰守情形謹繕摺由驛五百里馳報伏乞皇上聖鑒訓示謹奏

覆陳購買外洋船礮摺 咸豐十一年七月十八日

奏為遵

旨籌議恭摺覆陳仰祈

聖鑒事竊 臣承准軍機大臣字寄咸豐十一年五月三十日奉
上諭前因恭親王奕訢等奏法夷鎗礮現肯售賣並肯派匠役
教習製造當諭令曾國藩薛煥酌量辦理本日復據奕訢等奏
請購買外洋船礮一摺據稱大江上下游設有水師中開並無
堵截之船非獨無以斷賊接濟且恐由蘇常進剿則北路必受
其衝據赫德稱若用小火輪船十餘號益以精利鎗礮不過數
十萬兩至駕駛之法廣東上海等處可雇內地人隨時學習亦

奏稿卷十七

四

可雇用外國人令其司舵司礮其價值先領一半俟購齊驗收
後再行全給並稱洋藥一項如照所遞之單征收華洋各稅四
十五兩之外於進口後無論販至何處銷售再由各該地方官
給予印票仿照牙行納帖之例每帖輸銀若干如辦理得宜除
華洋各稅外歲可增銀數十萬兩此項雷為購買船礮亦足裨
益現在赫德已回天津令其將船礮洋鎗價值分晰開單呈遞
等語東南賊氛蔓延果能購買外國船礮必能得力惟各
路軍餉不足必須預籌銀款以資購辦奕訢等現擬於上海廣
東各關稅內先行籌款購買俟將來洋藥印票稅收有成數再
行歸款並給赫德劄文令其購買運到時即交廣東江蘇各督

撫雇內地人學習駕駛著勞崇光者齡薛煥並傳諭毓清即按
照所奏預為籌計其應酌配兵丁并統帶大員及陸路進攻各
事宜并著官文曾國藩胡林翼先行妥為籌議一俟船礮運到
即奏明辦理內患既除則外國不敢輕視中國實於大局有益
該督撫等務當悉心妥議期於必行不得畏難苟安奕訢等摺
著鈔給閱看等因欽此仰見

奏稿卷十七

五

流小港岸峻橋多即舢板小划尚無所施其技斷不能容火輪
船想在
聖明洞鑿之中傍江三城小火輪船儘可施展然亦只可制水
面之賊不能剿岸上之賊即欲阻其北渡斷其接濟亦恐地段
太長難於處處防遏目下賊氛熾然江面寬闊船不能與
我水師爭衡 臣去冬覆奏一疏有云金陵髮逆之橫行在陸而
不在水皖吳官軍之單薄亦在陸而不在水係屬實在情形至
恭親王奕訢等奏請購買外洋船礮則為今日救時之第一要
務凡恃已之所有誇人以所無者世之常情也忽於所習見震
於所罕見者亦世之常情也輪船之速洋礮之遠在英法則誇

其所獨有在中華則震於所罕見若能陸續購買據為己物在中華則見慣而不驚在英法亦漸失其所恃康熙雍正年間雲南銅斤未曾解京之時皆給照商人採買海外之洋銅以資京局之鼓鑄行之數十年並無流弊況今日和議既成中外貿易有無交通購買外洋器物尤屬名正言順購成之後訪募覃思之士智巧之匠始而演習繼而試造不過一二年火輪船必為中外官民通行之物可以期髮逆可以勤遠略

諭旨期於必行不得畏難苟安仰見聖主沈幾獨斷開物成務曷勝欽服至於酌配兵丁及統帶大員應俟輪船駛至安慶漢口時每船酌留外洋三四人令其司

奏稿卷十七

六

舵司火其餘即配用楚軍水師之勇丁學習駕駛礮位亦令楚勇司放雖不能遠臻嫻熟儘可漸次教習其統帶大員即於現在水師鎮將中遴選與官文胡林翼商定屆時奏明辦理惟期內地軍民智者盡心勇者盡力無不能製之器無不能演之技庶幾漸摩奮興仰副

聖主深遠無窮之慮所有遵

旨籌議緣由恭摺由驛覆陳伏乞

皇上聖鑒訓示謹

奏

鮑超軍豐城大捷摺 咸豐十一年八月初二日

奏為鮑超一軍進援江西在豐城西北岸大獲勝仗情形恭摺馳報仰祈

聖鑒事竊偽忠王李秀成竄擾江西瑞州奉新等郡縣蔓延甚廣逼近省垣經臣派記名提督綏靖鎮總兵鮑超督軍赴援於六月十八日

奏明在案鮑超於七月初三日行抵九江拔營前進瑞州奉新靖安安義一帶踞匪即聞風退去由臨江過河盤踞樟樹沙湖豐城一帶綿亙百餘里鮑超於十九日由瑞州拔赴豐城過河兜勦二十三日行抵豐城對河正在飭令各營修築營壘聞據

奏稿卷十七

七

水師報稱該逆業在樟樹搭造浮橋於二十二日過河至西北岸圍撲我軍後路未刻離我營二十餘里一帶放火鮑超以兵士修築營壘人馬疲乏天色傍晚未便出隊二十四日辰刻該逆出大股排列山岡鮑超即飭總兵陳由立率霆正中營副將顏紹榮率霆新中營副將李文益率霆副右營由中路進兵總兵黃慶率霆正前營副將王衍慶率霆正左營副將劉玉堂率霆副前營候選直隸州知州伍華瀚率華字營馬隊由左路進兵以副將羅運昌游擊剪炳南輔之副將易昌煥率新右營副將吳騰芳率新前營副將熊鐵生率副後營副都統銜委營總額外協領明興率黑龍江馬隊由右路進以副將馮標副將段

大貴輔之又飭總兵宋國永副將婁雲慶游擊唐仁廉副將張玉田劉順隆等由山後進逆賊見我軍至排列大隊膽敢搖旗吶喊前來交鋒鏖戰一時之久鮑超督飭各營分途齊進鎗礮齊施刀矛並舉該逆抵敵不住紛紛大敗豕突狼奔我軍追殺五十餘里傍晚始行收隊該逆尸橫遍野血流成渠其赴港赴河溺斃者不計其數約共斃賊七八千名奪獲偽印六十五顆鎗礮刀矛旗幟馬騾不計其數據擒賊供稱偽忠王李秀成懼大軍之威退去瑞州奉新等處盤踞樟樹豐城一帶先分萬餘人竄擾撫州二十三日在樟樹傳令以偽豫王等挑悍賊二萬餘一面圍攻豐城一面直衝水師偽忠王自率大隊過河猛撲鮑超一軍不料官兵精銳抵敵不住遂致大敗等供此七月二十四日在豐城西北大獲勝仗之實在情形也臣查李秀成擁眾十萬竄擾江西湖北連陷二十餘城盤踞瑞州附近各州縣數月於茲意在斷我餉源以急解安慶官軍之圍鮑超督師進援該逆聞聲先遁至豐城西北岸復被鮑超追及經此番痛勦洵足快人心而塞賊膽記名提督綏靖鎮總兵鮑超盛暑慶兵所向克捷積勞最久立功最偉可否籲懇天恩賞賚荷包搬指等物以示旌異出自逾格鴻慈其在事尤為出力之記名總兵宋國永陳由立黃慶驍勇血戰奮不顧身均請

奏稿卷十七

八

奏稿卷十七

九

賞加提督銜總兵銜儘先副將婁雲慶總兵銜兩江副將張玉田總兵銜儘先副將馮標均請以總兵記名請旨簡放副都統銜委營總額外協領明興請先行拔補協領員缺副將顏紹榮李文益易昌煥吳騰芳羅運昌劉順隆劉玉堂段大貴均請遇有副將缺出儘先拔補副將銜儘先參將熊鐵生請以副將儘先補用四川副將鮑濟學四川副將游擊陳永康均請遇有四川參將游擊缺出先行拔補游擊唐仁廉請以參將儘先補用並請加副將銜候選直隸州知州伍華瀚請以本班留於四川儘先遇缺即補並請賞加知府銜其餘出力文武員弁著有微勞可否准臣擇尤請獎之處出自天恩陣亡之運同銜安徽候補直隸州知州袁觀豐儘先都司殷雄亮仰懇敕部從優議卹以慰忠魂除飭東渡贛河迅速追勦外所有鮑超一軍進援江西在豐城西北岸大獲勝仗緣由謹繕摺由六百里馳奏伏乞皇上聖鑒訓示謹奏

克復安慶省城片 咸豐十一年八月初二日

再正在繕摺間接到統領安慶全軍即用道曾國荃稟稱八月初一日卯刻官軍用地雷轟倒北門城垣隊伍踰濠登城該逆仍用鎗礮抵死拒敵經我軍奮勇直前立將安慶省城克復殺斃長髮老賊二萬餘人該逆情急赴江內湖內覺水遁竄又經水師截殺實無一人得脫其老弱婦女暫時擒縛俟訊明分別斬釋四眼狗及偽輔王璋王玗王各股援賊屯紮我軍後濠之外當破城時列隊遠望其膽已落漸漸退去各等情前來 臣伏查安慶省城咸豐三年被賊陷踞九載以來根深蒂固自去冬合圍至今逆酋四眼狗迭次拚死援救我軍苦守猛戰卒得克

奏稿卷十七

此堅城圍殺淨盡軍興十載惟五年之馮官屯八年之九江此次安慶之賊實無一名漏網足以伸

天討而快人心至楚軍圍攻安慶已逾兩年其謀始於胡林翼一人畫圖決策商之官文與 臣並徧告各統領前後布置規模謀勦援賊皆胡林翼所定除 臣即日前往安慶部署一切及詳細情形另由官文胡林翼李續宜會銜具奏外所有克復安慶省城大概緣由謹附片馳陳仰慰

宸懷伏乞

皇上聖鑒訓示謹

奏

水師 池州府城摺 咸豐十一年八月初十日

奏為水師克復池州府城現擬進攻銅陵恭摺奏祈

聖鑒事竊安慶省城於八月初一日經水陸官軍克復業經附片奏明在案先是 臣與福建水師提督楊載福會商如安慶克復即乘勢進圖沿江各府縣初二日提 臣楊載福派總兵王明山黃翼升率水陸各營進攻池州王明山即令趙三元帶副右營先發而自率正前營及嚴定國之正左營萬化林之副前營唐學發之副左營蔡定發之正中營郭明釐之親兵前營繼之黃翼升率親兵營並鄧萬林之右營王東華之新左營蔡東祥之後營自安慶北岸載周萬倬所帶陸師東下初五日寅刻趙

奏稿卷十七

三元帶副右營先到即繞城攻擊萬礮雷轟子如雨注該逆猶以鎗礮抵拒趙三元率水師奮勇登城賊不能支遂開西北門而遁適王明山黃翼升率水陸各營趕到截殺之賊甚多立將該府城克復奪獲鎗礮旗幟無數現派韋志俊帶陸師四營守之仍留水師二營相為倚護王明山黃翼升即日進攻銅陵此初五日克復池州府城之實在情形也 臣查偽右軍主將劉官方盤踞池州與安慶相為犄角九年老巢屢攻不破內則堅守石埭太平阻徽師進兵之路外則上犯建德鄱陽為江西北邊之患今幸克復安慶而池州亦相繼而下從此皖省軍務當日有起色足以仰慰

聖懷再桐城縣城亦於初三日經福州副都統多隆阿克復其
詳細情形應由官文胡林翼奏報所有八月初五日水師克復
池州府城現擬進攻銅陵各緣由謹繕摺由驛六百里馳奏伏

乞
皇上聖鑒訓示謹
奏

奏稿卷十七

七

恭慰 大孝摺 咸豐十一年八月二十七日

奏為恭慰

大孝仰祈

聖鑒事竊臣接准兵部咨稱咸豐十一年七月十八日奉

上諭道光三十年

皇祖宣宗成皇帝大事

皇考仍遵嘉慶二十五年成例停止各省將軍督撫提鎮藩臬

鹽關織造等來京叩謁

梓宮今

皇考大行皇帝在山莊升遐恭奉

奏稿卷十七

七

梓宮回京除熱河都統本在熱河直隸總督已諭前來熱河叩

謁

梓宮外其餘直隸各大員俱不必前來各路統兵大臣各省將

軍督撫副都統提鎮城守尉並盛京侍郎奉天府尹西北兩路

將軍大臣及學政織造關差等均不必奏請前來致曠職守各

該大臣將軍督撫提鎮等受

皇考深恩惟當竭誠盡職以期無負委任不在儀節虛文也將

此通諭知之欽此痛惟

大行皇帝臨御寰宇十有二年無日不在戰兢惕厲之中值時

局之多艱惟貞持以宏濟

聖德之憂勞堅忍蓋從古所未有亦溥海所共知迺事機之方
轉遽過密而興悲臣以愚陋忝膺重任不克進兵金陵大伸天
討卽克復安慶亦不獲早奏捷音博
玉几末命之歡悲痛之餘彌深愧憾亟思叩謁

梓宮一展哀忱欽奉

諭旨停止入謁瞻望

闕廷神魂震愴理合專弁進京恭慰

皇上大孝伏冀

節哀順變珍重保衛遠師訪落小誌近法

世祖

奏稿卷十七

聖祖冲齡繼序七罔無驚以答中外臣民之望臣不勝哀戀懇

切伏乞

皇上聖鑒謹

奏

安徽省城酌派司道大員分任責成摺咸豐十一年九月初九日

奏爲安徽省城酌派司道大員分任責成恭摺奏祈

聖鑒事竊安慶克復以後臣移駐省城諸務紛集無一司道大

員分任其責實有叢脞不勝之虞查向來定例隨總督駐紮江

甯者有布政使一員糧道一員鹽道一員隨院撫駐紮安慶者

有布政使一員按察使一員近因兩省淪陷本缺各員僑駐淮

揚泗潁等處臣忝任江督年餘無司道一人相隨雖佐雜微員

必須親自劄委刑名錢穀必須親自綜覈不特體制不合亦且

精力難周若不急爲部署深慮親細務而誤大局再四籌思擬

於安慶省城酌派司道數員分任其責如江甯布政使王夢齡

奏稿卷十七

現在署理漕運總督駐紮淮安應另派一人署理該缺臣同

駐安慶管轄上游印委各員凡蘇省官員來營稟到者由該司

查照班次酌量委用凡皖省官員距潁州太遠者升遷調署由

該司權代詳辦又如安徽按察使張學醇現在駐紮臨淮聲息

不通應另派一人署理該缺隨駐安慶管理安池徽等郡刑名

驛傳事務又如江安糧道王朝綸現在代辦江北糧臺駐紮揚

州應另派一人署理該缺隨駐安慶專管皖省七府漕糧事件

該缺之職向章本管蘇糧三府皖糧七府也又如江甯鹽巡道

邢春第現未到任亦應另派一人署理該缺隨駐安慶專管淮

鹽事件此四缺者分別署置庶幾職有專司思不出位臣得官

盛任使之效庶幾專心軍旅用志不紛聞或馳赴各府巡察營務亦不至拋廢公事實於軍務地方兩有裨益理合先行具奏除俟遴選得人再將四缺陸續奏派署理請旨遵行外所有安徽省城酌派司道大員分任責成緣由恭摺附驛馳奏伏乞皇上聖鑒訓示謹奏

奏稿卷十七

六

鮑超軍克鉛山縣摺 咸豐十一年九月初九日 奏為鮑超一軍追剿偽忠王股匪於湖坊河口等處大獲勝仗克復鉛山縣城恭摺奏祈

聖鑒事竊鮑超一軍在豐城西岸大獲勝仗臣於八月初二日具奏在案該逆退出豐城後大股盤踞白馬寨小塘墟西竹墟等處分股竄小江口大江口一帶鮑超於二十七日過河進剿白馬寨小塘墟一帶之賊沿山抄擊分途齊進該逆紛紛敗竄我軍連日追剿該逆前有另股圍攻撫州經撫州府知府鍾峻縣丞劉于浚暨闔城官紳登陴固守八月初四日鮑超一軍追至城下撫州之圍立解該逆望許灣大路而逃此豐城捷後全

奏稿卷十七

七

軍東渡追賊至撫州之情形也先是七月下旬安慶援賊多而且悍臣調鮑超馳援江北該鎮於初五日兼程回援初十日行抵距省四十里之武陽渡始知安慶業已克復乃遂星夜折回於十四日再抵撫州查得該逆大股已竄往貴溪雙港湖坊河口一帶會合湖坊之花旗廣匪三股賊眾號稱二十餘萬蔓延數百里層層築壘意圖回竄并分股竄往弋貴廣信一帶鮑超於十五日自撫郡進兵冒雨遊行二十日馳抵貴溪貴溪之賊聞風逃遁人心稍定二十二日五鼓鮑超率隊進剿卯刻行抵雙港該逆首偽忠王李秀成於先日由河口率眾至湖坊勾結孝天豫朱逆觀天燕童逆勤天福余逆享天祿黃逆并花旗廣

匪等股整隊迎敵洶湧如潮鮑超飭宋國永顏紹榮王衍慶劉
王堂等由中路進飭陳由立熊鐵生易昌煥明興等由左路進
飭黃慶吳騰芳馮炳南伍華瀚等由右路進又飭雲慶劉順
隆李文益等由東路抄擊張玉田譚勝達唐仁廉等由西路抄
擊五路齊舉自卯至巳鏖戰三時該逆紛紛大敗拋棄器械翻
山越嶺奪命狂奔我軍追殺六十餘里該逆尸骸相藉沿途斃
賊一萬餘名墜巖落澗死者尤多將雙港九思巖同田河田湖
坊一帶賊壘七十餘座全行踏平生擒長髮老賊近二千名內
有保天安豫天福曉天燕成天豫頂天侯中天侯檢點丞相指
揮監軍司馬等官訊明正法奪獲偽印一百四十一顆鎗礮刀
矛旂幟山積追至河口該處踞賊一併驅逐即在河口駐宿少
為休息此二十二日掃清雙港湖坊河口等處踞賊大獲勝仗
之實在情形也是夜探馬回稱湖坊河口之賊敗往鉛山者皆
盤踞於東門外三十里之梓墟一帶意欲勾通城內之賊抗拒
官軍四更初轉鮑超率領馬步全軍進攻鉛山卯刻已抵城外
該逆於北門外堅築七壘與城內之賊相為犄角猝見我軍之
至施放鎗礮憑牆堵禦鮑超飭令陳由立譚勝達分投攻壘拔
開鹿角擁入濠邊該逆鎗礮如雨我軍勇氣百倍一擁而登先
將左路賊壘踏平旋將右六壘踏毀壘中之賊盡數殲除各營
乘勝搗水過河分段攻城賊於城上施開鎗礮相持兩時之久

奏稿卷十七

六

鮑超親執桴鼓如牆併進火箭然燒城內藥桶賊眾慌亂副將
譚勝達即緣梯登城該逆見勢不支潛開東門逃走我軍先登
者立開北門迎各營一齊入城登將鉛山縣城克復追殺六十
餘里該逆屍橫遍野生擒老賊八百餘名奪獲偽印四十三顆
將梓溪一帶踞賊全行勦洗馬隊追過廣信立解郡圍此二十
三日踏毀城外賊壘克復鉛山縣城之實在情形也伏查閩賊
三起與花旗廣匪先後由建昌竄至廣信盤踞雙港九思巖河
口湖坊鉛山一帶兩月有餘蔓延極廣又加偽忠王一股由撫
州回竄該處併聚一路聲勢浩大經鮑超痛勦兩日掃平賊壘
八十餘座克復鉛山縣城周圍追擊二百餘里風馳電掣洵足
彰
天討而快人心所有陣亡之花翎都司王友得儘先都司黃友
勝儘先守備周有勝守備銜千總趙勝武千總封樂善儘先把
總高林芳藍翎外委李安旺方祥應儘先外委鄒富友蕭於成
周鳳祿等力戰捐軀深堪憫惻應請
旨交部從優議卹以慰忠魂尤為出力之儘先副將譚勝達請
加總兵銜并
賞加巴圖魯名號副都統銜協領明興請以副都統記名
簡放并請
賞加巴圖魯名號儘先副將李文益劉玉堂二員均請

奏稿卷十七

九

賞加總兵銜儘先副將王衍慶熊鐵生二員均請

賞加總兵銜知府銜四川卽補直隸州知州伍華瀚請免補直

隸州以知府仍留四川遇缺卽補并請

賞加巴圖魯名號知府銜湖北卽補直隸州知州鮑繼高請免

補本班以知府仍留湖北遇缺卽補副將銜儘先參將李定貴

請免補參將以副將儘先補用并請

賞加巴圖魯名號副將銜儘先參將唐仁廉蔣炳南二員均請

以副將儘先補用其餘出力文武員弁籲懇

天恩容臣查明保獎所有鮑超一軍於湖坊河口等處大獲勝

仗克復鉛山縣城各緣由恭摺由驛五百里馳奏伏乞

皇上聖鑒訓示謹

奏

奏稿卷十七

五

歷陳胡林翼忠勤績摺 咸豐十一年十月十四日

奏為湖北撫臣忠勤盡瘁勳績最多恭摺奏祈

聖鑒事竊前湖北撫臣胡林翼由翰林起家洊歷外任咸豐五

年三月蒙

先皇帝特達之知由貴州道員不及半載擢署湖北巡撫當是

時武漢已三次失陷湖北州縣大半淪沒各路兵勇潰散殆盡

胡林翼坐困於金口洪山一帶勞身焦思不特無兵無餉亦且

無官無幕自兩司以至州縣佐雜皆遠隔北岸數百里外一錢

一粟皆親作書函向人求貸情詞深痛殘破之餘十不一應至

發其益陽私家之穀以濟軍食士卒為之感動會湘勇自江西

援鄂軍勢日振六年十一月攻克武漢以次恢復黃州等郡縣

論者以為鄂省巡撫可稍息肩矣胡林翼不少為自固之計悉

師越境圍攻九江又分兵先救瑞州督撫之以全力援勦鄰省

自湖北始也九江圍剿年餘相持不下中閒石達開自江西窺

鄂陳玉成自皖北犯鄂者三次胡林翼終不肯撤九江之圍回

救本省之急或親統一軍肅清蕪黃或分遣諸將驅歸皖豫卒

能克復九江殺賊淨盡為東南一大轉機潯功甫蒞復奏明以

全鄂之力辦皖北之賊迨李續賓覆軍於三河胡林翼先以母

喪歸籍未滿百日聞信急起痛哭誓師不入衙署進駐黃州論

者又以李續賓良將新逝元氣未復但可姑保吾圍不宜兼顧

奏稿卷十七

五

鄰封胡林翼不以爲然驚魂甫定即派重兵越二千里援解湖南寶慶之圍援湘之師未返又議大舉圖皖是時臣國藩方奉入蜀之

命胡林翼臣共圖皖疆先滅髮匪保三吳之財賦雪專天之公憤繪圖數十紙分致臣與官文暨諸路將領晝夜諮謀十年春間大戰於潛山太湖相繼克之遂定圍攻安慶之策親駐太湖督勦本年五月回援鄂省病中猶屢寄臣書縷陳勿撤皖圍力勦援賊之策故安慶之克臣前奏推胡林翼爲首功此非微臣私議蓋在事文武所共知亦

大行皇帝所洞鑒也大凡良將相聚則意見紛歧或道義自高奏稿卷十七

而不免氣矜之過或功能自負而不免器識之偏一言不合動成水火近世將材推湖北爲最多如塔齊布羅澤南李續賓都興阿多隆阿李續宜楊載福彭玉麟鮑超等胡林翼均以國士相待傾身結納人人皆有布衣昆弟之歡或分私財以惠其室家寄珍藥以慰其父母前敵諸軍求餉求援竭蹶經營夜以繼日書問餽遺不絕於道自七年以來每遇捷報之摺胡林翼皆不具奏恆推官文與臣處主稿偶一出奏則盛稱諸將之功而已不與焉其心兢兢以推讓僚友扶植忠良爲務外省盛傳楚師協和親如骨肉而於胡林翼之苦心調護或不盡知此臣所自媿昔時之不逮而又憂後此之難繼者也軍興以來各省皆

以餉絀爲慮湖北三次失守百物蕩盡乙卯丙辰之際窮窘極矣自荊州摧鹽各府抽釐鄂中稍足自存胡林翼綜覈之才冠絕一時每於理財之中暗寓察吏之法咸豐三年部定漕米變價每石折銀一兩三錢而各省州縣照舊浮收加至數倍鄂省竟有每石十數千者上下因之交困胡林翼於七年春開創議減漕嚴裁冗費

先皇帝殊批獎諭謂其不顧情面祛百年之積弊甚屬可嘉統計湖北減漕一項每年爲民間省錢一百四十餘萬串爲帑項增銀四十二萬兩又節省提存銀三十一萬餘兩利

國利民但不利於中飽之蠹向來各衙門陋規臺局浮費革除殆盡州縣征收正課不准浮取毫釐亦不准借催科政拙之名爲猾吏肥私之地各卡委員日有訓月有課批答書函娓娓千言以爲取民贍軍使商賈皆知同仇而敵愾是即所以教忠多入少出使局員皆知潔己而奉公是即所以興廉貞白之士樂爲之用欺飾之徒譴責亦重故湖北瘠區養兵六萬月費至四十萬之多而商民不疲吏治日懋斯又精心默運非操切之術所得與也自頃八月以來安慶克復江鄂肅清方幸全局振興便可長驅東下不圖大功未竟長城遽頽湖廣督臣官文奏請將胡林翼

敕部優卹諒蒙

聖慈矜鑒臣與該故撫共事日久相知頗深咸豐四年曾奏稱
 胡林翼之才勝臣十倍近年過事諮詢尤服其進德之猛不敢
 阿好溢美亦不敢沒其忠勳謹將該故撫以死勤事大略情形
 據實瀆陳伏乞
 飭付國史館查照施行胡林翼之子胡子勳讀書聰慧可否
 加恩之處出自逾格
 鴻慈所有湖北撫臣忠勤盡瘁緣由恭摺附驛馳奏伏乞
 皇上聖鑒訓示謹
 奏

奏稿卷十七

三甫

克復銅陵縣無為州等處摺 咸豐十一年十月十四日
 奏為水陸各軍克復銅陵一縣無為一州並攻奪沿江泥汊神
 塘河運漕鎮東關各要隘恭摺奏祈

聖鑒事竊總兵王明山黃翼升等克復池州府進攻銅陵臣於
 八月初十日具奏在案八月十二日王明山率水師正前營並
 萬化林嚴定國唐學發郭明龍蔡定發趙三元等六營黃翼升
 率淮揚水師親兵營並蔡東祥王東華鄧萬林等三營暨柳壽
 田之內江親兵營分載陸師周萬倬劉祥勝二營自池州下勦
 先派內江親兵哨船於十一日將銅陵縣東北門外隄埂決開
 我水軍即於決口駛入是日已刻王明山督水師攻東門黃翼

奏稿卷十七

三甫

升督水師與周萬倬等陸師攻西門各軍相繼登城殺賊近千
 人餘匪由北門竄逃遂於申刻克復追勦十餘里天晚收隊奪
 賊糧千餘石軍械鎗礮無算派周萬倬等兩營陸師守之仍留
 水師相為倚護此八月十二日克復銅陵縣城之實在情形也
 先是安慶得手桐城舒城廬江相繼收復桐舒經副都統多隆
 阿分兵置守廬江由臣處派兵扼守臣查皖北形勢惟濱江之
 無為州為蕪湖金陵援賊所必經之路利在速攻使南北之氣
 中斷攻無為則須水陸并進陸師由廬江進水師由泥汊口神
 塘河進該逆先於泥汊神塘各紮石壘以阻我水師進路因派
 候補知府陳湜記名總兵李寶賢帶安慶陸師六千餘人於九

月初一日由廬江進無為候補道劉連捷帶二千人於初二日
往守廬江記名臬司曾國荃帶親兵及蕭孚泗彭萬全陸師兩
營密用礮船裝載會同王明山帶外江水師黃翼升帶淮揚水
師順流下駛九月十五日抵泥汊口登岸見賊壘高據口內倚
水為險礮眼層列勢難仰攻遂令陸師修壘水師分紮要路以
鎗礮火箭火彈近賊壘轟之十六日曾國荃率親兵至楊家橋
黃翼升率礮船至鳳皇頸開挖隄埂該逆恐我軍合圍斷其歸
路王明山蕭孚泗等乘賊膽怯徹夜轟打賊遂於十六夜四更
向無為州遁去各軍追殺並奪獲礮械甚多弁勇受傷僅二三
十人十八日黃翼升由泥汊進襄安黃姑閣搜查白湖一帶餘

奏稿卷十七

庚

匪王明山曾國荃復帶水陸各營進攻神塘河賊壘賊以鐵練
攔截河口負隅不出王明山以大礮置兩岸晝夜轟擊十九日
萬化林唐學發郭明鼇蕭孚泗等均帶隊直撲壘賊益不支
遂於二更時向無為州遁去我軍俘獲尤眾此九月十六夜克
復泥汊口十九夜克復神塘河之實在情形也神塘河克後是
夜王明山率水師尾追乘勝進無為州節字智字等營陸師亦
坐船同進二十日尚未黎明均抵城下先是無為州賊目馬玉
堂之妻子在安慶城內曾國荃執而不殺以密諭招降之馬玉
堂感激投誠其機已於十九日漏洩偽頂王朱王將馬玉堂鎖
拏意圖堅守州城馬酋黨羽在城中鬪亂人聲鼎沸我軍突至

因其內亂而攻之賊遂大驚王明山令節字智字兩營早隊潛
伏南門外而自率萬化林唐學發等攻大東門李朝斌李濟清
張得友等攻小東門王遠和郭明鼇等攻倉北門萬礮雷轟子
如密雨逆眾大潰遂於北門竄出水陸各營登岸追擊斃斃二
千餘人又入城搜殺五六百人陳澍劉連捷等亦率馬步大隊
從盛家橋而來截剿賊此九月二十日攻克無為州城之實
在情形也無為含山之交有運漕鎮者外瀕大江內通巢湖自
咸豐三年後賊糧皆聚於此上而接濟安慶廬州下而接濟金
陵老巢實為南北之鎖鑰偽巨王洪酋偽佐將何雅林帶五六
千人並李酋礮船數千號在彼駐守曾國荃偵知賊勢驚惶二

奏稿卷十七

庚

十三日會商王明山派水師三營泊黃淮河以遏巢湖出路曾
國荃自率親兵偕黃翼升李朝斌鄧萬林等水師進取運漕並
派蕭孚泗張勝祿周惠堂彭萬全各隊坐船隨水師繼進未刻
行抵該鎮逆船數十號與水師迎敵鄧萬林李朝斌黃翼升等
排礮轟擊賊勢少卻鄧萬林同各師船飛槳而進奪賊礮船十
一號焚燒賊船數十號船上之賊見水奔竄鎮上之賊見水路
賊敗陸師登岸抄截遂捲旗而退各軍分途猛追共殺斃溺斃
賊近三千人獲賊糧二千餘石奪賊馬十餘匹礮位軍械無數
餘賊向銅陵關一路而遁二十九日黃翼升與陳澍會商派水
陸各營進取東關賊眾傾巢出迎水師以排礮轟擊陸師列陳

數里鎗礮甫施該逆大奔不復歸壘我軍併力抄殺奪取石壘獲礮位米糧甚夥此九月二十三日克復運漕鎮二十九日克復東關之實在情形也臣伏查江北之無為州與南岸之蕪湖相對賊南踞金陵則蕪湖在所必爭北踞廬州則無為在所必爭東關之險運漕之富尤該逆所恃以為與區三國用兵時於東關濡須口苦爭不休即此地也茲幸仰仗

天威水陸各軍旬日之間連復兩城一鎮要隘三處殺賊甚多從此廬州巢縣三河踞賊糧援路梗勢必漸漸搖動擬留陸軍九千分守無為運漕及蒼頭東關等處添調淮揚水師數營分布協守可期穩固所有尤為出力之提督銜壽春鎮總兵王明

奏稿卷十七

天

山擬請以提督記名請

旨簡放淮揚鎮總兵黃翼升擬請

賞加提督銜記名總兵萬化林李朝斌李濟清蕭孚泗張勝祿均請

旨簡放總兵實缺李朝斌并請

賞加提督銜總兵銜副將唐學發請以總兵記名

簡放副將郭明鼇周惠堂均請

賞加勇號候補參將彭萬全鄧萬林均請免補參將以副將遇

缺即補鄧萬林并

賞加勇號擬保參將蔡東祥王東華均請免補參將以副將儘

先推補候補知府陳湜請
賞加道銜五品銜即選知縣彭椿年請以同知直隸州知州留於江蘇補用游擊郭松林程學啟均請以參將遇缺即選都司倪桂請以游擊遇缺即選守備伍維壽請以都司遇缺即選其餘水陸出力員弁兵勇可否由臣查明開單奏獎以示鼓勵出自

天恩所有官軍連復銅陵縣無為州及北岸沿江各要隘各緣由繕摺由驛六百里具陳伏乞

皇上聖鑒訓示謹奏

奏稿卷十七

天

曾國荃回湘募勇片 咸豐十一年十月十四日

再水陸各軍攻克無為州運漕鎮後距江甯僅二百里本可乘賊情驚惶之際直搗金陵老巢無如曾國荃一軍深入賊之腹地得一處須守一處現分守安慶樅陽廬江無為運漕東關六處人數尚嫌單薄別無進取之兵坐失機會實屬可惜應令曾國荃趕緊回湘添募六千人來皖替守各城抽出現在守兵進剿巢縣和州等處冀與下游都興阿揚州之師聯為一片庶期辦易於得勢理合附片陳明伏乞
皇上聖鑒謹
奏

奏稿卷十七

三

謝弟國華 予諡 恩摺 咸豐十一年十月二十六日

奏為恭謝

天恩仰祈

聖鑒事竊臣接准兵部咨稱咸豐十一年八月二十五日內閣奉

上諭官文等奏請將殉難道員予諡等語候選同知曾國華前在三河殉難追贈道員今其兄曾國藩其弟曾國荃曾貞幹等師剿賊克復安慶一門忠義深堪嘉尚曾國華著加恩予諡以彰忠烈欽此 臣聞

命之下感泣難名當即恭設香案望

奏稿卷十七

三

闕叩頭謝

恩訖伏念 臣 弟國華夙抱愚誠未嫻遠略從戎兩載乏虎頭食肉之容殉難三河遂馬革裹尸之志荷蒙

先皇帝予以蔭襲贈以卿銜褒親父以榮封許孤兒以入觀至三至再疊沐高天厚地之

恩有弟有兄愧無墜露輕塵之報茲因克復皖省光賁泉臺更邀逾格之

鴻施畀以易名之令典河山無恙重弔國殤畢命之場魂魄自知永感

聖主憐才之意 臣 惟有督率同懷誓殲醜類餐冰厲節運籌

勤萬眾一心同堅破釜沈舟之志闔門百口共矢銜環結草之誠所有感激下忱理合繕摺叩謝

天恩伏乞

皇上聖鑒謹

奏

秦稿卷十七

三

左宗棠定議援浙節制諸軍摺咸豐十一年十一月十六日
奏為左宗棠一軍定議進援浙江請將廣信徽州饒州諸軍統歸節制以一事權恭摺奏祈

聖鑒事竊近年以來江西屢被賊擾粵閩之賊由撫建北出而入浙皖浙皖之賊由信饒南竄而擾腹地皆以廣信為必經之路本年三月七月偽侍王李世賢偽忠王李秀成先後由江入浙皆以廣信為出奔之途是欲保江西宜於廣信設防欲援浙江宜從廣信進兵必然之勢也自紹興失守杭州危急臣等日夜憂皇以浙境一日不靖則江西一日不安而大局亦終不能轉屢次商謀所以救浙之策無如地廣兵單不專分布而浙

秦稿卷十七

三

中賊勢浩大亦非數千人所能解救臣國藩現令鮑超一軍由青陽前進朱品隆一軍由石埭前進會勦甯國欲以分擊浙中賊勢第恐偽輔王悉眾堅守勢不能遽拔甯郡之城即不能少解浙江之阨惟幫辦軍務太常寺卿臣左宗棠久駐廣信距賊較近其平日用兵取勢甚遠審機甚微近日屢與臣等書函毅然以援浙為己任督臣慶端撫臣王有齡亦奏請左宗棠統軍入浙臣等往返熟商即請左宗棠督率所部進援浙江並將駐防徽州之臬司張運蘭駐防廣信之道員屈蟠駐防玉山之道員王德榜參將顧雲彩駐防廣豐之道員段起各軍及副將孫昌國內河水師均歸左宗棠就近節制調度兵力稍厚運掉較

靈於援剿浙院之時仍步步顧定江西門戶庶於三省全局有裨左宗棠現駐廣信距臣國藩安慶行營相隔千餘里若一入浙境相去彌遠聲息難通遇有轉奏請

旨之件誠恐耽延貽誤以後該處一切軍情應由左宗棠自行奏報以昭迅速是否有當伏候

諭旨遵行至其所部各營與信防各軍欠餉太多難遽用命臣等擬將信郡各屬本年錢漕撥歸經收以清廣玉各軍積欠并將河口景鎮婺源釐金撥歸徵收以清左宗棠所部各營積欠俟各軍整飭就緒即行分途進發內防外剿進止遲速均由左宗棠相機辦理所有左宗棠一軍定議援浙暨廣信徽州饒州

各軍統歸節制並自行奏報各緣由謹合詞繕摺由驛馳陳伏

乞
皇上聖鑒訓示謹

奏

力辭節制浙省各官摺 咸豐十一年十一月二十五日

奏為欽奉

恩旨瀝陳下情恭摺覆陳仰祈

聖鑒事竊十一月十五日准兵部火票遞到十月十八日內閣奉

上諭欽差大臣兩江總督曾國藩著統轄江蘇安徽江西三省并浙江全省軍務所有四省巡撫提鎮以下各官悉歸節制浙江軍務著杭州將軍瑞昌幫辦並著曾國藩速飭太常寺卿左宗棠馳赴浙江剿辦賊匪浙省提鎮以下各官均歸左宗棠調遣欽此同日承准議政王軍機大臣字寄十月十八日奉

上諭本日已明降諭旨令曾國藩節制浙江全省軍務並令江蘇安徽江西浙江巡撫提鎮以下各官悉歸節制該大臣自不能不統籌兼顧况安慶克復湖北江西將次肅清自不至有顧此失彼之虞著曾國藩即飭左宗棠帶領所部兼程赴浙督辦軍務浙省提鎮以下統歸調遣至都興阿在江北剿辦粵匪袁甲三在皖北剿辦捻匪遇有緊要軍務已諭令該將軍會商曾國藩辦理其江北皖北地方文武該將軍等諒亦時有調遣之處並著曾國藩諭令該文武等仍遵都興阿等調遣不得因已歸該大臣節制於都興阿袁甲三派辦公事稍涉玩視是為至要等因欽此仰見

聖主塵念東南擇人任使之至意跪讀之下惶悚莫名臣於未

諭旨之先業將左宗棠定議援浙並節制廣信徽州各軍會同

江西撫臣毓科具奏在案伏念臣自受任兩江以來徽州失守

祁門被困竭蹶之狀屢見奏報倖託

聖主威福僅得自全至於安慶之克悉賴鄂軍之功胡林翼籌

畫於前多隆阿苦戰於後並非臣所能為力江蘇各郡羣盜如

毛乃臣職分應辦之事受

命年餘尚無一兵一卒達於蘇境是臣於皖則無功可敘於蘇

則負疚良深乃蒙

皇上天恩不責臣以無效翻令兼統浙江軍務並四省巡撫提

鎮以下悉歸節制此非常之

寵遇臣自顧非材實難勝任自九月以來浙省軍情日見危急

臣與毓科左宗棠等往復函咨商謀援救徒以地段太寬兵力

太薄既須援浙又須顧皖又須保江三者有并重之勢一時乏

兼全之策直至十月下旬始定議左宗棠由衢州援浙從正路

以張軍威鮑超由甯國援浙從旁路以掣賊勢大局所係必應

統籌臣本末敢稍涉推諉不必有節制浙省之名而後盡心於

浙事也茲欽奉

諭旨令浙省提鎮以下均歸左宗棠節制事權更一掣肘無虞

臣已咨催左宗棠迅速放行但以臣遙制浙軍尚隔越於千里

之外不若以左宗棠專辦浙事可取決於呼吸之間左宗棠前

在湖南撫臣駱秉章幕中贊助軍謀兼顧數省其才實可獨當

一面應請

皇上明降諭旨令左宗棠督辦浙江全省軍務所有該省主客

各軍均歸節制即無庸臣兼統浙省籲懇

天恩收回

成命在

朝廷不必輕假非常之權在微臣亦得少安愚拙之分其浙省

軍事凡臣思慮所能到才力所能及必與左宗棠竭誠合謀不

敢稍存畛域如因推諉而貽誤即求

皇上按律治罪臣不敢辭臣忝任江督三省巡撫提鎮以下各

官例得節制載之會典著之

敕書各文武亦均恪遵憲章不必更加申誡至袁甲三都興阿

各路軍情謹當隨時商辦其江北皖北地方文武臣已嚴飭仍

歸該大臣等節制不得稍涉玩視大抵用兵之要貴得人和而

不尚權勢貴求實際而勿爭虛名臣惟當與各僚屬同心圖治

共濟艱難以慰

先皇在天之靈上佐

聖主中興之業伏懇

皇上俯鑒愚忱允臣所請不勝感激悚懼之至所有欽奉
恩旨憑陳下情各緣由謹繕摺由六百里覆陳伏乞
聖鑒訓示謹
奏

奏稿卷十七

三六

苗沛霖應勦彭玉麟難離水營摺咸豐十一年十一月十日
奏為遵

旨籌商苗沛霖勦撫情形並彭玉麟現帶水師難赴北路請
旨另簡賢員接任皖撫恭摺奏祈

聖鑒事竊臣承准議政王軍機大臣字寄咸豐十一年十月十
六二十二三二十五等日欽奉四次

諭旨以苗沛霖攻破壽州勦撫情形飭臣妥商辦理除咨請湖
廣督臣官文主稿會同臣與李續宜彭玉麟四銜覆奏外臣查
苗沛霖藉受撫之名行謀叛之實已數年矣

朝廷假爵賞為羈縻而彼即竊威權以脅眾帥臣以恩義相勸
誘而彼即挾詐術以要求梟獍之性非可感化徒以長其兇醜

養成尾大不掉之勢今長淮上游險要如霍邱壽州懷遠各城
三河尖正陽關各處苗沛霖均分黨佔踞且欲下窺臨淮上吞
潁州光固人心洶懼逆跡昭彰斷無再撫之理袁甲三兵單餉
絀力實不足制之近亦以該練應勦而不應撫專函徧商臣等
約會楚師併力夾擊且請彭玉麟馳赴潁壽就近會辦臣再四
籌度苗沛霖羽翼已成巢穴已固南勾粵逆西通捻匪一經進
剿羣兇之交必固戰爭之日方長現在楚師勦辦髮逆暫難同
時並舉須俟攻克廬州以後與袁甲三臨淮之軍聯為一氣乃
可併力勦苗庶局勢順而兵力較厚至彭玉麟身任皖撫自應

親往北路督剿惟賴毫一帶苗捻各股縱橫布滿為撫臣者須有陸路馬步強兵乃足以立

國威而定民志彭玉麟素統水師並未帶有陸兵亦未在陸路

打仗一旦舍舟登陸似覺用違其長賴壽雖原有兵勇驕疲日

久殊難得力若月行召募戰守皆不可靠若調撥別部恩信又

不相孚且現在得力之軍皆分防最要之地即抽撥亦不能多

彭玉麟隻身前往於事何濟况水師轉戰數年肅清上游千餘

里實賴楊載福彭玉麟二人互相維持楊載福現奉

恩准回籍省親明春假滿回營後或陸軍下勦金陵楊載福彭

玉麟兩人者當一赴下江一留上江或賊匪回竄楚境兩人者

當一援鄂江一防皖江江面太長實非一人所能照料彭玉麟

一離水營馳援賴壽陸路難收夾擊之效水師實有挫失之虞

是以該撫兩次奏請開缺臣未便勸阻並為緘商袁甲三勿再

奏催可否仰懇

聖恩俯念北路防剿關繫至重另簡素統陸兵威望卓著之員

接任皖撫俾彭玉麟仍帶水師於南北大局兩有裨益所有遵

旨籌商苗沛霖應期情形暨彭玉麟難離水營各緣由謹專摺

由驛覆陳伏乞

皇上聖鑒訓示謹

奏

浙省失守徽郡被圍通籌全局摺咸豐十一年十二月十日
奏為浙江省城失守徽州被圍通籌全局力圖補救恭摺條陳
仰祈

聖鑒事竊臣連日承准議政王軍機大臣字寄咸豐十一年十

一月十一二十四十六等日欽奉四次

諭旨以杭州省城被圍緊急飭催左宗棠統師援浙當即欽遵

恭錄移催左宗棠迅速啓行先是浙江之賊恐我軍進援為先

發制人之計於十一月十四日分兩大股由淳安開化竄出二

十二日至徽境之街口二十六日至深渡副將張運桂派隊迎

擊大捷一次小挫一次偽輔王楊輔青又率甯郡大股分兩路

內犯欲取徽州休甯各城二十七日偽成天安桂逆率眾萬餘

竄休境之屯溪署總兵唐義訓擊走之二十八日又竄篁墩張

運桂督軍迎剿獲勝楊逆同各股悍賊又由南路逕撲徽郡我

軍撤回守城自十二月初二日後徽州被圍甚急張運桂率勇

堅守屢次出擊獲勝賊於城外分布築壘不少卻退臣思徽郡

為由浙入江皖第一重門戶我與賊所必爭之地因調總兵朱

品隆出嶺之師兼程回援復函商左宗棠順道由徽發夾擊此

股再進嚴州以援浙省准左宗棠咨稱已派老湘七旗及駐防

玉山之仁右營前赴華埠直隸州知州劉典帶七營前赴婺源

防剿竄逆方冀各軍併力擊退徽賊即乘勢入浙乃接據江蘇

奏稿卷十七

撫臣薛煥咨稱浙江省城已於十一月二十八日失守又接署
皖南道姚體備稟浙江潰兵紛紛來徽據稱浙省文武大吏殉
難甚多其水陸兵勇約有六萬除陣亡及降賊者外尚有萬餘
人沿途又被逆匪截去多名等語臣疊奉援浙之命赴救莫及
大局決裂應請

旨將臣交部嚴加議處現在浙蘇兩省膏腴之地盡為賊有窟
穴已成根柢已固賊數號稱五十萬潰勇亂民裹脇日多既得
逞志於浙勢必上竄皖南內犯江西以擾我後路而分我兵力
東南大局收拾愈難臣謹就愚慮所及妄思補救之策為我
皇上一一陳之條列於後

奏稿卷十七

一浙東之金華嚴州紹興甯波台州處州等府先後失守温州
被土匪竄陷雖有收復之說料難終保惟湖郡與海甯州兩城
尚存然皆孤懸賊中亦無倖全之理綜計全浙惟衢州一府可
以圖存臣擬令各軍堅守衢州與江西之廣信皖南之徽州為
犄角之勢先據形勝扼賊上竄之路左宗棠應暫於徽衢信三
府間擇要駐紮相機調度總須先固江西皖南邊防保全完善
之地俟徽圍既解立腳漸穩兵餉調齊再籌分路進剿
一閩浙督臣慶端聞已進駐建甯查浙省各郡之賊由分水瀆
遂內竄則徽州婺源當其衝由開化江常內竄則廣信玉山當
其衝若由遂昌龍泉至浦城而竄江西之鉛山福建之光澤則

浦城當其衝左宗棠以數千人分防徽信兩路斷難兼顧聞防
擬請

旨敕下慶端速派勁旅嚴守浦城俾賊不得由閩境而犯江西
一浙省將軍巡撫司道各官聞多殉節容俟查明詳晰具奏應
請

請

旨迅賜簡放各缺查有廣西按察使蔣益澧忠勇素著上年經
臣奏調帶勇來皖奉

旨允准旋准廣西撫臣劉長佑函稱暫留蔣益澧會攻潯梧現
潯梧兩郡均已克復粵西浙就蕩平擬懇

奏稿卷十七

聖恩於浙江藩臬兩司內將該員蔣益澧調補一缺飭帶所部
五六千人迅速赴浙隨同左宗棠籌辦防剿可收指臂之助又
江蘇按察使湯雲松久病廢事難期振作可否請

旨飭令赴部引

見查有候選道陳士杰湖南桂陽州人由戶部小京官在籍帶
勇歷著戰功游升道員所部桂勇精悍得力可否請

旨即將陳士杰擢授江蘇臬司飭令帶勇四千名馳赴安慶聽
候調遣出自逾格

鴻慈現在蘇浙糜爛人皆視為畏途惟有選擇能戰之文員補
授兩省之實缺庶可漸漸集事

一浙省兵勇向恃甯紹為餉源今既被賊踞全省糜爛無可籌

書除福建援浙之師應仍由閩省籌款接濟外左宗棠所部及
衢州原有各軍月餉無出亟應另籌協款查廣東繁富之區現
臻安謐擬懇

恩飭下廣東督撫粵海關按月協撥銀十萬兩或由江西轉解
左宗棠營或由海道駛運上海由臣轉解左宗棠營並請

飭下福建督撫閩海關按月協撥三萬兩交左宗棠轉發衢州
各營臣與撫臣毓科仍於地丁及釐金項下源源協濟以資騰

飽

以上四條均係目前急務至如何進取機宜臣當與左宗棠悉
心籌商隨時會奏謹將浙江省城失守徽郡被圍通籌全局各

奏稿卷十七

四

緣由繕摺由六百里加緊馳陳是否有當伏乞

皇上訓示施行謹

奏

裁撤江南團練大臣片 咸豐十一年十二月十八日
再臣承准議政王軍機大臣字寄咸豐十一年十月二十三日
奉

上諭前因軍務未竣各省需員辦理團練准大學士周祖培等
所奏以毛昶熙杜翊晏端書龐鍾璐王履謙桑春榮劉繹等先
後辦理河南等處團練連日有人奏各省設立團練大臣諸多
弊竇擾害閭閻請仍責成地方官辦理以一事權等語除杜翊
現已回京本日並將桑春榮劉繹團練大臣降旨裁撤外其江
北團練大臣晏端書江南團練大臣龐鍾璐聞其辦理團練未
能振作是否仍須該員等經理抑或即可裁撤著曾國藩薛煥

奏稿卷十七

四

體察情形迅速具奏等因欽此臣伏查團練之法只能防小支
千餘之游匪不能勦大股數萬之悍賊其練丁口糧若太多則
與募勇之價相等不必僅以團名若太少則與兵勇之價迥殊
斷難得其死力其團局經費若取之於丁漕釐捐四者之中則
有礙督撫生財之道若設法於丁漕釐捐四者之外則更無絲
毫措手之處事權既無專屬剛柔實覺兩難晏端書之在江北
不設餉局但勸各邑築圩自保龐鍾璐之在江南激勸鄉民俾
知同警敵愾之義辦理極有斟酌惟目下賊數太多逆氛正熾
斷非團練所能奏功應俟賊氣漸衰大功將竣兵勇凱撤之際
然後辦團以善其後庶幾有益無損晏端書龐鍾璐清操雅望

101 冊 續修四庫全書第 6 反文內

丙任最宜應請

皇上天恩撤去團練差使仍飭回京供職所有江南北應行團練之處即責成地方大吏督率官紳妥為經理所有遵

旨體察情形覆奏緣由謹會同江蘇巡撫薛煥附片馳奏是

否有當伏乞

皇上聖鑒訓示謹

奏稿卷十七

吳

王開化請卹片 咸豐十一年十二月十八日

再布政使銜花翎卽選道王開化為已故按察使銜晉贈布政使卽選道王鑫之從弟年甫十七卽從王鑫勦平湖南南路各逆以善戰聞嗣分帶湘勇勦江西臨江吉安撫建諸賊戰功卓著王鑫故後王開化與現任福建按察使張運蘭分統所部旋以病假歸上年左宗棠奉

奏稿卷十七

吳

旨襄辦軍務延其入軍總理營務入江皖後連克德興婺源兩城去冬勦偽主將黃文金股匪今春勦偽侍王李世賢股匪入夏勦劉官方股匪復建德縣城勦婺源德興與匪均獲大捷王開化之力居多夏間追賊過猛感受暑熱久患瘡痢仍復力疾從征抵廣信後醫治罔效旋即身故查該員厚重沈毅其用兵每能以寡擊眾雖矢石如雨之中意思安閒不異平常至其摧鋒陷陣颯發電舉賁育不足喻其勇也三月十四日樂平城外之戰賊眾共四十餘起如蟻如蠅聯亘十餘里西門一路尤厚偽侍王賊營所在也左宗棠初擬自當西路王開化當中路老湘營當東路約定同時奮擊王開化忽急起躍馬而馳自出西路而密屬直隸州知州劉典隨左宗棠共出中路蓋以西路賊多慮左宗棠犯此重險而願以身當之耳卒之三路皆捷李逆被重創賊膽由此喪盡望風潰逃竄入浙江寶由王開化西路血戰所致該員轉戰八載勞績最多至其器識端偉性行淑均

為左宗棠所敬服軍中皆倚賴之時事方艱良材倏殞可勝痛惜據左宗棠咨報並請奏加優卹前來可否仰懇
皇上天恩准將布政使銜卽選道王開化照布政使軍營立功後病故例從優賜卹予諡以示褒獎之處出自逾格
鴻慈謹附片具

奏請
旨

奏稿卷十七

吳

曾文正公奏稿

卷之十八目錄

遵保皖撫大員摺 同治元年正月初十日

欽奉 恩諭再辭節制四省摺 全日

請優卹羅遵殿王有齡片

謝協辦大學士 恩摺 正月二十二日

金陵未克以前請不再 加恩 家片

徽州解圍摺 全日

籌辦江浙軍務摺 全日

鮑超軍在青陽大捷片

遵 旨通籌全局摺 二月初二日

遵議安徽省城仍建在安慶摺 二月十二日

條陳近日軍情摺 二月二十二日

遵 旨議覆請派員辦廣東釐金摺 全日

李鴻章軍改由輪船赴滬摺 全日

籌議借洋兵剿賊摺 三月二十四日

克復青陽縣城摺 全日

荻港舊縣三山一律肅清片

奏稿卷十八目錄

遵保皖撫大員摺 同治元年正月初十日

奏為遵

旨保奏皖撫大員恭摺覆陳仰祈

聖鑒事竊臣於咸豐十一年十二月二十五日承准議政王軍

機大臣字寄十二月十二日奉

上諭彭玉麟奏瀝陳下情請開缺專意剿賊一摺安徽巡撫現

在簡用乏人著曾國藩於所屬司道大員內擇其長於吏治熟

悉軍情者不必拘定資格秉公保奏一二員候旨簡放再前任

吉南贛甯道沈葆楨前有旨令赴該大臣軍營查看保奏該員

於現在時勢應如何任用之處即著迅速奏聞等因欽此又於

奏稿卷十八

同治元年正月初五日承准議政王軍機大臣字寄咸豐十一

年十二月二十日奉

上諭彭玉麟奏皖撫宜帶陸兵該撫難離水營仍懇准令開缺

等語著即會同曾國藩李續宜等籌商人才薦賢自代即由曾

國藩迅速奏聞候旨簡放提督楊載福請假回籍著曾國藩催

令該提督迅速回營如彭玉麟可以赴任庶水師不致無人統

帶賈臻奏探聞廬州業已克復現在該郡情形若何並著查明

迅速具奏等因欽此又同日承准議政王軍機大臣字寄十二

月十八日奉

上諭廬州業已克復多隆阿一軍自必乘勝追剿著曾國藩即

飭令該將軍渡淮進擊彭玉麟李續宜亦可飭統率楚軍各員

繞出賊前迎頭遏剿等因欽此仰見我

皇上慎重要區虛衷博訪欽悚曷任竊臣前因彭玉麟難離水

營業於上年十二月十七日專摺馳奏並請

簡員接任皖撫在案彭玉麟疊次奏陳不能赴任係屬實情已

在

聖明洞鑒之中臣前與官文商本有奏請李續宜仍任皖撫

之意緣鄂省關係極重一時難覓替人既恐上侵

朝廷黜陟之權又慮轉貽鄂疆未靖之患是以前摺中未敢冒

奏稿卷十八

濫諭疇咨反覆籌度所屬司道大員內實無素統陸軍者可

勝皖撫之任查有前任雲貴總督張亮基久任封疆艱險備嘗

威望素著咸豐二三年間在湖南巡撫署湖廣總督任內籌辦

防剿布置得宜輿論翕服湘勇之初招赴省城訓練實自張亮

基發其端故楚軍將弁樂為之用該員籍隸徐州於穎亳宿蒙

等處地勢民情亦甚熟習又與袁甲三兒女姻親足資聯絡至

湖北撫臣李續宜上年九月會自行奏請回皖撫本任該員忠

勇沈摯一則感

文宗顯皇帝超擢之恩一則抱伊兄李續賓三河之痛常思奮

身而赴義不願就易而避難其所部成大吉蕭慶行蔣凝學各

軍皆在皖境可否仰懇

聖恩於張亮基李續宜二員中特簡一人為安徽巡撫當於大局有裨如

簡授張亮基為安徽巡撫應請

旨飭令在於湖南募勇數千帶赴六安一帶仍責成湖北專濟餉項如

簡授李續宜為安徽巡撫亦應請

旨飭令先駐六安一帶責成湖北專濟湘勇全餉湖北有事責

成李續宜回顧鄂省全境並請即以張亮基為湖北巡撫與督

臣官文會辦一切庶足保楚北最要之區張亮基曾任總督以

奏稿卷十八

三

之補授巡撫於例稍有未符但體制本不甚遠人地實在相宜

或可通融辦理沈葆楨迭經檄催尚未到營臣於上年十一月

二十五日附片覆奏該員堪膺疆寄欽奉

諭旨簡授江西巡撫計可迅速赴任至賈臻所奏探聞廬州克

復並無此事偽英王陳玉成受金陵賊酋偽旨向以皖北為分

地安慶復後該逆即退守廬郡於近城地方大肆焚掠多擄糧

米入城意圖死守抗拒並分遣偽公安陳姓偽則天義梁成

福偽傑天義賴文光等盤踞廬郡北鄉五十里埠與城賊相犄

角多隆阿前隊方抵中派河因廬境蹂躪過久人煙稀少軍糧

無可采辦仍須由鄂省解運不免輾轉稽延臣現與官文李續

宜等籌派委員速行運濟正月內必可進攻廬州如廬城不復
勢不能繞赴淮北救援潁州除俟如何攻剿情形再由官文等
會銜馳奏並飭催楊載福迅速回營外所有遵
旨保奏皖撫大員恭摺由驛六百里覆陳伏乞
皇上聖鑒訓示謹
奏

奏稿卷十八

四

欽奉 恩諭再辭節制四省摺 同治元年正月初十日

奏為欽奉

恩諭再陳下情恭摺仰祈

聖鑒事竊 臣於去年十二月二十七日准兵部火票遞回 臣前

奏瀝陳下情原摺承准議政王軍機大臣字寄咸豐十一年十

二月十四日奉

上諭曾國藩奏接奉節制江浙等四省軍務諭旨瀝忱懇辭一

摺覽奏均悉前因江浙等省軍情喫緊特諭曾國藩統轄節制

以期事權歸一可以通籌全局茲據該大臣瀝陳各情謂遙制

浙軍不若以左宗棠專辦浙事請收回成命各等語謙卑遜順

具見惻忱真摯有古大臣之風深堪嘉尚惟左宗棠業已降旨

令其督辦浙江軍務並准其自行奏事江浙軍情本屬相關一

氣凡該大臣思慮所到諒無不協力同心相資為理節制一事

該大臣其母再固辭等因欽此 臣自顧何人仰蒙

溫語褒嘉委任專壹跪讀之下感悚莫名 臣自聞杭州失守後

業將力圖補救各情於十二月十八日條列具奏目下浙省僅

存衢州溫州湖州三府及海甯州一城溫州土匪紛集恐難終

保湖州海甯州孤懸賊中無兵赴援亦斷無倖全之理綜計全

浙惟衢州一府可以圖存然欲保衢州必先守定江西廣信玉

山而後有運糧之路欲復杭省必由徽州以攻嚴州而後有進

兵之路是圖浙之道守衢與攻嚴二者並重闕一不可也 臣現

飭兩江總糧臺籌撥餉糈軍火接濟衢防兵勇並派員於玉山

設立轉運局飭令李定太統領衢防堅守三月以待援兵至進

攻嚴州則專賴左宗棠一軍必先掃清歙縣婺源之零股攻克

開化遂安之堅城乃能達於嚴郡目前兵力尚單難遽深入而

賊燄方盛亦斷不容我深入計今歲春間必在開遂歙婺一帶

戰爭不休須俟廣西臬司蔣益豐一軍到衢後衢嚴兩路分途

并進庶幾站脚漸穩取勢漸緊 臣與左宗棠往返熟商所以規

復浙江者在此所以保全江西皖南者亦在此愚慮所及舍此

別無謀浙之方惟當竭誠合謀斷不敢稍存畛域至於節制四

省之名仍懇

聖恩收回

成命 臣非因浙事既已決裂預存諉過之意倘左宗棠辦理毫

無成效 臣當分任其咎所以不願節制四省再三瀝陳者實因

大亂未平用兵至十餘省之多諸道出師將帥聯翩 臣一人權

位太重恐開斯世爭權競勢之風兼防他日外重內輕之漸機

括甚微關係甚大區區愚忱仰祈

聖明鑒納無任惶悚懇切之至所有欽奉

恩諭再陳下情緣由謹專摺由驛具陳伏乞

聖鑒訓示謹

奏

請優卹羅遵

殿王有齡

同治元年正月初十日

再上年二月間浙

江省城被陷前撫

羅遵殿殉難經杭州將

軍瑞昌奏奉

上諭羅遵殿官聲

素好到浙後頗能實心任事著照巡撫例從

優賜卹等因欽此

維時臣駐軍宿松適羅遵殿之子候選員外

郎羅忠祐扶柩回

籍赴臣處呈稱杭州破後羅遵殿之妻徐氏

孀女陳羅氏族孀

姪婦周氏及雇婦金梅氏家丁顧斌均同時

殉節經臣會同前

湖北撫臣胡林翼於五月初三日據情奏懇

旌卹奉

硃批已有旨欽此

旋閱邸鈔御史高延祐奏參奉

奏稿卷十八

七

奏稿卷十八

八

旨將羅遵殿卹典

撤銷臣查浙省向來供給甯國一軍恃以堵

禦門戶故省城久

不設備羅遵殿到任未及三月方思整軍選

將自固邊防乃大

股賊即由甯國界內竄入其咎似難獨歸於

該撫及至城破身

殉妻女眷屬相率就義實堪矜憫軍興以來

凡疆吏守城殉節

皆得仰邀

卹典即浙省殉難

紳民亦先後查明議卹獨羅遵殿孤忠盡瘁

未荷褒崇臣竊惜

之該撫由進士知縣外任二十餘年歷著循

績臣駐紮宿松曾赴

弔羅遵殿之家見其家無長物環堵蕭然

家屬衣食不甚充

裕既歎其清操之過人復欽其臨難之不苟

粵匪蹂躪各省有

守土之責者才略有短長戰守有利鈍但能

以死報國即已克盡人臣之道不必更為苛刻之論高延祐一時憤激持論殊欠公允伏懇

皇上查照

先皇帝初次諭旨仍飭將羅遵殿從優賜卹並將隨同殉難之妻女姪婦及雇婦家丁一併旌卹以彰忠節庶幾是非不淆紀綱常振至此次浙省再陷處探聞瑞昌王有齡均已殉難與薛煥咨報相同瑞昌忠勳最著自必仰蒙

恩卹惟王有齡迭被參劾於上月二十五日覆奏摺內聲明該撫辦理杭城防務尙費苦心茲以糧盡援絕見危授命斷不敢以一眚掩其忠節該撫平昔苛派捐餉嚴劾紳士杭州之

奏稿卷十八

九

人感其死守紹興之人恨其暴斂難保無身後之訾議應請

聖主憫念時艱表揚忠烈並將王有齡

俯賜優卹為封疆大臣以死勤事者勸愚昧之見是否有當

伏乞

聖鑒訓示施行謹附片具

奏

謝協辦大學士 恩摺 同治元年正月二十二日

奏為恭謝

天恩仰祈

聖鑒事竊臣接准兵部火票遞到同治元年正月初一日內閣奉

上諭曾國藩著以兩江總督協辦大學士欽此聞

命祇懼感激莫名當即恭設香案望

闕叩頭謝

恩訖伏念臣材識庸劣重寄從軍數載功寡過多前歲擢

任兩江至今無一將一兵達於蘇境下不克慰萬姓雲霓之望

奏稿卷十八

十

上不克分

九重宵旰之憂雖寬政之倖邀實悚惶而無地迺於

聖皇御極之初元歲履端之吉

特頒丹詔協贊

黃扉仍領兼圻並司九伐自顧何人膺茲

殊寵竊以大亂未平金陵未復正

國家宏濟艱難之候豈臣子濫邀異數之時惟有殫竭愚忱

周咨忠益常枕戈而待旦期作楫而濟川庶以仰答

高厚鴻恩於萬一所有感激下忱理合恭摺叩謝

天恩伏乞

皇上聖鑒謹奏

奏稿卷十八

上

金陵未克以前請不再加恩臣家片同治元年正月二

再密陳者現在金陵未復寇勢方張軍事反覆無常正恐利時

少而鈍時多臣忝膺重任日夜憂惶除浙江已陷苗練已叛難

遠補救外即上而皖南江西下而鎮江上海亦俱有岌岌可危

之勢臣分內之事尙未知成敗何若乃自去秋以來屢荷

鴻恩臣既蒙

賞加太子少保銜又蒙

飭諭節制四省茲又拜協辦之

命臣弟國荃既蒙

賞穿黃馬褂又蒙

賞頭品頂戴茲又拜浙江按察使之

命一門之內數月之間

異數殊恩有加無已感激之餘繼以悚懼誠恐軍事一旦疏失

即加倍譴責猶有餘咎臣本擬恭疏辭謝以除授參政大典料

難收回

成命又以甫經兩次辭節制四省之權不敢更疏瀆辭近於矯

情而鈞譽惴慄旁皇不知所措理合據實陳明懇求

皇上念軍事之靡定鑒愚臣之苦衷金陵未克以前不再

加恩於臣家是即所以保全微臣之功名而永戴

聖主之恩眷矣又前此屢奉

奏稿卷十八

上

諭旨飭臣保薦江蘇安徽巡撫頤復蒙

垂詢閩省督撫飭臣保舉大員開列請

簡封疆將帥乃

朝廷舉措之大權如愚陋豈敢干預嗣後如有所知堪膺

疆寄者隨時恭疏入告仰副

聖主旁求之意但泛論人才以備採擇則可指明某缺徑請遷

除則不可不特一人為然凡為督撫者皆不宜指缺保薦督

撫蓋四方多故疆既有征伐之權不當更分黜陟之柄在

聖主虛衷訪問但求投艱而遺大不惜舍己而從人惟風氣一

開流弊甚長辨之不可不早宜預防外重內輕之漸兼以杜植

奏稿卷十八

三

私樹黨之端其督撫有任可履者不准遷延不到亦不准他處

奏畱庶幾紀綱彌肅

朝廷愈尊是否有當謹一併密陳伏乞

皇上聖鑒謹

奏

徽州解圍摺 同治元年正月二十二日

奏為徽州被圍月餘我軍內外夾擊疊獲大捷立解城圍恭摺

縷陳仰祈

聖鑒事竊偽輔王楊輔清率眾圍徽業於上年十二月十八日

具奏厥後破賊解圍又於本年正月初十日附片略陳並聲明

容日續奏戰狀在案先是該逆大股於徽城南北修築營壘意

在挑戰張運桂督老湘營堅守以靜制動十二月初八日密商

各旗先擊南門賊營斃賊甚多又分出西北門誘賊過河我勇

佯退俟羣賊迫近齊出大隊分三路進猛戰半時斬擒三四百

名鎗傷千餘名初十日賊眾圍撲城外一二三旗營牆我軍埋

奏稿卷十八

四

伏夾擊轟斃四五百名是夜復選奮勇縋城燒賊踞房傷賊無

數擒殺三十餘名十六日城內外各營同時出攻北門賊壘該

逆憑牆死守我軍奮勇齊進一壘既破各壘慌亂連燬賊營五

座屍橫枕藉無一得脫南路援賊蜂擁而來彼此猛撲一二十

次斃悍賊四五百名生擒百餘其擊敗之賊分股東趨又與嚴

州大股併竄屯溪及岩市街潛口一帶以阻徽軍糧路自初八

至二十六日運道阻塞文報亦或通或梗張運桂以圍困日緊

時時出城攻打以接外援之氣掘濠灌水以防地道之謀雪夜

滅燈露立堞口以防扒城暗襲之計二十日復令一二三旗傍

城直上四五旗沿河包抄六七八旗及左右營當中布陣餘皆

畱守城圍我勇齊抵賊壘施放火器賊紛紛棄營而遁斃傷約二百名此徽州城內張運桂一軍戰守之情形也朱品隆一軍前經奏明出攻石埭與鮑超會剿甯國自聞徽州之警臣調令回軍入援初八日進嶺十三日馳至休甯與署總兵唐義訓商援徽之法以疏通糧路為急議定先勦屯溪次勦潛口岩市之賊十七日兩軍齊赴屯溪朱品隆自左路進唐義訓自右路進先破街口一卡旋攻毀河邊四壘斬賊約五百人追賊溺斃者尤多賊已退遁是夜復回踞該處十九日朱品隆督隊將石橋潛口賊巢節節掃盪擒斬無算二十二日辰刻岩市大股直撲萬安街是時官軍方派三營護糧赴徽賊占萬安街則歸路已

奏稿卷十八

五

斷朱品隆立派六成隊分路出擊該逆先由左路抄入朱聲隆迎敵破之山後之賊又換隊衝出敗賊回旗並進朱品隆督飭各營拚命力堵幾不能支適解米各營均回助戰賊始卻止唐義訓亦派隊援助逐賊東去殺斃約三百名此朱品隆唐義訓兩軍援徽力戰之情形也張運桂以岩市街被賊堅踞糧路不通必須合力勦退乃可固軍心而保要郡密飭總兵黃萬友率左營及六七八旗出隊間道馳赴休甯會商朱唐兩鎮兜勦岩市之賊二十四日辰刻抵休連日風雨不息二十五夜少霽張運桂料詰朝必有大戰遂派隊往潛口迎護糧藥並遙為策應二十六日黃萬友唐義訓由潛口左路進朱品隆由中路進岩

市之賊分路來撲約二萬餘排列五六層分布三四里朱品隆先從街口接仗破堅卡而入唐義訓黃萬友乘勝從街前後包抄連燬賊壘十餘座斬賊三千餘人奪獲旗幟印憑驛馬糧米無數楊逆受傷逃出餘匪退向篁墩追殺數里天晚收隊二十七日以後大雪三晝夜平地深四五尺道路阻絕人馬難行該逆經此重創無糧可擄遂於除夕冒雪向遂安瀘安退去徽城各門之賊亦於二十九三十日全行遁去郡城解圍此徽休各軍會剿岩市立解重圍之情形也伏查偽輔王率五六萬悍眾分布徽郡岩市屯溪各處又另股由績溪嚴州繼進欲乘浙省全勝之勢攻陷徽郡由皖入江計甚狡毒仰荷

奏稿卷十八

六

皇上威福將士用命內守外援連戰皆捷二十六日諸軍會勦尤能大挫兇鋒左宗棠一軍亦於二十六日在婺浙交界之大鱗嶺酣戰獲捷遂使各路悍賊負創遠遁徽圍立解全境肅清實於大局有裨各營於風雪嚴寒之際奮力苦戰著有微勞總兵張運桂係臬司張運蘭之胞弟因其兄抱病離營代統其眾調度得宜應請
賞加勇號衢州鎮總兵朱品隆請
賞加提督銜署皖南鎮總兵唐義訓請交部從優議敘提督銜
記名總兵劉松山記名總兵朱紹輝劉光明均請交部從優議敘記名總兵黃萬友易開俊均請

賞加提督銜總兵銜副將葉明瑞賀國秀均請以總兵記名

簡放副將銜參將張添習請以副將儘先選用總兵銜江西推

補副將沈寶成請以總兵記名

簡放記名總兵胡暉堂請

賞加勇號游擊朱步青請以參將開於安徽儘先補用其餘出

方員弁可否容臣查明擇尤請獎張運桂所部將弁陣亡四十

四員朱品隆所部將弁陣亡二員另行開單請

旨飭部議卹所有徽州各軍獲勝解圍各緣由專摺由驛具陳

伏乞

皇上聖鑒訓示謹

奏稿卷十八

七

奏

籌辦江浙軍務摺 同治元年正月二十二日

奏為遵奉屢次

諭旨籌辦江浙軍務恭摺分晰覆陳仰祈

聖鑒事竊咸豐十一年十二月十七日奉

上諭有人奏蘇常淪陷逾年請亟圖克復等語原摺所稱左宗

棠抵浙得勝後移兵由嘉興進攻另派一得力之將由太湖進

攻加以僻煥由上海進攻為三路之兵是否可以照行之處著

迅速妥籌辦理等因欽此又同治元年正月初九日承准咸豐

十一年十二月二十五日

寄諭浙江省城失守左宗棠已投浙江巡撫刻下計已抵浙著

奏稿卷十八

六

即會合閩師分道進攻毋令該逆久踞曾國藩飭令鮑超進攻

甯國以便進規浙省為左宗棠後路聲援此時賊中悍匪麇聚

杭城蘇常守禦必懈若能分兵直搗蘇常便可由嘉湖以扼杭

城之背使該逆應接不暇未始非出奇制勝之策著曾國藩詳

煥酌度情形妥籌辦理等因欽此臣查杭州未失之先左宗棠

由徽境進援中間節節為賊所阻尙未能速達杭州更何能繞

進蘇常至杭州既失以後左宗棠於十二月杪戰勝於徽浙交

界之大鱗嶺甫解徽郡之圍擬由徽郡進攻嚴州以扼杭省之

吭上以作衢州之蔽目前謀浙之道舍此別無長策惟行軍自

有次第必須攻克開化遂安等城乃有赴嚴之路必須畱守婺

源華埠等處乃無抄後之虞臣於本月初十日奏明須俟蔣益
 澧一軍到衢分途進攻非過於持重故事遷延也實因賊數太
 多佔地太廣動輒以長圍困我若非左宗棠直擣嚴州恐衢州
 終困於長圍之中若無蔣益澧續進常玉恐左宗棠亦將困於
 長圍之中反覆籌算不得不審慎而出於此至鮑超一軍與賊
 搏戰於青陽城下不能遽克即使克復青陽而尚有石埭涇縣
 等城為賊所踞未能遽抵甯國又安能進援杭湖臣所聞蘇
 常之賊守禦甚嚴臣似尚無機可乘縱有可圖之機而左鮑
 兩軍隔蘇常各八九百里必經過江南十數縣有賊之地前有
 堅城後無糧路將軍心之立潰實寸步而難行臣之愚見必俟

奏稿卷十八

九

左宗棠圍攻嚴州鮑超進抵甯國浙事乃有下手之處此籌辦
 浙江軍務之大略也又正月初四日承准十二月十七日
 寄諭鎮江逆匪麕聚勢甚危急都興阿雖經派兵赴援一時未
 能擊退昨據曾國藩奏稱擬派道員李鴻章統帶水軍並陸軍
 六七千名馳赴鎮江已諭令照擬辦理著官文曾國藩迅速會
 商如有可籌撥兵勇即派委員統帶交都興阿嚴密布置等因
 欽此又正月初八日承准十二月二十一日
 寄諭翁心存奏力保通泰克復蘇常請飭派一素能辦賊之員
 馳赴通泰由江陰常熟進擣蘇常宋晉則請飭都興阿選派勁
 旅由常熟丹陽等處分道進攻並先期約會薛煥派員激勵義

團隨同勦賊其單開各條尤為周密即著曾國藩都興阿薛煥
 按照所奏各情悉心會商曾國藩能否派員前往都興阿薛煥
 應如何會合進兵均著迅速籌辦以慰民望以紓朕南顧之憂
 至用人為當務之急翁心存等所稱知府周沐潤知縣劉郁膏
 趙秉鎔博士趙宗建等其才是否足資任用並著曾國藩等確
 實查明量材差遣等因欽此又正月初九日承准十二月二十
 六日

奏稿卷十八

十

寄諭都興阿奏進攻天長獲勝並江甯逆援渡江一摺都興阿
 所部水陸兵勇本不甚厚揚城實江北要區曾國藩自當通籌
 兼顧聯絡聲勢前諭令將江南北等處餉需通籌協濟並諭兩
 淮鹽務派員整頓諒已設法經理若得此巨款不必專仰給湖
 北江西餉項自可裁汰疲弱添募新勇撥給都興阿統帶以固
 揚防門戶至上海關稅每歲可得數百萬兩尤為餉源所自出
 該大臣前奏派兵數千人駐守殊未籌及進攻之策昨因諭曾
 國藩統帶老勇八千名赴滬以為力保該大臣餉源起見且可
 進規蘇常現江浙徧地賊氛江南只有鎮江一隅為進兵適中
 之地該大臣前奏李鴻章水陸各軍著迅速調撥布置起程抵
 鎮後即飛速馳奏遲則此著又恐落後該大臣身任統帥事非
 越俎亦無旁貸不必稍避嫌怨總期於事有濟江浙等處軍務
 朕惟曾國藩是賴所有一切布置情形即著迅速覆奏等因欽

此又承准正月初七日

寄諭現在賊勢趨重鎮江而金陵蘇清各匪復圖竄擾江北李鴻章所統水陸各軍六七千人如能早行趕到不獨鎮城可資保衛亦可壯江北聲勢著會國藩催令該員迅即起程無稍遲緩等因欽此臣查翁心存所奏請派員馳赴通泰乘虛由江陰常熟進搗蘇常如或不能則力保裏下河數百里沃壤遏賊北趨宋晉所奏請都興阿派兵由靖江泰興分進江陰常州各條均屬詳慎周妥惟都興阿一軍須先肅清江北俾後路無牽制之虞現聞天長六合均經克復江北僅浦口江浦兩城如即乘勢攻克上可通會國荃無為運漕各軍之氣下可聯袁甲三

秦稿卷十八

臨淮滁州各軍之援則江北片段既成根基既固然後會合上下游分路規取南岸方不致凌躐無序自古江南用兵以鎮江為險要目前局勢鎮江尤屬必爭之地若圖金陵則侯鮑超一軍攻克甯國後由東壩溧陽進而鎮江即出兵會之若圖蘇常則侯揚州一軍肅清江北後由靖江泰興進而鎮江亦出兵會之是以前奏李鴻章統帶水陸下駐鎮江原為將來進取地步惟鎮江現有馮子材黃彬等軍如果扼守得力不須添換李鴻章或移駐通泰或駛往上海應俟該員抵鎮後察看情形再行具奏其兩淮鹽務亦可就近與喬松年設法整頓但江運未通未必即有鉅款可指現催令該員趕緊募練淮勇並酌撥湘

軍數營如有火輪夾板船可雇即由水路前進否則陸師緣北岸前進二月杪當可成行會國荃新勇募到擬進攻巢縣和州一路通下游鎮揚各軍之氣仍固上游無巢一面之防未便遠赴上海顧彼失此至上海餉源所出關係亦重臣已另片陳明聯絡洋人協力守禦或派陳士杰一軍赴滬應俟陳士杰到皖李鴻章到鎮以後續行具奏至松滬現有兵勇疲弱頗多應酌加裁汰以節糜費而收實效上海縣知縣劉郁膏深得民心常州府知府周沐潤才略頗優並知縣趙秉鎔紳士趙宗建等均在下游應交李鴻章察看任用此籌辦江蘇軍務之大略也臣才識素拙仰蒙

秦稿卷十八

聖主信任之專斷不敢稍避嫌怨亦不敢坐失機宜惟江浙賊勢浩大盡占富庶之要區廣收官軍之降卒財力五倍人數十倍若非慎以圖之不特蘇浙難克即皖南江西且有疆土日蹙之虞過求速效以至僨事轉非所以仰慰

慈厘所有遵

旨籌辦江浙軍務緣由專摺由驛覆陳伏祈

皇上聖鑒訓示謹

奏

鮑超軍在青陽大捷片 同治元年正月二十二日

再鮑超一軍十二月初進紮青陽城下初七日該逆乘夜撲營經我軍轟退並伏兵追殺獲勝初九日該逆分四路來撲各營分路迎擊斃賊數百詎石埭太平大股賊援齊至築壘十餘座與城賊相犄角十一日鮑超率馬步由東北門進剿逆眾列隊迎拒鏖戰兩時賊大敗倚壘開放鎗礮各營奮勇前進穿過逆壘橫衝賊隊為數段賊敗而走我軍四面兜剿當將東北門賊壘全行剗平一股入城死守一股往石埭大路逃去鮑超督軍追殺十五里擒斬二千餘名總兵張玉田副將唐仁廉力戰受傷二十一日城外復添賊壘二座二十二日鮑超督軍燬平之

奏稿卷十八

五

惟青陽為甯國最要門戶該逆屢次敗衄仍欲併力苦守此城以梗我師攻甯之路除飭鮑超設法攻取外所有陣亡之守備唐泗和韓玉庭千總余三友把總黃明漢鄭崇友杜得勝周光元璩大勝曾有貴外委王為美鄧必勝等十一員應請飭部照例議卹附片具陳伏乞

聖鑒訓示謹

奏

遵 旨通籌全局摺 同治元年二月初二日

奏為遵奉

諭旨通籌全局恭摺覆陳仰祈

聖鑒事同治元年正月二十四日承准議政王軍機大臣字寄

正月十三日奉

上諭曾國藩左宗棠李續宜等均負時望卓著戰功屢經先後簡任督撫畀以重任曾國藩節制四省左宗棠雖簡任浙撫並諭以不必為地方職守牽制復因皖事孔亟不得已以李續宜移調皖撫原冀合力通籌力挽東南大局現在江浙賊氛恣肆亟應設法進兵早圖恢復拯生民於水火前經曾國藩等奏稱

奏稿卷十八

五

克復漕鎮無為方冀東征之師可以直下江南乃自去冬以來該督撫等奏報甚稀幾於月僅一至而浙省嚴州紹興甯波杭州等府縣各城迭次報陷蘇省松江上海吳淞口等處警報頻來皖北則苗練與髮逆交乘圍穎甚急賊氛到處蔓延日甚一日朕以冲齡嗣位荷蒙兩宮

皇太后孜孜求治舉賢任能焦勞宵旰日與議政王軍機大臣籌商軍務每於該大臣等奏報到時詳加披覽一切規畫輒深

嘉許言聽計從想該大臣等勝算老謀於大局必早有布置惟賊氛日熾而該大臣等章奏寥寥南服睽懷殊深慮念現在曾國荃募勇是否到營李鴻章帶兵是否到鎮鮑超進規甯國能

否得手多隆阿蔣凝學等軍曾否分攻廬壽揚載福何時可以
銷假回營與彭玉麟併圖東下兵貴神速東南之民待救孔急
而軍情變幻靡常總宜趕緊辦理其如何通籌全局緩急兼權
均著將一切機宜隨時馳奏以紓懸系頴郡關北路之防湖州
府海甯州前據該大臣奏稱尚能堅守上海為餉源所自出吳
淞口守禦尤要會國藩左宗棠李續宜等如何布置籌畫萬全
之處均著隨時分別迅速馳奏毋再稽延實深殷盼將此由六
百里加緊各諭令知之欽此跪讀之下悚惕實深
諭旨垂詢各條臣於正月初二十二兩次奏報亦已粗陳梗
概惟以

秦稿卷十八

五

聖主信任之專兩宮

皇太后望治之切而臣等章奏寥寥幾於月僅一至疎遲之罪
夫復何辭臣忝列戎行歷年以來奏報甚稀其所以碌碌自守
者蓋亦有故一則不輕奏謠傳之言如近日賈臻奏廬州克復
袁甲三奏巢縣克復皆因無稽之探報以為入告之實據又或
賊蹤未近預相震驚輒以十萬二十萬具奏尤足以惑軍心而
誤大計臣處向不憑探報入奏不欲以謠傳之詞淆
朝廷之耳目也一則不輕奏未定之事凡大股悍賊之來其始
常危險萬狀能堅忍支持而後能漸臻安穩如去歲黃文金之
內犯攻陷七縣堅持三月而臣僅彙作四次入奏去冬徽州之

被圍苦戰九次堅守彌月而臣僅彙作兩次入奏不欲以未定
之狀增

朝廷之憂慮也一則不輕奏預計之說兵事成敗難以逆料咸
豐八九年間江南屢奏金陵指日可克十年夏間浙江屢奏嘉
興指日可克厥後皆不能踐言臣初督兩江之時奏稱由甯國
進兵可達蘇境厥後甯國失守至今不能踐言臣深以為恥至
近日內臣章奏蒙鈔示臣處者或稱援浙之師可由嘉興直搗
蘇州或稱揚州之師可由常熟進攻蘇州皆不量兵餉兩窮之
苦而預擬萬不可成之計臣不欲以預計之說入奏非特慮大
言之難踐亦恐紛亂

秦稿卷十八

五

朝廷之規畫也因此三者每存敬慎之懷轉蹈遲延之咎前此

文宗顯皇帝御宇分任其責於封疆將帥臣猶得以碌碌隨諸

帥之後循愚拙之常茲值

聖皇踐阼之初微臣尤忝非常之遇倚任彌重

延訪更殷欽奉

諄諭自當變更前轍隨時飛章入告嗣後擬十日奏事一次有

急則加班具奏所有此次

諭旨垂詢之件及正月歷奉

寄諭垂詢諸事謹分條一一詳對於後

一會國莖新募之勇據報正月二十前可以招齊二十四日自

湘起程由水路東來二月底可抵安慶俟到安慶後即令其進
 攻巢縣和州含山等處能破此三城則與下游六合揚州聯為
 一片毫無阻隔矣楊載福本應於臘月銷假回營因辰沅賊警
 逼近本地官紳請楊載福代守乾州廳城因此羈延至今尚無
 起程確信臣已三次飛催囑其於二月回營張運蘭前因病離
 營因徽州被圍催令力疾就道即日將抵安慶可回徽營矣
 一李鴻章一軍於臘底正初招募淮勇五營另撥湘勇數營趕
 緊訓練二月可以成軍本擬由水路駛赴鎮江因民船不能直
 衝賊中洋船又不肯雇載兵勇不得已仍須從陸路行走由巢
 縣和含賊中經過前有堅城後無糧路亦極可危之道應俟會

奏稿卷十八

國荃一面圍攻巢含李鴻章一面傍城衝過衝至和州以下則
 出六合江浦以達於鎮江毫無梗阻矣
 一去年攻克無為運漕東關等處本可乘勝直搗巢縣梁山進
 圖金陵近日袁甲三一軍攻克天長六合江浦浦口尤有直薄
 金陵之機方今東南糜爛臣等孰不思直攻老巢揜渠掃穴惟
 用兵之道可進而不可退算成必兼算敗與其急進金陵師老
 無功而復退何如先清後路腳根已穩而後進所有進兵金陵
 之次第以臣愚計之多隆阿一軍應俟攻克廬州而後可進曾
 國荃一軍應俟攻克巢縣含山和州西梁山而後可進袁甲三
 李世忠一軍應俟會克廬州守定六合而後可進都興阿一軍

應俟守定揚州浦口而後可進彭玉麟楊載福之水軍應俟攻
 克裕溪口西梁山而後可進欲拔本根先剪枝葉仍須計算各
 路游擊之師數倍於金陵圍城之師庶幾無撤回之虞擬即以
 臣議商之袁甲三都興阿等是否有當恭候

訓示遵行

一潁州圍城之賊聞係捻匪與苗黨勾結志在必得潁郡與壽
 州霍邱為犄角之勢李續宜業經奏派成大吉蕭慶衍兩軍赴
 潁救援據報於正月二十六日自霍山起程惟繞道固始計程
 四百七十里途次無米可買恐到潁不能迅速但求潁城堅守
 月餘勝保救之於北成大吉等援之於南必可立解重圍李續

奏稿卷十八

宜所部之兵畱三支駐守湖北分防襄陽德安麻城等處以兩
 支赴援潁州以一支防守六安此外親兵帶來安慶者亦無幾
 矣
 一謀浙之道保廣信之糧路以守衢州保徽州之後路以攻嚴
 州舍此二者別無良策臣已兩次具奏在案目下左宗棠駐紮
 開化境內正月十七日在篁岸獲勝仗一次二十日在馬金嶺
 等處獲大捷一次即日進攻遂安等縣係從衢嚴之間下手惟
 徽州歙績二縣羣賊又復麇聚我方圖入浙境賊乃圖犯江皖
 春夏間必戰爭不休也湖州海甯久無信息鮑超圍攻青陽未
 下不能遠及甯國之境又豈能遙通湖州之信昨奉

寄諭垂念趙景賢飭赴福建糧道之任

朝廷愛才之心薄海臣民聞之生感特無如音問難通徒深憂灼

一江蘇軍務自寶山奉賢南匯川沙失守後上海已岌岌可危至今月餘歸然幸存蓋髮逆畏忌西洋不敢驟樹大敵而目下情勢舍借助洋兵亦實別無良策臣於二十二日曾經附片具奏上海僻處東隅論籌餉為要區論用兵則為絕地假使無洋人相助髮匪以長圍裹我官兵若少而弱則轉瞬又成坐困之勢若多而強則不宜置此無用之地再四思維不得所以保全之法擬仍借洋人之力開誠布公與敦和好共保人財將來果

奏稿卷十八

元

派何軍協同防守之處應俟李鴻章到鎮陳士杰到皖再行察看奏明辦理

以上各條均係近日

諭旨下問之件有業經具奏者有未及詳陳者理合一併臚舉

仰慰

慈廑伏乞

皇上聖鑒訓示謹

奏

遵議安徽省城仍建在安慶摺 同治元年二月十一日

奏為遵

旨籌議恭摺覆陳仰祈

聖鑒事竊臣承准議政王軍機大臣字寄咸豐十一年十二月初四日奉

上諭有人奏咸豐三年賊陷安慶並未據守自周天爵等奏請

改建省會於廬州賊窺安慶無備始圖占踞遂致全皖糜爛查

安慶古稱重鎮若省會改於廬州非惟於皖南鞭長莫及亦距

江較遠無從設防今幸安慶克復應將安徽省城仍建該府並

宜添設提督統轄水陸各營其江西九江鎮即就近歸新設安

徽提督節制查福建廣東兩省均設有水陸提督現在江防較

海防喫緊可否於該二省內裁併一缺移設安慶則兵餉均無

須另籌等語賊匪據有長江之險以致江皖糜爛現在安慶克

復亟應整頓江防所稱安徽省城仍應建於安慶巡撫藩臬如

前駐紮並設立提督統轄水陸官兵九江鎮併歸節制則聲勢

聯絡江防更為周密均不為無見即著曾國藩彭玉麟毓科就

現在地方軍務情形悉心籌畫會同妥議具奏至所請於福建

等省裁缺以資移設之處應俟該大臣等覆奏到日再降諭旨

等因欽此仰見

皇上睠懷南服慎重江防之至意臣查安徽一省跨乎大江

奏稿卷十八

三

以北四府四州江以南四府一州安慶府城處濱江適中之地實為形勢所必爭咸豐三年安慶城陷江面悉為賊有千艘往來飄忽莫測官軍無一舟一筏可以應敵周天爵等請以省城改建廬州係屬一時權宜舍此亦別無自全之策是年臘月廬州復陷官軍屯於郡北定遠一帶於是合肥以南之州縣盡淪於賊而皖南中隔大江賊氛徧布文告梗阻巡撫不復能過而問焉咸豐四年

諭旨令徽甯等屬暫歸浙江巡撫兼轄廷臣因上疏請仿前明南贛鄖陽之例設立皖南巡撫

文宗皇帝飭吏部核議不設巡撫而稍重皖南道之權令其仿

奏稿卷十八

三

照臺灣道例專摺奏事另添皖南總兵一員數載以來皖南道一缺例由兩江督臣保薦皖南之錢糧刑名不隸藩臬奏報不歸巡撫儼若另為一省而皖北撫藩等官散處於潁壽臨淮泗州等處幾無定所公事廢閣號令紛歧改建省城之弊此其明證現在安慶已復江路疏通欲辦蘇浙之賊必自力圖皖南始欲辦皖南之賊必自守定安慶始愚以為宜如原奏所請安徽省城仍應建於安慶巡撫藩臬如前駐紮庶足以資控制而一事權至所稱設立提督統轄水陸官兵江西九江鎮就近歸安徽提督節制一條查水師陸兵判然兩途猶耕織皆所以資生而不能使一人而治兩業安

徽壽春鎮所轄向係羣捻出沒

之地皖南鎮所轄又係萬山叢雜之區皆與江防毫不相涉應請仍歸安徽巡撫節制江西九江鎮所轄如撫州建昌等處距大江六七百里亦係陸路專政省巡撫向兼提督銜均應遵守遠事理重大臣愚以為應專設水師歸彭玉麟楊載福等統率者船隻至千餘號之多礮位至二三千尊之富實賴逐年積累成此鉅觀將來事定之後利器不宜浪拋勁旅不宜裁撤必須添設額缺若干安插此項水師而即以壯我江防永絕中外之窺伺其提督衙門或立安慶或立蕪湖等處自提督而下總兵應設幾缺副參以至千把各設

奏稿卷十八

三

幾缺暨分汛修艦各事宜統俟諭旨允准之日再由吏兵等部詳覈議奏臣等如有所見亦必續行奏咨略參未議至俸薪口糧修補船礮等項當於長江酌量釐卡數處量入為出不必另由戶部籌款其福建廣東原設水師提督似不必遽議裁缺轉致疎防所有遵旨籌議緣由謹會同安徽巡撫李續宜署江西巡撫李桓恭摺覆奏伏乞皇上聖鑒訓示謹奏

條陳近日軍情摺 同治元年二月二十二日

奏為謹陳近日軍情仰祈

聖鑒事竊臣於二月初二日具陳嗣後各路軍情每十日奏報一次近復欽奉疊次

寄諭殷殷以上海鎮江廬州潁州浙江甯國等處為慮飭催分路進兵所有旬日軍情謹分條具報如左

一曾國荃募齊新勇分立營頭帶赴湖南省城正月二十八日即先雇輕舟下駛已於二月十五日抵皖所募新營亦次第將到擬令於二十四日率領各營進攻巢縣含山一帶

奏稿卷十八

三

能直衝賊中洋船又不肯雇載兵勇須由陸路前進且須裹帶行糧現擬籌給銀米即令於三月初二日自安慶起程會同曾國荃攻剿江邊一路於巢縣和州含山三屬但能攻克一城仍以曾國荃一軍圍攻他城李鴻章即傍城衝過以期速達鎮江一多隆阿一軍進攻廬郡自正月二十五至二月初四日之內攻破東門外賊壘一座西門得勝門傍城賊壘四座焚燬賊卡四處奪獲礮船貨船七隻軍械馬匹甚夥共計斃賊三千有奇收降卒千餘人惟官兵亦陣亡營官二員弁勇近七十名受傷者約以千計不能不稍事休息再圖進取除一切詳細情形由湖廣督臣官文具奏外謹據來函所稱略陳梗概偽英王

四眼狗堅守廬州令苗沛霖與捻匪連和西圍潁州東援廬州頃據多隆阿搜獲苗營與狗逆偽函一件苗沛霖又與捻首張落刑構衅苗黨不得志於潁必將以全力援廬謹將原函鈔呈御覽

一撫臣李續宜於二月初九日行抵安慶與臣籌商一切即將進駐六安其派援潁州之成大吉蕭慶衍兩軍已先後行抵固始離潁州不過百餘里援剿情形由李續宜自行具奏

一左宗棠一軍自正月二十日在馬金街獲一大捷肅清開化後初擬赴援衢州江山繼因該兩處稍鬆決意進攻遂安嚴州蘭谿等處之賊并力來援聚於遂安城西之楊村一帶二月初九日左宗棠分三路進剿大獲勝仗殺賊近七千人擒斬頭目百餘人克復遂安縣城聞偽侍王將圍衢州左宗棠撥兵留守遂安自率大隊進援衢州其詳細戰狀應由左宗棠自行奏報

奏稿卷十八

三

一恭奉諭旨垂詢蔣益澧赴浙較遠是否必應守候抑或別有勁旅可籌目下兵勇不敷分布實無別項勁旅可以調派赴浙仍須俟蔣益澧到後始能合力兜剿頃接蔣益澧來稟尚須親赴廣東索取餉銀抵浙日期殊難預定深為焦慮

一浙江湖州陷入重圍久無信息頃據江蘇候補知府趙炳麟稟稱湖州沿城一二里四面皆賊音信迄不得通二月初四初

八等日據吳淞晟舍各處探報道員趙景賢尚在湖城極力支持屢次出城擊賊獲勝並據鈔呈坊天豫曹逆勸趙景賢偽函知該郡實尚無恙孤懸賊中無路赴援徒深憂憤惟聞城中米糧足支五箇月或者可以保全

一徽州解圍後績溪等處之賊分踞歙縣東南四五十里外時窺伺郡城臣以張運蘭一軍人數較多改令朱品隆接防徽州騰出老湘營五千人為游擊之師本月十四日石太股匪復竄入羊棧嶺燒燬民房數處逼犯黟城十五日老湘營馳往堵剿甫抵漁亭該逆仍退出嶺外不敢深入目前歙休黟婺一帶必不可少此一枝游兵朱品隆既換防徽城即不能出嶺與鮑

奏稿卷十八

五

超合力進剿鮑超久攻青陽為堅城所阻不能遽抵甯國終難掣動浙中賊勢

一上海於正月二十三二月初四等日有高橋蕭塘等處之捷

該城當可保全鎮江為江南必爭之地欽奉二月初三日

寄諭令馮子材仍守鎮江無庸赴滬臣已飛速行知該提督欽

遵辦理

以上各條皆疊奉

諭旨垂詢之件謹分晰條列由驛五百里具陳伏乞

皇上聖鑒訓示謹

奏

遵 旨議覆請派員辦廣東釐金摺同治元年三月初八日

奏為遵

旨議覆並請

欽派大員督辦廣東釐金接濟浙江安徽江蘇三省軍餉恭摺

馳陳仰祈

聖鑒事竊臣承准議政王軍機大臣字寄同治元年二月初五日奉

日奉

上諭前據官文奏議覆侍郎宋晉條陳湖北等省會籌東征請飭辭煥會議曾諭該撫等悉心妥籌尚未據會商覆奏茲據御

史朱潮奏統籌東南大局一摺據稱湖北等省全境肅清四川

廣東亦底安靖請飭湖北等省出師會剿四川廣東協餉兵事

奏稿卷十八

美

責之曾國藩餉事則派督撫大員一人督催各路征輸專司饋

運等語覽其所奏與現辦情形均屬不相符合曾國藩節制江

浙等四省已屬不遑兼顧若再令總制湖北湖南福建兵事則

運籌決策瞬息千里亦恐緩急機宜不能遙制督撫辦理糧臺

從前乾隆年間曾有是例此專為出師一路而言若自兩楚下

至閩省相去數千里即因督撫事權較重專司饋運亦恐呼應

不靈湖北湖南邊境尚未解嚴江西福建逼近鄰氛自顧門戶

尚虞不足豈能分兵會剿四川軍務未靖本省餉項頗形支絀

廣東疊諭撥解左宗棠等軍餉為數已屬不少該御史所籌補

奏

救之方向不離書生之見 惟軍務至重不妨兼聽並觀以廣進
言之路且現在東南大勢 賊合而我分兵單餉絀動爲牽制亦
屬實在情形著官文曾國 藩嚴樹森毛鴻賓沈葆楨慶端徐宗
幹酌量情形於軍務積弊 如何挽救其言是否可採遇便覆奏
不必因有旨飭籌稍涉遷 就也等因欽此仰見

皇上好問察言於剖晰精 嚴之中仍寓虛衷博訪之意 臣維東
南寇氛蔓延日久皖南池 甯二府十室九空人爭相食皖北廬
鳳等處白骨蔽野田地荒 蕪蘇浙兩省蹂躪亦復相類生靈之
塗炭深矣

聖主之憂勞極矣爲封疆 將帥者孰不思掃蕩逋寇一解倒懸

奏稿卷十八

七

況 臣 膺茲艱鉅委任尤專 豈敢稍涉推諉更分畛域無如賊之
占地過廣股數太多 臣 之兵餉兩絀才智太短受

命兩年至今無一兵達於 蘇境圖皖年餘亦迄無一旅進攻甯
國分內之事不克自效清 夜以思愧悚汗下至浙江軍事左宗
棠苦戰衢嚴獨任其難 臣 不克分兵往助趙景賢困守湖州堅
貞益世 臣 不克設法往援徒有兼轄之名並無統籌之實前此
欽奉正月二十三日

諭旨仍令 臣 節制四省毋許再行固辭本不敢曉曉瀆奏茲因
御史朱潮奏請六七省兵 事責成一 臣 旣懷大名不祥之懼
彌觸隱微抱疚之端竊計 蘇杭安徽糜爛若此以一人而辦一

省之賊無論如何大才如 何竭力但覺其不足不見其有餘況
以 臣 之愚陋承乏兩江時 虞隕越安能兼顧浙江安能更及兩
湖福建該御史朱潮所稱 數省兵事責成一 臣 之處固無庸議
倘蒙

聖主鑒 臣 愚悃並收回節制 四省之
命俾 臣 專力本職稍釋神 魂之震懼尤感

聖慈之曲盡矣至朱潮所 稱四川廣東協餉派大員一人督催
饋運等語其事雖難以盡 行其議則實有可采上年侍郎宋晉
五省會勘一疏亦係兵餉 通籌與朱潮大致相同 臣 查四川內
患未平本省支絀自難協 濟外省卽將來蜀賊蕩平尙當先協

奏稿卷十八

美

雲南之餉不能遽及江浙 之遠惟廣東最號殷富其財力爲東
南之冠其地勢亦宜供江 浙之餉天下之大利除了漕正賦外
約有四宗曰海關曰鹽場 曰富戶勸捐曰市鎮抽釐他省或據
其一或據其二三惟廣東 兼四者而有之而粵鹽一宗行於江
西湖南者侵灌淮南之引 地佔奪江蘇之大利卽樂桂埠商孔
廣緡一戶七八年來擁貲 百萬他商之殷實可以類推官項之
贏餘亦可想見而淮課因 之全失粵課並未稍增釐金一宗如
佛山韶關肇慶等處著名 繁富咸豐十年間巡撫耆齡於韶關
後設一新卡未及一年收 稅至五十餘萬藩司周起濱議於肇
慶府河設卡每年亦得四 十餘萬此外鉅鎮大卡不一而足至

於海關一宗粵海稅項遠出各口之上捐輸一宗粵東富室亦非各省所及斯中外所共見共聞者若使經畫得宜但於四宗之中得其一宗即可養數萬之兵勦浙江之賊溯查庚申五月臣奏請以江西之釐金充營之軍餉兩年以來軍賴此無飢潰之憂似可援以為例合無顯懇

天恩采納朱潮之議

特派二三品卿一人馳赴廣東駐紮韶關辦理通省釐金專濟蘇浙安徽三省餉項乾隆年間新疆用兵曾派大學士黃廷桂駐紮肅州綜理兵餉此次江浙軍務較新疆尤為重大即派六部卿貳銜

命使粵專督釐餉亦不為過如蒙

俞允臣當奏派賢員熟悉釐務者隨同星使前赴粵東設卡抽辦韶關距江西甚近臣當與該使臣往返商務使籌兵籌餉一氣呵成或紕或贏隨時斟酌廣東官紳有設立私卡者使臣會同臣處奏參州縣有暗中阻撓者亦即奏咨撤凡釐務所得之餉先解浙江軍營左宗棠新任浙撫無尺寸之完土無涓滴之餉源蔣益澧等到後尤覺無米為炊若以廣東釐金濟之則前此奏准之協浙月餉十萬兩即在此中抵除其次則解安徽軍營臣處如鮑超一軍欠餉八箇半月曾國荃一軍欠餉近九箇月徽州各軍欠七箇月有奇急思早得粵餉一清積欠李

奏稿卷十八

三

續宜添募新營亦當另籌接濟袁甲三久處窮困亦應量為津貼方足以馭強將而撫飢軍又其次則解江蘇軍營聞上海出款太多虧累甚鉅鎮江揚州兩台亟須另籌協餉其廣東應解紅單艇船之費亦可於此中抵除由臣咨商韶關使臣察各軍之緩急定撥解之多寡其運解之法或由贛州送至江西轉解或由輪船搭至上海轉解均聽韶關使臣察酌辦理其廣東本省應用之項與夫京款協款該省除正賦外尚有海關鹽務捐輸三大宗儘足以資周轉不許挪移各卡釐金以清界限數載以來部庫空虛從無京餉解軍之事若特簡京卿督辦粵餉則與自京解出者無異實惠及於士卒利

奏稿卷十八

四

權操自

朝廷疆臣守其土地不得私其貨財於諭旨挽救積弊之道或亦不無小補所有遵旨議覆緣由謹繕摺具奏伏乞皇上聖鑒訓示謹

奏

李鴻章軍改由輪船赴滬摺 同治元年三月初八日

奏為恭報李鴻章一軍改道赴滬由水路起程日期仰祈

聖鑒事竊道員李鴻章所部湘勇淮勇募練成軍本擬三月初

二日拔隊啟行取道巢縣含山和州一帶前赴鎮江臣於二月

二十二日奏明在案拜摺後正飭該員簡料起程旋於二十八

日據江蘇紳士潘馥錢鼎銘等自滬來皖稟稱上海一路雖得

英法各國撥兵協防有高橋蕭塘之捷而賊氛四逼商旅不通

岌岌可危已由滬局籌款十八萬兩雇備輪船陸續入江來迎

我軍以期力保要地等情臣查鎮江為進兵形勝之區上海為

籌餉膏腴之地兩者並重均不可稍有疎失前因洋船不肯雇

載兵勇李鴻章一軍擬由陸路續赴鎮江實出萬不得已之計

臣以道路阻長節節有賊既憂輜重之難帶又恐行程之太遲

欽奉二月十四二十四日兩次

寄諭亦深以李鴻章陸行紆遲為慮茲據該紳士等與洋人商

雇輪船來皖經費既鉅詞意尤摯自宜先赴上海以順輿情已

派數營於三月初七日登舟起行李鴻章於初八日開行不過

四日可到仍俟後至之船循環裝載分三起銜尾下駛不滿一

月可以全隊到防俟抵上海後布置粗定李鴻章親至鎮江察

看情形應如何分兵防守之處屆時奏明辦理其李鴻章暨黃

翼升所部水師仍當由梁山金陵衝過賊中乃可達於鎮江俟

起行有日續行具奏所有湘淮各營改由水路起程先赴上海

緣由恭摺由驛馳報伏乞

皇上聖鑒訓示謹

奏

奏稿卷十八

三

籌議借洋兵剿賊摺 同治元年三月二十四日

奏為遵

旨籌議恭摺覆陳仰祈

聖鑒事竊 臣於同治元年三月初七日承准議政王軍機大臣

字寄二月二十四日奉

上諭上海被匪窺伺勢不能不借洋人之力協同守禦曾國藩亦曾奏及至規復蘇浙失陷地方自應別籌良策前據薛煥奏稱江浙紳士殷兆鏞等呈請借助西兵規復蘇常各屬城池當以該紳士等情殷桑梓或非無見諭令薛煥酌度情形辦理茲據恭親王等奏稱江浙紳士潘曾瑋帶同浙人龔橙復由滬航

奏稿卷十八

聖

海來京訴稱鄉閭被陷懇請借用英法等國官兵速籌規復已諭令總理衙門向各該國駐京公使籌商惟上海為洋人通商之地借助尚屬有辭若攻勦內地賊匪輒欲用外國兵力揆度洋人情形雖不至遽有他慮而軍行餉隨一切供應之煩亦恐萬難措挂以該紳士等情詞懇切固難重拂輿情亦須顧全國體此事是否可行即著曾國藩悉心籌酌迅速馳奏等因欽此

又奉三月初二日

寄諭近復據英法兩國駐京公使聲稱賊匪與洋人構衅此時在滬洋人情願幫助官軍剿賊並派師船駛往長江協同防剿等語洋人性情堅執若因我兵單薄借助於彼勢必多方要挾

今該洋人與逆匪仇隙已成情願助剿在我亦不必重拂其意自應姑允所請作為牢籠之計至該兩國師船駛入長江以後作何舉動即著曾國藩都與阿查探情形分別隨時馳奏如該洋人實係與逆匪尋仇並無他意則事機難得該大臣等務當飭令沿江上下游師船與該洋人聯絡聲勢冀收速效並當加意拊循使其樂於助順毋令再為賊匪所誘此實因勢利導一時權宜之計諒該大臣等定能悉心體會妥為駕馭也等因欽此竊 臣才識庸愚謬膺重寄受

奏稿卷十八

聖

民之難蓋 臣之愆豈非至願然 臣前此奏稱助守上海則可助勦蘇常則不可者蓋亦有故回紇助唐收復兩京當時亦賴郭李諸軍挾與征戰縱主兵未必優於客兵要自有為之主者與之俱進俱退偕作偕行以今日之賊勢度 臣處之兵力若洋人遠爾進攻金陵蘇常 臣處實無會勦之師如其克復城池亦尚難籌防守之卒上游如多隆阿鮑超曾國荃諸軍各當要地萬難抽動下游如李鴻章一軍甫抵上海新集之卒祇堪自守不能遠征反復籌維竟無大枝勁旅與之會勦假使轉戰內地但有西兵而無主兵則三吳父老方遄王師而慰雲霓之望或觀洋人而生疑懼之情至 臣職分所在

責有專歸譬之人家子弟應試科場稍能成文而倩人潤色猶
可言也若既不能文又不入場徒倩鎗手頂替則無論中式與
否而譏議騰於遠近羞辱貽於父兄矣臣所處之位與報名應
試者無異專借西兵與倩人頂替者無異故他人但作事外之
議論而臣則當細思事中之曲折既以借助外國為深愧尤以
無兵會剿為大恥

諭旨以洋人與逆匪仇隙已成情願助剿在我亦不必重拂其
意臣處搜獲偽文亦知金陵洪逆詞意不遜與洋人構衅甚深
在洋人有必洩之忿在中國為難得之機自當因勢利導彼此
互商嘉其助順聽其進兵我中國初不干求亦不禁阻或乘洋

奏稿卷十八

四

人大舉之際我兵亦諸道並進俾該逆應接不暇八方迷亂殆
亦天亡粵逆之會也惟地形有遠近兵勢有次第仍請

飭下總理衙門照會英法公使目前若進攻金陵蘇常臣處尚
無會剿之師庶幾定議於前不致貽譏於後其或蕪湖梁山一

帶官兵戰守之處恰與洋兵會合臣當謹遵
諭旨加意拊循勝必相讓敗必相救不敢稍乖恩信見輕外國

上煩

宸廑所有遵

旨籌覆緣由謹繕摺由驛馳陳伏乞

皇上聖鑒訓示謹

奏

奏稿卷十八

四

克復青陽縣城摺 同治元年三月二十四日

奏為官軍擊退大股援賊悉毀青陽逆壘立將縣城克復恭摺
馳陳仰祈

聖鑒事竊鮑超一軍於上年臘月進駐青陽縣薄城而營四戰
皆捷本年正月二十二日經臣附片奏報在案二月十五日鮑
超飭劉順隆等先平西北門山嘴賊壘潛治長濠為四面合圍
計城賊勢蹙潛糾浙江死黨三萬餘眾由南陵竄踞銅陵之順
安鎮延擾附近各邨進撲銅陵冀分我軍之勢以解青陽之圍
三月初四初五等日銅陵守將周萬倬等出奇兵禦之賊乃少
卻初六日鮑超由青陽分軍親率夜行潛赴銅陵救援初七日

奏稿卷十八

四七

遇賊於橫塘令顏紹榮熊鐵生段大有三營攻中路黃慶吳騰
芳唐仁廉王衍慶陳得勝譚勝達六營攻南北兩路又令明興
伍華瀚各率馬隊從左右抄擊賊恃眾悍迎拒兩時王衍慶陳
得勝振臂一呼陷陣而入黃慶顏紹榮潛取小徑繞襲賊後伍
華瀚唐仁廉明興譚勝達熊鐵生等分領馬步諸軍四出盪決
衝賊數段斬偽主將洪逆於陣羣賊駭潰仍向南陵而走適周
萬倬劉祥勝水師總兵唐學發亦率隊來會各軍合力奮追遂
將橫塘箬山金山獨山川山西峯鋪隴岡東西王邨直至順安
沿途百餘卡二十六壘一律剷除擒斬無算俘獲賊酋尤多此
三月初七日擊退順安等處逆援之情形也先是偽奉王古隆

賢偵知鮑超分兵而北陰結涇石太等縣悍賊數千在青陽南
門外豬婆店地方增築九壘將欲阻我之師以通糧路伺我之
瑕以逞狡謀乃結壘甫成鮑超已振旅而還遂於十五日督飭
將士分九路齊進古逆親帶龍旂老賊揮令各壘傾巢出敵勢
極猛驚我軍奮勇爭先以一當十明興伍華瀚以騎隊襲賊賊
懼返巢仍復倚壘施槍負固死拒唐仁廉譚勝達於煙燄中拔
開鹿角躍過濠溝麾軍直上一壘既破眾壘盡亂馮標雲慶
王衍慶劉玉堂陳得勝馬勝奎段大有等乘勢薄之不逾時而
九壘悉平古逆率餘匪遁往石埭軍士追襲四十里始行收隊
此十五日攻毀豬婆店逆壘之情形也維時軍心愈壯賊膽愈

奏稿卷十八

四八

寒鮑超知青陽南路既平利在速攻以西門屬之婁雲慶文九
和劉順隆李文益熊鐵生馮標等以東門屬之黃慶譚勝達馬
勝奎唐仁廉段大有等以北門屬之王衍慶陳得勝蕭炳南顏
紹榮劉玉堂吳騰芳等而以楊鎮魁張應超為游兵十六日天
甫向曙各營秣馬蓐食銜枚疾進將近城闔城上萬礮雷轟羣
子雨集附城卡壘中亦以火器悉力抵禦諸將弁裹創血戰更
番奮攻志在必得該逆自知不敵急退入城我軍毀壘填濠進
次城下劉順隆熊鐵生挽盾自障攀堞先登眾軍乘之盡洗城
中羣蠶登將縣城克復綜計先後數戰斃賊近萬三千名擒賊
近千一百名中有逆首偽游天義周得順偽審天義金阮明儀

順天安余士林僞容天福陳宗保僞匡天福朱汶與僞佐天侯
馬新凱暨燕豫將軍丞相各僞職八十六名悉就擒縛奪獲礮
旗幟難以數計此十六夜各軍攻拔青陽之情形也臣查青
一城淪陷十載繫皖南之門戶據江介之要衝自上年定計
勤辦以來相持四月踞守益堅仰賴
聖主威福諸將用命卒能掃蕩援賊攻拔老巢從此規取甯國
可分浙賊之勢關繫頗大厥功甚偉浙江提督鮑超身先士卒
調度得宜惟係專閫大員應如何
加恩之處未敢擅擬其堅忍苦戰之提督銜記名總兵婁雲慶
應請

奏稿卷十八

覽

簡授總兵實缺並請

賞給二品

封典甘肅涼州鎮總兵馮標請

賞加提督銜記名副都統明興請

簡授副都統實缺總兵銜儘先副將譚勝達王衍慶劉順隆熊

鐵生陳得勝顏紹榮儘先副將唐仁廉均請

交軍機處記名遇有總兵缺出請

旨簡放劉順隆並請

賞給勇號唐仁廉並請

賞給二品

封典記名總兵黃慶宋國永張玉田均請

賞給二品

封典儘先副將劉玉堂李文益段大貴李定貴蕭儀斌蔡得勝

周有勝均請

賞加總兵銜湖廣副將馬勝奎儘先副將吳騰芳文九和

剪炳南均請以副將遇缺即補馬勝奎吳騰芳並請

賞給勇號即補知府伍華瀚請

賞給四品

封典副將銜四川即補參將陳永康請以副將仍留四川遇缺

即補儘先游擊段大有請以副將儘先補用其餘在事出力人

奏稿卷十八

五

員可否由臣查明保獎恭候

訓示飭遵至陣亡將弁十七員名相應另繕清單請

旨敕部從優議卹所有官軍勦退援賊攻復青陽縣城緣由恭

摺由驛六百里馳慰

宸廑伏乞

皇上聖鑒訓示謹

奏

荻港舊縣三山一律肅清片 同治元年三月二十四日

再三月初二日蕪湖巨逆黃文金賴裕新等糾黨一萬突入荻港延燒房屋初四日復分股竄陷舊縣勢將下伺三山夾初五日水師李朝斌羅進賢兩營在營房背擊賊獲勝遂率所部師船駛上舊縣會合萬化林嚴定國水軍登陸襲賊戰於街心眾勇排礮環轟賊負重創悉向山後潰走初六日我軍乘勝進攻亦多斬獲該逆不敢踞卡專事野掠潛與荻港一股勾結繁昌蕪湖魯港之賊別圖竄伺時曾貞幹陸師近駐三山夾距舊縣祇三十里密諭各營堅壁以待十三十四等日賊果分道來犯將謀大逞曾貞幹即令曾正明率親兵馬隊會約諸營及螃蟹

奏稿卷十八

五

磯水師循江岸而進一敗賊於洋夾沙再敗賊於三華山斬黃巾賊酋一名紅旂悍目十餘名殲獲百餘人水師各營在斗門教化渡兩處擒斬亦多賊始悉眾遠遁荻港舊縣三山等處一律肅清查此股逆黨倚順安為犄角作青陽之聲援牽制之謀亦甚狡毒幸水陸各軍共籌戰守徐翦其枝葉卒拔其根本實足使羣兇短氣張我軍威除仍飭嚴密守禦外所有此次陣亡之藍翎都司曾渭賢柳成九及上年九月間在三山陣亡之花翎游擊銜都司劉照志藍翎外委王廣廷應請
敕部從優議卹把總劉華泗擊賊過猛登時陣亡並請從優照千總議卹謹附片具陳伏乞

聖鑒訓示謹
奏

奏稿卷十八

五

曾文正公奏稿

卷之十九目錄

克復石埭太平涇縣三城摺 同治元年四月初四日

克復巢含和三城並銅城閘等隘摺 全日

克復繁昌縣城摺 全日

克復旌德縣城摺 四月十五日

克魯港要隘復南陵縣城摺 全日

克復太平蕪湖兩城摺 五月初三日

官軍水陸並進疊克要隘駐軍雨花台摺 五月十七日

近日軍情片

奏稿卷十九目錄

鮑超軍進攻甯郡勦平逆壘摺 五月十九日

議覆兼攝通商大臣摺 六月初六日

議覆調印度兵助勦摺 六月二十二日

金陵陸師勝仗張勝祿請卹摺 七月初二日

克復甯國府城摺 全日

懇豁免江西歷案攤捐款項片

巡撫李續宜聞訃丁憂摺 七月初十日

近日軍情片



克復石埭太平涇縣三城摺 同治元年四月初四日

奏為鮑超一軍連破賊壘克復石埭太平涇縣三城恭摺馳陳

仰祈

聖鑒事竊浙江提督鮑超率所部擊退援賊攻拔青陽臣於三月二十四日奏報在案鮑超在青陽息軍三日休養士卒料該逆立脚未定利在速攻自應先取石埭太平以固徽州之防繼取涇縣以達甯國之路二十日徧諭諸將士裹飯傳餐捲旗疾趨次軍龍口為詰朝進攻計二十一日由龍口率隊前行直抵石埭城壘各賊始猶閉關死守伏匿不出鮑超飭令婁雲慶劉玉堂等攻西門而以李文益一營佐之黃慶熊鐵生等攻北門

奏稿卷十九

而以顏紹榮一營佐之劉順隆段大有等則向東門進唐仁廉伍華瀚等則向大南門進馮標吳騰芳等則向小南門進分軍為五雲時合圍附郭諸壘穴牆施礮向外猛擊我軍佯卻數武使賊少懈突將火器環壘飛擲燃及哨棚各營乘賊駭亂之時囊土填濠而進刀矛攢刺殲賊無算悉踰十四壘平之將冒刃衝出之賊盡驅入城城上矢石交下猝不可近奮勇猛撲數次將弁頗有傷亡婁雲慶李文益熊鐵生顏紹榮等憤怒填臆帶領眾軍士各負片板直薄城根蕭信春身受數創猶復往來衝突奮力急攻遂從西北二門斬關而入立復城池該逆奪命狂奔追擊二十里殲斃五千有奇俘獲近四百人此三月二十一

日攻克石埭縣城之情形也石埭既復賊愈惶懼因糾合援賊二萬餘眾由涇縣南陵而來羣集於甘棠鎮阻我師之進路二十二日鮑超率馬步全軍倍道馳往遙見賊隊如蠅如蟻密排十數層勢甚臬悍文九和黃慶吳騰芳等三營先從中路進擊劉順隆王衍慶劉玉堂陳得勝譚勝達段大有等六營分兩翼包抄搏戰數時該逆屢卻屢前馮標伍華瀚唐仁廉明興楊鎮魁張應超等忽由山後揚旗吹角整隊齊出衝動賊陣不復成伍盡棄甘棠賊壘十七座而逃我軍悉力追逐進薄太平縣西門譚勝達文九和段大有等先毀高山四壘引軍齊上俯瞰城中令眾勇以火箭環射延燃藥局煙燄蔽天喊聲動地賊即驚潰遂啟東門望涇縣大道而逸當將縣城收復各軍分投掩襲一路積尸若阜流血沒脛俘獲之數較石埭為尤多并擒偽主將徐國華偽安天義蕭幅勝偽頂天福劉世民偽望天侯徐應超偽中天安何雲龍及檢點參謀等逆首三十七人訊據供稱偽奉王古逆已為亂軍衝散等語此二十二日攻破甘棠收復太平縣城之情形也先是鮑超進取青陽正在圍攻未下忽有偽佐將張遇春率眾萬餘來營乞降鮑超以勁敵在前遽收降眾恐生他變諭令暫駐旌德之三溪俟立功後再議至是太平敗匪遁出黃華嶺外不滿七八千將圖折入三溪潛結張遇春之眾竄併涇縣乃行甫數里見張遇春整隊而來出賊不意縱

橫格鬪賊大錯愕望密箐叢莽中踰嶺急走張遇春入山搜捕殺賊三千擒賊至八百餘名之多古逆一股幾無子遺時鮑超已回軍甘棠既得張遇春獻捷之信旋聞涇賊將由灣灘至鳳村上竄二十七日傳集各營並張遇春降卒成軍以進將及鳳村賊已聞風退遁縮入灣灘我軍知賊怯甚奮勇疾馳遂薄灣灘下寨二十八日鮑超先派張遇春擇險設伏乃以所部八營連環進擊使出壘之賊無或少休翦炳南楊鎮魁劉順隆等潛出左路譚勝達張應超梅仁富等潛出右路張遇春伏兵突從後路如牆壓下該逆惶遽失措不能歸壘唐仁廉馬勝奎舉旂縱馬直擣中堅盡破灣灘卡壘躡賊尾追至於城下梅仁富先拔西門水卡唐仁廉等隨毀東南土壘一擁入城登時克復斬獲甚多此二十三日新收降人截擊太平餘逆二十八日進復涇縣城池之情形也臣查石埭太平南蔽黔歙涇縣東達宣城為戰守所必爭鮑超一軍自拔青陽而後仗聖主之威席全勝之勢未逾七日連復三城從此羣蠻喪膽籌勦甯國漸有把握在事出力員弁兵勇可否容臣彙入青陽一案保獎之處出自恩施至力戰陣亡之將弁二十四員名另繕清單應請敕部從優議卹所有官軍乘勝克復石埭太平涇縣三城緣由謹繕摺由驛六百里具奏伏乞

秦稿卷十九

二

秦稿卷十九

王

皇上聖鑒訓示謹

奏

奏稿卷十九

四

曾文正公奏稿 卷一九

克復巢含和三城並銅城關等隘摺同治元年四月初四日

奏為水陸各軍克復北岸巢縣含山和州三城並攻奪銅城關雍家鎮裕溪口西梁山沿江四要隘恭摺馳報仰祈

聖鑒事竊自逆匪分踞江岸以北上援廬州下衛金陵全恃分布堅城據守險要以通上下之氣而阻進兵之路江蘇布政司曾國荃到防以後與水營總兵李成謀成發翔等熟商以為欲制賊命必先從巢縣下手欲攻巢縣必先從銅城關下手因分撥陸隊會合水軍剋期進取三月十五日曾國荃自率十二營由林台過河以偏巢縣東北一路令劉連捷副後南後等營赴望城岡堅修營壘以扼巢縣正南一路復令朱寬義朱惟堂朱洪章楊鎮南馬步各營助之詎營牆甫築數尺巢城之賊繞出田埂分股來撲我軍排隊迎戰賊方少卻把總鄭安盛張興富衝賊過猛歿於陣中朱洪章馳斬賊酋劉連捷朱寬義等揮軍縱擊斃賊四百有奇餘悉潰走我望城岡之營駐紮既定曾國荃派原駐運漕之陳澁蕭孚泗周惠堂等往約記名總兵成發翔帶內河師船暨王東華蔡東祥等帶淮揚師船夾剿銅城關之賊維時成發翔先撥數營駛入清溪河而親率所部同淮揚後營蔡東祥前營賴榮光右營陳東友中營陽利見來會於銅城關渡口十八日議以水師攻關東石壘陸師攻關西土壘我軍齊進賊即出拒戰不逾時成發翔陽利見帶隊登岸繞壘大

奏稿卷十九

五

呼眾勇抽刃環刺遇者輒斃賊乃棄壘散竄石壘既破土壘亦
 平立將該鎮克復銅城閣之前則有雍家鎮為焦湖之鎖鑰亦
 巢含之外藩水陸兩軍謀於十九日乘勝進取陳湜分制字營
 趨鎮之南蔡東祥及親兵營分旱隊趨鎮之北仍以戰艦數十
 密排水次萬礮同轟聲徹天半適總兵李成謀李朝斌彭楚漢
 羅進賢等帶外江水師由白馬嘴飛槳而來分路登岸四面環
 攻岸上賊眾悉遁入船河中賊划悉擊入水倖脫之賊十不及
 一此三月十五日擊退望城岡竄賊十八十九等日攻復銅城
 閣雍家鎮之情形也先是雍家鎮一隘尚在攻而未下曾國荃
 親率陸師星夜渡河已至巢縣之北連營旂山鼓山放望岡一

奏稿卷十九

六

帶王東華水師亦由清溪河進攻巢縣之東門外至是成發翔
 陽利見各率礮划先後駛抵河下併力奮攻時至夜分城上更
 鼓忽絕城中煙燄橫飛旋獲賊謀訊供逆酋偽顧王吳于孝偽
 封天義徐同江恐巢北陸師進而合圍歸路已斷焚屋焚糧圖
 向含山宵遁曾國荃急令劉連捷朱洪章朱寬義朱惟堂等營
 協同水師於二十日辰刻會復城池而自將張勝祿武明良李
 臣典等十三營及楊鎮南所部騎卒三路跟追縱軍截剿伏尸
 數十里乘勝馳抵含山城外該城守賊甫見敗賊之狂奔旋駭
 官軍之踵至聞風喪膽不敢拒戰相率竄奔各軍遂入含山縣
 城搜獲賊糧逾二千石撲殺餘匪近三百名會以日暮雨集徹

夜不停次日駐軍少息二十二日曾國荃拔營疾進行未中途
 偵知巢含漏網之三賊渠收集醜黨尚在鹹魚背過江乃以偏
 師向鹹魚背而以正兵進襲和州逆首偽東天義劉惟久偽伺
 天安尹賢瑞未及糾眾交鋒各營哨以火毬火箭環城壘而轟
 乘賊譁亂克城毀壘立復和州殺斃甚眾得礮械米穀尤多乘
 勝追賊至鹹魚背合軍勦洗江流盡赤此二十日連復巢縣含
 山二十二日克復和州之情形也北岸要區悉為我有所未得
 者裕溪口而外尚有西梁山為第一重險二十三日曾國荃統
 全勝之師循江而上將與各水營共設攻取之謀乃師次木橋
 鎮忽遇零匪七八百眾排列洲上呼舟爭渡即派信字仁字嚴

奏稿卷十九

七

字三營及馬隊一營繞出洲前圍而殺之無一得脫維時李成
 謀外江水師成發翔內河水師及蔡東祥等淮揚水師早至西
 梁山下令水勇各執長炬鎔斷截江鐵索飛駕師船環轟不下
 比曾國荃一軍馳至見該處倚山為險深溝高壘礮眼層列勢
 難仰攻商令水師扼江面以擊賊船陸師布長圍以困賊壘籌
 商甫定適陳湜蕭孚泗亦引軍來助具述彭毓橘周惠堂等於
 本日會同蔡東祥陳東友成俞卿等水軍攻裕溪口克之隨戰
 於江心洲殺賊無算賊向北岸下游而竄乃知我軍在木橋鎮
 洲上圍殺一股即裕溪口遁出之賊也是夜曾國荃冒雨結營
 偏壘而陣另挑銳卒守要路以杜旁竄旋有數賊持書自投詭

稱賊曰偽錠天義涂萬起已偷渡南岸餘願舉眾乞降曾國荃
察知情偽姑執之以觀其變二十四日嚮明賊乘雨猛火器不
燃竟悉眾踰壘而出向江洲一路衝走水師陸師爭起搏擊該
逆先有降約後有退志眾心紛亂引頸受誅尸駢洲次罕有脫
者遂奪取西梁山撥軍駐守此二十三日攻取裕溪口進剿江
心洲二十四日旋克西梁山之情形也臣伏查長江天塹久為
賊踞自進兵北岸以來浹旬之間連克巢含和州三城並克要
隘四處西梁山古稱天險該逆所恃為金陵門戶茲以輕兵奪
獲此關實足伸

天討而快人心除曾國荃不敢仰邀議敘外此次尤為出力之

奏稿卷十九

八

提督銜福建漳州鎮總兵李成謀請

交軍機處記名遇有提督缺出請

旨簡放提督銜浙江處州鎮總兵李朝斌請

交部從優議敘綏靖鎮總兵李濟清記名總兵成發翔左光培

均請

賞加提督銜總兵銜副將彭楚漢羅進賢均請

交軍機處記名遇有總兵缺出請

旨簡放儘先副將鄧萬林請

賞給二品封典儘先副將何昌登請

賞給勇號儘先游擊郭仕林請免補游擊以參將儘先選用五

品軍功戴德祥請以千總儘先補用並請

賞戴藍翎加守備銜候補道劉連捷請

賞加按察使銜提督銜記名總兵張勝祿請

交部從優議敘副將蕭開印武明良朱寬義朱惟堂均請

交軍機處記名遇有總兵缺出請

旨簡放花翎副將蔡東祥王東華均請

賞給勇號花翎參將陳東友賴榮光均請以副將歸兩江補用

參將朱洪章李臣典楊鎮南均請以副將儘先推補道銜候補

知府陳湜請以道員歸部遇缺即補花翎知府彭毓橋請

交軍機處記名遇有道員缺出請

奏稿卷十九

九

旨簡放花翎游擊陽利見請以參將儘先補用並請

賞加副將銜花翎游擊銜都司成俞卿請以游擊儘先補用並

請

賞加參將銜陣亡把總鄭安盛張興富請

敕部從優議卹其餘在事出力員弁可否容臣開單奏獎出自

恩施所有水陸官軍克復兩縣一州攻奪沿江各要隘緣由謹

會同大學士湖廣總督臣官文安徽巡撫臣李續宜恭摺由驛

具陳伏乞

皇上聖鑒訓示謹

奏

克復繁昌縣城摺 同治元年四月初四日

奏為大股賊眾窺撲三山經官軍併力擊敗乘勢攻克繁昌縣城恭摺馳陳仰祈

聖鑒事竊三月十三四等日駐防三山花翎同知直隸州曾貞幹一軍迎擊竄匪迭獲大勝於二十四日附片具奏在案偽匡王賴文鴻既被重創遁入繁昌復約該處踞賊偽佐將林有志偽亞天豫吳大觜等於十八日糾黨八千餘人乘夜嘯聚松林口將謀再逞十九日昧爽由松林口分四路迤邐而來一股出汪家橋圖犯張陰所部陰字營一股出月子橋圖犯成東昂所部東字營一股出木雞山圖犯黃潤昌所部崑前崑後兩營

奏稿卷十九

仍分月股從楓樹圩渡河潛至老山一帶冀冀諸營之後曾貞幹升高瞭望見附近村落煙燄不斷旌旗掩映林谷間往來如織或卻或前乘該逆尚未偏營即令黃潤昌成東昂張陰等各出六成隊伍分道馳剿並令晏燕山恭字營陶保堂保字營抄出三華山麓策應各營兼備老山襲後之賊未幾賊隊齊至更番迎撲時值東北風盛利在火攻我軍以槍礮環轟火隨風猛對陣眯目不能仰視陰字崑字等營先將賴林二逆乘勢擊卻羣賊大亂倉皇欲遁逆渠吳大觜猶恃老山伏賊未發回鞭轉鬪驅眾向前曾貞幹親率曾正明葛東庭各營哨驟馬而至突入垓心槍擊吳大觜殪之縱橫盪決所向盡靡諸路敗匪先後

潰至馬口地方爭渡而溺者無數二十日曾貞幹謀知該逆踞繁昌城內不敢復議出戰乘此有隙可圖定計潛師以襲之是晚漏甫二下傳令黃潤昌成東昂胡基茂等各撥兩哨攜帶雲梯偃旗息鼓向松林口疾馳而進會抵城下令崑前營趨北門崑後營趨東門東字營趨西門南門一面闕而不圍以恭保陰三營為游兵截擊南路逸出之賊曾貞幹所帶湘恆營及曾正明親兵騎隊設伏於松林口內一應攻城之官軍一防蕪湖之賊援時至五更我營束薪為炬火光突上礮聲環偏震撼城樓賊驚起排列垛口亦以火器下擲相持未久天已向曙晏燕山陶保堂張陰等正思引軍助戰瞥見賴逆先率醜黨由

奏稿卷十九

南門拔關而遁急回軍兜截曾貞幹率曾正明馬隊伏兵齊夾擊賴逆奪路向南陵涇縣竄走維時薄城將士愈攻愈奮成東昂黃潤昌親昌矢石從西北門女牆缺處緣梯先登蹂升而上眾軍一擁盡入合力搜勦林逆率敗殘餘匪在亂軍中乘間潰逃遂於二十一日克復繁昌縣城計兩日之戰擒賊三十四人斃賊一千六百名所獲礮械不可數計伏查繁昌地處濱江淪陷八載上以屏障南陵下以犄角蕪湖此次屢挫逆鋒攻克堅城三山各營將弁著有微勞除曾貞幹係胞弟不敢仰邀議敘外所有尤為出力之兩江補用參將曾正明請賞給勇號並請

賞加副將銜五品銜補用知縣黃潤昌請免補本班以同知直隸州知州補用並請

賞戴花翎補用副將直勇巴圖魯晏蒸山請

賞加總兵銜兩江補用參將陶保堂成東昂均請

賞加副將銜參將銜兩江補用遊擊張險請以參將儘先補用

把總胡基茂請以守備儘先補用並請

賞戴藍翎其餘出力員弁兵勇可否容臣查明彙案保獎以昭

激勸所有擊賊獲勝隨克繁昌縣城緣由謹繕摺由驛六百里

陳奏伏乞

皇上聖鑒訓示謹

奏稿卷十九

十一

奏

克復旌德縣城摺 同治元年四月十五日

奏為徽州防軍進攻旌德擊走踞匪遂將縣城克復恭摺馳陳仰祈

聖鑒事竊自提督鮑超一軍連克青石太涇四縣以來旌德與甯郡賊勢中斷不能聯為一氣現駐徽州之福建臬司張運蘭恐踞旌之賊窮極思竄挺走徽境遂率所部湘營商同署皖南鎮總兵唐義訓派強中禮後三營以勦為防先發制之三月三十日張運蘭引軍出湯口進次廟首謀聞賊在旌城堅伏未動並分股在三溪地方往來哨探謹備官軍張運蘭知賊情震懼乃集各營偃旗息鼓乘夜疾進於四月初一日辰刻行抵距城

奏稿卷十九

十一

十里之跳生橋先飭陳玉恆帶中右營列旗兩岸復分舒翰張聲壯潘家麟張兆輝張遵恆各隊作為游兵以防賊由三溪抄我後路仍親督諸將士懸軍深入一二三旗向北門以唐義謨蔣信玉強禮等營應之四五六旗向西門以張運桂中左營應之七八旗向南門以彭先後楊道東中軍四壯應之比及城圍賊匿不出張運蘭密遣前敵軍士棄戈釋甲偃臥道旁故亂其伍以誘戰又從山後駐馬瞭望遙見城賊四五千眾陣腳漸動將欲伺隙出巢遂令攻北門之易開俊葉明瑞陳青雲攻西門之劉松山劉光明朱紹輝攻南門之黃萬友賀國秀等麾軍突起排礮仰轟競拔地鉞躍濠直進該逆惶急繞城環走飛石下

擊眾勇雖有傷亡而奮力爭先曾不少卻鼓聲敵聲猛若疾雷轟塌北門城牆丈許西門城堞十餘處張運桂冒煙突火躬率士卒蠟附而升賊乃搶護堞口急以火器死拒我勇中槍而墜者四人受傷甚多張運蘭恐有挫失暫令收軍以俟詰朝進攻初二日昧爽各軍秣馬蓐食再圖決戰忽報城中之賊受創膽落悉數宵遁一由烏嶺走甯國縣一由梅嶺走竄甯郡張運蘭入城捕殺餘黨張運桂會合各旗營馳斬尾股斃賊不少解散脅從千餘人搜獲米糧數百石即將縣城克復臣查旌德一城山徑叢雜攻守非易饋運尤艱此次孤軍進取逾日告克可以通徽甯之氣而固石太之防除將在事出力及接仗陣亡之員

奏稿卷十九

古

弁兵勇容臣查明分別奏請獎卹外所有徽州防軍克復旌德縣城緣由謹繕摺由驛具奏伏乞

奏

皇上聖鑒訓示謹

克魯港要隘復南陵縣城摺同治元年四月十五日奏為水陸各軍會克魯港旋分陸師攻克南陵縣城恭摺具陳仰祈

聖鑒事竊官軍連下魯港一隘南陵一城臣於四月初四日附陳梗概聲明俟稟報到日續奏戰狀在案旋據選用同知直隸州曾貞幹稟報繁昌既拔之後謀知蕪湖賊援潛在魯港增黨屯糧以圖抗拒遂商同總兵李成謀李濟清等水陸並攻為日後進取蕪湖之地三月二十六日曾貞幹率湘恆營及晏恭山陶保堂張陰黃潤昌陸師五營進紮螃蟹磯之前李成謀正右營及左光培彭楚漢郭仕林水師三營李濟清副中營及羅進

奏稿卷十九

古

賢何昌登水師二營分泊臬磯並螃蟹磯之下曾貞幹令各勇多備船筏搭造浮橋以濟陸兵仍由江口決開堤埂將彭楚漢所部舢板飛划從決口盡駛入港李成謀令戴德祥帶旱隊渡過南岸與入港之礮船緊相倚護二十七日曾貞幹黃潤昌張陰引軍渡浮橋而進專攻北岸賊壘晏恭山引軍循魯港隄邊而進陶保堂引軍循江邊大路而進合攻南岸賊壘李成謀督同各營官在江面乘駕師船轟擊水路之賊彭楚漢復從港內率水勇飛槳而出該逆腹背受敵撲水死者甚眾賊船百餘號賊礮數百尊悉為我有兩岸陸師見賊勢已挫急向石壘石卡盡力奮攻又得水師各營登岸來助賊即潰退立將三壘十餘

卡一律毀平遂復魯港餘匪悉向蕪湖竄走魯港既克之後所
可下達蕪湖而上蔽甯國者止有南陵一縣則亦以速取爲宜
二十九日曾貞幹飛調分守魯港之黃潤昌張喆等各率五成
隊伍由石碇渡河而南仍親率所部並晏恭山陶保堂成東昂
各營出繁昌山路整軍疾進密約四更時分各挾火具會抵南
陵城下初我軍之將攻魯港也繁昌戍卒抽調一空曾貞幹以
該處密邇南陵恐賊伺隙而動豫遣死士蓄髮易裝先往南陵
附城一帶相度營基暗插標識復揚言大兵即日壓境以懾賊
心賊多自危不敢外竄至是曾貞幹帶同馬步諸軍乘夜猝至
薄城而營萬炬齊燃光燭數里城賊倉皇驚起疑我軍從天而

奏稿卷十九

七

下一時呼眾登陣紛如螳旋手顛股栗火器不及燃發曾貞幹
揮令各營環城施礮猛擊逾時豁然一聲轟塌數丈眾軍從城
缺攀躋而入縱橫擊刺所向盡靡賊乃擁至東門望甯國一路
而逃卽於三十日卯刻克復南陵縣城城中捕斬五百餘級搜
獲米穀礮械甚夥臣查魯港爲蕪湖門戶南陵亦甯郡藩籬數
日之間相繼攻克從此分道進兵規取甯蕪可無後顧之慮在
事員弁著有微勞可否彙入繁昌案內容臣查明保獎之處恭
候
聖裁所有官軍會克魯港要隘旋復南陵縣城緣由謹繕摺由
驛馳奏伏乞

皇上聖鑒訓示再臣玉麟現在馳赴下游駐紮銅陵督帶各營
赴前敵西梁山一帶察看進兵形勢合併陳明謹
奏

奏稿卷十九

七

克復太平蕪湖兩城摺 同治元年五月初三日

奏為水陸各軍渡江夾勦克復太平府城蕪湖縣城並克金柱關東梁山各要隘恭摺馳陳仰祈

聖鑒事竊自逆匪竄踞金陵以蕪湖為屏障以東西梁山為鎖鑰尤以金柱關之偽城為關鍵官軍既克北岸之西梁山賊於南岸三處防守尤嚴臣玉麟與曾國荃定計必從金柱關入手則蕪湖與金陵老巢橫中截斷賊勢乃孤遂飭總兵李成謀於四月初五日會督各營師船由鍼魚嘴駛進采石磯江口焚船毀壘率勇登岸突薄金柱關偽城萬礮轟擊幾將得手以東梁山賊援大至整隊而還臣等知該處地險城堅非水陸併攻不能制賊死命乃將上游水師悉調赴裕溪口以下二十日曾國荃率馬步十五營自西梁山駕舟南渡近逼金柱關下沿隄結營臣玉麟恐築壘未固賊將擾我陸師乃派李朝斌帶外江新右營暨喻俊明任星元王吉內河水師三營從上游奮攻以躡賊後派成發翔鄧萬林內河左右營暨王明山萬化林郭明龍唐學發外江水師四營黃翼升陽利見陳東友張元龍成俞卿楊宏勝王東華蔡東祥淮揚水師八營從下游環擊以遏賊前曾國荃立營既定料金柱關之賊有水軍牽制不暇顧及太平府一路乃率各營哨濬分隊伍捲旂疾馳遙望賊在北門修卡立卽揮軍掩襲斬卡突進賊方駭走入城閉關不及我軍擁進

北門羣逆狂奔驅出南門截殺三百餘級遂復府城蓋賊不料官軍越蕪湖而先攻金柱關尤不料甫抵金柱遠襲郡城此四月二十日克復太平府城之情形也是夜水師眾營輪攻金柱關並未收隊二十一日王明山率外江四營先赴下游鍼魚嘴一帶臣玉麟親率成發翔李朝斌任星元王吉張元龍等循隄周視布壘若垤中峙偽城雄巨數里未易猝攻旋又瞭見曾國荃一軍已繞出三汊河上駟渡對河而陣塵戰方酣遂相率還營分水師為三隊以一隊守定江路以一隊衝入內河直逼塔下以一隊輦礮登陸環城壘而轟牆圯棟折屋瓦皆飛賊亦矢后如雨蔽空而下時近夜分黃翼升李朝斌成發翔束草為炬

奏稿卷十九

六

奏稿卷十九

九

指麾督戰陽利見王吉帶同弁勇蛇行而進將越濠溝外委王有章中槍殞命眾軍愈戰愈奮羣以火箭飛射西門哨樓賊於烈燄中衝突而出各水勇躍上隄埂短兵擊刺積骸滿渠卽時攻復金柱關而分撥黃翼升成發翔賴榮光蔡東祥張光泰王東華楊宏勝張元龍等數營乘風上駛往襲東梁山時值曾國荃陸軍擊退內河西岸之賊引軍來助甫將偽城及三汊河上駟渡數十壘一律毀平獲大礮二百七十餘尊旂幟刀矛萬餘件而謀者又報東梁山經黃翼升成發翔等一戰而下已移軍進次蕪湖此二十一日連克金柱關東梁山之情形也先是蕪湖賊目陳星斗沈國萬陳太和黃品來等經選用同知曾貞幹

密令黃潤昌設法招撫本有大兵臨境舉眾內應之約至是金柱關東梁山相繼攻拔蕪賊已成孤注正可乘其自疑而圖之二十二日曾貞幹自率所部將領及周萬倬劉祥勝新後祥後等軍循江而進偏壘立營並會商李成謀決開隄岸駛入小划四面合圍適黃翼升成發翔所統淮揚內河各水師自金柱關乘勝飛漿而來萬礮同轟聲震天半羣賊內亂棄壘潰奔圍而殺之幾無脫者城賊惶懼失措悉向官隄門漢家店而逸維時曾國荃親督部隊躡賊至戴橋地方聞蕪湖已復揣該縣逸出之賊必折竄而東一面令彭毓橘設伏於薛鎮渡口一面以輕騎追及於賈家灣乘賊半濟突起奮截殺斃甚夥生擒近二百名賊乃轉走護駕墩掠舟偷渡李朝斌帶各哨舢板自小花津橫出截之薄暮鏖戰至三更水師傷亡甚多李朝斌不肖稍退比及黎明賊趨薛鎮渡口適為彭毓橘伏兵所敗除殲斃溺斃外生擒至七百五十餘名之多釋放面有刺字者餘皆斬誅黃翼升擊賊於清水河俘馘亦以千計蕪湖東梁賊黨漏網無幾此二十二日克復蕪湖縣城並追賊疊勝之情形也王明山所帶四營之赴鍼魚嘴者二十二日抵烏江鎮該鎮對岸有烈山石壘二座斜對九洲洲為犄角之勢王明山帶各船渡江逼壘攻擊逾時壘中旗亂我師各船分泊上下兩岸俟賊出壘登岸截擊擒斬無算立破堅卡其九洲洲之上面又有大勝關賊壘

奏稿卷十九

二十

一座礮船護之王明山環攻逆壘未遽得手萬化林將江中賊船全行焚燬賊大震奪路狂奔我軍四面蹙之刻平逆壘奪獲礮極多此又王明山等攻克太平以下兩卡之情形也臣等伏查太平府屬莫要於蕪湖一城尤莫重於金柱關一隘自攻奪此關未逾三日上下名城要隘悉為我有從此全局一振上而甯國下而金陵均有可乘之機除曾國荃曾貞幹不敢仰邀議敘外此次尤為出力之員相應繕具清單懇恩施以昭激勸陣亡各將弁俟查明另單請卹其餘在事出力員弁兵勇可否容臣等查明奏獎之處恭候訓示遵行所有水陸官軍連克府縣兩城沿江各要隘緣由謹會同大學士湖廣督臣官文安徽巡撫臣李續宜恭摺由驛六百里具奏伏乞皇上聖鑒訓示謹奏

奏稿卷十九

二十一

官軍水陸並進疊克要隘駐軍雨花台摺同治元年五月
奏為官軍水陸並進疊復秣陵關江心洲等要隘六處圍逼金陵駐軍雨花台恭摺陳仰祈

聖鑒事竊自水師陸師渡江夾剿攻克太平蕪湖兩城江岸數
隘臣等於五月初三日會奏在案旋報丹陽鎮大股賊黨因薛
鎮戰敗焚糧宵遁江蘇藩司曾國荃於四月二十八日率所部
各營乘勝前進破周村卡遂駐江甯鎮之板橋地方熟察形勢
必從大勝關三汊河下手陸師乃有運糧之路水師乃有立營
之所然橫距三十里外尚有秣陵一關環水魏峙金陵之雄鎮
亦大勝關之右輔也賊備未嚴是可襲而取之五月初一日曾

奏稿卷十九

五

國荃引軍馳抵關下毀壘殺賊轉戰無前守關賊酋汪伍登尙
彪周蘭壁等舉眾獻關得驢馬二十一匹收降卒四百餘人餘
悉解散仍飛飭前隊十二營進大定坊繞出三汊河後緊逼大
勝關編木作橋為詰朝進攻計初二日曾國荃派撥軍士先伏
橋邊而以後隊六營捲旂疾進將謀合圍賊見我軍抄後懼為
長圍所困乘夜縱火棄巢而走公字敏字義字長勝等營踰橋
追襲戮賊數百遂奪大勝關三汊河兩壘平之此五月初一二
等日攻復秣陵關大勝關三汊河之情形也維時臣玉麟駐師
金柱關聞曾國荃懸軍深入恐其為賊所乘急約提督王明山
率水師各營分載和州守卒渡江策應甫由烈山駛近頭關適

曾國荃亦於初三日昧爽整旅而來薄關下寨眾水勇於狂風
巨浪中排礮仰擊無或少休陸軍乘之立拔頭關過此以往則
為江心洲堅大石壘倚洲雙聳對岸賊眾如麻臣玉麟會同王
明山親督萬化林王吉成發翔郭明鼇唐學發陳百鶴喻俊明
彭楚漢等八營直逼洲次飛礮入壘賊亦穴牆還擊羣子蔽天
而下士卒傷亡裏尸更進戰至日晡各勇挾火具登岸蛇行蘆
葦中偪壘縱焚燎及蘆葦一片火光江面人聲喧若鼎沸我軍
振臂齊呼躍入賊牆燒雜羣醜撲火溺水橫塞江流賊船百餘
號賊礮數百尊悉為我有登岸水勇仍上師船鼓漿飛行並奪
蒲包洲遂泊金陵之護城河口曾國荃由陸路倚護水師驅軍
直入偪紫雨花台距城不及四里城賊數來窺犯輒行擊卻此
初三日連復頭關江心洲蒲包洲之情形也臣等查金陵城大
而堅未易猝拔前向榮和春等屯兵七萬歷時八年師老無功
此次水陸兵數僅逾二萬雖濱江重險先後攻奪尚難遽為仰
攻之策應俟曾貞幹六營多隆阿一軍增調到防再籌大舉所
有出力將弁兵勇可否容臣等歸於太平蕪湖案內擇尤保獎
出自
恩施所有水陸各軍疊復沿江要隘圍偪金陵緣由謹會同大
學士湖廣督臣官文安徽撫臣李續宜由驛陳奏伏乞
皇上聖鑒訓示謹奏

奏稿卷十九

五

近日軍情片 同治元年五月十七日

再近日軍情自偽輔王楊七麻子退回甯國後浙東之賊勢稍
鬆江西之邊防亦固偽侍王尚在衢州一帶左宗棠分兵甯守
開化馬金街以固徽婺之防親率馬步各營赴衢剿辦劉培元
所部已由玉山入浙仍俟蔣益澧大隊到防方可由衢嚴兩郡
分道而進鮑超一軍於初四日大獲勝仗攻克寒亭管家橋等
處賊壘移營進紮節節阻戰向距甯郡十餘里據江蘇候補府
趙炳麟稟稱探聞湖州於五月初三日失守鮑超以甯國賊勢
太重萬難抽兵援湖李楚材聞道赴援不知何處梗阻亦未趕
到臣一聞此信且愧且憤俟探明確實續行具奏曾國荃一軍

奏稿卷十九

五

由太平下逼金陵本得建瓴之勢惟該城前此數年圍師七萬
此次兵僅萬餘屯紮南面一隅洪逆見慣不驚似無懼之情
臣擬調多隆阿一軍前往會剿趁此軍威極盛之際四面猛攻
當可得手此時各省多故處處須兵臣愚謂宜以全力會辦江
南先復財賦之區克一城有一城之利拓一里取一里之財究
竟遠勝於他省但使每年能解蘇漕百餘萬石淮課數百萬兩
進京俾戶部稍資周轉
京師根本之地有恃不恐則各省可次第剿辦矣俟函商官文
多隆阿定議行之除鮑超初四之捷另行奏報外理合附片具
陳伏乞

聖鑒訓示謹
奏

奏稿卷十九

五

鮑超軍進攻甯郡剿平逆孽摺 同治元年五月十九日

奏為鮑超一軍進攻甯郡破賊於寒亭管家橋等處諸壘悉平恭摺馳陳仰祈

聖鑒事竊浙江提督鮑超統率馬步各軍於四月二十五日由青陽拔隊前進甫抵青弋江結後東渡謀報偽輔王楊逆糾眾十餘萬堅守甯國府城偽對王洪逆一股屯聚團山圖犯蕪湖南陵等縣偽衛王楊雄清一股踞紮寒亭獅子山分擾梅家店管家橋一帶以阻進兵之路鮑超知賊勢方盛未可猝撻其鋒乃於抱龍岡隔河布營濬治牆濠不遠出戰以懈賊心仍帶各營哨循山徑而入勘明地勢於五月初四日先遣劉玉堂吳騰

奏稿卷十九

七

芳二營黃慶唐仁廉李文益三營潛渡山岡分道設伏復飭周有勝馬勝奎所部進薄寒亭散布隊伍誘賊出壘鮑超親督將士繞越翟村木瓜橋涉淺過河令總兵婁雲慶劉順隆王衍慶諸營突從左路進以韋志俊志宇四營繼之令宋國永譚勝達熊鐵生諸營突從右路進以蔣炳南段大有兩營繼之維時寒亭之賊方以周有勝馬勝奎孤軍深入絕無後援可吞而取也遂出巢猛鬪益逞梟悍瞥見左右兩路大軍掩至正在旁皇卻顧乃附近村落中羣賊響應擁眾齊出排列山梁數逾四萬鮑超遂令顏紹榮陳得勝楊鎮魁等騰蹕而入直搗中堅縱橫盪決將弁頗有損折明興伍華瀚以騎隊抄出管家橋先剪其右

翼宋國永譚勝達婁雲慶劉順隆王衍慶熊鐵生等橫躍入陣衝賊數段不復成伍適山岡後伏兵亦發扼斷歸路唐仁廉擒偽順天安楊民清偽撫天福黎奉民於陣馬勝奎周有勝乘勢

搶過寒亭浮橋徑取護橋二壘毀之賊乃負創驚潰眾軍追襲二十餘里將寒亭管家橋梅家店直至獅子山賊館數十處賊壘三十五座同時踣平一路斃賊六千有奇楊雄清糾合零匪遁回甯郡臣查甯國一城屏蔽蘇浙為賊與我所必爭之地近日南岸連克數城敗賊多萃於此聞逆黨聚至二十萬之多臣深以兵力單薄為慮自有此捷則已復之數縣賊或不暇復萌窺伺而我軍節節進攻圍偏郡城亦漸有可乘之隙除仍檄令

奏稿卷十九

七

速籌攻取外此次陣亡將弁十八員名另繕清單應請敕部從優議卹所有官軍擊賊獲勝剿平寒亭管家橋等處逆

皇上聖鑒訓示謹

奏

議覆兼攝通商大臣摺 同治元年六月初六日

奏為遵

旨籌議恭摺覆陳仰祈

聖鑒事 同治元年五月二十九日承准議政王軍機大臣字寄 五月十七日奉

上諭前因辭煥熟悉外國情形諭令以頭品頂戴充辦理通商事務大臣並疊諭將洋人協勸諸事會商新署巡撫李鴻章妥為經理茲據辭煥奏南洋通商各口事隸將軍督撫監督辦理若專設大臣統轄地方較多鞭長莫及事勢亦多格礙該大臣稽察稅務多屬具文而一切辦公經費以及書吏差役等項經費均需添設精祿虛糜於事無益請即裁撤各歸本省督撫將軍經理並片陳長江通商事屬創始必須平時勦望隆重乃能警服遠人請於官文曾國藩特簡一員兼領其事各等語南洋通商大臣本係道光年間經考英等議定設立以為交涉事件在外商辦之計迨英法各國公使駐京後一切緊要之件均由總理衙門辦理其餘關稅事務則由管關之監督道員會同各國領事官經理仍由該省將軍督撫稽察已足以資控馭上海雖為各國匯集之所而所設祇有領事官若該道辦理得宜巡撫妥為稽察則諸務已有責成所請裁撤之處洵為因時制宜欽差大臣本係改為兩江總督兼攝國藩威望遠著為外國

奏稿卷十九

天

人所警服長江通商事務由該大臣經畫自能措置合宜惟前因曾國藩辦軍務在江面布置所夕不遑若再任以通商事務非所以示體諒現在江面肅清應如何妥為兼籌之處即著酌量情形迅速具奏辭煥所稱南省宜以督撫兼領其駐紮之地須離洋人稍遠辦理方可順手倘李鴻章駐鎮以後能否兼顧無誤曾國藩從前曾經議及並著一併詳籌奏聞等因欽此仰見

皇上循名責實因時變通之至意臣才識庸於西洋通商事宜尤未諳究第就各省海口論之則外洋之通商正與內地之鹽務相同通商係以海外之土產行銷於中華鹽務亦以海濱之場產行銷於口岸通商始於廣東由閩浙而江蘇而山東以達於天津鹽務亦起於廣東由閩浙而江蘇而山東以達於天津通商之有五口大臣三口大臣猶鹽務之有兩淮鹽政長蘆鹽政也通商之有監督關道猶鹽務之有運司鹽道也通商之綜匯於總理衙門猶鹽務之綜匯於戶部也通商惟長江交易最廣以漢口為都會亦猶鹽務惟兩淮引地最廣以漢口為都會也今辭煥請裁南洋通商大臣歸併地方亦猶道光十年陶澍請裁兩淮鹽政歸併總督也以南洋之廣設一大臣統轄江楚蘇浙閩粵六省數千里之遠辭煥所稱鞭長莫及誠屬實在情形所有廣東福建浙江三省應遵此次

奏稿卷十九

天

情形所有廣東福建浙江三省應遵此次

諭旨即由監督道員經理將軍督撫稽察已足以資控馭至長江深入腹地路遠事繁臣竊以為當分別辦理自輪船入鄂以來洋人蹤迹幾徧沿江郡縣或傳教於僻壤採茶於深山違一言而嫌隙遽開一髮而全神俱動關道以洋人恃其凶橫而不敢誰何督撫以洋務非其專責而不肯深究勢必至睚眦小忿皆取決於總理衙門道途太遠後患孔長且立法之初當規久大之計柔遠之事必擇專精之人今日求一二精於洋務者尚難其選而謂此後數十年沿江兩督四撫一一求精於洋務者而為之豈可得哉臣愚謂此缺似不可裁宜改為長江通商大臣專辦濱江四省中外交涉事件或駐鎮江金陵或駐漢

奏稿卷十九

三

口九江添設官屬書役若干廉俸經費若干應請
賴下總理衙門會同該部核議其漢人洋人之大小詞訟在滬在鄂之正子各稅何者由通商大臣專決何者歸總理衙門核覆亦應與駐京公使熟議其北洋三口通商事同一律均宜討論職掌永定章程區區愚見蓋為數省計久長非為一人圖推諉也至兩江總督一缺統轄三省文武兼管漕河兩端鹽務又其專責即在承平之際幹濟之才已覺竭蹶不遑况以微臣迂鈍之質又值髮逆糜爛之餘夙夜憂懼顛躓實在意中不敢因偶爾之戰勝倘來之虛名遂自忘其醜陋軍務未竣之前實不能兼辦通商事件署撫臣李鴻章資望尚淺軍事方殷亦於

洋務不甚相宜伏求

皇太后

皇上曲賜鑒諒臣等幸甚倘蒙

天恩另設長江通商大臣則所轄地方有關涉洋務者臣仍當悉心籌畫公家之利知無不為昔年兩淮鹽政未裁之前江督亦有緝私督運之責湖廣亦有查引督銷之責今於通商推其意以行之官文總理於上游臣則稽查於下游不敢因別有專員遂爾置身事外上負

聖主委任之意所有遵

旨迅速籌議緣由恭摺由驛六百里覆奏伏乞

奏稿卷十九

三

聖鑒訓示謹

奏

議覆調印度兵助剿摺 同治元年六月二十二日

奏為遵奉

諭旨妥議具奏事同治元年五月二十九日承准議政王軍機大臣字寄五月十七日奉

上諭總理各國事務衙門奏據崇厚函稱詢據英國領事官吉必勛聲稱青浦嘉定二城髮逆大隊湧至華爾察看情形難以抵禦現在退回上海休息有另調印度兵來秋開大舉之說崇厚擬請許其與兵約其助剿以收有用之效該王大臣等慮及外國兵入內地攻剿不特得一處代守一處足為中國腹心之患即得一處焚燬一處如嘉定青浦二城亦實為地方瘡痍之

奏稿卷十九

災東南蹂躪不堪何可再受外兵之擾請飭曾國藩等於外國兵未到之先激勵三軍將蘇杭要地先行收復否則設法防範或與印度兵同力合作不致滋擾等語借兵助剿之議疊經曾國藩等先後覆奏僉稱有害無利前因上海喫緊英法兩國幫同戰守是以姑示羈縻未經阻止該兩國與髮逆仇隙已深若徑調大兵分路進攻剪除髮逆固屬大快人心惟若盡如嘉定青浦之勢則利不償害且恐守以西兵運掉不能由我為患曷可勝言現在江南之師連克名城已成破竹之勢曾國藩函致總理衙門擬令黃翼升統帶水師由松滬直入太湖以為進兵之路甚合機宜著該大臣即乘此聲勢督飭各軍進逼金陵迅

圖克復李鴻章將上海事宜布置後亦即趕赴鎮江由句容一路會師進剿兩路夾攻可期得手若金陵既拔則蘇常勢必瓦解官軍可一鼓成功各要地均為我有自可杜外國覬覦之心即屆時調兵前來見我兵既已得手則無所更用彼力自必廢然思返萬一金陵尚難遽拔而印度大隊已到應如何豫籌兵勇以備臨時會同攻取不致授柄於彼之處著曾國藩等會商妥議總期防患未然免致臨時失措總理各國事務衙門原摺片均著鈔給閱看等因欽此六月初九日復奉五月二十五日寄諭近聞洋人因官軍近取金陵擬撥輪船前來助剿好勝爭功是其故態若必待西兵會剿將來攻克金陵後必啟其輕視

奏稿卷十九

之心該大臣等務當激勵各軍乘此破竹之勢進逼金陵迅圖克復毋令洋人以助剿為名轉致另生枝節等因欽此伏查咸豐十年十月蒙先帝垂詢俄法兩國助剿之事臣覆奏以為當許其來助而緩其師期本年三月蒙諭旨垂詢英法兩國助剿之事臣覆奏以為同防上海則可借攻內地則不可洋人若先攻蘇常處無會戰之師若克復城池臣處亦無派守之卒定議於先或不致責怨於後等情奏明各在案茲復欽奉諭旨以印度兵來秋開大舉飭令會商妥議臣商左宗棠李

鴻章等據左宗棠復函云青浦嘉定二處髮逆屬至夷兵遠遁
夷人之畏長毛亦與我同委而去之真情畢露斷無起印度之
兵助剿此賊之事島人借助為圖利之計借起兵為解嘲之
詞耳兵頭縱有此意國主未必允許印度縱有兵來其數未必
能多據李鴻章覆函云官軍自二十一日虹橋大捷之後洋兵
待我兵敬禮有加提督何伯來營會晤詞意和順然窺其中若
有不足者青浦嘉定之退不免羞恚自云須八月後調大英兵
來恢復青嘉該提督始能回國並無調印度兵來之說臣查西
人天性好勝睚眦小忿不肯甘休青浦嘉定之挫既羞見侮於
髮逆尤慮見輕於

奏稿卷十九

三

天朝其興兵前來報復係屬意中之事惟英法舊例兵謀會議
於眾國兵費征斂於眾商非一人所能為主青嘉一退之差不
至遽觸大眾之怒國主未必因此而大舉商賈未必因此而加
征其兵數必不甚多亦可懸揣而知崇厚既有所聞似宜由總
理衙門與駐京公使查詢確實然後申大義以謝之陳利害以
勸之中國之寇盜其初本中國之赤子中國之精兵自足平中
國之小醜姑無論本年春夏連克二十餘城長江上下肅清三
千餘里髮逆無能久之理吳越有可復之機即使事機未順賊
燄未衰而中華之難中華當之在
皇上有自強之道不因艱虞而求助於海邦在臣等有當盡之

職豈輕借兵而貽譏於後世此所謂申大義以謝之也粵匪行
徑本屬無賴之賊青嘉兩城尤屬至微之事英國若徵印度之
兵為報仇之役多調則勝之不武少調則不勝為笑徒使印度
軍士支領英國之餉銀蹂躪中國之土地上不利於國主下不
利於英商不如早議息兵俾松滬免無窮之擾即英法省無窮
之費此所謂陳利害以勸之也斯二者總理衙門與駐京公使
委曲商榷如俱不見聽則亦別無阻止之法仍當先與議定西
兵進攻內地臣處無會剿之師若克城池臣處無派防之卒區
區鄙見不得不重言申明至於設法防範殊乏良策洋人語言
不通風俗迥異彼以助我而來我若猜忌太深則無以導迎善

奏稿卷十九

三

氣若推誠相與又恐其包藏禍心觀於漢口焚船等案片言不
合戎事立興嫌衅一開全局巨裂臣始終不願與之會剿者蓋
亦籌之至熟與其合而復離不若量而後入倘我軍屯駐之處
彼亦不約而來寔偏處此臣當諄飭部曲平日則言必忠信行
必篤敬臨陣則勝必相讓敗必相救但有謙退之義更無防範
之方吾方以全力與粵匪相持不宜再樹大敵另生枝節庶幾
有容有忍宏濟艱難愚慮所及不審有當萬一否所有遵
旨妥議緣由理合會同浙江撫臣左宗棠江蘇撫臣李鴻章恭
摺覆奏伏乞
皇上聖鑒訓示謹奏

金陵陸師勝仗張勝祿請卹摺 同治元年七月初二日

奏為金陵陸師屢卻撲營悍賊損一良將懇

恩優卹恭摺仰祈

聖鑒事竊江蘇藩司曾國荃一軍在雨花臺秣陵關等處禦賊獲勝於六月初六二十二等日附陳梗概在案先是曾國荃督軍東下直逼金陵以地曠兵單添調曾貞幹所部各營駐三汊河江東橋一帶傍水築壘以保西路之糧道仍派長勝副後吉後嘉字等營移紫雨花台以扼東路之要衝五月二十三等日城壘各賊乘我營寨未成糾眾二萬直前猛撲傷營勇十數人我軍先派馬步各隊伏於山後至是一聲鼓角分左右兩

奏稿卷十九

奏

翼抄出朱洪章率同劉永祥衝入賊隊劉玉春曾昭禮揮兵盪擊斬獲二百有奇賊乃紛潰劉永祥追躡騎馬賊酋撲近石壘中槍殞命二十二日探報秣陵關之賊擾及六郎橋一帶大掠民糧曾國荃潛遣周曰昇等各率騎隊出賊不意邀截於朱門之外賊見我軍猝至列陣迎敵周曰昇胡良作率各騎自左路抄之賊黨棄糧思遁楊卸南又自右馳繞其後縛賊數百悉斬於陣盡奪米穀以給村民自賊之數為我敗也聞城惶懼飛書召援有偽王宗李酋糾集悍黨來自蘇州於六月初六初十等日兩次窺營火器對轟互有損傷提督銜記名總兵張勝祿中洋槍子洞穿左足曾國荃既惜傷一健將而賊計甚狡料數日

內必有戰事豫飭各營密為戒備果於十六日城賊援賊出四五萬人分二十餘枝以一枝向湘恆等營以一枝向信義等營以一枝向猛惠等營以一大枝包過副後南後長勝公字敏字等十一營之後而中路悍賊猛攻雨花臺一帶長濠我軍堅守營牆憑濠穩擊傷斃極夥賊竟裂旗裹尸昇之而行曾不少卻其犯公字敏字兩營者已焚哨棚而進其犯副後南後兩營者亦將踰卡橋而登劉連捷曾昭禮劉玉春等見有黃衣騎賊指揮督陣猛驚罕匹潛然巨礮一發而殪即乘羣賊靡亂之時派隊出卡併力掩擊立解重圍維時西南一路賊勢方張鄂蘭亭力戰死之崔文田倪桂李金洲等拔卡而出馳斬二賊目遂與

奏稿卷十九

奏

劉連捷所派之隊合軍追勦計殲賊近二千人擒賊逾二十名訊據供稱是日之賊實斃偽官數十偽對王亦在其中由是賊膽愈寒軍心愈奮曾國荃正在冒雨修營徐圖進取乃甯國克後餘匪竄進金陵嘯聚於雄黃鎮者數又以二萬計二十四夜勾合城中之賊捲旗息鼓謀襲我營或以大隊分伏濠邊或以另股抄出營後天甫向曙一齊揚隊直撲猛惠公敬四營易良虎易良豹曾豈凡王仕益凌有和崔文田蕭開印等令各勇穴牆施礮使不得近伺賊稍懈突出擊之倉猝交鋒返奔弗及半就誅夷而東路圍攻副後南後長勝等營之賊亦經劉連捷劉玉春曾昭禮朱洪章等引軍擊走俘賊無算據曾國荃四次稟

報前來臣查該軍圍金陵地大兵單旁無應援洪逆老奸巨寇前與圍師八萬相拒數年見慣不驚此次以官兵為數無多常挑悍賊前來撲營我軍苦戰苦守盛暑鏖兵雖欠餉日入將士尚能用命今時歷兩月布置漸周自守有餘即可徐謀攻取記名總兵張勝祿謀勇兼備轉戰湘鄂江皖以達江蘇五省數千里之遙疊建殊勳此次克復太平蕪湖案內擬保提督未及開單彙奏乃搶護營壘猝中鎗子猶復負創強起力籌攻守不數日因傷殞命實堪憫惻合無仰懇天恩准將提督銜記名總兵圖爾古齊巴圖魯張勝祿照提督陣亡例

奏稿卷十九

奏

賜卹並從祀湖南長沙府湘鄉縣各該處昭忠祠俾奠殺魄而作士氣藍翎游擊劉永祥擬保游擊儘先都司鄔蘭亭應敕部均照游擊陣亡例議卹以昭激勸所有金陵悍賊撲營疊獲勝仗並將死事各員分別請卹緣由謹會同大學士湖廣督臣王文繕摺由驛馳陳伏乞皇上聖鑒訓示謹

奏

克復甯國府城摺 同治元年七月初二日
奏為官軍攻勦甯國壘挫賊鋒乘勝合圍遂將府城克復恭摺馳陳仰祈

聖鑒事竊浙江提督鮑超督率各營在抱龍岡等處毀平賊壘後屢獲大勝隨克甯郡臣於六月初六二十二等日兩次附陳梗概聲明續報戰狀在案旋准鮑超先後來文據稱偽輔王楊逆堅伏城中正在繕修守具一聞寨亭戰敗即糾逆黨四大股繞城結壘延亘三十餘里一日偽保王踞城東之夏家渡孫家埠一日偽天將踞城南之綠錦鋪畢冲鋪一日偽八王踞城北之圖山廟埠及洪村嶺楊逆自與偽桂王合股由城西之敬亭

奏稿卷十九

奏

山連營至望城岡一帶以圖力拒我軍五月初十日鮑超引軍進駐烏沙鋪暫息士卒周歷形勢必自抱龍岡得手而後可擊散賊黨尤必從望城岡下手而後可俯瞰賊巢十五日嚮明先令婁雲慶吳騰芳伍華瀚翦炳南等潛出碑林岡陳得勝唐仁廉明興馬勝奎等潛出安宜口會伏於望城岡後而以韋志俊所部為游兵仍令宋國永周有勝王衍慶數隊直取中堅以誘賊賊果輕我兵寧直壓山岡而下雨及交鋒鮑超復令黃慶劉玉堂劉順隆等十營張兩翼抄來羣賊勢沮將圖卻走瞥見旗幟林立掩映山谷間以為城南城北之賊悉眾來援也回鞭轉鬪洶湧若潮不意婁雲慶陳得勝等兩枝伏軍突從山谷中騰

踴而前衝賊數段章志俊率薛金榜等營截斷賊後宋國永周有勝等揮軍乘之短兵擊刺遇者輒殲逸出之賊又爲明興伍華瀚騎隊追及擒獲近五百人殲斃逾八千名遂破望城岡並將抱龍岡安宜口碑林岡敬亭山十數村落逆壘悉平東南北三路賊眾亦卽棄巢紛竄退聚河西河東此五月十五日擊賊毀壘進軍城下之情形也該逆既受大創略無鬪志乘我未布長圍陰結另股三僞王列隊城根並築堅壘於夏家渡石橋之側以爲負固自完之計鮑超四次挑戰不出巢遂於六月初八日統率馬步各軍僞壘下寨賊不能堪由北城出萬餘眾前來迎拒我軍一擊敗之初十日賊復由南城出二萬餘眾悉力

奏稿卷十九

聖

撲犯我軍再擊又敗之十四日僞循王魏超成僞干王洪仁珩等於南門胡廬山鱖魚山一帶列隊冀襲我後僞襄王劉官方等於北門廟埠岡山一帶列隊希圖夾攻而西門亦別出大股靠壘爲陣鮑超見賊已渡河喜告諸將彼有鬪心吾乃可一逞也遂飭婁雲慶馮標譚勝達唐仁廉伍華瀚等向北門進張應超楊鎮魁段大有等向西門進宋國永黃慶明興李文益馬勝奎等向南門進而以章志俊四營趨南門之左張遇春二營趨南門之右維時城賊壘蜂擁出敵我軍如牆併進搏戰逾時未遽得手宋國永黃慶躍入陣中縱橫盪決先將中路一股擊敗明興劉順隆截出夏家渡石橋遇賊歸路賊旂漸亂撲河返

奔馬勝奎李文益遂將石橋二壘踏毀章志俊張遇春亦自山腰斜衝而出賊眾紛潰將過浮橋周有勝熊鐵生焚橋截住幾無脫者南門既已獲勝僞襄王一股瞭見南路火發遂棄廟埠圖山而遁婁雲慶馮標唐仁廉奮力尾追伍華瀚吳雲集從旁徑突出乘之適張應超楊鎮魁等亦於西門告捷削平附城三壘三路整軍來會集於小東門外將沿河僞仆之賊補刀殲之十五日楊輔清復出大東門收合餘燼爲背城借一之舉鮑超率各軍驟進勢如風雨該逆一戰卽北狂奔六十里已近洪林橋矣楊逆忽率馬賊二千餘人回陣返撲馬勝奎緊蹙賊後中槍而殞將士亦多損折鮑超令諸營徐列圓陣將該逆人馬并

奏稿卷十九

聖

以大圍包之環加勦洗楊逆單騎脫去從馬千餘匹盡爲我有城賊見楊逆一敗不返倉皇失措有議降者有議戰者有議閉城再守者紛紜未定我軍已自洪林橋收隊歸來大呼直入東門除跪降及老弱婦女外一律斬蕪無遺立將府城克復前後斃賊幾及二萬生擒酋目三百餘名得大小礮位六十五尊此六月十四日大戰全勝十五日克復甯國府城之情形也查甯郡一拔則江浙之門戶已開金陵之機勢漸緊由是略取東壩會剿下游可無兵單之慮浙江提督鮑超冒暑苦戰屢復名城厥功甚偉惟係專閩大員應如何加恩之處恭候

聖裁至此尤為出力人員暨陣亡各將弁相應分繕清單懇乞

恩施以昭激勸其餘在事出力員弁兵勇容臣查明專案奏獎所有官軍勦賊屢勝攻克甯國府城緣由謹具摺由驛六百里

馳奏伏乞

皇上聖鑒訓示謹

奏

奏稿卷十九

聖

懇豁免江西歷案攤捐款項片 同治元年七月初二日
再咸豐四年十一月臣於水師勝仗摺內奏稱百姓感戴皇恩淪肌浹髓我

國家深仁厚澤二百餘年不當此大亂之後不知感人之深一至於此等語今倏忽又閱八年每當寇賊非常之警尤見民情愛戴之誠即至庚申夏秋蘇常之失海澱之變而中外晏然纖塵不驚耕鑿如故益嘆我

朝人心之固結殆為亘古所未有顧人心雖如此固結而寇盜卒不能廓清頻頒蠲緩之

詔書而民困未曾蘇息屢下整飭之

奏稿卷十九

聖

嚴旨而吏事亦未振興其故何哉臣嘗反覆尋思竊以為民生之困由錢漕浮勒之未革也州縣之困由攤捐款項之太多也欲振民窮須力除錢漕之弊欲飭吏治須盡豁攤捐之款江西錢漕一事臣與撫臣沈葆楨現方設法減征容俟妥議章程另案會奏其攤捐一事臣請為

皇上先陳其概攤捐云者從前虧空之款無處彌補則令州縣勻攤以捐補之目下需用之款無處籌給則令州縣勻攤以捐給之者也目下需用之款不過本省自捐自用苟能另籌經費即可立停攤捐從前虧空之款則係奏明派攤屢奉部文者約有四款一係道光二十五年豁免案內查出官墊民欠及攤補

兵差經費等銀一百二十一萬七千餘兩經前撫臣陸元烺奏准部議責成現任州縣自二十九年六月起分年攤補歸款除已完外未完銀九十六萬一千餘兩一係道光二十八年清查案內查出因公挪缺銀三十萬三百餘兩經前撫臣費開綬奏准部議自三十年起分作十二年由巡撫司道府州暨優缺州縣公捐銀十二萬兩津貼瘠缺各縣歸補原挪之款其餘銀十八萬三百餘兩著落各該縣自行按年彌補除已完並巡撫司道府州應捐不計外各州縣共未完銀十八萬一千餘兩一係咸豐元年豁免案內查出清查以前官墊民欠六十六萬七千餘兩經各前撫臣奏准部議飭自咸豐二年六月初一日為始

奏稿卷十九

四

而補瘡雖有攤捐之名並無補苴之實溯查嘉慶十八年十月十六日奉上諭直隸等十四省清查虧欠銀兩等項節經各督撫等將彌補章程奏明辦理此內除陝西一省扣至本年四月限滿是否全數完交現尚未據奏到又廣東省虧短銀兩全完尚有未完穀石亦據奏明分年彌補朕思此項虧短銀兩穀石各督撫奏定分限展限章程責令州縣按限完交而州縣籌補之法仍不能不借資民力現在直隸東三省邪匪滋擾其餘各省亦間有荒旱處而民氣未紓若州縣官藉彌補為名仍科斂於民非所以休養生息也著傳諭各該督撫等即將此次虧缺銀數確數查明現已完解實儲在庫者若干其未完者若干據實截數奏明暫行停止彌補等因欽此當經前撫臣先福查明江西未完各款截數奏明暫停彌補嗣後屢奉部催並未報解分釐迄今已五十年是嘉慶諭旨之所謂暫停者實與永停無異矣然則道光年間攤補之款又可期其有實收之日乎至州縣之稍知自愛者無不以攤捐為大患履一日之任即有一日之虧罷官以後回籍尚有資追身沒之後子孫尚須著賠一經署缺受累無窮其不肖者則又借奏攤之名為朘削民膏之目毫無益於國計大有損於吏治臣不揣冒昧籲求

奏稿卷十九

四

聖主施浩蕩之恩

錫逾常之典俯准將江西各州縣應攤前項各款共未完銀二百一十五萬四千餘兩概予豁免俾閭閻無科勒之苦州縣無暗累之虞庶幾政肅令行日臻上理仰副我

皇上惠愛黎元勤求吏治之至意倘託

聖主鴻福軍務漸竣歲事豐稔此後江西額賦年清年款何患部庫之不充若虧後此按年之課徒索前此紙上之債亦復何補如蒙

恩旨俞允臣當飭司再查各州縣已完及請免各細數造冊送部查核其本省需用之款向由州縣攤出者臣與撫臣當另籌

奏稿卷十九

諭旨以江西民困未蘇飭臣查辦謹一併附片瀝陳伏乞

皇太后

皇上聖鑒訓示謹

奏

安徽巡撫李續宜聞訃丁憂摺同治元年七月初十日

奏為安徽撫臣聞訃丁憂恭摺馳奏仰祈

聖鑒事竊臣於七月初九日准安徽撫臣李續宜咨稱同治元年七月初六日在六安州行營接到家信親母蕭氏於本年六月十六日在湖南湘鄉縣原籍病故該撫臣係屬親子例應丁憂飛咨臣代奏開缺請

旨另行簡放其前帶赴皖之記名提督成大吉蕭慶衍道員蔣凝學毛有銘副將王載駟等軍歸臣節制調度該撫臣即回籍奔喪守制等因前來臣查李續宜天性純孝內行敦篤咸豐九年因救援寶慶之便回籍省親其時母病沉重瀝稟在家侍疾

因軍務緊急經臣等催令勉強赴營李續宜私心內疚近日因自患咯血之症尤時時慕戀雙親或至終夜不寐此次驚聞母訃自應遵例丁憂回籍治喪惟軍事方殷該撫威望素著關係甚重溯查咸豐八年前湖北巡撫胡林翼在任丁憂督臣官文奏請改留署任欽奉

諭旨胡林翼穿孝百日後仍著署理巡撫如須扶柩回籍再行賞假兩箇月俟軍務告竣准其補行終制等因欽此維時湖北巡撫印務係督臣官文兼署臣現擬仿照辦理已咨復李續宜將巡撫關防派員齎送安慶省城由臣暫行兼署成大吉等軍臣亦當悉心照護妥為調遣惟兩淮勦撫事宜頭緒紛繁苗沛

霖及各巨捻深畏李續宜之威而良民各圩又感其撫綏之德
皖北及鄂省之兵多係該撫部下勁旅實非他人所能接辦臣
事繁才短深恐照料難周貽誤大局該撫臣奔喪一節應否援
照胡林翼丁憂之例
賞假數月仍令回皖署理撫篆抑或准其開缺守制另行
簡放安徽巡撫之處恭候
聖裁所有安徽撫臣聞訃丁憂緣由恭摺由驛六百里馳陳伏
乞
皇上聖鑒訓示謹
奏

奏稿卷十九

聖

近日軍情片 同治元年七月初十日

再近日軍情曾國荃圍攻金陵之師與賊相持常有零股前來
搦戰小有擒斬未開大仗鮑超克復甯國之後臣檄令進攻東
壩高淳溧陽溧水句容一帶作遠勢盤旋而來然後屯駐於金
陵之東北隅與曾國荃相犄角據鮑超呈稱軍士勞苦太久
疾病甚多應請稍為休息再行進兵其廣德州偽保王投誠一
案亦尚未辦理妥適石清吉守廬州之十營經官文等調令南
渡助剿金陵商之李續宜另撥數營接防廬州臣意李續宜方
以全力經營苗黨自難分撥防廬之師已咨復官文等飭令石
清吉仍守廬州無庸南渡乃李續宜籌辦苗黨甫有頭緒今忽
聞訃丁憂即須回籍治喪事機未順波折尚多殊深焦灼袁甲
三病狀近日不知何如李續宜既須離營應懇
聖恩飭雷袁甲三駐紮臨淮庶兩淮上下不至過爾空虛謹將
近日各路軍情附陳梗概伏乞
皇上聖鑒謹
奏

奏稿卷十九

聖

曾文正公奏稿

卷之二十目錄

奉 旨垂詢各路軍情分條覆奏摺 同治元年八月十二日

籌辦廣德受降事宜分別遣留摺 全日

近日軍情片

查覆何桂清退守情形摺 八月二十九日

近日軍情片

唐訓方駐紮臨淮摺 閏八月十二日

請 簡親信大臣會辦軍務片

覆陳皖北軍情並察度苗練摺 閏八月二十七日

近日軍情片

彙報軍情請調多隆阿軍回皖摺 九月十二日

甯國縣失守片

彙報近日軍情摺 九月二十七日

水陸迭勝力保蕪湖金柱關摺 十月十二日

近日軍情片

縷陳金陵各營苦守情形摺 十月二十七日

近日軍情仍請 簡派大臣會辦軍務片

奉 旨垂詢各路軍情分條覆奏摺 同治元年八月十二日

奏為疊奉 諭旨垂詢各路軍情分條覆奏仰祈

聖鑒事竊臣近日以來疊奉

寄諭指示各路軍情縷晰周詳其中有臣職分應籌之事亦有

非臣力能兼顧之端謹就聞見所及勉竭愚慮分條具陳以備

聖明參核

一多隆阿一軍當四月初克廬州之時臣本欲其會攻

金陵以曾國荃由南岸進兵先破大勝關圍逼城南雨花臺一

帶以多隆阿由北岸進兵先攻九洲洲圍逼城北紫金山一帶

曾於五月十七日附片具奏意在先復江蘇財賦之區以為明

年籌辦京漕之地不料陝西告警羽檄交馳官文等奏請多隆

阿率師援秦而

諭旨亦飭令先保陝西臣雖覺金陵兵單機會可惜然以秦晉

為京師餉源所自出未敢奏調多隆阿西援之師轉而東征也

厥後粵逆回竄秦事稍鬆而漢回仇殺望援仍切欽奉六月初

七初九日兩次

寄諭以多隆阿應於何地駐紮飭臣與官文會商復奏其時甯

國已克南岸兵力足敷調遣臣先已附片奏明矣因咨達多隆

阿不必回顧蘇皖或速勦陝省或留駐河南請其定計由官文

主稿復奏官文是否已奏尚未准咨到摺稿多隆阿旋於七月二十二日覆奏想邀

聖鑒茲復欽奉七月十九日

寄諭多隆阿一軍已阻於賊之南不能赴陝卽著勝保督辦陝西軍務多隆阿旣可無須入陝應於何處駐紮著曾國藩酌量調派迅速具奏又奉七月二十四日

寄諭多隆阿雷正綰等軍祇令其勦辦南陽一帶賊匪亮不久卽可蕺事以後多隆阿等軍或須駐防廬郡一帶或須赴江南會同進剿均著曾國藩酌量調度迅速奏聞各等因欽此

聖懷謙挹殷殷下問曷勝悚感臣查多隆阿軍抵襄陽由光化

奏稿卷二十

荆子關入秦並不爲南陽之賊所阻南陽賊股經鄂軍金國琛等會剿解圍亦尙不至爲楚疆之患勝保此次奏報殊未確實

致

朝廷久經派定援秦之局又復中變雷正綰前隊已於十一日起行入關多隆阿後幫亦於二十二日起行繼進中途接奉改派之

旨不知從何處折回若業抵秦境則進退兩難秦人雲霓之望是否籲請多隆阿雷陝臣尙不能懸揣若多隆阿果回鄂境則當遵

旨駐紮南陽一帶食鄂省之餉擊豫省之賊凡捻匪有竄入南

汝兩府者責成多隆阿攔截雕勦痛勦數次聲威必振西可屏蔽秦中不令增捻續竄關陝南可保障楚省不令鄂北另籌防兵北可聯絡鄭元善葉裕之師東可聯絡蔣凝學潁州之師誠爲一舉而數善皆備勦捻以馬隊爲先僧格林沁捷伐於豫東多隆阿馳騁於豫西當可肅清中原有裨全局至於防守廬州后清吉本係多隆阿部將不須該將軍親往駐守圍攻金陵鮑超已定由東壩前進不須該將軍遠往會剿非謂江南不必添兵也鄂豫秦三省交匯之區不可無大枝勁旅以爲游擊之師也是否有當恭候

聖裁

奏稿卷二十

一襄下河一帶屢塵

聖懷江南之賊若由常熟江陰偷渡北岸之靖江如皋通州海門等處實屬防不勝防前奉六月十四日

廷寄因都興阿奏難民紛投裏下河其情可疑

諭旨飭都興阿嚴密防範飭臣實力稽察不可使一賊偷渡江北又奉六月十八日

廷寄鈔示潘祖蔭請防裏下河一片

諭旨飭令設法兼顧又奉十九日

寄諭亦以江北港汊紛歧飭令臣與都興阿力籌守禦裏下河毋稍疎懈各等因欽此仰見

聖主睠念淮揚各屬刻刻不忘臣秉承

睿謨亦自兢兢在抱惟戰船太單地方太廣鞭長莫及徒切殷憂頃又接李鴻章咨稱據蘇州密探偽普王楊輔清自甯國敗回偽護王陳坤書自揚州敗回均來蘇城與偽忠王商議金陵危急皖浙官軍分路進剿上游已無路可竄欲分大股由江陰福山楊林各口窺竄江北襄下河空虛之處就食於完善之區並先擄有商船一二百號預勾江洋盜匪為導引乘閒偷渡北岸等語臣查楊輔清陳坤書兩股及青陽古隆賢等一股三支敗賊窮無所之思竄江北係屬意中之事李鴻章業已專案具奏請

奏稿卷二十

四

飭都興阿黃彬等嚴防以臣愚見都興阿之兵力只有此數紅單船之勇丁不甚可靠其新調之紅單船四十號據勞崇光咨已在廣東省河為颶風所壞矣是江北應防之要地尚無專汛派防之水師臣現咨商楊載福囑其親赴下游徧歷靖江如皋通州海門數百里江面察看何處最衝何處次衝妥籌布置又擬另辦太湖水師一軍造船百六十號防剿上海松江由澱湖以入蘇州而騰出黃翼升水軍專防淮揚襄下河一帶以符原議星夜趕辦計四箇月可以集事目下太湖水師尚未辦成黃翼升不可離滬所有襄下河之防應請諭飭都興阿黃彬引為專責臣亦當力籌兼顧仍請

飭下僧格林沁吳棠萬一賊竄襄下河即於清江浦嚴兵以待此等敗殘股匪不難一戰殲之雖未必果有其事而究當預備不虞是否有當恭候訓示

一李世忠一軍前奉

諭旨歸臣節制調度頃袁甲三告病開缺又奉七月初八日

寄諭飭臣妥為駕馭又曾奉六月初四日

密諭有人奏李世忠所克復城池皆伊踞守與陷於賊中無異

飭臣妥為駕馭使就範圍各等因欽此臣查李世忠投誠之初

勝保奏明准帶一萬八千人實數蓋近三萬以降人而仍據其

奏稿卷二十

五

地仍統其眾當時辦法本未妥善近聞陸續招收且增至五六萬之多據有城池自為風氣於長淮五河等設釐卡數處於長江新河口設釐卡一處各縣亦有卡局所獲頗厚又廣運鹽斤自捆自賣上侵公家之利下為商民之害殊堪隱憂然相沿已久安之若素今欲大振紀綱繩以法律勢必有所不能且去冬今春克復天長六合浦口江浦擊退陳坤書股匪於大局不為無功未可沒其勞而遽議其後臣擬姑循其舊不設機心釐鹽之利不加禁遏偶有請求亦不拒絕前曾解濟軍火三批米糧兩批近又來請餉銀即當量力分潤仰副朝廷寬厚之意但不甚資其力亦不輕調其兵暗銷其于智自

雄非我莫屬之驕志若欲收回

國家利權則須另籌鉅款按日供支足以養彼之眾乃能行吾

之法臣於本年三月奏請廣東抽釐一案聲明分濟袁甲三一

軍乃能撫馭降將即係指李世忠言之將來袁甲三去位臣節

制此軍亦專盼粵東之釐作滁州之餉聞晏端書到廣東後竭

力經營事多掣肘至今尚無頭緒亦未報解分毫若廣東釐金

不能大有起色則不特皖浙欠餉無出即李世忠一軍亦終虞

其決裂區區愚慮不敢不預陳其略

一鎮江一軍前奉五月二十一日

寄諭飭臣統籌兼顧頃又准馮子材咨到摺稿恭錄

諭旨有隨時稟請督臣曾國藩指授機宜以期萬全無失之訓

臣之愚陋何足諳悉機宜

龍眷愈隆悚惕無地馮子材專員來皖商一切臣覆函以鎮

江餉細兵單只宜自守不能出戰待鮑超攻克東壩溧陽溧水

句容等處屯駐金陵之東北能與鎮江聯絡一氣不為賊氛所

梗屆時馮子材再行撥兵會剿庶幾聲援四應士氣易奮至署

撫臣李鴻章久有移駐鎮江之議無如偽忠王糾率大股悍賊

常在松滬一帶戰爭不休前五月二十一日虹橋之役頃八月

初二日七寶街之役我軍皆竭力血戰始獲大捷觀忠逆之志

似欲甘心於滬上而洋人坐觀成敗極難調護以目下而論李

鴻章有萬不可離滬之勢或俟太湖水師辦成李鴻章即統水

陸諸軍由松滬進兵入蘇亦屬因利乘便之法所有鎮江防務

應始終責成馮子材耐苦堅守不作出勤之計拙謀淺慮未審

當否

以上四條皆兩月內所奉

諭旨因事理重大道途遙遠籌畫難定覆奏稍遲理合併案具

陳伏乞

聖慈垂鑒逐條

訓示謹

奏

奏稿卷二十一

七

籌辦廣德州受降事宜分別遣留摺同治元年八月十一日
奏為籌辦廣德州受降事宜分別遣留恭摺仰祈

聖鑒事竊偽保王童容海率眾乞降襲取廣德州城臣擬酌留
二千人餘悉遣散前於七月初二日附片具奏在案旋據鮑超
來文章容海既取州城襲殺侍逆所派守賊偽閣天義馬桂功
並收其眾現在部下一律薙髮不止六七萬人請多留降卒立
為啟化營以資攻勦呈繳偽印三百五十八顆偽官照九百五
十二張賫送來省並轉據童容海自陳本係洪姓因被脇所改
請即更正等情臣以洪容海自拔來歸應准復還本姓惟所部
過眾不特野性難於撫馴即餉項亦難於供億因令挑留三千

奏稿卷二十

八

人編立五營餘則悉數遣散飭直隸宣化鎮總兵宋國永已革
江西吉安府知府曾詠辦理遣散事件各繳軍械發給護照並
川資錢一千文分遣回籍竭力湊解錢三萬串尙不知足敷遣
資否另製遣發被脅良民旗號於降人中擇明幹頭目帶領由
陸路分起行走視各省人數多寡或合數府為一起或合數縣
為一起每起少者四百多者不過千人果能沿途約束嚴明一
無滋擾俟該頭目等回營准其錄用酌予保獎以結其心當不
至變生意外至洪容海數年被擄一旦自新乃能計取堅城襲
殺守賊力圖晚蓋非假以虛名恐不足以馭下合無仰懇
天恩賞給降將洪容海游擊虛銜其部下頭目王永虎范長根

陶成有莫志祥汪維新李敦本等均請

賞給五品頂戴能正玉羅文必黃廣興蔣台麟朱大椒黃三元

宣鴻猷洪鉅海洪潮海洪青海洪四海洪龍海洪虎海洪富海

洪貴海洪華海洪晏海等均請

賞給六品頂戴仍俟續有勞績由臣分別奏保官階使悔罪投

誠者知

朝廷有倖邀之

寬典無顧惜之功名則東南逋寇或皆聞風知勸良解冰消於

軍事不無裨益如此起降眾辦理或有未妥另生枝節臣當隨

時奏明不敢稍存迴護上煩

奏稿卷二十

九

宸廑所有籌辦廣德州受降分別遣留緣由恭摺具陳伏乞

皇上聖鑒訓示謹

奏

近日軍情片 同治元年八月十二日

再近日軍情金陵賊匪未撲官軍營盤曾國荃因營中病勇過多亦未進攻鮑超克復甯國已逾月餘因童容海投誠之事久未就緒又疾疫流行死亡相繼尚未拔營現值天氣稍涼即當催令進兵左宗棠在浙亦苦營中患病者多不能指搗如意自七月十七日油埠一戰大捷後二十一日與賊遇於青塘斬首百餘二十四日分兵進攻袁家太平祝兩處均未甚得手偽侍逆李世賢現在金華修城治濠並調溫處之賊萃於該郡將為死守之計龍游縣城雖已檄調劉培元等軍進攻該處地勢平衍難以逼城立營一時未能速下蔣益澧一軍七月十六日已

奏稿卷二十

十

入江西之萍鄉縣境日內當可陸續抵浙皖北苗沛霖之黨曾稟明蔣凝學願退出壽州正陽關兩處但求不報克復等情似不至遽生他變惟撫臣李續宜聞訃丁憂病久未痊不能治事該撫前在六安患病臣勸令請假醫調李續宜恐勞聖廬未敢具奏茲於八月初三日行抵安慶省城臣觀其哀毀之餘肌肉全瘦若不令其離營回籍少伸孝思恐難期其速痊該撫於昨十九日具摺陳情臣是以未經勸阻理合一併瀆陳聖聽伏乞
慈鑒謹
奏

查覆何桂清退守情形摺 同治元年八月二十九日

奏為遵

旨查明復奏仰祈

聖鑒事竊臣接准部咨同治元年五月初七日奉

上諭刑部奏據何桂清呈出司道公稟請飭查辦等語何桂清棄城逃避罪名業經大學士會同刑部審擬具奏惟據片稱該革員呈出司道公稟一件係前任江蘇按察使查文經前任江甯布政使薛煥前任江南鹽巡道英祿江安糧道王朝綸於丹陽失守後聯銜稟請何桂清退守蘇州各情該司道等均有地方之責當常州危急之際應如何幫同總督竭力守禦乃聯銜

奏稿卷二十

十

稟請退守蘇州顯係見事危急意在同逃徐有壬原參摺內亦有何桂清率領地方官退避之語若不從嚴查辦何以肅軍律而飭官方著曾國藩李鴻章將該司道當時如何聯銜具稟及如何退避各情形據實查明具奏其蘇常等處各逃官一併查明參辦殉難各員並著查請議卹以示勸懲欽此臣比即咨商李鴻章在於蘇境詳查旋據通商大臣薛煥遞到節略一函內鈔錄

廷寄二件奏稿二件咨稿一件據稱薛煥於咸豐九年十二月補授江甯布政司奉

旨飭令隨同何桂清辦理夷務十年三月奉

命幫辦通商事件閏三月初旬由上海轉棹常州奉

旨飭令單銜奏事二十四日何桂清欽奉十八日密寄

諭旨至所稱辭煥應否豫飭來京此言殊屬非是天津非議和

之地該大臣仍當飭辭煥迅赴上海設法挽救等因欽此辭煥

旋於三十日拜疏起程摺尾聲明即日前赴上海相機酌辦維

時何桂清業已議定移駐蘇州其司道公請之稟係查文經主

稿迨何桂清批發後亦係查文經錄批轉咨辭煥嗣於四月十

一日撫臣徐有壬奏調辭煥回蘇辦理防務奉

旨著不准行欽此錄送各件到臣皖營臣伏查刑部奏請飭查

司道四人中惟辭煥官職最大茲該大臣鈔送案據前既奉有

迅赴上海之

旨後又奉有不准回蘇之

旨則是理應離開常州之員軍機處必有檔案可稽其稟請移

駐一節係屬隨眾聯銜並非別有私圖此外如查文經業已革

職臣奉五月二十六日

密諭另有交查事件英祿業由吳棠奏參以原品休致王朝綸

列銜在末不過隨同畫諾臣在外多年忝任封疆竊見督撫權

重由來已久黜陟司道榮辱終身風旨所在能使人先事而逢

迎既事而隱飾不特司道不肯違其情即軍民亦不敢忤其意

十年七月嘉興大營將弁聯名數十具呈請留何桂清在蘇暫

不解京求臣轉奏由王有齡移咨到臣臣暗加察訪不過通知

軍中數人並非合營皆知是以未及代奏而王有齡已兩次具

奏觀營員請留之呈則司道請移之稟蓋可類推無庸深究疆

吏以城守為大節不宜以僚屬之一言為進止大臣以心迹定

罪狀不必以公稟之有無為權衡區區愚見不審有當萬一否

除查文經交查之案另行覆奏蘇常等處逃官由李鴻章彙案

會參外所有遵

旨查明緣由謹會同署江蘇巡撫臣李鴻章恭摺覆奏伏乞

聖鑒訓示謹

奏

奏稿卷二十

十一

近日軍情片同治元年八月二十九日

再近日軍情洪容海投誠以後進剿建平小挫而退其部下頭目眾多各爭雄長中懷反側洪容海不能彈壓有偽目張得勝陶子高等帶二萬餘人投歸偽輔王楊七麻處又有偽目朱大椒黃三元等帶二萬餘人在廣德州內亂與洪容海自相仇殺洪容海帶心腹萬餘人奪門而出投歸甯國鮑超營次廣德州遂仍為賊所佔踞鮑超仍照前議令洪容海酌畱三千人編立五營隨同官兵打仗攻克廣德以贖前愆臣昨於十二日具奏此案摺尾聲明恐其另生枝節今果有此一變目下事局尙未大定是否更有波折殊難預決頃奉七月二十八日

奏稿卷二十

古

諭旨遲到半月不及欽遵辦理然招降之事古無良策必降將之才足以統馭其黨而後無反覆爭鬪之虞又必官兵之氣足以懾服降人而後無幹弱枝強之患今洪容海歸順之眾雖較前數大減然後患亦較少臣尚不深以為慮臣之所憂慮者現在楊輔清黃文金賴文鴻古隆賢等諸偽王屬集於廣德建平一帶又有已降復叛之張得勝朱大椒等凶燄彌增又據左宗棠咨偽侍王將由浙境赴援金陵自甯國廣德決戰而往羣賊將萃於皖南而鮑超營中疾疫大作勇夫病者萬餘人死者日數十人張運蘭朱品隆唐義訓各軍亦十人而病其六七張運

蘭之胞弟張運桂亦已病故即去臘堅守徽州苦戰得全者也曾國荃金陵營中病者亦逾萬數皆由臣以菲材妄竊高位上千鬼神之譴莫救厄運之災左宗棠軍中病者亦復過半每次出隊不滿五成若秋間有大股惡賊深恐羸卒不足禦強寇中夜縈思不勝焦灼至李鴻章奏洪首逆已移居蘇州係屬謠傳並無其事此軍務最大關鍵臣不敢不留心訪察除俟洪容海投誠之事大定另案續奏暨張運桂等立功後病故各員彙奏請卹外謹將近日軍情附陳梗概伏求

奏稿卷二十

古

奏

皇上聖鑒謹

唐訓方駐紮臨淮摺 同治元年閏八月十二日

奏為暫署撫臣接辦皖北軍務遵

旨酌度駐紮地方恭摺覆陳仰祈

聖鑒事竊臣承准議政王軍機大臣字寄同治元年八月十七

日奉

上諭李續宜奏瀝陳哀州籲懇賞假回籍奔喪一摺已降旨賞

假百日准其回籍並令唐訓方暫署安徽巡撫關敬銘署理湖

北藩司矣皖省粵逆雖就肅清而徐宿蒙亳等處捻匪屢次出

巢肆擾且正陽關壽州各處苗練耽耽虎視亦未必帖耳就撫

是皖北軍務未可稍鬆曾國藩節制四省軍務繁現值進剿

金陵調度正當喫緊皖北關係緊要必須得人督辦俾曾國藩

得以專意東征據李續宜奏稱唐訓方久歷戎行熟諳戰守著

官文速飭該藩司前赴安慶接署安徽撫篆毋稍遲延其應否

駐紮臨淮接統袁甲三一軍之處並著曾國藩酌度具奏等因

欽此仰見

聖主慎重巖疆虛衷博訪欽棟易任臣維皖北形勢以淮水為

綱領前此髮匪盛於淮南捻匪擾於淮北袁甲三駐紮臨淮跨

兩淮而處其中上年秋間苗沛霖攻陷壽州占淮西之數城據

上游之津要袁甲三勢處孤危旁無應援支撐實屬不易自巢

和廬州次第克復而髮逆掃除殆盡自三河霍邱羣圩效順而

苗黨解散過半頃苗沛霖已將壽州正陽關兩處退出李續宜

令蔣凝學進城防守大江以北長淮以南業經一律肅清地形

之險易視賊勢為轉移今日臨淮一關似已無甚緊要然唐訓

方暫署皖撫仍應駐紮臨淮乃足以資控制李續宜所部在皖

境者約分五枝一曰安肅道蔣凝學進次壽州分防顧壽正陽

關三處一曰記名提督蕭慶衍駐軍霍邱與正陽三河尖為犄

角之勢一曰記名提督成大吉一曰道員毛有銘兩軍皆駐三

河尖附近之望岡集並由成大吉分撥一營出駐河南之固始

縣城一曰總兵王載駟留守六安州為各軍保固後路接應糧

械淮西各城布置極為周密若唐訓方進駐臨淮關則西可聯

絡蔣凝學壽穎之師東可聯絡吳棠清江之師南可聯絡石清

吉廬州之師與李世忠滁州之師而北路亦可稍助僧格林沁

之聲援若不駐臨淮則中段空虛恐徐宿蒙亳之羣捻又將窺

伺淮南關係甚大不可不防聞唐訓方擬於閏八月中旬由鄂

起行來皖俟其到省臣當與之熟商即接統袁甲三一軍汰弱

留強听宵訓練楚皖各軍聯為一氣庶幾防剿兼施首尾皆應

是否有當伏候

聖主裁奪

救下唐訓方妥籌辦理所有遵

旨酌度緣由恭摺覆陳伏乞

聖鑒事

皇上聖鑒訓示謹奏

奏稿卷二十

九

請簡親信大臣會辦軍務片 同治元年閏八月十二日

再大江南岸各軍疾疫盛行臣於八月二十九日附片具奏在

案近日秋氣已深而疫病未息甯國所屬境內最甚金陵次之

徽州衢州次之水師及上海蕪湖各軍亦皆厲疫繁興死亡相

繼鮑超一軍據初二日開單稟報除已痊外現病者六千六百

七十人其已死者數千尙未查得確數甯國府城內外尸骸狼

籍無人收埋病者無人侍藥甚至一棚之內無人炊爨其軍中

著名猛將如黃慶伍華瀚等先後物故鮑超亦染病甚重合營

將領因其關係至大一面稟明臣處一面用舟送鮑超至蕪湖

養病張運蘭一軍駐紮太平旌德等處病者尤多即求一繕稟

奏稿卷二十

九

之書識送信之夫役亦難其人張運蘭送其弟之輓至祁門亦

自患病尙難回營皖南道姚體備至嶺外查閱一次歸即染病

不起臣派營務處四品卿銜甘晉至甯國一行現亦染病回省

楊岳斌自揚州歸來亦抱重病天降大戾近世罕聞惡耗頻來

心膽俱碎若有大股賊匪撲犯甯國旌太等處鮑超張運蘭兩

軍不特不能出隊迎戰並不能堅守城壘不特不能堅守以待

外援並不能預逃以待再振若撲犯金陵徽州亦深恐病者太

多戰守皆無把握數年來千辛萬苦戰爭之土地由尺寸而廣

至數百里尙有疎虞何堪設想若皖南藩籬一壞則江西內地

空虛毫無足恃興言及此憂心如焚而皖北苗捻兩患時時可

慮袁甲三李續宜皆將回籍唐訓方新來諸事且萃於微臣一人之身疾疫之災既如彼責任之重又如此臣自度薄德不足以挽厄運菲才不足以支危局警諸擔夫力能負百斤者增至百二十斤則汗流而蹇增至百五十斤則僵踏矣臣力本不勝百斤今且增至數十倍之重僵踏不足惜倘遂貽誤大局敢不祇懼合無籲懇

皇太后

皇上天恩簡派在京親信大臣馳赴大江以南與臣會辦諸務分重大之責任挽艱難之氣數臣具有天良斷不敢稍存推諉致誤戎機今年軍事甫順而疾疫流行休咎之徵莫可推測中

奏稿卷二十

夜默思惟求德器遠勝於臣者主持東南大局而臣亦竭力經營而左右之庶幾補救於萬一區區愚忱伏乞

聖慈垂鑒訓示謹

奏

覆陳皖北軍情並察度苗練摺日 同治元年閏八月二十七

奏為欽奉

諭旨恭摺覆陳仰祈

聖鑒事竊臣承准議政王軍機大臣字寄閏八月十二日奉

上諭僧格林沁現飭富和並添派之翼長全順會同恆齡卓明

阿馬隊駐紮永城一俟永毫一帶積潦漸消道路可行即行相

機進剿亳州捻巢該捻等股迭經痛剿一經直搗老巢勢必窮

思銜走若令東西分竄官軍移向各路往追賊又繞路回巢官

軍又復回攻必致往來周折為所牽制此等情形總當預為籌

畫謀定後動方免臨時互相推諉貽誤事機僧格林沁現在夏

奏稿卷二十

臣將由北路進兵將來各路約齊會剿之時賊如竄往北路自

應即由該大臣撥兵追剿其賊竄西路應由唐訓方撥兵追剿

賊竄東路應由吳棠撥兵追剿賊若南竄即行三路合力追剿

均著各專責成先期妥為布置毋得臨事觀望遷延自干罪戾

其毛和熙所部駐紮營廓等處勇營併著僧格林沁酌量隨同

官軍應由何路進攻妥為調遣楚軍應由南路進攻其西路賊

竄責令追剿是否足敷分撥有無窒礙難行之處唐訓方署理

撫篆甫莅皖軍於進兵情勢未知能否洞悉既據僧格林沁將

督催楚軍進剿捻巢各情移咨曾國藩酌量調度即著妥為籌

議並將駐紮穎郡楚軍道員蔣凝學是否堪以統帶抑應添派

得力提鎮大員督率之處一併妥籌兼顧並一面咨復僧格林沁辦理吳棠駐軍清淮籌防裏下河一帶於亳州東路靈宿等處亦恐相距稍遠黃開榜派赴徐州代領田在田一軍應令如何酌量進紮袁甲三尙駐臨淮其於毫捻東路防剿應與吳棠等如何各分汛地合力進攻之處均當預爲籌定總之各路責成均須嚴密部勒方能及時同心戮力聲勢聯絡著該大臣等會同詳悉商酌盡善迅即奏聞鄭元善現赴河洛督辦西路剿匪所統各軍雖難即時撤回助剿惟毫捻如由西北兩面竄走均係豫境即著鄭元善毛昶熙嚴飭各屬文武官紳率領兵練協同官軍悉力防剿如有賊由何路竄逸不能實力堵禦該地

奏稿卷二十

方官吏與帶兵將領厥罪維均苗沛霖反覆再三其巨測情狀天下聞知目前歸正仍恐其首鼠兩端第以勝保赴陝失所據依兼之畏懼楚師之威始將壽州正陽等處釐卡交出姑且就我滿磨僧格林沁以現當剿捻喫緊之際勢宜恩威並用以不疑用之勦賊賊平之後苗練勢孤自必盡除倣慢且使苗練安帖則將擬學所領楚軍便可專力與僧格林沁之軍合力各由南北進剿捻巢以期得力所籌自是不爲無見此次苗沛霖因僧格林沁札諭該練欲用之勦捻乘機具稟申訴揣其意一則欲借僧格林沁聲威抑制李續宜撤去楚師使彼得以逞志一則欲借剿捻之名冀僧格林沁奏准仍復還其前次占踞之

利藪一面之詞毫無情理而陰鷲之謀時流露於意言之表苗沛霖如果能帶練剿賊爲國出力朝廷屢經明諭貫其既往予以自新該大臣等何難待之坦白盡釋猜嫌但必須其實心實力悔罪歸誠有殺賊攻城之實據方可加之信任若仍心跡闇昧或陽爲助剿而仍與賊陰相結納或第欲冒官練之名以脅制民圩希圖煽惑漸成尾大不掉之勢其居心行事朝廷亦必洞見肺肝諒該大臣等亦斷不以欲資其力稍涉遷就致爲所惑而忘後患著僧格林沁會國藩等會同察度妥籌萬善正陽等處釐卡既已交出即該練等果隨同奮勉剿賊心跡已明會國藩等並當籌給餉需至壽州正陽關等處利源所在斷不得

奏稿卷二十

令該練等藉詞餉需再圖侵佔前次逆首陳玉成就擒壽州其餘賊驍悍之眾尙有二千餘人苗沛霖收隸所部現在曾否遣散其竄擾豫省南陽一股捻逆內有無此項陳逆餘黨並著僧格林沁等查明具奏等因欽此仰見聖謨閎遠布置精詳於二十一日接奉此旨即與撫臣李續宜再三商度連二十三日李續宜登舟起程署撫唐訓方怡到安慶又與之熟商如會剿亳州捻巢楚軍應由南路進攻其西路賊竄責令楚軍追剿諭旨垂詢是否足敷分撥有無窒礙一節查李續宜所部湘勇在皖境者萬餘人現在分守潁州壽州六安霍邱固始五城又

守三河尖正陽關兩隘皆係最要之區若再令分剿擒巢則防
守七處之兵與進剿毫南之兵皆嫌其單湘軍素無馬隊於追
逐擒匪本不相宜若步軍太單則更無把握矣屢接官文函咨
石清吉防守廬州之十營前已調去三營今又欲再調三營回
援鄂省並云髮匪自德安而下欲由安慶境內回援金陵如果
屬實皖北腹地空虛處處可慮願壽之湘勇以分守七處而太
單廬州之防兵以抽調六營而亦薄更無餘力可以進剿毫南
此楚軍不敷分撥兼有空礙之情形也

諭旨垂詢道員蔣凝學是否可以統帶抑應添派大員督率一
節據李續宜面稱蔣凝學與毛有銘同為監司成大吉蕭慶衍

奏稿卷二十

五

王載駟皆為提鎮勢位相侔才智相等彼此俱難統屬至臣所
部各軍如楊載福鮑超張運蘭朱品隆諸統將皆抱病未痊現
在皖南軍情十分緊急欲求一人支持危局尚不可得又安
能另派大員督率淮北剿擒之師此願壽各軍難相統馭之情
形也

諭旨垂詢苗沛霖反覆叵測察度安籌一節查苗沛霖詭譎
多端耳目最廣聞凡李續宜離苗部之密諭勝保參劾湘軍
之微詞苗沛霖皆得鈔其全稿即言官劾苗之疏
廷寄馭苗之法苗沛霖亦多錄其原文蔣凝學等欲陽撫之而
陰防之固在苗沛霖計算之中即僧格林沁欲調苗剿擒並欲

調苗離巢使楚軍得放心剿擒亦未嘗不在苗沛霖計算之中
愚以為欲苗之不猜疑必在我者先有誠一不欺之道欲苗
之不反覆必在我者先有堅定不變之謀大抵馭苗之策有二
一曰剿一曰撫撫苗之策亦有二一曰赦其罪而不資其力一
曰資其力而並予以權凡良圩之出財出力以從苗者非心服
也彼挾

朝命以臨之不得已而為所脅耳自夏間黨羽離散苗勢漸衰
今調之會剿擒巢則必聽其招集舊部號令羣圩是予以威權
矣又必聽其廣收練稻設立釐卡是予以利權矣今日養虎自
衛他日復欲縛虎歸柙豈易言哉愚以為為赦其罪而不資其

奏稿卷二十

五

力猶不失為中策於徵調之札則咨之使其號令不能遽振於
釐卡之事則寬之使其生計不至遽窮情願假以利權斷不予
以威權俾苗沛霖既服官軍之足以自立又感疆臣之不與爭
利或可相安無事若既欲資其力又欲結其心而又不予以威
權利權則斷無是理矣此臣察度苗練但用中策之微意也至
苗沛霖所收逆首陳玉成餘眾曾否遣散是否混入南陽捻股
之內俟訪查明確續行附奏所有遵

旨籌議緣由謹會同署安徽撫臣唐訓方由驛覆奏伏乞
皇太后

皇上聖鑒訓示再此摺係與李續宜面商定議李續宜奏明於

二十六日起程回籍因業經交印即於二十三日行具咨請
代奏理合代為聲明謹
奏

奏稿卷二十

三六

近日軍情片 同治元年閏八月二十七日

再近日軍情偽忠王由蘇州帶大股賊匪上援金陵屯踞城南
谷裏村人字橋一帶二十日撲官軍營壘一次金陵將士多病
迄未稍愈會貞幹亦抱病未痊殊為可慮逆首黃文金胡鼎文
等大股由東垣撲犯金寶圩鮑超尙在蕪湖養病宋國永在甯
國代統其軍派靈字四副營峯字兩營於距城五十里之新河
莊禦之二十日始到營壘未定為賊所乘官軍小挫退回甯國
探聞黃文金等逆將自新河莊犯甯郡之西楊七麻等逆將自
建平縣撲甯郡之東官軍病者太多統將鮑超又不在營張運
蘭雖已於十七日帶病進城而其部卒亦病莫能興朱品隆於
十四日移守旌德亦上下皆為病所苦防守尙無把握大疫之
後遇此鉅寇皖南全局幾無一處可恃總由微臣德薄位尊莫
挽厄運五夜憂灼悚皇無地所幸左宗棠於前月之杪疊獲大
勝將益澧於十四日克復壽昌將來徽州有急或可調蔣益澧
就近救援楊岳斌鮑超病皆漸愈鮑超現發徧身瘡癩邪症全
除擬於二十六七日回營其軍縱有疏失尙可徐圖整頓仰賴
皇上威福猶當力籌挽救定領扶危除金陵甯國兩處接仗情
形續行具奏外理合附片先陳梗概伏乞

皇太后

皇上聖鑒謹

奏

奏稿卷二十一

元

彙報軍情請調多隆阿軍回皖摺 同治元年九月十二日
奏為彙報各路軍情請

旨敕調多隆阿一軍回駐皖北恭摺陳仰祈

聖鑒事竊偽忠王李秀成救援金陵黃文金等股圖犯甯國各
情形臣於閏八月二十七日附陳梗概在案現計各路局勢可

慮者約有四端李秀成率十餘萬賊更番猛撲雨花台營盤自

閏八月二十至九月初六晝夜不息洋槍洋礮子密如雨兼有

開花炸礮打入營中驚心動魄會國荃於二十九日面受洋槍

子傷幸尚無礙其得力部將倪桂卽於是日中礮殞命賊現多

開地洞百道環攻並未少休又據蔣益澧來稟偽侍王李世賢

奏稿卷二十一

元

於前月十四日帶賊三四萬由浙赴援金陵我軍以病餘之卒

苦守十六日夜疲乏已極若再添侍逆一股殊恐難支此金陵

之可慮也胡黃諸逆之竄犯甯國者自前月二十日我軍小挫

後未遽攻撲郡城盤踞於廟埠仰賢圩油榨溝新河莊等處綿

亙近百里疊據逃出及擒獲匪黨僉稱該逆不得逞於甯國決

計繞竄南陵青陽上犯江西目下各營病勇未痊缺額未補卽

能竭力保守甯郡而灣沚無陸師駐防該逆若由閉道上趨不

能分兵堵截此甯國之可慮也小丹陽之賊已由東壩拖過戰

船數百號分布固城南漪各湖時圖出江我軍水師自湖口以

至金陵分防二千餘里地段太長兼以營哨弁勇病者過多又

新派李朝斌帶三營馳赴上海兵以分而愈單設賊船乘隙衝出則江中糧路俱斷此水師之可慮也連日接湖北督撫飛咨豫省大股髮捻竄至德安隨州分擾各屬逆首馬融和卽上年竄踞德安本年由潁入陝者也訊據賊供有取道皖境回援金陵之語自廬州克復以後皖境各城空虛一經逆蹤闖入又將到處糜爛此皖北之可慮也此外如蕪湖金柱關等處亦俱賊多兵寡在在堪虞顧可慮者雖有多端而仰託

皇上威福似尙有可以挽救之機前此疾疫盛行之際於八月二十九日八月十二日兩次陳奏軍中病狀方虞鉅寇一至全局瓦裂今賊氛如此浩大而支持業經兩旬已非意料所及從此竭力營救當可勉撐危局仰慰

奏稿卷二十

三

宸廕於萬一曾國荃營中初三日獲小勝仗一次初五早獲大勝仗一次現飛調駐紮蕪湖之王可陞一軍馳赴雨花臺又咨調上海程學啟一軍暫乘青浦雇坐輪船趕赴金陵均幫助曾國荃共守營濠又咨調李世忠一軍於龍潭石埠渡江由孝陵衛北路而來調鮑超一軍與現駐旌德之朱品隆一軍均由采石南路而來兩頭夾擊冀解重圍此挽救金陵之拙計也當羣賊甫集之時鮑超卽力疾自蕪湖回營二十七日已抵甯國竭力整頓將病者傷者安置城內簡選精銳紮營城外張運蘭全部登陣主守鮑超所部出城主戰初三日在廟埠獲一勝仗

擬於初六日移紮高祖山兼顧西河灣沚等處計日內必有數次惡戰與浙江撫左宗棠商調藩司蔣益澧一軍由浙境馳赴皖南與張運蘭會辦甯國防剿事宜鮑超能於日內大破黃胡各賊固爲至幸若不能破賊亦可抽出鮑超一軍馳援金陵而以蔣益澧接辦甯國軍務至南陵爲內竄之路鮑超已派總兵婁雲慶駐守該縣其皖南之徽州池州祁門江西之湖口景德鎮與沈葆楨亦均派兵防守各城此挽救甯國之拙計也至水師防務楊岳斌病已漸愈力疾督守金柱關彭玉麟分巡灣沚蕪湖各要隘又飭駐紮安慶之巡湖副中兩營趕緊下駛又飛調李朝斌三營由上海折回金陵該逆如欲衝

奏稿卷二十

三

出大江合各營未病之船尙可與之力戰挫其兇鋒仰仗聖主鴻福或者化險爲夷不至遽形決裂惟皖北地廣兵單前接鄂賊下趨之信卽調提督成大吉由三河尖馳赴霍山英山相機防剿現在安慶廬州兩府料理城守事宜一面截留李鴻章新募之淮勇五營暫駐漕鎮保守膏腴之地而舒桐潛太一路非有大枝勁旅不足以資控扼昨接勝保來咨陝西省城業經解圍附近逆巢亦經掃蕩又接官文李鴻章兩處來咨已奏請多隆阿一軍回援東南相應請旨敕下多隆阿迅速東還駐紮舒桐兼顧鄂皖兩省大局幸甚本年五六月間屢思奏請多隆阿一軍會剿金陵因西事方

棘臣不敢獨擁重兵是以欲奏而復止欲吐而仍茹屢蒙

聖慈垂鑒今則軍情萬緊才智俱窮不得不奏添大枝勁旅保

全已復之土地如馬融和股匪不果竄擾皖北多隆阿回軍之

後或會剿金陵老巢或會剿蒙亳擒匪再行奏明請

旨定奪除各營戰狀俟守事大定分案具奏及應獎應卹人員

續行陳請外所有各路軍情謹繕摺由驛六百里馳陳伏乞

皇太后

皇上聖鑒訓示謹

奏

奏稿卷二十

三

甯國縣失守片 同治元年九月十二日

正封摺聞又接鮑超文稱甯國縣城於九月初六日失守該縣

前派韋志俊洪容海兩降將守之本屬不可深恃而韋志俊又

因病就養蕪湖該縣失陷亦係意中之事惟一縣既失則藩籬

已弛現在徽州旌德兩城首當其衝守徽州者為皖南鎮唐義

訓守旌德者為衢州鎮朱品隆兩處兵力皆單朱品隆又久病

未痊缺餉過久據稱旌德百物皆空無可市員並無零錢可辦

油鹽驟遇大敵深恐不克支持現催調蔣益澧一軍來援徽

州旌德若兩城能如金陵甯國之堅守二旬則救兵可至矣該

兩城如幸而保全又恐該逆由績溪太平閒道竄犯江西反復

籌思殊無完策前調朱品隆偕鮑超援金陵之圍今旌德

且恐不保鮑超亦三面受敵自不能抽出馳救金陵除甯國縣

詳細戰狀另行具奏外理合附片陳明伏乞

皇太后

皇上聖鑒謹

奏

奏稿卷二十

三

彙報近日軍情摺 同治元年九月二十七日

奏為彙報近日軍情恭摺仰祈

聖鑒事竊金陵甯國各路軍情 於九月十二日彙報梗概在案嗣是偽侍王李世賢大股亦由浙江趕至金陵與偽忠王合力晝夜猛撲更番迭進迄未休息至九月十二日未刻兩處地道同時轟發土石上飛賊眾如牆並進前者既殲後者復登甯國葦營將諸將竭力堵禦純用火毬拋擲以鎗礮搶險三時幸得堵禦缺口擊斃悍賊極多十三以後賊眾少衰白晝不甚環攻夜間仍輪班逼撲連紮百餘壘於官軍營濠之外相距不過二十丈仍再開地道三處據密探稱俟雨夜發火轟裂希圖

奏稿卷二十

三

一遲自閏八月廿日起計堅守已滿一月曾國荃所受洋槍子傷左頰子出之處雖未收口右脣子入之處業已結痂軍心尚屬完固大局可期平穩惟前此病卒未痊近日傷者亡者又添一千餘人疲勞太久損折彌多若無大枝勁旅從外夾擊深恐難以解圍此金陵一軍之大概情形也甯國賊目黃文金胡鼎文等久盤踞於高嶺梅嶺油榨新河莊等處時竄灣汊紅楊樹一帶冀圖抄我糧路張運蘭病未痊愈堅守郡城之內鮑超病體全愈屯紮距郡二十里之高祖山九月十八日鮑超派隊擄戰該逆亦排隊於仰賢圩新河莊處處依傍港汊阻水自固不敢過河與我接仗鮑超前因病者太多新愈者亦黃瘦無力

是以回營旬未敢進兵今見我之守禦日完賊之怯情日露即日擬將高嶺梅嶺之賊痛勦數次以挫兇鋒其前在甯國縣城失守者為降將韋志俊洪容海兩部鮑超現亦飭其收集潰散重整隊伍隨同進剿此甯國各軍之大概情形也自閏月中旬旬大股賊至即分偽護王陳坤書猛撲金柱關又分股上犯蕪湖自東垣拾過之賊船亦羣聚於金柱關上下官兵守金柱者陸兵僅羅逢元朱南桂等四營水軍僅彭楚漢丁泗濱等五營與賊相持月餘眾寡懸殊晝夜嚴防羅逢元等又分兵遠防龍山橋梅塘嘴一帶往返六十里疲於奔命羅逢元與朱南桂議以苦守太久不如渡河剿之九月十八日與駐守蕪湖之周萬

奏稿卷二十

三

倬吳坤修等營由龍山橋暗渡會合水師齊進痛勦陸師自青山包抄而上將羣賊蹴逼落水溺斃極多水師奪賊礮船五十餘號從此賊舟無窺伺大江之慮而內河之灣汊三浚河亦均有官軍戰船扼守此水師及蕪湖金柱關陸軍之大概情形也至處調度有與前次奏摺不相符合者 前調王可陞一軍馳赴雨花台幫同防守厥後王可陞帶三營先赴金陵留兩營仍防蕪湖茲因蕪湖事勢已鬆即將兩營全行拔去又前調上海之程學啟一軍因駐防南渡要區不能抽動李鴻章擬調洋將漢兵之白齊文一軍來援金陵此軍雖非 臣所甚願然亦未便卻其拯急之情阻其圖功之念都興阿未接 臣咨僅接曾國

荃一箇立派楊心純等千八百人渡江協防實屬力顧大局痛
癢相關前調浙江之蔣益澧一軍旋接左宗棠復箇因日內正
攻龍游湯溪兩城功在垂成礙難抽撥他往蔣益澧既不能棄
湯溪而換防甯國則鮑超亦不能棄甯國而先援金陵徵兵千
里之外本難處處應手至李世忠一軍臣前咨調渡江由孝陵
衛北路而來夾擊偽忠王一股旋因該提督來文有江防空虛
南賊分股北窺之說臣即飛咨止調令其專防北岸九洲洲一
帶又因該提督來文有挑選精壯萬餘派員統援金陵之說臣
又咨令自行酌量力難兼顧則專防北岸力能兼顧則分援南
岸聽其自為裁奪此又臣調度各軍前後參差之情形也至

奏稿卷二十

奏

鄂省馬融和股匪現聞將由應城一帶回竄河南或不至遽擾

皖北仰託

聖主鴻福先紓一面之患除金陵十二日之戰金柱關十八日
之戰俟接到稟牘另行詳報應獎應卹人員續行奏辦外所有
彙報近日軍情恭摺由驛六百里馳奏伏乞

皇太后

皇上聖鑒謹

奏

水陸迭勝力保蕪湖金柱關摺 同治元年十月十二日
奏為水陸各營屢獲勝仗力保蕪湖金柱關要隘恭摺陳仰
祈

聖鑒事竊自閏八月中旬蘇杭羣賊大舉內犯北撲金陵南擾
甯國中犯蕪湖金柱關所有金柱關等處水陸防守及九月十
八日之捷臣國藩已將大概軍情兩次具奏在案先是偽護王
陳坤書等酋擁眾四五萬突入太平府之張公橋圍犯金柱關
橫斷甯國金陵之氣臣玉麟以該隘下達高瀆溧水上通灣沚
蕪湖為中段第一關鍵閏八月十三日飭成發翔鄧萬林等於
各營中挑集未病礮勇舢板十船會合唐修己外江水師一營

奏稿卷二十

奏

王可陞周萬倬羅逢元朱南桂陸師數營禦賊於花津護駕墩
五戰卻之退踞薛鎮十八日謀報賊以戰艦數百由東壩拖壩
而出布滿固城南漪兩湖臣玉麟親率王吉左光培等各駕飛
划入湖迎擊詎薛鎮之賊節節延竄潛約賊船銜尾而西環泊
花津上駟渡之下臣岳斌一聞此警留羅進賢萬化林水軍於
大勝關幫助金陵陸師而自帶丁泗濱彭楚漢等五營力疾赴
援金柱關適羅逢元朱南桂等陸軍先在姚老圩毀賊浮橋獲
勝一次得此水陸依護賊乃數日不敢過河九月初五日賊糾
大股至龍山橋先以排礮拒我師船遂於淺流中結筏偷渡朱
南桂率三哨馳擊戰無逾時羅逢元帶隊突至直搗核心王明

元力戰死之朱南桂斜刺而入截賊數段縱橫掩殺未及濟者悉驅入河不謂賊又增黨數千倚河築壘形若貫珠以冀乘間再逞初六日賊以大隊進逼金柱關水營各船齊開排礮逆眾稍退復合營帶親兵前營郭明鼐與副後營丁泗濱等帶勇登岸奮擊賊逐里許鏖戰方酣郭明鼐突被洋礮子打穿左喉即時殞命幸得丁泗濱等奮力衝突殺退賊眾搶護忠骸回船初八九等日朱南桂張定魁商令駐守蕪湖之周萬倬吳坤修等各率新後兩防等營分巡查家灣梅塘堦一帶而於十二日自率勇士涉流而渡盡焚隔河諸壘擊斃數十人羣賊始遁往魚塢此間八月十三至九月十三等日水陸禦賊晝夜嚴防之情形也

臣國藩時以金陵事急調向守蕪湖之王可陞先拔三營往援金陵而調向守廬州之梁美材三營填駐蕪湖水師之由安慶下駛者則有巡湖副中兩營其由上海折回者則有正前副右新右三營兵數較增可以一戰於是諸將弁會商十八日水陸大舉周萬倬帶所部並團防兩營哨由查家灣渡河朱南桂朱寬義帶吉左營羅逢元帶振字營由龍山橋渡河曾泗美以右營戰船扼橋下兼分水勇登岸助陣丁泗濱胡俊友率副後親兵前營水師山星子橋決堤駛入攻賊之後蔡國祥嚴定國彭楚漢率巡湖正左親兵右營水師由三汊河攻賊之前唐修已分船守太平府護定吉左振字老營仍親帶礮划同往三

奏稿卷二十

五

汊河會剿天甫向曙分道並進遇賊於花山兩鋒相交喊聲雷動鏖戰數時賊不少挫周萬倬一騎當先所向辟易曾泗美同團防兩營哨橫躍入陣刀矛環刺賊不能支且戰且走朱南桂羅逢元帶隊從九山埂上壓下朱寬義張定魁從九山左右兩路抄出賊益震懼不知所措爭向上駟渡紛紛竄遁殊不料彭楚漢蔡國祥等攻破三汊河釣魚台賊卡後早與丁泗濱胡俊友唐修已嚴定國各水營衝入上駟渡斫斷浮橋賊船五十餘號悉非所有該逆猝見橋折舟沈回戈轉鬪眾軍合力圍殺攫刀而死者半撲河而溺者半棄尸駢積河水不流自上駟渡至龍山橋聚賊不下萬餘無一存者奪馬三百餘匹旗械倍之此

九月十八日擊賊大勝之情形也龍山橋上駟渡之賊雖一鼓剪除而窰頭護駕墩大小花津官圩青山等處表延百餘里尚為賊踞臣玉麟復飭成發翔喻俊明水師梁美材周萬倬吳坤修陸師暨王可陞留守蕪湖之二營於二十日進次馬音街會約吉左振字等營及水師李朝斌楊友德李助發等十營於二十一日裹飯傳餐侵曉出隊先用礮船渡陸師過三汊河毀平窰頭數壘王可陞梁美材等即由中路搜剿官圩大龍口朱南桂羅逢元等復由右路搜剿青山周萬倬吳坤修等同水師選取護駕墩各水勇登陸焚橋周萬倬等率隊直進賊乃竄聚花津我軍緊躡賊後與賊搏鬪移時周萬倬困入重圍適王可陞

奏稿卷二十

五

梁美材等由官圩聯騎衝至李朝斌喻俊明等率礮隊排擊水
次周萬倬立刀數賊突圍躍出面面夾攻遂破花津兩岸堅巢
獲賊划七十隻焚賊所擄聚之糧數萬石各營還駐馬音街而
朱南桂羅逢元兩隊亦盡洗青山踞賊以歸二十三日周萬倬
王可陞等軍冒雨巡哨襲賊敗之二十四日風雨轉猛至晚稍
霽議於次日攻洞陽象山之賊王可陞梁美材遵陸而進羅逢
元朱南桂周萬倬吳坤修分兩翼傍河而進李朝斌各水營自
太平府東循隄而進甫至小橋望見賊旂數十層掩映林谷間
周萬倬率哨官洪得勝縱轡衝入往來盪擊賊盡披靡正欲圍
而殲之俄聞鼓角一聲象山後突出大股火機觸發槍子羣飛

奏稿卷二十

聖

周萬倬見洪得勝中槍墜馬馳救不及輒復躍入賊陣石膝受
傷裹創猛戰幸王可陞帶隊來助羅逢元朱南桂亦自洞陽振
旅而至合軍掩襲既焚象山賊館並將采石磯另股賊援悉驅
出薛鎮小丹陽一路二十八日成發翔喻俊明聞高瀆賊船出
石臼湖聚泊小丹陽之背以護新市鎮四壘乃於二十九日留
曾泗美石營堵守塘溝親帶左營定湘營進湖雕勦破壘殲賊
成發翔得船十二號喻俊明得船二十八號自是賊舟之由東
垣抬來者存留無幾距蕪湖金柱關六十里內無一賊矣此九
月二十一至二十九日疊次勦賊獲勝之情形也 臣等查金柱
關一隘與蕪湖輔車相倚此次偽護王等既由陸路全力攻撲

復於東垣抬船過湖圖竄出江以截金陵諸營之糧路安危得
失關係至鉅幸仗

天威大彰捷伐保全重險江介肅清足塞諸逆曾併力一逞之
心諸將士苦戰五旬始終不懈可否俟金陵賊退後容 臣等集
案酌保出自逾格

鴻施至花翎總兵銜儘先副將勝勇巴圖魯郭明釐忠勇性成
英毅罕匹咸豐六年投效水營拔充哨官七年掃蕩蕪黃肅清
楚境八年克復九江府城進攻安慶大通樅陽等處十年派充
營官攻破南陵賊圍十一年攻克安慶省城收復池州本年攻
打運漕無為東西梁山及金柱關蕪湖縣各要地均屬異常出

奏稿卷二十

聖

力戰功最著茲因登岸殺賊中礮捐軀實堪憫惜合無仰懇
天恩追贈提督銜卽照提督陣亡例議卹以昭激勸又花翎游
擊銜都司洪得勝擬保守備藍翎千總王明元擊賊陣亡並請
敕部各照本銜從優議卹以慰忠魂所有水陸各軍迭獲勝仗
力保蕪湖金柱關要隘緣由謹繕摺由驛六百里合詞馳奏伏
乞

皇太后

皇上聖鑒訓示謹

奏

近日軍情片 同治元年十月十二日

再近日軍情北路金陵大營自十二日地道轟發我軍槍堵獲勝之後賊氛稍衰而日夜掘地道仍不少息曾國荃飭各營添修內牆內濠又募死士乘夜突入賊營塞其地穴擒斬其酋又於內掘地道以迎之前後凡破賊之地道七處羣賊智盡能索至十月初五日出濠大戰破賊壘數十座偽忠王之精銳損折極多又撥賊墩萬回救太倉州凶燄彌滅仰託聖主威福或可解圍以去中路蕪湖金柱關等處十八大捷以後又有二十一二十九等日勝仗賊船焚奪幾盡守局穩固臣已將詳細戰狀同日另摺具奏南路甯國府一帶鮑超於二十

奏稿卷二十

聖

一日出隊小挫一次該逆一面在上游與鮑超相持一面在下游灣沚方山等處與水師相拒初五日已渡過清弋江之西岸梗塞鮑超之糧路深恐其內犯南陵三山由池州而竄江西臣九月十二日摺內所陳可慮者四端今三虛稍紓可慮者專在甯國一路若再支撐一月新募之勇已到病故之缺悉補鮑超能出營痛剿或可力遏賊氛不令上竄除詳細戰狀另行續奏外理合附片先陳梗概伏乞

皇太后

皇上聖鑒謹

奏

續陳金陵各營苦守情形摺 同治元年十月二十七日

奏為金陵各營苦守四十六日屢獲大捷力解重圍恭摺陳仰祈

聖鑒事竊自閏八月下旬金陵賊援大至官軍堵剿迭勝經臣四次具陳梗概聲明續報戰狀在案旋據江蘇藩司曾國荃稟稱偽忠王李秀成在蘇州大會羣酋以偽輔王楊輔清及黃胡賴等股擾甯國以偽護王陳坤書等股由太平府窺金柱關李秀成親率十三偽王號稱六十萬眾專注金陵東自方山西至板橋鎮旗幟如林層層排列閏八月二十日糾合城賊直逼我營尤趨重於東西兩隅曾貞幹彭毓橘劉連捷張詩日熊登武

奏稿卷二十一

聖

朱林桂等縱軍兜擊追賊於小河邊斬級頗多朱林桂搏戰方酣中槍而殞二十一日城賊援賊同時並進曾國荃令各營堅壁固守俟其撲近花籬突以排礮轟之賊乃踉伏在地礮聲絕而殺聲又起日夜環伺無或少休二十二日賊由東路攻副後南後等營西路則犯湘恆恭字等營曾貞幹方率晏恭山力戰西路一股而賊已分黨二萬徑趨洲上抄出猛字諸營之後曾國荃即派蕭孚泗周惠堂王仕益倪桂李臣典崔文田凌有和楊錦南等分路馳剿賊為負創卻走倪桂與左傳貴大呼衝入遇者輒殛左傳貴馬蹶戰歿賊遂擁眾回戈留踞數千人於洲上曾國荃以洲上關繫全軍糧路我所必爭乘夜急修十數壘

由曾貞幹撥兵駐之又令劉連捷遣死士縋牆出擊殺賊數十
奪旗數百而還二十三日賊既攻我猛字各營復昇巨礮轟東
路營壘並駕戰艦擊湖橋營卡曾豈凡搶護礮台受傷幾危而
賊撲益猛易良虎易良豹等正在悉力堵禦適曾貞幹督隊而
前縱橫截殺即時期退仍一面會約羅進賢萬化林等移水師
於藕塘護築新營守定隄埂而運道乃可無虞矣二十五日賊
更以西洋火器力攻東路之副後南後嘉字長勝吉後五營而
圍偏西路之仁嚴和智四營者已歷六晝夜彭毓橘張詩日龍
登武李祥和曹仁美等料賊疲乏躍出濠外突破四壘殺獲及
擒獲者三百餘人二十六七八等日夜賊乃悉向東路偏營而

奏稿卷二十

署

陣洋槍洋礮驟若飛蝗并於嘉字吉後副後營下潛通地道百
計環攻劉連捷朱洪章武明良吳光春曾昭禮等率同士卒負
牆露立拋擲火毬殲賊無算曾國荃以病卒太多弗耐久戰因
派李臣典調防南後營汛地二十九日賊負片板蛇行而進直
薄副後諸營濠外開花礮礮橫飛入營烽燧蔽天流星雨地羣
賊齊聲大譟東草墳濠岌岌欲上武明良劉連捷吳光春各以
長矛擊刺前者拽尸後者更進曾國荃見事勢危急親率將
倪桂蕭開印前往策應倪桂馳斬悍曰轉戰無前中礮死綬曾
國荃亦為飛子傷頰血流交頤仍裹創上濠以安軍心此閏八
月二十至二十九等日督軍守禦獲勝之情形也九月初一日

添賊一大枝猛驚無匹謀者曰偽侍王來自浙東其撲東路各
營者恃有大援攻吉後礮台益急曾國荃引軍馳救力破賊眾
吳光春陳膺福乘勢將吉後營一段堵住而王光勝劉大勝黃
升富胡澤仁廖太仙等已相繼傷亡曾國荃恐有蹉跌乃留蕭
開印守之維時曾貞幹與諸將謀東路地道甚近曾國荃又創
口未平不可不帶兵往助遂飭黃潤昌王廷耀曾正明等堅守
江東橋三汊河大勝關諸營自帶八哨疾趨而東商令各營增
築內牆內濠以自固自初一以至初四等日我備愈嚴賊計轉
狡若蠅若蟻倏往倏來多用箱篋實土於中排砌濠邊明防礮
子於上暗擊地道於下我軍之禦之也先以火箭攢射繼挑銳

奏稿卷二十

署

卒誘賊近濠突出奮擊幸得少挫其鋒曾國荃熟察形勢惟西
路賊陣散漫西南地面遼闊不如先發制之派彭毓橘率張詩
日熊登武李祥和劉湘南羅朝雲曹仁美等營擊右路蕭孚泗
率張光明周惠堂曾良佐楊西平等營擊中路而以李臣典何
玉貴成東昂陳壽武馮盛德朱平海趙清河黃東南等營擊左
路初五日齊隊出濠諸道並進戰不逾時焚逆壘十二座殲斃
近三千人壘中之賊罕有脫者我軍惟李臣典吳宗國負重傷
李正升劉德盛吳發遠等殉焉餘尚無所損折自此西南一隅
賊不敢復犯後濠矣此九月初一至初五等日節次堵殺獲勝
之情形也初六日以後東路之賊環逼如初未嘗少懈朱洪章

劉連捷武明良蕭開印吳光春陳膺福等且堵且戰屢出焚賊傷斃約七百餘名我營亦折文喜才龍開學彭倫考劉禹祥孫雲亭五人幸有都興阿派楊心純等五營由安慶派去之喻榮陞等四百人先後赴援而王可陞所部亦先派三營由蕪湖赴援金陵兵數稍增軍威頗振無如主客相搏不數十武節短勢險仍不能出大隊痛斃而賊之奮插負土者已及濠牆之下十二日瞥見西南一股悉併東路潛伏雨花台後曾國荃知地道之將轟也令各營謹以備之不轉瞬而嘉字吉後兩營外一聲霹靂煙燄上衝石塊土塊飛入天半營牆各崩塌十數丈賊即乘隙直上萬弩齊發排礮雷轟踴躍爭先呼聲動地兩路悍

奏稿卷二十

黨不下萬餘人擁入塌口者各有數千人我軍寂然不動扼住內濠俟煙障一開塵土落畢武明良率各弁勇從嘉字營衝出有朱洪章楊正彪彭毓橘李祥和劉湘南羅朝雲等為之援蕭開印胡萬清陳萬勝胡海萬戴明山吳光春陳膺福易光春暨各將弁從吉後營衝出有蕭孚泗張光明周惠堂王可陞謝占春陽華坤楊心純等為之援亂刀交錯併力搶險陳得月陳敬廷張紹武周在遠劉安邦謝仁本周宗達胡榮祥王芳來鄭元標羅道明雷信義等死之武明良蕭開印等憤怒填臆忍死決戰塌口以內屠戮靡遺塌口以外諸賊渠擧旗督戰更番向前猛撲五六次經我軍同出抄殺賊之精銳摧折無算其地道之

同... 裂者尚有副後一營劉連捷應軍劔退侯永清張玉藻蕭珍李修祿李萼南劉星德劉泰合等死之其各軍之同被賊圍者尚有信字長勝義字堅字從字克字南後七營李臣典楊玉輝羅雨春武交清何玉貴曾昭禮喻榮陞胡松江楊西平宋聲平等從內擊出曾貞幹率晏恭山成東昂朱平海馮盛德陳壽武等從外擊入賊亦敗走是役也殺賊近萬誅偽德王及偽主將李蔡高范汪羅吉陳等酋我軍陣亡不過百餘人受傷者蕭開印吳光春李祥和胡萬清曾昭禮陳萬勝武義山張林芳而外弁勇不過三百餘人此九月初六至十二等日搶救地道力戰大勝之情形也自有此捷賊之氣燄稍衰而設謀圖我

奏稿卷二十

仍百出不窮十三日既從東路糾聚賊黨別開地道必欲甘心一逞仍於西路決長江之水淹往來之路以冀絕我饋運當經曾貞幹易良虎在高埂增修小營分哨填紮商令水師劉正隆賴榮光陳東友等各帶舢板數號駐泊雙閣與陸營相依護重保一綫之路以安萬眾之心而東路之防則有武明良派隊毀賊一壘一穴蕭開印趙清河於十六夜派隊破賊一壘一穴十七二十一二等夜劉連捷潛撥勇隊各挾火具焚賊二壘二穴計三次俘獲三十人斬馘過五百人曾國荃與諸將議制敵之策尤莫若審賊所向掘地數仞隧而迎焉二十四日副後營劉連捷令部卒就營外荷鋤開掘不移時而內外洞穿適與賊遇

抽刃迭刺聚而殲之二十五日蕭開印復穿一地道熏以毒煙
灌以穢水賊亦無一生者次夜風雨交作劉連捷伺賊無備於
四更時帶胡俊升楊致仁分三路冒雨出濠襲破潛挖地道之
三壘俘斬數百損我胡俊升楊致仁二人越三日劉連捷營中
發土丈許豁然開朗賊不得遁盡瘞於地道之中蕭開印武明
良朱洪章等約於三十夜薄壘攻賊將仲梅黃禮芳中賊流矢
並歿於陣蕭開印催隊猛進立踣堅壘二座斬二百餘級縛五
十餘人十月初一日副後營營開地道一處初二日曾國荃中
軍又鑿開地道一處伐木作薪堵塞洞口賊乃無能為矣維時
王可陞留防蕪湖之兩營至是亦來入濠助守曾國荃見兵力

奏稿卷二十

吳

愈厚可決一戰遂於初三四等日乘賊惰伏進拔十數卡初四
夜三更曾貞幹彭毓楠李泗偵知西路三汊河隔岸之賊將
圖宵遁乃整勁隊分道並出曾國荃亦令李臣典朱洪章劉連
捷劉蔚昌武明良等徑攻東路前敵四壘以防雨花台及南門
之賊抄襲我軍之追賊者天甫向曙縱焚四壘賊逸出悉就
誅夷而西南諸壘中瞭見東路火發光燭霄半益無固志棄壘
爭竄適曾貞幹率黃潤昌王廷耀步軍同楊鄧南騎隊馳至遂
由善橋追賊至板橋周村一帶彭毓楠李泗張詩日熊登武
李祥和胡松江張光明周惠堂等步軍及周日昇彭言志朱雲
章趙三元伍維壽等騎隊亦追賊至南路牛首山一帶自辰至

已掃平賊壘數十座擒賊近四百人斃殿後悍賊約七千人王
可陞楊心純武交清何玉貴趙清河等軍搜剿敗匪直出方山
之西詎南門外雨花台兩旁留守之賊勾結城賊齊出大股截
我歸路幸劉連捷副後營並長勝嘉字信字各營隊伍橫擊於
左易良虎曾良佐楊西平羅朝雲晏澧週各營親兵夾擊於右
賊始返奔其在東路者向南門繞城而遁其在西南者向秣陵
關一路而遁是日之戰我軍小有傷折而殺賊殆難以數計此
九月十三至十月初五等日連破地道乘勝解圍之情形也
查蘇浙諸賊酋大舉入寇腐聚金陵意圖吞噬我營合犯上游
計甚狡毒仰賴

奏稿卷二十

吳

聖主威福將士同心以病餘之孱兵當非常之兇險苦守力戰
時閱四十六日以寡禦眾出死入生卒能挽回危機保全大局
在事文武實著微勞除曾國荃曾貞幹係胞弟不敢仰邀議
敘外所有尤為出力之按察使銜江西卽補道劉連捷等七十
三員謹先開單籲乞
恩施以昭激勸其餘出力人員並水師員弁容臣查明彙奏
獎至副將倪桂等二百七員弁均係立功後力戰陣亡深堪憫
惻相應另繕清單請
旨敕部分別議卹所有金陵各營守四十六日得解重圍緣
由謹會同湖廣總督臣官文江蘇撫臣李鴻章由驛六百里

馳奏伏乞

皇太后

皇上聖鑒訓示謹

奏

奏稿卷二十

辛

近日軍情仍請

簡派大臣會辦軍務片同治元年十月十七日

再近日軍情金陵解圍援賊雖退而尙留悍賊在於秣陵關六
 郎橋等處多築堅壘層層布置曾國荃以病者未痊傷者太多
 俟新募之卒到營添補足額再行出隊痛剿目下仍飭各營嚴
 密防守不少鬆懈偽忠王李秀成回蘇之後分黨留守金陵並
 分股力攻九洑洲官營圖犯江北提督李世忠親赴九洑洲十
 七十八十九等日賊匪四面猛撲李世忠竭力堵剿幸獲保全
 惟皖北廬州兵力不厚而和含巢縣無爲舒桐等屬處處空虛
 臣實深以爲慮甯國黃文金胡鼎文等巨股於初五日渡過灣
 沚占踞西河鮑超派宋國永於初八日攻剿西河之賊未能得
 手攢折勇丁數百人水路糧運被賊梗塞臣派員於繁昌南陵
 多雇民夫趕辦陸運又派湖北調來之何紹彩等營由南陵前
 往援助保護陸路又自金陵調出王可陞五營由蕪湖前往援
 助冀通水路總期能通運道而後能保鮑超之營壘能保營壘
 而後能守甯郡之城池別有賴古等股攻圍旌德縣城該城係
 衢州鎮總兵朱品隆駐守十月初十日賊薄城下十二三日猛
 撲兩次十五日官軍出城迎戰敗挫一次朱品隆以病勇太多
 米糧太少請援甚迫臣調左宗棠由浙派來之王文瑞一軍自
 南路休甯前進調駐防蕪湖之周萬倬一軍由北路涇縣前進
 兩路救援旌德不知趕得及否今歲夏秋以來疾疫大作舊時

勁旅頓變辱軍臣已三次具奏閏月中旬而後羣賊環逼應接不遑今幸仰託

聖主威福金陵解圍忠侍兩僞王鼠竄而去大局尙可支持惟甯國與旌德同時喫緊鮑超張運蘭朱品隆諸軍病餘羸卒萬難遽振自金陵至徽州祁門八百餘里地段太長賊股太眾加以皖北十餘城毫無準備臣反覆籌思實恐潰敗決裂盡隳前功閏八月十二日臣奏請簡派大臣來南會辦仰蒙優詔慰問未荷

俞允頃接嚴樹森來咨有皖北各軍統歸臣處調度之奏誠恐

奏稿卷二十

至

聖主誤采外間浮僞之名不察微臣竭蹶之狀直待貽誤事機

再行陳奏則已晚矣查三年以前江南

欽差大臣一人兩江總督一人督辦徽防一人督辦甯防一人管轄李世忠苗沛霖兩軍之

欽差大臣一人臣今一身所處兼此五人之職而又新添安慶池州等沿江十餘城臣即使才力十倍於臣者已有顧蹶之患况如臣之愚陋乎合無籲懇

皇上天恩簡派大臣與臣會辦諸務縱不能復前此五人之舊但能添一人二人俾臣責任稍分案牘稍簡更得專精竭慮圖報涓埃除戰守詳細情形另行具奏外謹將近日軍情及微臣

辦理竭蹶緣由附片具奏伏乞

皇太后

皇上聖鑒訓示謹

奏

奏稿卷二十

至

卷之二十一目錄

彙報近日各路軍情摺 同治元年十一月十二日

欽奉 諭旨分條覆陳摺 十一月二十七日

旌德涇縣解圍克復績溪祁門摺 全日

預籌選派員弁管帶輪船摺 十二月十二日

近日軍情片

迭奉 諭旨併案覆陳摺 十二月二十七日

近日軍情片

官軍攻克運漕並銅城關勝仗摺 同治二年正月十二日

謝曾貞幹追贈按察使 恩摺 全日

近日軍情片

鮑超軍大獲勝仗涇縣解圍摺 正月二十七日

近日軍情並陳親赴金陵察看片 全日

查閱沿江各軍並陳近日軍情摺 二月十二日

由金陵回皖沿途查閱並近日軍情摺 二月二十七日

沿途察看軍情賊勢片

鮑超軍克甯國近城要隘摺 三月十二日

近日軍情片



彙報近日各路軍情摺 同治元年十一月十二日

奏為彙報近日各路軍情請

旨敕調江忠義移軍駐守皖北恭摺陳仰祈

聖鑒事竊自金陵援賊經官軍擊退後留守秣陵關分攻九洑

洲並甯國旌德等處軍情 於十月二十七日附陳梗概在案

嗣據謀報偽忠王李秀成並未回蘇諸酋死黨多未遠颺仍在

秣陵關六郎橋一帶修壘堅持俟偽侍王由東垣抬船過垣即

分向金陵金柱關以圖再逞十月十七八等日忠逆之子及偽

章王對王數股併趨九洑洲一面圍李世忠各營一面晝夜趕

渡先後衝過江浦浦口者五六萬人曾國荃以南岸諸軍節節

牽制北岸郡縣處處空虛抽撥周惠堂等兩營搶紮西梁山先

顧濱江要隘又商令李昭慶帶張樹聲五營自蕪湖北渡救無

為州產米之區保皖南各營辦糧之路 亦飛調李續宜所部

蕭慶衍八營移駐廬州毛有銘七營移駐巢縣部勒甫定偽對

王一枝直衝過李世忠各壘從和州之青甸廟斜趨而西於二

十七日陷含山縣二十八日竄踞巢縣十一月初一撲陷和州

查巢縣西北直達廬郡西南近接無為廬江等州縣以入省垣

略一進步全局俱震張樹聲等五營幸已冒雪渡江駐紮無為

州廬江一縣亦截留上海新募吳長慶等四營入城駐守廬郡

一城僅有石清吉四營亦截留唐訓方新募之何有能等三營

協守此外衝要之所若店埠若運漕無兵扼防臣所調李續宜部下之毛有銘一軍尚在固始蕭慶衍一軍尚在霍邱現令齊集舒城再行進兵賊蹤颯忽誠恐著著落後此賊竄江北辦理竭蹶之大概情形也甯國悍賊黃文金胡鼎文等自踞西河斷我水路糧運而偽輔王楊逆之眾又時時聲東擊西四出剽掠臣所改辦陸運自三山夾以至南陵數十里內尚無梗阻自南陵以至甯國府城到處阻賊雨雪泥滑艱於饋運城內外各營將士人人以缺米為慮十月十三日賊乘張運蘭因病離營之際大舉攻城新任統將易開俊劉松山等登陴守禦礮石環擊賊始解退易開俊奉臣調援旌德之檄十一月初三日道出涇

奏稿卷二十一

縣適有甯邑另股由晏公堂畫眉嶺兩路而來圖襲涇縣城橫斷徽甯之氣易開俊督同駐涇各營力戰卻之鮑超在高祖山屯營雖多分汛過廣小挫之後未可遽議戰攻前調之王可陞五營及何紹彩四營擬令分駐板橋黃麻渡先保糧路俟赴湘新募之七千人陸續到皖時再行分途痛剿此甯國各軍戰守艱滯之大概情形也其賴古諸逆之圍撲旌德者直薄城下環攻不休朱品隆於十月十五日挫敗一次十月十七日小勝一次十八十九等日大勝兩次毀平二十餘壘賊始退聚九十等都旌德城幸得解圍別有昌化廣德各賊黨突陷績溪縣城分竄歙境駐守徽州之皖南鎮總兵唐義訓會商左宗棠派援之

王文瑞等營於二十八九等日分道馳擊屢有斬擒十一月初一日王文瑞敗賊於臨溪唐義訓敗賊於孔靈初二日合軍進攻績溪克復縣城而旌德境內之賊復於初三日闖入太平縣由焦村度雙阜二嶺初六日進踞黟縣之西遞地方意在竄撲祁門斷徽州之餉道入江西之北境此股雖非甚凶悍而蹤跡甚疾關係極大祁門為數載經營之地引領南顧實用隱憂此又旌德績溪太平黟縣等處之大概情形也竊計本年秋冬以來羣盜如毛南北環伺非先保皖北完善之區不能辦皖南之賊自和州以上直至蕪黃十數州縣千里無兵非有大枝勁旅長駐廬州舒桐一帶不特為皖北無窮之憂亦且貽鄂豫

奏稿卷二十一

兩省之患毛有銘蕭慶衍雖稱健將才尚不足當此一路李續宜病勢未痊亦難遠來多隆阿本約定進攻九洑洲會剿金陵既而改旆西征臣早料其必有他變夏間亦屢奏及之旋於九月十二日奏請多隆阿移師東還詔旨肫切未邀俞允今則秦人痛深水火聖主方眷顧西陲何敢更為再三之請舍此則惟貴州提督江忠義與安徽藩司江忠濬誼本兄弟又有伊兒江忠源遺愛在民廬人至今頌之不衰倘調至廬州舒桐之交外事則令江忠濬主之戰事則令江忠義主之必能艱難共濟屏蔽江淮合無

仰懇

天恩敕下江忠義統率現部三千人馳赴皖北與江忠濟同駐
廬境俾已復之疆土不至再就淪夷大局幸甚微臣幸甚除各
路戰狀及應獎應卹人員續行分案陳奏外所有近日軍情謹
繕摺由驛六百里馳報伏乞

皇太后

皇上聖鑒訓示謹

奏

奏稿卷二十一

四

欽奉

諭旨分條覆陳摺同治元年十一月二十七日

奏為欽奉

諭旨恭摺覆陳仰祈

聖鑒事同治元年十一月二十四日承准議政王軍機大臣字
寄十一月十五日奉

上諭唐訓方奏九洲逆黨竄陷和州等處廬郡喫緊請留張
得勝帶隊攻剿一摺此次逆匪由浦口屯紮後兩日開迭陷三
城情形極為飄忽巢縣距廬州甚近石清吉所部僅祇四營自
屬不敷守禦該署撫新募楚勇已抵舒城雖未經訓練以之守
禦尚屬可用諒已催提到廬曾國藩所調之蕭慶衍毛有銘已

奏稿卷二十一

五

否前進即著催令迅速前往廬郡以資防剿現在曾國藩所部
兵勇迭次分撥雨花台及堵禦徽甯等處兵力未厚都與阿素
顧大局著派兵沂江而上節節會剿毋任滋蔓九洲係李世
忠之軍圍攻何以致令賊匪竄出是否不肯出力抑或兵少賊
眾之故著曾國藩等查明具奏至巢縣之濡須口和州之梁山
地處險要是否未為該逆佔踞曾國藩尤當設法保全彭玉麟
等水師應酌量駛入巢湖會合攻剿其南岸蕪湖等處為曾國
荃大營後路更應嚴加防範著曾國藩飭令水師在江面梭巡
毋令逆匪偷渡曾貞幹已赴雨花台大營蕪湖等處防兵是否
尚厚甚為懸系刻下吳煦等所帶之常勝軍計已行抵九洲

務令將南岸之賊截住竄出之賊四路兜擊迅拔各城盡殲醜類惟在該大臣等隨時相機妥為調度至此北竄逆匪前據都興阿馮子材奏稱忠侍各逆糾黨七八萬由金陵約同九洲踞匪北竄而曾國藩奏稱忠逆已遁回蘇城揆度賊勢似南岸賊匪擊敗輪船擬入江攻勦九洲該處踞逆知已無援聞風先遁以致乘虛竄入和州等處故都興阿前奏有該逆均已薙髮之說若上下游官軍會同痛剿必可擊散倘忠侍各逆糾黨北竄必須厚集兵力方能制勝著曾國藩查明實在情形會同都興阿富明阿唐訓方妥籌剿辦此股北竄賊匪究有若干賊目何人如何竄陷和州等處各情唐訓方所奏甚屬疏略著

奏稿卷二十一

六

曾國藩查明具奏李續宜自回湘後已逾兩月諭令毛鴻賓迅催起程東下並著曾國藩函催以資營助等因欽此跪讀之餘無任欽悚查南北兩岸軍情臣於十一月十二日業已彙陳大概茲蒙聖主縷晰垂詢無微不至謹就近日軍務情形一分條詳對如左

一恭奉

諭旨垂詢廬州守禦及蕭慶衍等進兵一節查渡江之賊前隊在巢縣屯聚擄糧其後隊於十一月初九日竄聚運漕鎮廬州城守之兵前有石清吉四營又截留唐訓方所部義字三營足

敷守禦臣所調蕭慶衍八營十四日已到舒城毛有銘七營二十日續到舒城進兵之路若走巢湖之北由柘皋以至巢縣則係用眾之地軍無後繼轉運維艱若走巢湖之南由無為以進運漕則係用寡之地得水師相輔而行較為穩著該二軍已於二十二三日由舒城拔赴無為州擬攻運漕以截巢縣後路惟北路廬州柘皋一帶尙少一枝勁兵恐難得手前疏請調江忠義一軍伏懇

鴻慈俞允庶皖北不至糜爛

一恭奉

諭旨飭令都興阿派兵會剿並垂詢李世忠是否出力一節查

奏稿卷二十一

七

都興阿駐守揚州自撥楊心純千八百人赴援雨花台後兵力已薄且九洲洲北犯之賊麤聚於江浦浦口可以上竄和州巢含即可下竄揚州裏下河都興阿自宜專保揚防不必兼顧上游且中隔浦六等城亦難出境會剿此次賊竄北岸係忠酋帶至金陵新渡之賊非僅九洲洲舊踞之賊一面圍撲李世忠營壘一面衝過該營繞越上犯聞該提督部下亦嘗接戰多次屢有擒斬外間因賊所經過數城數卡皆係李世忠汛地往來自如無傷無礙有疑其部下不肯出力者并有更甚其詞者臣皆付之不聞不問大抵因分汛大廣賊股太眾以致未能堵截該提督尙有數咨具報力戰屢次請獎請卹之案臣即日當為彙

案陳奏

一恭奉

諭旨垂詢濡須口梁山是否保全并水師駛入巢湖一節查裕溪口即古之濡須口近為彭玉麟駐紮水師之地業經曾國荃抽撥周惠堂等兩營分守裕溪口及西梁山兩處水陸倚護尚可保全惟巢湖在巢縣之上水師又在運漕之下巢縣運漕兩處既為賊踞則舳舻板飛划均不能由賊中衝駛入湖

一恭奉

諭旨垂詢曾貞幹赴雨花台後蕪湖防兵是否尙厚一節查臣弟曾貞幹自五月赴金陵大營秋閒遘病閏月稍愈本擬離營

奏稿卷二十一

調養適值援賊大至力疾督戰四十六日解圍後積勞病劇遂於十一月十八日在營身故皆由臣位高德薄咎積災生疫氣流於軍中餘殃及於手足所部十營併隸曾國荃統轄尙慮力難兼任臣擬親赴金陵察看一次又以皖南北賊蹤方張未敢輕離安慶致令人心搖動至蕪湖要地有周萬倬吳坤修等營守之金柱關有朱南桂羅逢元等營守之防兵尙厚仍時與楊岳斌水師截擊渡河之賊十一月初八十三十七十八等日水陸俱獲小勝曾國荃以沿江要隘恐有疏失又從金陵分長勝兩營赴龍山橋嘉字一營駐東梁山俾作蕪湖之聲援而固金陵之後路

一恭奉

諭旨飭令常勝軍截住南岸竄賊一節查洋將白齊文常勝軍於九月中旬定議來援金陵屢次愆期厥後奏明十月十九日起程吳煦先帶輪船兩隻赴鎮江齊隊乃白齊文索餉遷延迄未入江十一月十四日在松江閉城滋鬧十五日帶洋槍隊數十人至上海毒毆楊坊刃傷其賊屬搶奪洋銀四萬餘兩而去如此跋扈橫行毫無紀律不特中國不能資其力以禦賊亦為外國之所公惡應由李鴻章奏明知會駐京公使嚴行懲辦

一恭奉

諭旨查詢李秀成蹤跡及北竄賊目何人一節查偽忠王李秀成尙在金陵前次所稱遁回蘇城係屬諜報未確業經續奏聲明在案此股渡江賊目為偽章王對王及忠逆之子據李世忠報實有八九萬人現據巢縣者為偽對王洪春元只有假冒官軍旗幟頂帶之事並無雜髮之說確由金陵竄出圖犯廬州安慶擊動南岸之兵勢其九洲賊巢現仍堅踞如故該洲與金陵城賊一葦可杭朝夕往還不至因無援而先遁

奏稿卷二十一

諭旨飭令南催李續宜起程東下一節臣近因事機不順日夜憂灼其望李續宜回營迫切之情百倍於他人惟見其病勢頗重到籍以後亦未痊愈欲借百日之假調養有用之身正月初

一恭奉

重到籍以後亦未痊愈欲借百日之假調養有用之身正月初

三日假期已滿現經兩次函催無論能否病痊屆期決當銷假東下兼程履營力圖報稱

以上各條謹就奉

旨垂詢之件分晰條對由驛六百里馳奏伏乞

皇太后

皇上聖鑒訓示謹

奏

秦稿卷二十一

十

旌德涇縣解圍克復績溪祁門摺
奏為旌德涇縣先後解圍徽浙各軍克復績溪祁門兩城恭摺
馳陳仰祈

聖鑒事竊自逆匪攻犯旌德分撲涇縣官軍力解城圍績溪旋失旋復賊由旌德之九十等都繞竄祁門於十一月十二日略陳大槪聲明續報戰狀在案十月初八九等日賊酋賴文鴻古隆賢等自廣德甯國縣竄入旌德之六都距城僅八九里守城總兵朱品隆簡病勇中之能戰者禦賊於楊村一戰卻之十二日賊分三大枝攻撲東南北三城而以一枝猛撲西門外胡暉堂之營壘魚貫而進直薄濠邊洋礮洋槍密如驟雨胡暉堂

奏稿卷二十一

十

督飭士卒憑營穩擊子藥將盡朱品隆以該營戰久力乏恐有疏失遂率兩哨及朱步青所帶隊伍衝出西門入營助守火器齊發殲賊無算賊乃愈攻愈猛爭拔花籬躍躍欲上朱品隆令胡暉堂悉力守禦仍自出營突陣立斬騎賊四五人從外夾擊賊始返奔其攻城之賊亦退至數里外下寨是夜賊又擁眾進攻越兩日夜竟無一刻休息十五日朱品隆恐賊立營一定糧路不通遂派隊啟城出擊鏖戰兩時破賊三壘而東北各門之賊捲地而來忽以馬隊數百抄我兩翼我軍小卻且戰且走賊勢遂若湧潮攻我北門斬卡競進胡太旂劉永勝奮奪卡隘力戰死之急以全桶火藥擲賊乃負創而退十七日賊復大舉

攻城我軍因前一日小挫未經出城迎戰礮石外擊傷賊頗多十八日賊攜長梯數百架擋牌數千張將欲甘心一逞朱品隆令洪德發帶隊由東門過橋牽制東路之賊令易潤壇朱聲隆朱步青由西門排列城下仍親率老營部卒向大北門往來督陣賊見我軍整隊齊出悉銳來犯朱品隆以火箭環射焚賊擋牌易潤壇朱聲隆朱步青等在西門搏戰方酣忽見胡暉堂營中火光突起恐有挫失奮力一衝截賊數段胡暉堂乘勢出壘猛擊賊目羣賊一則散走而東門南門等股經洪德發等縱橫盪擊亦即紛紛駭潰次日味爽朱品隆登陣瞭望知賊已懈復督諸將分路出擊擒斬極多毀平二十餘壘賊向楊村轉遁至

奏稿卷二十一

九十等都旌德遂於十九日解圍方旌德之被圍也臣調易開俊三營吳廷華二營由甯郡往援十一月初三日馳抵涇縣適吳廷華二營先一日入城正在料量赴旌報甯邑賊黨由漕溪竄聚垣頭初四日賊由晏公堂畫眉嶺分兩路而來環攻涇縣易開俊吳廷華各率所部登陣守禦賊但聞涇縣守兵極單而不知援旌之軍適集於此倉皇遽遁此十月十九十一月初四等日旌德涇縣解圍之情形也先是昌化踞賊巢逆陳逆等股率黨數萬於十月二十四五等日陸續竄入績溪縣城并在孔靈分築卡壘意在阻絕旌德糧路二十八日皖南鎮總兵唐義訓率強中禮後震字等營會合左宗棠派援之王文瑞老湘

七營馳紮臨溪途遇野掠零賊縱軍擊之小有斬獲二十九日賊以千餘眾犯我中路我軍奮勦卻之是夜孔靈一帶烽燧蔽空料有賊至唐義訓王文瑞共議分道進攻十一月初一日唐義訓率所部專攻左路王文瑞率所部攻中右兩路行未半里賊已蜂擁猝至王文瑞飛飭前右後三旗直前迎敵左右兩翼從外斜抄而以親兵為後應號鼓齊發兩鋒相交楊海泰龔隆貴王明輝等騰蹕而前遇者輒殲左翼羅瑞山右翼郭德馨從山坳抄出陳清泰葛蘭世等從山梁壓下賊眾披靡不復成伍右路會聚賢亦搜殺而來會敗賊尸駢林谷殆以千計其唐義訓一軍進次孔靈賊正出巢來撲各營併力衝突賊勢大沮縮

奏稿卷二十一

入村中唐義訓揮隊猛攻連破村旁四壘並毀堅卡五重軍士入村勦捕誅夷羣賊唐義訓派強新一營繞出雒路之後天晚雨甚與王文瑞會師於績溪城外里許時至夜分謀報城賊將遁唐義訓王文瑞令各營裹飯傳餐嚮明出隊則賊方出城紛走我軍收復城池一面躡賊尾追直至叢山關而還方唐義訓王文瑞進劄之時而旌德之賊已於初三日竄至太平遂由焦村進雙阜二嶺初六日竄黟縣所屬之西遞地方初七日駐祁門之良字兩營在黟境之西武嶺迎戰挫賊已於初七日突陷祁門維時唐義訓甫自績溪回軍徽郡王文瑞回軍革市聞祁門之警星夜馳援業已無及初九日兩軍由漁亭進駐花橋

將以次日會攻祁城賊不知大兵之驟至圍城鼎沸遂謀宵遁我軍於初十日進復縣城僅斬尾隊百餘人而賊之前隊早出赤嶺從田家樂返竄石埭太平一路此十一月初二初十等日連克績溪祁門兩縣之情形也查賴古諸賊酋圖假徽境就食江西已非一日乃不得逞於旌涇績溪數縣而繞越祁門蓄計至狡關繫至鉅幸仗

聖主威福將士用命屢卻兇燄再復名城除飭各營嚴行防禦外此次尤為出力之布政使銜卽選道王文瑞可否

交軍機處記名以道員遇缺題奏總兵銜湖南補用副將王開琳總兵銜副將王品高可否

奏稿卷二十一

四

賞給勇號副將銜參將蔣信玉江西補用參將王華雲可否以副將儘先推補其餘在事出力人員王文瑞一軍可否由左宗棠保獎唐義訓一軍可否由臣酌獎之處出自

恩施記名總兵胡太旂安徽補用參將劉永勝江蘇卽補游擊張仁興擊賊陣亡深堪憫惻應請

敕部從優議卹所有旌德涇縣解圍績溪祁門並復緣由謹繕摺由驛六百里馳奏伏乞

皇太后

皇上聖鑒訓示謹

奏

預籌選派員弁管帶輪船摺 同治元年十二月十二日 奏為遵

旨籌辦恭摺密陳仰祈

聖鑒事竊臣等承准議政王軍機大臣密寄同治元年九月二十九日奉

上諭總理各國事務衙門奏購買外國船礮明春可到請飭預派將弁水勇以備演習並請妥籌配派各摺片購買外國船礮近以勘辦髮逆遠以巡哨重洋實為長駕遠馭第一要務曾國藩前次覆奏有駛到安慶漢口時商定奏辦之語第俟該船駛到再行商辦誠恐一時選派難得其人且停泊過久難保洋人

奏稿卷二十一

五

不另出主見流弊不可不防現在既據赫德呈稱此項船礮明春可到其單內所稱輪船應派官兵及礮手水手水師等兵並船上當差甚苦須用健壯之人等語雖較之上年所開之單尙為覈實惟是否應如此酌派殊難懸揣官文曾國藩久轄南疆見聞較稔著卽相度機宜參以赫德之言悉心籌酌將應用將弁兵丁水手礮手等人於該船未到之先一律配齊俟輪船駛到卽可上船演習免滋流弊至酌留外國水手人等多則經費太鉅少則教導不敷應如何辦理之處並著屆時與稅務司等熟商妥辦其赫德單內有水手用山東人礮手用湖南人水師兵用八旗人之語自係為膽氣壯實及火器嫻熟起見惟因地

制宜仍在官文曾國藩詳悉籌辦務收實用其應如何選派之處即著迅速具奏總理各國事務衙門摺片各一件赫德呈單一件均著鈔給閱看將此由五百里各密諭知之欽此仰見

皇上慮遠思深先事豫籌之至意臣等遵即與侍郎彭玉麟提督楊岳斌往返密商適值金陵甯國援賊大至東垣抬來之賊船散布甯太各湖大港小汊一片逆氛水師上下防勦數月以來刻無暇晷茲據楊岳斌彭玉麟密覆前來查有統帶巡湖營提督銜記名總兵蔡國祥勇敢耐勞久隸楚軍水師歷著功績而又籍屬廣東易與洋人熟習堪以統轄七船又查有副將銜參將盛永清參將袁俊參將銜游擊歐陽芳鄧秀枝周文祥蔡

奏稿卷二十一 六

國喜游擊銜都司郭得山年力精壯向歸蔡國祥節制堪以各領一船此外水手礮手兵丁等項據赫德單內所開人數分列多寡尙合機宜應如所請辦理惟擬用山東湖南八旗人等雖係因材器使究嫌參雜不齊臣國藩去秋覆陳一疏有云輪船駛至安慶漢口時每船酌留外洋三四人令其司舵司火其餘即酌用楚勇所有學習駕駛司放礮位等事應請即由蔡國祥於所部弁勇中豫為派定誘掖獎勵以去其畏心委任責成以程其實效始以洋人教華人繼以華人教華人既不患教導之不敷又不患心志之不齊且與長江各項水師出自一家仍可聯為一氣不過於長龍舢板數十營中新添輪船一營而已既

見憤而不驚自推放而皆準抑臣等更有請者兩湖水勇能泛江不能出海性之所謂遷地弗良但可駛至上海不能遽放重洋本年二月間經臣國藩據實陳明旋奉

寄諭現籌購買船礮本擬用於江面並非施之海洋仰荷聖謨閣遠俯順物情宣示軍中咸知感激倘蔡國祥經營之後由楚勇而參用浙勇參用閩粵之人由上海而漸至甯波漸至山東天津亦未必終不可出洋巡哨觀政海邦惟目下一二年內則須堅守前約不令放洋俾臣等不失信於將士庶幾恩誼交孚號令易行區區愚忱不得不重言申明惟求聖慈鑒諒所有遵

奏稿卷二十一 七

旨籌辦緣由謹會同兵部侍郎臣彭玉麟福建水師提督臣楊岳斌由驛覆陳伏乞皇上聖鑒訓示謹奏

近日軍情片 同治元年十二月十二日

再近日軍情金陵大營堅守如常北岸巢縣之賊掠至殷家橋
運漕之賊竄至湯家溝十一月二十四日撲近無為州北門外
我軍出隊堵剿金陵派援之劉連捷三營恰至賊即卻走蕭慶
衍毛有銘兩軍亦於二十六七日趕至無為州連日雨雪尚未
開仗南岸楊岳斌水師於十九二十二等日在三汊河奪舢板
槍划二十餘號二十七日會同陸兵羅逢元等攻破護駕墩兩
岸逆壘焚奪賊船二百餘號偽侍王在東垣抬來之船不復能
逞志矣周萬傳吳坤修兩軍於二十七日攻剿石埭及三不管
地方踞毀兩卡四壘焚其輜重金柱關蕪湖兩路幸皆穩固甯

奏稿卷二十一 六

國鮑超一軍於二十七日進攻馬頭楊柳鋪之賊大獲勝仗踏
毀賊館賊卡甚多惜所募新勇未齊不能乘勝痛剿水陸糧路
仍有梗塞之虞駐守涇縣之易開俊吳廷華等營二十六日擊
賊於晏公堂獲勝一次二十七日追賊於黃村挫敗一次太平
石埭兩縣賊踞如故擾及陵陽鎮初五日竄入青陽縣城臣現
檄調朱品隆一軍棄去旌德而移剿青陽縣城以顧涇縣後路
未知能得手否除各路戰狀容再分案詳奏外合先附陳梗概
伏乞
聖鑒謹
奏

迭奉 諭旨併案覆陳 同治元年十一月二十七日

奏為欽奉 諭旨併案覆陳仰祈

聖鑒事竊自本年九月以來南北兩岸戰事日亟臣歷奉

寄諭殷殷下問有隨時詳奏者亦有未及具覆者茲就關涉軍

務各事件分晰條列敬為

皇上陳之

一恭奉十一月初八日二十一日兩次

諭旨飭令壽州防兵未可輕動並垂詢苗練不至另生枝節是

否確有把握又奉十二月初三日

寄諭因袁甲三之奏飭令派兵駐紮壽正二處俾該練有所震

懾各等因臣查前此苗沛霖之黨擄殺湘軍樵採勇夫衅端漸

開其時僧格林沁正撫苗勦捻給以餉項苗黨則痛詆楚師大

肆鯁弄臣恐因勦撫之兩歧致南北之不和適值北岸和含巢

三城並陷遂將壽正防軍撤出騰挪赴援明示以坦然不疑正

冀其幡然自悔當臣撤兵之際實因慮巢變生倉卒移緩就急

亦未敢必苗練之不另生枝節現在事隔兩月該練尚無據城

以叛之跡且觀其上撫臣唐訓方之稟與鳳台知縣蔡鏞之函

均屬恭順近理或者感僧軍撫馭之恩無湘勇逼處之嫌不至

更生他變此際若另行籌兵駐紮陽撫陰防使反側者無以自

寄諭因袁甲三之奏飭令派兵駐紮壽正二處俾該練有所震

奏稿卷二十一 九

妄似不如推誠相待無庸戍守轉可省兵力而免後患如果反
覆無常逆迹萌著臣與李續宜之兵自度剿髮匪則不足制苗
練則有餘不足深慮

一恭奉

寄諭以李世忠負其沈鷲之氣既能束身歸命總宜因材器使
化其桀驁俾爲我用又奉十一月二十一日

諭旨以李世忠之軍漫無稽察恐其勢日形扞格因而生心嗣
後相待李世忠可仍照袁甲三之法酌中辦理以安其心等因
朝廷撫馭降將仁至義盡臣自當仰體

聖主不得已之苦衷委曲求全惟該軍投誠雖久舊習未改李

奏稿卷二十一

十一

世忠頗驕亢任性其部下尤恣橫無狀捆鹽自售場垣避其凶
燄設卡抽釐商民視爲畏途與之相處最近者下而都興阿一
軍上而楊岳斌曾國荃兩軍均以與滁軍交接爲苦往往口角
爭鬧釀成命案即如本年九月間臣將二起馬隊遣回黑龍江
十月初六日委營總那勒豐阿等行過江浦縣滁軍卡員不准
放行毆斃及推水流斃官一員兵二名盤費行李全行失去該
西丹等投入揚州營中稍加周卹臣與都興阿均未敢深究此
次賊由九洲洲渡江外閒頗騰物議臣亦絕不吹求全其體面
自袁甲三去位以後臣分解滁軍餉銀二萬五千兩火藥三萬
五千斤米三千石及大礮子彈等項陸續接濟冀安其心而策

其力惟該營餉項窮絀臣不能按月供支其捆鹽來上游售賣
亦未准免抽江釐在該提督不無缺望目前雖無甚扞格將來
弁勇口角太多恐不免激成事端倘有萬難含忍之處或須示
以檢制稍加懲究臣當隨時奏明辦理

一恭奉十月十三日

諭旨垂詢楊岳斌彭玉麟二員中能否派撥一員駛赴下游江
面駐紮防剿一節查本年八月十二日臣於覆陳摺內奏明楊
岳斌親赴靖江如舉通州海門等處察看一次當因楊岳斌行
次鎮江抱病而回商令彭玉麟代之又以金柱關告警遂不果
行厥後兩岸水師數月防剿日不暇給楊岳斌防守金柱關以

奏稿卷二十一

十一

備東壩拍山之賊船彭玉麟駐守裕溪口以備巢湖竄出之賊
股且下自金陵上至九江節節皆有師船設防上游方戰爭不
慮實不能移紮下游江面

一恭奉九月二十六日通飭

諭旨飭派都司以下武弁學習外國兵法臣雖未嘗親見洋人
用兵然聞其長處約有二端一曰器械精堅二曰步伍整齊其
短處亦有二端不紮營壘不住帳棚人數稍多勢難合併一也
口糧太重製器太費用兵稍久國必困窮二也善學者自須用
其所長去其所短臣部各軍分駐皖境距海尚遠較之濱海華
洋雜處者風氣略近樸實常勝軍之口糧太多臣方深以爲非

若酌挑數人馳赴上海甯波恐未得洋人之長技先染加餉之惡習愚以為有心學習人不在多人多而聚學則學者圖增重餉教者圖侵兵柄人少而竊學則一人可教什伯十人可行千萬巫臣霸吳其始不過一人教射御之事吳人破越其始不過一客習泝之方近聞撫臣李鴻章已派張遇春之勇隨英國兵頭教習炸礮劉銘傳之勇隨法國兵頭教習洋鎗如果步武槍礮一一習熟當南商李鴻章派員來皖轉教軍至外國火器諸臻精巧惟銅冒自來火費錢有限而妙用無窮尤遠勝於中國引藥有畏風畏雨之患擬設法推廣用之於烏槍拾槍諸器現飭工匠試造不知可期有成否

奏稿卷二十一

五

一恭奉十二月初一日

諭旨以英國公使信南副領事官可至金陵城內曉諭逆賊投誠飭令酌辦一節查金陵一城袤延百里之遙盤踞十年之久我軍分屯雨花臺僅扼城南其東西北三面並未合圍詎能制賊死命本年九月間賊援大至該逆雖屢受懲創我軍亦迭有傷亡且分偽對王納王等竄擾北岸佔踞三城目下偽忠王雖潛回蘇州而金陵城外各賊壘布置嚴密並不少懈左宗棠雖攻克嚴州而偽侍王一股窺伺太平金柱專圖進取並不回援至甯國楊黃諸酋與鮑超一軍相持雖屢次添兵助剿而糧道迄未通暢各路賊勢尚未窮蹙遽冀其獻城乞降酌理準情未

敢憑信至自拔來歸不得妄加殺戮亦嘗納降數次未敢輕於屠殺此次欽奉

諭旨尤當嚴禁軍士私取財物申明約束以導向化之路

以上各條皆係數月內奉

旨垂詢飭辦之件理合一條對由驛六百里覆奏伏乞

皇太后

皇上聖鑒訓示謹

奏

奏稿卷二十一

五

近日軍情片 同治元年十二月二十七日

再近日軍情北岸水陸各營於十二月初九日在運漕上游擊賊獲勝初十日彭玉麟水師攻毀三汊河賊壘蕭慶衍陸軍攻克運漕鎮悉焚賊巢誅戮無算餘匪遁歸銅城關而去十三日毛有銘一軍在東關小勝一次二十日在芙蓉嶺敗挫一次損鎮將數人目下廬郡無為廬江各城三河運漕西梁山裕溪口各隘均有勁兵守定 臣又調蔣凝學防守舒城皖北或可無虞曾國荃金陵一軍於十二月二十一早攻襲谷里村朱門六郎橋三處賊巢大獲勝仗破賊壘十一座擒斬三千餘人皆忠逆布置以護衛金陵老巢者也金柱關蕪湖兩處近無戰事惟謀報侍逆又從東壩抬船西來始終窺伺蕪湖要地防務殊難鬆勁甯國一路十二月初五日王可陞於馬港獲一勝仗而小淮窰尚為賊踞水路運道仍被梗塞曾國荃派劉連捷二營移駐三山保全陸路糧道鮑超及郡城涇縣各軍堅守如常池州一路韋志俊於十八日進攻青陽未能得手現飭朱品隆督軍由池州繼進倘能攻克青陽則太平石埭等股可冀次第掃蕩徽州祁門一路近日防守安謐足慰宸廑除各路戰狀及應行請卹人員容 臣查明續報外合先附陳梗概伏乞 皇太后

皇上聖鑒謹奏

奏稿卷二十一

五

官軍攻克運漕並銅城關勝仗摺 同治二年正月十二日
奏為官軍攻克運漕鎮後進剿巢縣小挫旋在銅城關兩次獲
勝恭摺馳陳仰祈

聖鑒事竊北岸官軍攻克運漕鎮 臣國藩兩次具陳梗概聲明
續奏戰狀在案嗣據各營稟報偽對王一枝竄聚巢縣分撲西
梁山經周惠堂節次督軍勦退後遂踞運漕銅城關東關各隘
偵知無為州產米最富守兵又單於上年十一月二十四日擁
三四千眾撲近州城北門外李昭慶率樹字等營開城迎戰會
泗美帶水師右營從新河口橫出擊之適劉連捷亦自金陵來
會賊乃負創卻走越數日 臣國藩所調之蕭慶衍毛有銘兩軍

奏稿卷二十一

奏

先後馳至議以毛有銘所部嚴備巢縣東關之賊蕭慶衍所部
專攻運漕銅城關之賊十二月初九日 臣玉麟合右營定湘營
師船駛抵運漕上游二里許渡蕭慶衍陸師過河築寨未及盡
濟乃該鎮踞賊糾股突出偏營而陣圍裹數重我軍在水次燃
礮仰轟仍分舢板數號接渡後濟之軍環起縱擊殲獲頗眾毛
有銘正帶馬隊渡黃淮河履勘形勢一聞運漕礮聲飛騎助戰
賊知不敵敗遁歸巢初十日我營修築既成 臣玉麟飭會泗美
右營喻俊明定湘營護定陸師向運漕自上攻下親督成發翔
左營王吉嚮導營唐敏義澄海營向三汊河自下攻上該處有
三石卡一大石壘堅峙街心未易攻取成發翔帶飛划由水路

進王吉帶水勇登陸由北岸進唐敏義帶水勇登陸由南岸
戰不兩時遂斷浮橋悉焚卡壘賊之攔刃墮河而死者不止數
百人 臣玉麟自三汊河引軍西上與會泗美喻俊明遇乃知大
馬頭一橋二壘亦就毀平蕭慶衍督率馬步等營四面縱火斬
隘直入縱橫鈔殺立復運漕一鎮乘勝躡賊直至黃墩誅斬無
算餘匪歸併銅城關而去此十二月初十日水陸各軍會克運
漕鎮之情形也運漕既復而後毛有銘率親兵馬隊回駐石澗
埠即於十三日部勒各營出哨東關見賊對河列陣正與會泗
美礮划往來拒敵急派湘右營渡河夾擊斬賊二三十級賊仍
縮入卡內連日增築修濠堅伏不出毛有銘知東關之未可遽

奏稿卷二十一

奏

圖也不如徑取巢縣以為攻心之計二十日就各營中抽撥六
成隊伍越芙蓉嶺迤邐前進突有五千餘賊在前面山岡揚旗
吹角張兩翼鈔來毛有銘隨令信中溥左溥右三營禦左路湘
中湘右二營禦右路兩鋒相交會不少卻乃以馬隊橫掠賊陣
賊始披靡我軍奮力薄賊馳逐一里許正思撤隊回營詎林木
間鼓聲忽起巢縣悍賊蜂擁而來徑鈔信中溥右兩營頃刻合
圍彭星占與諸弁勇左右馳突裏入垓心胡得勝陳東祥謝濟
偁呂鴻榜李春生等力戰死之彭星占憤怒填臆負傷決戰手
刃數賊並歿於陣毛有銘飛飭湘中湘右溥左等營合軍併擊
賊漸解退比見劉義勝匹馬衝入中槍而殞該逆仍復回戈轉

圖且卻目前各軍以拾礮猛擊殲斃前鋒數百人乘賊隊散亂
 爭相駭奔之際遂奪獲彭星占尸骸而還此二十日毛有銘一
 軍在芙蓉嶺擊賊小挫之情形也其銅城關一路賊於要衝築
 四卡以阻我陸師又築一水卡以阻我舟師蕭慶衍先於十四
 日移軍黃墩張家渡旋派營勇平渡口土埂俾利戰船駛擊十
 九日臣玉麟飭令喻俊明成發翔王吉唐敏義等攻破水旱諸
 卡隨結小划為橋渡過陸師全隊二十一日蕭慶衍令趙太和
 率為左營郭鵬程率毅右營攻陶家背第一壘洪致祥率亨中
 營胡發達率強右營攻陶家背第二壘復令朱吉玉率為右營
 蕭恆書率為前營攻大甲村賊壘仍自率貞中營及劉長槐之
 元左營為各路策應天甫向曙諸道並進賊正欲出壘迎拒我
 軍已環偏濠邊火器飛擲燃及哨棚眾勇於烈燄中躍過濠溝
 摩肩而上一壘既破各壘盡亂駢戮盈千并斬偽安燕福文姓
 諸酋水師亦分隊連毀沿隄數卡乘勢進取岷山岡逆壘賊皆
 惶遽失措踰牆欲遁蕭慶衍麾軍直進立焚二壘擒斬尤多遂
 繞出銅城關後奮攻石壘尋以賊援麴集相持未下二十二日
 蕭慶衍派趙太和朱吉玉蕭恆書劉長槐四營於近接該關之
 黃龍口地方相度營基分隊移紮又派洪致祥胡發達郭鵬程
 三營親帶貞中一營整軍以為之備不移時而關中羣賊糾合
 陶家廠關門鎮銅城廟洋獅背新塘街五顯集百旺市東關各

奏稿卷二十一

股分三路來犯蕭慶衍率各營縱兵鈔擊少挫兇鋒中路之賊
 敗過開口左右兩路之賊退聚關後眾軍乘之賊又從關後出
 兩大股一走關西堤埂一走岷山岡之東蕭慶衍令蕭恆書朱
 吉玉堵住東路潛遣洪致祥郭鵬程趙太和等分伏黃龍口村
 內而以劉長槐胡發達等隊赴開口誘賊賊果輕我兵寡蜂擁
 齊出劉長槐胡發達等隊伏擊賊軍佯退俟賊撲過村口伏兵突發亂刃
 交刺該逆無心接仗衝出重圍維時岡東一股聞風竄遁聞西
 一股亦經水師擊走我軍日暮收隊略有損折此二十二日
 日蕭慶衍一軍進攻銅城關毀壘獲勝之情形也臣等查賊在
 巢縣廣聚悍黨距守數隘意在紛竄皖北郡縣冀解金陵之圍
 此次克復運漕進規銅城關苦戰兩日尙屬得手惟蕭慶衍毛
 有銘兩軍不滿八千人兵單賊眾未能遽期掃蕩現飭諸軍堅
 守各城隘俟春水稍漲再行水陸會剿恢復要區所有在事出
 力人員擬請酌保數員附入潁西剿擒案內彙求
 恩施外總兵彭星占數年征剿嚴明勇敢艱險不辭臨陣捐軀
 深堪憫惻應請照總兵立功後陣亡例從優
 賜卹都司銜藍翎守備胡得勝藍翎守備劉義勝陳東祥藍翎
 千總謝濟傳藍翎把總呂鴻榜藍翎外委李春生同時陣亡并
 請
 勅部各照本職本銜從優議卹所有官軍攻克運漕分道進戰

奏稿卷二十一

各緣由謹會同大學士湖廣督臣官文由驛六百里馳奏伏乞

皇太后

皇上聖鑒訓示謹

奏稿卷二十一

三

謝曾貞幹追贈按察使 恩摺 同治二年正月十二日

奏為恭謝

天恩仰祈

聖鑒事竊臣接准兵部火票遞到同治元年十二月初六日奉
上諭前因知府曾貞幹擊退援賊後降旨詢問該知府紫營何
處茲據曾國藩覆奏該知府自五月馳赴江甯大營秋間邁病
適值援賊大至力疾督戰解圍後積勞身故等語曾貞幹自赴
江南軍營屢著戰功朝廷早欲擢用因曾國藩再三懇辭擬俟
江甯克復後從優獎勵茲以力疾督戰積勞病故悼惜殊深雖
未經會國藩奏請給卹而曾貞幹係效力疆場戰功卓著之員

奏稿卷二十一

三

著即追贈按察使即照按察使軍營立功後病故例議卹以示
優異欽此跪誦之下感激涕零適值曾貞幹靈柩經過安慶當
即宣告靈前望

闕叩頭謝

恩訖伏念臣弟貞幹秉質愚蒙持躬介特為諸生時不甚肄習
舉業頗究心搏力技擊之法咸豐三年帶勇六百人隨臣勦賊
旋以臣父年老回籍侍親八年十月因胞兄國華殉難三河蒙
文宗皇帝屢降諭旨褒卹有加痛哭發憤誓出殺賊以雪兄仇
而報

國恩頻年以來會克太湖潛山安慶蕪湖獨克繁昌南陵疊蒙

天恩獎敘聞望漸隆而臣弟貞幹孤懷鬱抑耿耿若不自得常思別樹一幟建立奇功以分

聖主宵旰之憂一洗軍營因循之習上年秋間遣病羣勸出營調養適以援賊大至力疾督戰精神遽振日夜不倦臣方幸其病後耐勞志定勝氣人定勝天或者別立尺寸之功一償平生之願不料其中道損折齋志長終精炯炯而不冥神依依而戀

關微臣位高德薄殃及手足慟惜之餘彌增悚歎而聖主優詔褒卹若深鑒臣弟未白之衷而曲體微臣難言之隱此尤臣所闔門感戢存沒霑戴者也茲已素旒西旋歸從先隴結草之報縱難索諸幽冥敵愾之情端有資於同氣臣當督率

臣弟國荃益勵丹誠誓除氛祲戰兢以任艱鉅忠信以涉波濤庶慰季弟未竟之志而答

聖主非常之恩所有感激下忱謹率同江蘇布政使臣曾國荃恭摺叩謝

天恩伏乞
皇太后
皇上聖鑒謹

奏

近日軍情片 同治二年正月十二日

再近日軍情金陵大營及金柱關蕪湖各防堅守如常均臻穩固青陽賊眾聞朱品隆一軍於二十二日趕到池州即於二十三日陸續遁歸石埭十二月二十五日官軍收復青陽縣城駐兵守之正月初一日賊糾大股六七萬眾窺犯涇縣繞城築壘分踞黃村大坑一帶初四日涇城守將易開俊吳廷華等擊退撲城之賊鮑超於初五日自甯國疾馳九十里引軍來援遂於初六日會攻附城賊壘二十餘座悉破之乘勝進兵黃村又毀十數壘斬賊盈萬立解涇縣之圍初七日馳歸高祖山老營而羣賊已麤集寒亭清弋江等處勢將圍撲營盤計日內必有數

次大戰北岸之賊分踞和合巢縣東關銅城閣等城隘據守益堅據搜獲偽文稱偽忠王現赴蘇州因常熟賊曰周興隆駱國忠等投誠忠逆調集羣賊圍攻常熟不久即率二十萬眾再犯

江北下擾揚州上窺皖楚等語雖未必果有其事而疊次偽文該逆銳意竄擾大江以北殊可深慮除涇縣戰狀再行詳奏外合先附陳大概伏乞

皇太后
皇上聖鑒謹

奏

鮑超軍大獲勝仗涇縣解圍摺 同治二年正月二十七日
奏為鮑超一軍破賊於馬頭鎮楊柳鋪等處進援涇縣立解城
圍恭摺詳報仰祈

聖鑒事竊浙江提督鮑超上年十一月二十七日在楊柳鋪擊
賊獲勝及本年正月初六日涇縣之捷兩次附陳大概在案
先是西河踞賊分擾小淮密地方與黃麻渡只一河之隔鮑超
以該處守兵單薄水陸糧路可虞乃督馬步數營並何紹彩新
訓二營於上年十一月二十四日馳赴黃麻渡會合王可陞防
軍誘賊過河一擊敗之旋報花旗廣匪六萬餘眾由甯國縣進
竄歇建廟直至高橋楊柳鋪吳村馬頭鎮一帶布滿賊館自甯

奏稿卷二十一

五

郡南至涇縣北至鮑超營盤被賊阻隔即自高祖山老營以至
清弋江南陵亦幾為賊氛所梗鮑超以老營空虛懼有挫失遂
自黃麻渡捲旗息鼓振旅還援遙見四面傳烽煙燄紛起訶知
偽跟王藍逆一股已對高祖山下寨偽佑王李逆一股已對清
弋江下寨另有賊騎數百由寨亭高祖山摩壘而過繞出抱龍
岡冀襲我營之後鮑超既次清弋江先派宋國永守定高祖山
二十七日昧爽部勒各營徑從抱龍岡進合周有勝正中營王
有慶正左營萬守根正右營孫得友華左營攻中路唐仁廉仁
字營劉天勝副後營吳雲集春中營羅國才霆後營攻左路譚
勝達新右營李文益新後營洪容海啟化營鄧雲貴霆前營攻

右路賊恃眾悍列陣來拒旌旗一展鼓音若雷我軍以排槍輪
擊多有應聲而殲者賊乃愈聚愈眾密布長圍傷我營哨數人
羅國才衝賊過猛並陷於陣鮑超旋令梁美材王清泉萬鳳書
劉順隆何紹彩唐友勝黃海清等營自山岡後分兩枝鈔入截
賊數段賊隊大亂奪路竄奔諸將士合方薄之遂將歇建廟至
楊柳鋪十數村落中賊卡賊壘一律平毀追襲近六十里殲賊
近八千人擒獲無算此十一月二十七日進攻馬頭鎮楊柳鋪
等處大勝之情形也自有此捷凡附近我營之高嶺梅嶺麒麟
山各賊股伏匿不出者經月十二月二十五日鮑超抽隊出剿
行次中途以積潦未乾泥淖盈尺不利軍行而止正月初一日

奏稿卷二十一

五

偽匡王奉王襄王諸酋糾合花旗股匪竄入大坑黃村進逼涇
縣城南包過城東擁眾六七萬人連營二十餘座各村煙火相
接彌望皆賊初四日該逆架梯蒙絮悉銳撲城中守將易開
俊吳廷華等率勇登陴以木石下擊賊始斂退維時鮑超在高
祖山聞警恐涇城不支將貽甯郡後路之患計莫如速往擊之
乃簡行隊疾馳九十里初五日抵涇入城少息初六日五更時
裹飯傳餐拔關齋出先遣王衍慶鄧雲貴張遇春唐仁廉李文
益唐得勝六營躡過山麓分匿叢箐深樹間而以易開俊吳廷
華所部遙為之應復令婁雲慶羅文宓周德馨何文喜四營依
山而上譚勝達蕭凌雲洪容海陳開用四營循河而上鮑超督

飭梁美材王清泉萬鳳書三營暨黃海清孫得友騎隊直前挑戰羣賊爭相出巢從山梁撲下婁雲慶羅文宓等正當其衝梁美材王清泉黃海清等步馬競進戰逾兩時將弁多有損折羅天順躍入重圍被賊矛抉出右目顛暈馬下王清泉急率步卒挾之而走亦為飛子所傷約軍佯退引賊將近山麓號鼓一聲伏兵頓發婁雲慶等回鞭轉鬪面面夾擊賊乃大敗正欲歸壘瞥見壘中火起已為譚勝達等所破我軍乘勝併進盡掃羣壘立解涇縣之圍長驅三十餘里遂入黃村賊不虞官軍之驟至有棄壘欲遁者有閉壘死守者眾軍士擁至濠下搶拔地鋪肉薄而登又平十數壘追二十里至大坑斃賊盈萬初七日鮑超自涇縣回軍適西河之賊撲近寒亭高祖山老營將圖乘虛一逞南望旗幟蔽空軍容甚盛乃相顧錯愕曰鮑超來矣亦即一聞散走此正月初六日馳援涇縣力解重圍之情形也臣查甯國境內徧地逆氛鮑超以病餘之將新補之卒四出雕剿得此兩戰軍威可以復振危局可以漸安所有出力人員可否酌給獎敘以作士氣出自聖恩至參將羅國才等六十七員弁均係前後力戰陣亡相應另繕清單請旨勅部各照原銜從優議卹所有官軍在馬頭楊柳鋪大獲勝仗並解涇縣城圍緣由謹繕摺由驛六百里馳奏伏乞

皇太后
皇上聖鑒訓示謹
奏

秦稿卷二十一

三

近日軍情並陳親赴金陵察看片

同治二年正月二十七日

再近日軍情金陵甯國各營穩守如常太平石埭等股踰伏未動宣城縣屬之金寶圩於上年臘月二十日被偽侍王率眾攻破該圩練丁逃至蕪湖者數千臣為編營安插聞侍逆在圩中大掠米糧仍圖窺伺蕪湖金柱關一帶該兩處防務暫難鬆勁北岸無為州原駐樹字五營本係李鴻章新募之卒現因救援常熟進攻毘太兵力不敷飛調樹字等營回滬另撥韋志俊一軍駐防無為州城蕭慶衍專顧銅城關一路尚足堵禦毛有銘專顧巢縣一路實形單薄又在六安州酌抽元中瑞左兩營助之惟九洲江面續有賊船百餘號晝夜趕渡據搜獲偽文賊

奏稿卷二十一

三

欲先攻浦口江浦以通進兵之路臣恐前敵各防未能穩固亟須親往察看通籌攻守事宜此次拜摺後即由水路駛赴金陵及無為州蕪湖金柱關等處巡視一次往返約需月餘安慶存城兵勇尚有四千餘人責成司道各員權為統率暫可無虞萬一巢縣踞匪蓄意西竄臣亦即兼程旋省以資調度而顧根本所有軍務大概情形併微臣親赴前敵察看緣由理合附片陳明伏乞

皇太后

皇上聖鑒謹

奏

查閱沿江各軍並近日軍情摺

同治二年二月十二日

奏為微臣查閱沿江各軍現抵金陵大營恭報近日軍情仰祈聖鑒事竊臣親赴前敵各軍查閱營伍曾於正月二十七日附片陳明在案次日自省起程乘舟下駛二十九初一兩日行過池州大通聞蕪湖金柱關軍情喫緊初三日趕至蕪湖初四日周歷城壘旋赴裕溪口晤侍郎臣彭玉麟由東西梁山駛赴金柱關詢悉偽侍王連日撲犯該處二十四日在薛鎮獲勝一次初一日在梅塘皆始戰小挫旋獲大勝初三日復獲勝一次初五日臣行抵烏江水營與提臣楊岳斌同至金陵之大勝關初六入雨花台營盤初七八等日逐段查閱均尚穩固疊據探報

奏稿卷二十一

三

忠逆之黨偽愛王黃崇發偽顧王吳如孝等股續渡九洲洲二十七以後屢撲李世忠部將陳自明營盤至初二夜失陷初三早浦口繼陷該逆遂分撲江浦橋林城壘勢甚猖獗聞將先竄西梁裕溪再犯無為廬州等語又據甯郡各軍稟報初一日廟埠等處之賊分小股逼近郡城劉松山出城迎剿擒斬多名而大股由敬亭山趨併楊柳鋪圍撲鮑超高祖山老營鮑超督率諸將分路出擊大獲全勝旋即收復西河其小淮甯馬家園等處賊壘亦經王可陞於初二日率師掃蕩由是鮑超乘勝進攻又將紅楊樹高嶺梅嶺竹塘仰賢圩麒麟山各壘全行平毀其灣沚一股經水師於初五日擊退綜計甯郡西南北三面百餘

里之賊一律掃除惟水陽鎮金寶圩尚未克復自去秋以來奇險疊生仰託

聖主鴻福竟得轉危為安竄屬至幸臣以南岸局勢較鬆調駐防三山之劉連捷三營北渡無為州與毛有銘協守石澗埠調駐防寒亭之梁美材三營北渡廬州與石清吉協守郡城曾國荃亦撥熊登武等營添紮東西梁山以保要隘惟巢含以上地勢寬曠賊數眾多目前兵力單薄未敢浪戰必俟李續宜銷假回任江忠義由湘東來乃能會勦皖北由巢含迤邐而下直至浦口九洲洲除北岸之逆氛復去夏之初議至石埭太平之賊於初一日竄至黟縣旋即退出嶺外於潛昌化之賊初三日竄

奏稿卷二十一

早

近徽郡唐義訓迎擊獲勝此兩股意圖內犯江西不知能堵截回竄否臣將金陵戰守事宜商定即赴九洲洲相度地勢迴舟西上仍往蕪湖裕溪無為州一帶詳加察看如果巢賊上竄自當兼程回省以固根本要地聞李世忠親赴五河所有浦口九洲洲失陷情形尚未接其咨報即甯國徽州金柱關三處大捷亦未接其詳報除各路戰狀及應獎應卹人員續行具奏外謹將微臣行程及南北兩岸近日軍情先陳梗概伏乞

皇太后

皇上聖鑒訓示謹

奏

由金陵回皖沿途查閱並近日軍情摺同治二年二月二十七日

奏為

微臣由金陵回皖沿途查閱恭報近日軍情仰祈

聖鑒事竊臣行抵金陵會將兩岸軍情於本月十二日具陳梗概在案十五日由大勝關赴九洲洲該處江路狹隘與南岸草鞋夾列壘對峙是日風霾蔽塞瞭望不甚明晰即於次日回舟西上十八日入金柱關小河查閱龍山橋三汊河查家灣等處十九至二十二等日由東西梁山入裕溪口小河查閱雍家鎮運漕石澗埠無為州等處二十三日由神塘河出江現在舟抵大通不日即可旋省北岸之賊十六日續陷江浦縣城新河口營壘迤邐西竄徘徊於巢含全椒之間未遽深入其偽忠王蹤

奏稿卷二十一

早

迹據李鴻章函稱該酋因浙東肅清調集羣賊併守杭省而自甯蘇州未出據蕭慶衍稟稱該逆實已北渡於十三日入巢縣城據各路生擒賊供偽天王令忠酋力攻西梁無為州圖取廬州和州之米令侍酋力攻蕪湖金柱關圖取甯國太平之米欲還昔歲之舊觀以保金陵之巢穴各等語逆謀詭秘其確情不得知也臣所調劉連捷三營已到石澗埠與毛有銘共紮十一營地勢寬曠尚嫌兵單此外如西梁運漕無為廬州等處亦僅力能自固非俟李續宜江忠義到皖難以輕進南岸自甯國屢捷後惟金柱關侍逆一股爭戰不休初一十六等日兩次猛撲查家灣該逆雖大受懲創我軍亦屢有傷亡正擬令鮑超攻取

金寶圩進勦東壩以固皖南之藩籬而鈔侍逆之後路乃徽州
青陽兩處連日警報頻至石埭之賊黃文金古隆賢等併犯青
陽太平之賊分竄徽州各嶺又有花旗譚星兩股由浙江敗回
廣集徽境唐義訓初三日擊退歙南一路其東北兩路愈來愈
眾繞過郡城之西十五日唐義訓帶隊出勦從富場橫至岩寺
街頗有擒斬而別股從黃山南來十五日猛撲休甯縣城唐義
訓以休城僅留三營不敷守禦添派王華雲一營十六日入城
協守至祁夥一帶王文瑞於初十日擊退竄擾石坑南湖之賊
其大洪禾成等嶺時有逆蹤伺防不勝防臣本擬合朱品隆
回援徽州因青陽喫緊該軍不能抽動不得已令鮑超暫緩東

奏稿卷二十一

壩之行而先從南陵馳救青陽以解目前之急左宗棠肅清浙
東即慮敗逆回窺皖南亦派劉典一軍援應徽州羣逆皆窮餓
之餘無巢可歸蓄意闖入善地就食江西若徽休青陽等城倖
得保全該逆或由祁西以窺饒景或由歙南以窺婺源均為江
西北邊之患臣時時兢惕並函告沈葆楨預為防範合力維持
所有微回皖行程及近日各路軍情謹繕摺具陳大概其詳
細戰狀仍俟分案續奏伏乞

皇太后
皇上聖鑒訓示謹
奏

沿途察看軍情賊勢片 同治二年二月二十二日

再密陳者臣巡閱諸軍詳觀賊勢攬南北之形勝察天人之徵
應竊以為有可懼者數端而可喜者亦有數端自池州以下兩
岸難民皆避居江心洲渚之上編葦葺茅棚高三尺壯者被擄
老幼相攜草根掘盡則食其所親之肉風雨悲啼死亡枕藉臣
舟過西梁山等處難民數萬環跪求食臣亦無以應之二月十
五日大勝關江濱失火茅棚數千頃刻灰燼哭聲震野苦求賑
卹他處蘆棚叢雜亦往往一炬萬命徽池甯國等屬黃茅白骨
或竟日不逢一人又聞蘇浙之田多未耕種羣賊無所得食故
壹意圖竄江西并窺伺皖浙已復之區平民無所得食弱者轉

奏稿卷二十一

徙溝壑黠者則從賊以偷生旦夕黨羽無定數酋長無定謀便
恐變為流賊更難收拾而諸偽王中如李世賢失金華楊輔清
失甯國黃文金失蕪湖古隆賢失青陽劉官方失池州巢穴雖
破醜類尚多其意怏怏不甚服偽天王忠王之調度其行徑亦
與流賊相近李世忠之心迹中外皆不敢深信頃因捆鹽構衅
親赴五河雖浦口江浦失守尚未聞其回營主持與都興阿楊
岳斌蕭慶衍均有違言親匪類而遠正人逞小忿而忘大局茲
值敗軍失地之際又奉革職畱任之
旨竊恐其轉羞成怒倒行逆施則裹下河先受其災而此次北
渡之賊亦有直犯裹下河之謀鹽場倘有疏失全局愈難支持

凡此皆可懼之端也粵匪初興粗有條理頗能禁止奸淫以安
裹脅之眾聽民耕種以安佔據之縣民閒耕獲與賊各分其半
故取江南數郡之糧運出金柱關取江北數郡之糧運出裕溪
口并輸金陵和春等雖合圍城外而賊匪仍擅長江之利挹不
竭之源傍江人民亦且安之若素今則民間賊至痛憾椎心男
婦逃避煙火斷絕耕耨者無顆粒之收相率廢業賊行無民之境
猶魚行無水之地賊居不耕之鄉猶鳥居無木之山竄處必窮
之道豈有能久之理而東南要隘如安慶蕪湖廬州甯國東西
梁山金柱關裕溪口暨浙之金華紹興此皆山川筋脈必爭之
地但求此數處不再失守終足以制該逆之死命昔年粵賊所

奏稿卷二十一

聖

至築壘如城掘濠如川堅深無匹近亦日就草率而官軍修壘
濬濠今實遠勝於昔城中羣酋受封至九十餘王之多各爭雄
長苦樂不均敗不相救而官軍仰承

聖謨三江兩湖水陸各營頗能和衷共濟呼應靈通至百姓仰
戴

皇仁淪肌浹髓雖臣等撫綏無術治軍無效斯民久陷水火之
中曾不一聞怨咨之語翹首而望平寇擊壤而謳吾

君意者民心所在天祐孔長凡此皆可喜之端也臣從軍數年
從未敢以賊勢稍衰入奏惟念西北軍興

皇太后

皇上焦勞彌甚故將南中可喜之機陳述一二仰慰

宸廑至可懼之端臣殫竭愚慮勉思補救裏下河若有疏失當

在此兩月之中難亟謀挽回之術若竊號巨股變為流賊昔

文宗皇帝嘗慮及之但求金陵蘇杭三處有一二克復即當大

赦羣酋廣為招撫以庶幾赤眉百萬同日納降之盛軌此中自

有天意不盡關乎人謀至李世忠雖梟桀猜忌而其部卒頗懷

攜貳又不善戰縱或激之生變亦尙不足深慮臣始奉將李世

忠革職畱任之

諭本擬暫不宣示繼思該提督驕恣已久尾大不掉急亦有變

緩亦有變終不能相安無事即日當宣示

奏稿卷二十一

聖

諭旨待李續宜江忠義軍到由巢含一路東下進攻江浦等處
屆時或將李世忠失守各城嚴參懲究再行相機辦理理合一

併密陳伏乞

皇太后

皇上聖鑒訓示謹

奏

鮑超軍克甯國近城要隘摺 同治二年三月十二日
奏為提督鮑超攻破賊巢悉復西河小淮審紅楊樹麒麟山諸要隘恭摺馳報仰祈

聖鑒事竊照鮑超一軍會合何紹彩王可陞所部分勦高嶺西河直至麒麟山將賊壘全行平毀於二月十二日具陳梗概在案先是偽輔王楊輔清糾約偽隨王跟王堵王孝王佑王等酋嘯聚西河灣汴紅楊樹黃麻渡麒麟山一帶不下十餘萬人以一大枝鈔出高祖山之前潛匿郵落中距我營七八里十數里不等以一小枝繞過高祖山之背橫出楊柳鋪揚言上犯涇縣火光燭天晝夜不滅鮑超見山前賊旗隱約山後煙燄突起

奏稿卷二十一

計在誘我赴涇圖襲老營乃令宋國永布置高祖山營寨堅壁穩守而在板橋寒亭清弋江等營抽隊數成親自督率設伏於太子廟山坳以伺其變二月初一日昧爽楊柳鋪火光漸息訶知甯郡守將劉松山督同劉光明賀國楨李芳菲等出城雕勦殲擒數百人李芳菲率前哨躡賊中斃死之楊柳鋪一股旋向烏沙鋪遁去鮑超料該逆不得逞於郡城必將挾全刀以撲我營自登太子廟山岡瞭望果見烏沙鋪之賊進逼獅子山去營不遠各郵落之賊分三四萬眾旌旗蔽空迤邐而來將高祖山八營層層圍裹有擁至濠下爭拔花籬者鮑超急帶太子廟伏軍向山僻小徑捲旗疾趨行至離營二里許聞營中礮聲轟發

知老營業已出隊接戰即派譚勝達顏紹榮甘星平徐連陞等直取中路萬守根洪容海羅文必張遇春等由營後左路進以婁雲慶黃海清唐得勝數隊為之應王衍慶何紹彩曹志忠等由營後右路進以唐仁廉鄧榮貴孫得友數隊為之應仍令梁美材王清泉萬鳳書等潛伏扶芩山之旁以斷賊後部勒既定但聞鼓角一聲譚勝達萬守根王衍慶各軍突分三路包賊襲時合圍宋國永乘勢從各營夾縫中擊出截賊數段鄧訓誥周有勝等張兩翼鈔殺賊隊譁亂不復成伍正思奪路竄走適婁雲慶黃海清唐仁廉等馬步齊至我軍縱橫激決賊之前鋒鮮有脫者而賊之後隊向欲抵死來援鮑超揮令諸將士奮力衝

奏稿卷二十一

擊追近扶芩山梁美材大呼突出早斷歸路羣賊駭懼罔知所措紛紛竄入田壠眾軍合力蹙之追襲四十餘里遂至高嶺周家橋諸壘直抵西河賊乃倚水為險對河列陣意圖抗拒俄而盧榮忠帶霆營礮划由清弋江駛下我軍結筏爭渡水陸夾勦俘戮無算立毀堅巢敗賊始往桃花園灣汴一路而遁此二月初一日擊賊大勝攻克西河之情形也西河以北曰馬家園為眾賊屯糧之所迤邐西則曰黃麻渡曰小淮審為王可陞進兵之地西河既復王可陞知羣賊膽寒即於初一夜派蔣占鼐楊忠楊明貴等會約駐守峩橋之楊正彪各率行隊進取小淮審親督陽華坤謝占春馬承恩數營取道黃麻渡潛襲馬家園逆壘

時已夜分更鼓將絕王可陞令軍士傍壘縱火悉焚賊糧賊不知官軍之猝至在睡夢中披衣急起棄壘狂奔小淮窩之賊正欲聞警赴援蔣占鼇等已斫斷浮橋破卡而人乘勝逐之蹙偏入水者無數沿途卡壘盡毀靡遺維時賊之由西河遁入灣沚者經盧榮忠礮划隨同外江水師日夜轟擊賊不能堪乃於初二初三等日縮入灣沚之後山退聚竹塘旋分大股歸併梅嶺麒麟山意在伺閒再逞鮑超謂賊蹤雖衰不速除之終貽後患初四日引軍渡河進次紅楊樹偪壘而陣壘賊匿不出戰我軍相持數時羣以火器環擲延燃哨棚軍士冒煙突火踰濠直進一壘既陷眾壘盡亂各將弁揮隊盪擊殲獲頗眾直追過桃花園竹塘灣沚後山賊皆聞風先遁遂焚其巢是夜鮑超遺書劉松山令於初五日白郡城率師來會將有事於梅嶺及麒麟山天甫向曙秣馬蓐食傳令宋國永熊鐵生梁美材等十五營專攻麒麟山婁雲慶唐仁廉黃海清等馬步八營專攻梅嶺而以劉松山所帶各旗營為斷後行未十數里賊竟糾眾來迎宋國永同各營哨就山麓布列陣勢直前搏戰潛遣銳卒自山後攀旗先登襲破賊壘周麾而呼賊咸驚疑卻顧宋國永等縱兵掩擊積尸若阜麒麟山堅壘悉平是日劉松山亦破廟埠之壘殲賊千餘婁雲慶鄧榮貴等擊破梅嶺之壘並收復仰賢圩各處餘匪分道竄逸一由新河莊敗往東壩一由油榨溝敗往廣德

建平此初二至初五等日疊克馬家園小淮窩及紅楊樹梅嶺麒麟山等隘之情形也臣查西河小淮窩為水路衝要自被賊踞數月糧運梗阻大為甯國各營之患仰賴聖主威福將士同心五日之間悉復諸隘距郡城數十里內一律肅清在事人員厥功甚偉可否彙入楊柳鋪涇縣各案酌給獎敘之處出自鴻施逾格至力戰陣亡之參將李芳菲等二十六員弁另繕清單請旨勅部從優議卹以慰忠魂所有鮑超各軍連克甯國近城要隘緣由謹繕摺由驛五百里具奏伏乞

奏稿卷二十一

聖九

皇上聖鑒訓示謹

奏

近日軍情片 同治二年三月十二日

再近日軍情金陵駐守如常甯國自二月初屢捷後鮑超派何紹彩一軍守西河王可陞一軍守灣沚洪容海一軍守清弋江其劉松山仍守甯國府城易開俊仍守涇縣朱品隆仍守青陽縣又換調吳廷華守南陵縣逐節布置糧運通暢甯郡應無他虞蕪湖金柱關兩防自前月十六日大戰獲勝該逆至今不敢再逞臣於二十七日過大通聞黃文金等大股由青陽上竄臣即兼程西旋次日抵省調喻吉三護軍二營赴池州李榕鈞字五營赴東流以截賊竄江西之路乃兵甫渡江賊已由建德關入彭澤鄱陽境內而譚星及古賴等股又蔓延於徽州各屬兩路皆有深入江西之計幸浙江臬司劉典與唐義訓王沐等在休歙兩縣屢獲勝仗徽州一路必可擊退其由建德一路竄入者實恐貽江西腹地之憂臣正檄令鮑超由青陽赴援景德鎮冀保江西完善之區旋據北岸各營告警偽忠王大股上竄分枝牽制廬江無為州之兵而以全力猛撲石澗埠毛有銘劉連捷營盤自初三至初七日晝夜圍攻糧路斷絕文報不通臣不得已又飛檄鮑超改旆渡江以解石澗埠之圍曾國荃亦自金陵分撥五營救援該處不知均趕得及否又有捻匪一股從河南竄入湖北之麻城經鄂軍堵剿即自三里埂竄至蕪水境內其勢亦將歸併皖境髮捻聯成一片安慶廬州各屬處處喫緊

奏稿卷二十一 五

竄入江西之賊別無大支勁旅可以派往援剿幸撫臣沈葆楨久調水陸萬餘人分守景鎮樂平兩處或者足資扼堵江之南岸徽州與江西同警江之北岸下游與上游同警臣調度無方憂灼實深除石澗埠等處戰守情形續行具奏外理合附片先陳梗概伏乞

皇太后

皇上聖鑒謹

奏

奏稿卷二十一

五

曾文正公奏稿

卷之二十二目錄

蕪湖金柱關水陸防軍屢勝摺 同治二年三月二十七日

近日軍情片

石澗埠六安州廬江等處戰守情形摺 四月十二日

覆陳淮鹽暫難改辦官運摺 全日

近日軍情片

克復東關銅城關兩隘摺 四月二十七日

近日軍情並陳餉絀情形片

金陵軍攻克石城石壘摺 五月十一日

水陸會克巢含和三城摺 全日

近日軍情片

攻克江浦浦口九洑洲江面一律肅清摺 五月二十七日

近日軍情片

覆陳金陵壽州軍情摺 六月十一日

覆陳南洋通商大臣無庸改設摺 全日

彙報各路軍情摺 六月二十七日

彙報近日各路軍情摺 七月十二日

蕪湖金柱關水陸防軍屢勝摺 同治二年三月二十七日

奏為水陸各軍在蕪湖金柱關一帶累月苦戰獲勝續報詳細情形仰祈

聖鑒事竊蕪湖金柱關水陸各營自去秋以來戰爭不休金陵

解圍以前業經縷晰具奏十一月以後節次戰勝並奪回灣沚

一隘臣國藩已將大概軍情先後具奏並聲明續行詳奏在案

上年十一月間偽侍王李世賢自金陵敗遁後糾悍賊數萬人

礮船槍划數百號突出東壩將犯金柱關分竄蕪湖會國荃以

該兩隘水涸兵單恐為賊乘派武明良一營馳紮東梁山朱洪

章兩營馳紮龍山橋以為聲援初八日金柱關守將羅逢元朱

南桂截賊於花津十三十五等日復敗賊於上駟渡萬頃湖及

梅塘嵩之西岸屢有斬擒十七日朱南桂與岳斌商制敵之

策俄報賊之由陸路來者右至魚壩左至太平府由水路來者

已至三汊河環逼我營是日南風大作水師不能助戰朱南桂

羅逢元憑營燃礮一發而殪數酋賊為少卻我軍出濠縱擊復

以火箭焚賊四船賊始紛紛奔北十九夜羅進賢李助發率水

師潛往襲之奪獲二十餘船擒偽清天安陳緒質而還二十二

日賊由窟頭率黨護舟復犯三汊河營寨勢更洶湧並有用飛

划登岸者朱南桂羅逢元引軍齊出朱洪章武明良亦率隊來

助併力搏戰追及河干萬化林唐學發等水營乘勢奪船數十

號賊之墮水而斃者以千計二十六日水陸各營會議賊屢來西岸攻我未得一逞不若我軍東渡擊之是夜五更朱南桂朱洪章羅逢元整旅渡河分道疾進朱南桂合謝大洲率哨勇先赴上駟渡以截青山後路而自領所部進次卿家橋有一城卡梗道矢石如雨並有礮划密布橋下我軍猝不得前忽聞水際礮聲自遠而近萬化林彭楚漢羅進賢等已拆賊浮橋自下游飛槳而來衝開賊划面面環擊一時蓬飛檣折戶塞河流朱南桂見水路得手知卡賊亦將奪氣即飭潘泗知宋楚懷等躍入卡內縱橫擊刺駢戮無遺羅逢元一枝沿河勦殺正攻涂家渡二堅壘未下適朱洪章從青山鈔來哨弁嚴洪賓等鼓勇先登立破二壘武明良亦帶隊趕至環壘奮擊壘中之賊無一得脫其西岸一卡一壘亦經水軍登陸攻破是日斃賊最多奪獲戰船一百一十號洋礮二百餘尊此十一月初八至二十七等日金柱關水陸疊獲勝仗之情形也自有此捷賊之踉伏不出者幾兩月意謂金柱關防務可以少休不料賊之窺伺愈深蓄計愈狡金柱關之上十里為三汊河又上十里為龍山橋又上為梅塘嘴又上為查家灣新圩角又上為三里埂清水河則蕪湖水師分防之汛地也賊不得志於下游乃繞竄梅塘嘴以上本年正月二十四日在新圩角掠船搶渡朱洪章輕騎馳往誘賊深入一擊敗之朱南桂等謀之水營謂賊方在上游西窺我宜

從下游東渡辭鎮老巢可以襲而取也二十七日羅逢元派兵伏於花津之下而自從中路進朱寬義從右路進朱南桂從左路進軍次辭鎮賊錯愕無備閉壘死守堅不出戰各哨隊繞壘而攻水師以巨礮傍堤轟擊賊棄壘爭竄竄至花津者半為伏軍所殺我軍力薄不能分防河東老營仍紮於三汊河龍山橋而分兵戍守查家灣新圩角以上更番換防二月初一日賊由新圩角悉眾來撲朱洪章整軍以出搏鬪方酣不知另股由萬頃湖渡過鈔我卡後朱洪章撤隊急退賊已層層包裹我軍敗挫朱南桂帶隊馳援朱洪章亦奮力衝出重圍始解而弁勇已多損折賊猶疾如風雨猛撲不休朱南桂派彭維祥向以田堵河邊一路向世驥劉紹林等堵陶家灣一路仍自帶大旗親兵並振字營兩哨衝入查家橋街中苦戰逾時羅逢元朱寬義分數路截擊斷賊歸路自是轉敗為勝賊乃奪路竄奔眾軍乘之多有爭渡而溺者次日羅逢元朱南桂密約蕪湖防兵周萬俤吳坤修等水師彭楚漢羅進賢等乘賊屢挫共籌再舉初三日各軍水陸並進行至萬頃湖邊見浮橋一道上下環列賊壘十五座賊卡賊棚延亙十餘里羅逢元朱南桂朱洪章督隊過橋直薄賊壘周萬俤劉祥勝等繼之號鼓雷鳴火器轟發沿河礮船繞擊相持兩時彭楚漢等毀橋登岸縱焚賊棚陸軍爭拔地賊蟻附而上悉破卡壘誅夷過半遂搜勦至上駟渡以歸十五

日賊以小枝排列梅塘，齧查家灣對岸，而以大枝由新圩角過河專撲朱洪章營。卡時李祥和來自金陵，十六日率師助防新圩角。甫至該處，而長勝營守卡哨勇先經挫退，賊如潮湧捲地而來。李祥和與吉左振字營各哨悉力堵禦，且戰且走，退保老營。羅逢元、朱南桂聞警，布置一面飛商彭楚漢等水師來援。一面自簡精銳，倍道進發。羅逢元由陸公壩繞河而上，朱南桂、朱寬義由霍木山前進行。未數里，聞水營羅進賢與賊戰於梅塘，鬻已報捷矣。又數里，旌旗一色，彌望皆賊。朱南桂、羅逢元等分四路衝入，萬刃交下，槍子橫飛，賊乃大潰。我軍直追至新圩角河邊，水師彭楚漢等適自梅塘齧追賊而至，一鼓蕩洗餘賊盡。溺於河者，此正月二十四日兩路同捷。二月初一、初三、十五、十六等日兩次小挫，兩次大勝之情形也。先是周萬倬、吳坤修兩軍勦賊於南新圩，三不管等處，進踞四壘，斬馘頗眾。臣王麟以該處近逼蕪湖，不能專恃陸師，乃令任星元、左光培等移師船於清水河為之倚護。正月二十三日，賊黨自三里埂循河而下，距蕪湖不遠。任星元、左光培率各船，泝流迎擊。王三錫登堤督戰，中賊槍子洞穿右脅，仍復揮兵衝突，將賊擊退。二月初四日，灣汴踞賊將犯我清水河，萬化林會商任星元、左光培等乘夜駛船潛往五更，即抵灣汴各船，方燃礮發適，靈營新破，西河之賊派舢板從清弋江而下，駛合力猛攻。更於晨霧中分水勇為

秦稿卷二十二 四

旱隊在街口積薪焚之，賊不及防，以為官軍水陸併至，急遽無措。出巢紛竄，我軍遂收復灣汴。一隘旋值河水漲溢，萬化林、左光培、任星元等進攻三里埂賊壘，日夜不息。朱洪章等亦率陸軍來會賊於三月初十日，焚壘宵遁，併黃池、萬化林等飛駕舢板直逼黃池石壘之下。該逆自恃岸峻壘堅，列礮以待。任星元、萬化林二營奮力仰轟，左光培帶數哨登岸，與水面戰。船摩壘夾擊，各賊驚潰。我軍立復黃池，剗平石壘。朱南桂、羅逢元等陸師會約彭楚漢等水營亦於次日盡破伏龍橋、護駕墩、花津、賊巢擒斬甚夥。羣賊遁往金寶圩、溧水、丹陽一帶。此二月初五日水師攻克灣汴三月初十一等日續克黃池，悉收內河要地之情形也。臣等查蕪湖、金柱關兩城隘為江介要衝，又為金陵各營後路。上年八九月間賊蹤環伺，諸將士五旬苦戰，幸獲保全。今又屢卻逆氛，連克灣汴、黃池，以通甯國、蕪湖之氣，實屬始終不懈，勞苦功多。所有陣亡各員，弁另開清單請卹。在事出力人員，可否彙入前次案內，容臣等開單奏保，以資鼓勵。出自聖恩，所有金柱關、蕪湖水陸防軍屢獲大勝，克復灣汴、黃池各要隘，緣由謹繕摺由驛五百里馳奏伏乞

秦稿卷二十二 五

皇上聖鑒訓示謹奏

近日軍情片 同治二年三月二十七日

再近日軍情金陵雨花台一軍撥彭毓橘七營北援無為州後
兵力稍單守局尚穩金柱關蕪湖甯國等處距賊漸遠防務大
鬆徽州三面皆賊 僅留唐義訓一軍防守徽休兩城十分單
薄幸賴左宗棠派劉典王文瑞兩軍沈葆楨派王沐一軍分駐
休甯祁門竭力防勦劉典王沐各營在於長林梅嶺岩寺草市
等處屢次苦戰獲勝王文瑞亦於漁亭七里橋等處屢戰獲勝
十一日大破黃文金股匪於小路口徽休祁門各城或可倖保
然賊思假道徽境內犯江西其謀未嘗一日息也其嶺外石埭
太平等處又有古賴劉藍等股與嶺內夥祁北面之賊粘連一

奏稿卷二十二

六

片縱橫蹂躪 飭朱品隆由青陽進攻石埭冀擊動徽賊之後
路三月二十二日大戰獲勝仍以賊多兵寡未敢輕離青陽之
本防深入石埭之重地鮑超渡江北援之師三月十六日始抵
無為州正欲進勦石澗埠十七日黎明蕭慶衍彭毓橘會合水
師由黃雒河進兵並約被圍之毛有銘劉連捷等由內擊出大
破賊壘賊卡立解石澗埠之圍鮑超聞重圍已解登舟仍回上
游欲再踐赴援江西之約 聞賊之大股並未退回巢縣悉銳
上竄直撲廬江乃飛檄鮑超急登北岸先援廬江忠酋於十九
日攻撲廬江縣城守將梁美材吳長慶等登陴堅守伺隙出擊
擒斬甚眾賊由界河迤邐而北分竄桐城舒城一帶其由鄂東

竄之捻股在蕪水分為兩枝一枝回竄黃州一枝下竄皖境十
八日攻撲宿松縣十九二十等日越過太湖潛山界上二十二
日自青草塢突撲桐城守桐城者為湖南提督周寬世開城迎
擊擒斬頗多賊遂入孔城鎮與廬江之大股髮逆聯成一片矣
據搜獲忠酋偽文將由舒城六安而上英霍麻城宋埠一出黃
州一出漢口擾犯湖北意欲擊我南岸之兵以援北擊我下游
之兵以援上無非圖解金陵之圍 臣以該逆規畫甚大蓄謀甚
狡湖北為數省樞紐不可稍有疏失飛咨官文嚴樹森調成大
吉回駐灑口撥水師速赴武漢聞李續宜於初十日自湘啟行
擬俟其道出鄂疆商請暫駐黃州會籌鄂皖大局當此南岸喫

奏稿卷二十二

七

緊之際 方恨無力援徽援江乃北岸事變疊生下則江浦浦
口和含巢縣一片逆氛上則髮捻巨股疊撲各城兼圖鄂境而
苗練復於十八日圍攻壽州並在正陽關毀關擄船叛迹大露
微臣 調度乖方艱危百出憂憤何極所幸浙滬兩軍捷書頻至
浙軍若克富陽一城杭州即有可圖滬軍若克崑山一城蘇州
即有可圖仰託
聖主威福但求皖江西不大決裂與各悍賊相持數月俾蘇
浙果收成效或者大波特起旋慶安瀾焦灼無地之時輒不勝
禱祀微倖之想除各路戰狀分案詳奏外合先附陳大概伏乞
皇太后

皇上聖鑒謹奏

奏稿卷二十二

八

曾文正公奏稿 卷二二

石澗埠六安州廬江等處戰守情形摺同治二年四月十日
奏為忠逆大股疊撲城營官軍苦守力戰石澗埠廬江桐城舒城六安州先後解圍恭摺馳陳仰祈

聖鑒事竊自石澗埠圍營之賊經水陸各軍合力勦退後進撲廬江分竄桐城舒城與由鄂東下之捻股聯為一片臣於三月二十七日附陳大概在案偽忠王李秀成以三月初二日犯石澗埠揚隊焚屋近逼我營該處將領毛有銘劉連捷等密飭士卒穩守營寨以觀其變初三初四等日賊眾數萬圍攻南後營及瑞左溥左溥右元中信用中等營東草如山呼聲動地各負片板撲近溥右營濠邊毛有銘以中右營兩後哨前往助守排礮

奏稿卷二十二

九

環擊殪其前鋒賊猶晝夜猛攻相持不下如是者數日初七日毛有銘挑銳卒潛出濠外突焚積草劉連捷復於初九日派隊奮擊悉毀攻具賊為少卻仍於營前營後增壘盈百層層合圍營中文報不通糧運汲道一時俱絕如是者又數日曾國荃在金陵聞警即派彭毓橘率馬步八營倍道而至彭玉麟亦調周萬倬劉祥勝等渡江來接遂與蕭慶衍會軍於黃維河十六日彭玉麟親督水師進次海子口牽制東關一路遣死士瀕入石澗埠營中密約詰朝會戰是夜四更彭毓橘率師進攻釘子壩皇圖寺各賊壘蕭慶衍周萬倬率各師進攻黃龍岡迎珠塔各賊壘號礮齊發毛有銘即於重圍中衝出攻草鞋嶺之壘劉連

三四一

捷出攻石澗埠之卡王載駟等亦馳出戰賊於羊虎山瞥見黃龍岡迎珠塔火光突起知黃雒河援軍先已得手遂乘勢猛進併力夾擊俘斬無算彭毓楠亦自皇圖寺來會縱橫盪洗羣壘悉平而東關賊援亦為水師堵退忠酋各黨乃分向小嶺開成橋而遁此三月十七日力解石澗埠重圍之情形也臣所調鮑超北渡之師十六日抵無為州未及移營進剿聞賊已解圍以去擬回軍以踐上援江西之約甫及登舟猶未行也賊之另股竄盛家橋者先於十二十三等日逼犯廬江該城守將有吳長慶等三營又截留梁美材等三營分段繕守乘賊喘息未定一擊卻之十五日王占魁出城雕勦又捷於羅家埠至十九日忠酋大股自石澗埠而來悉萃廬江圍撲城池臣飛檄鮑超舍舟登陸轉援廬江而廬江之賊已於十九二十等日經吳長慶梁美材等堅守得完伺懈出擊賊遂解圍西竄梅心驛二十一日突攻舒城之西南兩門守舒城者為安肅道蔣凝學分軍迎勦賊退七里河是夜設伏誘賊大挫兇鋒執偽天將羽天福於陣維時捻逆張宗雨髮逆馬融和等由豫而鄂而皖聞道疾馳足無停趾瞬息而至桐城守桐城者為湖南提督周寬世出戰於三里街凌厲無前賊大怖將謀宵遁我軍聯騎追勦該逆遂往孔城鎮與忠酋合而為一矣二十三日忠酋前隊衝至六安州之十里埠該州城大而圯畱守者僅有蔣凝學部下王臨祥袁

秀林兩營及糧台道員曾廣翼知州何家驄而已四人者力籌守禦二十四日賊以大股繼至自東南迤北而西植旗若林面面結壘軍士守定塚口各以巨礮環轟會不少卻二十五日賊分三路來攻將抵城根東門城垣久為風雨所損猝傾六七丈一時塵土蔽空羣賊大呼擁入王臨祥麾兵齊上抽刃攢刺擲尸城下曾廣翼袁秀林飛騎繼至悉戮進口之賊搶築木城二道二十六日賊攻小北門旋即擊退二十七日賊眾傾巢而出自北城以至西城幾無寸隙憚我城上礮火猛烈欲前且卻其尤悍者挽盾直前誓以死搏我軍屹立不動俟其躍過城濠火球擲下焚賊無數始各裹尸而退二十八日曾廣翼王臨祥見城南一二里外掩映賊旗徘徊不進乃令勇士縋城馳擊斃賊六人三十日又縋死士出襲鮑家圩擄糧之賊斬偽富天豫張承得擒偽左監議劉朝柱臣以六安州係淮南樞紐恐忠酋與苗捻勾合愈不可制檄鮑超由廬江往援檄劉連捷彭毓楠毛有銘由無為州往援鮑超將至舒城賊遂於四月初二日解圍遁往廬州一路此廬江桐城舒城防守得完及六安州解圍之情形也臣查無為州為江北之膏腴六安州為皖鄂之要衝忠酋以全力圍撲石澗埠冀破無為旋由廬江舒桐糾結捻股圖爭六安一城其行蹤為至疾其蓄謀為至狡諸將士苦籌戰守城營均獲保全使賊不敢橫竄鄂疆均屬著有微勞所有固守

石澗埠六安州尤爲出力之布政使銜記名按察使劉連捷請
交部從優議敘記名道毛有銘請

賞加按察使銜並

賞給勇號藍翎江西候補道曾廣翼請

賞加鹽運使銜並

賞換花翎候補副將王臨祥袁秀林均請

交軍機處記名遇有總兵缺出請

旨簡放署安徽六安州事補用同知直隸州何家驄請以知府

補用先換頂帶其餘出力員弁可否容臣查明酌請獎敘之處

出自

奏稿卷二十一

聖恩花翎參將黃仁親藍翎都司趙人和藍翎守備蕭淇松守

備劉紹志藍翎千總吳秀高藍翎把總李大材毛昌五謝仁週

藍翎外委李升山沈謙德向慎光外委童景星均在石澗埠接

戰陣亡應請

勅部各照本職從優議卹所有皖北各城營防守解圍緣由謹

繕摺由驛五百里馳奏伏乞

皇太后

皇上聖鑒訓示謹

奏

覆陳淮鹽暫難改辦官運摺 同治二年四月十二日

奏爲淮南引鹽察酌現在情形暫難改辦官運恭摺覆陳仰祈

聖鑒事竊臣承准議政王軍機大臣字寄同治元年十二月初

十日奉

上諭本日據中允錢寶廉片奏請官運淮鹽以裕軍餉等語准

南鹽務廢弛已久現在運販楚北者劣員奸商居多會國藩雖

設卡抽釐而所得未多前據戶部奏請飭該大臣酌提成本由

官督運則利權操之自上而於皖浙軍餉必能稍資接濟茲據

該中允所奏與戶部前奏是否可行著會國藩一併悉心議奏

等因欽此旋於本年正月二十八日接准戶部來咨淮南鹽務

奏稿卷二十一

應先試辦官運一案經該部詳晰具奏請

飭臣遴選公正大員實心經理奉

旨依議欽此並鈔錄原奏咨照到臣當卽轉行兩淮運使喬松

年議覆去後茲據該運使詳稱竊釋戶部之意係欲加徵課銀

收回引地以冀漸復舊規又恐商販不前改由官運洵是籌辦

南鹽至要之策無如引地爲鄰鹽侵占日久籌銷極難正課因

釐捐抽納過多加增非易上年江路漸通楚西兩岸亦嘗招商

試辦乃以淮鹽久不到岸所銷盡是川鹽粵鹽蓋川粵之成本

較輕賣價可減淮鹽之成本最重賣價獨昂故淮鹽之疲滯斷

不敵川粵各鹽之旺銷則商既不前卽官運亦恐無起色至部

文所稱仍以四百斤為一引令繳正課每引三兩七分三釐零
係照承平時科則而言現在除完課外運司衙門所收釐金及
沿江各釐每鹽一票約共完銀十五兩以上釐捐如是之重是
以試運楚西之鹽止能照稅鹽章程完納稅鹽每票九百斤僅
完課銀一兩八分尚且無利可圖今欲以四百斤鹽完三兩有
零之課其勢更有難行若議減釐增課則各路軍餉處處皆待
釐金接濟豈能遠為裁減部文又稱令運使嚴禁奸商私行與
販以疏官鹽銷路查私鹽自應嚴緝究辦若因官運而概禁商
人運鹽則恐官運猶未辦成而商販轉先裹足況南鹽運本極
大籌辦官運縱有十萬兩之本尙未足以資周轉亦不能不藉

奏稿卷二十二

羣商之力廣為興販開拓銷路部文又稱勸諭商民捐輸運本
雖准按照籌餉例減成給獎而江北捐款林立減折上捐所在
多有斷難期其踴躍部文又稱聞內地現已購備輪船七隻於
此項船內撥出數隻拖帶鹽船查前購輪船尙未入江且為水
師打仗而設斷難撥為拖帶鹽船之用至商販公雇輪船報明
在案者現有四隻若歸官運即此雇船之費已不易籌蓋淮南
目下情形不患無商之可招而患無利之可獲惟有將楚西兩
岸銷路大加整頓仍由運司衙門招來新舊各商運赴楚西銷
售以期淮鹽逐漸進步為得寸得尺之計前經都統富明阿奏
請招商旋派知府杜文瀾前往楚北試辦如果辦有成效再當

另議章程詳辦等情具詳請奏前來伏查各軍餉絀是臣之隱
憂兩淮鹽務是臣之專政假使官運淮鹽果有大利可圖臣豈
不思竭力籌辦謀本分自然之利濟本營非常之貧無如楚西
兩岸被粵私川私侵佔太久斷非一蹴所能挽回此時必欲爭
回引地非大減賣價則不能敵鄰私非先輕成本則不能跌賣
價據現行事例九百斤一引者並鹽本稅課釐金運腳拖費計
算幾及四十兩成本已屬極重若如部議減為四百斤之引加
為三兩有零之課又以重價購買之輪船拖帶試行之官鹽則
成本更重安能敵鄰私而暢銷路若將各處釐金概議裁減則
下而鎮揚滁州之軍餉上而九江湖北之關釐皆將向臣處索

奏稿卷二十二

取而臣軍除沿江鹽釐外亦別無可籌之餉實有不能終日之
勢臣悉心酌核官運雖屬良法目前尙多窒礙應暫照該運使
所議俟富明阿派辦之官鹽試行有效再行另擬章程奏明辦
理所有淮鹽現難改辦官運遵
旨議覆緣由謹繕摺具奏伏乞
皇太后
皇上聖鑒訓示謹
奏

近日軍情片 同治二年四月十二日

再近日軍情雨花台金柱關蕪湖東西梁山各營水陸穩固均無戰事甯國附近如南湖新河莊等處涇縣附近如茂林章家渡等處均有賊蹤游弋防務尚難鬆勁然甯郡及涇縣南陵青陽各城灣汴及西河清弋江各隘水陸防守甚布星羅朱品隆在青陽亦於春末夏初屢獲勝仗保甯國之後路足以仰慰宸廑徽郡防兵單薄是臣布置最疏之處去冬甯國之賊今春浙東之賊現在屬集於石埭太平及徽郡饒景一帶實屬防不勝防不勝幸左宗棠派劉典一軍沈葆楨派王沐一軍先後援徽三月十七日會克黟縣十九至二十五等日搜剿近城

奏稿卷二十二

六

之賊大破盧村黃村之賊王文瑞亦將柏溪金字牌零股一律擊退黟祁境內甫靖羣氛而賊之竄往鄱陽者已由規田街進逼浮梁王沐將回駐景德鎮劉典亦將馳援饒景江西之門戶可虞而徽州之空虛尤可慮矣現調李榕一軍由北岸馳赴建德進援祁門調席寶田一軍由湖南馳赴撫州進援徽境不知能迅速趕到併力驅除否偽忠王自六安州解圍下竄或稱其回救蘇州或稱其圖犯揚州裏下河或稱其糾合苗黨擾濱淮各屬其確耗尚不得知然悉數東趨并未西犯鄂疆即屬大局之幸現檄鮑超由廬州追擊忠酋即從柘皋進兵以攻巢縣之北檄劉連捷彭毓橘蕭慶衍從迎珠塔進兵以攻巢縣之

東檄蔣凝學毛有銘由六安進援壽州並調成大吉由鄂回皖會師壽州共討苗黨該州糧缺兵單倘能嬰城固守再過半月各軍次第趕到合力痛剿而僧格林沁李續宜遵旨偕來誅屢叛之逆豎保長淮之重險庶足以彰天討而定人心除各路戰狀分案續奏外合先附陳大概伏乞聖鑒謹奏

奏稿卷二十二

七

克復東關銅城開兩隘摺 同治二年四月二十七日

奏為水陸各軍會克東關銅城開兩隘恭摺陳仰祈

聖鑒事竊自偽忠王李秀成在六安州解圍下竄鮑超跟蹤追擊即從柘皋進兵以攻巢縣之北劉連捷彭毓楠蕭慶衍等從迎珠塔進兵以攻巢縣之東臣國藩於四月十二日附陳大概在案惟是欲圖巢縣必先力取東關銅城開以毀其門戶初五日臣玉麟商令蕭慶衍彭毓楠等專攻銅城開派水師曾泗美會合劉連捷毛有銘專攻東關踞東關者為偽閩天安蕭逆高壘深溝擁眾堅守劉連捷知該隘之未可力爭也乃於初六日夜令師船由懈子口潛渡陸軍緣堤埂而進伏於九峯山下另

奏稿卷二十一

六

派譚國泰帶勇士數十人從東關近處以木盆偷渡毀柵越濠突逼壘下肉薄而登賊以礮石外擊密若飛蝗胡德雲石太和從煙燄中駕梯直上中礮死之劉連捷遂督副後南後兩營奮力繼進曾泗美從水路列礮環轟聲徹霄半壘賊惶遽欲遁九峯山下伏兵齊出合軍衝殺立破石壘遂於五更克復東關黎明七陳村打鼓山南水坳之賊一齊來援劉連捷令譚國泰守定石壘親率副後等營迎敵毛有銘率湘右等營由九峯山斜刺而入賊乃卻走我軍以賊未受創必將復至遂於石壘之旁增修一壘以為犄角嚴陣以待之俄報賊又從林頭鎮吳家村揚隊而來毛有銘隨令葛清泰向南水坳進自率湘右營繼之

劉連捷令李瑞二向打鼓山進自率副後營繼之王載駟向九峯山進劉秉珩向七陳村進分道並進搏鬪移時王載駟等聞南水坳打鼓山之兵已將得手即帶部卒搶上九峯山曾泗美率舢板從河曲中出斷賊歸路擒斬甚眾盡焚各賊卡賊館而遣此四月初七日攻克東關并擊退援賊之情形也其陸師之分攻銅城開者蕭慶衍彭毓楠等軍於初六日由黃墩渡河過八角廟下寨會約喻俊明成發翔張錦芳唐敏義水師四營奮攻一日夜賊但堅修老巢伏匿不出并於南北兩街各添四壘為負嵎死守計時值河水泛溢圩田皆成巨浸臣玉麟於初七日令喻俊明成發翔等鑿開土埂師船從決口駛入南北兩圩

奏稿卷二十一

九

直薄賊巢之下更番擊之初九日各軍會商留彭毓楠所部扼守八角廟分蕭慶衍所部移勦百旺市五顯集一帶先清銅城開之後路分軍為三百旺市接戰正酣三汊河雍家鎮兩支亦至遂將兩處卡壘一律平毀振旅而旋水師之入南北圩者乘勢猛攻環賊壘之三面皆有舢板小划拋擲火毬陸軍亦萬槍齊放五更時踹毀南街土壘遂攻破銅城開一隘駢尸塞道幾無脫者而林頭鎮另股亦旋為水師擊走此四月初十日續克銅城開之情形也臣等查賊踞北岸以巢縣為根本以東關銅城開為屏蔽橫據重險賊計甚堅仰賴聖主威福將士同心數日而下兩隘從此鮑超攻其北劉連捷

扼其南蕭慶衍彭毓橘圍其東巢縣必有可克之機此次力戰陣亡之藍翎千總彭勝華藍翎把總曾彩雲把總胡德雲石太和等應請

勅部從優議卹以慰忠魂所有水陸會克東關鋪城間緣由謹繕摺由驛五百里馳奏伏乞

皇太后

皇上聖鑒訓示謹

奏

奏稿卷二十二

三

近日軍情并陳餉絀情形片 同治二年四月二十七日

再近日軍情大江南岸雨花台各營堅守如常蕪湖甯國南陵數城金柱關灣沚西河數隘水陸布置防務尙鬆涇縣守將易開俊於四月十八日在章家渡擊賊大勝朱昂隆亦在青陽境內擊賊屢勝徽州自王沐回駐景德鎮後賊又從太平竄入歙縣之許村唐義訓督軍擊卻追出善嶺前調李榕南渡一軍十九日進攻建德未下二十三日再戰克之臣檄令進攻彭澤鄱陽會合韓進春席寶田等軍由內打出冀埽上游之羣賊而保江西之完區大江北岸自忠酋下竄賊勢漸衰我軍攻克東關銅城關劉連捷進紮望城岡彭毓橘進紮巢縣東門水陸攻擊

奏稿卷二十二

三

一晝夜遂於二十二夜克復巢城現檄鮑超與蕭慶衍彭毓橘劉連捷諸軍進取和含二浦直達九洑洲冀驅賊併歸南岸較易勦辦苗沛霖圍攻壽州已逾一月城中僅有五百人絕糧者八日署知州毛維翼與民苦守可嘉可憫蔣凝學於十六日自六安援壽甫抵謝埠又爲羣捻所阻毛有銘自東關援壽以無餉可領軍行稍滯成大吉自麻城援壽亦以餉缺未能成行今年兵事之遲鈍半由於餉需之奇絀臣部八萬餘人益以李續宜部下二萬人欠餉多者十五箇月少亦八九箇月昨鮑超自樅陽登岸苦無途費其部卒逃散一千餘人毛有銘自東關起程其部卒逃散數十人并據將倡逃之將弁鄒慶星等稟請參

革臣帶兵九載今年始有餉匱兵逃之事從前徽甯兩防每月額餉二十萬皆由浙江供支臣接辦以來庚辛二年奏撥江西漕折每月五萬至壬戌年奏撥四萬奉

旨允准旋經撫臣沈葆楨奏留供本省防兵之用戶部議准而臣所統徽甯兩防遂無一毫可恃之餉矣江西通省釐金臣指

定河口景鎮等卡協濟左宗棠月約三萬兩指定吳城等卡協

濟彭玉麟月約二萬數千又撥給本省水師劉于濤孫昌國兩

軍月約二萬數千四處共支去八萬而實解臣台者遂無幾矣

湖南東征局釐金今年因米價昂貴留楚買米而現銀解皖者

亦無幾矣廣東釐金奏定專充皖浙軍餉近亦有留供本省之

議臣力小任重統軍過多每月需額餉五十餘萬而入款不過

十餘萬不敷之數甚鉅且唐訓方近駐臨淮李世忠近駐滁州

索餉之文月凡數至即赫德所購輪船指日可到亦必向臣處

索餉昔以數人分辦之軍務今專責於一人昔以各路分籌之

軍餉今併萃於一身夙夜祗懼恐微臣之顛踣立見而大局之

決裂尤可虞也臣在軍多年從不敢輕上請餉之奏蓋不欲以

危詞上煩

聖聽又不欲以苦語渙散軍心茲因有勇丁逃散之案不得不

據實密陳可否籲懇

天恩在於九江洋稅項下每月撥銀三萬兩解皖濟餉出自

鴻施仍懇

勅下廣東督撫將釐金全解皖浙本省不得截留大局幸甚臣

忝任江督已滿三年前二年事機稍順去夏至今變故紛乘幾

蹈大戾目下風波雖定憂悸未忘誠恐積日累年更無成效仰

祈

皇上天恩特派大員來南於

欽差大臣兩江總督二篆之中分縮一篆俾臣責任略輕稍釋

惴慄之懷臣昨專差進京與臣弟國荃并辭浙撫之

命亦因識淺才疏恐妨賢路均祈

俯鑒愚忱次第允准不勝感激悚切之至理合附片密陳伏乞

聖鑒訓示謹

奏

奏稿卷二十二

三

金陵軍攻克石城石壘摺 同治二年五月十二日

奏為官軍攻破雨花台偽城及聚寶門外諸石壘恭摺馳陳仰祈

聖鑒事竊偽忠王李秀成自六安戰敗率眾東竄紛傳將回救蘇州江蘇撫臣李鴻章函商曾國荃囑其力攻上游以分賊勢無令忠酋得以全力援蘇曾國荃以忠賊回援蘇州固屬可慮即直犯揚州裏下河尤為可虞計莫如急爭金陵老巢以攻其所必救使城中之賊不暇遠趨蘇郡而北岸之賊亦不敢專注揚州乃於四月二十七日宣諭各軍多備攻具先登者上賞退後者必誅漏甫二下齊隊出濠六路併進每路以一營為前鋒

奏稿卷二十二

兩營為策應令李臣典趙三元武交清等專攻雨花台石城趙清河黃東南攻聚寶門外南卡石壘晏澧週易春光攻西卡石壘何玉貴張詩日楊西平攻東卡石壘又令陳澍率李定元朱文光羅景集等出中路應之蕭孚泗率蕭致祥李泰山胡松江等出右路應之易良虎禹志連等出左路應之前鋒各營於三更時匍伏蛇行偷近石城石壘東草填濠架梯欲上賊遽驚覺燃礮外擊我勇中礮而踏者五人眾勇辟易李臣典立斬二卒塞旗直前軍中無敢少後者羣以火箭火毬盤空飛擲悉入石城天漸嚮明趙三元率中軍親兵從礮台下蟻附而升李臣典武交清各率部卒從中右兩路內薄齊登維時敵樓火發賊方

爭相奔救不料煙霾中人聲鼎沸亂鋒交下我軍已奪偽城一座該處地高勢險俯瞰東卡西卡南卡九石壘歷歷在目旋見

趙清河黃東南晏澧週易何玉貴等乘勢猛擊平毀數壘餘即棄壘竄遁蕭孚泗易良虎陳澍縱軍圍剿將賊追過長干橋蹙偏入水者無數曾國荃以雨花台地段遼闊近接城闕賊必與我爭此要害乃抽四營駐守石城增修六新壘以接各營之氣並調集後路各營以待之未幾賊出大股潛匿附郭屋舍中以誘敵各軍蓄銳不發俟賊少懈突出奮擊蕭孚泗陳澍易良虎扼其前趙三元趙清河黃東南晏澧週易春光伍維壽等截其後賊不得逞遂繞雨花台乘我新營未定悉銳猛攻抵死不

奏稿卷二十二

退李臣典趙三元武交清張詩日等督隊馳援黃潤昌成東昂等亦引軍來助搏鬪移時賊乃負創入城是役也俘執逾二百名殲戮近六千人奪獲礮械尤多軍士亦小有傷折臣查雨花台及金陵南門外各石壘據險雄峙屏蔽城垣昔年和春張國樑等屢攻未下茲賴聖主威福諸將同心克此堅壘不特可分蘇揚之賊勢亦於倡勦金陵深有裨益此次首先登壘戰功最著之提督銜記名總兵李臣典請交軍機處記名遇有提督缺出請旨簡放記名總兵晏澧週請

簡授總兵寶缺並

賞加提督銜副將趙三元武交清趙清河何玉貴黃東南伍維

壽均請

交軍機處記名遇有總兵缺出請

旨簡放其餘出力人員可否附於巢含和案內容臣開單保奏

出自

恩施陣亡各員弁查明另案請卹所有官軍攻克雨花台等處

石城石壘緣由謹會同大學士湖廣督臣官文江蘇撫臣李鴻

章由驛五百里具奏伏乞

皇太后

奏稿卷二十二

奏

皇上聖鑒訓示謹

奏

水陸會克巢含和三城摺 同治二年五月十二日

奏為水陸各營會克巢縣含山和州三城恭摺報仰祈

聖鑒事竊自官軍疊克東關銅城開後遂由望城岡攻復巢縣

臣國藩於四月二十七日附陳大概在案先是銅城開既克劉

連捷與蕭慶衍彭毓橘謀欲取巢縣必自進兵望城岡始十六

日劉連捷率所部各營會合彭毓橘陸師成發翔水師分道並

發行不數里訶知符箕山麓伏有賊股劉連捷恐為所乘姑駐

軍以觀其變俄而賊已大至一枝由陳村來一枝由斬龍岡來

旌旗迷目布滿原野我軍整隊禦之賊恃眾悍往來猛撲數次

互有損折旋分賊騎掠陣而過劉連捷知有狡謀麾兵稍退賊

奏稿卷二十二

奏

已半鈔後路適礮艇連檣駛至彭毓橘亦帶馬步六營從斜徑

刺入三路合圍擒斬頗眾劉連捷乘賊戰敗遂於符箕山搶築

營牆彭毓橘驅賊至七八里外仍回駐迎珠塔下十八日蕭慶

衍率師來會遂於十九日進次洪家山輕騎至望城岡履勘形

勢遙見賊於巢湖口岸跨水為壘水際密排賊划阻我進兵之

路成發翔會泗美會督澄海清江左右四營決開圩埂灌水入

圩更鑿圩內大隄將移舢板以入巢湖賊乃增壘塞隄百計撓

我卒不得逞二十日蕭慶衍劉連捷兩軍拔赴望城岡未及下

寨賊即擁眾渡河成發翔俟賊半渡令各水營由決口飛槩進

圩由圩達湖鈔過賊後賊方逡巡卻顧我舟師已橫截圩中萬

礮齊轟斷其歸路成發翔會泗美等又分水勇乘勢登陸四出痛剿賊酋蕭主將梟悍絕倫左營裨將李宏試縛而斬之羣賊奪氣不知所為我軍水陸交攻襲破二卡一壘壘中壘外積尸若阜罕有脫者此四月十六日大戰符箕山二十日偪紮望城岡堵剿獲勝之情形也望城岡既紮定則巢縣之南賊無竄路陸師可薄城而營水師亦可繞湖而陣二十一日彭毓楠由迎珠塔拔隊進紮東門外之密廟地方蕭慶衍撥軍護之次日水師成發翔唐敏義從南隄入五聯圩轉攻西門張錦芳攻五聯圩隄上之石卡會泗美喻俊明同攻東門石壘並約陸師彭毓楠橋移逼城根揚隊擄戰賊據城壘矢石交下我軍且卻且前相持竟日二更後水師環隄猛擊悉焚湖中賊划毀其浮橋火毬橫擲入壘火箭飛射入城喧聲鼎沸劉連捷亦自河南飛騎馳至共破密廟沿河六石壘賊競向東門進城會泗美喻俊明即躡蹤從東門而入成發翔等從南門攻入適鮑超亦派數營自廬郡西來遂於二十二夜克復巢縣二十三日鮑超由柘皋營軍出清溪鎮擊賊勝之略地而東是晚蕭慶衍亦截尾賊於林台圩旋合劉連捷彭毓楠等營渡河前進於二十四日與鮑超會師含山而賊已宵遁鮑超蕭慶衍等以賊去未遠星夜往襲和州比入州境天甫曙也但見賊旗靡亂不絕於道而水師成發翔約駐泊鍼魚薊之楊占鼉已駛入和州港內城賊逃遁

奏稿卷二十二 无

不及半聚壘中鮑超蕭慶衍與水師環壘急攻賊大怖出壘降盡釋脅從者而斬其頭目以徇於是各整部伍入城少息所獲遺穀甚多此二十二日攻克巢縣二十四日連復含山和州之情形也臣等查賊渡北岸由和州而含山而巢縣力爭要地堅踞數月意將西竄鄂省北犯淮甸掣動上游之全局冀解金陵之重圍幸仗

天威大彰捷伐四日之內疊下三城從此進取江浦九洲或可翦其枝葉圖拔金陵此次苦戰數月記名提督江南京口協副將成發翔功績最偉應如何優加獎勵之處恭候聖裁按察使銜記名道彭毓楠請

奏稿卷二十二 无

賞給勇號記名提督蕭慶衍請

賞給提督應得封典記名總兵張錦芳副將李宏試均請

賞給勇號副將會泗美請

交軍機處記名遇有總兵缺出請

旨簡放總兵銜副將劉長槐朱吉玉趙太和均請以總兵記名

請

旨簡放并

賞加提督銜副將唐敏義請

賞加總兵銜其餘出力人員容臣等查明擇尤酌保懇

恩施以資鼓勵至力戰陣亡之花翎副將銜參將陳邦榮楊繼

隆傳堂春花翎游擊鄭禎祥藍翎游擊劉春福都司丁文彬藍翎守備張彪藍翎外委屈傳芝顏隆許李連勝及因傷身故之花翎副將黃福田花翎游擊潘宏勝一員均請勅部分別從優議卹所有官軍水陸會剿疊復二城緣由謹繕摺由驛五百里具陳伏乞

皇太后

皇上聖鑒訓示謹

奏

奏稿卷二十一

三

近日軍情片 同治二年五月十二日

再近日軍情南岸會國荃一軍自克雨花台石城及南門外各壘後汛地愈廣防兵愈單抽調金柱關守兵千人移紮金陵又調回彭毓橘一軍回顧老營仍畱劉連捷步隊楊鎮南馬隊隨同鮑超進攻江浦九洑洲等處其蕪湖金柱關甯國灣沚西河東西梁山青陽南陵池州一帶節節布置均尚穩固五月初三日太平石埭之賊分竄茂林涇縣守將易開俊督隊迎勦斃盈千徽州自四月肅清後近無戰事其竄江西之黃文金等股在鄱陽浮梁境內屢為官軍所敗現在斜趨都昌湖口等屬李榕一軍於端午日破賊於彭澤之項家山初七日進援湖口綜

奏稿卷二十一

三

計饒州九江各屬水路有劉于濤孫昌國左光培丁義方等營陸路有段起李榕席寶田王沐韓進春等營而劉典又自徽州赴饒聞江忠義亦將自湖南赴潯水陸兵力會萃數萬當可驅賊出境不使深入腹地矣苗逆攻圍壽州繞城築壘數十座周以長濠城西濱淮一路環列礮船帆檣如織蔣凝學毛有銘援壽之師於四月二十七日進紮九里溝二十八日之戰雖破牛尾岡三壘而我軍傷亡頗眾官弁陣亡至二十四日士氣稍沮臣已飛催成大吉由湖北迅赴三河尖為西路之援應並檄周寬世由桐城馳赴六安分紮州城及謝埠馬頭集保蔣凝學等之後路又以長淮千里並無得力水師飭派李朝斌帶太湖師

營十營赴滬調現駐滬上之黃翼升帶淮揚師船六七營由洪澤湖入淮一則各歸本汛仍符奏設水師之初議一則駛至五河以上掃清滄渦淮肥汝潁諸巨川俾苗逆不得盡收水濱之利惟壽州城中僅五百饑疲之卒無升斗續進之糧累月苦守危在旦夕赴援之陸師既不能併力衝入續調之水師又不能剋期來會誠恐要地難保無以慰州牧毛維翼等倒懸之望憂灼之餘彌增愧歉除各路戰狀分案續報外合先附陳梗概伏乞

皇太后

皇上聖鑒謹

奏

奏稿卷二十二

三

攻克江浦浦口九洲洲江面一律肅清摺同治二年五月十七日奏為水陸各軍會克江浦浦口二城草鞋夾燕子磯等數隘并力破九洲洲一關江面一律肅清恭摺馳報仰祈

聖鑒事竊自巢含和三城相繼攻克旋破雨花台等處石城石壘臣等於五月十二日陳奏在案厥後鮑超與蕭慶衍劉連捷等在和州息軍數日正擬席捲東下疊據探報賊中以雨花台連破石壘恐官軍大舉攻城又以崑新既克恐滬軍大舉圍蘇李秀成與諸偽王紛紛改圖議由江北返接近救金陵遠救蘇州於是天長六合來安等處次第解圍羣醜南渡而賊之分踞橋林小店者亦於五月初五日冒雨掠舟紛紛搶渡江面人聲

奏稿卷二十二

三

喧闐不絕蕭慶衍度江浦浦口各賊股將無固志矣乃遣騎隊襲之行未中途聞浦口之賊先已棄城遁走江浦之賊獻書詣營乞降鮑超劉連捷察知其詐於初九日引軍疾進蕭慶衍出烏江與各水營會師約戰適李朝斌統太湖水師將赴滬上亦於是時道出金陵初十日李朝斌派部將鄔桂芳李助發江福山等師船由大江衝卡先駐浦口以扼忠酋餘黨之未渡江者臣玉麟自率定湘澄海清江三營臣岳斌自率親兵左後護衛等營並調正中副後副右親兵前四營同入內河詎師次江浦而賊又聞風宵遁遂會合陸師將江浦浦口一併收復仍沿途追剿鈔過逃賊之前賊正竄併九洲洲上偽城之賊不納我

舟師截江圍擊賊不得渡爭向蘆葦中駭竄不知叢葦密處水深丈許或數丈昔道光年間備夷之濠張國樑禦賊之濠又羣賊歷年添修之濠溝港縱橫人馬紛逐一蹴即溺死者駢積以數萬計至十一日餘賊飢啼江邊既為新開河所隔不得仍回北岸又為大江所阻不得徑渡南岸各水師分隊登陸盡日輪攻攔刃就戮者半墮江自沈者半惟新中營副將鄔桂芳飛槳前驅徑奪洲隘中礮死之此五月初十日克復江浦浦口兩城之情形也二浦既復我軍將有事於九洲洲曾國荃乘夜至新江口與臣玉麟岳斌會勦該洲在驚流急湍之中高峙偽城巨礮層列對岸有攔江磯中關諸石壘又有草鞋夾下關七里

奏稿卷二十二

洲燕子磯十數堅壘賊艦賊划與為倚護斷非陸師所能飛越亦非水師所易猝攻計莫如先取南岸數隘庶撤其藩籬而九洲乃有下手之處十二日派丁泗濱許雲發楊明海胡俊友等四營為頭隊從下關進派喻俊明唐敏義陶樹恩嚴定國羅宏裕楊占鼇等六營為二隊從草鞋夾進更派彭楚漢傅敏才顏海仙張錦芳等為三隊以應之臣岳斌仍與李朝斌往來督戰臣玉麟親督成發翔任星元兩營據九洲洲上流作欲攻不攻之勢使洲賊不暇兼顧南岸調派既定十三日天未嚮明丁泗濱喻俊明彭楚漢等乃循南岸飛駛而下將逼賊巢賊竟萬礮齊轟猝不得近其壘我軍預以枯荻灌油縱火江上先焚其

舟數百賊艦一時俱燼眾勇乘勢薄壘有緣牆而上者有從礮眼中搶險而入者遂平下關卓鞋夾八賊壘移師轉向中關該關內倚小河外濱大江水流箭急師船不能上駛胡俊友舍舟遵陸突出壘下方將一躍而登忽為槍子洞腹遽殞於陣陶樹恩許雲發憤極搏戰復裏重創士卒亦損折過眾回軍暫息乃於次日分兵襲破燕子磯殺賊毀壘而還此三十四等日屢克下關草鞋夾燕子磯三隘之情形也先是臣岳斌詢諸土人知江濱叢莽中有隄埂一道可達九洲洲賊濠之外至是商令陸軍劉連捷楊鎮南數隊由隄埂缺處處水而進派彭楚漢傅敏才顏海仙三營從洲尾攻上派張錦芳成發翔任星元三營

奏稿卷二十二

由洲頭攻下派喻俊明唐敏義嚴定國等及李朝斌所部之李助發周正林江福山等營各駕舢板繞洲奮擊另飭丁泗濱羅宏裕楊占鼇等由南岸分領水師直趨中關十五日昧爽兩岸並舉人人皆殊死戰賊之在中關者自恃附城為壘卒不稍動其堅踞九洲洲者下有賊划上有偽城千礮環轟片刻不息又於東西南三路分伏洋槍悍隊伺間出擊損我精銳幾不可以數計彭楚漢唐敏義負創角戰誓得此隘而甘心戰至日晡賊少怠矣乃於初更時謀之成發翔喻俊明顏海仙張錦芳等乘月色昏暗中移船潛近賊壘會西南風大作眾軍以火箭攢射立焚水中拖罟數隻風引火猛烈及洲上卡房喻俊明李朝斌

麾軍直上成發翔任星元張錦芳在左彭楚漢顏海仙唐敏才
在右各率奔勇大呼升岸丁泗濱亦自中關鼓漿而來躍過重
濠肉薄齊登前鋒既殪後者更進踰者被戕踐尸復登竟以二
更後越牆撲入聚殲羣醜無一脫者遂奪九洲洲偽城一座并
獲大礮數百尊牛馬旗械無數此又十五日力克九洲洲之情
形也臣等查九洲洲為大江關鍵與金陵相犄角實逆首所必
爭之地幸賴

天威震疊奪此要隘北岸盡為我有長江一律肅清從此圍攻
金陵較有把握諸將士酷暑鏖兵血戰至五晝夜之久傷亡至
二千餘人之多實亦可嘉可憫此次尤為出力之提督銜浙江

奏稿卷二十二

美

定海鎮總兵喻俊明浙江黃巖鎮總兵丁泗濱記名總兵彭楚
漢楊明海均請

交軍機處記名遇有提督缺出請

旨簡放彭楚漢一員臣國藩曾於堪勝水師總兵案內特保應

請

先擢總兵實缺記名提督浙江處州鎮總兵李朝斌因赴滬之
便竭力助攻應如何

加恩之處恭候

聖裁記名提督江南京口協副將成發翔前於克復巢縣案內
推為首功此次應如何酌獎仍候

聖裁總兵銜副將楊占鼐李助發嚴定國副將顏海仙羅宏裕
傅敏才周正林李宏試均請

交軍機處記名遇有總兵缺出請

旨簡放楊占鼐並

賞加提督銜李助發顏海仙羅宏裕傅敏才並

賞給勇號記名總兵張錦芳請

賞加提督銜已保總兵銜副將唐敏義請

賞給勇號副將銜參將許雲發陶樹恩均請以副將儘先補用

並

賞給勇號許雲發並加總兵銜游擊江福山請以參將儘先選

奏稿卷二十二

美

用並加副將銜其餘出力人員可否由臣等專案奏獎出自

天恩至總兵銜副將鄔桂芳副將胡俊友力戰捐軀深堪憫惻

均請照總兵陣亡例從優

賜卹以慰忠魂此外陣亡各員弁容俟查明彙案奏卹所有官

軍克復各城隘及九洲洲緣由謹會同大學士湖廣總督臣官

文江蘇巡撫臣李鴻章浙江巡撫臣曾國荃恭摺由驛六百里

具奏伏乞

皇太后

皇上聖鑒訓示謹

奏

近日軍情片 同治二年五月二十七日

再近日軍情壽州一城苗逆圍攻如故蔣凝學毛有銘等於五月十三日毀東皋峰道壘數座該道續調悍黨增修多壘意在以長圍久困城內米糧久罄殺馬食士聞苗黨有夜棹小舟運麥八石以濟城中者可知從苗之心亦不甚堅現檄周寬世四營紮迎河集及四十里鋪保蔣凝學等之後路成大吉於十四日在麻城之宋埠拔隊亦令併援壽州以厚兵力其濱江一帶自九洲攻克後畱蕭慶衍駐江浦浦口以固北岸之防派鮑超渡江進紮孝陵衛以合金陵之圍十四日吳坤修萬化林等水陸勦賊破揚四渡六壘王可陞何紹彩周萬傳等併在裴公渡雁翅斗門連破七壘遂收復金寶圩距蕪湖金柱關百里內已無賊蹤西河灣泚各防亦均穩固甯國守將劉松山先於初八日赴涇縣與易開俊會勦灣灘大坑之賊獲一勝仗十六日偽襄王奉王等股一由章家渡擾及丁村一由大坑逼犯涇縣易開俊分隊出擊力戰卻之其青陽守將朱品隆既破梅林兩卡又毀陵陽鎮四壘直薄石埭城下屢攻未克回軍仍駐青陽徽州嶺附近無戰事饒州景德鎮一帶劉勝祥於十二日獲一勝仗劉典席寶田於十四十五日各獲勝仗李榕抵湖口後因病卒太多賊勢太眾尚未接戰俟江忠義到湖口與饒軍兩路并進江西各賊股必可悉就驅除當檄江忠義李榕席寶

田等各率所部自石太漸進東壩則攻取金陵老巢較有把握矣然金陵城大賊眾諸酋目眷屬資財萃聚於斯洪逆老於戎事又畱偽忠王不援蘇州共守金陵斷無輕棄之理必須力斷接濟仿照昔年攻九江安慶之法嚴防江路禁截賊糧則百餘里之城數十萬之賊專恃肩挑陸運勢必不給數月以後當有因飢內訌之事查前此長江上下輪船與紅單師船均不免暗中濟賊除紅單船一項由臣設法查禁外輪船往來剽疾稽察尤難應請

旨勅下總理衙門照會英法各國公使於金陵未克以前不得在該城外停泊輪船庶該逆城孤糧絕不至又成持久之局所

有近日各路軍情合先附陳大概伏乞

聖鑒訓示謹

奏

奏稿卷二十二

三

奏稿卷二十二

三

覆陳金陵壽州軍情摺 同治二年六月十一日

奏為欽奉

諭旨恭摺覆陳仰祈

聖鑒事同治二年六月初四日承准議政王軍機大臣字寄五月二十七日奉

上諭曾國藩前奏鮑超等軍追賊已至江浦飭令攻克二浦後即進攻九洲茲據都興阿等所奏江浦浦口已於本月初九日攻破七里洲於十二日攻破九洲於十五日攻破九洲為江中要地賊踞堅壘數年之久官軍此次攻克竟能敏速如此都興阿等所奏諒係實情曾國藩奏報是否業已在途著即

奏稿卷二

十二

將詳細情形迅即馳奏都興阿等摺內所稱忠逆帶隊渡江援浦為梁正源截擊於寶塔根賊遂敗竄現在竄往何處下關七里洲之賊向中關回遁其九洲踞賊斃溺而外是否尚有餘匪紛竄均須確切查明妥籌堵剿曾國藩將雨花台賊壘攻克茲九洲又為鮑超等乘勢掃除金陵勢成檻其機大為可乘應即如何相機進擣及會商左宗棠李鴻章進攻蘇杭使賊應接不暇以圖進取之處曾國藩諒必成竹在胸惟窮寇必思鋌走江路水陸寬廣備禦宜嚴裏下河一帶尤應嚴密設防等因欽此又於初八日續奉六月初一日上諭二浦九洲等洲克復情形迄今尚未據曾國藩奏報前據

都興阿等奏到當經寄諭該大臣迅將詳細情形及水陸進取機宜迅速馳奏此時諒已奏報在途其馮子材等規復丹陽進兵機宜並著該大臣妥籌指

示策應調度以期互相犄角毋誤戎機唐訓方前奏為苗練所

困情形甚為急迫連日總未得其奏報廬系殊深屢經諭令曾

國藩設法撥兵馳援現在臨淮壽州蒙城等處該大臣曾否派

兵前往救應如何布置及各該處現在情形如何著曾國藩迅

速馳奏等因欽此仰見我皇上軫懷南服須臾不忘竊

二浦九洲等處距揚州較近而去安慶甚遠揚州距京較近

而安慶又稍遠於二十一日聞九洲洲克復之信二十五日始接各營公牘即於二十七日馳

奏郵路阻長不得與都興阿同時奏到早慰宸廑致

朝廷殷殷瞻念無任慙悚各軍戰狀已詳細馳報其金陵近日布置與苗逆近日情形理合縷晰覆陳

諭旨垂詢餘匪紛竄妥籌堵剿及嚴防裏下河一節臣查三月之杪偽忠王銳意犯鄂自攻撲石湖埠廬舒六安等城連不得

逞折而東趨又聞其銳意以犯揚州并犯裏下河厥後李鴻章之兵攻破崑山進逼蘇州曾國藩之兵攻破雨花台各石壘而

巢縣和含次第克復於是逆謀大亂紛紛南渡遠救蘇州近救金陵天六來安瓜洲之賊不擊而自退江浦橋林浦口之賊不

攻而自破在忠酋之意收回江北羣賊以全力保守江南僅留精銳分守九洲洲七里洲等壘與金陵相犄角為堅拒不拔之基不料我軍大舉進攻正值羣賊甫渡中洲未達南岸之際凡競渡之賊與守壘之賊蟻聚於濠汊蘆葦之中各礮船繞洲圍攻登岸搏戰數萬悍寇悉數聚殲縱偶有倖脫者亦不過逃歸金陵老巢實未嘗紛竄江北致貽裏下河之患此臣自去冬以來所深慮至是始稍釋隱憂者也

諭旨垂詢如何相機進擡會商滬浙攻取蘇杭一節九洲洲甫克以後臣即檄鮑超南渡檄蕭慶衍防守二浦旋接楊岳斌會國荃來函請調蕭慶衍同渡南岸紮駐神策門一帶而以鮑超

奏稿卷二十二

望

一軍繞過鍾山直達孝陵衛漸圖合圍為持重之謀者則以城垣太廣兵力尙單不宜遠求合圍恐大股援賊齊至一隙可乘全局俱震為制敵之謀者則以浙攻富陽滬攻蘇州金陵亦宜迅速合圍使該逆備多力分不遑兼顧或者致力於金陵收效於蘇杭三處有一得手兩處可期并下臣亦主合圍制敵之說與諭旨所示使賊應接不暇者暗相符合特勁旅無多不足以斃深根之寇擬俟江西邊境蕩平再調江忠義李榕席寶田等軍由皖南漸趨東垣會剿金陵一面咨請揚州鎮江防兵前來協剿亦非旦夕所能集事此籌剿金陵老巢之大略也

諭旨垂詢壽州蒙城近日情形一節苗逆復叛以後臣先後飭派蔣凝學毛有銘周寬世成大吉等援救壽州壽州三面環水僅南門一面可通又以賊寨林立與水際礮划相為倚護四月二十八日之戰毀牛尾岡三壘五月十二日之戰毀東泉峯數壘二十六日猛攻城外賊壘未下而我軍三次苦戰已損精銳二千餘人之多據署知州毛維翼遣死士梟水出城稱城中野草雜蔬摘食俱盡道殣相望勢將不支蔣凝學毛有銘以重金啗苗圩潛運米麥進城冀再堅持數日成大吉趕至必可合解重圍不謂六月初二日運米者甫入而下蔡外委邱維城旋於初四日四更舉城獻賊毛維翼力戰死之臣以壽州既陷皖北

奏稿卷二十二

望

與豫鄂三省震動乃檄蔣凝學暫駐三河尖辦足米糧移紮潁州以保要郡而衛豫境檄成大吉仍紮三河尖以蔽鄂疆檄周寬世退紮六安州以固皖省毛有銘暫駐六安為諸路游擊之師亦因傷亡過多難遽進剿也苗沛霖既得壽州凶燄彌熾勢必窺伺臨淮臣現飛調何紹彩四營由甯國北渡馳赴臨淮歸唐訓方調遣前調之黃翼升淮揚師船須俟李朝斌抵滬後始得交替防務上駛入淮輾轉需時尙恐緩不濟急又飛咨彭玉麟楊岳斌選派舢板八十號星赴臨淮援剿苗逆待黃翼升到淮仍令各回本汛臨淮能否保全尙不可知其蒙城一軍則更無兵撥鞭長莫及憂愧徒深此壽州失陷後力圖補救之情形

一第 5-91 冊 續修四庫全書 史部 詔令奏議類

也伏查去冬今春危險疊生自巢含二浦九洲次第克復長江數千里盡爲我有江北髮逆一律肅清方幸大局旋轉澄清有日不謂苗逆煽亂壽州被陷是皆微臣治軍無狀調度多乖愧憤曷已運同銜署安徽壽州知州毛維翼忍飢撫士扶病登陣以練丁五百人苦守七十六日民皆效死弗去卒至食盡力竭城陷同殉亮節孤忠一時實絕惟有願懇破格恩施准將毛維翼追贈道員照道員陣亡例從優賜卹仍於原籍及死事處所建立專祠以彰忠藎其餘在城文武員弁俟查明月行辦理自李續宜丁憂回籍臣卽兼統其部下四軍去歲賊竄江北驟失三城臣調蕭慶衍毛有銘兩軍南援遂將防守壽州之三營移駐六安等處今歲苗逆既叛又不能以全力撲滅苗黨仍留蕭慶衍會勦巢縣調成大吉回援鄂省實有顧此失彼之咎應請

臣交部嚴加議處至各軍救援不力均有應得之咎布政使銜安肅道蔣凝學首先調援初到壽城稟請破苗解圍確有把握厥後一戰失利自悔輕敵貽誤匪淺應請

臣革去布政使銜記名提督成大吉在湖北接到飛檄久不成行五月十四日在麻城之宋埠拔隊遲至二十四日始抵固始又復逗遛數日竟未起至壽州實屬遲延玩誤請

旨將成大吉撤銷勇號以參將降補稍示懲儆仍各留營帶隊

奏稿卷二十二

四

以觀後效按察使銜記名道毛有銘同辦一事厥咎維均惟該員前在石澗埠苦守半月終解重圍克復東關之後馳驅數百里赴援六壽瀕行之時其缺餉與成大吉相同而拔隊迅速不敢稍誤師期功過尙足相抵應請免其置議所有遵旨覆奏緣由恭摺由六百里馳陳伏乞

皇太后

皇上聖鑒訓示謹

奏

奏稿卷二十二

四

覆陳南洋通商大臣無庸改設摺 同治二年六月十二日
奏為南洋通商大臣一缺籌度現在情形仍請無庸改設恭摺
覆陳仰祈

聖鑒事竊 臣於上年六月初六日奏改長江通商大臣一案經
總理衙門議將駐紮處所及廉俸各款請

旨仍飭 臣會同薛煥酌定具奏 遵即與薛煥往返商悉心
籌畫統計通商大臣廉俸一項添設官屬書役等項每歲約需
銀四萬餘兩目前即無庸另建衙署而於長江各口租備行館
僱用輪船所費亦屬不貲數年後漸推漸廣勢必有增無減濱
江四省中外交涉事件果能一一取決於專設之大臣誠不敢

奏稿卷二十二

吳

為 國家惜此帑項惟事有粗論之而僅得其端倪細審之而始盡
其曲折者薛煥奉到會議廉俸之

旨又經專函與 臣縷商具道長江通商使臣所以可裁之故蓋
有數端其大意以為自各國公使駐京一切裁決於總理衙門
凡各口洋人偶違條約有時可與力爭則可就關員結辦即臨
以督撫而有餘有時爭之不服則動向公使陳訴雖臨以大臣
而無濟大臣巡歷各口督撫近駐本省洋人性急弗耐守候不
能不由本省就近辦理有時督撫奏咨未及到京而公使早已
周知郵遞之稽遲尚不及輪船之迅速况由大臣轉轉覆咨更

恐貽誤事機至華洋商民爭鬪構釁關涉刑名案件事隸地方
有司尤不能不資督撫之力庶飭辦易而呼應更靈通商縱有
專員在內仍不能免總理衙門之煩瀆在外仍不能減各省督
撫之責任虛繫一官有名無實各等語剴切見商 臣比致覆書
深服其言之精當然猶以蘇皖羣盜如毛置 臣專謀軍事恐難
兼顧洋務厥後李鴻章奉

命兼領通商大臣數月以來秩然就理益信華洋交涉之事均
係疆吏必不可省之事是五口大臣固屬可裁即長江大臣亦
同虛設相應請

奏稿卷二十二

吳

旨仍照薛煥原奏裁撤通商大臣一缺歸併本省督撫及將軍
經理以節糜費 臣於中外撫馭機宜向未諳究而因時權變又
何敢以奏設在先堅持初議曲為迴護所有南洋通商大臣仍
請裁缺緣由謹繕摺由驛具奏伏乞

皇太后

皇上聖鑒訓示再此案前經 臣咨請薛煥主稿會奏逮薛煥定
稿寄皖即已束裝北上近始接其到京來函是以覆奏稍遲亦
不復會銜矣合併聲明謹

奏

彙報各路軍情摺 同治二年六月二十七日

奏為彙報各路軍情先陳梗概仰祈

聖鑒事竊金陵與壽州等處軍情臣於六月十二日馳奏在案近日探報偽忠王侍王均隨洪逆堅守金陵搬運蘇州之糧接濟老巢曾國荃一軍自五月十五十八等日攻破金陵南城角長干橋一壘二卡後圍逼如常別無戰事鮑超至鍾山築營將竣本擬移紮孝陵衛旋因自染暑瘧又以軍中疾疫大作死亡相屬恐前敵為賊所乘遂平毀鍾山營基仍駐神策門沿江一帶金陵城下暫難合圍臣亦以江西未靖皖南方棘恐鮑超須調剿上游不敢令其遽爾合圍也蕪湖甯國南陵涇縣各城金

奏稿卷二十二

完

柱關灣沚青弋江各隘雖抽調何紹彩西河一軍而水陸防守幸均完固偽輔王楊七麻等股在於東水陽新河莊結卡踞守亦未敢伺隙內犯二十至二十六等日甯國守將劉松山會約涇縣守將易開俊剿賊於黃村北貢里曹村考坑薈麥灣等處四戰四捷朱品隆亦自青陽會剿於木竹潭順安鎮黃柏嶺等處獲勝三次斃賊極多前據搜獲偽文忠酋欲調黃李古賴各賊回援金陵近則并無其事古賴劉藍等逆仍在太石涇旌之交黃李等逆則麇聚於湖口都鄱一帶數月以來江西官軍與左宗棠派援之師苦戰苦守屢獲勝仗景鎮鄱陽之賊次第退竄沈葆楨又咨調江忠義專剿湖口滿擬即日全境肅清六月

初二日韓進春在洋塘挫潰凶燄復張目下賊勢趨重湖口一路六月十七日猛撲江忠義堅山營寨李榕部將陳由立援剿獲勝旋以追賊致挫十九二十三等日復來堅山圍營攻撲甚猛江忠義雖係宿將而所部老勇較少新募居多李榕則全係新立之軍未經大敵殊可危慮由湖口下至彭澤馬當東流上至屏峯南康都昌濱江濱湖一片逆氛臣現咨商彭玉麟多帶礮船親赴湖口援剿江西

奏稿卷二十二

完

長莫及憂灼徒深霍邱居三河六安之中迤東北曰溜子口密邇正陽最據形勝臣合蔣凝學暫不赴三河尖就駐防溜子口令周寬世撥三營駐防迎河集該二處皆賊所必爭兵力過單未知能穩守否毛有銘所部則守六北壽南之老廟集以杜野掠而保米糧且令良圩有所依附不致盡叛歸苗指日水師入淮或者大舉會討較有下手之處除各路戰狀分案續報外所有近日軍情合先由驛具陳大概伏乞

皇太后

皇上聖鑒訓示謹

奏

彙報近日各路軍情摺 同治二年七月十二日

奏為彙報近日各路軍情恭摺仰祈

聖鑒事竊自大江南北兩岸軍事孔亟歷奉

寄諭指示周詳殷殷以金陵江西及淮上各防為慮其大概情

形臣於六月二十七日具奏在案茲復就近日戰守事宜分晰

條列續陳於左

一金陵各軍疾疫過半鮑超所部靈營為尤甚偽忠王侍王輔

王章王等糾率悍黨堅守老巢時復伺隙出戰以圖一逞六月

二十二日突分兩枝一出儀鳳門直撲鮑超靈字右營一出太

平門繞撲劉連捷南字等營我軍轟擊竟日負創而遁七月初

一日又以西瓜炸礮猛攻劉連捷下關營寨勢更兇悍得水師

協力苦戰擊退而李成謀與劉連捷各受槍傷幸不甚劇聞白

齊文投入賊中以重金賂置礮礮分解金陵現在劉連捷營外

明掘直濠暗開地道計日內必有數次惡戰又准李鴻章鈔送

忠酋等偽文新調偽護王湖王同援金陵展王為王改守句容

但願羣逆畢萃金陵或者蘇常等處有機可乘未始非官軍之

利也

一毛鴻賓請調張運蘭入粵欽奉

諭旨垂詢所部老湘營能否調往飭臣酌量辦理張運蘭自上

年十月閒因病回籍所部湘勇十營即派部將易開俊劉松山

各統五營分守甯國府涇縣兩城甯國當廣德建平之衝涇縣

當太平石埭之衝易開俊等內防外剿屢卻賊氛城垣賴以保

固所駐皆係最要之地臣處別無換防之師接據毛鴻賓來圍

亦以該營欠餉過多一時恐難抽動已令張運蘭月募三千人

帶赴粵中則原部湘勇自應仍留皖南以資得力

一太平石埭之賊堅踞如常六月十七日分股進章嶺羊棧嶺

竄入黟縣意將由上溪口衝出婺源就食江西十八日王文瑞

自祁門督軍會合劉典留守漁亭之各營併攻黟城一戰克之

驅賊至嶺外十數里捻斬甚眾此次幸仗

天威剿辦極速不使徽州更增一患即免江西再設一防

一江忠義李榕兩軍駐守湖口六月十九日堅山之戰偽堵王

黃文金實負重傷二十八日剿賊於陳兵馬水車港等處二十

九日追賊於梧桐嶺太平關等處分道馳擊均獲勝仗七月初

三夜堅山營中俯瞰文橋賊巢火光隱約江忠義知賊將宵遁

約李榕於將曙時引軍襲破諸壘賊乃敗過黃沙嶺分竄都昌

彭澤境內湖口已無賊蹤江忠義等加派隊伍裹帶乾糧馳追

三日尚未收回前奉

聖諭速由湖口與饒軍並進將江境各賊悉力驅除由石太進

取東壩有此一捷賊鋒稍挫如江西一律肅清臣即當催令江

忠義李榕等欽遵

前旨妥速辦理

一恭奉六月初五日

諭旨垂詢李世忠作何動靜飭臣隨時奏聞李世忠之心跡中外皆不敢深信臣於二月二十七日亦經密陳及之乃二浦並陷深感

聖主之不加嚴譴九洑洲既克又畏楚軍之難與抗衡臣察其愧悟漸生頗知斂抑亦復推誠相待事事示以不欺近接該提督來函有五河地方為臨淮後路倘苗逆下竄誓必堅守五河決一勝負等語李世忠與苗逆積怨甚深其欲發憤勦苗既伸公義又報私讐似屬出於至誠近日臣處餉項極絀數月以來

奏稿卷二十一

至

並無銀米子藥解濟滁州李世忠亦無怨望之意若坦然相處當不至別生枝節

一苗逆圍陷壽州後遣黨在正陽關增壘浚濠尚未蠢動何紹彩陸師四營於六月二十六日取道廬州前進彭玉麟楊岳斌所派舢板八十號亦於二十二二十五等日由九洑洲先後開行計此時均已趕到臨淮得此水陸倚護唐訓方之老營可期穩固惟蒙城糧路將絕危殆萬分恭讀六月十九日

諭旨命臣月籌一軍赴潁上搆苗逆老巢能否於江北陸路防軍內抽調勁旅或徑援蒙城或由定遠馳抵懷遠等因查江北陸營如蕭慶衍所部駐防江浦浦口周寬世所部分防桐城六

安迎河集等處蔣凝學所部分防潁州霍邱三劉集等處成大吉所部扼防三河尖一帶毛有銘所部扼防老廟集一帶各守要區萬難抽撤此外實無一枝勁旅可援蒙城並赴潁上無以仰慰

宸廑曷勝愧悚以上六條均係

諭旨垂詢之件及各路布置情形除戰狀分案續報外合先逐條詳列由驛五百里馳陳伏乞

皇太后

皇上聖鑒訓示謹

奏

奏稿卷二十一

至

文正公奏稿

卷之二十三目錄

湖口防軍勝仗摺 同治二年七月二十七日

近日軍情片

覆陳籌撥臨淮摺 八月十二日

金陵軍攻克上方橋江東橋石壘摺 八月二十七日

近日軍情並調金國琛回皖片

青陽援師大捷解圍摺 九月十二日

近日軍情片

京倉需米照部議妥籌摺 九月二十二日

近日軍情片 奏稿卷二十三 目錄

甯國涇縣防軍勝仗摺 九月二十七日

金陵軍疊克八隘并復秣陵關摺 十月十二日

古隆賢率眾投誠收復三縣摺 全日

近日軍情片

克復水陽東垣等隘高瀉等四縣摺 十月二十七日

欽奉 諭旨覆陳四條摺 十二月十二日

恭謝 天恩並陳近日軍情摺 十二月二十七日

湖口防軍勝仗摺 同治二年七月二十七日

奏為湖口各軍疊挫賊鋒遂毀文橋堅巢羣賊悉遁恭摺彙報仰祈

聖鑒事竊自江忠義李榕督軍進次湖口擊賊屢勝於六月二十七暨七月十二等日節次具陳大概在案先是偽堵王黃文金糾合諸賊酋於二月由皖入江分擾鄱陽浮梁祁門都昌境內屢為劉典段起席寶田韓進春等軍所扼不得深入江西乃折而西竄趨重湖口分為三路上路曰文橋中路曰梧桐嶺下路曰太平關袤延三十餘里而文橋賊勢最重凡堅壘七座黃逆親踞其中浙江鹽運使李榕自彭澤項家山一捷後聞湖

奏稿卷二十三

邑告急於五月十四日移營湖口之三里街越十數日江忠義亦率所部自九江東渡會師於馬影橋六月初九日雕勦殷家山涂家嶺之賊展旗一進不戰而卻江忠義旋紮堅山以備之十七日賊由文橋出大股三萬餘眾分道來犯江忠義留兵守定老營隨令徐士巍徐生德王順慶等直前迎敵而以李祥松劉光文林志金等為左翼江忠寬黃仁遺權光燦等為右翼仍親督陳鳴志江忠華馬步各營從後繼進戰不兩時李榕部下鄭陽和楊春華兩營前來會勦突出堅山之右列陣裏賊李榕以賊方眾悍勢恐不敵飛騎止之而鄭陽和已衝過曹均橋與賊戰於田壠一馬中槍而逸羣馬卻後幾亂步隊李榕抽刀壓

定陣脚江忠義麾軍驅殺至數里外賊乃回戈轉鬪且卻目前
哨弁黃忠勝李光明李士青江忠修鄧在仁黃守和等縱橫盪
擊各負重創李榕部將陳由立大呼陷陣殲悍賊百餘人盡力
窮追深入敵境誤爲伏賊所鈔急引軍躍出重圍士卒已傷亡
九十五人十九日賊以大枝阻於翻山張天社一帶乃以小枝
薄營誘戰江忠義戒諭將士堅壁不動賊始計沮悉眾來攻排
列五六層猛撲十數次官軍但以槍礮外轟遇者輒殲忽有一
酋指麾眾賊無敢反顧者江忠義詢之降卒知爲逆渠黃文
金俟其撲近花籬聚擊槍同時並發應聲而仆賊遽譁亂爭昇
以行餘亦相率竄走據生擒賊供逆酋黃老虎實受重傷而奔

奏稿卷二十三

此六月十七十九等日賊犯堅山各營合戰獲勝之情形也自
黃逆負創後賊爲氣奪悉屯文橋壘後匿不復出江忠義李榕
周應形勢共籌進取必以一營斷梧桐嶺來賊二三營防文橋
壘賊而以全力注陳兵馬地方庶有下手之處二十八日江忠
義率精捷九營進陳兵馬中左兩路李榕率鈞字五營出左路
之左進水車港鄭陽和策馬當先手刃瞭望二賊楊春華濳隊
繼之轉戰而入江忠義遙望樹林陰翳中賊旗隱約卽督中軍
親兵鼓行疾進兩鋒相交火器燃發槍子兩飛何明立鄭長來
聯騎齊驅將賊蹙逼出林直薄陳兵馬賊館賊復增黨決戰陳
由立正在傍山搜剿見鄭陽和楊春華從左路橫躍入陣急催

部卒併赴前敵與江忠寬陳正珀猛進猛擊賊乃大潰但以另
股繞出縱焚邨舍徹夜擾我次日李榕率偏師突出擊之由太
平關一路打散刈稻之賊數百小有擒斬江忠義分軍爲二一
出花尖山一出毛家店所向辟易張寶鑑橫槩直入殫騎於陣
旋以中賊三矛逾時殞命各營奮力馳護敗路並進林志金江
忠倬亦自花尖山移軍來助賊不能支敗過梧桐嶺惜伏不動
者數日適會劉典席寶田等有南路青山橋之捷賊於是退
志矣七月初三夜江忠義在堅山營中俯瞰文橋七壘火光熒
熒若隱若現度賊將遁約李榕部隊於五更時出營會剿仍先
遣勇士潛至壘下鳴號鼓以驚賊賊不虞官軍之猝至惶遽不

奏稿卷二十三

知所爲各勇乘勢踰濠蟻附而上比江忠義李榕全軍踵至眾
壘已平遺棄米穀相望於道於是各整隊伍裹四日糧越黃沙
嶺馳斬尾股足無停趾直出建德所屬之羅家畝上下房等處
殺賊二千有奇積尸塞路始於初八日整旅而還此六月二十
八九等日擊賊疊勝七月初三夜攻奪文橋及連日追剿之情
形也查皖南各賊圖窺江西邊境不得逞於饒州景鎮遂欲
佔踞湖口徐擾腹地經江忠義李榕等擊傷悍目攻毀老巢使
賊不敢駐足江境次第肅清實屬有裨大局其應獎應卹人員
除江忠義一軍應由沈葆楨奏請外李榕一軍可否容查明
酌獎之處出自

聖恩至花翎守備張儀卿楊友和藍翎守備劉喜祿王俊傑沈克明藍翎千總汪春旺金家見張先亮藍翎把總夏楚寅譚正與韓得勝馮玉峯外委楊興隆等十三員弁均係力戰陣亡應請

敕部各照本職從優議卹以慰忠魂所有湖口防軍屢獲勝仗各賊全遁緣由謹繕摺由驛五百里馳陳伏乞

皇太后

皇上聖鑒訓示謹

奏

奏稿卷二十三

四

近日軍情片 同治二年七月二十七日

再近日軍情會國荃一軍派劉連捷駐營下關自六月二十二至七月初六該逆猛撲數晝夜洋鎗礮礮多而且悍經劉連捷竭力擊退會國荃因北路喫緊力攻南路以掣賊勢七月初八九日大戰獲勝攻毀印子山賊壘調蕭慶衍由江浦南渡分守要地鮑超病體尚未全愈其將卒雖亦多病然較去歲則已少矣蕪湖守將吳坤修於十七日約會水師迎擊於雙斗門破其二壘乘勝追至水陽金柱關蕪湖兩防均可鬆勁甯國南陵涇縣灣沚清弋江各防近亦均無戰事惟湖口肅清之後江西羣賊悉數東趨行走剽疾二十日已繞過池州進撲青陽縣城守

奏稿卷二十三

五

將朱品隆督軍固守二十一二等日賊又以全力來撲四面合圍環城而營朱品隆所部七營營官病者四人其胞弟甫經病故朱品隆亦抱病甚重昇疾登陣未知能否堅守待援現在劉典一軍回駐徽州江忠義李榕席寶田三軍臣檄令作為潯饒徽甯池五郡游擊之師李榕已抵東流江忠義席寶田亦以病多夫少尚未拔營入皖但願青陽保守無恙各軍陸續前進則皖南大局不至決裂苗黨之據壽者踰伏未動蔣凝學毛有銘周寬世成大吉所部各駐要區防守尚穩蒙城解圍以後賊聚懷遠普承堯張得勝等攻懷之師已被該逆截斷後路糧運梗塞臣所派赴援臨淮之何紹彩陸師二千人王吉丁泗濱舢板

八十號已據先後到防十三日水陸並進水師攻奪宋家灘礮
划數十隻借河洲一壘未破前敵糧運仍爲賊阻其留守臨淮
者兵力過單別無可濟之師殊少自全之策北顧淮甸殷憂曷
已除各路戰狀分案續奏外合先附陳梗概伏乞

皇太后

皇上聖鑒謹

奏

奏稿卷二十三

六

覆陳籌援臨淮摺 同治二年八月十一日

奏爲欽奉疊次

諭旨恭摺覆陳仰祈

聖鑒事竊臣承准議政王軍機大臣字寄同治二年七月初十

日奉

上諭昨因彭玉麟赴援江西諭令曾國藩迅催楊岳斌督率水
師駛赴臨淮藉資援救此時苗逆勢極猖獗援兵早到一日庶
得早救一日之倒懸仍著曾國藩遵旨嚴催毋稍遲玩唐訓方
仍就現有兵力妥籌守禦以待援師並飛催蔣凝學周寬世毛
有銘等軍迅速進紮溜子口等處約期會剿不可稍有鬆勁等

奏稿卷二十三

七

因欽此又奉七月二十四日

上諭臨淮地方關係皖北全局豈容稍有疎虞現在危急情形
迥異尋常非有陸路援軍速行馳救大局將不堪設想曾國藩
所部各營雖不敷分布亦當於無可籌撥之中勉力抽派一軍
星馳援應等因欽此又奉七月三十日

上諭李世忠既欲出力報效與其駐勇五河專俟賊至何如督
飭所部由五河星馳前進以拯臨淮之急并著曾國藩即行札
調該提督迅速進兵毋稍遲誤曾國藩接奉此旨後察看李世
忠近日情形如果私警公憤發於至誠即將此旨摘錄傳諭並
須坦白相待使之不疑令其知感愧樂爲我用李世忠是否

可資其力此次可否摘錄傳諭並著曾國藩酌量辦理隨時覆奏等因欽此伏查濱淮之要區有五北曰潁上曰懷遠南曰壽州曰鳳陽曰臨淮皆緊傍淮水者也距淮稍遠之要區有四北則濱潁河者曰潁郡濱渦河者曰蒙城南則濱淝河者曰六安濱史河者曰固始皆匯於淮水者也自潁上懷遠壽州悉淪於賊九處已失其三目下唐訓方所置守者為臨淮為蒙城為鳳陽三處臣所置守者為六安為潁州為固始三處情形雖稍分緩急而皆苗逆必爭之地臣前派何紹彩陸師二千人及彭玉麟楊岳斌所撥舢板八十號先後抵淮亦嘗戰勝一次因苗逆徒黨日眾夾淮而軍懷遠蚌埠糧路已斷七月二十二日唐訓

奏稿卷二十三

八

方將各營撤退卽長淮衛小蚌埠一帶亦被苗逆佔據臨淮一軍危如累卵臣本思續撥援兵挽救全局况又疊奉諭旨責無旁貸無如近淮諸軍如周寬世蔣凝學毛有銘成大吉等皆扼守最要之地不能抽動周寬世所部分守六安迎河集二處尙嫌單薄頃又調桐城一營併紮迎河矣蔣凝學所部分守潁郡霍邱三劉集三處七月十七日攻破黃梁集西南二圩十八九日疊平數圩該處在溜子口之南苗黨倘貫金嘯聚其間蔣凝學派隊出劉家台湖口焚其米船盡毀羣圩遂於八月初一日襲破倘逆老巢嚴防河路為將來進兵溜子口之計毛有銘所部駐守老廟集七月十七日攻破陶家三圩旋又分

紫板橋集凡壽南六北之良圩賴該軍以自保成大吉所部分駐固始三河尖近以為潁郡之聲援遠以為鄂省之屏蔽而潘壇等圩首鼠觀望亦須有該軍維繫其閒庶不至堅其公然從苗之志凡此皆近淮諸軍難以調動之情形也至大江南岸諸軍自江西肅清後黃文金等股七偽王圍撲青陽守將朱品隆病勢日篤不能登陣將士病者過半苦守兩旬兵單糧絕岌岌可危李榕之由水路赴援者甫抵離城十八里之銅埠江忠義席寶田之由陸路赴援者現尚未至池州青陽之能否保全殊無把握縱青邑倖保無恙而賊意在圍魏救趙將徧擾皖南最要之區以掣金陵官軍之勢凡甯國蕪湖南陵涇縣灣沚青七

奏稿卷二十三

九

江必將處處喫緊臣以金陵各軍新破上方橋河西二壘城賊水運已斷不得已檄令鮑超引軍西上以勦由江回皖之賊以救甯國蕪湖之急方今滬軍極盛江陰新克已將蘇浙之賊截為數段正在得手之際本宜加功於金陵收效於蘇郡臣分金陵之兵以救皖南已屬失算若再遠救淮上所失尤大此江南諸軍不能赴淮之情形也

諭旨命臣剴調李世忠迅速進兵毋稍遲誤並垂詢是否可資其力一節李世忠中心感愧與苗為讐是其可信之端而將弁驕恣士卒攜貳又其不可恃之端該部所駐江北州縣惟滁州五河兩城稍有關繫數年之儲蓄各營之精銳畢萃於斯論守

局則自顧身家或有堅忍之力論戰陣則向無紀律難操必勝之權果其該提督迫於公義私憤併力勦苗自未便阻其敵愾之心致啟其猜疑之漸若必調勦以資其力則臣能保該提督之無他不能必該部眾之用命萬一軍心不固前敵挫失恐五河後路又蹈二浦覆轍欲拯臨淮之急轉貽全局之憂此又臣所不能不過慮者也竊計臨淮各營何紹彩歐陽勝美等之陸師丁泗濱王吉等之水軍尚無損折普承堯張得勝挫退以後已逾半月當可收集補綴次第成軍臣處解銀二萬及子藥槍礮以資整頓倘得陳國瑞援軍迅達臨淮或者勉力支持保此危疆臣俟皖南軍事稍鬆仍當另籌一旅馳往會勦斷不敢稍

奏稿卷二十三

十

存膜視上煩

宸廑所有疊奉

諭旨緣由謹繕摺由驛五百里覆奏伏乞

皇太后

皇上聖鑒訓示謹

奏

金陵軍攻克上方橋江東橋石壘摺同治二年八月二十七日
奏為金陵陸師擊賊屢勝將上方橋江東橋諸堅壘一律毀平恭摺馳陳仰祈

聖鑒事竊本年七月初間官軍在金陵城外堵勦獲勝并克印子山賊巢業經浙江撫臣曾國荃會報戰狀在案自昔年賊據金陵逆酋楊秀清布置最密城外如九泐洲七里洲中關下關雨花台紫金山秣陵關江東橋上方橋等處類皆築壘如城掘濠如江為堅不可拔之基曾國荃一軍今年攻克數處聲威頗震又以江東橋為西南隅要隘飭陳湜督軍圍之上方橋為東南隅糧路飭蕭慶衍進兵圍之七月二十日蕭慶衍率七營出

奏稿卷二十三

十

印子山之東偏賊壘而下寨城賊與七襄橋之賊竭力來爭曾國荃令蕭孚泗張詩日李臣典等分隊堵禦俾蕭慶衍藉濠逾時而成二十二派李祥和凌有和等滾營而進更紮蕭慶衍新壘之前賊擁眾猛撲我軍力擊卻之壘成後昇巨礮晝夜環轟賊為堅壁不出者數日曾國荃於二十九日潛遣熊登武胡松江陳壽武等繞過上方橋五里許搶築六小營以截賊後賊懼糧路阻絕乃糾數大枝悉銳來撲蕭孚泗李臣典等麾軍迎戰小有撿斬伍維壽周日昇復以騎隊從右路遠來包鈔賊始駭潰合軍追及秣陵關破十餘卡盡奪河下賊船而河西之接濟斷矣蕭慶衍知壘賊計窮傳令郭鵬程蕭恆書等營會合李祥和

和所部於夜半時各負林樺擁至濠邊競拔地鍼大呼猛進比賊驚覺前鋒軍士半已躍入壘中曙色朦朧各軍抽刃環追悉殲羣寇卒有說者此七月三十日攻毀上方橋河西堅壘之情形也其江東橋一路石壘高峙環繞木城外隔水二道賊以有險可倚負固拒守陳湜率吉後兩營及平字盛字恭字三營設法進攻數月不下阮明德等力戰死之陳湜積憤填臆乃置攻具建浮橋將制死於敵人而諸將未之喻也八月十一夜風霾蔽月咫尺莫辨陳湜選銳卒數百涉流而渡潛匿壘下特製絕大噴筒望空飛擲賊方驚眩不已陳必友朱載武等已衝過浮橋徑拔花籬晏恭山劉定發從右路鈔出壘後吳隆海陳汝俊從左路鈔至旱西門陳湜旋督大隊繼進賊恃牆堅礮利連環轟擊我軍所挾藥筒為該逆素所未見焚及木城朱載武膝壽春引死士肉薄齊登先登者負傷輒蹶陳湜率吳隆海陳汝俊抽刀壓陣士卒不敢卻顧有緣梯而上者有向礮眼中蛇行而入者賊皆惶遽失措奪路爭竄次日昧爽遂拔石壘並將眾壘一鼓下之而城中出援之賊適遇蕭孚泗張詩日黃潤昌羅達元趙三元各營隊伍自賽拱橋突出搏鬪移時受創而遁此八月十二日攻克江東橋各壘之情形也查上方橋江東橋均占形勢經諸將士悉力攻克俟上游軍事稍鬆大集新舊各軍徐圖合圍較有把握此次出力人員可否附於克復雨花台案

奏稿卷二十三

上

奏稿卷二十三

上

內酌請獎敘之處出自

聖恩陣亡員弁俟彙案開單請卹所有金陵各軍攻破上方橋江東橋兩隘緣由謹會同大學士湖廣督臣官文江蘇撫臣李鴻章浙江撫臣曾國荃由驛五百里具奏伏乞

皇太后

皇上聖鑒訓示謹

奏

近日軍情並調金國琛回皖片 同治二年八月二十七日

再近日軍情青陽一城黃文金等偽王圍攻已歷一月零六日
文報不通米糧久斷八月十二日李榕部將鄭陽和等至距城
十里之袁橋紫營旋被該逆攻陷喻吉三率三營繼進十八日
紫營徐家村二十一日攻破袁橋賊壘小有斬擒二十二日江
忠義席寶田兩軍繼進將合謀力戰以解重圍得朱品隆密稟
城中草根樹皮採食俱盡能否忍飢為數日之守殊不可知青
陽迤北為銅陵縣突有藍逆另股竄入彭玉麟派在防水師一
戰卻之其迤東為涇縣賊股分擾劉松山自甯都督隊至涇會
同守將易開俊剿賊於金村李村鳳村茂林章家渡等處屢獲

奏稿卷二十三

十四

大勝又有花旗廣匪窺犯甯國郡城劉松山引軍回郡力戰卻
之目下皖南羣盜如毛幾與去冬相似幸劉典王文瑞王沐等
議由徽州分道出嶺進規石埭太平二縣而所調鮑超一軍
亦由金陵上援先赴蕪湖甯國或可力保皖南支持全局至壽
州苗逆之黨自前月破我懷遠圍師後復攻蒙城凶燄熾八
月十二夜渦河南北各營全數潰退撤至小湖集守城者僅李
南華等練勇千餘人斷難倖全臨淮一路有都興阿派二千人
赴援
諭旨又飭富明阿帶兵繼進李世忠亦親督五千人來會夾淮
分屯尙足自固苗逆若不得逞於臨淮則上游六安潁州固始

三河尖處處喫緊馬寬世成大吉蔣凝學毛有銘等各守一方
勢鈞力敵不相統屬日日夜夜憂灼深恐心志不齊調度舛錯貽
誤大局查前任湖北安襄鄖荆道降補同知金國琛與成大吉
蔣凝學毛有銘等同出李續宜部下周寬世亦出自李續宜部
下該數軍分駐皖豫之交須有人維繫其閒庶得聯為一氣李
續宜病勢日深暫難東下擬親赴六安察看一切又因皖南
事急不敢遠離江濱所可調護湘營籌剿苗逆者惟金國琛能
勝此任該員學奉

奏稿卷二十三

五

必爭之地固始三河尖雖屬河南疆土而實為安徽所必爭之
地并為湖北所必守之地形勢雖判為三省事權宜歸於一線
現聞金國琛舊疾漸愈赴豫則須另募新軍難求速效赴皖則
可通四軍之氣而固兩省之防惟有仰懇
天恩准將金國琛一員改赴皖北責令綜理周寬世等四軍營
務仍往來固始三河尖等處會辦皖豫交界剿苗事宜實於兩
省均有裨益除各路戰狀分案詳奏外所有軍情梗概及調金
國琛會辦皖豫交界剿苗事宜理合附片陳請伏乞
聖鑒訓示謹
奏

青陽援師大捷解圍摺 同治二年九月十二日

奏為青陽苦守三十八日援師大捷立解城圍恭摺馳報仰祈
 聖鑒事竊逆匪由江入皖圍撲青陽官軍水陸進援先挫後勝
 臣節次附陳大概在案初偽堵王祐王等七悍酋擁十數萬眾
 在都昌湖口彭澤一帶戰敗而東遂略池州直薄青陽城下七
 月二十日守將朱品隆派隊迎敵挫賊前鋒斬忠盼朝將洪逆
 以徇俄而賊分兩大枝一由廟前而來偏我西南兩門一由茅
 坦而來偏我東北兩門蟻聚蜂屯爭營巢窟不數日閒近城半
 里環築六十六壘又數里更築七十餘壘濱河設有木城河岸
 堅卡林立悍黨守之自是城中糧運斷絕文報亦阻矣二十三
 四日我軍分道擊賊毀東門三卡西門二壘二十六七日又在
 北門毀賊數卡然皆隨毀隨修不經宿而立就八月初旬以後
 無日不戰戰或小勝而朱品隆病莫能興部將亦多嬰疾病漸
 不可支時江忠義席寶田兩軍尚在東流李榕先率所部於初
 六日由水路駛抵距城十八里之桐埠安營築堦成軍以濟初
 十日李榕揚隊至洪山口該處左水右山路狹如綫馬不得上
 乃令左右兩營覓民划分載陸勇約柳壽田水軍乘溪水未落
 夜襲袁橋賊卡五更後李榕駕小舟從後策應少頃礮划銜尾
 而上袁橋卡破盡殲據卡之賊遂於十二日派鄭陽和陳由立
 各將三百人進紮袁橋守城將士遙望援兵初進亦出隊應之

奏稿卷二十三

共

奏稿卷二十三

七

奮擊西北兩門卡壘冀通內外之氣詎鄭陽和牆壕甫成被賊
 撲陷水師柳壽田亦挫敗而歸陳由立以背水孤營被賊層層
 圍裹封壁不動自未刻至四更苦戰固守逮賊之環攻少懈始
 得振臂一呼引軍突出自是外援絕而城中飢餓益甚矣幸
 所謂之喻吉三陸師彭玉麟所派之喻俊明水師已達茅坦十
 八日進紮徐家村城中始知援兵營壘已定眾心稍安江忠義
 席寶田亦先後踵至駐軍於石壘鋪二十一日喻吉三等有袁
 橋之捷越三日席寶田更進五溪橋踰嶺破卡賊遽驚潰堵逆
 黃文金自刃數賊轉鬪而前席寶田撥隊鈔入卡後黃文金從
 亂軍中逸去我軍併進伍家村土地壇屠戮無算而軍勢為之
 一振此七月二十至八月二十四等日賊圍青陽苦籌戰守之
 情形也疊據朱品隆遺死士易服而出蠟書隱語言軍中米糧
 既盡食及牛馬牛馬既盡食及草根樹皮閱者為之隕涕適彭
 玉麟來自池州周歷形勢見董家村路口對峙二卡右枕高岡
 左臨溪隴卡後地稍平衍結壘者四將以拒我援軍乃與諸軍
 熟商議定江忠義精捷八營出董家村山後為攻卡正兵喻吉
 三護軍三營出陳家村後包過田隴為攻卡鈔襲之兵李榕先
 派鈞前副右兩營守定糴子店烏魚潭後路而自率鈞中左右
 三營徑渡西岸由獅子山頂壓下會於董家村口為護軍接應
 之兵並以喻俊明柳壽田水師分進夾山洪山兩口專攻袁橋

疎家村大小羅村各賊壘爲陸師依護之兵二十七日五更羣
食水陸大舉江忠義親督黃仁遺江忠寬徐生德鄭長希等行
近董家村從山後榛莽中揮隊緣巖而上賊在巖腰燃發洋槍
先登者中槍輒蹶黃仁遺率王高來身先禦之江忠寬自右路
鈔上巖腰遇賊卽砍無一脫者徐生德乘勢躍過濠溝撲卡直
入而護軍旗幟出自田隴喻吉三涉水而前水深及腹盡焚路
口二卡遂合黃仁遺鄭長希等擊退援賊移軍轉攻賊壘相持
逾時堵逆突糾大股數萬環布壘外圖鈔我後我軍少卻江忠
義壓定陣腳誓不返顧各營哨衝入賊叢縱橫濫決哨長鄧新
維身中數矛猶復裹創力戰喻吉三正在麾軍助陣乃賊隊忽
亂敗若湧潮中路堅壘既破左路二壘俱下李榕適由獅子山
繞至村口賊眾惶駭奔北聲若頽牆維時水師亦自袁橋棄舟
登陸攻破陳家村逆壘席寶田在五溪橋相距稍遠疾馳來會
行次中途遙望西北附郭一帶烟燄蔽天知守城之軍自內擊
出卽約諸援軍一鼓猛進悉掃賊巢直抵城根而青陽之圍立
解計平一百三十餘壘殲擒逾萬人餘賊遁歸石埭一路此
八月二十七日會師青陽城下力解重圍之情形也臣查青陽
一城陷賊十年經鮑超用兵數月始得攻克此次黃文金各賊
股以全力爭此要區意將大擾皖南掣我金陵兵勢幸託
聖主威福諸將士忍飢扶病內守外援歷三十八日之久平能

奏稿卷二十三

六

拔出重險力保垂陷危城實屬有裨大局在事尤爲出力人員
應先片繕清單仰懇
恩施以昭激勸其餘出力員弁可否容臣查明專案奏獎之處
出自

聖裁至陣亡花翎都司許和山藍翎千總李席珍藍翎把總余
才勝李華崑周玉祥楊元成劉受一把總張修胡承初謝見章
鍾登高藍翎外委李得勝周新喜賀宗修張良才等十五員弁
應請

敕部從優議卹已革參將李殿華於湖口堅山之戰身先陷陣
最稱得力此次力戰捐軀尤爲憫惜並請開復原官照副將陣
亡例從優

奏稿卷二十三

九

賜卹以慰忠魂所有青陽援師大捷共解城圍緣由謹繕摺由
驛六百里馳奏伏乞

皇太后

皇上聖鑒訓示謹

奏

近日軍情片 同治二年九月十二日

再近日軍情臨淮一路穩守如常陳國瑞於八月二十四日至小澗集會合英翰所部四日內疊破賊圩蒙城文報漸通重圍可期迅解唐訓方亦派何紹彩再進蚌埠一路以掣賊勢前此蔣凝學攻克黃梁集逆首倘費金適赴下蔡乞援致令漏網近聞該逆在蒙城勾結苗黨萬人至壽州分竄余家集三覺寺等處意在擄掠或不至遽謀深入大江南岸青陽解圍後太平石埭旌德甯國四縣尚為賊踞劉典王文瑞王沐等軍正議由徽州出嶺會剿適因太平之賊竄入箬嶺延擾許村石門一帶雖經劉典會商唐義訓擊退而浙江富陽新復左宗棠札調劉典回浙該臬司去後徽州防兵單弱勢難再圖嶺外現今江忠義席寶田李榕朱品隆喻吉三分兵兩路進攻石埭太平等縣惟該數軍轉戰數月尚多嬰疾未愈朱品隆亦因大病過久請假回籍調理鮑超一軍已至南陵擬令搜剿新河莊水陽金寶圩之賊由建平直達東壩其甯國守將劉松山涇縣守將易開俊自八月初九十一日大捷後十七日賊圍甯國郡城劉松山力戰卻之二十二日賊至廟埠又卻之而易開俊亦於八月二十四九月初三日先後破賊於涇縣之茶坑平垣等處但求將皖南各股悉數驅除東接浙師之氣北絕金陵之援則事機漸順矣除另摺詳報戰狀外合先附陳大概伏乞

皇太后

皇上聖鑒謹

奏

奏稿卷二十三

三

京倉需米照部議妥籌摺 同治二年九月二十二日

奏為京倉需米甚殷遵照部議悉心妥籌恭摺覆奏仰祈

聖鑒事竊臣接准戶部咨開三口通商大臣崇厚籌備京倉一

摺經該部議奏請

旨飭下臣與官文沈葆楨惲世臨嚴樹森等會同籌畫將鹽課

漕折兩項實能籌撥若干妥籌辦理等因於同治二年七月初

一日奉

旨依議欽此並鈔錄原奏咨會到臣查咸豐十年以來蘇浙

淪陷南漕運京為數寥寥上年全漕竟未興辦僅賴李鴻章勸

辦商捐米九萬石於夏間次第解京在上海經營甚苦而在

奏稿卷二十三

天庾則裨益甚微本年東南應徵之漕自應設法多解本色上

供

京師至急之需然江蘇淮揚通海之米已由漕臣吳棠奏准仍

徵折色撥充揚州軍餉湖北之米已由撫臣嚴樹森奏准萬難

改征本色江西之米亦由撫臣沈葆楨具奏仍難改征本色此

三臣皆素抱公忠絕非不顧京倉根本之人其所以難於解米

者蓋為時勢所迫成例所拘殆非一二言所能罄目下欲運江

楚之米入京即百餘年之成憲與近數年之事例均不能不大

為變通臣請為

皇上縷晰陳之向來三江兩湖皆有官製漕船分幫編號水次

受兌各有定所今則漕船盡壞將欲全數修復需銀約近三千

萬兩既難籌此巨款又值黃河北徙運道久淤之後又值泰西

就撫海道暢行之時由江浙閩廣以達天津出入洋面如履戶

庭揆之天時人事自須全廢河運概行海運而兩湖江西安徽

向未辦過海運成案江湖之遠雇船之費若非由部先為定

議疆臣頗難措手自前明以屯田養衛軍以衛丁運糧船我

朝因之改為旗丁行之既久屯戶不能耕田而鬻與平民動倚

衛官以抗糧衛軍不能使船而另募水勇動倚旗丁以滋事名

實相外既已不勝其弊矣而旗丁每次領運需索幫費視州縣

若魚肉閭壻之委員通州之倉書又視旗丁若魚肉臣歷觀道

奏稿卷二十三

光年閒諸臣之奏疏

宣宗之諭旨言及州縣浮收旗丁幫費未嘗不深恨次骨終以

積重難返莫可如何今則局勢大變日月重新漕船既可全廢

旗丁亦可全裁頃者兵部議覆嚴樹森裁兵一案飭臣等酌量

辦理郭嵩壽在糧道任內因之詳請盡裁屯兵以屯田改隸州

縣以衛官改隸綠營其說甚為詳明臣以戎事倥傯尚未據以

入奏茲既議廢漕艘自應并革衛軍臣所謂百年成憲不能不

大為變通者此也道光二十七年王大臣戶部會議以京師之

現銀太少南中之浮收太重請將南漕改征折色以實部庫而

蘇民因旋經督臣李星沅奏駁不行

文宗登極撫臣傅繩勛痛陳浮收幫費之弊民不聊生又請改徵折色旋經部科議駁不行逮咸豐三年粵匪竄陷金陵長江梗塞不得已改收折色定為每石一兩三錢當時銀價每兩換錢二千餘文米價每石不過一千餘文故一兩三錢民猶病其重也今則情形迥異價值懸殊銀價每兩不過換錢千三百餘文米價雖各省不同然大致相類李鴻章嚴樹森奏稱四兩以外係就夏閒荒歉言之吳棠沈葆楨奏稱三兩上下係就秋閒收穫言之處目下所買之米其價亦近三兩若如崇厚原奏合米價運腳僅及二兩則近年絕無此事米價既費三兩加以由內河而出江由江而海而津船價耗米等費計亦不下二兩

奏稿卷二十三

五

是南省解到天津之米約計需銀四兩九錢而南省所收民間之漕部價僅算一兩三錢若解米十萬石即有三十六萬金無著之款部臣不准銷疆臣不能賠此中空礙情形實乏彌縫之術即以前江西而論辛酉年之漕折與毓科出示每石徵錢三千壬戌年之漕折與沈葆楨出示每石徵銀一兩九錢以一兩三錢之部價計之則所納並不為少以目下穀米之市價計之則所納之數斷不能購米一石而船價耗米各費更無所出以愚見必求部臣奏請特旨米價運腳均准據實報銷不拘原定一兩三錢之數庶江楚本屆之漕尙可設法解京所謂近年事例不得不大為變

通者此也兩淮鹽務與漕政本不相涉然崇厚議撥鹽課以購南米亦權宜救時之一策臣忝任鹽院三載有奇而淮漕未嘗竭力經畫非敢置為緩圖也沿江上下各軍釐卡至十餘處之多均以鹽釐為大宗若驟議變革則各軍皆向處索餉若全不變革則官鹽斷不能逐卡完釐而楚岸引地久為川私粵私侵佔西岸引地久為浙私粵私侵佔民間藉此以免淡食鄰省藉此以籌釐餉江路未通豈能禁鄰私之盛行且輪船拖帶流弊百出既可授洋人侵奪鹽利之權又恐啟私梟假託洋商之漸種種窒礙無處著手故吳文錫之呈詞錢寶廉之奏疏雖奉

奏稿卷二十三

五

諭旨飭辦臣尙因循未及興辦職此之由仰託皇上威福九洲既克長江一律肅清臣始與郭嵩燾重立新章先辦江西一岸現在規模初定稍遲再行專案具奏大約緩納逐卡之釐金由處總收而分送各處禁革餉鹽之名目以商運為主而輔以官運庶幾收回利權漸循軌轍此又當變通近年之事例而返諸昔年之成憲者也斯二者皆當今之急務而漕糧關係尤重更張尤大相應請旨飭下王大臣戶部悉心集議據愚見復南漕之舊章定海運之全規縱使軍務大順亦須俟諸同治五六年以後目下二三年內祇可作試行之局難遽為永定之章米石不必徵諸民

閒民折銀而官購米亦可商捐米而官代解亦可米色不必拘
守成例江廣而參用白糧亦可蘇浙而不盡種米亦可數不必
其如額全解不厭其多三四萬石不嫌其少價不必其盡同此
省與彼省可以參差前批與後批可以增減但求有米到京一
切不爲束縛聽東南各督撫因地制宜從容展布試行一二年
後自然漸講漸精中外皆有把握惟今日之試行卽爲他日之
成案如漕船應否另造屯衛應否速裁沙船應於何處受兌上
游應於何處匯總何條應用歷年海運之例何條應用本年商
捐之例均須由王大臣戶部預爲議定庶幾可暫可久得所遵
循至鹽務係微臣專政目下實無鹽課銀兩可以撥充漕費抱

奏稿卷二十三

三

媿殊深所幸湖南撫臣惲世臨籌畫精詳擬解米十萬石進京
除新舊漕折外另籌巨款以作運費將銀兩先解臣處商所以
運津之法又奏派迤東道黃冕察看長江剝運事宜黃冕因創
爲米鹽互市之議稟請於皖省設互市局招徠湖南商賈運米
至皖由皖省設法運滬運津並招淮南商運鹽至皖與楚中米商
交易而退此局若成不特湖南漕米可以中途交兌卽江西湖
北之漕亦可酌量由皖遞運淮鹽如有起色既可清軍餉之積
欠亦可補京米之不足與崇厚之原奏戶部之議覆均相符合
卽與華祝三請提江廣之銀交吳棠買米解京之奏其用意亦
復暗合實屬因勢利導兩有裨益除由臣商江楚三省詳議

各行具奏外所有京倉需米遵照部議悉心妥籌緣由恭摺由
驛五百里復奏伏乞

皇太后

皇上聖鑒訓示再郭嵩燾請裁衛兵之詳謹鈔呈

御覽以備發交王大臣戶部一併集議臣卽不另案具陳矣謹
奏

奏稿卷二十三

三

近日軍情片 同治二年九月二十二日

再近日軍情金陵雨花台各營及金柱關蕪湖各防均無戰事
鮑超一軍由蕪湖進攻建平東壩須先勦新河莊水陽金寶圩
之賊日內計當接戰石埭太平之賊窮蹙已久本無固志惜江
忠義席寶田等軍病卒甚多尚未進兵九月初七八等日涇縣
守將易開俊勦賊於晏公塘風坑琴溪橋一帶又獲大勝賊乃
遁往甯國縣境其黃文金各股由青陽迤邐下竄意在併入浙
江左宗棠調劉典旋浙或足以資防勦北岸臨淮六安諸營防
守尚穩惟蒙城糧盡援絕恐難持久又有陳大濬捻股由豫入
鄂歷竄隨州棗陽應城麻城以達黃州勢將闖入皖境皖北祇

奏稿卷二十三

奏

此兵力別無迎擊之師殊為可慮除甯國涇縣各戰狀另案詳
報外合先附陳梗概伏乞

聖鑒謹
奏

甯國涇縣防軍勝仗摺 同治二年九月二十七日

奏為甯國涇縣防軍疊獲勝仗恭摺陳仰祈

聖鑒事竊總兵易開俊劉松山等各統湘勇五營分駐甯郡涇
縣屢遏內犯之賊經臣三次奏陳梗概在案本年七月下旬太
平逆酋古隆賢石埭逆酋賴文鴻等乘青陽被圍官軍不暇兼
顧之時各糾大股蓄意犯涇以古逆一股踞聚茂林潘村等處
以賴逆一股踞聚丁家渡章家渡等處附近村落布滿賊旗甯
國守將劉松山督隊於八月初八日馳抵涇城與守涇之易開
俊會商以章家渡距城較近必須先清此路而後可徐圖茂林
初九日部勒各營侵曉即發劉松山令章瑞璿率各旗從右路

奏稿卷二十三

奏

進易開俊令陳名鈺喻先達率各旗從左路進仍自率陳青雲
王華國蕭章開繼之道出丁家渡斬守卡賊數人不數里枕山
依水賊館羅列我軍甫進各賊已紛紛縮入章家渡易開俊劉
松山等催軍猛擊斬賊頗多突有花旗一股自金村來援章家
渡敗賊亦復回戈轉鬪勢殊驚悍陳青雲率隊斜刺而入章合
才易德麟併力乘之王華國蕭章開等從叢箐中鈔出賊後賊
乃錯愕敗往水南都而去易開俊以該處去茂林尚十七里勢
難同日進勦謀之劉松山於十一日馳擊茂林至則鳳村李村
之賊聞風悉遁乃以六旗攻茂林四壘以二旗攻潘村三壘茂
林之賊踰橋來拒鄧光武雷國英急起乘之偏賊過橋退至村

口章合才率眾追之樟樹下一壘出千餘賊互爲之援適易德麟騎隊橫出邀截之而章合才王華國等亦從村後鈔來賊隊散亂不能歸壘壘中守賊亦靡然潰矣其攻中壘者爲歐陽廷易致中仰攻逾時忽見古酋出巢督戰歐陽廷以一旗往來掠陣易致中昇巨礮轟之古酋負創返奔易開俊亦自將勁隊馳至火箭火球齊擲賊中立燔巨壘二座而潘村三壘亦爲陳青雲張恆舟兩營所破於是合軍追逐又踰二壘於潘村之後餘黨向太平老巢而遁此八月初九十一等日會剿涇縣之章家渡及攻破茂林潘村等處七村九壘之情形也甯國北路曰水陽曰馬山埠爲羣賊所嘯聚一聞劉松山赴涇甯郡空虛潛謀襲我郡城十四日劉松山引軍馳回傳令各門繕修守具戒備以觀其變十七日謀報賊至油榨溝將以詰朝來襲劉松山令章瑞璿舒翰楊玉迪等夜出南門繞過敬亭山擇險設伏又令張聲壯易德麟等在西城嚴陣以待天甫向曙賊數千人沿河盜擁而至一悍目繞城大呼以令於眾我將士伏於女牆寂若無人注視良久見賊布勢漸寬號鼓一發爭拔鹿角踰濠競進劉松山合張聲壯等迎勦西門之賊並分擊街後一路陳世隆出勦南門之賊而自督胡文高章合才等突啟北門鼓譟而出賊不及備死於濠下者三四十人遂驅賊至北門街賊翻身猛撲抽刃巷戰賊正倉皇欲遁張聲壯易德麟等適從西門追賊

秦稿卷二十三

而來勢若奔濤遂將北門兩股一併擊退賊之在南門者聞信惶懼將望敬亭山折竄而北詎料我軍正設伏該處橫斷歸路賊乃東趨廟埠併股狂奔劉松山又遣章合才等遮擊於前陳世隆章瑞璿等緊躡於後伏尸盈路賊走陳卻灣濱河一帶爭舟舟覆斃偏入水者無數劉松山又於二十二日率楊玉迪章合才等迎賊於廟埠不戰而退楊玉迪進軍油榨溝河奮擊忽爲飛子傷鼻血流交頤猶復單騎突陣賊不敢犯始相率循河下竄此八月十八日賊襲甯國府城力戰擊退之情形也維時涇縣之水南都尙有踞匪糾黨屬聚丁塘延及茶坑田坊四頁村其勢復張二十四夜易開俊密諭各營出奇兵以雕勦比曉進圍四頁郵執先鋒賊數百斬之隨分二旗撲入茶坑二旗馳入田坊又破之會師轉向丁塘乘賊無備攀卡齊入短兵巷戰賊盡披靡一時潰出雲嶺越數日仍踰嶺而西竄至水南都旋踞平垣九月初三日易開俊軍次平垣五里許以蕭章開曹義勝擊中路以陳青雲王華國擊左右兩路賊競踰崖而逸初七日我軍搜勦晏公塘零匪未及交鋒遽與壩頭漕溪合股併退風坑易開俊即於初八日出隊琴溪橋下設伏誘賊賊自風坑悉眾來撲曹義勝張恆舟接戰佯卻引入伏中歐陽廷陳青雲等突出包圍亂刃交錯賊不能支敗往甯國縣而去此八月下旬至九月初八等日涇縣分剿獲勝之情形也查甯國涇縣

秦稿卷二十三

地居皖南數屬之中自上年張運蘭因病回湘易開俊劉松山等接統所部分駐兩城屢卻大敵復能馳驅援應往往日行百里實屬勞苦功多保全大局藍翎把總鄧光武藍翎外委雷國英均係力戰陣亡應請

敕部從優議卹所有官軍駐守甯國涇縣擊賊疊勝緣由謹繕摺由驛五百里具奏伏乞

皇太后

皇上聖鑒訓示謹

奏

奏稿卷二十三

三

金陵軍壘克八隘并復秣陵關摺 同治二年十月十二日 奏為金陵陸師疊克東南沿河八隘并復秣陵關偽城恭摺馳陳仰祈

聖鑒事竊本年八月間官軍攻克江東橋上方橋後金陵城東尚有數隘未下夾河而壘戒備甚嚴近城者曰中和橋曰雙橋門曰七襄橋稍遠者曰方山土山曰上方門高橋門迤南則為秣陵關以至於博望鎮亦金陵之外輔也會國荃以東路未平不能制城賊之死命遂令蕭慶衍彭毓橘蕭孚泗等擇小河紆曲之處架橋結筏謀分隊東渡立營詎賊已先據河東築數壘以拒我蕭慶衍疊用巨礮隔河迎擊旋於九月十八日派朱

奏稿卷二十三

三

吉玉李祥和更在西岸上下游各修三營為進兵之計賊復列洋槍數千枝於隄埂下與我軍盡力對轟相持不下者兩日夜二十日四更時李祥和王仕益蕭開印吳次漢等率銳卒從下游過河蕭慶衍率朱吉玉劉長槐等營從上游過河破五土壘殲賊頗眾俄而城賊壘賊濫擁來爭蕭慶衍一面搶築營寨一面麾軍環進挫賊前鋒逾時卻走而東岸之營壘已成二十二日賊又諸道并出銳不可當陳湜彭毓橘蕭孚泗會督趙三元武交清駐兵其中使雙橋門以東不能通城賊之氣蕭慶衍更率所部各營徑取中路戰入垓心曾輝日王棲鳳蕭有致等死之各將士憤甚相排競進賊乃靡然返竄蕭慶衍以騎隊邀斷

歸路遂克上方門高橋門雙橋門諸石壘而右路方山土山之賊經能登武胡松江陳壽武等分道馳勦亦各棄壘而奔於是七甕橋踞賊惶遽欲遁蕭孚泗彭毓楠帶能登武等八營扼定東岸之左李臣典帶吳宗國等五營遮擊西岸之前正謀前後合圍一鼓併下城中忽出大股抵死來援兩軍相搏張毓明劉開傳章盛南蔡典隆羅得升喻得輝等又死之蕭孚泗彭毓楠急督各軍擊退援賊仍復偪壘環攻至二十四夜令死士潛往縱火賊眾冒煙突出乃克斯壘屠戮無算此九月十七至二十四等日連克上方門高橋門雙橋門土山方山七甕橋二十餘壘之情形也方山以南為秣陵關以南則為博望鎮賊在該

奏稿卷二十三

鎮設卡者二築壘者七上可以應水陽而旁可以控金柱關守關者為朱南桂亦曾國荃之部將也九月十八日聞鮑超等軍將有事於水陽朱南桂即會約朱洪章武明良等五營進次小丹陽潛察形勢議襲博望鎮使不能為水陽之援夜漏四下朱南桂率黎冠湘等銜枚疾進以武明良為右翼朱洪章等為左翼十九日昧爽各軍前鋒齊抵博望卡下卡賊負固死守槍礮橫飛猝不得近朱洪章俟賊少懈昇巨礮至左卡一發而殲數賊武明良又用火箭攢射燔及右卡哨棚羣賊駭懼撲火爭竄我軍正乘勢殺入燬其堅卡而壘中之賊傾巢驟至朱南桂往來猛撲未能略挫其鋒朱洪章武明良陰率哨勇繞出頭壘踰

牆而登賊聞後路人聲若沸返顧羣壘已易官軍旗幟錯愕不知所為朱南桂等遂縱兵夾勦驅賊至長流菁地方墮河而溺者強半乃引軍回駐博望奪獲米穀近二千石此九月十九日金柱關防軍攻破博望鎮二十七壘之情形也曾國荃以博望既得則秣陵關之勢孤七甕橋既得則中和橋之勢孤二十五日派趙三元伍維壽共帶馬步九營南略秣陵關又派陳湜黃潤昌分帶八營出七甕橋之西與熊登武胡松江等會師於中和橋一戰克之而秣陵關之賊見我馬步馳至即棄金奔潰各營追及河干深不可涉僅斬尾股二百餘人而還自是紫金山西南無一賊巢矣二十七日曾國荃親督蕭慶衍蕭孚泗彭毓楠

奏稿卷二十三

橋李臣典陳湜等往勘孝陵衛地勢將欲分營移駐賊自朝陽太平兩門突出二枝前來搗戰蕭慶衍陳湜率所部各當一路蕭孚泗李臣典率所部傍城鈔入慶戰方酣俄有一酋指麾督陣曾國荃知為巨目乃匿洋槍隊於山麓伺其近而擊之該酋中槍墜馬賊陣遽亂有敢往城中者不及回城轉向清化鎮大路而逸者蕭慶衍陳湜等率騎兵追至三十里外俘執百數十人訊據供稱中槍之酋偽護王陳坤書也章順二偽王仍退入城殆不敢復出矣此二十五至二十七日壘克中和橋秣陵關及大戰城下獲勝之情形也查金陵一城面面布置據有重險為洪逆堅不可拔之基自克九洲江東橋數隘而西南

一面已為我有茲又克七甕橋秣陵關等隘而東南一面並為
我有現今蕭慶衍全隊進紮孝陵衛經營城北漸成合圍之局
此次出力人員應俟續立功績彙案請獎其力戰陣亡人員俟
查明另行開單請卹所有金陵一軍屢克要隘緣由謹會同大
學士湖廣督臣官文江蘇撫臣李鴻章浙江撫臣曾國荃由驛
五百里具奏伏乞
皇太后
皇上聖鑒訓示謹
奏

奏稿卷二十三

奏

古隆賢率眾投誠收復三縣摺 同治二年十月十二日
奏為降人古隆賢舉眾就撫收復石埭太平旌德三城恭摺
陳仰祈

聖鑒事竊偽匪王賴文鴻竄踞太平一縣偽奉王古隆賢分踞
石埭旌德廣德等城聚黨出掠久貽皖南之患自賴文鴻為涇
軍所敗遁入甯國縣而太平遂為古隆賢分地本年八月下旬
青陽解圍後該城守將朱品隆疊據古隆賢遣人通款請以四
城獻部眾之在石太者四萬有奇其在旌廣者亦三萬有奇悉
願反正乞貸一死朱品隆察其窮餓歸誠情詞肫切知非挾詐
偽而來也即呈明 臣處議將廣德撫局以鮑超任之旌德撫局

奏稿卷二十三

奏

以易開俊任之石埭太平撫局則請自任之九月十九至二十
三等日朱品隆兩派營弁馳赴石埭宣諭降眾先繳軍械次令
雜髮分屯城下以待命二十八日親督易潤壇梅錦源等分帶
四營入城受降並調踞守太平之江老三二千餘眾歸併石埭
詳加簡閱挑留馬步千人編立營哨仍交古隆賢管帶責令立
功贖罪餘則由 臣籌發萬金視原籍之遠近定給資之多寡概
予遣散是日既復石埭縣城遂於次日飭喻志業前往太平併
復城池調喻吉三所部三營守之初江老三方以太平來獻偽
天將江會義率黨背盟殺古朝將以叛取道三溪竄往廣德二
十七日涇縣守將易開俊突由馬渡橋橫出截擊斬馘頗眾乃

引軍進次旌德城外守旌德者為偽岷天義申法喜早已聞風先遁餘黨盧旺有汪泯珊長跽道左舉城歸降易開俊安撫城中盡遣降卒三千餘人即分所部兩營守之據總兵朱品隆易開俊歷將籌辦情形呈報前來臣查古隆賢為賊巨擘本屬罪不容誅一旦翻然悔悟自拔來歸不煩一兵而三城並下亦尙有寸功足錄不邀寬典則無以開羣盜自新之路而廣聖朝如天之仁合無籲懇

天恩准照上年洪容海投誠成案賞給古隆賢游擊銜頂帶以昭激勸其部下頭目及經辦招撫各將士可否容臣查明酌加獎勵之處出自

奏稿卷二十三

奏

聖裁所有古隆賢率眾來降疊復三縣緣由謹繕摺由驛具奏伏乞

皇太后

皇上聖鑒訓示再廣德一城由鮑超部下宋國永往辦招撫事宜旋有叛黨江會義申法喜等下竄尙恐事多中變現在水陸各軍已克復東壩鮑超即將由建平進剿廣德該州之或撫或剿已檄令相機辦理續行具奏合併陳明謹

奏

近日軍情片 同治二年十月十一日

再近日軍情臨淮一路穩守如常富明阿於九月二十六日親赴蒙城督剿李世忠進軍姚家灣以圖下蔡直擣苗逆老巢唐訓方亦分軍大小蚌埠以圖懷遠聲勢頗為聯絡潁州兵練攻破朱滑孜圩郡西漸靖陳大濟捻股亦經鄂軍擊敗由麻城境內竄歸河南無慮延皖境矣湖南道州有警孫長紱以江西南邊空虛咨調席寶田一軍赴贛州防守臣又令江忠義一軍回駐饒州境內江西設有緩急添此兩軍足資防禦大江兩岸甯國太平以東久為賊藪彭玉麟親督水師會合王可陞吳坤修等陸師於九月杪攻克密灣金寶圩水陽新河莊塘溝滄溪

奏稿卷二十三

奏

各賊壘駐師高瀆湖口高瀆守賊楊友清遣人乞降十月初二日收復高瀆縣城東壩賊黨黎立新等亦即具稟納款願為內應彭玉麟知東壩一股已無固志商同鮑超率師疾進楊岳斌亦帶師船來會旋於初七日攻克東壩留黎立新降眾三營餘則誅夷殆盡此次幸仗

天威得此東壩要隘不特皖南可冀肅清即東至蘇州北至金陵攻取亦較有把握除水陸剿撫各情形另摺續報外合先附陳大概仰慰宸廑伏乞皇太后

皇上聖鑒謹奏

奏稿卷二十三

四

克復水陽東壩等隘高瀆等四縣摺
奏為水陸各軍剿撫兼施疊復水陽新河莊東壩等隘高瀆等四縣摺
國建平溧水四城恭摺馳報仰祈
聖鑒事竊官軍攻克水陽新河莊並復高瀆東壩等城隘臣

藩於十月十二日附陳大概在案方鮑超進軍仙人橋王可陞
進軍東門渡出金寶圩之南將并攻新河莊臣王麟以該處地
窄勢險未可以用眾也因率喻俊明唐敏義水師兩營並約吳
坤修劉祥勝傅家桂等陸師六營出金寶圩之北將有事於水
陽臣岳斌亦率李濟清羅宏裕王仁和等戰船來會師次密灣
見有堅大石壘礮眼層列能越水陽等壘而遙擊我軍九月二

奏稿卷二十三

四

十六日風雨蔽天賊備少懈喻俊明唐敏義乘夜運礮過河密
排洲次徹夜環轟比曉石壘半圯遂合劉祥勝等鼓噪而前李
濟清吳坤修亦駕小划入亮隄門平圩垣數壘併攻水陽破之
其南路則有成發翔張錦芳等帶舢板進南湖毀夾岸兩卡即
於次日衝過新河莊從油榨溝倒擊而下時鮑超浮橋未成弗
克東渡王可陞偏師獨進正與眾賊相持各水勇升岸大呼踰
濠競入力攻新河莊又破之水陽迤北曰滄溪距滄溪十餘里
曰塘溝為直達高瀆之要路臣王麟於二十九日令吳坤修萬
化林往取滄溪親督水師及傅家桂等陸師襲陷塘溝進塘溝
數里曰高瀆湖口東西兩壘萬槍齊發阻我陸軍進步十月初

一曰唐敏義王仁利於槍子如雨之中會合各舟師疾駛而進拔其堅壘又數里曰長樂鎮街市之中賊築石城礮台旌旗迷目我軍略不停槩衝入湖心忽梗一橋洋槍集於橋下喻俊明羅宏裕李濟清傍兩岸悉力衝擊唐敏義王仁和爭拔椿木斫斷橋梁一躍而上舉火立燔石城該鎮既克劉祥勝傅家桂亦渡旱隊來助吳坤修萬化林亦自滄溪戰勝而還乃合軍謀進高瀆先是高瀆賊目楊友清乞撫不許至是該賊目遣人通款伏地涕泣自陳臣玉麟察其情詞可信令與偽輔王餘黨自相攻鬪始許之降初二日率師前往受降及至西門外煙燄上騰殺聲未絕楊友清率眾扣馬告曰偽輔王府餘孽有變頃已計

秦稿卷二十三

斬之矣於是入城安撫悉遣降眾是夜略地而東並取固城一鎮此九月二十七至十月初一日水陸連破七隘初二日收復高瀆縣城之情形也自太平旌德背盟叛去之江申二酋下竄東安鎮圖與偽匡王賴文鴻合股易開俊以旌城初復賊未遠颺利在速戰而又慮廣德撫議未成仍為該二酋挾之以叛也乃遣降人彭國鈞間道入廣德馳諭招之一面都勒營伍於初三日度環雲嶺將抵東安鎮市口賊館如雲散布村落開歐陽廷易致中步隊及蕭章開騎隊騰蹕而入所遇輒殲隔岸賊援涉水來爭又得陳裕英等渡河鈔擊陳名鈺等沿河兜剿賊受大創圍然而潰維時甯郡守將劉松山方揚隊於白菓樹湯村

何村一帶訶知株木店增賊四五千眾悉自東安鎮戰敗而來乃引軍突出截之賊正傳餐將發不虞我兵猝至悉無鬪志棄釜駭奔劉松山親督各勇驅出廣德大路旋即移師東嚮將攻甯國縣城賊賴文鴻先經聞風宵遁而易開俊所派之陳裕英等旗適至遂與劉松山會復城池初四日彭國鈞返自廣德引降將鄭魁武部眾萬餘人詣東安鎮軍前乞降易開俊曉以大義簡留一營餘則概予資遣惟鄭魁武舉眾來歸廣德一城又為江會義申法喜叛黨乘虛竊據矣此十月初三日收復甯國縣城之情形也初新河莊既克尚有東夏四壘為建平東壘之樞紐初八日鮑超令馮標周有勝王衍慶等屯軍曹塘進攻東

秦稿卷二十三

夏賊恃牆闊濠深堅伏不出馮標摩壘而進手刃悍酋周有勝王衍慶率眾爭抽鹿角齊登一壘平而眾壘俱下自是東壘守賊黎立新等上書水營請為內應建平守賊張勝祿等上書陸營請獻城池定議建平撫事使馮標任之東壘之戰事則鮑超與臣玉麟同任之初七日臣玉麟率水師八營及吳坤修劉祥勝等早勇六營鮑超亦率馬步十三營合趨東壘見上壘高峙三大壘壘後築有偽城橫亘數里正議分軍立寨偽隨王楊柳谷馳告壘賊梗命楊輔清為謀主乞速進兵以踐黎立新之約鮑超即令譚勝達李文益熊鐵生黃海清孫得友等繞壘圍攻臣玉麟亦令喻俊明唐敏義等五營依護吳坤修劉祥勝各隊

直出壘下適臣岳斌飛槩而來督令李濟清王仁和羅宏裕等
專向水路助陣戰不逾時殲賊盈千賊多踰壘而逸者楊輔清
從亂軍中敗往溧陽而楊柳谷立獻偽城乃克東壩要隘東壩
復而建平之捷書亦至自馮標入境宣諭張勝祿等十二人感
激涕零矢志不貳即於是日斬偽跟王藍仁得舉城以降建平
復而溧水之降書又至踞溧水者為楊英清黨眾萬餘願繳軍
械各散回籍十二日臣玉麟會同臣岳斌帶隊進城溫詞撫慰
盡資之行不復稍留降眾另立新營此十月初七至十二等日
剿撫兼施克復建平溧水二縣及東壩一隘之情形也伏查江
皖接壤之區以東壩為最要關鍵仰賴

奏稿卷二十三

四

天威震疊警服羣酋旬日之間收取四城并奪東壩重險臣國
藩現檄鮑超全軍駐守東壩保此三省扼要之地即為附近游
擊之師檄派王可陞守溧水李榕守建平洪容海守高淳朱品
隆喻吉三兩軍分守青陽石埭太平三城易開俊劉松山兩軍
分守甯郡旌德涇縣三城此外無兵可撥以故廣德一州未能
進剿甯國一縣未能置守致皖南不能一律肅清愧歉實深諸
賊目革面自新有裨全局似宜宥其罪而并錄其功合無籲懇
聖恩准將楊柳谷鄭魁武張勝祿等三人
賞給都司虛銜頂帶楊仁義黃儒繡李明魁黃勇發江元泰陳
永爵董明玉湯桂風陳世青周珍金汪保發等十一人

賞給守備虛銜頂帶以昭激勸其餘大小頭目可否酌給虛銜
此次在事出力人員可否容臣等查明併案保獎之處出自
鴻施逾格至陣亡各員并均俟一併確查彙案請卹所有官軍
剿撫並等疊復各城隘緣由謹繕摺由驛五百里具奏伏乞
皇太后
皇上聖鑒訓示謹
奏

奏稿卷二十三

四

欽奉 諭旨覆陳四條摺同治二年十一月十一日

奏為欽奉疊次

諭旨恭摺覆陳仰祈

聖鑒事竊自本年入冬以來苗黨就誅蘇垣克復東南軍事大有起色惟劇寇未除反側難安可慮之處尚多屢蒙

誥誡精詳指示機要計十一月十一至二十二等日奉

旨飭查及垂詢各事宜謹一一分晰條列詳對如左

一恭奉十一月十一日

諭旨壽州收復之後李世忠所部進城擅殺守門勇丁五名又於圍攻下蔡時因宋慶不肯讓給調隊攻打爭功起釁寔屬不

奏稿卷二十三

成事體飭將啟釁根由秉公查辦一節臣查陳國瑞與李世忠

構衅彼此各執一詞據陳國瑞稟稱派副將康錦文帶同苗景

開等於初一日攻克壽州初三日有李世忠營將領進城即殺

守門勇丁五名康錦文整隊迎敵立將李營隊伍逐出城外生

擒五十餘名內有已保提督之蔣立功一名等語據李世忠呈

稱派朱元興等前往收復壽州不料被苗景開將記名提督朱

元興杜宜魁二員同時殺斃尸在壽州月城之內又派蔣立功

前往收復正陽行過壽州被人誘入城內宋慶康錦文將提督

蔣立功鎖押等語僧格林沁初次具奏稱李世忠所部擅殺守

門勇丁其時但據陳國瑞之稟尚未接李世忠之稟厥後接到

李世忠稟件知陳國瑞部下宋康二將有鎖押蔣立功之案其

所帶之苗景開又有殺斃朱元興杜宜魁之案情節尤重僧格

林沁寄臣一函謂兩造各執一詞已咨唐訓方查辦矣唐訓方

旋亦寄臣一函謂朱元興杜宜魁與宋慶康錦文先後同入壽

城彼此互爭互有殺傷今李世忠咨稱朱杜死於苗景開之手

應即殺苗景開以議抵先了此案等語以愚見觀之苗景開

本係苗沛霖親屬死黨即無殺朱杜二人應抵之案亦在萬不

可赦之列宋慶雖稟訴蔣立功擅殺門卒然互爭之時殺傷實

亦相當又於李世忠部下之提鎮擊斃二人鎖押一人當不至

更有餘怒李世忠不敢歸咎宋慶等而指名係苗景開所殺又

奏稿卷二十三

恐其部下滋事急急帶隊回滁是尙無尋仇生衅之意若果殺

苗景開以慰之必且感而兼畏不至更有後言此案由唐訓方

悉心查明僧格林沁就近判斷自可處置妥善兩得其平至下

蔡之役係李世忠部將何璜先入苗眾雖降而尙未獻寨逮宋

慶康錦文挾苗景開而來賊始舉寨以獻當時互爭鬪殺在所

不免何璜旋即退至龍王廟尙無始終爭執情事謹就微臣所

聞覆陳梗概其詳細情形應由僧格林沁唐訓方查明擬結

一恭奉十一月二十二日

諭旨垂詢正陽收復之時道員蔣凝學何以有爭奪開礮致傷

兵勇之事飭令查明據實奏聞一節查正陽關城本係毛有銘

會同康錦文程文炳於十一月初四日前往收復維時蔣凝學成大吉兩軍尚在潁上未知朱萬隆先已獻關投誠初六日移師至正陽隔河立營正擬搭造浮橋而關上陸軍河下礮划已羣起轟擊蔣凝學等但知朱萬隆尚在城內以為苗黨之出拒官軍也不得不開礮還擊蓋康錦文自壽州而往在正陽之東毛有銘自六安而往在正陽之西南蔣凝學自潁上而往在正陽之西北三者各不相謀當彼此互擊之時不特康錦文官兵在關城之內蔣凝學不得而知即毛有銘湘軍在關城之旁蔣凝學亦不得而知也旋經毛有銘飛騎馳告彼此各自收隊究竟浮橋未成並無一人渡河蔣凝學所稟傷亡六十餘人康錦

奏稿卷二十三

文所稟傷亡二十餘人臣竊以為皆不可信頃據唐訓方來咨有親赴正陽細加訪察實因雨下未及知會並非有心尋衅等語揆厥情形尚屬可信唐訓方業經咨呈僧格林沁免其查辦即日亦當具咨詳述一切

一恭奉十一月十五日

諭旨鮑超全軍現紮東壩此時溧水已復自應進圖句容以斷忠逆救援金陵之路一節查溧水迤北為句容而迤東則為溧陽該處去東壩較近實僑侍王李世賢之老巢十一月十二日侍逆糾黨五六萬眾分屯梅渚距東壩建平各四十餘里十四日進犯建平守城將士一戰卻之又轉趨周城社渚一帶於二

十五日猛撲溧水守將王可陞徹夜登陣力戰卻之近據謀報忠逆由金陵退入句容旋由句容潛入溧陽與侍逆合股意在分擾溧水建平奪我東壩一關併圖上竄東壩為江皖浙三省關鍵鮑超正須以全力爭此要區暫不能進取句容以合金陵之圍自句容而外論者又謂官急取廣德肅清全皖扼賊上犯之路臣以廣德易取而不易守鮑超既力扼東壩更無他軍可當廣德一路句容廣德之不能早爭先著蓋臣之力薄而心彌歉耳

一恭奉十一月二十二日

奏稿卷二十三

諭旨壽穎各城均已收復現祇勦辦零星股匪可以無須大兵屯聚張得勝蔣凝學成大吉諸軍均可移緩就急分撥赴陝一節查湘營之在皖北者有四一曰蔣凝學駐軍潁州及三劉集進取潁上縣城者也一曰毛有銘駐軍老廟集會復正陽一關者也一曰周寬世駐軍六安州分防迎河集者也一曰成大吉駐軍三河尖與蔣凝學同進潁上者也此外又有石清吉一軍駐防廬州係多隆阿舊部亦歸臣處調遣臣以皖北苗黨就滅羣圩悉平而忠逆又有上竄江西之議皖南別無大枝游擊之師乃檄毛有銘所部移駐皖南並調周寬世回守省城而換出安慶防兵與毛有銘同赴南岸為江皖交界游擊之師其成大吉一軍已准官文來咨調赴鄂省防勦二關一帶石清吉一軍

亦赴鄂省防剿小河司一帶將來此二軍者或久留湖北或漸入陝西應由官文酌度辦理臣所轄皖北之兵除調出四軍外僅留蔣凝學數營分防潁州六安等處暫時未可輕動

以上四條均係近日奉旨查詢之件理合逐款條對由驛五百里馳奏伏乞

皇太后
皇上聖鑒訓示謹

奏

奏稿卷二十三

辛

恭謝 天恩並陳近日軍情摺日 治二年十一月二十七

奏為恭謝 天恩並陳近日軍情仰祈

聖鑒事竊臣接准江蘇撫臣咨開李鴻章奏克復蘇州一摺同治二年十一月初四日內閣奉

上諭協辦大學士兩江總督曾國藩遣將助兵克復名城著交部從優議敘等因欽此當即恭設香案望

闕叩頭謝

恩訖伏念臣忝督兩江才識短淺庚申辛酉兩年方以經營皖事愧不能調將分兵早達蘇境以慰吳人雲霓之望而紓

奏稿卷二十三

辛

朝廷宵旰之憂逮壬戌年疏薦李鴻章率師赴滬又愧不能多撥得力之營同履危險之地維時所遣之將陸軍僅程學啟一人係曾國荃拔諸降眾之中信其謀勇儔水軍僅黃翼升一人係臣奏統舟師之員信其忠誠可恃此外如潘鼎新劉銘傳張樹聲吳長慶張遇春等皆臣與李鴻章商同遴派之將自李鴻章抵滬以後臣即未續撥一將續助一兵今夏派李朝斌太湖水師東下滬中之局已大定威已大振矣蘇州功績之成乃由李鴻章秉承

聖謨獨據忠悃每當艱險之際恆匹馬以當先或遇絕續之交持孤注以爭勝用能轉危而為安遠攻而近守臣自愧謀略之

不如亦並為始願所不及更復何功可言何勞可錄不圖
聖澤旁敷優加甄敘聞

命之下感悚交併縱愚忱之勉竭覺報稱之彌難自蘇州克復
偽忠王即帶數萬人援救金陵到城已近五十日尚未猛撲官
軍營壘近據李鴻章來函聞忠逆以溧陽至饒景數百里處處
乏食頗以裹糧急趨為難又據鮑超來牘探報侍逆將親率悍
黨襲二十日糧蓄意由長興廣德甯國一帶上犯江西先據產
糧之區以俟忠逆續至各等語臣竊計忠侍二逆既不能各保
分地又不欲苦援金陵誠非自皖入江別無圖存之策從廣德
甯邑上竄江西約有兩路西路由旌德太平石埭以竄饒景東

奏稿卷二十三

至

路由昌化瀟安開化以竄玉山西路之防臣已派兵堅守涇旌
太石青池六城東路之防必由浙境經過臣已飛咨左宗棠沈
葆楨分別扼守以期節節堵遏力保上游完區其金陵洪逆老
巢賊氣尚固糧食未竭臣第曾國荃日夜憂灼臣囑令不求速
效但求穩慎以期仰副
聖主摩念南甯謀出萬全之至意所有臣感激下忱並近日
軍情謹繕摺由驛具奏伏乞

皇太后

皇上聖鑒謹

奏

曾文正公奏稿

卷之二十四目錄

淮南鹽運暢通力籌整頓摺

同治三年正月十二日

近日軍情片

官軍攻復績溪并在歙獲勝摺

正月二十七日

攻克鍾山石壘金陵合圍摺

二月十二日

近日軍情片

覆陳接統揚防大員片

二月二十七日

遵旨籌議停補額兵摺

近日軍情片

奏稿卷二十四目錄

江西牙釐請照舊經收摺

三月十二日

近日軍情片

克復句容縣城摺

三月二十五日

近日軍情片

謝交部從優議敘

恩摺 三月二十七日

克復金壇縣城摺

四月十二日

徽州防軍挫失摺

全日

李世忠開缺回籍摺

全日

近日軍情片

憑陳餉絀情形片

淮南鹽運暢通力籌整頓摺 同治三年正月十二日

奏為淮南鹽務運道暢通力籌整頓以冀規復舊制恭摺仰祈
聖鑒事竊臣於上年九月二十二日覆奏京倉需米摺內曾將
籌辦南漕情形略陳大概在案伏查淮南鹽課甲於天下自長
江梗阻引岸廢弛疊經前督臣於咸豐四年奏辦就場抽稅販
戶下場網鹽收課甚微又於七年奏改設局征稅令水販就棧
採買稍有成效但每年所徵課銀較全盛時尚不及十分之一
總因楚西引地未通鹽無去路是以課無來源現在江路肅清
運道暢行無阻所有楚西各岸自應趕緊設法運鹽濟售力圖
整理而籌辦之難大端有二一在鄰鹽之侵灌太久西岸則食

秦稿卷二十四

浙私粵私而兼以閩私楚岸則食川私粵私而兼以潞私引地
被占將及十年民既藉此以濟食官亦藉此以抽釐積重難返
久假不歸勢不能驟行禁絕一在釐卡之設立太多淮鹽出江
自儀徵而金柱關而荻港而大通而安慶而華陽鎮以達於楚
西層層設卡處處報稅均以鹽釐為大宗諸軍仰食性命相依
勢不能概行裁撤博訪眾論核定新章按切今日之時勢仍
仿昔年之成法大致不外乎疏銷輕本保價杜私四者請為我
皇上竊陳其略自鄰鹽侵佔淮界本輕利厚淮鹽不能與之相
敵江楚百餘州縣徧地皆是查之不勝其煩堵之且恐生變計
惟重稅鄰私俾鄰本重而淮本輕庶鄰鹽可以化私為官而淮

鹽亦得逐漸進步現已咨明湖廣江西各督撫將鄰私金酌
量加抽聽鄰鹽與淮鹽并行不悖譬之田產被客民佔據田主
初歸姑與客分耕而食待至淮運日多銷路日暢然後逐佔田
之客申鄰鹽之禁此疏銷之略也近年楚西之鹽每引完釐約
共在十五兩以上所分濟者下游為都興阿之餉馮子材之餉
李世忠之餉上游為與官文部下之餉皆萬不可停者與
各處咨商鹽釐不能全停未始不可暫緩除揚鎮兩防宜照舊
額外其餘未始不可少減酌定新章前之逢卡抽收者今改
為到岸售銷後彙總完釐分解各軍前之收十五兩有奇者今
改為楚岸每引抽銀十一兩九錢八分西岸每引抽銀九兩四

秦稿卷二十四

錢四分皖岸每引抽銀四兩四錢既減釐以便商又先售而後
納此輕本之略也商販挾貨求利無不願價值昂保而勿失
然不由官為主持往往見小欲速跌價搶售其始一二奸商零
販但求卸貨而先銷不肯守日而賠利其後彼此爭先愈跌愈
賤如風捲潮退雖欲挽回以保成本而不可得官與商俱受其
害現於楚西各岸設立督銷局派委大員駐局經理鹽運到岸
令商販投局掛號懸牌定價挨次輪銷時而鹽少小民無食貴
之虞時而銷滯商賈無虧本之慮此保價之略也鹽法首重緝
私大夥私梟明目張膽猶不難派兵捕拏最易偷漏者包內之
重斤船戶之夾帶所謂官中之私查禁尤難現經改復道光三

十年舊章每引正鹽六百斤分細八包每包另給涵耗七斤半包索三斤半共重八十六斤由臣刊發大票隨時填給并於大勝關大通安慶等處派員驗票截角如有重斤夾帶立即嚴加懲究提鹽充公其各岸之兼行鄰鹽者亦必另給稅單苟無單而販私即按律而科罪此杜私之略也茲四者均就目前之要務及道光年間之成規參酌而損益之無論官運營運悉照商運一律辦理至應完課銀因鹽釐為數過重未能遽議加增仍照咸豐七年奏案徵收向來鹽課按半年奏報一次今擬將各處彙收之釐亦分上下半年隨課並報以便部臣有所稽考惟兵燹之餘戶口大減以今日之民數照承平之引額恐運銷不

秦稿卷二十四

三

及一半加以鄰私充斥挽復非易殷商絕少招徠尤難能否漸有起色殊無把握臣惟有督飭署運司忠廉實力講求以期國課軍需兩有裨益所有淮南鹽務運道暢通力籌整頓緣由理合恭摺具奏伏乞

皇太后

皇上聖鑒訓示再淮北以鹽抵課紊亂舊章疲壞已極經部

奏奉

諭旨飭令設法辦理容俟辦有頭緒另行覆奏合併陳明謹奏

近日軍情片 同治三年正月十二日

再近日軍情金陵城中積糧未罄仍為負嵎死守之謀另股分擾上興埠力山柘塘等處十二月二十八夜窺犯溧水該城守將王可陞登陣防禦賊不得逞偽侍王勾結堵逆黃文金及廣德餘黨於正月初二日由甯國縣上竄初六日已至績溪人數頗多勢甚剽疾意在衝過徽州直上江西沈葆楨探得賊勢趨重東路於臘底調韓進春五千餘人移防玉山調席寶田等軍萬人移防婺源臣亦調毛有銘一軍由安慶過江馳赴休甯均為江皖交界游擊之師惟連日大雪數尺各軍不能成行未知果不落後著否深為焦慮合將大概情形由驛附陳伏乞

秦稿卷二十四

四

聖鑒謹奏

官軍攻復績溪并在歙獲勝摺

同治三年正月二十七

奏為賊竄績溪旋經官軍攻復并在歙南截剿獲勝恭摺馳陳仰祈

聖鑒事竊偽侍王李世賢賊黨由甯國縣竄入績溪臣於正月十二日附陳大概在案自新正以來徽州等處探報均稱侍逆擁眾上行將由徽浙以竄江西溧水等處探報則稱侍逆尚在溧陽將攻溧水以救金陵二說互異合各路稟報參觀則竄徽者侍賊之黨也約分四枝以一枝趨績溪以一枝趨績屬之大石門轉向歙縣南鄉以二枝趨浙江之昌化上窺遂安正月月初六日績溪既陷賊即延踞雄路孔靈等處意將直撲徽州

奏稿卷二十四

府城署皖南鎮總兵唐義訓於初八日率所部八營自徽城出紮吳山鋪分駐新管地方俄有紅衣悍酋帶馬步賊隊層層擁至我軍列陣迎戰傷賊馬二騎斬執旗賊數人唐義訓乘賊少卻催軍偏剿自龍塘以達雄路盡毀賊館賊向績城孔靈兩路退走回顧各山賊旗展動恃有後援旋馬轉鬪我軍奮力猛擊斬賊尤多比及日哺收軍適左宗棠部將王開琳督帶老湘營由屯溪馳至唐義訓與之商定次日會師進攻初九日王開琳率隊由臨溪大路進唐義訓率隊渡過臨溪對河與賊戰於孔靈陣斬百餘賊追襲十數里將為薄城之計王開琳自臨溪驅賊至七里牌踰卡而登直抵城南一帶賊遽返走入城唐義訓

麾兵夾擊斜入城西賊由東北兩門遁出諸將士乘勝併進馳剪尾股立復績城仍回臨溪下寨此正月初八日擊敗雄路

股匪初九日會復績溪縣城之情形也維時賊之在大石門者已由大嶺竄至鴻琴七賢方村等處係歙之阜南鄉距城三四十里其在昌化境內已由白牛橋竄過威坪街口大周圍等處係歙之水南鄉距城亦祇百有餘里王開琳以賊注南路慮越休甯斜竄而上也引軍回駐屯溪唐義訓則出佛嶺及南源口以截之初十日唐義訓前隊既發調知大周圍下游有賊過河急揮後隊冒雪追及忍寒決戰頗有殲擒旋聞績溪敗賊并聚於鴻琴七賢各村落不可不移軍往剿是夜駐師南源口十一日風雪轉厲唐義訓部隊迤邐而進賊不虞官軍之驟至惶遽失措多有蹲伏雪中而就戮者流血沒脛雪泥盡赤我軍入村搜捕俘執其酋誅夷凍餒之匪不復成伍十二日唐義訓迎擊昌化另股十三日追剿深渡零賊沿途抄殺正擬進取街口威坪一路詎此路之賊已竄往遂安所屬之郭村而王開琳屯溪一軍旋出自際嶺赴援遂安矣此初十至十四等日截剿歙縣南鄉疊獲勝仗之情形也查此次侍逆各黨上犯股數甚眾意在衝過徽州就食江西腹地雖經唐義訓王開琳等攻克績溪旋有歙南之捷徽郡暫告肅清而遂安一帶賊勢尙重現又擾及開化之馬金街該處一通休甯一通婺源一通常玉兩山

奏稿卷二十四

臣所謂毛有銘一軍於十七日由安慶渡江計此時可抵休甯
沈葆楨所派席寶田等移守婺源之軍韓進春等移守玉山之
軍亦據先後到防除飭各軍扼要分堵力保江西藩籬外所有
官軍攻復績溪并在歙南獲勝緣由謹繕摺由驛五百里具奏
伏乞

皇太后

皇上聖鑒謹

奏

奏稿卷二十四

七

攻克鍾山石壘金陵合圍摺 同治三年二月十二日
奏為官軍攻克鍾山石壘扼斷太平神策兩門遂合金陵城圍
恭摺馳陳仰祈

聖鑒事竊金陵一城延亙百有餘里自曾國荃駐師雨花台以
來奪取附城諸要隘東西南三面悉為我有惟鍾山偽壘尚未
克復城北兩門尚未合圍終不能制賊之命上年十一月間穴
地轟城未遽得手不得不經營城北先扼糧路為布合長圍之
謀曾國荃商之楊岳斌飭派彭楚漢丁泗濱各師船雪夜巡江
見奸民小划載米偷渡輒要而奪之以斷江面之接濟又派朱
洪章武明良熊登武羅雨春沈鴻賓蕭開印等營各出三成隊

奏稿卷二十四

八

繞過鍾山之後分夜輪擊以扼陸路之接濟然城北地面太寬
洪逆與忠酋踞守老巢仍堅伏而不動其兩夜搬運賊糧亦有
防不勝防之慮曾國荃調聿志俊五營渡江守金柱關騰出朱
南桂等六營助圍金陵甫至三汊河適值大雪連朝平地數尺
人馬阻絕頓兵未發比至正月十六日始令陳萬合胡克安帶
桂後等營由草鞋夾登岸而朱南桂率黎冠湘彭維祥等繼進
將欲移營城北旋於二十夜偵知忠酋之子偽二殿下率黨數
千自太平門赴句容護糧進城經朱洪章等潛約各營伏兵要
路羣起截擊斬七百餘級執二百餘人棄糧阜積狼籍道左次
日曾國荃親督朱南桂張詩日譚國泰梁美材等各率親兵槍

隊至洪山北固山神策太平等門外周歷形勢詳勘營基適忠
酋先由城中糾大股出鍾山之南猛撲嘉字營濠牆爭拔地鉞
躍躍欲上我營以槍礮憑牆環擊賊不少卻朱洪章與武明良
等見賊抵死來犯知非痛剿無以挫其鋒遂留兵守定營寨一
面率隊出濠分路夾擊朱洪章羅雨春沈鴻賓等向右路武明
良武義山等向左路舉旗直前搏戰移時殲賊數百賊乃返走
上山鍾山之巔有石壘偽名曰天保城羅雨春攀崖直上中槍
幾墜沈鴻賓率哨弁繼至各挾火毬火箭從壘後擲入賊多冒
火突出各弁勇從礮眼中肉薄而登所遇輒殲出壘之賊又經
朱洪章武明良等四出抄殺無一得脫立將鍾山石壘克復以

奏稿卷二十四

九

長勝營四哨守之二十三等日賊又兩次來撲會國荃撥軍
擊退後遂飭黃潤昌熊上珍移駐山嶺分戍天保城二十四日
派蕭孚泗蕭慶衍馬步十二營出山北列隊太平門外護修二
壘以王遠和等湘後左右營守之維時梁美材所部紮洪山朱
南桂所部紮北固山堵住神策門大路僅餘元武湖一段無兵
分駐然隔水甚寬援賊不得入城賊不得出而金陵城北之圍
自此合矣臣查會國荃屯兵金陵苦守苦戰將及兩年始將城
外數十石壘全數攻克抄過北路以成四面包舉之勢其距城
百里之外如鎮江東垣溧水金柱關均有重兵駐守宜興溧陽
二縣又新經蘇軍克復外援將絕糧米無多仰仗

聖主威福如果克此堅城當不致有大股逸出貽患他方惟是
圍師不滿五萬分布九十餘里偪困數十萬賊深慮窮寇衝突
抵隙蹈瑕譬之堵塞河決合龍固屬可喜走埽亦復可虞每念
臣弟國荃才力淺薄荷此重任臣尤惴惴如履春冰除飭各營
加倍穩慎外所有官軍攻克鍾山偽城金陵合圍緣由謹繕摺
由驛五百里具奏伏乞

皇太后

皇上聖鑒謹

奏

奏稿卷二十四

十

近日軍情片 同治三年二月十二日

再近日上游軍情侍逆之黨偽凜王一股於正月十七日由胡樂司續竄續溪十三都時唐義訓在歙南剿賊移軍馳至績境賊見官軍即走僅斬尾隊數百而還其另股之闖入遂安者十五十七等日經王開琳迎擊於中洲昏口一帶疊有斬擒賊乃由馬金嶺華埠分枝一向婺源一向玉山其向婺源者由白沙關內犯席寶田等軍於二十日在規橋頭大獲勝仗其向玉山者由七都球內犯韓進春一軍於二十三日在洋口大獲勝仗該逆雖屢經敗挫而銳意上竄但求覓食以偷生絕不返顧以圖全現已繞至廣豐又繞至鉛山湖坊勢將蔓延腹地窺伺撫

奏稿卷二十四

建兩郡 臣調席寶田一軍援剿廣玉撫建等處又與撫 臣沈葆楨咨商或添調繼果等營回顧江西腹地所幸此次竄江尚非大股凶悍之賊除忠逆紮在金陵勢難他竄外如堵逆黃文金尚在湖州輔逆楊輔清未知的在何處侍逆溧陽老巢新為蘇軍所破聞該逆率其黨王歸併湖州目下湖州賊數極多由安吉孝豐昌化遂安以竄江西毫無阻隔如侍堵等逆接續上竄則三省交界之游兵江西內地之防兵均嫌單薄 臣當嚴飭唐義訓毛有銘等軍慎守徽休兼顧馬金以固藩籬所有近日軍情理合附陳大概伏乞 聖鑒謹奏

覆陳接統揚防大員片 同治三年二月十二日

再 欽奉正月二十九日

寄諭前因南岸各軍不敷分布曾經諭令會國藩酌量情形調都興阿所部渡江協剿復因甘省回匪鴟張特命都興阿前赴綏遠城會同德勒克多爾濟辦理防務并令富明阿即日前往揚州接統所部扼守江北惟念都興阿老成持重久於行陣深得兵心此次奉命北行所部揚防兵勇非有諳練戎機之大員不能接統富明阿患病尚未銷假且北省需才正急將來尚有另行簡用之處自應趕緊遴選將才以備任使現在江北文武大員惟吳棠剿捻向稱得力第伊久在清淮一帶督兵與揚防

奏稿卷二十四

兵勇素不相習且恐該漕督一離清河則徐宿一帶即有鞭長莫及之慮吳棠可否令其接統都興阿所部若移紮揚州能否兼顧清淮之處著會國藩酌覈具奏詹啓綸帶兵亦稱得力如令吳棠赴揚督兵能否駕馭得宜詹啓綸本任係徐州鎮總兵似可飭令赴任以重職守陳國瑞勇敢素著如令接統揚防或幫同吳棠辦理尙能融洽其能否獨當一面之處并著會國藩察看迅速覆奏詹吳棠陳國瑞二員內均難調派即著該大臣於所部各員內擇其謀勇兼全材能統眾者奏請派赴揚州接帶兵勇庶江北守禦不至空虚且與大江以南聯為一氣至黑龍江馬隊非有諳習情形之大員不能統率都興阿前赴綏遠

會辦防剿所有黑龍江馬隊即可令其隨帶北來藉資得力其餘都興阿所部兵勇均著曾國藩仍遵前旨分別布置調派等因欽此仰見

聖慮周詳無微不至臣查漕運督臣吳棠久踐戎行閱歷最深江北情形亦熟實堪接統此軍惟清淮界連三省今日已成重鎮皖豫苗捻之餘黨山東幅教各匪之根株一日未除清淮一日不可無統兵大員爲之鎮壓揚州距清淮四百餘里難於兼顧誠如

聖諭該漕督一離清河則徐宿一帶卽有鞭長莫及之慮陳國瑞驍勇善戰罕有倫比惟年僅二十餘歲桀驁之氣未化近日

養病高寶境內縣署頗受其侮辱民間亦畏其騷擾又與李世忠積不相能斷難獨當一面以臣愚見宜令僧格林沁吳棠等挾以征戰收其猛鷲之用不宜使之接統揚軍并不可使之幫辦揚防恐長降將驕蹇之風亦杜揚滁互鬪之漸李世忠近稟復臣處除遵示酌留千餘人外餘限二三月一概散遣城卡一律交出雖可信該提督斷無變志而其部下素無紀律難保不另生枝節宜令陳國瑞與之隔絕愈遠愈妙詹啓綸亦係降將往年販鹽擾民聲名平常近歲漸就範圍都興阿北征之後恐非他人所能駕馭應如諭旨飭赴徐州本任以聯東豫之氣至臣所部各軍添募益多

奏稿卷二十四

十三

將材益少類皆樸謹自守之員實乏統率一路之選其昔年曾部者楊岳斌母病未痊終將領請開缺彭玉麟專管水師亦難更膺他任惟降補藩司唐訓方居心寬厚耐勞愛民戰守均屬嫻習於李世忠亦撫馭得宜若令接辦揚州防務可期妥適第才識稍短又係甫經奉

旨降補之員非臣下所敢奏請惟有恭候

皇上聖裁特簡大員接統揚防一軍該軍馬隊自應隨都興阿全數北行其水師之紅單等船卽可由微臣兼轄酌量裁撤以節糜費臣謬膺重寄不克儲選賢將以備

朝廷之器使曷勝愧悚欽奉

奏稿卷二十四

十四

諭旨殷殷垂詢理合附片覆陳伏乞

皇太后

皇上聖鑒訓示謹

奏

遵 旨籌議停補額兵摺 同治三年二月二十七日

奏為遵

旨籌議恭摺陳仰祈

聖鑒事竊 臣接准部咨議覆湖北巡撫嚴樹森奏請停補江蘇

浙江安徽等省綠營額兵一摺奉

旨著各省督撫悉心籌畫妥議具奏又准前安徽撫 臣唐訓方

轉准親王僧格林沁咨稱皖境苗捻各匪漸次削平自宜整飭

營伍分兵駐紮庶可隨時彈壓地方以期日久安謐等因當經

札飭安徽善後局司道會查議詳去後茲據該司道等詳稱皖

省額設制兵自軍興以來大半奉調出征其畱存各屬城汛者

奏稿卷二十四

五

每因郡縣失陷遷避鄉里或附託軍營為當差餉口之計此時

地方新復各大小文武衙門文卷蕩然無存不但征兵之歸伍

與否一時未能查考即各屬之城汛弁兵應給薪糧亦且無從

核斷溯自楚師東下地方之守禦本無藉於州縣存城存汛之

兵況皖南壽春兩鎮皆在行間帶勇所轄各協營兵散處零星

該鎮將多不能隨時簡校而將弁各缺既無兵卒可使操防即

照常敘補亦屬無事可辦現雖皖北苗捻各匪次第削平然楚

豫捻股根株未盡駐防各軍尙難悉數全撤金陵賊勢窮蹙屢

欲潰突江西其皖南各防亦尙未能鬆勁是皖省防剿彈壓諸

事宜仍須有大枝勇丁鎮駐其間原設營兵應請仿照浙江辦

法暫緩募補以節糜費等情具詳請奏前來 臣查浙江綠營業

經左宗棠覆奏暫行撤裁將弁暫緩敘補奉

旨允准在案安徽 一省被賊蹂躪最久原設綠營額兵散亡殆

盡應如該司道等 所議仿照浙江成案潰卒不准收伍閒存零

星孱弱之兵即予 一律裁撤其營汛將弁缺出并請暫緩敘補

統俟一二年後軍 事大定或挑選勇丁或招募鄉民次第簡補

以實營伍而復舊 制庶幾兵歸實用餉不虛糜於地方戎政較

有裨益所有遵

旨議覆緣由謹會同安徽撫 臣喬松年繕摺具奏伏乞

皇太后

奏稿卷二十四

六

皇上聖鑒訓示謹

奏

近日軍情片 同治三年二月二十七日

再近日軍情金陵首逆并未出城猛撲僅於水西旱西兩門放出老幼婦女萬餘人為節省米糧之計曾國荃悉心布置總以使賊不能衝出為要鮑超東壩之師久無戰事臣檄令分營進取句容丹陽一帶如克復句容即以全軍駐之專防金陵城破後截剿冒死外竄之賊不令貽患他省廣德州踞匪亦以糧盡棄城於十五日遁歸湖州目下湖州羣匪麇集皆思上犯江西以覓生路所幸左宗棠分派各軍扼防淳安遂安華埠等處甚為周密臣亦嚴飭徽甯各防聯絡要擊其業經內竄江西者初九日席寶田馳剿金谿獲勝十一日收復縣城賊乃由瀘溪潛向建昌十二三四等日該郡水陸防軍在萬年橋等處三戰三捷十六日楊錦斌於郡南小挫一次韓進春於郡東獲勝一次十八日賊撲附城各營席寶田會同韓進春劉勝祥等軍併力迎剿大敗之有此一捷當可保全腹地完善之區沈葆楨又添調繼果營一軍回顧撫建或可驅除出境惟據席寶田稟撫建股匪人數實有八九萬眾未可輕視應請旨飭下閩粵兩湖一體嚴防免致變成流寇又煩兵力前奉寄諭飭臣即派楊岳斌戰船數百號駛赴鄱陽并將江忠義舊部歸其統帶等因查刻下賊由建昌退聚兜港近偪南豐在鄱湖之南五百里江忠義舊部精捷一軍駐守婺源新建等處又

奏稿卷二十四

十七

在鄱湖之北四百里均非水師所能兼顧江西水師有劉于溥孫昌國二軍盡數分布而精捷一軍業經奏調江忠朝統帶據報起程來江亦未便另派大員兼統是楊岳斌師船駛至上游無裨於江西防務似不若仍紮金陵江面尚可斷接濟而防竄越所有近日軍情及楊岳斌無庸飭調緣由理合附陳大概伏乞

聖鑒謹

奏

奏稿卷二十四

六

江西牙釐請照舊經收摺 同治三年三月十二日

奏為江西牙釐仍應歸 處經收以竟金陵將蕝之功恭摺奏

祈

聖鑒事竊 臣接准江西撫 沈葆楨咨稱以江西軍務方殷請

將茶稅牙釐歸本省經收於二月二十六日具奏鈔摺咨會到

臣伏查 軍奏撥江西之餉前後約有三項 臣初任江督奉

旨兼辦皖南軍務其時江南六府糜爛皖南僅存祁門一縣一

片賊氛無從下手 於是奏辦江西釐金以充東征諸軍之餉

奏撥江西漕折五萬以充徽甯兩防之餉連二年四月因各軍

逃亡過多又奏九江洋稅三萬以清積欠先後奉

旨允准沈葆楨到任後於元年九月奏明將漕折截留不解 臣

營二年六月奏留洋稅專充江忠義席寶田之餉并未解過 臣

營一次此兩項者 均未具疏覆奏力與爭辯此次截留牙釐

不能不縷陳而力爭者實因 統軍太多月需額餉五十餘

萬前此江西釐金稍旺合各處入款約可發餉六成今年則僅

發四成而江西撫 所統各軍之餉均發至八成以上 臣軍欠

餉十六七箇月不等而江西各軍欠餉不及五月即以民困而

論皖南及江南各屬市人肉以相食或數十里野無耕種村無

炊煙江西亦尚不至此請我

皇上欽派大員察看東南數省果江西之軍民較苦乎抑皖南

金陵之軍民較苦乎假令沈葆楨奉使巡視皖吳一次果行軍

於江西較難乎抑行軍於皖南金陵較難乎知必有不辨而自

明者 於三省皆係轄境非敢厚於皖吳而薄於江西也無論

何人處 之地勢不得不出於此也今蘇浙之省會已克金陵

之長圍已合論者輒謂大功指日可成元惡指日可斃以 觀

之洪酋與忠逆堅悍異常屢掘地道俱未得手本無糧盡確耗

又城中新種麥禾青黃彌望 之愚計諄囑會國茶飽超等總

須力扼竄路不使逆酋挾大股衝出貽患他方至克復之遲速

尚難預計往昔庚申之春和春張國樑大軍合圍功敗垂成彼

時圍師比今日多二萬人餉項存營者尚數十萬徒以遲延未

發尚為軍士藉口全局決裂況今日餉需奇絀朝不謀夕安得

不爭江西之釐以慰軍士之心此 之隱衷外人詫為過慮惟

冀

皇上鑒亮者也前代之制一州歲入之款置轉運使主之疆吏

不得專擅我

朝之制一省歲入之款報明聽候部撥疆吏亦不得專擅自軍

興以來各省丁漕等款紛紛奏留供本省軍需於是戶部之權

日輕疆 之權日重然疆 既得專筦利權則督與撫事同一

律不得又有輕重主客之分 營細繹會典事例大抵吏事應

由撫 主政兵事應由督 主政就江西餉項論之丁漕應歸

沈葆楨主政以其與吏事相附麗也釐金應歸處主政以其與兵事相附麗也釐金之起始於咸豐三年雷以誠倡辦於揚州專為髮逆兵事而設初非

國家經制之款臣忝督兩江又縮兵符凡江西土地所出之財臣皆得奏明提用即丁漕洋稅三者一分提濟用亦不為過何況釐金奏定之款尤為分內應籌之餉不得目為協餉更不得稱為隔省代謀如江西以臣為代謀之客則何處是臣應籌餉之地謂安徽應籌耶則喬松年亦得執本省隔省之說以相拒謂江南蘇松各屬應籌耶則李鴻章兵數之多亞於臣處戰事之殷倍於上游除議定月解四萬外勢難再行提用謂江北

奏稿卷二十四

淮揚各屬應籌耶則襄下河蕞爾之區臣與吳棠富明阿馮子材四人爭剝競取其何能給且畛域之說大明則鎮揚兩防斷不足以自存而僧格林沁多隆阿等不兼封疆之帥必有窒礙難行之日臣竊以為不可臣所最抱歉者廣東七成之釐金湖南東征局之釐金皆非臣分內應得之餉用兵太久乞鄰救飢私衷耿耿如負重疚然毛鴻賓憚世臨不遠奏請停止者知臣處人不敷出甚鉅也一俟軍務稍定臣即當奏明先還廣東七成之釐次罷湖南東征之餉斷不肯久假不歸蹈專利之陋習而不自覺此心籌之熟矣抑臣又聞同僚交際之道不外二端曰分曰情巡撫應歸總督節制見諸會典載諸坐名

救書臣又曾奉

特旨節制江西巡撫臣以才力不逮再三懇辭

特旨之節制一時之異數臣得而辭之會典救書之節制數百年之成憲臣不得而辭沈葆楨亦不得而違分也軍事危急之際同寅患難相卹有無相濟情也沈葆楨於臣處軍餉論分論情皆應和衷熟商元年八月間臣軍疾疫大作死亡無算而忠逆大舉援救金陵危險萬狀沈葆楨乃於是時截留漕折銀四萬既不函商又不咨商實屬不近人情二年潯關洋稅一案臣奏撥三萬兩奉旨允准沈葆楨旋奏留專供江席二軍之餉欽奉

奏稿卷二十四

寄諭以皖營軍餉短絀飭撫臣妥籌兼顧如數分撥逮關道蔡錦青分撥萬五千兩解至臣營沈葆楨乃大怒嚴札申飭蔡錦青并移咨詰問臣處但有峻厲之詞絕無婉商之語此次截留釐金亦并未函商咨商一次不知臣有何事開罪而不肯一與商酌以為事勢緊急無暇遠商耶則前年漕折去年洋稅今年釐金三事中豈無一事可以先商後奏者殊不可解人恆苦不自知或臣明於責沈葆楨而闇於自責臣例可節制江西或因此而生挾權之咎臣曾保奏沈葆楨數次或因此而生市德之咎幾微不慎動成仇隙然臣閱世已深素以挾權市德為可羞頗能虛心檢點即如漕折一案臣曾函商一次咨商一次洋稅

一案臣接撫臣峻詞詰問之咨曾經密函婉復茲特鈔呈御覽以明臣不敢有挾權市德之意自此二案外臣之公牘私函在江西者極多其中如有挾權市德措詞失當者請旨飭下沈葆楨多鈔數件進呈倘蒙

皇上摘出指示或有顯過臣固甘受譴罰即有隱隱臣亦必痛自懲艾若臣返躬內省則自覺對沈葆楨而無愧即訊諸大廷質諸鬼神而無慙而沈葆楨專尚客氣不顧情理實有令人難堪者臣亦不復能隱忍不言矣臣處自閩截去江西釐金之信各軍人心皇皇轉相告語大局實虞決裂合無籲懇天恩飭諭江西釐金仍全歸臣處經收以竟將蕝之功俟金陵

奏稿卷二十四

克復之日立即請

旨分成勻濟一面派撥重兵回援江西兼顧湖南其金陵未克以前除彭玉麟劉子潯孫昌國三軍需餉五萬有奇循舊仍由江西釐金供支外其江席兩軍萬人臣亦必於釐金項下竭力分撥特不可遽改局面動搖軍心致生功虧一簣之變所有江西身釐應歸臣營緣由恭摺由驛馳奏伏乞

皇太后

皇上聖鑒訓示謹

奏

近日軍情片

同治三年三月十二日

再近日軍情金陵城賊常放婦女幼孩出城以為節食之計洪西忠逆堅忍異常前此兩次掘穿地道及二月初七日雲梯猛攻均未得手鮑超一軍於三月初六日與賊戰於句容城下大敗之次日遂復縣城拾偽漢王項大英偽列王方成宗從此金陵以外城壘悉為我有當不能以入股衝出貽患他方惟營中餉需奇絀米糧昂貴深慮軍心不固另生波折杭城克復後賊由德清併入湖州該處股數日多恐仍將覓食上竄臣與左宗棠之師在於徽浙之交節節布置以防羣賊再犯江西其前此竄入建昌境內者一枝趨南豐一枝趨新城并分股擾及廣昌

奏稿卷二十四

界上席寶田劉勝祥韓進春等均在南豐二月二十三十四日屢獲勝仗斬偽天將譚福於陣其精捷營一軍亦由貴溪馳赴南豐新城若能克復該縣使前股不能立定巢穴則後股亦難跟蹤上竄庶剿辦不甚費手除句容戰狀另案續報外合先附陳大概伏乞

聖鑒謹

奏

克復句容縣城摺 同治三年三月二十五日

奏為官軍攻復句容縣城生擒二酋乘勝剿平寶堰賊壘恭摺
馳陳仰祈

聖鑒事竊鮑超一軍進攻句容克復縣城生擒兩偽王臣於本
月十二日附陳大概在案先是句容踞逆偽守王方海宗部黨
攜貳有誓為死守者有願為內應者方海宗知眾心不固又聞
鮑超大軍將至即在金壇寶堰等處糾結偽翰王項大英偽列
王方成宗兩大股同守句容以拒我三月初五日鮑超親督各
營冒雨疾馳行過溧水攻三岔賊卡破之初六日軍次句容所
屬之塔岡距城祇十里正在修築營寨間詎城中突出三四萬

奏稿卷二十四

眾密布山岡彌望皆賊意將乘我立營未定悉銳猛撲鮑超即
令周有勝王衍慶鄭德亮等七營直前迎敵以宋國永帶領譚
勝達易昌煥段福唐仁廉等八營攻其左以馮標帶領劉順隆
何田玉李文益孫開華等八營攻其右兩軍相搏戰至數時殊
不少卻黃海清唐得勝閃連升劉得勝蔣魁南等各率騎隊分
左右兩路越過田隴直抄賊後雲慶更以步隊佐之賊見歸
路將斷大譁欲遁我軍且戰且進逼近城下殲賊數千附城四
壘之賊相顧錯愕亦即一鬩散走鮑超料城賊膽落利在速圖
乃飭各營齊施槍礮徹夜環攻漏至四下忽見城東一角火光
燭天知內變已作急引軍東向而賊已啓南門傾巢衝出諸將

曾文正公奏稿 卷二四

士乘勢截斬賊尤多并縛二酋以獻俄有翟本邦等內應七
人叩馬通報指擒賊而言曰此偽翰王項大英偽列王方成宗
也遂於初七日黎明相率入城立將句容克復派員檻送二酋
前來安慶臣於十八日訊明正法距句容四十五里曰寶堰南
通金壇北達丹陽有五堅壘在焉維時句容逆首方海宗遁至
該處與壘賊偽顯王袁得厚合謀阻進兵之路初九日鮑超率
隊前往摩壘而攻賊但穴牆施礮堅閉不出是夜派婁雲慶唐
得勝等潛伏壘下又派馮標鄒連陞胡良作等五路併進萬槍
齊發子如雨集賊漸不支各軍負草填壕爭先躍入一壘既破
眾壘盡亂壘中逸出之賊又經伏兵掩殺蹙逼入河者無算方

奏稿卷二十四

逆袁逆遁往金壇丹陽而去奪獲大礮二十一尊礮船旗幟多
件據提督鮑超咨報前來臣查句容一城與金壇丹陽鼎足而
三實為金陵之左輔鮑超率師進剿仰賴
天威一戰克之并執二偽王毀五賊壘而金陵亦有日孤之勢
裨益全局厥功甚偉所有尤為出力之提督銜甘肅涼州鎮總
兵馮標提督銜記名總兵譚勝達唐仁廉均請
交軍機處記名遇有提督缺出請
旨簡放記名總兵周有勝易昌煥李文益均請
賞加提督銜提督銜記名總兵劉順隆王衍慶記名總兵張玉
田均請

四〇三

簡放總兵實缺副將銜安徽補用參將黃海清請以副將仍舊原省儘先補用并

賞給勇號副將孫開華請

賞加總兵銜并

賞給勇號總兵銜四川卽補副將陳永康四川卽補副將羅運昌均請無論四川推題副將缺出將該員等先行補授羅運昌并

并

賞加總兵銜副將段福請遇有副將缺出將該員先行補授并

賞加總兵銜副將銜參將唐得勝請以副將儘先補用并

賞加總兵銜游擊洪容海請以參將儘先補用并

奏稿卷二十四

賞加副將銜降人翟本邦張宏發楊文明龔福全張明道張志寬童得勝等潛為內應圖功均請

賞給守備虛銜其餘在事出力員弁可否容

查明彙案保獎出自

出自

聖恩卽選知府田芬副將銜參將陽茂泰花翎都司易新勝都司黃昌陳光謨花翎守備向忠國等均係力戰陣亡仰懇

敕部從優議卹所有官軍克復句容縣城并毀寶堰各壘緣由謹繕摺由驛五百里具奏伏乞

皇太后

皇上聖鑒訓示謹奏

皇上聖鑒訓示謹奏

近日軍情片

同治三年三月二十五日

再近日軍情杭州賊首陳炳文汪海洋等分道犯徽三月十三日唐義訓戰於徽郡之南殺傷相當毛有銘在郡東三十里外迎戰失利十四日羣賊併犯郡城圍攻東北兩門力戰卻之十五十六等日官軍出城奮擊均獲勝仗詎湖州偽侍王大隊續由昌化而來十七日唐義訓毛有銘渡河進剿竟大挫於楊村刻下嶺內遍地賊氛徽休祁黟四城岌岌難保而賊之前隊已紛紛由龍灣婺源上竄江西後股續至者猶復絡繹不絕蓋侍堵輔三巨酋實有二十萬眾素所稔知曾經兩次陳奏湖州克復悉數由徽竄江其餘杭德清武康之賊不知其詳據報甚多且整也金壇丹陽業經鮑超會同鎮揚兩軍克復常州亦有克復之信計蘇境各賊皆將繞由浙皖竄犯江西現調石埭二營青陽四營入嶺援救徽州又調鮑超全軍回援江西道途太遠竊恐已落後著欽奉疊次諭旨垂詢能否親往金陵督辦剿賊目下徽境賊勢如此浩大上游無所秉承自不宜前赴金陵顧彼失此所有金陵圍師仍責成曾國荃一手經理圍師諸將中有蕭慶衍部下之亨中營於昨十六七八等日開餉曾國荃憂惶無計覆函囑其欠餉太久不可過繩以法只宜多方撫慰藏此一簣之功又囑其不可令大股衝出貽患他方并囑萬一金陵幸克卽由曾

奏稿卷二十四

奏

國荃彭玉麟楊岳斌三衙將大概情形先行馳奏以慰

聖懷其詳細戰狀則轉咨官文與會奏至漢中髮捻各匪前

聞竄至鄧州內鄉之交頃接稟報鄂軍成大吉等於三月初六

日在樊城附近大獲勝仗賊已全竄豫境該逆欲以舟師水陸

下竄援救金陵斷無可慮所慮者由豫皖陸路衝至鳳嶺廬州

巢縣一帶據船南渡圖解金陵之圍是應防者在安慶以下之

江面不在蕪黃以上之江面也臣現咨商楊岳斌彭玉麟於浦

口以上七百里要津渡口節節布置以防漢中東援之賊至鄂

中須用水師該省本有礮船四五百號下游如楊岳斌全軍向

食鄂台之餉朝調則朝往夕調則夕往前准官文嚴樹森咨調

李濟清萬化林二營臣飭派前往想已到矣欽奉十六日

寄諭飭於楊岳斌彭玉麟二人中酌分一人溯流而上以資防

剿并統率鄂省陸軍之處候接到官文來咨再行察酌辦理除

金壇丹陽之克徽州之戰另行分案續報仍俟查明徽軍敗挫

實情參劾諸將自請嚴議外合先附陳大概伏乞

皇太后

皇上聖鑒訓示謹

奏

謝交部從優議敘 恩摺 同治三年三月二十七日

奏為恭謝

天恩仰祈

聖鑒事竊臣於三月十五日接准吏部咨開同治三年正月二

十三日內閣奉

上諭協辦大學士兩江總督曾國藩督軍剿賊節制東南數省

盡心區畫地方以次削平舉賢任能克資羣力著交部從優議

敘等因欽此當即恭設香案望

闕叩頭謝

恩訖伏念臣猥以凡庸謬膺重寄轄境太廣柄任過隆事變彌

多智識愈短當咸豐十年初膺鉅任審已量分已深知不克稱

職特以其時江浙糜爛不敢畏難謝事姑以菲材承乏其間待

事機之徐轉厥後安慶克復大局稍定臣即三次具疏請

皇上簡派大臣分任其責未蒙

俞允其節制四省之

命臣亦經三次疏辭仰蒙

聖慈垂鑒故臣於浙江兵事并未與聞幸託

皇太后

皇上鴻福東南數省將次削平皆由

聖主知人之哲擢用封疆將帥俾得各展所長收茲成效如臣

聖主知人之哲擢用封疆將帥俾得各展所長收茲成效如臣

碌碌何敢貪天之功掠人之美金陵合圍以來附近各城壘雖已悉為我有而首逆堅守老巢蕩平尙稽時日蘇杭克復以後全局益振而窮寇紛奔求食窺伺皖南游繹江西驅除尙煩兵力補過不遑慚懼彌深迺荷

聖恩優加甄敘濫登上考聞

命之下感悚莫名臣惟有勤以補拙慎以圖功勉持不矜不伐

之忱益收羣策羣力之助庶幾仰答

高厚深恩於萬一所有微臣感激下忱謹繕摺專弁叩謝

天恩伏乞

皇太后

奏稿卷二十四

三

皇上聖鑒謹

奏

克復金壇縣城摺 同治二年四月十二日

奏為官軍進次金壇誘賊出戰乘勢攻克縣城恭摺馳陳仰祈聖鑒事竊金壇一城續經鮑超率師克復臣於三月二十五日附陳大概在案初鮑超既取句容遂平寶堰五壘該處東北有丹陽東南有金壇賊方分踞以與常州相犄角丹陽一路有富明阿馮子材會軍攻之其金壇一路灌濠成河自西洋村以達城根凡隔小河數十道三月十二日鮑超親督所部渡河競進將欲壁於城下俄得馮子材緘報丹陽賊勢甚重商令移師助剿鮑超即派婁雲慶周有勝等率馬步七營留駐金壇城外而自率十四營暫回句容十六十七等日金壇之賊擁眾出城疊

奏稿卷二十四

三

撲我營婁雲慶周有勝力戰卻之鮑超回句容後接馮子材請剿丹陽之書又接臣力保東壩之檄十九日乃飛馬傳知金壇城外各營盡行撤回句容以備分撥臣處之急甫經傳令轉念金壇撤營之時恐城賊追躡我後或致疏失乃親率全隊偃旗息鼓於二十日折回西洋村備擊金壇出巢之賊遂於後茅山一帶面面設伏令周有勝曹志忠等四營伏於茅山之左而以黃海清劉得勝等騎隊佐之令唐仁廉李文益等四營伏於茅山之右而以婁雲慶熊高望等騎隊佐之金壇逆酋盛明友聞官軍撤隊即糾城賊二萬餘眾悉力窮追官軍伏在山後屏息不動俟賊追過茅山正向田隴村落間進避而進鮑超揮令張

玉田羅運昌張遇春楊友益鄭德亮等突出中路萬槍齊發賊亦以洋槍小隊蜂擁來迎張遇春於羣子如雨之中衝入賊隊賊爲披靡鮑超催動號鼓伏兵四起旌旗滿山黃海清劉得勝等驅馬入陣截賊數段裏雲慶亦率熊高望等從山後抄出橫斷歸路賊不虞窮追遇伏倉皇失措棄械滿道各軍追殺五十餘里逼至金壇西門賊不敢進城而城賊亦啓南門盡向三仙關遁走我軍正在跟蹤追剿聞乃丹陽小路出賊一股自北而南循西洋村以至店埠連互不斷勢將出我後路鮑超傳諭各將士暫不入城乘勝分軍縱擊賊受重創前股竄往埠店大路而去後股仍由丹陽小路而逃據擒賊供稱此係常州城外

奏稿卷二十四

三

敗匪取道丹陽欲由建平廣德以上竄者也於是揚隊西洋村以備續至之賊一面移軍金壇卽於二十日收復縣城准提督鮑超呈報前來查金壇雖彈丸小邑而旁接丹陽內蔽常州亦賊所必爭之地鮑超因調隊暫回句容恐城賊躡追爲其所乘引軍設伏計破此城不特常州丹陽輔車相依卽金陵老巢愈成孤立實屬有裨大局游擊張遇春奮不顧身疾馳入陣至於受創幾絕尤爲偏裨中難得之材相應懇恩以副將儘先補用其餘出力員弁兵勇容卽彙入東垣句容各案查明奏保仰候恩施至參將鮑昌齡都司宋連陞王正禮均係力戰陣亡并請

敕部從優議卹以慰忠魂所有鮑超一軍攻克金壇縣城緣由謹繕摺由驛五百里具奏伏乞

皇太后

皇上聖鑒訓示謹

奏

奏稿卷二十四

三

徽州防軍挫失摺 同治三年四月十二日

奏為浙省賊股上犯徽軍挫失未能遏賊西竄恭摺馳報仰祈
聖鑒事竊偽聽王陳炳文偽侍王李世賢各酋由浙境先後犯
徽臣於三月二十五日附陳大概在案自杭州餘杭既克賊首
陳炳文汪海洋等黨分道出竄一由昌化出老竹嶺一由孝豐
出甯國績溪兩縣畢萃於徽郡之東南三月十二日毛有銘率
所部八營自休甯至郡商之唐義訓出城迎剿十三日唐義訓
出郡南毛有銘出郡東乃東軍甫抵新營不虞賊之驟至隊伍
未整猝然應敵前軍既挫後軍旋亂毛有銘抽刃警眾不能壓
住陣腳遂相率退入郡城唐義訓在南路之方村迎戰獲勝冒

奏稿卷二十四

五

雨追賊傍夕聞東軍失利亦即撤隊回城而賊已由吳山鋪分
繞桂林又繞出藍田富場等處自東而北而西面面傳烽直撲
城垣郡中大震十四日昧爽我軍既擊卻撲城之賊唐義訓出
城北向江村沙村兩路併進毛有銘出城西分軍為三一枝赴
巖市街一枝抄過鄭村碣田一枝趨古虹橋迎剿於富場之郊
遙望賊旗擁至密不見尾毛有銘督兵前進決戰兩時許部將
金茂榮楊德雲曾遇文死之我軍更以排槍環擊猛撲猛進而
鄭村碣田之師搏鬪方酣唐義訓亦自江村沙村擊散一股由
富場渡河而來於是合軍夾剿徧搜碣田槐塘棠樾唐模各村
落斬馘頗眾賊乃由巖市遁入屯溪圍撲該處營壘矣防守屯

奏稿卷二十四

美

溪之銓字兩營其將官為羊寅洪良輝被圍之後竭力堅守一
晝夜適毛有銘於夜半向屯溪疾進又有汊口三營前來助戰
時方天曙該逆不暇蓐食棄釜撤圍多向龍灣上溪口竄去毛
有銘即築營駐師屯溪此三月十三日官軍在歙東挫失十四
五日疊獲小勝之情形也十六日唐義訓率隊至齊武見羣賊
由山下麥隴中抄出分兩翼來迎即令勇士昇礮轟之殲賊騎
五人步賊爭相奔救我軍包過山麓夾攻賊後自蘇村霞川驅
出深渡薄有捨斬俄聞侍逆分股繞竄巖市以西而親督死黨
出深渡過河唐義訓知此股之既多且悍也乃令王品高王華
雲李祖祥等各帶哨勇畱駐朱村而自帶親兵及葛清泰一營
馳紮篁墩謀與毛有銘會師禦賊十七日朱村各營侵曉出隊
行次楊村詎深渡之賊已大至展旗一進洋槍礮發銳不可當
李祖祥唐廷揚謝捷勝楊德和等死之唐義訓由篁墩督軍繼
至突陣縱擊初尚得手屢進屢退裹入重圍賀義和左茂中謝
國雄盧大忠黃炳雲王炳信等又死之時毛有銘適在屯溪上
游渡隊途次聞警即飭各營分三路飛援毛有銘自外攻入唐
義訓自內衝出賊始披靡我軍追過十餘里山坳中忽有伏賊
一枝鼓噪而出敗賊亦返戈轉鬪剽悍無前各軍戰久力疲自
知不敵撤隊急走賊且於天晚路雜之中三面掩至遂至步伍
散亂將士損折棄械爭渡幾不能軍迨二更後毛有銘回營次

日唐義訓回郡賊已連宵西上直逼休甯自是歛休境內無地
非賊亦無路不梗布長圍以困我郡城而郡東之接踵而來者
仍復絡繹於道十八十九兩日唐義訓擊退薄城之賊并獲小
捷休甯守將劉長春等亦於十九二十等日一截賊於溪邊村
再截賊於汪金橋下汶溪藍田渭橋等處賊知兩城守禦尚固
乃戰者自戰行者自行由龍灣折嶺分竄婺源境內以達江西
之德興延及玉山矣此十七日追賊大挫及十六至二十等日
擊賊小勝之情形也伏查此次竄徽之賊號稱十餘萬眾論徽
軍眾寡懸殊誠不足以資抵禦然唐義訓毛有銘兩部合計將
及萬人除守徽休兩城屯溪港口外尚可得六千餘人苟其布
置得宜好謀力戰亦何致寇氛猖獗若此乃毛有銘到防日久
而十三日之戰全無紀律交鋒即退聲威一損賊燄頓熾唐義
訓十七日之役亦屬堵剿不力雖倖能保全徽休兩城而臨敵
債事咎無可辭相應請

奏稿卷二十四

毛

旨將署皖南鎮總兵唐義訓革職仍留署任按察使銜記名道
毛有銘革去勇號拔去花翎以知府降補仍留營差委以觀後
效臣調度無方并請

旨將臣交部嚴加議處至力戰陣亡之花翎參將金茂榮花翎
游擊銜都司李祖祥花翎都司唐廷揚藍翎都司銜守備曾遇
文都司銜守備賀義和左茂中藍翎守備楊德雲守備謝國維

盧大忠藍翎守備銜千總謝捷勝楊德和守備銜千總黃炳雲
把總王炳信等十三員并均請各照本職本銜
敕部從優議卹所有賊由徽州上犯各軍堵遏不力緣由謹繕
摺由驛五百里具奏伏乞

皇太后

皇上聖鑒訓示謹

奏

奏稿卷二十四

美

李世忠開缺回籍摺 同治三年四月十二日

奏為江北一律肅清提督李世忠遺散部眾交出城卡呈請開缺回籍恭摺仰祈

聖鑒事竊 臣於同治元年九月奉

命統轄滁州李世忠一軍是冬即值金陵髮逆渡江北竄攻陷和巢二年春間偽忠王復大舉北犯撲陷浦口江浦李世忠力保滁全六等城偽忠逆屢撲無廬桐舒直至六安連不得逞退而東竄官軍乘勝追剿克復二浦九洲江北肅清李世忠函告 臣處即請開缺回籍 臣正在復函熟商間適聞苗逆復叛壽州失守李世忠慷慨誓師親統所部赴淮助平苗黨十月之

奏稿卷二十四

三九

抄僧格林沁大兵擒斬苗逆淮甸重安該提督正將率師回滁乃因壽州下蔡有爭功互鬪之案又因師行缺米有沿途騷擾之說經中外臣工參奏疊奉

諭旨飭 臣會同僧格林沁查辦旋經僧格林沁將提督朱元興杜宜魁被害情形詳悉復奏李世忠亦咨呈 臣處請將所守五城交出所部營勇或另行調撥或遣散歸農聽 臣斟酌辦理經

屢次具奏并聲明俟三月底盡散五城兵勇後由 臣奏懇恩施准令赴任在案旋據該提督三月初六日文稱世忠於去臘傷病復發滿擬早得就痊藉圖報効詎當春令病益增劇舊傷亦發即欲遵照赴任實恐隕越貽羞且先人遺柩至今未能

安葬現擬俟各城交出兵勇盡行撤遣之後扶柩回里安葬并以調治傷病所有提督本缺世忠既不能赴任自應呈請開缺另擇能員補授以期營伍有神等語茲復接其三月二十七日

一函據稱日前陰雨過久所發餉鹽未克埽售各兵勇川資不敷尚未散盡惟全椒天長等城已於二十及二十四等日一併退清來安一城亦於四月初二日定即退出只俟贖價銀到隨將各弁勇飭催起程所有滁州六合兩城縱久不過初五六日均可撤退萬不能再有遲誤惟有趕將兵勇迅速催散俟散盡之後遵即赴轅面陳一切各等情前來查詢下游文武來皖者均稱此次遣散勇丁給與川資或發現錢或給鹽包少者四五

奏稿卷二十四

四

千多者七八千將領數十兩不等皆由李世忠散財和眾綏靖地方接喬松年來書亦言李營退出之五河釐卡業經該撫派員接辦讓出兩城全椒頗為安靜天長所遣之勇雖稍滋事不至為患等語是李世忠所設之卡所守之城均已交出歸官克踐前言 臣以各城既撤須兵替防無可調撥咨請吳棠派兵防守滁州兼顧來安咨請富明阿派兵防守六合而陳自明挑團之二千人則調赴南岸之池州駐紮遠離故土俾游勇之逗留滁屬者不得假託李世忠舊部之名滋生事端以清界限而便稽查至李世忠自投誠以來於今七年屢著戰功捍衛江北前此髮逆苗逆甘言煽誘該提督自矢忠貞堅逾金石上年助平

苗黨決計解兵引退官欠餉鹽五十餘萬包不求補給又出其
所藏資遣部下弁勇并捐建滁州學宮捐發滁屬農民牛種又
欲捐修雒河築新城捐助臣處軍餉此四者皆係巨款俟議定
確數再行分案具奏該提督李世忠於江淮軍務大定之後潔
身引退廣散資財不敢私爲己有尙屬深明大義合無籲懇
皇上天恩准予開缺回籍保全令名所遺江南提督一缺并懇
迅賜簡放以重職守所有李世忠撤勇交城呈請開缺各緣由
理合專摺具奏伏乞

皇太后

皇上聖鑒訓示謹

奏稿卷二十四

聖

奏

近日軍情片 同治三年四月十二

再臣前次奏報湖州丹陽均已克復常州亦有得手之說常州
係據委員探稟臣亦知其不確至丹陽一城係據溧水守將王
可陞之稟稱於二月十一日克復湖州一城係據左宗棠之咨
稱於三月初九日克復不知皆係訛傳湖州未克則黃文金楊
輔清是否由徽入江尙未可知常州未克則蘇軍能否分兵接
防東垣尙未可知臣倉卒陳奏不實惶悚曷極至近日軍情金
陵一軍在朝陽神策金川等門外開挖地道十數處賊於附城
一帶築月圍以拒之三月二十三二十五六等日攻破月圍焚
其火藥礮斃極眾而我軍前後傷亡亦近三千人當此之時除
卻嚴圍猛攻力禁接濟更無他法賊之由婺源境內闖入江西
者一聚德興一撲玉山又將延攪腹地臣前調鮑超率師西援
縱使李鴻章派兵替守句容東垣鮑軍亦難速到實恐緩不濟
急因派周寬世駐省七營金國琛馬步九營先從饒州一路進
援江西未知果否有裨鮑超於尙未援江之際囑令會同鎮揚
兩軍力攻丹陽翦除金陵常州之枝葉上游髮捻巨股已竄過
隨州棗陽將及黃德二郡意在假道鄂皖東援金陵前奉
旨飭於彭玉麟楊岳斌二人中派一人泝流而上統率鄂軍現
接官文來咨鄂省江面防剿有李濟清萬化林等師船足數分
布請於彭玉麟楊岳斌二人中商派一人布置九江以下臣即

商請彭玉麟率師上駛已於四月初九日過安慶初十日由安慶馳赴九江防剿北岸鄂皖江面兼顧南岸鄱湖都昌一帶自徽軍失利後臣慮婺源樂平饒州景鎮或致淪陷不意均得保全且聞竄江之賊因糧食不繼號令不一紛紛逃散仰託聖主威福此股或不足深慮惟皖北陸軍僅潁州六安廬郡巢縣等處置有防兵其餘潛太英霍桐舒等縣皆係昔年髮捻往來熟徑調守無兵空虛可慮臣睹此時事孔棘焦灼彌深惟有力疾調度勉措危局庶冀仰慰宸廑除各路戰狀彙案續報外合先附陳大概伏乞聖鑒謹

奏

奏稿卷二十四

聖

憲陳餉結情形片 同治三年四月十二日

再臣接准部文戶部於三月十六日覆奏摺內稱曾國藩軍營現在月餉每月湖北協濟銀五萬兩湖南協濟銀二萬五千兩四川協濟銀五萬兩江西協濟銀三萬兩外尚有廣東釐金及江蘇釐金等款為數甚鉅均可源源接濟縱各省報解稍有未齊通盤籌畫亦總可補苴支拄又於三月二十三日片奏內稱曾國藩軍營湖南湖北江西廣東四川等省每月協餉約計數十萬兩各等語查四川一省除戊午之冬己未之春兩次解過營銀二萬五千兩外近五年以來并無絲毫協解之款不知戶部以何處奏咨為據言四川每月協臣五萬請

奏稿卷二十四

聖

旨敕下該部鈔出原案知照臣處以憑查核湖南除東征局另抽半釐外間有協濟處之款然亦無月額二萬五千之多處亦未奏定有案本年尚未協解一次江西所謂三萬者當係指去夏奏撥洋稅言之此款僅據關道蔡錦青解過一批銀萬五千兩旋即退還矣廣東釐金係臣所不應得之餉亦臣所最抱疚之端然本年百餘日向僅解過銀九萬兩徒有專利之名究無救貧之實江蘇釐金係臣分應籌之餉然淮揚各屬向歸漕臣及鎮揚兩防抽收蘇松各屬向歸撫臣抽收蘇軍人數最多臣亦未便遽起相爭僅去秋議定由滬上月解台銀四萬亦未能如期按解本年僅解過一批三萬耳戶部所指六省供

臣之餉為數甚鉅實則所得極少臣向不肯以缺餉危苦之詞顯告

朝廷故戶部不得知其詳也江西湖南江蘇川廣五省臣既繼陳其略矣此外惟湖北一省與臣處交涉最多然亦無月協五萬之款自安慶克復以後於今三年鄂省并未解過臣台協餉惟楊岳斌水軍梁美材韋志俊陸軍李續宜舊部成大吉蕭慶衍蔣凝學毛有銘四軍歷食鄂台之餉而剿蘇皖之賊戶部所稱湖北濟臣餉項或即指此言之然官文與胡林翼嚴樹森數人者素抱剿滅金陵逆巢之志而此數軍者向歸湖北糧台報銷之營是蓋鄂軍剿鄰境之賊非鄂省協臣台之餉也自去冬

奏稿卷二十四

聖

以來湖北餉項亦絀疊准官文嚴樹森來咨楊岳斌蕭慶衍蔣凝學毛有銘梁美材諸軍鄂台只可發餉六成由臣處湊發一成臣雖勉強應允而臣下窮窘至此本部十萬人無以自存安能更覓一成之餉助供鄂軍相應奏明請

旨飭令官文嚴樹森將此數軍仍照昔年舊例一力供支或於六成之外酌添一二成始終以鄂兵鄂餉助皖助吳俾臣謀餉憂灼之情為之少減又如普承堯何紹彩兩軍本係唐訓方部曲降官以後撥隸臣處檄令分防巢廬郡兩城餉項均無著落現在淮甸澄清利源日廣相應請旨飭下喬松年將此兩軍交該撫調遣餉項由臨淮糧台支發

即歸該台報銷俾臣謀餉憂灼之情又為少減不勝大幸臣才識愚庸謬當重任局勢過大頭緒太多論兵則已成強弩之末論餉則久為無米之炊而戶部奏稱收支六省巨款疑臣廣攬利權如臣雖至愚豈不知古來竊利權者每遭奇禍外畏清議內顧身家終夜悚惶且憂且懼臣所居職位昔年凡六人任之

欽差駐金陵者一人總督駐常州者一人皖江以南徽防統帥一人甯防統帥一人皖江以北下而滁和天六全來歸臨淮控馭者為東路統帥一人上而英霍潛太桐舒六廬多隆阿等經營其間者五年為西路統帥一人臣謬以庸材兼此六事會

奏稿卷二十四

聖

經兩次奏請

簡派大臣來南會辦未蒙

俞允今兵弱餉絀顛覆將及而髮捻巨股大舉東犯自英霍以至滁來處處空虛萬一該逆竄踞各城皖北糜爛或并貽患於襄下河臣亦何能當此重咎合無籲懇

天恩飭將皖北西路責成喬松年東路責成吳棠富明阿共籌防剿臣非敢預為諉過之地實以無力而兼病軀自度不足捍禦賊氛不得不瀝陳於

聖主之前所有臣辦理竭蹶下情謹附片略述梗概伏乞皇太后

皇上聖鑒訓示謹奏

秦稿卷十四

聖

卷之二十五目録

東垣防軍截賊獲勝摺

同治三年四月二十七日

徽州防軍截賊獲勝摺

全日

近日軍情片

鮑超請假葬親摺

五月十二日

近日軍情片

遵旨會師籌剿金陵摺

五月二十二日

奉旨覆奏并陳近日軍情摺

五月二十七日

覆陳金陵皖北江西各路軍務籌辦情形摺

六月十二日

金陵克復全股悍賊盡數殲滅摺

六月二十三日

賊酋分別處治羸籌善後事宜摺

七月初七日

謝錫封侯爵恩摺

七月十六日

李臣典病故請卹摺

七月二十日

覆陳賊酋正法片

近日軍情擬裁撤湘勇片

停止廣東釐金摺

七月二十九日

裁撤湘勇查洪福瑱下落片

近日軍情片

東壩防軍截賊獲勝摺 同治三年四月二十七日

奏為東壩防軍截擊丹陽上竄之賊大戰獲勝恭摺馳報仰祈
聖鑒事竊自丹陽一城經富明阿馮子材會師攻復後偽顯王
甘王及偽忠王二殿下等巨酋糾敗賊三四萬眾由天皇寺進
竄木家莊大山頭一帶以圖犯我高瀆四月十三日水師營官柳壽田
溝固城湖一帶以圖犯我高瀆四月十三日水師營官柳壽田
乘賊未及盡濟迎擊於固城湖敗之遂約高瀆守將蕭信集戴
德祥等追擊於楊村又敗之賊大怖遁回漆橋時鮑超引軍自
句容出溧水正欲馳諭譚勝達率東壩各營先剿大山頭一股
仍親督騎隊專剿漆橋一股詎行抵漆橋賊已合股併向東壩

奏稿卷二十五

一路四月十四日譚勝達商之吳雲集鄧訓誥李文益曾成武
黎光照等營募食出隊天未曙也少頃師次安興遙見山谷中
賊旗林立若遠若近迎面撲來諸將士奮勇直前燃槍環擊賊
乃全無怯志前股少卻後股繼至往來猛鬪十餘次勇以賊馬
分兩翼抄出勢益剽悍譚勝達於敵騎衝突之際橫躍入陣徑
取中路抽刃鬪刺立梟數酋賊氣為奪吳雲集見中路搏鬪方
酣即以前部向左路大呼疾馳左脇已受重傷猶復與會成武
麾兵疾進截賊數段乘勢追過右路而右路聚賊尤眾洋礮排
列擁護一酋各弁勇指曰此渠魁也鄧訓誥策馬當先突出斬
之中左兩路之賊奔救不急譚亂欲遁適李文益從山後掩至

黎光照亦節節掃蕩而來各營會合併力長驅勢不可遏自逆
顯逆率悍黨在高岡督陣正思折隊返走不料我軍馳電擊
一擁即至亂鋒交下死者山積賊乃大潰軍士踐尸而過逐出
三十里外始各回軍下壩旋有匪來自漆橋適與我軍相值不
敢尋戰捲旗急行比至定埠又為易華元師船所截頗有斬擒
餘黨悉向湖州廣德竄去是役斃賊約七千人中有偽王等十
七人均搜出偽印解至安慶據譚勝達稟報由提督鮑超轉呈
前來臣查丹陽各賊股意在衝出東壩由皖南併竄江西經鮑
超飭令譚勝達等督軍痛剿雖未能悉數剪除而下游多殺一
賊即上游少竄一賊挫此兇鋒亦屬有裨大局現准李鴻章來

奏稿卷二十五

咨已派劉銘傳十二營接守句容鄭國魁水陸五營接守東壩
鮑超俟蘇軍到防後擬即親統全隊刻日上援江西亦於滬
餉贖餉中撥銀十萬兩解交鮑超以作途費冀速師行而慰民
望此次出力員弁仍請附入東壩句容各案內彙保優獎以勵
軍心其陣亡及前案續查人員另開清單請
旨敕部議卹所有東壩一軍截擊竄賊獲勝緣由謹繕摺由驛
五百里具陳伏乞

皇太后

皇上聖鑒訓示謹

奏

徽州防軍截賊獲勝摺 同治三年四月二十七日

奏為蘇賊續竄徽州官軍擊剿屢勝餘眾潰散恭摺馳報仰祈
聖鑒事竊偽聽王陳炳文偽侍王李世賢等先後由浙犯徽由
徽入江臣於四月十二日詳陳戰狀在案嗣報徽州南路復有
賊至詢其首目為偽烈王林逆麟王朱逆及偽爵潘忠義李石
黃宗保等究其來路蓋江陰楊舍之敗賊常州城外之壘賊常
郡合圍以後該逆等不能入城由丹陽湖州而上竄者也乃從
昌化進老竹嶺關入歙境大阜七賢方村等處距郡城三四十
里四月初十日徽郡守將唐義訓率所部六營馳出城南為迎
頭截剿之謀賊眾懼而東趨擾及臨溪孔靈一帶揣賊狡計必

奏稿卷二十五

五

將出藍田鍾塘嶺富場繞郡城而西也乃馳函告金國琛毛有
銘各以所部來會是夜三更唐義訓以一營伏鍾塘嶺後十一
日昧爽以五營進遇賊接戰伏軍并發殲其前鋒是時金國琛
毛有銘留兩營守休甯會帶馬步十二營行抵富場隔河而屯
傳餐未畢賊遽以大股麕至山岡上下若蟻若蠅金國琛等令
王俊南為中路衝鋒羅盛典佐之趙仁和為左路衝鋒楊啓益
佐之葛清泰為右路衝鋒王玉藻李致和佐之仍親督李贊勳
馬隊羊寅洪良輝步隊為諸路策應部勒既定姑不出戰俟賊
涉水將半一聲號礮突出奮擊賊恃眾悍搶上隄埂我軍猛撲
猛進更以騎卒沿隄包抄正酣戰閒唐義訓適從鍾塘嶺尾賊

而至兩面夾攻賊即不支緣山亂竄各營奮力追殺俘斬千餘
人解散不可勝計逸出之賊方由呈坎遁向黃山小路復於十
二日為唐義訓所敗此四月十一二三日鍾塘嶺富場等處剿
賊獲勝之情形也賊既趨重黃山則歙休之北黟縣之東均形
喫重十三日我軍向漁亭併進唐義訓為前茅毛有銘繼之金
國琛又繼之馳抵五弓橋賊已揚旗怒馬而來唐義訓先與交
鋒毛有銘金國琛分路剿擊窮寇苦戰銳不可當唐義訓率隊
上山抄過賊後毛有銘等揮令各營從溪河上流大呼衝入斬
馘無算駢尸塞流正擬入山追剿而日斜士飢乃分軍少息齊
雲山之麓俄而賊旗隱現右側山衝忽出一枝我軍再起破之

奏稿卷二十五

四

餘匪退遁藍田山溪一帶是夜月色正明唐義訓派隊赴南渡
循河直上以一營在西館傍山埋伏一營在西館對岸埋伏一
營在渭橋山後埋伏一營向巖脚林際埋伏比至天曉金國琛
毛有銘等亦率各營自五弓橋銜枝疾進賊半在西館過河半
在南渡過橋我軍鼓角齊鳴一擁而上各山伏兵突出殺聲大
震羣賊驚亂不復成伍其未及渡者眾軍蹙之入水其已渡者
為渭橋巖脚之軍所截前股擊散後股續至奪路狂奔生擒林
義等十酋陣斬潘忠義等十四酋死者散者實有二萬餘眾所
剩敗殘零賊潛向上溪口紛紛南竄不過二三千人而婦女輜
重馬匹器械拋棄略盡此十三四等日五弓橋西館等處搜剿

大勝之情形也伏查本年正月以來蘇浙諸賊已三次衝出徽境併竄江西江省防軍已有應接不暇之勢此次續股上竄各軍積愧生奮拏斬解散約去十分之八入江之匪無幾軍威爲之一振在事出力員弁可否容臣酌量保獎之處出自聖裁陣亡將弁查明彙案辦理所有徽軍擊賊獲勝緣由謹繕摺由驛五百里具陳伏乞

皇太后

皇上聖鑒訓示謹

奏

奏稿卷二十一

五

近日軍情片 同治三年四月二十七日

再蘇浙羣賊由徽上竄者約分六起第一起爲偽涪王等係涑陽宜興敗出者涑陽本偽侍王老巢故涑逆侍黨也現尙踞江西之南豐縣城暨分竄汀州等處第二起爲陳炳文汪海洋等係杭州敗出者輜重最多隊伍頗整餘杭武康德清石門各股皆附之以行現尙延擾於鉛山之湖坊陳坊等處第三起爲偽侍王來自湖州由徽入江攻陷弋陽四月十六七等日圍撲撫州旋退至金谿之許灣將與南豐股匪合爲一路第四起爲江陰楊舍之敗賊常州城外之壘賊卽唐義訓金國琛等軍十三四日在歙休境內所破者也其金壇句容敗出之賊是否在內

奏稿卷二十五

六

尙未可知常州克城之時各頭目與兩粵老賊均就駢誅無一漏網不至貽患於上游至從丹陽逸出之賊雖在東壩一敗而餘黨悉趨廣德湖州是將爲第五起而湖州堵輔二悍酋徒黨尙眾又將爲第六起揣其勢要無不圖竄徽境併犯江西欽奉四月十九日

寄諭鮑超一軍自可騰出移援徽郡或卽令渡江北防剿潛太英霍桐舒一帶仰見

聖謨廣運先事豫防惟查目下賊情究以江西爲最重而江西之待援實比皖北爲尤急鮑超全隊四月必可成行五月當可到江自不宜改援皖北致辜江西軍民雲霓之望至周寬世金

國琛兩軍臣本檄令由饒景一帶援江旋因饒景數百里并無賊蹤侍逆南竄已遠乃改調周寬世等暫不赴江分駐祁門漁亭休甯等處以備迎堵續至之賊俟丹陽湖州廣德各股竄盡後再行馳入江西會剿所有近日軍情理合附片具陳伏乞

皇太后

皇上聖鑒訓示謹

奏

奏稿卷二十五

七

鮑超請假葬親摺同治三年五月十二日
奏為帶兵大員請假葬親恭摺懇

天恩仰祈

聖鑒事竊署浙江提督鮑超於同治元年十一月二十日在甯國高祖山軍營聞訃丁母憂呈請奔喪回籍時值甯國境內自紅楊樹青弋江西河灣沚等處面面賊氛皖南全局震動鮑超獨當一路斷難離營經臣奏奉

諭旨俟江南軍務大定再由臣奏請給假回籍營葬鮑超一聞

成命悲不自勝仍復公牘私函再三申請臣與之期約俟攻克

西河灣沚保全甯郡後必當代為陳奏上年二月臣巡閱沿江

營伍行次裕溪口鮑超迎謁舟中以西河灣沚并復甯郡肅清

請踐前言情詞迫切聲淚俱下并稱臣與胡林翼李續宜三人

丁憂均得邀

恩離營回籍治喪超母鞠育之苦迥異尋常懇為援例聲請俾

展孝思等語臣多方撫慰又與之期約待攻克東壩後始行具

奏十月閒水陸諸軍奪取東壩一關而乞假之文旋至臣復婉

詞批答囑其盡閏五箇月勉抑一時哀慕之忱以待金陵大勦

之集如金陵逾期弗克亦必專疏籲求

恩准給假歸營葬事今年三月初閒五箇月之期又滿鮑超復

以悽詞苦語懇請代奏臣查該軍赴援江西斷非一蹴所能了

奏稿卷二十五

八

事前次節節爽約致其家奄奄在堂久不克成歸窆之禮至此而再失信於鮑超竊懼此後之號令不復能示信於諸將矣目下江西軍務喫緊本不應率請離營惟鮑超部將如宋國永馮標瓊雲慶諸鎮皆相從十年之久其餘驍將尙多足資剿辦頃復欽奉

諭旨派楊岳斌督辦江西軍務鮑超係其舊日部曲卽令楊岳斌統率該軍以行必可指揮如意合無籲懇

天恩俯念鮑超苦戰功多賞假四箇月飭令暫回四川本籍俟營葬事竣卽回營俾展人子烏私之誼彌彰

聖朝孝治之隆所有帶兵大員請假葬親緣由謹繕摺由驛馳

奏稿卷二十五

九

陳伏乞

皇太后

皇上聖鑒訓示謹

奏

近日軍情片 同治三年五月十二日

再近日軍情湖州廣德各賊黨分踞如故尙無上竄之信賊之在徽州擊潰者由婺源德興併入江西道員王德榜率長左營截殺於弋陽境內大獲勝仗據稱賊眾數萬全股殲滅其所報賊數與徽軍所報敗遁僅有數千者多寡懸殊雖彼此均有不實不盡而此股賊勢之羸弱誅戮之將盡尙屬可信侍逆一股攻破建昌之萬年橋卡以小枝牽制官軍以大枝疾趨而西疊陷宜黃崇仁兩縣卽在崇仁繕城擄糧爲久踞計凡樟樹鎮及豐城新淦峽江等縣處處喫緊省城戒嚴沈葆楨調湖口守將萬泰王定國管帶潯兵於五月初三日進省彭玉麟派喻俊明

奏稿卷二十五

十

張錦芳等亦自湖口各率師船駛入省河 臣飛檄周寬世銓字七營從景鎮饒州雇船赴援必能先後趕到省垣重地必可無虞鮑超一軍於初六日由蕪湖啓行擬取道湖口九江繞出樟樹鎮迎頭遏擊與劉典王文瑞諸軍痛剿數次不使羣賊竄渡贛江以西或不至有妨大局至鄂中髮捻現尙蔓延黃陂孝感麻城一帶去皖甚近英霍潛太桐舒處處空虛 臣咨商李鴻章分撥數軍接守建平溧水高淳三縣騰出李榕王可陞等軍渡江而北扼紫桐舒以固藩籬惟轉調防有需時日不免有鞭長莫及之慮所有江皖軍務情形謹由驛附陳大概伏乞皇太后

皇上聖鑒訓示謹奏

遵旨會師籌剿金陵摺 同治三年五月二十一日
奏為遵奉

諭旨會師籌剿金陵恭摺覆陳仰祈

聖鑒事竊臣承准議政王軍機大臣字寄同治三年五月初八日奉

上諭李鴻章所部兵勇攻城奪隘所向有功礮隊尤為得力現在金陵功在垂成髮捻蓄意東趨遲恐擊動全局李鴻章豈能坐視著即迅調勁旅數千及得力礮隊前赴金陵會合曾國荃圍師相機進取速奏膚功李鴻章如能親督各軍與曾國荃會商機宜剿辦更易得手著該撫酌度情形一面奏聞一面迅速

奏稿卷二十五

十一

奏稿卷二十五

十一

辦理曾國藩身為統帥全局在胸尤當督同李鴻章曾國荃彭玉麟和衷共濟速竟全功堵穴捻渠同膺懋賞總以大局為重不可稍存畛域之見等因欽此仰見

聖謨廣運指示周詳欽悚曷任自蘇常攻克之後臣本擬咨請

李鴻章親來金陵會剿特以該撫係封疆將帥之臣又值苦戰積勞之際非臣所敢奏調是以未及具疏上陳臣弟曾國

荃亦以師久無功愧悚無地不敢更求助於人近於畏難卸責

始勤終怠者之所為乃兩月以來百計環攻逼城太近被賊以洋槍狙擊我軍傷亡至四千餘人之多所挖地道十餘處已被該逆從內掘出窺透三洞此外諸洞亦難奏效前聞賊糧於五

月營盡近來城中收割新麥又可支持數月是埽穴捨渠之期
尚無把握而曾國荃焦勞致疾飲食漸減身發溼毒不便起坐
餉項奇窘尤為可慮聞蘇軍開花礮位無堅不摧其洋槍隊扒
城攻圍無敵不破臣於五月十一日始咨調蘇軍之來句容等
處者如郭松林劉銘傳兩鎮酌帶開花礮位輔以槍隊就近助
攻金陵然猶未敢請李鴻章親來也今幸欽奉

寄諭飭李鴻章親督各軍西來會剿臣已恭錄
諭旨具咨加函催請李鴻章刻日馳赴金陵與曾國荃會商剿
辦前接李鴻章來函言蘇軍將士太勞宜少休息待會克長興
湖州再行選將撥兵助攻金陵等語然使僅請派將前來其知

奏稿卷二十五

十三

者以為憐該撫之過勞信蘇將之可恃不知者以為臣弟貪獨
得之美名忌同列之分功尤非臣兄弟平日報

國區區之意合無顯懇

天恩飭催李鴻章速赴金陵不必待七月暑退以後亦不必待
攻克湖州之時金陵早破一日天下之人心早安一日俾髮捻
東竄不至掣動大局餉項奇絀不至更生他變實為至幸提督
鮑超黃翼升於五月初十一等日均來安慶接見一次臣飭
鮑超速援江西十七日已至九江飭黃翼升速回金陵接統楊
岳斌外江水師仍俟楊岳斌行抵江西換出彭玉麟所部師船
駛赴下游謹遵會籌金陵之

命仍須迴顧上游兼防鄂省東下之賊臣於三月間本欲前往
金陵督剿旋因徽州大警迄不果行此次湖北羣賊已竄過鄂
皖交界之馬鞍山英霍潛太等縣一蹴即至安慶首邑鄉民亦
遷徙震動省會重地防兵單薄刻下未可暫離擬俟北岸軍事
稍鬆臣於六月親赴金陵會同李鴻章彭玉麟曾國荃籌商攻
剿倘屆時安慶警急亦即乘坐輪船星夜上駛總當兼權緩急
量而後動斷不敢顧彼失此致煩
宸廡所有遵

旨會剿金陵緣由謹會同兵部右侍郎臣彭玉麟浙江巡撫臣
曾國荃繕摺由驛五百里馳奏伏乞

奏稿卷二十五

十四

皇太后

皇上聖鑒訓示謹

奏

奉 旨覆奏并陳近日軍情摺 同治三年五月二十七日

奏為續奉

諭旨恭摺覆奏并陳近日軍情仰祈

聖鑒事竊 臣 承准議政王軍機大臣字寄同治三年五月十六

日奉

上諭此時賊勢固結不解必須將金陵迅速攻拔使該逆無所
依附自成瓦解之勢前經疊諭李鴻章撥兵助攻金陵能否親
往并令該撫酌辦現當事機緊要之時李鴻章務當不分畛域
不避嫌怨迅速遵辦力圖共濟不准稍有推諉等因欽此又奉

五月十九日

奏稿卷二十五

五

上諭現在羣賊紛竄總當速拔金陵覆其巢穴曾國藩當嚴飭
曾國荃督率所部奮力圖功不得再有稽延李鴻章恪遵前旨
不分畛域撥兵助剿或親往會攻毋稍避嫌推諉前因曾國藩
軍餉竭蹶諭令李鴻章將輪船經費銀五十萬兩全數撥歸該
營旋據李鴻章奏據赫德聲稱現時只能湊解銀十五萬兩當
飭江海關道趕緊起解等語迄今為日已久尚未據曾國藩奏
到究竟現存之十五萬兩曾否解赴安慶并著曾國藩查明覆
奏等因欽此仰見
皇上睿顧東南刻刻座念 臣 於五月十一日咨請李鴻章選派
驍將酌帶開花礮位前來助剿旋奉

救下李鴻章督軍會剿之

諭復於十五日具咨加函請其親來會辦均於五月二十二日
專疏覆奏頃已鈔摺寄蘇加函催促李鴻章所派何隊現尚未
報起程能否親赴金陵亦未接准咨覆據曾國荃來文神策朝
陽兩門外所掘地道又被城賊從內挖出橫穿數處勇士傷折
甚多金陵城厚且高迥非他城可比即金川門左近俗號矮城
者亦尚高至五丈以外是開花礮之能否收效尚未敢必 臣 惟
有倍加勤慎飛催李鴻章率師來會一面晝夜環攻一面嚴斷
接濟俾令糧援并絕飛走路窮盡殲數萬堅忍之賊仰慰
九重宵旰之憂前此奉撥輪船經費一項據代理江海關道應

奏稿卷二十五

六

寶時先後批解規平銀二十三萬八千兩有奇合庫平銀近二
十二萬兩內以五萬兩分濟鮑超一軍以四萬兩提解安慶糧
台餘十三萬撥歸金陵大營飢困之際獲此巨款正如久旱得
雨莫不含哺而頌

皇仁惟此項銀兩轉瞬已罄 臣 不敢謂籌餉之尙少而深悔募
勇之太多惴惴焉恐生他變或誤大局既願李鴻章統兵以來
助尤望其攜餉以相遺也至上游近日軍情賊之竄擾江西者
自攻陷宜黃崇仁以後株守不出并未北窺省會西越贛江逃
者頗多鮑超於二十一日單舟晉省與撫 臣 籌商一切其全隊
由湖口渡湖將取道九江瑞州而進楊岳斌亦抽調水陸十營

前赴江西合之鮑軍共二萬餘人因江西兵力極厚不難盡殄寇氛改調周寬世一軍令赴皖北以防鄂省東竄之賊鄂賊現在麻城黃岡之交一搖足即入皖境列城空虛殊深焦慮擬令陳國瑞駐紮壽州處淮南江北適中之地為廬壽舒六游擊之師仍當防守要區嚴扼江而俾不得擊動金陵全局仰副諭飭諄諄之意所有續奉

皇太后
皇上聖鑒訓示謹
奏

奏稿卷二十五

七

覆陳金陵皖北江西各路籌辦情形摺同治三年六月十日

奏為欽奉

諭旨恭摺覆奏仰祈

聖鑒事竊臣自旬日以來歷奉

寄諭殷殷指示不外迅剿金陵及皖北江西兩路軍務所有近

日籌辦情形理合分晰詳對馳慰

宸廑如

諭旨飭令李鴻章俟長興得手後統率諸軍助攻金陵一節臣

接李鴻章來咨教練礮隊尚須時日又以湖州賊眾蘇常毗連

會攻金陵即不能協剿湖州又謂天氣炎熱洋槍連放即紅多

奏稿卷二十五

六

則炸裂開花礮放至十數出即不能著手等語臣查李鴻章平

日任事最勇進兵最速此次會攻金陵稍涉遲滯蓋絕無世俗

避嫌之意殆有讓功之心而不欲居其名惟所稱全力助金陵

則除留防蘇境外更難協剿湖州係屬實在情形臣亦未便再

三瀆催轉瞬新秋暑退該撫必可督兵親來屆時湖郡或已先

下無復浙賊犯蘇之慮亦無槍礮紅裂之患矣

諭旨詢及聞中外匪徒仍有偷濟賊糧食軍火之事飭即實力

嚴防一節查金陵城大而堅重山復港引河穿城接濟極不易

斷然自二月合圍以來陸路晝夜搜查據報已粒米不能入城

水路自計防範終難淨絕至四月底始定上下民船三日放關

一次均派礮船護送除放關有期外不准一船往來臣頃面詢楊岳斌據稱五月以來江濱奸匪暗竄賊糧者實已絕蹤然水路六百七十里臣何敢信其一無疏漏惟當請飭各營加意嚴防近聞戈登語及白齊文暗回中國招集無賴雇備輪船將赴金陵助濟逆酋此則意外之虞頗難防禦耳

諭旨以髮捻東趨飭調李榕王可陞等迅赴舒桐調周寬世移赴皖北一節查上游髮捻由孝感黃陂蔓延至麻城黃岡羅田等縣近已竄入英山境內臣前調蘇軍接防溧水高淳建平三城而檄三城防兵移駐舒桐等處旋據李鴻章撥營接守溧水高淳臣因調溧水王可陞一軍移駐無為州楊岳斌帶高淳一

奏稿卷二十五

軍馳入江西惟建平非蘇所轄無兵接防臣又咨請李鴻章於新克長興各軍中分兵守建騰出李榕六營馳赴桐城并調李世忠舊部陳自明四營由池州馳紮廬江未知能否速到至周寬世一軍臣前因江西兵力足敷剿辦已改調該軍由江旋皖不謂軍檄未至而該提督已抵南昌適因東鄉不守南昌戒嚴經該省官紳合詞請留又不得不先其所急令赴進賢防剿目下不能遽回皖北

諭旨以英霍喫緊去安慶不遠飭臣俟上游軍勢漸平即赴金陵督師一節查賊之由鄂趨皖意在掣動金陵全局果能扼守皖境即所以協助金陵臣前次奏明擬於六月親赴下游籌商

攻剿現值鄂省各股竄近英霍新調桐城廬江無為之兵均未到防安慶人心震動誠如

聖諭臣實未可輕離惟有催集防軍設法堵遏俟皖北稍安李鴻章會剿有期即當馳赴金陵商辦一切以上四條皆蒙宸衷庶系謹將近日情形恭摺由驛五百里覆奏伏乞

皇太后

皇上聖鑒訓示謹

奏

奏稿卷二十五

二十

金陵克復全股悍賊盡數殲滅摺日 同治三年六月二十三

奏為克復金陵全股悍賊盡數殲滅恭報詳細情形仰祈

聖鑒事竊照官軍攻克金陵業經浙江撫臣曾國荃將大概情

形於十六日亥刻會同 臣等馳奏在案茲據曾國荃十九日咨

稱此次攻城剿洗老巢之難與悍賊拚死鏖戰之苦實為久歷

戎行者所未見自得天堡城後城中防守益密地堡城扼住隘

路百計環攻無隙可乘直至五月三十日始經李祥和羅逢元

王遠和黃潤昌陳壽武熊上珍王仕益等率隊攻克占取龍膊

子山陰居高臨下勢在掌握自六月初一日起各營輪流苦攻

傷亡極多李臣典偵知城內米麥尙足支持數月又見我軍地

道三十餘穴都已無成官軍五萬餘人筋力將疲若不趁此攻

克事久變生深為可懼李臣典願率吳宗國等從賊礮最密之

處重開地道蕭孚泗黃潤昌熊登武王遠和願距城十數丈修

築礮台數十座通派各營隊伍刈割溼蘆蒿草堆網山積上覆

沙土左路地勢甚高利於聲攻右路地勢極低利於潛攻如是

者半月未嘗一刻稍休肉薄相逼損傷精銳不可勝數總兵陳

萬勝王紹義郭鵬程等素稱驍將數日之內次第陣亡尤堪憫

惻十五夜四更地道裝藥之時曾國荃與李臣典正在洞口籌

商一切忠酋李秀成突出死黨數百人由太平門傍城根直犯

地道大壘別從朝陽門東角出數百人裝官軍號衣持火彈

燒各礮壘及附近溼蘆蒿草官軍久勞之後夜深幾為所乘賴

伍維壽李臣典黃廷爵張詩日堵住左路斃賊無算彭毓楠

上珍陶立忠等堵殺右路捨斬亦多幸克保全洞口十六早嚮

明曾國荃將四路隊伍調齊預飭各軍穩站牆濠嚴防衝突惟

將太平門龍膊子一帶自黎明攻至午刻李臣典報地道封築

口門安放引線曾國荃懸不貲之賞嚴退後之誅劉連捷朱洪

章武明良伍維壽熊登武陳壽武李臣典張詩日各率營官席

地敬聽願具軍令狀誓死報

國遂傳令即刻發火霹靂一聲揭開城垣二十餘丈煙塵蔽空

礮石滿谷武明良伍維壽朱洪章譚國泰劉連捷張詩日沈鴻

賓羅雨春李臣典等皆身先士卒直衝倒口而入各弁勇蟻附

齊進銳不可當而左路城頭之賊以火藥傾盆燒我士卒死者

甚眾大隊因之稍卻經彭毓楠孚泗李祥和蕭慶衍蕭開印

等以大刀手刃數人由是弁勇無一退者而武明良伍維壽朱

洪章劉連捷譚國泰張詩日等各率隊伍登龍廣山與右路太

平門之賊排列轟擊移時賊乃卻退李祥和王仕益從太平門

月城攻入羣賊知此次地道缺口不復似前次之可以堵禦矣

維時官軍分四路剿擊王遠和王仕益朱洪章羅雨春沈鴻賓

黃潤昌熊上珍等進擊中路攻偽天府之北劉連捷張詩日

譚國泰崔文田等進擊右路由臺城趨神策門一帶適朱南桂

朱愷堂梁美材等亦率隊從神策門地道之旁梯攻而入相與會合齊進兵力益厚直趨至獅子山奪取儀鳳門其中左一路則有彭毓橋率羅朝雲趙清河黃東南與武明良武明善武義山等由內城舊址直擊至通濟門左路則有蕭孚泗熊登武蕭慶衍蕭開印率蕭致祥周恆禮李泰山蕭清世蕭恆書朱吉玉趙太和劉長槐蕭上林等分途奪取朝陽洪武二門城上守陣城門守樓之賊及附近一帶賊隊悉被殺戮其抄截疾馳各路同一神速其雷兵置守各門同一布置此十六日地道成功城中塵戰及東北兩路抄剿之情形也方我軍大隊之抵龍廣山也西南守陣之賊猶植立未動迨奪取朝陽門賊始亂次而

奏稿卷二十五

善

羅連元張定魁彭椿年張光明楊西平何鳴高彭光友熊紹濂羅興祥葉必信等各率所部從聚寶門之西舊地道缺口仰攻而入李金洲胡松江朱文光武交清劉湘南易孔昭戴名山張正榮等率隊從通濟門月城緣梯而上而陳澁易良虎易良豹龍清垣率吳隆海張葉江晏恭山馮盛德陳汝俊劉定發各營則猛攻旱西水西兩門月城偽忠王李秀成方率死黨狂奔將向旱西門奪路衝出適為陳澁大隊所阻遏乃仍轉回清涼山江南提督黃翼升率許雲發等水師各營攻奪中關江磯石壘乘勝猛攻濱江之城遂與陳澁易良虎等奪取水西旱西兩門將守賊殲盡由是全城各門皆破大勢已定日色將曠陳澁

易良虎遙見忠酋賊隊隱匿西南房屋如鱗之內益戒所部嚴防賊衝彭毓橋置守聚寶門通濟門李臣典李祥和扼守太平門黃潤昌王遠和朱洪章等見星收隊結為圓陣站立龍廣山稍資休息此水陸各軍攻克西南兩城及分守要隘預防賊股衝突之情形也方朱洪章等與賊搏戰於偽天府城北之時沈鴻賓周恆禮袁大升等率隊從左路捲旗疾趨繞偽城之東設伏出奇為揜渠埽穴之計迨朱洪章戰馬帶傷悍賊隱扼石橋我軍隊伍不能飛越城河繞偽城之西當日暮苦戰之後正兵收隊龍廣山而伏兵深入由偽城之東透迤而南不能收隊時已三更矣偽忠王傳令羣賊將天府及各偽王府同時舉

奏稿卷二十五

善

火焚燒偽宮殿火藥沖霄煙燄滿城袁大升周恆禮沈鴻賓等見偽殿前南門突出悍賊千餘人執持軍器洋槍向民房街巷而去知是洪逆竄至民房遂率隊腰截擊之殺賊七百餘人奪偽玉璽二方金印一方寬廣約七寸即洪酋僭用之印也其偽宮殿侍女縊於前苑內者不下數百人死於城河者不下二千餘人其時偽城火已燎原不可嚮邇街巷要道賊均延燒塞衢官軍以暮夜路徑生疏不能巷戰遂收隊站城此十六夜攻破偽天王內城斃賊極多之情形也是夜四更有賊一股假裝官軍號衣號補手持軍器洋槍約千餘人向太平門地道缺口衝突經崑字湘後左右各營截擊多用火桶火彈焚燒人馬死者

已多約尚有六七百人騎馬衝出向孝陵衛定林鎮一路而逃
伍維壽楊鉅南陶立忠等急率馬隊跟追曾國荃一聞騎賊裝
扮官軍逃出之信即加派張定魁李泰山黃萬鵬黃廷爵等馬
隊七百騎追之并飛咨溧水東垣句容各守將會合追剿直至
十九日酉刻伍維壽黃萬鵬等回營面稟追至溇化鎮生擒偽
烈王李萬材帶領前進追至湖熟鎮見逃賊在前當經馬隊圍
住全數斬刈未畱一人又追至溧陽據百姓言前路并無賊蹤
經過曾國荃親訊李萬材供稱城破後偽忠王之兄巨王幼西
王幼南王定王崇王璋王乘夜衝出被官軍馬隊追至湖熟橋
邊將各頭目全行殺斃更無餘孽又據城內各賊供稱首逆洪

奏稿卷二十五

秀全實係本年五月間官軍猛攻時服毒而死瘞於偽宮院內
立幼主洪福瑱重襲偽號城破後偽幼主積薪宮殿舉火自焚
等語應俟偽宮火熄挖出洪秀全逆尸查明自焚確據續行具
奏至偽忠王李秀成一犯城破受傷匿於山內民房十九夜提
督蕭孚泗親自搜出并搜擒王次兄洪仁達二十日曾國荃親
訊供認不諱應否檻送京師抑或卽在金陵正法咨請定奪具
餘兩廣兩湖北多年悍賊十七十八等日曾良佐周光正鄧
吉山劉泰財聶福厚譚信高胡克安朱連甲王春華黎冠湘彭
維祥陳萬合朱連泗謝三洪李臣榮彭玉堂劉金蘭等分段搜
殺三日之間斃賊共十餘萬人秦淮長河屍首如麻凡偽王偽

主將天將及大小酋目約有三千餘名死於亂軍之中者居其
半死於城河溝渠及自焚者居其半三日夜火光不息至十九
日尚有賊踞高屋之顛以洋槍狙擊官軍者此馬隊窮追逸出
之賊及搜剿首逆并羣賊之情形也現在派營救火掩埋賊尸
安置難民婦女料理善後事宜百緒繁興竊念金陵一軍圍攻
二載有奇前後死於疾疫者萬餘人死於戰陣者八九千人令
人悲涕不堪回首仰賴
皇上威福迄今乃得收寸效等情由曾國荃咨報前來等伏
查洪逆倡亂粵西於今十有五年竊據金陵亦十二年流毒海
內神人共憤我

奏稿卷二十五

朝武功之盛超越前古屢次削平大難焜耀史編然如嘉慶川
楚之役蹂躪僅及四省淪陷不過十餘城康熙三藩之役蹂躪
尚止十二省淪陷亦三百餘城今粵匪之變蹂躪竟及十六
省淪陷至六百餘城之多而其中凶酋悍黨如李開方守馮官
屯林啟容守九江葉芸來守安慶皆堅忍不屈此次金陵城破
十餘萬賊無一降者至聚眾自焚而不悔實爲古今罕見之劇
寇然卒能次第蕩平剷除元惡等深維其故蓋由我
文宗顯皇帝盛德宏謨早裕戡亂之本
宮禁雖極儉嗇而不惜鉅餉以募戰士名器雖極慎重而不惜
破格以獎有功

廟算雖極精密而不惜屈己以從將帥之謀

皇太后

皇上守此三者悉循舊章而加之去邪彌果求賢納廣用能誅

除僭偽肅成中興之業臣等忝竊兵符遭逢際會既痛我

文宗不及目覩獻誠告成之日又念生靈塗炭為時過久惟當

始終慎勉掃蕩餘匪以蘇子黎之困而分

宵旰之憂此次應獎應卹人員另繕清單籲懇

恩施臣國藩拜摺後即行馳赴金陵李秀成洪仁達應否獻俘

僕到金陵後察酌具奏所有金陵克復全股悍賊盡數殲滅緣

由謹會同陝甘總督臣楊岳斌兵部侍郎臣彭玉麟江蘇巡撫

臣李鴻章浙江巡撫臣曾國荃恭摺由驛六百里加緊馳奏伏

乞

皇太后

皇上聖鑒訓示謹

賊酋分別處治竊籌善後事宜摺同治三年七月初七日

奏為洪秀全李秀成二酋分別處治并處籌善後事宜恭摺具

奏仰祈

聖鑒事竊臣於六月二十三日具奏克復金陵詳細情形於偽

天王幼主之實在下落李秀成等之應否獻俘聲明續奏在案

拜疏後臣即乘坐輪船於二十五日駛抵金陵周歷各營接見

諸將均有憔悴可憐之色蓋自五月三十日攻破地保城後連

攻十五晝夜未嘗少休四面之兵挑集龍膊子一隅但出行隊

未支帳棚晝則日炙宵則露處又出入地洞之中面目黎黑雖

與臣最熟之將初見幾不相識其論功居首之李臣典因冒暑

受傷督工過急克城後一病不起諸將士亦傷病山積死亡相

屬臣弟曾國荃前病業已痊愈近因隨眾露處過久又復徧發

溼毒臣帶兵多年克城數十罕見如此次之勞苦者臣宣道

皇仁多方撫慰既獎其可憫可敬之功復勛以忘勞忘死之義

至偽天王洪秀全逆尸將士積憤之餘皆欲得而甘心直至六

月二十七日始從偽宮內掘出二十八日扛至營次臣與臣弟

國荃驗看臣所帶委員中有曾任刑部秋審處之勒方錡龍際

雲孫尚絨等暨各文武公同相驗該逆尸遵尚邪教不用棺木

偏身皆用繡龍黃緞包裹雖袴腳亦係龍緞頭禿無髮鬚尚全

存已開白矣左股右膀肉猶未脫驗畢戮尸舉烈火而焚之有

偽宮婢者係道州黃姓女子即手埋逆尸者也臣親加訊問據供洪秀全生前經年不見臣僚四月二十七日因官軍攻急服毒身死祕不發喪而城內羣賊城外官兵喧傳已徧十餘日始行宣布等語偽幼主洪福瑱繞室積薪爲城破自焚之計眾供皆合連日在偽宮灰燼之中反復搜尋茫無實據觀其金玉二印皆在巷戰時所奪又似業已逃出偽宮者李秀成之供則稱曾經挾之出城始行分散然此次逃奔之賊僅十六夜從地道缺口逸出數百人當經騎兵追至湖熟圍殺淨盡自十七日後會國荃即將缺口封砌關閉各城搜殺三日洪福瑱以十六歲童駿縱未斃於烈火亦必死於亂軍當無疑義所有偽玉璽二

奏稿卷二十五

无

方金印一方臣當專差賚送軍機處俾方略館有所考焉李秀成之就擒也各營之降卒附城之居民人人皆識觀者如堵臣二十五日甫至金陵親訊一次旋派候選道龐際雲候補知府李鴻裔候補同知周悅修等鞠訊累日令寫親供多至數萬字敘髮逆之始末述忠酋之戰事甚爲詳悉臣復詢以江西李世賢湖北馬融和湖州黃文金各股賊情據李秀成供湖州廣德之賊即可不攻自遁馬融和一股本由陝西調援金陵因長江阻隔久無來信李世賢係李秀成堂弟與之約定八月以前則擄江西之糧以救侍黨之飢八月以後全數回竄圍解長關則擄甯國之糧以救金陵之飢等語又力勸官兵不宜專殺兩廣

曾文正公奏稿 卷二五

之人恐粵賊愈孤逆黨愈固軍事仍無了日其言頗有可采日來在事文武皆請將李秀成檻送京師即洋人戈登雅妥瑪等來賀者亦以忠逆解京爲快臣竊以

聖朝天威滅此小醜除僭號之洪秀全外其餘皆可不必獻俘陳玉成石達開即有成例可援且自來元惡解京必須誘以甘言許以不死李秀成自知萬無可適在途或不食而死或竄奪而逃翻恐逃顯戮而貽巨患與臣弟國荃熟商意見相同輒於七月初六日將李秀成凌遲處死傳首髮逆所到各省以快人心其偽福王洪仁達一犯係洪秀全之胞兄與其長兄洪仁發皆暴虐恣橫多行不義爲李秀成等所深憾亦於初四日凌遲

奏稿卷二十五

三

處死李秀成之供詞文理不甚通適而情事真確謹鈔送軍機處以備查考臣既將各逆酋分別處治即應料理善後事宜歷年以來中外紛傳洪逆之富金銀如海百貨充盈臣亦嘗與會國荃論及城破之日查封賊庫所得財物多則進奉戶部少則留充軍餉酌濟難民乃十六日克復以後搜殺三日不遑他顧偽宮賊館一炬成灰逮二十日查詢則并無所謂賊庫者訊問李秀成據稱昔年雖有聖庫之名實係洪秀全之私藏并非偽都之公帑偽朝官兵向無俸餉而王長兄次兄且用窮刑峻法搜括各館之銀米蘇州存銀稍多於金陵亦無公帑積儲一處惟秀成所得銀物盡數散給部下眾情翕然此外則各私其財

四二九

而公家貧困等語臣弟國荃以謂賊館必有窖藏賊身必有囊金勒令各營按名繳出以抵欠餉臣則謂勇丁所得賊賊多寡不齊按名勒繳弱者刑求而不得強者抗令而遁逃所抵之餉無幾徒損政體而失士心因曉諭軍中凡剝取賊身囊金者概置不問凡發掘賊館窖金者報官充公違者治罪所以憫其貧而獎其功差為得體然克復老巢而全無貨財實出微臣意計之外亦為從來罕聞之事而目下籌辦善後需銀甚急為款甚鉅臣統軍太多即擬裁撤三四萬人以節糜費應撥者欠餉無著應甯者口糧無措江甯生靈荼毒甚於他省欲撫卹此八屬災民經費亦無所出自上年五月起周歲之久官軍常有數百人開挖地道縱橫計之城脚空虛約二十餘里賊自內挖出者不在此數理宜趕緊修築駐防滿營亦宜修理均難籌此巨款凡此皆善後之大端其餘百緒繁興左支右絀臣欣喜之餘翻增焦灼總督衙門即係偽王府之地片瓦無存現擇房屋之稍完者量加修葺為臣衙署臣當回安慶一次料理上游軍事八九月間再來金陵經畫一切除李臣典應得卹典另行專摺具奏外所有洪秀全李秀成二酋分別處治并籌善後事宜恭摺由驛六百里馳奏伏乞

皇太后
皇上聖鑒訓示謹

奏

奏稿卷二十五

三

謝 錫封侯爵 恩摺 同治三年七月十六日

奏為恭謝

天恩仰祈

聖鑒事竊 臣於七月初十日准兵部火票遞到同治三年六月

二十九日內閣奉

上諭欽差大臣協辦大學士兩江總督曾國藩自咸豐四年在

湖南省首倡團練創立舟師與塔齊布羅澤南等屢建殊功保

全湖南郡縣克復武漢等城肅清江西全境東征以來由宿松

克潛山太湖進駐祁門疊復徽州郡縣遂拔安慶省城以為根

本分檄水陸將士規復下游州郡茲幸大功告成逆首誅鋤實

由該大臣籌策無遺謀勇兼備知人善任調度得宜曾國藩著

加恩賞加太子太保銜錫封一等侯爵世襲罔替並賞戴雙眼

花翎等因欽此當即恭設香案望

闕叩頭謝

恩訖伏念 臣忝膺疆寄於今五年德薄材庸無裨時局逮屯兵

於建業愧師久而無功值甲子元會之

昌期復東南陸沈之重地此蓋仰託

累朝厚澤

聖主天威合億萬眾敵愾之心平十餘年稽誅之寇如 碌碌

何功可言迺復渥荷

恩綸特邀

曠典

錫以通侯之爵超諸丞弼之班更分

日月之重光俾煥雲霄之一羽

殊恩稠疊皆人臣罕覩之榮

天語褒嘉尤曠古非常之寵溯自楚師初興水陸並進實藉同

澤同袍之力夫豈一手一足之勞歷年漸久人事變遷前此死

事之臣既埋忠而長逝即今前驅之將尙苦戰而未休而 臣謬

被

隆施先蒙

褒賞撫今追昔愧悚尤深 惟有履冰知懼躓堦自箴虞寔後

而跋前疐後終而如始引英賢而競進冀氛祲之全消庶以仰

答

高厚生成於萬一所有 感激下忱謹繕摺專弁叩謝

天恩伏乞

皇太后

皇上聖鑒謹

奏

李臣典病故請卹 同治三年七月二十日

奏為一等子爵總兵李臣典病故請

旨交部議卹仰祈

聖鑒事竊記名提督歸德鎮總兵李臣典病故 於七月初七

日聲明另摺請卹在案七月初十日欽奉六月二十九日

諭旨記名提督李臣典於鎗礮叢中搶挖地道誓死滅賊從倒

口首先衝入眾軍隨之因而得手實屬謀勇過人著加恩錫封

一等子爵並賞穿黃馬褂賞戴雙眼花翎欽此旋據會國荃咨

稱李臣典性情樸實忠勇絕倫治軍愛民井然有條料敵制勝

毫髮不爽實為難得之將以軍功洵擢記名提督實授河南歸

奏稿卷二十五

五

德鎮總兵聞

命之日誓死報國不冀生還與國荃同居前敵已閱九年每當

危險之際慷慨赴敵或以身翼蔽主將宛轉救護義形於色年

纔二十七歲竟有名將之風六月十五日在地洞口受傷十六

日克復金陵城池十七日因傷增病醫治無效二十日昇回兩

花台營次醫者謂傷及腰穴氣脈阻滯不久恐變喘症加以冒

暑過勞難期痊可二十三日國荃親往省視李臣典不肯服藥

自云此次萬無生理徒以

聖恩未報言之淚下並無一語及其家私即於七月初二日已

刻出缺其胞弟李臣榮李臣章料理後事即日將歸原籍擇立

繼嗣欽奉六月二十九日

上諭有錫爵之曠典有黃馬褂雙眼花翎之

懋賞李臣典竟不克親拜

寵命感

聖恩之優渥歎該員之數奇國荃私心痛悼寢食難忘謹將該

員歷年在江西安徽及進兵金陵所立戰功臚列實跡開具清

單應請詳晰代奏仰乞

優卹等情由會國荃移咨前來 覆查無異茲將李臣典戰功

清單錄呈

御覽可否籲懇

奏稿卷二十五

五

皇上天恩宣付

國史館立傳

敕部優卹

特旨予諡并於江西吉安府安慶金陵建立專祠以彰忠蓋出

自逾格

鴻施所有李臣典病故請卹緣由恭摺由驛馳奏伏乞

皇太后

皇上聖鑒訓示謹

奏

覆陳逆酋正法片 同治三年七月二十日

再臣於七月初十日欽奉六月二十九日

寄諭逆首李秀城洪仁達等均係內地亂民不必獻俘第該逆等罪惡貫盈自應檻送京師審明後盡法懲治以洩神人之憤著曾國藩遴派妥員將李秀城洪仁達押解來京並咨明沿途督撫督飭地方文武多派兵役小心護送毋稍大意等因欽此臣於六月二十三日報捷摺內聲明李秀城洪仁達應否解京俟到金陵後察酌具奏旋於二十五日馳抵金陵詢及李秀城權術要結頗得民心城破後竄逸鄉間鄉民憐而匿之蕭孚泗生擒李逆之後鄉民竟將親兵王三清捉去殺而投諸水中若代李逆報私忿者李秀城既入囚籠次日又擒偽松王陳德風到營一見李逆即長跪請安臣聞此二端惡其民心之未去黨羽之尚堅即決計就地正法厥後鞫訊累日觀者極眾營中文武各員始則紛紛請解京師繼則因李秀城言能收降江西湖州各股又紛紛請貸其一死畱為雉媒以招餘黨臣則力主速殺免致疏虞以貽後患遂於初六日正法初七日錄供具奏其洪仁達一犯雖據李秀城供在賊中暴虐專權而如醉如癡口稱天父不絕無供可錄因其抱病甚重已於初四日先行處死矣初十日始奉將二酋解京之旨扣算日期臣處應於初六日接到

批旨乃驛站由安慶轉遞江甯致遲四日之久臣查軍機處封面及兵部火票皆注明遞至江甯字樣不知驛站何處錯誤應即行交換站查辦又欽奉六月二十九日

諭旨洪秀全屍身覓獲後到屍梟示仍傳首被害地方以雪眾憤欽此臣於六月二十八日驗明洪逆正身即行戮屍焚化未將首級畱傳各省是臣識見不到之咎欽奉

諭旨訓示不勝惶悚至軍機處交片查取偽玉璽二顆金印一顆臣於十六日專差賚送謝

恩摺件并將三印附送軍機處矣理合附片覆奏伏乞 皇太后

皇上聖鑒謹 奏

奏稿卷二十五

奏

近日雷情擬裁撤湘勇片 同治三年七月二十日

再臣 欽奉六月二十九日

寄諭廣德等處如有踞賊會國荃尚須駐紮江甯即由會國藩派撥兵隊乘勢掃蕩勿稍延緩等因欽此 臣初到金陵擬令將士休息一月即派勦廣德等處乃諸將盛暑廢兵病者甚多紛紛稟請撤勇回籍 臣以皖浙未靖本不欲遽撤多營惟念近歲以來但見增勇不見裁撤無論食何省之餉所吸者皆斯民之脂膏所損者皆

國家之元氣前此賊氛方盛萬不得已屢募屢增以救一時之急今幸老巢既破大局粗定裁一勇即節一勇之糜費亦即銷

奏稿卷二十五

奏

無窮之後患諸將之願遣散歸籍蓋未始非 臣之幸未始非大局之幸因與 臣弟國荃商定將金陵全軍五萬人裁撤一半酌留二萬數千人分守金陵蕪湖金柱關各要隘其餘作為游擊之師進勦廣德等處而會國荃克城之後困憊殊甚徹夜不寐有似怔忡據稱心血過虧萬難再當大任恐致債事意欲奏請回籍一面調理病軀一面親率遺撤之勇部勒南歸求所為善聚不如善散善始不如善終之道 臣囑以苟可支持不必遽請開缺 如在金陵安心調理代 臣料理善後事宜 臣即日仍回安

廉昨來金陵接見亦須仍回泰州一次俟彼中清釐就緒再行

分駐江揚二府至於鎮江之兵 臣與馮子材面商似可全行裁撤俟蘇軍接防鎮江丹陽即當次第遣散揚州之兵 臣與富明阿面商目下尙難遽撤俟鄂中髮捻趨向大定乃可酌量裁減軍興日久各有厭苦兵間之意但使欠餉有著遣散時當不至別生枝節足慰

宸廑江西軍務鮑超於七月初四在許灣大獲勝仗據報平壘七十餘座殺賊四萬有奇崇宣等縣或亦易於得手楊岳斌過安慶時 臣與之商定以後鮑超周寬世戰狀即歸該督主稿會奏矣所有近日各路軍情理合附片馳陳伏乞 皇太后

奏稿卷二十五

奏

皇上聖鑒訓示謹

奏

停止廣東釐金摺 同治三年七月二十九日

奏為停止廣東釐金並請加廣該省鄉試中額恭摺奏陳仰祈
聖鑒事竊 臣於同治元年奏請開辦廣東釐金接濟浙江安徽
江蘇三省軍餉仰蒙

欽派都察院右副都御史晏端書馳赴廣東竭力經營分批撥
解皖浙各軍兩年以來深資饋運本年三月間 臣於瀝陳餉絀
情形摺內聲明廣東七成之釐非 臣分內應得之餉應俟軍務
稍定即由 臣奏請先行停止在案現在江甯省城幸已告克 臣
統軍太多擬即次第遣撤籌裁勇之欠餉發征兵之行糧需款
甚鉅各處釐卡應仍照舊徵收惟廣東釐金一款 臣為拯貧之

策幾蹈專利之名私衷耿耿如負重疚應請
旨飭下廣東督撫所有廣東釐金截至本年八月三十日止全
充本省兵餉毋庸再解 臣營以踐前言而紓鄰困此項釐金自
元年七月起至本年四月止除留歸該省軍需局外實解皖營
及浙江軍營一百一十萬兩若截至八月底當在百二十萬以
外該省商民踴躍輸將成此巨數俾 臣藉以殲除金陵首逆為
利甚溥查部定章程凡捐輸銀三十萬兩准加文武鄉試定額
各一名合無仰懇

天恩俯准將粵釐照一百二十萬兩之數加廣東省文武鄉試
永遠定額各四名以廣

聖主如天之仁而彰粵人急公之義 臣又查捐輸定章於本身
應得獎敘外復准通縣合算加廣學額通省合算加廣中額係
專指捐輸言之若抽釐濟餉則既無給獎本身之條更無合算
加額之例惟各省釐金皆由本管督撫派員經收軍興既久幾
與丁漕關稅同為歲入正款商民亦習而安之自不可給獎加
額致滋冒濫若廣東釐金兩年以來專濟三江之餉與各省大
有區別除本年照例不得給獎外可否通省合算加廣中額之
處出自

聖主鴻裁交部核議施行所有停止粵釐緣由恭摺奏伏乞
皇太后

皇上聖鑒訓示謹
奏

奏稿卷二十五

聖

裁撤湘勇查洪福瑱下落片 同治三年七月二十九日

再七月二十四五日 在舟次疊奉七月十一十四十五等日

寄諭訓飭之事甚多而遣撤勇丁及查洪福瑱下落二事

宸廑尤切伏讀

諭旨有云裁撤兵勇雖為節餉起見然驟撤三四萬人恐此輩
久在戎行不能省事必至隨處嘯聚為亂從前川楚善後積至
數年方始肅清可為殷鑒不若先汰老弱而以精壯各軍分赴
江楚俟江楚一律肅清再議裁撤歸農或挑補各營兵額俾不
致復生枝節方為盡善等因欽此 臣以欠餉太鉅後患無窮久
思大加裁撤以節糜費嗣與 臣弟曾國荃酌商防戍之兵與游

奏稿卷二十五

擊之師不宜太少定將金陵全軍五萬人裁撤一半於七月二
十日續奏在案湘勇召募之初選擇鄉里農民有業者多無根
者少但使欠餉有著當可安靜回籍不致別生枝節至挑補兵
額之說近多建此議者 竊不以為然蓋勇丁之口糧一倍於
馬兵三倍於守兵馬糧之缺極少守糧月支一兩斷不足供衣
食之需誰肯於數千里外補一衣食不敷之缺欲以湖南樸實
之勇補三江綠營之兵必不情願其願補者皆游惰無歸者也
此事另奉
諭旨鈔發陳廷經之條奏飭令妥辦 愚以為勇則遣回原籍
兵則另募土著各返本而復始庶為經久可行之道

諭旨又云昨據曾國藩奏洪福瑱積薪自焚茫無實據似已逃
出偽宮李秀城供曾經挾之出城後始分散其為逃出已無疑
義湖熟防軍所報斬殺淨盡之說全不可靠著曾國藩查明此
外究有逸出若干并將防範不力之員弁從重參辦等因欽此

臣初聞金陵克復亦深慮極大之城必多竄逸之賊湖熟追殺
淨盡之說 臣亦不敢深信迨 臣至江甯小住經旬距克城已閱
二十日而附近如溧水句容丹陽高瀆東壩建平各防之將各
縣之官并未稟報有賊匪竄過之事 臣弟所派各路跟查之弁
亦自東壩溧陽等處歸來報稱沿途百姓未見有賊蹤經過之
事 於是釋然大慰以為洪福瑱必死於亂軍無疑矣旋於七

奏稿卷二十五

月十一日接甯國守將劉松山及委員陳斌稟稱洪福瑱帶二
三千人逃至廣德旋又見左宗棠寄 臣弟函稱偽幼主率賊二
三千人逃入廣德迎至湖州皆云係逃出難民所供十三日接
浙江糧道楊昌濬稟亦云洪福瑱帶二三千人竄至廣德十四
日左宗棠寄 臣一函則云金陵餘逆漏出數百亦有數千之說
與劉松山楊昌濬所云二三千者微有不符 臣再三推詳由金
陵至廣德縣縣有兵層層密布其中如駐句容之劉銘傳駐溧
水之王可陞駐建平之李榕駐東壩之鄭魁武皆曉事不欺之
人又奉嚴防逸賊之札若謂洪福瑱僅帶零賊雜髮潛遁此數
處者或不知之若賊至二三千之眾而謂此數處一無聞見既

不截剿又不稟報此事理所必無也臣觀附近各縣各將之無稟證以李秀城之親供逸出漏網之賊多亦不過數百堪以仰慰

宸廑其洪福瑱果否尚存現派蓄髮降卒四處訪查不欲僅以難民之言為憑尚未訪有端倪至防範不力之員弁是夕賊從缺口衝出我軍巷戰終日并未派有專員防守缺口無可指之汛地礙難查參且杭州省城克復時偽康王汪海洋偽聽王陳炳文兩股十萬之眾全數逸出尚未糾參此次逸出數百人亦應營繕參辦賊情詭譎或洪福瑱實已身死而黃文金偽稱尚存亦古來敗賊常有之事應俟查明洪福瑱實在下落續行具奏抑臣更有幸者向使破城之夜該逆大開十三門每門衝出數百人不僅由缺口一路官軍亦未必能悉數截剿向使李秀城不因鄉民爭匿羈延時刻官軍亦未必能既脫復擒今之逸賊無幾渠魁就縛蓋全仗

皇太后

皇上之福非臣兄弟之力所能及此也除

諭旨垂詢各事另行分條覆奏外謹將此二事先行附片馳陳伏乞

皇太后

皇上聖鑒訓示謹

奏

奏稿卷二十五

近日軍情片 同治三年七月二十九日

再近日軍情江西之賊占踞許灣者為偽康王汪海洋一股經鮑超於七月初四破其長濠殺賊數萬分踞東鄉金谿者為偽聽王陳炳文一股懼我許灣之戰遂於初十一兩日棄東鄉金谿兩城陸續退遁率眾求撫據鮑超寄到陳炳文投誠稟帖共有黨眾六萬餘人洋鎗隊七千餘人皆願效順等語此二股皆由杭州竄出者分踞崇仁宜黃之賊為偽侍王李逆一股經江忠朝等於十一十二兩日次第克復南豐之賊為偽涪王譚逆一股經鮑超於十八日克復此二股係由湖州溧陽先後竄出者一切調度想楊岳斌沈葆楨已經詳奏欽奉

奏稿卷二十五

吳

諭旨飭臣酌派金陵陸師赴江協剿日下江西軍威大振無須添派援江之兵矣臣所慮者在皖北英霍一路皖南廣德一路而金陵之師急切不能起程應遣撤者無由籌給欠餉應出勦者無由籌發行糧不料老巢既破而餉絀若此皆臣經理不善之咎前派鮑超一軍馳援江西發行糧十萬賴有總理衙門撥濟巨款得以成行刻下不惟無此巨款而金陵既克廣東之釐金不能不歸還本省江西一半之釐金除留饒景二卡接濟徽軍兵米此外亦全留江西發鮑超周寬世兩軍之餉更無涓滴解赴皖台臣軍現入之款惟湖南東征局與安徽沿江釐金兩項月計所入不過數萬以供皖南北兩岸防兵不敷尚鉅更

無餘力分濟金陵裁兵之欠餉與出勦之行糧臣再四思維訖酌分松滬釐金撥解臣軍不識能否有濟湖北之賊尚盤結羅田麻城一帶僧格林沁已調陳國瑞進剿麻城英翰進紮商城喬松年調蔣凝學之兵進紮英山臣亦調李榕之兵駐防桐城布置尚密惟無大枝勁旅痛加勦洗尚為湖北皖豫三省之患所有近日軍情理合附片馳陳伏乞

皇太后

皇上聖鑒訓示謹

奏

奏稿卷二十五

吳

曾文正公奏稿

卷之二十六目錄

奉 旨分條覆陳摺	同治三年八月十三日
金陵陸軍請獎請卹摺	全日
密陳李元度等屈抑情形摺	全日
繪呈安徽地圖並長江圖說摺	八月十六日
曾國荃請開缺調理摺	八月二十七日
湖州廣德敗賊犯歙官軍截剿屢勝摺	全日
近日軍情片	
截停淮北餉鹽設法整理以復舊制摺	全日
江南貢院工竣請 放考官摺	九月十一日
皖南北兩岸肅清摺	九月二十七日
報銷皖省抵徵摺	全日
遵 旨馳赴皖鄂交界督兵剿賊摺	十月二十二日
密陳才力竭蹶難勝重任片	
交卸督篆仍回本任摺	十一月十八日
欽奉 諭旨分條覆陳摺	十二月十三日
查覆淮北鹽務摺	全日
豁免皖省錢漕摺	十二月二十八日

奉 旨分條覆陳摺 同治三年八月十三日

奏為欽奉

諭旨分條覆陳仰祈

聖鑒事竊 臣 歷奉本年七月十一至二十七等日

寄諭以江皖暨各路軍事殷殷下詢如遣撤勇丁及查洪福瑱

下落兩事業於上月二十九日覆奏此外奉

旨飭查之件尚多謹一一分條詳對為我

皇上陳之

一恭奉

諭旨垂詢江甯城內情形若何居人能否漸次復業貢院有無

損壞應如何修葺之處飭 臣 查明具奏一節查江甯省城賊踞

最久居民流亡殆盡此次官軍克城羣酋縱火焚燒昔年巨室

富家改造偽府微有存者此外民房極少故克復幾及兩月街

市尚未復業 臣 嘗至貢院履勘一次至公堂衡鑒堂明遠樓未

經毀壞號舍一萬六千餘間亦多完好惟號板全數毀失監臨

主考房官提調監試各屋騰錄對讀彌封供給各所片瓦無存

均須蓋造現經派員在鄂皖等處採辦木料廣集工匠飭委記

名臬司黃潤昌趕緊興修擬於九月奏請

簡派主考銜

命南來於十一月舉行鄉試庶冀士子雲集商民亦可漸次來

歸矣

一恭奉

諭旨江甯克復旗營駐防事宜亦應早籌辦理飭臣等妥籌款項迅將江甯京口駐防房屋早為建蓋以資棲止其兵丁俸餉能否即行照例全支之處並著妥籌辦理現在京旗駐防生齒日繁如挑其閒散陸續撥補江甯兵額能否有裨酌量具奏等因查駐防旗營亟宜修理臣已於七月初七日陳奏及之惟一時大工畢舉籌款實難擬俟貢院工竣次修江甯旗營又次京口旗營工作有先後之分庶籌辦有措手之處昔歲賊陷江甯旗營三萬餘人幾同一燼被害之慘甚於京口殉節之烈甲於

奏稿卷二十六

天下十餘年來陸續增添現存不過八百餘人籌餉尚易為力擬將江甯滿營概發全餉其京口旗兵業已挑補足額俸餉較鉅應請仍照現辦章程暫給半餉一俟庫藏漸裕續行奏明一體全支至挑閒散京旗以實江甯兵額亦俟修蓋營房規模粗定會同富明阿續奏辦理

一恭奉

諭旨據御史陳廷經條陳善後事宜內疆輿略為變通一條飭臣等酌度形勢妥籌具奏并鈔示陳廷經原摺一條臣查蘇皖未分之時跨江淮而為省古人經畫疆里具有深意我朝聖君賢相未嘗輕議更張若必畫江而分南北兩省則亦宜畫

淮而分南北兩界淮北如蘇之徐州皖之潁州將割隸何省乎唐之十道宋之十五路其於江南江北皆截然分而為二與該御史所奏大指略同然唐自中興以後聲教不行於河北宋自中興以後號令并不行於江北畫疆大明未必果能久安論形勢控扼之道守江南者必須先固淮甸棄淮則江南不可保昔人如吳師道胡安國楊萬里暨趙范葉適輩言之詳矣臣愚以為疆吏苟賢則雖跨江跨淮而無損於軍事吏事之興疆吏苟不賢則雖畫江分治而無補於軍事吏事之廢此等大政似不必輕改成憲區區愚見未審有當萬一否

一前奉兩次

奏稿卷二十六

諭旨垂詢楊岳斌赴任後鮑超謀勇素裕能否勝督辦之任頃又奉八月初二日

寄諭飭楊岳斌迅赴陝甘之任臣前以江西軍務雖已得手而侍逆未受大創趨重南贛湖州等股又將續入江西咨商楊岳斌暫緩赴任正在具摺覆奏間再奉

諭旨驚悉新疆失陷三城又經飛咨楊岳斌迅赴甘肅想該督接奉八月初二日

諭旨亦必刻日起程專疏覆奏矣鮑超戰功最偉屢次收降巨股賊中服其威信自足勝督辦之任惟目下湖州克復江西軍務應分兩路辦理鮑超現駐撫建應責令專顧北路備勦湖州

廣德續至之賊劉典席寶田江忠朝王文瑞劉勝祥韓進春等現已併趨甯韻應責令專顧南路追勦侍康等逆上竄之賊果能分任責成撫臣和衷調度當不必另派大員督辦而江境亦可次第肅清矣

一恭奉

諭旨飭臣調派金陵將弁帶精兵萬人從英山一路前進與楚師會合夾擊一節查前此皖南北邊境喫緊臣即在金陵抽調朱南桂八營馳赴皖南進勦廣德一路劉連捷十營朱洪章三營渡過皖北防勦英山一路不謂調撥甫定羅田蕪水之賊已於七月之杪犯英山圍撲我軍蔣凝學雖迭獲勝仗而糧路梗

奏稿卷二十六

四

塞深為可虞適廣德已克臣飛催劉連捷朱洪章朱南桂三軍悉赴皖北苦於川資無措一俟籌銀四五萬兩即可迅速西行徑趨英霍以收夾擊之效

以上五條皆係奉

旨垂詢飭辦之事除英山戰狀另行詳奏外謹繕摺逐一臚陳伏乞

皇太后

皇上聖鑒訓示謹

奏

金陵陸軍請獎請卹摺 同治三年八月十三日

奏為攻克金陵之陸軍出力員弁遵

旨查明保奏仰祈

聖鑒事竊粵匪竄踞金陵十有二年前此各將帥屯營城下功敗垂成同治元年四月間曾國荃以偏師東下竭力圍攻二年有餘始得仰仗

天威破此老巢洪逆劉尸忠逆就縛悍黨十萬幾無子遺微臣

兄弟仰蒙

恩賚渥邀

異數在事文武員弁欽奉

諭旨飭臣查明保奏遵經恭錄轉行去後茲據各營開列勞績

奏稿卷二十六

五

等差呈送請奏前來臣覆加詳覈無濫無遺相應繕具清單仰

懇

天恩准照所請給獎以示鼓勵其藍翎千把外委仍仿照湖北

之例咨部注册現當撤勇歸農之際俾得同戴

皇恩寵耀閭里至陣亡傷病身故之彭迎祥等五百一員名一

併開單請

旨敕部分別議卹所有遵保出力員弁及附案請卹緣由謹會

同大學士湖廣督臣官文浙江撫臣曾國荃恭摺具奏伏乞

皇太后

皇上聖鑒訓示再此外水師各營暨陸軍之距金陵最近者防
勦二年亦屬著有勞績又隨臣在安慶各營防守要地及辦理
文案善後糧台諸事竭力經營已越三年其蘇皖印委各官有
裨金陵軍事餉事者臣均當確切查明續行分案擇尤請獎合
併陳明謹

奏

奏稿卷二十六

六

密陳李元度等屈抑情形片同治三年八月十三日

再密陳者臣於元年閏八月欽奉

寄諭有人奏已革臬司李元度罪重罰輕飭臣按照所參各情

查明具奏臣以此案業經奉

旨交左宗棠查辦臣係原參之員例應迴避因函商左宗棠請

其詳查專奏臣遂未另疏覆陳亦以業經辦結之案苟大段平

允即無庸瀆陳也今幸金陵克復大功粗成臣兄弟叨竊異數

前後文武各員無不仰荷

殊恩追思昔年患難與共之人其存者惟李元度抱向隅之感

其歿者尚有數人懷不瞑之恨臣均對之有愧不得不略陳一

奏稿卷二十六

七

二上干

聖聽李元度從臣最久艱險備嘗遠近皆知其十年守徽之役

到郡不滿十日偽侍王大股猝至兵力未厚府城失陷臣奏參

革職擊問其十一年援浙之役參案未結遽行回籍沿途飾報

勝仗又不努力救杭臣奏參革職留營議者皆謂臣後參援浙

最為允當前參守徽失之太嚴江楚等省之公論昭昭在人耳

目臣雖知公論謂臣太嚴而內省尚不甚疚所最疚者咸豐六

年之春臣部陸軍敗於樟樹江西糜爛賴李元度力戰撫州支

持危局次年臣丁憂回籍留彭玉麟李元度兩軍於江西聽其

飢困陷危蒙譏忍辱後若避棄而不顧者此一疚也李元度下

筆千言條理周密本有兼人之才外而司道內而清要各職均可勝任惟戰陣非其所長咸豐五年自請帶勇十年夏間臣又強之帶勇用違其材致令身名俱裂

文宗有李元度失劔可惜人才難得之嘆皆臣不善器使之過此又一疾也此二疾者臣累年以來每飯不忘茲因忝竊高爵拜

恩懷舊慚感交并此外臣尚有抱愧之端江忠源之將材本可大有爲於時人皆知長江水師創於微臣而不知其議發於江

忠源咸豐三年江忠源在江西圍城之中一面奏請設立江面水師一面函請臣在湖南造船臣以無錢未遽造辦厥後江忠

奏稿卷二十六 八

源屢次催請救援臣以無船無兵不能應之逮劉長佑江忠濟馳援廬州臣亦不能以一兵相助致廬州淪陷良將不竟其用

至今耿耿此亦一疾也原任甯池太廣道何桂珍以上書房翰林出爲道員甫至店埠和春派三百人檄令馳援廬

江未及到防即以救援不力奏參革職其事本極委屈厥後播遷楚皖之交帶團剿賊飢餓危歷人閒未有之苦屢稟願隸

臣部下一雪忠憤臣亦無以應其求而遂其志卒以機事不密爲叛人李兆壽所戕天下冤之李兆壽旋再降於滁州改名世

忠近年歸臣節制臣因髮捻方熾苗禍又興不欲更添兵端又察李世忠實無異志遂奏合解兵歸籍善全始終論

國家包容降將之道大體尚屬妥協論當時戕殺道員之慘百年猶有餘哀古之征伐爲匹夫匹婦復讐臣反不能爲良臣良友復讐何以對何桂珍於地下此又臣之一疾也咸豐六年臣

被困於江西與湖南音問不通者八閱月軍心皇皇胡林翼奏派劉騰鴻普承堯吳坤修與臣弟曾國華四人帶勇六千馳援

江西苦戰兩月師抵瑞州從此兩湖始通文報江西始有轉機實惟劉騰鴻兵力最勁功績最偉次年臣丁憂歸籍劉騰鴻與

臣堅約敦請迅速回營得所倚臣以陳情守制未還江西劉騰鴻因堅城不下餉項不繼諸事齟齬盼望臣往爲之主持而

奏稿卷二十六 九

不可得抑鬱無聊終日逼城苦攻中礮而亡劉騰鴻忠勤堅卓臣與駱秉章胡林翼福興等皆奏稱有名將之材乃該員以救

軍而來臣反若委之而去不加護惜喪此烈士此又一疾也楚軍之興驍勇以塔齊布爲最雲南之畢金科次之二人皆能以

匹馬穿出敵陣之背羣賊熟視而不敢逼六年二月臣部周鳳山樟樹鎮之敗惟畢金科一隊得完臣旋派令救援饒州畢金

科長跪臣前稟稱孤軍千人不足以獨當一面願隨侍左右不欲遠離臣許以不久調回慰而遣之後在饒州屢次血戰以事

機不順未及保獎又爲同事所排擠憤鬱飲泣七年正月戰死於景德鎮饒人憐之臣一言失信隕此長城嘗作一碑表其忠勇至今尙未刊立以猛將氣蓋一世既不能善用以大顯其功

名而雲南梗阻萬里又不能寄金以優卹其父母此亦一疚也
臣忝任將帥以愛惜人才為職而歷年屈抑人才實已不少謹
將私衷抱疚之端一一上陳李元度屢經臣處參劾未便再由
臣處保薦應如何酌量錄用之處出自

聖主鴻裁江忠源何桂珍劉騰鴻畢金科四人可否由臣奏請
加恩之處恭候

訓示理合附片密陳伏乞

皇太后

皇上聖鑒謹

奏

奏稿卷二十六

十

繪呈安徽地圖並長江圖說摺 同治三年八月十六日
奏為遵繪安徽全省地圖並長江圖說恭摺進

呈仰祈

聖鑒事竊臣於同治二年十二月三十日接准總理各國事務
衙門咨稱該衙門具奏飭令各省繪具地圖一摺奉

旨依議欽此行知到臣伏查兩江統轄三省幅員遼闊當經

咨明江蘇地圖由李鴻章繪呈江西地圖由沈葆楨繪呈其安

徽地圖為現在駐紮之所應由臣處繪呈至長江數千里近

年中外交爭關繫最重自應另繪一圖均由臣衙門辦理旋經

札派分發補用知府劉翰清選用縣丞方駿謨綜理其事該二

奏稿卷二十六

十

員淹雅詳慎會同各屬地方官詳查將山川險阨村鎮關津水
旱驛站計里詳繪遵照總理衙門所開二寸方格每格當五十
里推測星度按方繪填計總繪安徽省圖一幅分繪府圖八幅
直隸州圖五幅至各州縣零星村集自軍興以後多經焚燬詢
訪綦難若憑志乘舊圖又恐歧誤失實因仿照康熙圖之例但
將村鎮併入府圖不復另繪縣圖以昭核實其長江一圖從湖
南巴陵縣洞庭湖口起至江蘇崇明縣海口止凡夫江面曲折
道里袤斜磯港暗沙夷館關卡均經實測詳查逐一登載至輪
船行江最畏擱淺其於江底淺深尺寸講求甚精現亦略仿其
意另行貼說以便稽考謹將安徽各圖長江圖裝成全冊專弁

賈遞恭呈

乙覽與各省所呈之圖未知體例相符否總理衙門原摺限半年內彙齊本應於七月初恭進因臣前有金陵之行遲誤月餘合併聲明所有遵繪地圖緣由恭摺具奏伏乞

皇太后

皇上聖鑒謹

奏

奏稿卷二十六

十一

會國荃請開缺調理摺 同治三年八月二十七日

奏為據情代奏仰祈

聖鑒事竊據臣弟會國荃咨稱同治三年七月二十七日奉

上諭據奏會國荃於克城之後心血過虧困憊殊甚欲請回籍

調理部勒散勇南歸求所為善始善終之道等語該撫所見雖

合於出處之道而於盡臣謀國之誼尚未斟酌盡善況遣散勇

丁祇須分派妥靠之員沿途照料而現在江甯安慶等城均須

督兵鎮守該撫正宜駐紮江甯安心調理一俟就痊即可幫同

會國藩分任其勞即著會國藩傳旨存問無庸遽請開缺回籍

等因欽此跪誦之下悚感難名伏念國荃受

恩深重每於盡臣謀

國之誼亦嘗刻自惕勵以期仰答

鴻慈於萬一祇以讀書太少未能斟酌盡善恭繹

聖訓益覺無地自容現奉

恩諭准在江甯安心調理復

諭以就痊後分任其勞國荃正當恪遵

諭旨趕緊醫治就痊於金陵一切善後事宜有關吏治民瘼者

加意講求藉資練習何敢稍耽安逸自外

生成惟一月以來延醫診視日進湯藥病勢有增無減緣怔忡

舊患起於心血先虧而成於憂勞過甚從前數月一發尚可支

持近則一月數發日增狼狽每至舉發之時粥飯不能下咽徹夜不能成眠始覺氣如奔豚上衝胸際漸至心神搖動頭暈目眩平地有顛仆之虞醫者云症由內傷必須靜養數月醫藥方能見功國荃自揣年力壯盛及早醫治得法尙可復元若此勉力支撐精神不能周到措置必至乖方思維再四惟有願懇天恩賞准開缺回籍調理冀得早就痊癒國荃以書生從戎忝膺疆寄疊沐殊恩曾未入覲天顏跪聆聖訓倘得病勢稍愈自當銷假入都泥首

奏稿卷二十六

十四

宮門藉伸數年犬馬戀

主之忱至現在遣散勇丁已近萬人派員照料回籍其餘專俟餉到次第遣撤又派過皖北者一萬一千人交劉連捷朱南桂朱洪章統帶已於十二三等日過江馳援英霍其防守金陵城池及附近要隘萬餘人業已分段布置登陣守禦江浙四省指日可報肅清整修貢院九月可以完竣國荃別無經手事件惟冀回籍養病稍息仔肩等情懇請代奏前來伏查臣弟曾國荃春夏之交飲食日減睡不成寐臣曾陳奏一次然以一人而統九十里之圍師與羣酋悍賊相持自無安枕熟睡之理亦係將帥應嘗之苦臣尙不甚介意迨克城以後臣至金陵見其偏體

濕瘡仍復徹夜不眠心竊慮之近十數日不得家書詢之來皖差弁知其肝火上炎病勢日增竟不能握管作字幸值撤勇就緒軍務業經大定地方又無專責合無仰懇聖恩俯如所請准曾國荃開缺回籍調理一俟病體就痊即令奏請銷假入都

陛見跪求

聖訓所有臣弟國荃因病願請開缺緣由理合據情代奏伏乞

皇太后

皇上聖鑒訓示謹

奏

奏稿卷二十六

十五

湖州廣德敗賊犯歙官軍截斬屢勝摺同治三年八月二
奏為湖州廣德敗賊併犯歙南經官軍截斬屢勝恭摺馳陳仰

祈

聖鑒事竊自湖州克復賊眾數萬糾合廣德餘黨分路出竄業
經蘇浙各軍兜剿窮追狼狽已甚其衝過徽甯境內者八月初
一日經甯國守將劉松山迎擊於錢邨鋪收降卒常宇安等四
千餘人悉行遣散旌德守將易開俊聞警拔營旋向板橋繼進
賊之後隊乃由老竹嶺轉竄歙縣之南鄉初七日徽州守將唐
義訓自杞梓里進軍中嶺易開俊亦自板橋進軍山陽坑合隊
夾擊大敗之斬擒三千有奇餘賊翻過六甲嶺遁向瀆安一路

奏稿卷二十六

六

初九日探報老竹嶺有續到之股為偽幼英王陳逆偽幼忠王
李逆及偽幼孝王等人數尤眾易開俊率隊疾進先令歐陽廷
易致中喻先達三路馳擊中路戰不數時復督蕭章開曹義勝
何作霖三營從叢箐中橫出截賊賊不稍卻喻先達易致中歐
陽廷何作霖等大呼陷陣立殲前鋒賊始潰走我軍沿途跟勒
斬斃近千解散盈萬餘賊聚於六甲嶺頭易開俊於次日分所
部為六路撥開榛莽蟻附上升羣賊一見即奔各軍踰嶺壓下
殺賊又以千計直追至畢家園而返十一日易開俊進紮蘇村
駐軍少息十四日督隊向胡須嶺履勘地勢適與賊遇令歐陽
廷易致中鄭開武為前茅自率馬隊親兵應之令蕭章開為左

翼喻先達為右翼三路併進擒斬無算賊仍遁出嶺外此八月
初七至十四等日易開俊一軍屢擊山陽坑六甲嶺胡須嶺竄
賊獲勝之情形也維時賊之遁向瀆安一路者已抵威坪為浙
軍所扼將欲回竄歙境唐義訓飛飭馬登富宋光隆穩守深渡
自率左俊逸王品高等五營於十四日馳至昌溪適見賊紛紛
過嶺比及引軍擊退又報賊以大股突竄江村片股繞出約坑
佛嶺一帶將在定潭橋出口唐義訓遂令王華雲蔣信玉等赴
豹嶺扼堵唐義謨左俊逸等赴佛嶺扼堵并督小隊親往深渡
而賊已由鎮口渡河急派馬登富宋光隆繞河橫擊賊之中槍
墮水者不少時唐義謨左俊逸等正在佛嶺而出約坑合軍猛

奏稿卷二十六

七

勦截賊兩段一面堵住過河之賊一面迎敵鎮口衝出之賊相
持數時賊始受創退往江村王華雲等亦在豹嶺腳大有斬獲
而還是夜雨甚賊冒雨涉水由小川搶渡我軍節節截勦戰至
嚮晨唐義訓分軍抄出鎮口後路仍親率數營斜越深渡上游
賊見我軍過河大駭而奔折向黃備一帶又為金國琛步隊所
襲拋棄輜重略盡十六日唐義訓先派各營面面設伏以待賊
賊果向鎮口悉眾竄出上下五六里旗幟層列鳧水爭渡猶未
盡濟也不料我伏軍突出擊之既濟之賊半蹙入水而未濟之
賊欲遁無路馬登富蔣信玉等從陸路環擊浙軍礮船亦從水
路駛至賊乃伏地乞撫願效前驅中有廣賊千餘人誓死不降

又經我軍直前痛剿斬敵數百惟游擊唐遠昂力戰死之是役也殲大小酋目九人降者散者數千人偽幼孝王胡逆並死於亂軍之中此十四五六等日唐義訓一軍在豹嶺佛嶺鎮口等處堵剿大勝之情形也臣查湖州廣德各賊傾巢敗竄勢將由徽入江以圖生路幸易開俊唐義訓等在歙縣東南併力堵遏俘斬降散為數甚眾再得一二勝仗可冀就地殄滅不至貽患江西實屬有裨大局在事出力員弁應俟皖南全境肅清後彙懇

恩施花翎參將銜游擊唐遠昂擊賊陣亡應請

敕部照參將例從優議卹所有徽甯防軍截剿竄賊屢獲勝仗

奏稿卷二十六

十六

緣由謹會同督辦江西皖南軍務陝甘督臣楊岳斌由驛五百

里具奏伏乞

皇太后

皇上聖鑒訓示謹

奏

近日軍情片 同治三年八月二十七日

再近日軍情江西侍逆等股竄擾南安水城江忠朝王文瑞兩軍趕到尚未擊退楊岳斌已抵贛州若南贛不清恐難遽赴甘肅湖州廣德之賊經浙軍徽軍層層追擊縱有零股竄入江西亦不過數千人得鮑超劉典等軍迎剿北路當易於肅清皖北之英山霍山一片賊氛蔣凝學雖屢獲勝仗而糧路尚屬梗塞臣現調劉連捷朱洪章朱南桂等率金陵萬餘人由桐城進剿英山調李榕王可陞何紹彩三軍八千人由六安進援霍山有此兩枝大兵皖北亦易剿辦臣本擬俟全皖肅清再行移駐金陵因臣弟曾國荃病勢增劇下游無人主持定於九月初間起程駐紮江甯籌治貢院工程據稟可於九月一律完竣臣到江甯親往驗工如實無草率之處再行奏請簡派試官以昭慎重理合附片陳明伏乞

聖鑒謹

奏

奏稿卷二十六

十九

截停淮北餉鹽設法整理以復舊制摺同治三年八月二日

奏為遵

旨截停淮北餉鹽設法整理以復舊制恭摺仰祈

聖鑒事竊臣承准議政王軍機大臣字寄同治二年十一月十

八日奉

上諭本日據戶部奏准北票鹽提充軍餉請分別截留以保正課一摺亦因苗逆伏誅皖徐平靜淮北銷路漸通亟應將餉鹽分別截留以挽頽綱而裕正課著曾國藩嚴飭鹽運司忠廉設法遵照辦理戶部摺並著鈔給閱看等因欽此伏查淮北鹽務自前督陶澍改行票鹽意美法良商民稱便果能率由舊章

奏稿卷二十六

二十

行之百年不敝無如軍興以後運道之通塞靡常銷數之暢滯無定鹽既不能如額運售課即不能按綱造報拖延套搭已覺年不如年然未辦餉鹽以前票販雖日形竭蹶而尚能勉力從公池商雖難免偷漏而未敢任意售私迨軍營提鹽抵課變易舊規營員日出於其塗商販遂聞而卻步李世忠部下赴垣領鹽尤屬桀驁一不遂欲百般恐嚇甚至因棧鹽不足下場自緝一營開端各營效尤護私夾私之弊遂至不可窮詰現在李世忠業經開缺回籍其部下兵勇亦皆遣散當此淮甸澄清自宜恪遵聖諭將餉鹽截停招集新舊票販照常請票運鹽完納現課出

湖銷售臣旁咨博訪參考成法核議新章約有必須停止者三急宜整理者四請為我

皇上陳之漕臣以清淮防費支絀先令場商每包捐鹽五斤每引共二十斤旋因逐包捐繳諸多未便由海分司詳改每運鹽百包帶繳五包其應完課銀及售出鹽價雖經吳棠奏明作為清淮軍需但錙銖而取之瑣屑而派之殊非政體所宜此必須停止者一也徐州係山東引地前因捻氛梗阻東引未能到岸經督辦徐宿軍務田在田奏准借運北鹽劃收東課原係暫時權宜之計行之日久流弊滋多採買則私自赴場售銷則旁侵皖界刻下東引業已通行徐民無虞淡食不能再託借運之虛

奏稿卷二十六

二十

名貽侵銷之實患此必須停止者二也北鹽向有淨鹽毛鹽之分已改細者為淨鹽未改細者為毛鹽皆須納課方准出湖近來私梟勾串營弁朋販毛鹽結隊橫行連橋關越堵之嚴則營員出而包庇緝之疏則官引盡被占銷此必須停止者三也夫推鹽之法革其弊而利自興餉鹽停則強封害販之弊除捐鹽停則科斂病商之弊除借運朋販之鹽停則引界混淆營私充斥之弊無不除臣所謂整理之四端蓋亦就諸弊既去因勢利導耳淮北綱引前係奏至戊午綱為止今於五月初八日接開已未新綱惟兵燹以後戶口大減斷不能銷四十六萬引之數應循照近年奏案先辦正額二十九萬六千九百二十八引每

引例收報部正課一兩五分一釐雜課二錢又外辦經費四錢倉穀河費鹽捕營各一分此外如團練壩工緝費號項等款名目太繁一概刪除以紓販力此現籌整理者一也近來軍餉皆賴鹽釐接濟勢不能概行裁撤而長淮處處設卡商販視為畏途且從前各卡總計每包約須完釐錢二千餘文為數過重自應大加核減今擬仿淮南總收分解辦法歸併兩處自西壩出湖先在五河設卡每包收釐錢五百文運赴上游再於正陽關設卡每包收釐錢五百文他卡只准驗票不准重抽統由選派委員駐卡經理蓋非減釐不足以輕本非裁卡不足以卸商此現籌整理者二也准北解餉原案向以十成分攤臨淮軍營

奏稿卷二十六

三

分四成滁州李營分四成安徽撫營分二成今臨滁兩營業已分別裁并自可將該兩營舊有之餉改撥金陵一軍稍解燃眉之急惟漕止捐鹽亦應量予撥濟以資貼補嗣後所收課釐已咨明吳棠喬松年應仍以十成分派營派五成撫營派四成漕營派一成論兵數則小有裒益論舊例則無甚更張此現籌整理者三也北鹽每引例定正鹽四百斤分細四包每包連鹵耗重一百十斤近來棧鹽出湖皆在西壩改細大包重一百二三十斤不等以省運腳及按包抽釐之費換包後鹽票不符叢生弊竇已嚴申禁令不准改細大包並於例給大票外將每船裝鹽包數亦仿淮南之例填給艙口清單庶鹽與票

符可杜就重而遊輕不致以多而報少此現籌整理者四也以上各條係就戶部原奏及御史劉毓楠之條陳悉心參酌力挽近年之秕政悉復曠昔之成規而又恐積弊已深一旦改收現課各販不甚踴躍更議輔以官運照商販一律辦理以示倡導准北近年以來綱法紊亂開網既無定期奏銷亦無定限目下新章既定嚴飭運司督同海州分司廣為招徠源源認運仍限一年造報奏銷以符定制但例銷北鹽口岸疊被苗捻蹂躪之後不但煙戶凋零人民稀少且未經開網以前存積餉鹽捐鹽販鹽為數不少舊鹽之占壓太多新鹽之售銷難速勢有必然又皖之潁六廬鳳豫之信羅光固逼近捻氛軍情變幻刻

奏稿卷二十六

三

可憂課項能否如額收足奏銷能否依限造報未敢信有把握其五河正陽關所收鹽釐將來自當隨同正課一并報部以重款項惟因餉需緊要此時所收鹽課只能支應軍需未能先運京餉私衷耿耿抱疚良深惟有督飭署運司忠廉殫盡血忱實力經理以仰副皇上整飭離綱之至意所有截停准北餉鹽設法整理緣由理合恭摺具奏伏乞 皇太后 皇上聖鑒訓示再戶部飭查歷年各營抵餉數目已飭運司逐細確查造冊詳送容俟送到清冊另行咨部合並聲明謹

奏

奏稿卷二十六

五

江南貢院工竣請放考官摺
同治三年九月十一日
奏為江南貢院建修工竣定於十一月舉行鄉試懇請
簡放考官仰祈

聖鑒事竊江南鄉試自咸豐九年在浙江借闈特開

萬壽恩榜并補行乙卯正科後尚有戊午辛酉壬戌及本屆四

科歷經奏請展緩辦理逮本年六月江甯省城克復親勘貢

院幸尚未全毀當即鳩工庀材飭派記名臬司黃潤昌監視興

修於八月十三日奏陳大概旋據該員以要工完竣繪圖呈驗

於九月初一日自安慶起程初七日舟抵金陵初九日至貢

院查驗工程所有主考監臨提調監試房官各屋騰錄對讀彌

奏稿卷二十六

五

封供給各所新造者十之九修補者十之一號舍一萬六千餘

間新造者十之一葺補者十之九又因江南人文薈萃向慮號

舍不敷酌就闈外闈入隙地以備將來添建號舍之用逐段

勘驗現僅號板未全牌坊及油飾未畢約計九月二十日前一

律完竣工堅料實煥然一新兩江人士聞風鼓舞流亡旋歸商

賈雲集現在已通飭各屬出示曉諭定於十一月舉行鄉試江

南監臨向係江蘇安徽兩省巡撫分科輪辦本屆甲子及補行

戊午各正科係屬江蘇輪值之年已咨明撫臣李鴻章請其

屆時前來入闈辦理監臨事務其提調監試各官向例於江安

兩省藩臬道府大員中調派內簾十八房則於科第出身實缺

州縣中考充如實缺人數不敷即於兩省候補之即用大挑揀發各班挑選現值地方多係新復實缺人員寥寥無幾所有內外簾各執事應由監臨官循例分別調取至江南正副考官向章八月鄉試係於六月二十二日

簡放主考禮部於二十日進本此次十一月舉行鄉試似應於九月二十二請

旨簡放考官向章江南主考由徐州臨淮滁州驛路行走目下

滁州等驛尚未整應改由清江浦揚州馳驛南來以免遲誤前此咸豐九年借用浙闈舉行已未

恩科並補行乙卯正科安徽取中正額因皖北赴考人數較少

奏稿卷二十六

奏

奏准先中六成酌留四成計兩科存留中額三十六名俟皖北肅清後於下科鄉試補中目下英霍賊退全皖將次肅清應否將所留三十六名於本科補中之處請

旨敕下禮部核議知會正副主考查照辦理所有貢院工竣舉行鄉試請

旨簡放考官緣由恭摺由驛五百里馳奏伏乞

皇太后

皇上聖鑒訓示謹

奏

皖南北兩岸肅清摺 同治三年九月二十七日

奏為官軍驅賊出境皖南北兩岸肅清恭摺陳仰祈

聖鑒事竊自鄂賊圍撲英山皖軍戰守逾月經喬松年節次奏

報浙賊併犯徽州各軍截剿屢勝亦經於八月二十七日奏

報在案方湖北髮捻大股由麻城入羅田勢漸東下六安守將

蔣凝學率隊進剿兵次金家鋪立營甫定為賊所困我軍伺隙

一擊敗之賊乃轉趨英山圖襲縣城蔣凝學裹糧馳援又卻之

城池遂以得完厥後蕪水月股之賊羅田續至之賊英山受創

之賊愈聚愈眾環布長圍日逼城壘糧運文報一時俱絕蔣凝

學忍飢誓眾屢戰獲勝先後俘斬解散者以數千計賊知不可

奏稿卷二十六

奏

復逞於九月初間悉數退竄楚境適英翰郭寶昌擊敗霍山之

賊由六安以達英山蔣凝學奉湖廣督之檄亦即由英山赴

援羅田而賊之徧擾蕪水蕪州廣濟黃梅者正入太湖西境聞

劉連捷朱南桂等軍已抵太湖遂悉數退竄鄂疆此皖北暫就

肅清之情形也賊之由浙入皖而延擾徽郡者易開俊迎擊於

山陽坑六甲嶺胡須嶺等處唐義訓金國琛截擊於豹嶺佛嶺

黃備鎮口等處前疏業已詳陳賊自鎮口一敗死者降者散

者棄老弱輜重而遁者十之六七唐義訓慮餘賊尚圖鉗走率

所部馳至草市邊之金國琛亦要截於小溪賊乃踰歙嶺而逸

唐義訓令左俊逸出連嶺王華雲出白際嶺宋光隆出馬金嶺

跟蹤追剿仍自將兩隊以繼各軍之後賊聞徽軍出嶺足不停
趾急走遂安竄入章村郭村一帶左俊逸王華雲宋光隆追及
郭村斬三百餘級解去千餘人金國琛亦自小溪逐賊而來賊
橫竄馬石橋出豐口小路陷開化走華埠據報漏逸而西者不
過數千此皖南全境肅清之情形也臣查十年以來安徽南北
兩岸受禍最烈今幸仰仗

天威全皖粗安于黎漸有還歸之望然湖北之賊尙趨重於蕪
水廣濟等縣臣方添調各軍扼堵太湖潛山宿松英霍等處是
皖北目前之肅清未可深恃皖南之賊竄入江西節節皆有重
兵餘匪當竄楚粵不能復擾皖境所有皖南諸軍如易開俊唐

奏稿卷二十六

義訓劉松山金國琛等防剿多年艱苦備嘗應卽籲懇

恩施以昭激勸提督銜安徽壽春鎮總兵易開俊可否

交軍機處記名遇有提督缺出請

旨簡放署安徽皖南鎮總兵唐義訓可否開復革職畱任處分

并簡補皖南鎮寶缺提督銜記名總兵劉松山可否

簡放寶缺並給予一品

封典前布政使銜湖北安襄鄖道降補同知金國琛可否先行

開復道員原官其餘出力員弁可否彙入擊退竄賊各案內容

臣開單奏保均出

皇上鴻施所有官軍驅剿竄賊皖境肅清緣由謹會同督辦江

西皖南軍務陝甘督臣楊岳斌安徽撫臣喬松年由驛五百里
具奏伏乞

皇太后

皇上聖鑒訓示謹

奏

奏稿卷二十六

報銷皖省抵徵摺 同治三年九月二十七日

奏為皖省改辦抵徵彙報收解簡明總數恭摺仰祈
聖鑒事竊安徽與湖北連界自楚師入皖疊復郡邑各州縣支
應兵差款項無出每立公局按畝捐錢以紳士經理其事民捐
民辦從不報銷日久弊生縣官不能過問紳士亦互爭利權徵
求無度百姓苦之咸豐十一年八月安慶省城克復 國藩督
同司道出示停止畝捐稍蘇民困旋因募兵增餉大舉東征勢
不能不重累閭閻再籌經費第以兵革之後冊檔全失丁漕混
淆遽徵錢漕竟無下手之處當經善後總局議以畝捐之法參
用正供之意查明各處熟田按畝捐錢四百文給予縣印串票

奏稿卷二十六

以抵正賦名曰抵徵一切收解動用官為報銷兼設紳局襄辦
清查糧畝仍不得稍侵利權於同治二年二月詳辦在案當時
初易畝捐而為抵徵取之有制民無重徵之慮操之自上紳無
侵蝕之權行之二年百姓既欣然樂從軍餉大有裨益惟抵徵
雖與正供無異而未分款目難入奏銷且查畝略有頭緒即宜
仍還舊章本年軍事大定 國藩又於春間札飭一律開辦丁
漕以復舊制所有同治元二兩年安徽各州縣收過抵徵項下
銀米錢三款自應專案作正報銷計銀一兩作錢一千四百文
核算凡撥解司庫者銀錢併計共錢三十三萬一千三百二十
九串零應由藩司報銷凡撥充糧臺軍餉者銀錢併計共錢六

十二萬三百二十六串米九千四百五十五石應由糧臺報銷凡
撥歸善後局者銀錢併計共錢七千八百串合之地方州縣供
應兵差均歸軍需造冊併入藩司衙門報銷據藩臬兩司會詳
請奏前來 臣等查安徽辦理抵徵係 臣 國藩與前撫 臣 李續宜
先後會商其時議定由李續宜主稿會奏厥後李續宜患病丁
憂久未銷假旋皖而唐訓方任內日在危險之中亦未出奏以
皖省抵徵係由督署始終主持自應由 臣 國藩具奏梗概仍飭
布政司核明各屬實征完解各數造冊由 臣 松年咨部查核其
三年以後開辦丁漕亦由 臣 松年屆時奏銷所有皖省改辦抵
徵兩年收解簡明總數理合會摺具奏伏乞

奏稿卷二十六

皇太后

皇上聖鑒訓示謹

奏

遵 旨馳赴皖鄂交界督兵勦賊摺同治三年十月二十

奏為遵

旨馳赴皖鄂交界督兵勦賊恭摺仰祈

聖鑒事竊臣承准議政王軍機大臣字寄同治三年十月初八日奉

上諭現在江甯已臻底平軍務業經戡事即著會國藩酌帶所部前赴皖鄂交界督兵勦賊務期迅速前進勿少延緩第恐會國藩之兵由東路進偏賊必避兵西竄武漢一帶防守亦關緊要官文俟會國藩到後即可回駐省垣會同吳昌壽妥籌防範並將各營餉需源源接濟毋令缺乏僧格林沁現駐黃岡之上

奏稿卷二十六

三

巴河第恐深入楚境難保賊匪不伺隙竄擾北路著酌量情形扼要駐紮力固豫疆賊或北竄即著督率馬步迎頭夾擊以期聚而殲旃僧格林沁官文會國藩均係威望素著似此三面扼紮必能將此股賊匪悉數殲除剋期戡事至江南甯甯肅清所有撫輯地方一切事宜均須妥為籌辦即著李鴻章前赴江甯暫署總督篆務會國藩俟李鴻章到後即行交代起程等因欽此適值李鴻章前來江甯辦理監臨事務十月十七日馳抵金陵與之面商湘勇多勦髮匪少遇擒匪不若添調淮勇熟於潁壽之程途兼悉擒匪之伎倆湘淮各軍三路并進更資得力因會檄調劉銘傳李鶴章等統率淮勇渡江而北隨西上進

勦皖鄂之賊臣自咸豐四年躬親矢石屢次敗挫厥後十載久未親臨前敵即元年秋間大疫羣賊紛乘會國荃被圍四十六日絕超絕糧三日臣俱未親行援救本年屢奉

諭旨飭臣督攻金陵臣亦未親往圍攻非膜視也自揣臨陣指揮非其所長不得不自藏其短俾諸將得展其才此次臣若自赴楚界未必有益而與僧格林沁官文同駐蕪黃四百里之內

以 欽差三人萃於一隅恐啟賊匪輕視將帥之心擬仍駐紮安慶六安等處派劉連捷等直入黃州各屬聽候官文調遣凡臣所能調者官文皆能調之臣部之名位勳勞以鮑超為最著

奏稿卷二十六

三

諭旨詢派督辦軍務臣尚奏請由沈葆楨和衷調度豈有官文督楚十年反不能調楚師之理倘有不遵調度惟臣是問力戒將士矜域之見以敦江楚一家之誼務將此股髮捻悉數掃除使皖鄂一律肅清庶幾仰慰

宸廑於萬一除交卸督篆起程日期續行具奏外所有遵旨馳赴皖鄂交界督兵勦賊緣由恭摺由驛五百里覆奏伏乞

皇太后 皇上聖鑒訓示謹 奏

密陳才力竭蹶難勝重任片 同治三年十月二十二日

再密陳者 臣才力竭蹶不堪肩荷艱鉅曾於元年八月十月二

年四月三次具奏本年三月又因手足搐瘳請假調理厥後金

陵倖克如釋重負意謂可心舒而體泰乃數月以來精神反遜

於前左手搐瘳如故間或兩耳重聽歷數時而不止自度蒲柳

早衰萬難再勝重任楚軍出征過久官秩日高漸成強弩之末

臣屢次致書李鴻章謂楚勇暮氣將乘必宜多撤准勇銳氣方

盛不可輕撤一俟皖鄂肅清 臣即專疏籲懇

天恩請開各缺調理病軀所有

欽差大臣關防屆時派委委員齎京恭繳 臣亦不敢置身局外

仍當效力行間將經手事件次第清理一則用去兵餉數百萬

雖

恩旨准免造冊報銷仍須督同局員逐款核算開具清摺分別

奏咨一則現存勇丁七萬人除酌留數軍外均須籌備欠餉分

批裁撤又有降將洪容海古隆賢等七起李世忠之舊部一起

尤須妥為安置一則新設長江水師立營分汛籌餉修船皆須

逐層區畫此數者係 臣分內應了之事計非二年餘不能料理

就緒 臣擬擇濱江僻縣駐紮力疾經營不敢稍涉疏懈除俟勦

平皖鄂恭摺具

奏外謹先密陳下悃伏乞

皇太后

皇上聖慈垂鑒謹

奏

奏稿卷二十六

三五

交卸督篆仍回本任摺 同治三年十一月十八日

奏為恭報 交卸督篆并遵

旨仍回本任各日期仰祈

聖鑒事竊 前奉馳赴皖鄂督勦之

命遵經檄派各軍並將擬駐安慶六安等處就近調度情形於

十月二十二日具陳大概在案拜摺後飭令李鶴章輕舟回營

照料劉銘傳周盛波刻口拔隊渡江嗣據周盛波呈報定於十

一月初六初八等日率所部九營由溧陽先後起程劉銘傳亦

定於十二日率所部十六營由廣德建平陸續起程 將地方

經辦事宜略為部署先於初三日交卸兩江總督篆務料簡西

奏稿卷二十六

美

行續奉

寄諭據僧格林沁等先後奏報蕪水獲勝成大吉軍解圍賊竄

英山等處經僧格林沁督師進剿擒獲首逆多名降者十餘萬

眾昨又據喬松年奏報扶逆陳得才自戕髮逆剿除淨盡皖省

一律肅清是楚皖近日軍情較之半月以前大不相同現在楚

境餘賊由黃孝竄德安一帶逆數無多楚軍可敷勦辦會國藩

又派劉連捷等軍歸官文調遣計日定可廓清著即飭令劉連

捷李鶴章劉銘傳等軍迅赴黃州德安等處遇賊即擊如賊趨

皖豫並令各軍分投防勒通力合作為一勞永逸之計會國藩

即可無庸前赴安慶亦無須交卸督篆仍駐紮金陵妥籌調度

等因欽此查鄂中髮逆雖經全數殄滅而捻逆退竄德安一帶

則由鄂而豫而皖均係往來熟徑劉連捷等軍宜以黃州上巴

河為老營凡黃州八屬有警即令分隊馳剿并添派吳坤修前

往料理營務劉銘傳等軍宜以三河尖固始為老營凡皖豫交

界有警即令相機防勦仍飭派李鶴章同往料理營務有此兩

枝勁旅庶可騰出湖北本省兵力專顧德安襄陽等處以為通

力合作之計頃准李鴻章將總督關防派弁齎送出闈 即於

十一月十七日接篆照常任事俟此間科場完竣諸務就緒擬

仍乘坐輪舟駛赴安慶黃州一次面囑諸將妥籌防勦迅掃上

游餘孽以慰

奏稿卷二十六

毛

宸廑所有遵奉

諭旨交卸回任各緣由謹繕摺由驛奏報伏乞

皇太后

皇上聖鑒訓示謹

奏

欽奉 諭旨分條覆陳摺 同治三年十二月十三日

奏為欽奉 諭旨恭摺陳仰祈

聖鑒事竊自本年春夏以來江皖兵事向亟凡先後

寄諭事件有關調度攻戰者業經隨時詳奏馳慰

宸厯厥後金陵克復百緒繁興計秋冬奉

旨垂詢之事未及具覆者尙有數端謹分條為

皇上敬陳其略伏讀

諭旨飭派會國荃前往明太祖孝陵致祭其有應行修葺之處

飭臣一面查明情形迅速奏聞一面督飭地方官酌量興修等

因查孝陵衛在江甯省城東北為昔年向榮等駐軍之所十年

兵燹不特饗殿全毀即圍牆碑亭亦已蕩然無存仰荷

聖慈優禮勝朝遣官致祭遵即移會會國荃於九月二十日按

照會典謹備祭品前往行禮 亦嘗往展謁一次察看明陵毀

傷過甚修理維艱旋委善後局司道勘估工程據稟匠人不堪

諳練約略估計需銀在十二萬兩以外金陵應修之工極多且

鉅六月初七日挑浚秦淮河此三處皆用營中勇夫分段賦工

然需費已二萬有奇此外城脚地道二十餘處明春有頽圯之

虞目下無此鉅款興修即明陵要工亦尙無款可撥不能不稍

緩數月再行籌辦

諭旨有云會國藩咨送李秀城供詞一本昨議政王軍機大臣

呈進均已覽悉末段所載該逆宛轉求生乞貸一命請招降江

西湖北各賊言招降事宜有十要洪逆有十誤均歸刪節飭將

原供仍詳細鈔錄咨送軍機處等因查李秀城原供摭拾數萬

言雖多可信之處而自誇戰功與各路軍報不甚符合其中反

覆重沓獻諛乞憐無非圖延旦夕之一命 竊謂該逆斷無赦

理江西北各賊股亦斷無憑該逆尺書全數就撫之理是以

將其支詞妄語概行刪節既奉

諭旨查詢茲將其十要十誤及其他語補鈔進

呈以備考核 奏稿卷二十六

諭旨又因李秀城供詞內稱張國樑遺骸係伊用棺木收埋在

丹陽寶塔根下飭 傳知會國荃派員尋覓即飭該故員家屬

認領改葬等因遵經恭錄轉移會國荃派員往查日久無獲 臣

又續派副將朱士達守備施占琦前往丹陽東門外附近寶塔

之皖江會館三義閣一帶徧詢該處居民並寺僧寶華僉稱從

前寶塔下并無墳墓咸豐十年賊擾後始有墳墓一坵本年九

月會國荃派員尋訪後又經馮子材委員訪求張國樑忠骸至

此啟視不符重為加工封築此外別無一墳更無一能知之者

旋據江西縣丞王丙焯稟報伊弟丙椿在張國樑部下同時戰

歿丙椿隨身長夫現在逃至江西頗能述當日死事情形臣已批令飭派該長夫迅至金陵以憑詰問張國樑收埋下落尙不知有無端倪

諭旨又詢江北之餉計可騰出若干飭臣等查明實在數目以一半分解甘省以濟要需以一半分濟皖軍前敵如甘省待用萬分緊迫即將此有著之款儘力籌撥不必拘定一半之數並著妥議章程迅速具奏等因臣查江北糧台進款約有數大宗曰釐金曰漕折曰地丁雜稅釐課曰運庫月協二萬曰統捐曰花布行棧按畝各捐本年八月以前每月所入計十萬兩有奇自奉准部文畝捐行棧捐先後停止釐捐局卡分別裁併而統

捐一款明春勢難再辦地丁釐課等項現經藩司衙門詳請畝作旗綠各營坐餉之需另案會奏漕折一款本年已奉部駁不准截畝旋經富明阿奏准暫畱借充遣撤各勇之用仍須籌款解還舍此數者統計來年騰出有著之款惟運庫協餉及江北釐捐二宗每月不過五萬兩臣擬俟揚州防勇撤竣後先提江北四五箇月入款儘數解部抵還本年所畱漕折此後按月以三萬兩撥赴甘省以二萬兩畱供皖軍仍俟皖軍一經裁撤即將此項分成之餉併解甘肅以濟要需是否有當恭候訓示遵行
諭旨又以池州府知府范先謨臣隨時悉心察看如始終不

奏稿卷二十六

聖

奏稿卷二十六

聖

能勝任即行據實參奏毋稍遷就等因臣當即札飭藩司密為訪察旋據稟該員范先謨由安徽候補直隸州委署池州府篆循分供職尙無別項劣跡學政朱蘭在池州考試月餘臣細加詢訪亦無貶詞惟係佐雜保升之員器識未免狹小而署任已滿一年辦事殊少振作未便稍涉遷就臣現函商撫臣喬松年即將該員撤任調省仰副聖主澄敘官方之至意以上五條皆奉諭飭查之件謹分晰條列繕摺由驛馳奏伏乞皇太后皇上聖鑒訓示謹

奏

查覆淮北鹽務摺 同治三年十一月十三日

奏為遵

旨確查御史劉毓楠條陳淮北鹽務恭摺覆陳仰祈

聖鑒事竊 於同治二年十二月十五日接准部咨議覆御史

劉毓楠奏准北引滯課細請設法整頓一摺同治二年十一月

初七日具奏本日議政王軍機大臣奉

旨依議欽此恭錄到 伏查該御史所奏六條除汰冗員一條

業經戶部奏覆所需廉俸無多毋庸裁缺外他如裁釐捐以紓

販力禁私鹽以暢官引減經費以重公項定場鹽之價以杜居

奇濬河道之淤泥以利挽運洵於北鹺確有所見 前議淮北

奏稿卷二十六

聖

新章即將該御史所奏詳加參酌弊之應革者逐加釐剔利之
應興者徐圖規復至所稱歷任海州運判到任必先核減鹽價
恐嚇商民迨至賄賂滿囊始行詳覆舊制又河費捐款經十餘
年之久已逾數萬商販屢請挑河該運判置若罔聞等語果如
所奏則商民任其簸弄公款難免侵吞必須遵照部議派委大
員澈底根究方足以警官邪本年正月江甯藩司萬啟琛自安
慶起程赴任 卽札派該藩司會同署運司忠廉秉公詳查旋
據該藩司等派員密訪弔卷確查悉心勾稽按款詳覆正在核
奏間接到部文內稱御史劉毓楠條陳淮北票鹽一摺內如裁
釐捐禁私鹽減經費三條現據兩江總督奏明分別裁減毋庸

再行籌議尚有定鹽價通河道兩條未據查覆應卽查照前奏

指詢各情迅速根查等因 查場價之長落向視壩銷之暢滯

銷暢則販利較厚自宜酌增場價以貼池商銷滯則販本有虧

又宜酌減場價以貼票販警諸百貨有盈缺市價卽有低昂從

前稟鹽舊章池商應得之鹽價駁價每引共計九錢軍興以後

路梗銷疲咸豐四年卽經前任海分司詳明減為七錢厥後續

有增減之案經萬啟琛等查明均係稟詳運司因時制宜尚非

憑空簸弄惟向章鹽價係繳分司衙門轉發池商嗣因餉需緊

要往往將鹽價墊解軍餉以致未能按期給發池商益形苦累

自丙辰綱起改為由販自付不由分司收放既無挪墊之虞亦

奏稿卷二十六

聖

無剋扣之慮池商運鹽一引可得現價七錢足資轉輸本年新
綱亦係照此辦理 又將池商捐繳之河費團練船工等項概
予刪除商情皆稱允服又查淮北河費向係票販與池商每引
各捐一分咸豐四年以後販力竭蹶經前任海分司詳明將票
販帶繳之一分裁去僅留池商一分從前每綱運鹽四十六萬
引照額收足祇收銀四千六百兩近年銷數益滯捐款益微歷
綱並無繳足之年場河亦有興挑之案卽倉穀勇糧等款經萬
啟琛等逐細確查皆出因公動用尚無侵吞情弊本年新綱列
征票販河費一分 已飭令專款存儲自當隨時委勘擇壅塞
淺阻之區為疏濬深通之計又飭海州分司將歷年所收外辦

雜款按綱按任造具支用清冊詳報由臣逐款核銷以昭核實
所有遵

旨確查緣由理合恭摺覆陳伏乞

皇太后

皇上聖鑒勅部查覈施行再戶部奏催淮南招商配引章程現
在淮南鹽務悉照本年正月奏定之案辦理漸有起色此時
無庸另議更張一俟川私稍衰楚岸稍暢即當酌增鹽課已
於十月二十七日奏覆合併聲明謹

奏

奏稿卷二十六

臣

豁免皖省錢漕摺 同治三年十二月二十八日

奏為查明皖省各州縣應徵錢糧雜稅分別被災輕重酌擬蠲
免年分請

旨遵行恭摺仰祈

聖鑒事竊江蘇安徽兩省歷年積欠錢糧及雜稅等項於本年
七月二十二日經戶部奏奉

諭旨截至克復之日為止著會國藩李鴻章喬松年各飭藩司
分別查明彙奏請豁等因欽此仰見

聖主痍瘝在抱念切民瘼欽感曷任伏查江蘇被兵地方應蠲
錢漕業經李鴻章隨時會摺奏辦安徽八府五十九州縣陷於

奏稿卷二十六

臣

粵逆者十居其七破於捻匪叛練者十居其三蹂躪情形較他
省為尤甚遵經督飭前藩司馬新貽會同臬司何璟糧道王朝
綸詳查去後旋據查覆皖南徽甯廣等屬兵戈之後繼以凶年
百姓死亡殆盡白骨遍野此受害最重者也皖北滁全來天財
等屬為豫勝營駐兵之地亦為羣賊往來之路淮北鳳潁泗等
屬苗捻出沒恣意焚殺至再至三此皆受害較重者也沿江安
池太廬和六等屬多係水鄉又遭兵燹十年之久此亦受害次
重者也湖查咸豐十年閏三月奉
上諭懷遠鳳陽五河各縣及臨淮鄉應徵咸豐七八九十等年
錢漕均著照部議概予豁免十一年十二月奉

上諭江蘇安徽浙江三省失陷郡縣明年錢糧一概蠲免又先後奉准部文豁免咸豐九年以前積欠錢糧漕米蠲免同治二

三兩年安徽蒙亳等處錢漕本年四月間戶部議將曾經失守地方收復以前積欠錢糧全行豁免均蒙

俞允此次續奉 恩旨自應欽遵併案辦理惟安徽用兵十餘年通省淪陷殺戮之重焚掠之慘殆難言喻實為非常之奇禍不同偶遇之偏災縱有城池克復一兩年者田地荒蕪耕種無人徒有招徠之方殊乏來歸之戶新貽等公同察核若僅照克復年分請豁錢糧民力實有未逮新賦尙難於輸納積欠亦徒有其名擬請援照

奏稿卷二十六

奏

蒙亳二州縣及江蘇武進陽湖兩縣之例於克復後加豁一二

年以示格外體卹除咸豐九年以前民欠錢糧漕米已奉

旨豁免不計外請將受害最重之績溪甯國旌德太平宣城南

陵涇縣青陽石埭廣德建平十一州縣咸豐十年起至同治四

年止并受害較重之鳳陽及臨淮鄉懷遠壽州鳳台潁上霍邱

滁州全椒來安盱眙天長東流歙縣黟縣貴池建德十六州縣

咸豐十年起至同治三年止同受害次重之懷甯桐城潛山太

湖宿松望江祁門銅陵休甯英山當塗蕪湖繁昌合肥無為舒

城廬江巢縣定遠宿州五河和州含山六安霍山二十五州縣

咸豐十年起至同治二年止暨受害稍次之婺源阜陽太和泗

州及舊虹鄉繁壁五州縣咸豐十年起至同治元年止一應民欠正雜錢糧銀米商牙魚雜各稅壓徵蘆課各項官租概行豁免又亳州蒙城二州縣咸豐十年起至同治元年止民欠錢漕并請補行豁免所有安慶新安宣州建陽廬州鳳陽滁州泗州長淮各衛錢糧銀米亦與屯坐州縣一律照辦內有津貼一項向不豁免第漕艘現已停運旗丁同一被難應請一併按年豁除其城池完固及克復多年曾經徵收錢糧之各州縣仍循例造冊查明實欠在民者始准豁免徵存在官者嚴行提解藉端侵挪則按律參追凡被擾後未經啟徵之處冊檔全失應暫免造冊俟將來開辦之年統以未豁年分起照例辦理而本年業

奏稿卷二十六

奏

已起徵之處亦難照額全完並俟秋成後月行詳辦等情會詳請奏前來 臣等復查安徽全省賊擾殆徧創鉅痛深地方雖有已復之名而田畝多係不耕之士其尤甚者或終日不過行人百里不見炊煙該司道等請將應徵錢漕援例加豁之處均係體察情形迫於萬不得已當該司道七月具詳時廣德尙未克復 臣等以皖江南北未能一律肅清又經展轉行查是以陳奏稍遲茲值殘歲將終陽春布澤皖省全清已歷數月合無籲懇天恩准照所請年限分別豁免以紓民困而廣 皇仁其廣德建平甯國縣三屬被害尤酷應照原詳加免一年一併繕具清單仰懇

恩施恭候

命下之日刊刻騰黃徧行曉諭使官吏悉絕弊端而災黎均霑實惠以副

朝廷軫恤元元之意所有應豁皖省錢漕雜稅遵

旨查覆緣由謹會同漕運督臣吳棠合詞具奏伏乞

皇太后

皇上聖鑒訓示再同治元二兩年尙有改辦抵徵之州縣雖係

捐助軍餉亦與正賦無殊應將該兩年抵徵未完者比照錢糧

一例請蠲以免兩歧其蠲免各處現在已有開徵者流抵將來

應徵之項即由各該州縣刊刻免單詳開

奏稿卷二十六

吳

恩蠲年分及流抵新賦字樣按戶付執以爲流抵確據合併陳

明謹

奏

曾文正公奏稿

卷之二十七目錄

欽奉 諭旨覆陳軍情摺

同治三年十二月二十八日

何桂珍等請 子謚片

補陳甯國涇縣保案摺

同治四年二月十四日

報收輪船經費撥解銀兩摺

全日

江甯暫緩開關查案另籌辦貢摺

二月二十七日

通籌滇黔大局摺

三月十五日

密陳鮑超不能出勦關外片

覆陳劉銘傳等軍赴防摺

四月十六日

袁甲三請復建臨淮專祠摺

全日

疊奉 諭旨覆陳摺

五月初一日

陳明霆營餉絀情形片

全日

遵 旨赴山東勦賊陳明萬難迅速情形摺

五月初九日

謹陳籌辦情形并請收回 成命摺

五月十三日

調李鶴章辦理營務片

全日

交卸督篆帶兵出省日期摺

五月二十四日

裁撤湖南東征局片

全日

皖軍被困派兵援勦摺

閏五月十一日

再請收回節制三省 成命片

全日

欽奉 諭旨覆陳近日軍情摺同治三年十二月二十八日
奏為欽奉疊次

諭旨恭摺覆陳仰祈

聖鑒事竊臘月以來疊奉十一月二十六二十七二十九
九十五等日

寄諭飭令劉連捷劉銘傳等迅赴豫省歸僧格林沁調遣鮑超
迅赴甘肅新疆飭與各省督撫酌撥協餉等因臣反復籌維
思所以助剿中原經營西北之道謹就愚慮所及為我
皇上分條陳之

一剿辦捻匪宜用淮勇並宜用船運火器至周家口一帶也查
奏稿卷二十七

捻匪出沒無定馬隊頗多楚軍不慣麪食不善馳騁於剿捻難
期得力惟李鴻章所部淮勇居址相近熟悉捻匪行徑足以制
其死命臣於辛酉年初招淮勇時曾以剿捻相期諸將亦毅然
自任此次

諭旨飭劉銘傳等赴豫維時李鴻章尙在金陵臣與之面商李
鴻章以淮勇剿捻人地相宜義無可辭惟稱劉銘傳等所用洋
礮軍火最為笨重須由水路運送遙河涸目下不能達豫等
語該撫回至蘇州又將此情切實具奏矣臣查蘇軍赴豫不特
洋礮炸礮宜由水路運送即子藥米糧亦須多備船隻源源濟
運河南水次以周家口為都會自揚州洪澤臨淮潁州以達於

周家口計程三千餘里冬春水涸挽運極艱似若嫌其迂緩然
淮勇所長全在火器須俟淮潁水漲將軍火米糧運足然後用
其所長益擊猛進無饋運不繼之患周家口距汴梁最近亦無
驅賊北竄之患

一西路軍務宜并力先清甘肅再及關外臣處餉項日絀不能
協濟鮑軍也新疆回氛甚熾本宜及早撲滅惟甯夏淪陷階州
未復秦隴戒嚴甘肅兵單餉絀軍無固志內地之根本未穩焉
能揚威塞外似須將嘉峪關以內一律掃蕩方能大舉出關鮑
超接奉疊次

恩旨急思回籍募勇立功西域以圖報稱頃據該提督商臣
奏稿卷二十七

處詢問出關事宜並請將現統之楚軍全數帶赴新疆臣詳細
函復言楚勇離甘太遠不服水土不如川勇相距較近曾在新
疆著有成效由江西帶去舊部以六千人為率由四川續添新
軍以四千人為率若再多則籌餉不易轉運尤難且還蜀募勇
不宜用川東之人宜用川北保甯龍安兩府之人由龍安而至
甘肅之階州古所稱陰平道也由保甯昭化而至階州近日水
陸通行之道也保龍二府兵勇與甘肅風氣不甚相遠若兩湖
兵勇帶至階州倘其不服水土即須酌量遣回換募川勇乃可
率之出關各等語函復去後旋接鮑超來文擬帶舊部八千三
百人西征並由沈葆楨據咨代奏矣聞閩中賊勢猖獗江西富

紳頗欲留營全軍先清閩匪以愚見餉超目下回籍葬親所部全軍儘可暫留江西防剿閩匪待數月假滿以後餉超一面由夔府馳赴川北另募新勇大加訓練宋國永一面由江西馳赴川東管帶舊部續行入甘兩者均不致遲誤至諭旨令臣與各省督撫協撥餉軍之餉處兵勇尚多餉項奇細實無餘力協撥關外巨餉伏乞

聖鑒

一餉源日匱必須多撤楚勇也臣處向來募兵約計入款出款不甚懸絕故積欠雖多尚未譁潰自元年克復沿江十餘城籌金陵之圍師增南北之游兵置各城之戍卒陸續添至十萬人

奏稿卷二十七

於是入不敷出為數甚鉅今春減去江西釐金之半遂若旁

皇失措幸蒙

聖恩飭總理衙門撥銀五十萬兩前後共收到四十餘萬實出意料之外今年所幸免決裂者全賴此巨款彌縫其間今則輪船經費業經用罄江西廣東之釐金業經歸還該省湖南東征局之半釐除留清期票欠餉外明年亦將裁撤入款日見其隘而出款不見其減反覺其增如蔣凝學請領赴甘途費銀四萬兩楊岳斌請協募勇經費一萬兩金陵科場及浚河修城共銀十餘萬兩皆係決不可省之項再四籌思舍裁勇別無節餉之法秋冬之間處已撤勇三萬明歲當續裁二萬餘人金

陵守兵當裁去七千人皖南朱品隆唐義訓兩軍亦應次第裁遣皖北劉連捷朱南桂朱洪章三軍前因行糧無措未遽赴楚旋接官文兩次來咨以楚境漸次肅清飭令該軍無須前往現在金陵安謐劉連捷患病甚深應即先撤該軍而朱南桂等二軍亦在裁撤之列除章志俊洪容海古隆賢陳炳文諸降將另謀安插外其餘總以多撤為貴騰出有用之餉不特足供留防之勇亦可解濟西征之軍且數萬之眾早散早遣尚恐不免於後患豈可聽其安閑長聚致貽無窮之累素非畏事之徒近年統勇過多惴惴焉若不克終日者故薄立功績不敢自喜但求遣散各勇不生他變庶免於咎戾以上各條謹就近日軍情

奏稿卷二十七

諭旨再三訓飭者縷晰覆陳伏乞

皇太后

皇上聖鑒訓示謹

奏

何桂珍等請 于諡片 同治三年十二月二十八日

再 臣 欽奉八月二十一日

寄諭李元度一員本日又催令左宗棠迅即查覆俟覆奏到日再降諭旨江忠源已屢次加恩於朝廷報功之典亦尚允當此次該大臣所請與何桂珍劉騰鴻畢金科等三員應如何一併加恩之處即著該大臣查明具奏等因欽此除李元度之案業經續奉

諭旨交部定擬江忠源之績本年又蒙

特恩賞給三等輕車都尉世職未敢再乞

恩施外惟原任安徽甯池太廣道何桂珍以道員率三百人責

奏稿卷二十七

五

以救援廬江遂至鎬職其在軍備嘗艱苦挫折萬端實屬世所

罕聞遽殞於叛人之手 臣 至今猶憫其冤補用直隸州知州道

員例

議卹劉騰鴻銳志討賊幾與羅澤南李續賓齊名所部千餘人

由鄂援江無堅不破江西大難因此而解苦攻瑞州中礮洞營

齋志云殂遠近悼惜候補游擊雲南臨沅鎮都司畢金科當世

驍將七年正月景德鎮之役實因餉絀而冒險求戰輕兵深入

失此將材之三人者荷蒙

先皇帝卹贈有差忠勇邁倫死事甚烈深恐積久弗彰合無籲

懇

天恩將何桂珍劉騰鴻畢金科等三員各予
賜諡以表忠盡而示來茲謹附片覆陳伏乞

皇太后

皇上聖鑒訓示謹

奏

奏稿卷二十七

六

補陳甯國涇縣保案摺 同治四年二月十四日

奏為易開俊劉松山兩軍堅守甯國涇縣各城出力員弁懇

恩獎敘恭摺仰祈

聖鑒事竊總兵易開俊劉松山接統張運蘭舊部老湘營六千餘人分駐甯國府涇縣兩城自同治元年閏八月起至二年正月止大疫之後苦戰苦守經 屢次具奏在案其時李秀城李世賢等偽王圍會國於雨花臺黃文金楊輔清等偽王外則團鮑超於清弋江高祖山等處內則團易開俊劉松山於甯涇兩城 既將危險情形縷晰具奏并稱 力不足任此艱鉅疊請大臣來南會辦厥後三處次第解圍奏請優加獎敘蒙

奏稿卷二十七

七

恩允准會國莖一軍 於二年四月間開單請獎鮑超一軍於二年五月間開單請獎惟易開俊劉松山兩軍尚未奏獎三年冬因皖南肅清一案行令各軍開單稟保以為凱撤之地茲據易開俊自壽州來謁面稱該兩軍於元年秋冬苦守甯國之役業經奉

旨准保尚未出奏 始悟前案漏未陳奏之失因飭取元年秋

冬守城出力各員擬保升階謹繕清單仰懇

天恩俯准所請以昭激勸其把總外委兩項照舊咨部核辦

於應奏之案久未陳奏實屬異常疏忽相應請

旨將 臣交部議處所有易開俊劉松山兩軍出力員弁查案請

獎緣由理合由驛專摺補陳伏乞

皇太后

皇上聖鑒訓示再該兩軍於二年三年屢有戰勝克城奏明准

保之案咨候彙入皖南肅清案內續行具奏合併聲明謹

奏

奏稿卷二十七

八

報收輪船經費撥解銀兩摺 同治四年二月十四日
奏為奉撥輪船經費全數解清恭摺奏報仰祈
聖鑒事竊自上年三月間以金陵功在垂成餉需短絀總理各
國事務衙門奏奉

諭旨該衙門總稅務司赫德所呈上年奉撥輪船回國經費等
項銀五十萬有奇如果均係實存即全數撥歸曾國藩軍營充
餉又據聲稱此項內有二十萬兩零本屬現存有著之款著李
鴻章查明先行儘數撥解曾國藩軍營該大臣亦可暫時以資
散放等因欽此遵經宣示軍中莫不仰賴
皇仁同聲欽感旋即咨會江蘇撫臣李鴻章飭據代理江海關

奏稿卷二十七 九

道應寶時轉據總稅務司赫德於四月初二十一等日解交
銀二十萬八千三百三十四兩九分又於海關原撥之五萬兩
內先行籌解銀三萬兩迨丁日昌接署關道後諭知此項銀兩
係急不可緩之需節次催令該總稅務司等陸續措繳乃赫德
來函所欠洋銀十九萬餘元已由香港寄回英國李泰國收用
有能查匯還尚未可知等語續經函商赫德馳書英國設法請
催始於九十月兩月將前項洋銀寄還彙解計自四月起截至十
二月初止粵閩各關解款及補解應寶時任內海關撥存之二
萬兩共解到銀四十六萬八千三百一兩三錢八分四釐均分
批赴營投納仍將各關欠繳若干李泰國欠繳若干逐一清查

又據赫德匯交銀四萬三千二百七兩二錢四分八釐統計
先後解過規平銀五十一萬一千五百八十八兩六錢三分一釐
合庫平銀四十六萬六千七百十四兩八分核與五十萬有奇
之數相符據該關道丁日昌開摺稟報前來 臣查上年四五月
間 營餉項奇絀束手無策厥後金陵告克大功巖成即鮑超
赴援江西師行無滯全賴此項經費保全危局鼓舞軍心該關
道及總稅務司等於數月之間催繳齊全絕無絲毫蒂欠固屬
竭力經營仰副
朝廷軫恤戎行之意而業經寄回英國之銀竟能於數萬里外
如數匯還足見

奏稿卷二十七 十

天威遠播震懾重洋亦普天臣民可為慶慰之機除彙入軍需
項下報部外所有輪船經費全數解清緣由理合專摺具奏伏
乞

皇太后

皇上聖鑒謹
奏

奏

江甯暫緩開關查案另籌辦貢摺同治四年二月二十七

奏為酌度江甯現在情形應暫緩開關請

旨飭查成案籌款辦貢仰祈

聖鑒事竊江甯城外向設兩關曰龍江曰西新例由織造兼司
權務并徵城門進出貨稅每年額徵龍江工關稅銀暨銅斤水
腳銀五萬七千六百七兩零盈餘銀五萬五千兩西新戶關稅
銀暨銅斤水腳銀四萬一千三百七十六兩零盈餘銀三萬三
千兩共徵正餘銀十八萬六千九百八十三兩有奇除開支關
署應銷各款外照例將所徵銀兩按兩季解京自咸豐三年江
甯城陷織造退處江北計兩關停徵稅課十有二年逮同治元

奏稿卷二十七

上

年五月會國荃駐軍雨花臺楊岳斌彭玉麟水師分布江面二
年攻克九洲洲上下游貨物漸通乃在距城西南數十里之大
勝關設卡抽釐為湊發各營軍餉之用上年六月江甯克復後
十一月舉行鄉試商民稍稍安集又在城中添辦門釐專給上
江兩縣耕牛籽種之用他事不准動用分毫凡此兩處釐金之
所收即昔年兩關稅課之所出也然地方元氣過傷商民疲困
城中試辦一月旋即改為半釐月僅收錢一千餘串大勝關尚
能月收錢三四千串至正月則收數較少不過收錢一千五百
餘串若遽撤卡設關斷不能足額徵之數相去懸遠加以衙署
多所開銷胥吏從而苛索并恐所徵不敵釐卡之數臣查上年

杭州北新等關開辦之後徵解寥寥經左宗棠專摺奏停仰蒙

俞允江甯蹂躪日久其凋敝較杭州為尤甚而城門進出皆須

收稅更恐商民聞風裹足有礙於招集流亡之政應請援照浙

省奏案暫無庸開關徵稅俟城市復業各路商賈借來由臣體

察情形再行奏請設關以復舊制至織造衙門年例額辦

上用官用緞匹及各項活計工料軍興以來久經停運目下省

城既復縱機戶星散不及如常開織而本年乙丑大運亦應由

織造松瑞按照部派數目量為採買運解以應

宮府至急之需而盡職分當為之事惟此項經費現據松瑞請

向藩庫籌撥無如藩署文卷全失臣處又無案可稽及考之會

奏稿卷二十七

上

典事例亦僅載一條云江甯織辦緞紗照杭州之例每年於藩

庫現存銀內先支二萬兩餘俟派文到日找給等語臣擬即令

藩司萬啟琛遵會典所載撥銀二萬解交松瑞先行購辦而所

辦年貢共需用銀若干向由何款撥解相應請

旨敕下戶部內務府查明成案具奏行文到臣遵照酌核辦理

其織造及所屬各員養廉薪資并書吏匠役紙張飯食等項亦

宜妥籌津貼擬并照浙江奏定章程另由釐金項下按月提銀

一千兩歸該織造支用自行彙案題銷以資辦公而重款項所

有江甯請緩開關查案另籌辦貢緣由理合繕摺陳奏伏乞

皇太后

皇上聖鑒訓示謹奏

奏稿卷二十七

三

通籌滇黔大局摺 同治四年三月十五日

奏為遵

旨通籌滇黔大局恭摺陳仰祈

聖鑒事竊臣承准議政王軍機大臣字寄同治四年二月二十

六日奉

上諭滇黔慘遭蹂躪十有餘年誰非朝廷赤子豈忍坐視其顛危而不一拯救惟以東南未盡盪平西北尤關緊要是以徵兵籌餉不得不先清腹地再顧邊陲茲幸江浙肅清東南底定張亮基身任黔撫自不得不為滇黔籌畫會國藩等前奏遣撤楚勇能否派員酌帶赴黔交張亮基調遣及各省釐金能否酌量

奏稿卷二十七

古

先為分撥若干以資接濟之處著會國藩李鴻章妥為區畫等

因欽此又奉三月初四日

上諭此時滇中軍務未平紀綱廢弛非有督撫大員帶兵入滇相機剿撫不足挽回全局林鴻年現擬進紮昭東保全完善以期節節前進第餉項支絀寔後跋前仍恐於事無益官文會國藩等素顧大局務當與吳昌壽李瀚章等各就本省情形於撥解西征餉銀外每月可以協解滇餉若干酌定數目迅速奏明辦理等因欽此仰見

皇上廛念民瘼綏靖邊徼之至意臣查滇省於天下為最遠黔省於天下為最貧當此事局糜爛之餘實有鞭長莫及之勢然

聖主紹承大統雖在新疆萬里之外猶且尺土在所必爭一民
在所必救况滇黔尚屬內地豈得不力圖遠略規復舊基自古
行軍之道不一而進兵必有根本之地籌餉必有責成之人故
言謀江南者必以上游為根本謀西域者必以關內為根本理
有固然古今不易臣愚竊謂謀滇當以蜀為根本即以籌餉責
之四川總督謀黔當以湘為根本即以籌餉責之湖南巡撫蜀
之南多與滇鄰湘之西多與黔鄰進剿即所以自防勢有不得
已者義亦不得而辭惟既令其專謀一方則不能兼顧他省試
就湖南論之近年西剿貴州東防江西本省之兵為數不少而
又有東征一局以巨款解濟皖吳此外又有滇捐之局黔捐之
局江西捐局浙江捐局各處之籌餉愈多則本省之進款愈少
斷不能大有所為上年憚世臨派周洪印戈鑑等進剿貴州連
克古州都江上江天柱四城黔民已有來蘇之望當時若能乘
勢進取北剿鎮遠南攻都勻即可與貴陽省城通氣勞崇光等
亦不至坐困若此因湖南餉項無幾憚世臨不敢募勇添營大
舉深入致負黔人之望今
皇上慨然遠慮思出黔民於水火飭臣與李鴻章妥為區畫新
任撫臣李瀚章本在臣營六年之久又係李鴻章之胞兄金陵
回湘之將蘇軍得力之員多與李瀚章相知相信若令選將練
兵專圖黔事必可次第奏功但東征局既裁之後只能酌添本

奏稿卷二十七

五

省之釐以濟平黔之餉不能多供甘肅更不能分濟雲南謀一
則情專餉分則力薄此謀黔之一說也又就四川論之近年肅
清本省協濟外省亦已悉索做賦杼軸久空成都去滇省近三
千里萬山叢雜兵多則糧運極艱兵少則回匪難制即竭蜀力
以圖雲南尚恐無濟又况川北之保甯龍安須以重兵防甘肅
之賊川南之西陽瀘州須以重兵防貴州之賊其勢不能專事
滇境而盡棄他處然滇省孤懸南徼惟四川相距稍近昭通東
川二府康熙以前本隸四川雍正年間始隸雲南
皇上不忍棄滇民於化外舍蜀別無下手之方倘使四川督臣
能兼督辦滇省軍務之銜或竟赴敘州駐紮半年調度一切每
月專解滇餉四五萬撫臣林鴻年進紮昭東庶幾有恃無恐而
文武兵勇之相從入滇者去其有往無歸之懼乃可鼓其立功
殺賊之心數月之後果能於昭東立定脚跟修明政事滇民感
天子之不棄遐陬信撫臣之足資保障相率來歸共圖剿回之
法然後開銅廠以興鼓鑄造戰船以利轉運或可挽回全局此
又謀滇之一說也臣亦知湘蜀兩省物力有限然非湖南節節
進剿則守黔者將因援盡而終陷非四川月月饋運則進昭
通者將因糧絕而仍退後此愈難措手矣張亮基欲徵兵於蘇
皖林鴻年欲分餉於長沙其用心良苦而其成效難期倘蒙
皇上俯采臣言以黔事責之湘撫以滇事責之川督則甘肅之

奏稿卷二十七

六

餉應責成江蘇江西浙江湖北四省臣等均不敢有所推諉所
有遵

旨遵籌漢黔軍務緣由謹繕摺由驛五百里覆奏伏乞

皇太后

皇上聖鑒訓示謹

奏

奏稿卷二十七

十七

密陳鮑超不能出剿關外片同治四年三月十五日

再密陳者提督鮑超臣有年戰功最偉行軍所至之地賊甚
憚之惟性頗嗜利部下將弁相習成風往往搜取降人財物剋
扣勇丁口糧而莫之禁臣時加規戒乃以統軍太多良莠雜出
驟難整頓營規本年二月初七日赴甘各營暫紮江省城河以
西竟因索餉鼓譟幾至激成事變幸總兵宋國永向為眾所推
服再三宛轉開導又得撫臣沈葆楨續發餉銀十九萬餘金共
供支六箇月兵心乃定查此次鮑超統率該軍徑入新疆大漠
苦寒艱險異常雖有名將深得軍心平日信之如金石愛之如
父兄者至塞外亦恐搆貳思歸鮑超威嚴有餘恩信不足本不
甚孚於部曲倘出關後離怨潰散必見輕於回眾一有挫失則
叛回大熾全局震動後人更視關外為畏途矣且行軍貴顧根
本貴取遠勢昔年向榮和春等進攻金陵惟不能取上游之勢
以為根本卒至覆敗幾誤東南全局今若甘肅未平而遽謀新
疆後路之根本不穩不惟難期急效又將更長寇氛求速而反
遲求揚威而反損

國威上年十二月臣所為奏請先清嘉峪關以內乃能出塞者
正為此也鮑超之功自咸豐四年以至九年屢破大敵頗受重
傷姑不復論即自十年以後臣駐祁門四面為賊所困全賴鮑
軍左右翼蔽縱橫苦戰危而復安如青陽之堅城濟國之悍賊

東壩之要地皆該軍獨任其難而辛酉甲子二年兩次肅清江西勦勞尤著臣豈忍忘其大功而摘其小過惟謀短識淺眾心不固實非獨當一面之才若令出塞債事不特鮑超身名俱裂而

天威一挫亦難遽圖再振惟有仰懇

聖明垂鑒飭令鮑超隨同都興阿楊岳斌先剿甘省俟內地全數底定一塵不驚再行大舉出關每月非確有三十萬之餉猶不宜輕於一發不獨鮑超一軍為然古來有事塞外者未有不慎於始謀者也理合附片密陳伏乞
聖鑒訓示謹

奏

奏稿卷二十七

九

覆奏劉銘傳等軍赴防摺 同治四年四月十六日

奏為欽奉

諭旨恭摺奏仰祈

聖鑒事竊臣接奉本年四月初二日

寄諭江南派往淮揚之張樹珊吳毓芬兩軍并歐陽利見所帶礮船及疊諭派防江北之兵著曾國藩李鴻章飭令速赴江北并嚴飭黃翼升礮船星夜前赴裏下河一帶不准片刻遲延等因又奉初四日

寄諭歐陽利見於三月二十二日起程到淮必速張樹聲張樹珊等軍何以尚未起程著曾國藩李鴻章飛催赴援以厚兵力

奏稿卷二十七

三

劉銘傳一軍已據曾國藩奏稱調赴邳宿著即嚴催前進如再敢觀望不前致賊蹤日肆滋蔓即將該提督從重參處昨據彭玉麟奏力辭署理漕督已有旨俯如所請該員現仍以兵部侍郎總統水師著即迅撥輕利礮船數十號前赴清淮一帶遏防如能親自統帶前來會同吳棠辦理剿匪事宜更資得力等因欽此查裏下河以清淮為屏蔽又以揚州為後路臣於三月二十七日巡歷江面先至鎮江對岸查勘淮鹽移棧之地旋至揚州察看各營布置之法揚防向有萬餘人此次吳毓芬部下僅有二千人尚嫌力薄自不可棄此要郡更移他處因催張樹珊統帶樹字六營護軍一營於四月初一日由鎮江拔隊起程臣

亦於初三日由揚州回省檄令黃翼升帶張光泰等營於初五日駛赴清江仍由江甯藩庫解銀一萬海州分司解銀二萬接濟吳棠餉需稍固軍心旋准吳棠先後來函歐陽利見於初一日到清江浦防所張樹珊張光泰均於初六日到防張樹聲自蘇州啟行於初八日到防黃翼升於初十日到防援軍四集裏下河一帶當可無虞劉銘傳周盛波統兵萬餘自六安拔營程途較遠軍火笨重據報初七八等日分起就道至十二日全隊成行計日內亦將到邳宿等處矣兵部侍郎臣彭玉麟於未

奉 諭旨飭撥礮船之先已派定海鎮總兵喻俊明管帶水師前往

奏稿卷二十七

三

清江協同防剿倘賊勢趨重下游擬親統所部兼程赴援正與聖謨不謀而合目下捻氛所至又在郟城西北似東路漸鬆而西路喫緊臣當督商吳棠李鴻章飭令黃翼升張樹聲等力固東防劉銘傳周盛波等嚴扼西境各專責成冀與北路僧格林沁大軍共收夾擊之效所有欽奉疊次諭旨恭摺由驛覆陳伏乞

皇太后

皇上聖鑒訓示謹

奏

袁甲三請復建臨淮專祠摺 同治四年四月十六日 奏為鳳陽紳民籲懇建復故漕督袁甲三臨淮專祠據情陳奏仰祈

聖鑒事竊據安徽布政司詳據鳳陽府屬各紳民知府田端書等聯名稟稱罰不辟賢

朝廷之大法恩不忍釋士庶之公心本微顯志晦之文春秋不寬於責備永服教畏神之祀俎豆難已於追崇伏讀同治三年三月二十九日奉

上諭前任漕運總督袁甲三准在臨淮地方建立專祠天語遙頒人情胥暢當事採輿論以入告澤隨淮水俱長

奏稿卷二十七

三

聖人錄舊績以加恩祠繼陳州再建民爭趨役正期不日告成過或因人忽更

自天降譴旋於七月初六日奉 上諭前次降旨准將該故漕督在臨淮建祠之處著即撤銷仰

見 聖明一無私照功過兩不相妨惟是 朝有典章既明示勸懲之義人懷威德究難忘崇報之情漢隆

泗水之祠不為街亭而追輟唐仆魏徵之碣未逾貞觀而重興

竊思袁前漕督以德意感人以忠誠報

國清廉兩字雖悍夫亦信其生平勤苦十年至臨危不辭夫艱
鉅識舊屯於細柳誰忘保障之勞憩餘蔭於甘棠猶見拊循之
惠即壽州紳練一案辦理誠有不善然而用人之過何至遽敗
其身名雖在與難之家亦可共明其心跡况乎倖邀

寬典九原早銜

聖主之恩若竟重撤明禋一嘗恐掩終身之德現在淮安府專
祠業經後任漕督具疏奏請奉

旨准建其西至廬六東至淮揚遺愛在民願為建祠私致崇敬
者不可勝數環乞再懇
天恩垂念下情仍申前

奏稿卷二十七

五

旨免其撤銷等情於三年十月具詳到臣與撫臣喬松年正
商核奏開又據該故漕督之子袁保恆呈稱伊父自咸豐九
年再督皖軍克復鳳陽各城關後連年兵餉兩窮髮捻交誣於
事會萬難之際堅忍辱負重之心歷盡艱危卒全大局至今父
老謳思舊德積久不忘情願納還本身官職抵銷先人處分仍
准臨淮建祠以愜紳民之望等情呈請代奏前來臣查已故漕
督袁甲三統兵多年久駐臨淮先經奉

旨建祠旋有因案撤銷之

命一子一奪悉本大公豈容臣下再有瀆請第念臨淮當南北
衝要而餉尤奇絀該故漕督卒以二萬餘飢疲之眾控悍寇而

保巖疆坎圻艱難為近來所罕見臣昔年共事皖境每一書至
未嘗不歎其困苦難堪之中具有堅貞不拔之概報功崇祀禮
亦宜之此次袁保恆所陳雖屬人子之私願而該紳民所請實
由眾論之僉同陳州本籍及淮安服官之地先後請建祠宇均
蒙

俞允臨淮一祠業經度地鳩工中途停輟眾心若有歉然不安
者既據紳民等合詞籲請何敢匿不以

聞可否仰懇

天恩俯念袁甲三生前支撐危局荷其小過仍准在於臨淮地
方建復專祠以慰眾望出自

奏稿卷二十七

五

聖主鴻裁所有紳民懇復前漕督臨淮專祠緣由謹會同安徽
撫臣喬松年據情具奏伏乞

皇太后

皇上聖鑒訓示謹

奏

疊奉 諭旨覆陳摺 同治四年五月初一日
奏為欽奉疊奉

諭旨恭摺覆陳仰祈

聖鑒事竊近月以來豫捻東竄南偪清淮北踰沅沂欲近黃河
南岸而鮑超所部霆軍之赴甘者行次湖北金口又以索餉潰
變上塵

宸慮惶悚曷任謹將現在籌辦情形為

皇上敬陳其略伏讀四月十八日

寄諭官文奏霆軍赴川路經鄂省金口地方乘閒潰散一摺現
在官軍既星夜跟追該勇丁等自必聞風急竄趨向靡定江西

奏稿卷二十七

五

安徽湖南等省路路可通著曾國藩孫長紱喬松年李瀚章石
贊清各派兵勇於湖北交界地方飛速探蹤攔截又奉

旨傳知鮑超趕緊起程取道湖北一帶順便將已散勇丁招集

若干申明紀律統帶赴圍剿賊等因查此起勇丁中途潰亂固

憚萬里遠征之苦實由積年欠餉之多前准官文孫長紱先後

函贖暨接各路告變之書臣即飛咨鮑超令其迅赴鄂中妥為

調停免貽巨患迨奉此次

諭旨又經恭錄咨催刻日東下長途數千里尚非一蹴可至而

該潰勇聞已在咸甯戕官掠人旋走崇陽通城擾及江西之義

甯新昌境內正在焦灼籌慮聞忽接鮑超部將婁雲慶來文備

述援聞霆軍待餉不至日難半飽賣馬易食行將不能忍飢臣
恐一波未平一波又起乃飛函商之孫長紱速發大批餉米藉

固圍中軍士之心免為金口潰卒所誘不謂書未到該軍先

於四月初九夜在上杭城外糧絕而譁幾釀巨禍逼脅婁雲慶

率之回江就食幸江省聞信後隨發銀六萬兩迎解軍前上杭

飢噪一軍或可不致決裂而金口叛亂一股斷難再事羈縻臣

現調劉連捷朱洪章朱南桂三軍由宿松渡過九江徑赴瑞州

臨江兩府嚴防陸路以保贛河之西并咨彭玉麟酌派水師數

營布置湖口南康饒州吳城四處分防水路一面出示撫慰在

閩霆營無令與金口潰卒勾結一面飛致鮑超星速來江招安

奏稿卷二十七

五

已叛之卒總以解散為妙此辦理霆營叛勇之大概也至水師
由浦人東一節屢奉

諭旨飭催并奉四月二十三日

寄諭據劉長佑奏賊由東平濟甯折竄西南大名開長防務均

形喫重更須亟集援軍以防賊匪奔突著曾國藩檄令劉銘傳

慎遵前旨酌帶所部數千名北行無稍延緩所餘兵勇著該督

遴員統帶以期得力賊既由東平濟甯折竄西南有渡黃上竄

直隸之勢江南水陸援軍俱落賊後黃翼升歐陽利見水師及

彭玉麟等師船曾否溯流上駛如吳棠前奏駐紮濟甯一帶扼

之黃運兩河之交著吳棠彭玉麟斟酌情形相機迅速調派等

因查水師礮船宜用於長江大川之中不宜用於岸高河窄之地岸高則大礮難於仰攻河窄則戰船難於轉旋而陸賊轉得據高俯擊兩岸之槍子火彈一一落我船中自處必敗之道現據黃翼升呈稱前赴運河察看一次計清江至濟甯七百餘里河道久淤處處攔淺自台莊迤北隄岸愈高河面愈狹僅容一舟有闢二十餘處開口陡險必須多人絞車而上水師斷難施展等語臣查吳棠前奏所謂扼賊於黃運之交者指黃河以南運河以東言之也倘使黃南運東果有數路陸兵或可兜剿而痛懲之而該處現在并無大枝陸兵僅有親王僧格林沁一軍而步隊太少勞勩太久其劉銘傳周盛波等軍萬餘人則尚在

運河以西

奏稿卷二十七

三

諭旨令劉銘傳徑赴直隸則又須渡黃河以北與吳棠所稱黃運之交者均不相合臣之愚見以為礮船扼住運河賊無歸路仍慮偏之北竄似不如讓出運河之西驅回皖豫之界則剿辦較易為力而直東始可無虞至於扼防黃河似可不用礮船但嚴檄州縣禁止船泊南岸該逆即難飛渡如必須用礮船則黃河之船與江船之式迥殊南人弄船與北邊水性亦異似宜由山東河南撫臣另造舢板分列黃運兩河設輔可永無捻匪之患比之臣處派船北駛轉運較便調遣較靈是否有當恭候聖裁侍郎臣彭玉麟前於四月二十三日親率舢板兩營駛赴

清淮與黃翼升共籌防剿目下清淮軍事已鬆東境又勢難兼顧臣愚以為彭玉麟黃翼升可不必溯流上駛應以黃翼升留駐清江一路而以彭玉麟回駐江西一路會同孫長綬籌防叛勇及閩匪諸事其劉銘傳一軍亦不必遽入直隸宜剿賊於黃河以南不宜聽賊渡黃震驚畿輔如蒙

俞允臣即咨商彭玉麟由浦回江馳駐湖口藉以鎮撫上游并檄行劉銘傳暫留江皖相機防剿此又籌辦齊豫捻匪之大概也臣智小謀大精力日頹髮捻未平而叛勇復起兵力已弱而事變紛乘夙夜憂灼不知所籌有當萬一否所有疊奉

諭旨飭辦各緣由謹繕摺由驛五百里覆陳伏乞

奏稿卷二十七

三

皇太后

皇上聖鑒訓示謹

奏

遵旨赴山東剿賊并陳萬難迅速情形摺月初九日

奏為遵

旨前赴山東剿賊并陳萬難迅速情形恭摺仰祈

聖鑒事竊臣欽奉同治四年四月二十九日

上諭欽差大臣協辦大學士兩江總督一等毅勇侯曾國藩著

卽前赴山東一帶督兵剿賊兩江總督著李鴻章暫行署理江

蘇巡撫著劉郁膏暫行護理欽此又准軍機大臣字寄四月二

十九五月初一等日疊次

上諭飭臣趕緊赴援保衛畿疆各等因臣部署一切擬於月內

起程先赴徐州以徐州為老營派一良將駐紮濟甯臣亦當親

赴濟甯一帶察看形勢惟格林沁以督師重臣猝爾捐軀震

遠近之人心長逆賊之凶燄

朝廷責臣討賊至切且速卽山東官民亦望臣星速北上臣躊

躇再四有萬難迅速者數端請為我

皇上縷晰陳之臣自江南啓程不能不酌帶楚勇數營以資護

衛查臣部現有之勇除劉連捷等新調江西易開俊等分防皖

南皖北外金陵未撤之兵僅存十六營人人思歸三月間因御

史朱鎮參奏

諭旨飭令裁撤當卽宣示各營飭將秦淮淤土挑竣一律撤遣

此次聞有山東之行各勇紛紛求歸不願北征勸諭三日始定

議裁撤者十二營北征者僅四營又新募兩營合二千人作為

隨臣左右之親兵此外惟劉松山甯國一軍相距較近現已飛

檄往調等候劉松山前來如其部卒不願北征臣亦不復相強

當酌帶楚軍將弁另募徐州勇丁做臣處之營制而約束之存

楚師之規模開齊究之風氣李鴻章所部之淮勇已稍習於北

方矣然尚專食稻米不慣麥麪若徐兗間能另出勁旅則北路

數省到處相宜臣鑒於金口叛兵之禍不敢強楚勇以遠征現

僅劉銘傳周盛波兩軍歸臣調遣淮勇雖稱勁旅人數尙少不

敷分撥不得已為此迂緩之謀添募徐方之士約須三四月乃

能訓練成軍此其不能迅速者一也捻匪積年擄掠戰馬極多

此次蒙古馬隊潰散恐亦為賊所得現聞賊馬多至萬餘匹馳

驟平原其鋒甚銳臣處昔亦有馬二千除撥交左宗棠李榕共

三百匹外餘皆撥交曾國荃鮑超兩處數月以來其隸曾國荃

李榕部下者業已全數遣散其隸鮑超部下者卽係上杭飢餓

之軍尙未安撫就緒劉銘傳一軍添募馬隊甫經李鴻章於三

月間奏請出口買馬臣亦擬在徐州添練馬隊派員前赴古北

口一帶採買戰馬千匹約計往返程途至速亦須三月加以訓

練非再得兩月斷難集事若竟不佐以馬隊而強驅步兵以當

騎賊雖有賁育之勇亦將不戰自靡此其不能迅速者二也扼

賊北竄惟黃河天險最為可恃防河之策自為目前第一要義

臣上次摺內即擬由河南山東撫用另造舳板戰船現在事機尤緊直隸齊豫三省均須迅速造船分列河干以壯聲勢據吳崇所奏江南之船於黃河水性不合與前奏相符所有斟酌船式採辦木料招募水勇應由該三省督撫悉心籌畫因地制宜惟礮位一宗北省較少金陵存留尚多擬撥礮三百尊分濟三省派船解至濟甯州由該三省派船前來迎接黃河水師辦成畿輔可永無捻匪之患其事雖緩其利甚大然非有四五

奏稿卷二十七

三

設法北渡惟目前濮州范縣荷澤鄆城等處黃河南岸一片賊氛若非節節掃蕩焉能衝過北渡若使遠避賊鋒繞路行走則上游須繞至河南蘭儀等處下游須繞至山東歷城長清等處非迂繞五六百里不能徑行渡河且該軍現在南岸尚未遇賊一擊若賊未北渡而該軍先至北岸反置勁旅於無用之地似於軍情地勢均未相宜臣昨接劉銘傳來文批令在魚臺滕縣附近運河之處駐紮擬俟糧運稍有把握再令進駐濟甯正籌度間接奉五月初三日寄諭飭劉銘傳由金鄉嘉祥一帶黃河南岸向西兜剿又接國瑞來咨亦欲劉銘傳在黃河南岸協剿與臣暫不北渡之說相

合以理勢揆之黃河夏秋盛漲劉長佑親統大軍防堵河北該逆應難飛渡不特劉銘傳目下不宜渡黃也即將來事勢稍定亦不宜令河南之兵兼顧河北查河北僅有直隸一省近年揔惠尚少河南有齊豫蘇皖四省近年揔惠極多據臣愚見直隸宜另籌防禦之兵但令分守河岸齊豫蘇皖四省宜另籌追剿之師不使馳援河北蓋楚勇淮勇向例每日僅行四十里黃河船少萬人渡河動逾旬日若令時而北渡時而南渡我則疲於奔命賊則相去已遠殊為失策此因行軍不能迅速遂不能兼顧直隸者又其一端也僧格林沁之忠勇絕倫婦孺皆知華夷傳誦其統兵追賊日行七八十里或百餘里不等然步隊不及

奏稿卷二十七

三

馬隊驚馬不及良馬勢必參差不齊聞僧格林沁於三月馳至汶上步隊後七日始到兗州馬隊亦有後三日始到者行走太速勢不能自帶米糧埋鍋造飯行文州縣令其供支麪飯兵燹困苦之餘州縣力難具數千人之食又或倉猝得信家丁逃匿或兩縣交界彼此推諉將士爭先落後飢飽不均有連日不得一餐者其隊伍難整在此其行軍神速亦在此臣處行兵之例每日行軍支帳埋鍋造飯不向州縣索米供應略師古法日行僅四十里少或二三十里李鴻章之淮勇亦仿楚師之法其步

能兼顧五省不特不能至湖北也即齊豫蘇皖四省亦不能處
處兼顧如以徐州為老營則山東祇能辦兗沂曹濟四郡而濟
東泰臨以北力不逮矣河南祇能辦歸陳兩郡而開許商汝以
西力不逮矣江蘇祇能辦淮徐海三郡安徽祇能辦廬鳳穎泗
四郡餘屬皆力不逮矣此四省十三府州者縱橫千里從古四
戰之場歷年捻匪出沒最熟之區若以此責成督辦之臣而以
餘屬責成四省之巡撫則汛地各有專屬庶軍務漸有歸宿此
賊已成流寇飄忽靡常宜各練有定之兵乃足以制無定之賊
此因行軍不能迅速遂不能徧顧各省者又其一端也方今賢
帥新隕劇寇方張山東之望援急於星火而臣策戰事乃在半

奏稿卷二十七

年以後北路之最重莫如畿輔而臣策直隸乃須另籌防兵此
皆駭人聽聞之言始不免於物議紛騰交章責備然臣等思累
日非專力於捻匪最熟之十三府州不足以弭流寇之禍理合
直陳芻蕘備

聖主之採擇所有遵

旨督師剿賊及瀝陳萬難迅速緣由恭摺由驛六百里馳陳伏

乞

皇太后

皇上聖鑒逐條訓示謹

奏

謹陳籌辦情形并請收回 成命摺日 同治四年五月十三

奏為欽奉

諭旨謹陳現在籌辦情形并懇收回

成命恭摺仰祈

聖鑒事竊臣於五月初九日將赴東剿賊萬難迅速情形專疏

覆奏在案拜摺後欽奉同治四年五月初四日

上諭欽差大臣協辦大學士兩江總督一等毅勇侯曾國藩現

赴山東一帶督師剿賊所有直隸山東河南三省旗綠各營及

地方文武員弁均著歸曾國藩節制調遣如該地方文武有不

遵調度者即由該大臣指名嚴參欽此又承准軍機大臣字寄

奏稿卷二十七

五月初四日

上諭飭臣 剋日統帶親軍小隊輕騎就道兼程北上并以時值

艱難

申誠微臣 不可意存謙抑仍辭節制三省之命致往返再有助

延各等因跪誦之下感悚莫名伏查注重徐州經營十三府州

者將來剿捻之長策也先顧畿輔安定直東人心者目下應變

之急圖也黃河當仲夏盛漲之候北岸有劉長佑列防之兵謂

賊難以渡河者事理之常可以臆度也汛遠而防兵太單賊多

而土匪勾引恐賊猝然渡河者軍情之變不可逆料也萬一賊

竟北渡則臣前疏所言未免狃於常而忘於變明於將來而昧

於目前正在籌思無策之際接准李鴻章來咨已派常鎮道潘鼎新統帶所部鼎字淮勇十營由輪船馳赴天津有此一軍可以壯畿輔之威可以慰

聖主之懷可以補微臣迂緩之過至劉銘傳一軍接該提督來文定於五月初八日起程赴直臣查曹濟等處一片賊氛國瑞駐紮濟甯深恐孤軍受敵再有挫失因檄令劉銘傳先赴濟甯與國瑞會商進止如賊竟渡河北則該提督一軍應由東阿平陰一帶渡黃在於東昌境內迎剿若賊未渡河則仍應駐紮濟甯進剿鄆城一帶之賊有潘鼎新專駐河北之師以助劉長佑有劉銘傳可南可北之師以助國瑞目前局勢似已可保無虞

奏稿卷二十七

七

臣到山東後即當力擊曹濟之賊驅之西竄俟此次風波大定仍當回駐徐州就臣上次摺內所稱十三府州者扼要設防分道兜剿務使擒匪東出西沒皆不能出吾網羅之外庶幾彼勞我逸致人而不致於人是否有當伏候

聖裁惟節制直東河南三省則微臣不敢拜此
寵命臣以菲材忝司兵柄江南竊立寸功皆諸將艱難百戰而成臣并未躬冒矢石頻叨

懋賞抱慚已久今則精力衰頹公事廢弛心神則無故驚怖多言則舌端蹇澀自問蒲柳之姿萬難再膺艱鉅即久駐徐州專辦十三府州擒匪亦自度能言之而不能行之前疏請另

簡督辦大臣而臣以閒散人員效力其閒尚未奉到批旨更何敢肩荷非常節制三省惟有願懇

天恩收回

成命俾臣稍安愚拙之分不為眾責所歸感戴

鴻慈曷其有極至直東河南三省軍事凡臣思慮所能及自當知無不言言無不盡直隸獨處河北除此大宜集各路之兵急援畿輔外嗣後應責成該省總督另籌防兵不可調南岸之師往來渡黃疲於奔命河南山東兩省除豫之歸陳齊之充沂曹濟另由大臣督辦外其餘各屬應責成兩省巡撫另籌防兵不可使剿擒之師追逐千里永無歸宿臣前疏已略陳梗概茲更

奏稿卷二十七

七

反覆申明不特微臣難勝鉅任即才力十倍於臣者籌辦此賊似亦不必有節制三省之名區區愚誠伏乞

俯加采納臣急欲啓程因撤勇之遺資征兵之途費需銀十餘萬尚未措齊而水陸各軍留於江皖者經手事件極多必待李鴻章到甯後一一面為交代頭緒乃可清晰除續行具奏外所有現辦情形及瀝陳下悃各緣由謹繕摺由驛六百里馳奏伏乞

皇太后

皇上聖鑒訓示謹

奏

調李鶴章辦理營務片 同治四年五月十三日

臣此次馳赴山東隨帶楚勇無多所有潘鼎新劉銘傳張樹

聲周盛波等四軍皆係淮勇經李鴻章兄弟苦心訓練而成者

臣擬帶甘涼道李鶴章前往總理營務處庶幾上下交孚呼應

又靈惟該員抱病已久前在江蘇統領湘淮各軍於攻克太倉

時積受槍傷未及醫治收口一有焦勞即流膿血且久居棚帳

積受寒溼漏疾日劇不能鞍馬上年九月奉

旨簡授甘涼道缺旋因臣將有皖楚之行檄調淮軍渡江剿捻

札飭李鶴章辦理行營營務未能赴任本年二月中旬該員寒

熱交作舊傷血流不止漏核瘰大困備異常即經具稟處請

奏稿卷二十七

代奏開缺調理以李氏兄弟所向有功不赴甘肅涉規避

雖經批准尚未代為陳奏此次臣帶李鶴章北征擬令隨臣左

右調護費襄不使常履行開衝鋒陷陣倘或傷疾并發准其隨

時離營醫治以示體卹惟淮勇剿捻非年餘所能速了而李鶴

章之病亦非數月所能速痊合無仰懇

天恩准開李鶴章甘涼道本缺俾該員有調護之便而臣亦收

指臂之效實屬兩有神益又查李鴻章之季弟候選郎中李昭

慶英毅穩練亞於諸兄將來亦可獨當一面擬在徐州添募

馬步各隊將楚勇淮勇之風氣推而行之北方暗收中原梟悍

之徒變為

國家干城之士李昭慶似可勝訓練之任并懇

天恩飭下李鴻章令李昭慶即赴營差遣於治軍必有成效

二者如均蒙

俞允所遺甘涼道一缺應請

旨另賜簡放以重職守謹附片陳請伏乞

聖鑒訓示謹

奏

奏稿卷二十七

四

恭報交卸督篆帶兵出省日期摺同治四年五月二十四日
奏為恭報微臣交卸督篆帶兵出省日期仰祈

聖鑒事竊臣疊奉

諭旨飭赴山東剿賊遵將籌辦調派各情形於初九十三等日
兩次續陳在案連日料簡諸務於奏撤金陵十二營外續撤三
營僅存舊勇一營仍在所撤各勇中選募數營湊成三千人之
數另調甯國劉松山一軍均由金陵陸行以達清江又調壽州
易開俊一軍由臨淮北行以達徐州頃接張樹聲來稟曹州捻
黨已由徐州回竄皖境又接劉銘傳來文濟甯捻黨亦將由徐
州西竄皖豫如果屬實則山東情形漸鬆當無渡黃北犯之慮

奏稿卷二十七

聖

臣復飛檄易開俊一軍仍留壽鳳不必遽赴徐州矣著督臣李

鴻章於二十日自蘇起程現已行抵江甯一切兵事餉事臣與

籌商定議當將總督關防鹽政印信於二十二日委員齎交任

事臣亦即部勒行隊於二十五日督帶北上俟到清江後察看

徐州濟甯何處喫緊再行相機調度所有微臣交卸督篆帶兵

出省緣由謹繕摺由驛五百里馳陳伏乞

皇太后

皇上聖鑒訓示謹

奏

裁撤湖南東征局片同治四年五月二十四日

再湖南東征一局係於本省釐金外加抽半釐每貨至卡如本
省抽一兩者另抽東局五錢本省抽百文者另抽東局五十文
為各省所未有實與重征無異自設局以至於今已滿五年商
賈疲困民怨沸騰臣危困時所重有賴者在此臣數年來所最
疚心者亦在此前經三次具奏議於本年夏間撤局本年三月
又詳晰密陳聲明四月間裁停東征局務欽奉

旨諭須俟甘肅之餉籌定數目確有把握再撤該局近接各處

函咨除臣於揚防節省項下奏定月解甘餉三萬外浙江奏定

月解二萬江蘇奏定月解一萬湖北奏明停止各路協餉聞議

奏稿卷二十七

聖

定每月解甘三萬五千兩湖南亦議月解一萬兩通計甘肅軍

餉每月可得十萬五千兩臣自咸豐四年帶兵至九年止從無

月得現餉五萬者即十年十一年忝任江督亦無月得現餉十

萬者今甘肅月入十萬有奇確有把握據臣觀之實不為少甘

餉既已有著而臣又將移師山東斷不敢再留東征局名目以

重困於商民而食言於桑梓理合奏明一面札飭局員李明墀

等將東征局卡概行停止一面函商撫臣李瀚章於向抽東征

貨釐之中酌擇貨物數種仍留釐金數成增寫本省釐票之內

作為協濟甘肅之餉是雖無西征局之名而亦暗留協助甘餉

之實臣之所謂湖南議解一萬者係就最少之月言之如月收

及籌計甘餉緣由附片由驛陳明伏乞

皇太后
皇上聖鑒訓示謹

奏稿卷二十七

皖軍被困派兵援剿摺 同治四年閏五月十六日

奏為捻眾南趨皖軍被困擬派重兵援剿恭摺陳仰祈

聖鑒事竊臣於五月二十五日帶兵出省陳明俟到清江後察

看徐州濟甯何處喫緊再行相機調度恭疏馳奏在案茲於閏

五月初八日行抵清江疊據安徽布政使英翰稟稱五月二十

五日捻匪竄陷高鑪集後雉河糧路業已不通二十八日復有

大股三四萬人如牆而進猛撲該軍部將牛師韓頭營經我軍

奮力轟擊賊始稍退盤踞各村四五十里外火光燭天擒獲賊

黨供稱張總愚糾合任柱牛老洪賴文光等股銳意攻撲雉河

營盤現在四面被圍萬分危急請派大隊星速救援等語又據

總兵易開俊稟稱該軍奉調赴徐於五月二十七日行抵蒙城

正值高鑪集被陷雉河圍困暫駐蒙城而賊蹤分布渦河兩岸

逼近蒙城糧路亦已梗塞該軍僅三千人斷不能禦數萬之寇

若馳援雉河深恐孤軍債事更長賊氛等情具稟請示臣批飭

該總兵穩紮穩守不可輕進貽誤伏查蒙亳雉河皆羣捻之老

巢同治二年經親王僧格林沁擒斬各酋肅清該處議定於雉

河設立新縣築城增防今髮捻四股合而為一併力爭此以為

窟穴英翰以藩司大員素稱皖北得力之師萬一因援絕而潰

則淮河北岸一片逆氛已屬不可收拾倘竟竄越淮南上而壽

州六安以至安慶下而廬州滁和以至揚郡均係累年百戰恢

復之疆土何堪再被蹂躪臣現檄調提督黃翼升水師由高良
淵進洪澤湖以達臨淮調總兵周盛波陸師由徐郡赴宿州以
援蒙亳惟水師難入小港不能竟達雒河陸軍不滿五千亦難
解此重圍不得已飛調劉銘傳一軍自濟甯馳回徐州以拯皖
北之危近日疊奉

寄諭令劉銘傳駐防山東潘鼎新駐防直隸現在東境已無戰
事而皖北危困如此別無大支勁旅可以獨當一面自應調劉
銘傳回皖作為往來游擊之師請

旨飭下該提督星速旋軍先顧皖疆其潘鼎新一軍專為拱衛
畿輔而往謹遵

奏稿卷二十七

聖

諭旨不遽調赴他省臣所部楚勇因道遠年久力竭精疲暮氣
將乘屢經縷晰具奏今曾國荃一軍遣撤將畢鮑超一軍半潰
於金口半畱於贛州難以復用此次金陵羅麓森等新募之軍
甯國劉松山調出之軍現尙未至清江亦恐南人北征遷地非
良

皇上命臣辦捻不能不專資淮勇之力擬俟八九月閒直隸齊
豫三省礮船造成臣親赴黃河驗畢或奏調潘鼎新兼顧東豫
屆時再行請

旨辦理臣在清江小駐數日俟步隊到齊即當馳赴徐州相機
調度所有皖軍被圍擬派重兵接剿緣由謹繕摺由驛五百里

馳陳伏乞

皇太后

皇上聖鑒訓示謹

奏

奏稿卷二十七

聖

再請收回節制三省 成命片 同治四年閏五月十一日

再 上 次 具 摺 力 辭 節 制 直 隸 山 東 河 南 三 省 之

命 未 蒙

俞 允 在

皇 上 略 短 取 長 不 惜 假 以 威 柄 而 微 臣 度 德 量 力 實 難 任 此 事

權 卽 使 賊 氛 尚 在 北 路 亦 將 專 疏 再 辭 得 請 乃 已 况 現 在 大 股

捻 逆 全 趨 皖 境 劉 銘 傳 周 盛 波 兩 軍 均 已 調 回 皖 北 助 剿 將 來

臣 之 兵 力 祇 能 顧 及 河 南 之 歸 陳 山 東 之 兗 沂 曹 濟 其 餘 各 府

萬 難 兼 顧 直 隸 則 遠 在 黃 河 北 岸 臣 力 恐 不 能 逮 徒 冒 虛 名 全

無 實 際 寸 心 惴 惴 深 抱 不 安 從 前 親 王 僧 格 林 沁 節 制 直 東 豫

奏稿卷二十七

三 省 每 當 追 賊 之 際 晝 食 麪 糲 夜 宿 單 棚 勦 勞 卓 著 臣 自 愧 十

分 不 及 一 二 縱 令 習 勞 耐 苦 效 法 該 親 王 之 所 為 然 以 封 疆

大 吏 較 之 勦 賊 賢 王 禮 數 固 當 大 減 名 分 豈 可 齊 衡 惟 有 顛 懇

天 恩 明 降

諭 旨 收 回 節 制 三 省

成 命 俾 臣 不 居 極 大 之 名 稍 安 愚 拙 之 分 至 於 剿 捻 事 宜 凡 思

慮 所 能 到 才 力 所 能 及 者 自 當 殫 竭 血 誠 與 三 省 督 撫 和 衷 商

辦 冀 以 迅 殲 逆 氛 仰 紓

宸 慮 區 區 愚 忱 伏 乞

皇 太 后

皇 上 聖 鑒 訓 示 謹

奏

奏稿卷二十七

吳

曾文正公奏稿

卷之二十八目錄

賊眾全萃皖境先赴臨淮摺	同治四年閏五月二十一日
派員迎提軍馬摺	全日
調馬隊官兵赴皖北助剿摺	閏五月二十八日
仍請收回節制三省 成命片	
欽奉 諭旨覆陳摺	七月初八日
徽休防軍索餉譁現擬查辦摺	全日
遵 旨覆陳并請 勅中外臣工會議勦捻摺	七月二十四日
金寶圩團練殉難請卹摺	八月初八日
移駐徐州整理馬隊并陳近日軍情摺	八月十七日
銘軍疊勝偪賊東竄現籌布置摺	九月初一日
密陳湖北軍務請仍歸官文節制片	
奉 旨覆陳近日軍情摺	九月十九日
近日軍情片	
官軍疊勝該逆仍竄山東摺	十月十一日
籌商直隸河防片	
甯陵扶溝等處勝仗摺	十月三十日
擬調鮑超會勦西路片	
疊奉 諭旨覆陳摺	十一月二十七日

賊眾全萃皖境先赴臨淮摺 同治四年閏五月二十一日
 奏為羣賊全萃皖境 應先駐臨淮後赴徐州恭摺仰祈
 聖鑒事竊 行抵清江即將皖軍被圍擬派重兵援剿各緣由
 於本月十一日馳奏在案十四日羅麓森等金陵六營齊抵清
 江劉松山甯國一軍老勇在途苦求假歸挑選募補行程稍滯
 甫於二十日全隊到齊 在此小駐十二日疊聞留防徽州各
 軍索餉滋鬧力籌撥銀鎮撫晝夜憂灼本擬步隊到齊即日馳
 赴徐州相機調度連日接據安徽布政使英翰來稟該軍困於
 雉河集已先帶二十餘騎退至西洋集其部將史念祖等尚能
 相約死守以待援兵等語又據壽春鎮總兵易開俊來稟該軍
 進紮西洋集擬先攻高鑑以解雉河之圍惟該總兵目疾增劇
 勢將醫廢請派員接統該軍各等情 查英翰出重圍而求援
 易開俊臨大敵而嬰疾均屬萬分危急 若先赴徐州則去賊
 愈遠諸軍無所稟承適接撫 喬松年咨函亦稱賊聚皖北官
 軍正可合圍會剿為一勞永逸之計 與吳棠熟商遂定議親
 率金陵六營甯國六營先赴臨淮關駐紮俟皖事稍鬆再行進
 駐徐州 初次奏稱專力於四省十三府州之地今既由臨淮
 進兵將來安徽即以臨淮為老營江蘇即以徐州為老營山東
 以濟甯為老營河南以周家口為老營四路各駐大兵多儲糧
 草子藥為四省之重鎮一省有急三省往援其援軍之糧藥即

取給於受援之地庶幾往來神速呼吸相通就目前諸將而論
劉銘傳潘鼎新均可獨當一面張樹聲周盛波兩軍相合可當
一面劉松山易開俊兩軍相合可當一面四路專汛之兵頗敷
分布此外須另籌游兵一枝擬派候選郎中李昭慶訓練馬隊
合之親王僧格林沁舊部馬步各軍同為游擊之師臣私衷區
畫如此軍情瞬息千變不知將來能成規模否至糧運為用兵
第一要義周家口臨淮兩軍以淮河潁河為運道濟甯徐州兩
軍以運河為運道擬趁有水之時先將米糧子藥悉數分運四
處存儲備用已在清江設立轉運局派淮揚道吳世熊專司其
事如四路軍食充足則四省有首尾相應之象而諸軍無疲於

奏稿卷二十八

奔命之虞或可以速補遲徐圖功效所有羣賊萃皖微臣先赴

臨淮緣由謹繕摺由驛五百里馳陳伏乞

皇太后

皇上聖鑒訓示謹

奏

派員迎提軍馬摺同治四年閏五月二十一日

奏為派委司道大員經理交代事件并迎提各項軍馬恭摺奏
祈

聖鑒事竊臣欽奉閏五月初七日

寄諭國瑞奏將各項馬步兵勇安插即行回京一摺除酌留直
東二省兵勇外其餘應留兵勇軍火均著造具清冊而交曾國
藩接管曾國藩此時計已抵徐郡所有國瑞應交曾國藩馬步
各隊及軍火等件即著該大臣飛速迎提以資攻剿毋任遷延
觀望現在暫駐曹考之色爾固善所帶馬隊應如何酌量留防
及進剿之處著曾國藩妥籌調遣前據阿克敦布等奏稱遵調

奏稿卷二十八

山東軍營馬一千匹已於五月十九等日派員管解進口前赴

山東當經批令將此項馬匹解至曹考探明軍營交投曾國藩
即行派員迎提歸該大臣調撥應用等因欽此自應欽遵辦理
惟目前皖北危急臣改駐臨淮不能親赴濟甯并不克遽抵徐
州國瑞勢難久待應由臣派員前往經理交代事件查前任浙
江鹽運使李榕統帶鈞字一軍業已凱撤現隨臣北上擬即派
令前往濟甯稟商國瑞將親王僧格林沁原部馬步各隊及應
行交代之件逐一承領又奉閏五月初九日

寄諭潘鼎新等駐師張秋係為屏蔽北路惟此起勁軍駐於無
賊之地亦甚可惜著該大臣酌量調派等因據臣愚見此時直

隸兵力儘敷分布潘鼎新一軍似應由張秋移駐濟甯一則曹濟等處敗兵游勇極多必須有重兵鎮駐以資彈壓一則徐州濟甯兩軍互相犄角可以伐賊回竄之謀如蒙

俞允臣即札飭潘鼎新速至濟甯會同李榕料理交代事宜凡國瑞應留兵勇軍火均將清冊交李榕潘鼎新接管其溫德勒克西等馬隊遵

旨交色爾固善管帶應令即赴徐州聽臣就近調遣阿克敦布遵調之營馬千匹俟解至曹考之日由李榕潘鼎新迎提飭令并解徐州聽候撥用所有派員經理交代迎提軍馬緣由恭摺由驛五百里馳奏伏乞

奏稿卷二十八

四

皇太后

皇上聖鑒訓示謹

奏

Blank columns for the main text area.

調馬隊官兵赴皖北助剿摺同治四年閏五月二十八日奏為吉林黑龍江馬隊官兵謹遵節次

諭旨調赴皖北助剿恭摺仰祈

聖鑒事竊臣欽奉閏五月初一初五初七十六等日

寄諭飭將親王僧格林沁所遺馬步各隊酌量調派并令色爾

固善接統溫德勒克西所帶馬隊迅赴臣營妥籌布置臣遵即

檄派前任浙江鹽運使李榕前赴濟甯稟商國瑞承領交代事

件并迎提軍火兵馬於本月二十一日奏明在案旋准國瑞來

咨鈔送奏稿親王僧格林沁所遺馬步各隊已悉數分撥完竣

并無一騎撥歸臣營其托倫布所帶馬隊則奏交直隸督臣調

奏稿卷二十八

五

遣欽奉閏五月十九日

寄諭國瑞擬將托倫布所帶馬隊官兵四百九十六員名撥交

劉長佑之處著改撥河南交吳昌壽酌量調遣等因欽此伏查

現在賊勢全萃皖境雉河集被圍已久賊馬四出滋擾北至宿

州城外及濉溪口等集西至潁上縣之江口集蒙毫數百里間

一片逆氛非馬隊斷不足以制勝就目前賊情而論不特將勁

騎調赴直隸置諸無用之地即河南軍情亦視皖北為較輕若

馬隊調赴河南後再由歸德夏邑永城一帶援剿皖北須繞遠

四百餘里實屬緩不濟急所有托倫布等統帶吉林黑龍江馬

隊四百九十六員名應即全數由濟甯徑赴徐州與劉銘傳先

後援皖以輔步隊之不足而扼騎賊之凶鋒除由臣咨商國瑞外相應請

旨飭下托倫布等剋日起程前來庶於現在軍務有益而於節次

諭旨亦屬相符至色爾固善一員現在河南穿孝尙難遽赴山

東其溫德勒克西所帶馬隊

諭旨飭赴臣營者國瑞摺中并無其人惟撥交山東之烏爾圖

那遜等馬隊至一千三百餘名之多是否即係溫德勒克西一

起應俟查明另案奏辦所有請調馬隊官兵緣由恭摺由驛五

百里馳奏伏乞

奏稿卷二十八

六

皇太后

皇上聖鑒訓示再臣於二十二日自清江啓行二十五六等日

渡洪澤湖計程月內可抵臨淮合併陳明謹

奏

仍請收回節制三省 成命片同治四年閏五月二十八日

再臣欽奉閏五月十六日

上諭曾國藩因節制三省任大責重復懇請收回成命具見謙

抑之忱第賊氛猖獗時事孔艱事權不一則一切調度事宜深

恐呼應不靈該大臣惟當力任艱鉅與三省督撫和衷籌畫將

此股賊眾剋期殄滅彼時三省軍務既平自可毋庸該督節制

既爲其實毋避其名萬不可稍存顧慮之心再有瀆請等因欽

此跪誦之下悚懼彌深臣自度近日之精神與目前之兵力苟

稍稱此重任亦何敢再三瀆請惟精力實已衰頹而所帶楚勇

數千整肅遠不如昔此外概用李鴻章之淮勇雖情誼本同一

奏稿卷二十八

七

家而人數不滿二萬馬隊尙無一騎與各省會辦此寇則可以

微臣總攬全綱則力有不逮若僅虛與委蛇姑存其名又與臣

篤實之志趣相乖臣博觀史冊近閱世情竊見無才而位高於

眾則轉瞬必致禍災無德而權重於人則羣情必生疑忌臣

德薄才短自知已久不敢因曾立功而自忘其陋今尙未開

兩江總督之缺而更增節制三省之名臣何人斯曷克當此耿

耿寸衷如負重疚惟有仍懇

天恩俯准收回

成命但責臣以會辦剿捻事宜自當殫精竭誠通力合作不敢

稍存畛域之見如不蒙

聖慈允明降

諭旨 更當累疏瀆陳雖上干

嚴譴所不敢辭區區愚忱伏乞

皇太后

皇上聖鑒訓示謹

奏

奏稿卷二十八

八

欽奉 諭旨覆陳摺 同治四年七月初八日

奏為欽奉

諭旨恭摺覆陳仰祈

聖鑒事竊 臣於七月初五日承准軍機大臣字寄六月二十九

日奉

上諭現在髮捻股匪屬聚豫疆該省兵力不敷剿辦著曾國藩
喬松年迅飭張得勝史念祖等軍馳赴豫省會合李世玉等將
賴汝光等股匪剿除淨盡并著曾國藩添派官兵并飭副都統
托倫布富森保等馬隊星馳前赴吳昌壽軍營聽候調遣其春
壽及烏爾圖納遜兩起馬隊亦著曾國藩喬松年速飭赴豫助

奏稿卷二十八

九

剿勿稍遲緩皖北是否尚有踞匪官軍現在剿辦情形若何及
如何布置一切情形即著迅速馳奏此後皖鄂防剿事宜官文
等當隨時具奏毋得仍前濡緩致朝廷久深殷盼曾國藩并著
遵奉前旨酌量情形擇要前進駐紮以便就近調度等因欽此
查雉河集解圍以後髮捻西竄分爲兩路其向北路者爲張總
愚任柱等酋由柘城太康扶溝洹川徑趨而西現聞將至汝洛
尚無確耗其向南路者爲賴汝光李允等酋由太和竄至沈邱
蹂躪陳州周家口一帶 臣於半月以前已檄調直隸提督劉銘
傳全軍馳赴周家口後接陳州知府告急之稟又添調烏爾圖
那遜等馬隊同援陳州積潦沒途行走極艱然屈指計之該兩

軍日內當已抵陳州與賊接仗矣北竄汝洛一股臣軍萬難追及南竄陳州一設有劉銘傳等兩軍應足制之萬一兵力尙單再派周盛波托倫布兩軍前往助之周盛波之步隊臣批令進駐亳州以便就近援陳托倫布之馬隊前來謁見時臣已面囑其整頓一切預備赴豫矣此臣酌派馬步各隊援剿河南之情

形也諭旨又飭富森保前赴吳昌壽軍營查富森保之馬隊即係色爾固善所管之一起富森保現在蕭縣因大水阻隔患病未愈不能來營與臣一見色爾固善曾來臨淮臣接見數次據稱馬隊馳驅太久又在曹南新挫人馬俱疲鎗械不齊馬匹多缺必

奏稿卷二十八

須大加整頓乃可剿賊臣囑其即在徐州認真整頓不特色爾固善一起然也又有達爾濟一起係奏明由山東撥歸臣處者現據閣敬銘咨稱達爾濟在兗州患病察哈爾官兵病者幾及一半派訥穆錦帶吉林官兵及馬勇先到徐州現亦人困馬疲急須整理又有帕克巴札普一起係新由察哈爾調來者官兵不嫻戰事馬之病斃者尤多是數軍者若非大加整理斷難驅之向敵臣本欲急赴徐州料簡一切無如月餘以來淮河盛漲沿河民居及臣之營壘皆在水中築隄捍禦時虞潰決百物缺乏臨淮屯紮重兵應儲之軍糧器械應修之米倉藥庫均未就緒大小道路處處被淹應俟晴久水涸乃可起程赴徐此馬隊

必須整理臣尙未至徐州之情形也

諭旨又令臣酌量前進擇要駐紮以便就近調度臣雖至愚豈不思步步進逼急圖殄滅之方惟臣細觀賊情已成流寇行徑若賊流而官兵與之俱流則節節尾追著著落後假令此時追至汝洛待賊南趨光黃又折而追至光黃或賊東趨徐兗又折而追至徐兗雖終歲奔波終無大損於賊臣之愚見常欲堅持初議於擒匪必經之途駐紮重兵如劉銘傳駐周家口賊若回竄扶溝鄆陵即自周家口迎頭擊之張樹聲等駐徐州賊若回竄永城蕭陽即自徐州迎頭擊之推之賊竄蒙宿則劉松山等自臨淮迎頭擊之賊竄曹單則潘鼎新自濟甯迎頭擊之變尾

奏稿卷二十八

七

追之局爲攔頭之師以有定之兵制無定之寇庶幾漸有歸宿皇上如以臣議爲可採則於臣駐兵四處之外請

旨敕下湖北河南督撫於豫之鞏洛宛鄧楚之隨棗黃麻各駐勁兵一枝與諸將堅約重在攔頭迎剿不重在賊退尾追似亦制勝之策近人多謂擒匪并無大志旦夕可平臣獨念擒匪或成流寇禍患方長此賊有甚似流寇者一端有不甚似流寇者一端凡流寇所以日聚日眾非良民皆樂於從賊也祇因賊騎剽忽劫掠居民不得耕穫百里廢耕則百里之民從賊偷活千里廢耕則千里之民從賊偷活今鳳潁徐泗歸陳等郡幾於下甲廢耕而官兵又騷擾異常幾有賊過如飽兵過如洗之慘

民圩仇視官兵於賊匪反有怨詞即從賊亦無愧色此甚似流寇之象症之可危者也凡流寇如無源之水聽其所之而此賊尙眷戀蒙亳老巢旁縣皆田荒屋毀而蒙亳尙有田廬之樂斯又不甚似流寇症之差善者也 臣既於四處設立重兵以遏其流又擬查辦民圩以清其源先查亳州蒙城宿州永城四屬之圩分別良莠大加懲治其餘有捻州縣次第查辦近日出有告示一件鈔稿附呈

御覽 駐紮之處仍應以徐州爲老營以臨淮濟甯周家口爲行營庶於清查民圩督飭諸將兩有神益是否有當伏候聖謨詳爲指飭所有欽奉

奏稿卷二十八

十三

寄諭各事恭摺由驛覆陳伏乞

皇太后

皇上聖鑒訓示謹

奏

徽休防軍索餉詳現擬查辦摺 同治四年七月初八日

奏爲徽休防軍索餉詳現擬認真查辦恭摺仰祈

聖鑒事竊總兵唐義訓所部強中等七營久駐徽州府城防剿頗資得力上年春間逆匪分竄皖南又派道員毛有銘統領義從等九營馳往援剿毛有銘因敗挫獲咎派金國琛接統該軍分駐休甯祁門兩城一年以來亦尙與民相安該兩軍餉項唐義訓所部向由 臣營糧臺供支金國琛所部半係鄂省舊部向由鄂臺籌發近由皖臺供支核算欠餉該兩軍各已積至三十餘萬之多而每月新餉則由 臣飭令糧臺均勻籌給大致兩軍每月均可領至六成上年冬間皖南防務較鬆唐義訓於十二月請假回籍葬親稟派其胞兄候選同知唐義謨代統營務金

奏稿卷二十八

十三

國琛於本年正月至金陵面稟請回常州本籍省墓經 臣准其暫假竊意聞防之軍業已紮定坐營并不遠調他省所領銀米足敷口食以常情度之必應安然無事忽於五月二十一日金國琛所部瑞左營首先鬧餉其餘各營紛紛效尤唐義訓所部各營亦於二十七日相繼滋鬧鎗礮鼓角喧鬧十三日之久維時唐義訓金國琛俱未回營皖南道張鳳翥馳往徽州府城委曲曉諭而各勇丁毫無忌憚肆意侮辱并有毆傷重情逼寫期票應允發給八箇月滿餉始得稍斂凶鋒 臣於閏五月初旬在清江營次始聞各營鬧餉之信即籌撥銀八萬兩解往勻濟及

聞嚴辱道員逼寫期票之事不勝憤懣竊思湘軍紀律素稱嚴明竊立功績待各軍平日則發給六成足資食用臨撤則全清欠餉從不減折不應更有開餉之事自本年三月間靈營叛卒潰於金口此端一開各營接踵而起每引咎自責刻刻隱憂然靈營潰變固由累年積欠之多尤憚萬里遠征之苦其致變之故與各軍迥不相同此次徽休兩軍無端鼓譟詳加訪察其中情節較輕者金國琛所部尙有三營唐義訓所部尙有二營偶爾誼譁旋即安帖皆由營官平日廉正故能臨變不搖此外率眾同鬧者究其起衅之由半由營官發餉不公激成眾怨又每營各有刁健之弁勇數人煽惑眾心非將貪庸不職之

秦稿卷二十八

十四

營官查明嚴辦無以平勇丁之積怒非將首先倡亂之勇丁擊獲懲治無以杜後日之亂萌現在金國琛業已回營唐義訓據報閏五月二十八日自籍起程日內計亦可到防已嚴札該鎮道勒令交出剋扣之營官倡亂之勇丁押送營審明嚴辦如果查辦首惡之後各勇丁畏法安靜擬將所欠之餉悉數找清陸續遣撤即湖北應發之欠餉亦由營糧臺墊給不少絲毫業經出示曉諭以安勇丁之心能否辦理順手尙未確有把握萬一因此激變重覩金口叛卒之事當身任其咎亦不能畏激變而一味姑息全不查辦縱貪刻之將領長各路之刁風臣已知會各省豫籌防剿至候選同知唐義謨有代統之責任

曾文正公奏稿 卷二八

聽各營譁諫甚至毆辱大員束手無策庸懦不職應請旨卽行革職提解營審訊定擬唐義訓假歸之時知唐義謨斷非統領之才深恐久而生事批令該鎮迅速回營乃遲至半年之久始報起程實屬遲延金國琛假歸省墓以金陵至常州尙不甚遠姑准一行并未派人代統乃該道遷延太久殊屬不知緩急請

秦稿卷二十八

十五

旨將前任皖南鎮總兵唐義訓甘肅鞏秦階道金國琛先行交部議處皖南道張鳳翥於兩軍開餉之時親赴徽休撫慰尙無不合惟並未具稟請示率行書寫期票以長凶愆事定之後徑赴婺源籌餉迹有似於畏避應卽先行撤任另行遴員接署俟將來此案奏結時再行聲明請旨辦理前於靈營潰變之事業經奏明俟查清後奏請議處嗣雖查明金口叛卒實因遠征缺餉以致潰亂別無他故惟未能先期陳奏力阻遠調究屬咎有應得此次徽休兩軍索餉譁諫有督辦之責未能先事預籌尤深愧歉應請旨將交部議處除俟查辦兩軍情形能否安帖再行陳奏外合將現擬認真懲辦緣由恭摺由驛馳奏伏乞

皇太后

皇上聖鑒訓示謹

奏

四九五

遵 旨覆陳并請中外臣工會議勘揔事宜摺同治四年七月二十

奏為欽奉

諭旨恭疏覆陳并請

勅下中外臣工會議勘揔事宜以定謀議仰祈

聖鑒事竊 於七月初九日承准軍機大臣字寄七月初三日

奉

上諭晉省完善之區并無得力勁旅設被竄擾關繫匪輕著會國藩速派劉銘傳等軍循河西上酌量水陸兩路孰為便捷馳赴洛陽以西一帶扼要駐紮與秦晉防兵聯絡聲勢相機防剿

奏稿卷二十八

共

俾賊不得分竄擾及完善等因欽此又於七月十五日承准軍機大臣字寄七月初九日奉

上諭曾國藩身任統帥責無旁貸前經屢諭該大臣籌撥一軍兼顧晉省并令劉銘傳等軍馳赴豫省北路繞出賊前防賊竄擾秦晉之路又令派撥馬隊馳赴豫省助剿復以賊去徐郡甚遠令該大臣酌量前進駐紮乃該大臣日久迄無奏報於近來皖豫軍情及各路如何布置情形均未陳奏歷次所奉諭旨亦未答覆實屬疲玩因循若欲藉此獲咎冀卸節制三省仔肩何以仰副朝廷倚任之重諒該大臣公忠體國之心何忍出此等因欽此跪誦之下惶悚莫名查派撥馬步各隊赴豫及臣仍擬

駐紮徐州各情業已於本月初八日專摺具奏在案目前賊勢前股已至南召魯山裕州并聞竄入湖北之棗陽後股由臨潁郟城而折回上蔡接據吳昌壽咨稱賊將竄擾周家口又接劉銘傳文稱即日由周家口出隊迎擊上蔡之賊

諭旨飭令劉銘傳一軍循河西上馳赴洛陽以西扼要駐紮自係先事預防之策竊觀刻下局勢周家口最為扼要之區該處距豫之開歸陳許及汝甯光州六郡均在三百里內外即皖之潁州及蒙亳老巢相去亦不過三百里八面受敵不可無重兵鎮駐所部各軍惟劉銘傳將略較優人數較多故以周家口之重任付之今若移駐洛陽以西反置勁旅於無用之地至

奏稿卷二十八

七

秦晉兩省防務聞陝西殘破更甚於河南似非該逆之所垂涎山西雖屬完善然黃河天險似非該逆所能遽渡自洛陽至潼關五百餘里必須晉豫兩省多設礮船乃足禦之亦非陸路一軍所能徧防劉銘傳西去竊恐無益於晉而有損於豫既知周家口之防更切於洛陽不敢不剴切上陳冀迴聖聽且不獨劉銘傳一軍萬難遠調也李鴻章部下淮南之勇不慣麪食與楚軍同而其軍火礮械之笨重則更甚於楚軍自古行軍皆以糧運為先務乾隆年間新疆用兵以大學士黃廷桂總理肅州糧台米麥雜糧無一不備車駝轉運之煩瑣純皇帝親自計畫遙為指揮今河南等省用兵全不講求轉運

糧械多有闕乏將士不肯盡力臣與李鴻章所部歷年行兵於
江湖水鄉糧運最便士卒習而安之今改運於濟甯周家口等
處尙有運河淮河一水之便而沂流太遠已覺十分艱難若再
令遠征秦晉之交不特不能多運大米並不能多運洋礮恐淮
勇遷地弗良或生他變前此靈營調赴關外亦以道途太遠無
米可食中途潰變臣未能先期陳奏力阻其行至今愧恨頓在
臨淮臣檄翰林院編修張錫嘯招募淮北之勇專取能食麥麩
雜糧之人冀備他年征剿西北之用其在淮水以南不慣麩食
者概不收募蓋恐飲食違其本性驅策必不得力此又臣所輒
轉籌思而未敢輕調秦晉防兵者也至於節制三省之

奏稿卷二十八

夫

命臣三次具疏固辭未蒙

俞允以臣賦性顛愚卽一省已難專任然臣受

恩深重雖數省亦當通籌竊計捻匪可到之處約有八省分爲
三路江蘇安徽兩省及豫之歸陳齊之兗沂曹濟臣初次疏中
所指之十三府州皆東路也直隸山西兩省及豫之彰懷衛輝
齊之東武臨清凡在黃河以北皆北路也湖北陝西兩省及豫
之南汝洛陝等郡皆西路也論用兵緩急先後之序則東路最
重西路次之北路又次之論臣之才識與所部之兵力則卽
東路十三府州縱橫千里已嫌汎地太寬動虞疏失實不能兼
顧西路更何能謀及北路今

皇上飭臣兼顧晉省已在節制三省之外而外間望治之心責
臣之詞尙不止於晉省一似三路之前截後追爲防爲剿皆臣
軍應辦之事臣何以堪此重任又何能當此重咎以僧格林沁
之賢忠可以泣鬼神勇可以迴山岳辦捻五年尙未成功今捻
匪之馬匹愈多而時論之視賊愈輕一似數月期年可望肅清
臣又安能奏此速效臣自揣殫竭愚忱籌東路十三府州之防
加以清查民圩訓練馬隊一二年內或可漸就穩固其北路防
河之法西路堵剿之方均非臣力所能逮應請
旨飭令山西河南速辦舟師守禦黃河免致賊竄晉境倉皇貽
誤臣管見所及已略具於五月初九日十三日七月初八日三

奏稿卷二十八

夫

次疏中常思堅持初議又恐失之執拗可否仰懇

天恩勅下九卿科道八省督撫會議剿捻事宜各抒所見恭請
宸斷定一不可改易之策畫分汎地各專責成無論賊窮何處
而辦賊之方萬變而不離其宗庶幾謀不紛歧事有歸宿臣
幸甚大局幸甚至臣處奏報之稀曾於同治元年二月初六日
覆奏一次一則不輕奏謠傳之言一則不輕奏未定之事一則
不輕奏預計之說仰蒙
聖訓稱許數年以來不改此度茲奉
嚴旨詰責惶愧無地若欲藉此獲咎以卸仔肩則臣生平所志
所學斷不肯如此取巧伏乞

聖慈垂鑒所有遵

旨覆陳并請中外臣工會議勦捻事宜各緣由恭摺由驛馳奏
伏乞

皇太后

皇上聖鑒訓示再臣拜摺後即於本日前赴徐州整理馬隊俟

抵徐後再行陳奏合并聲明謹

奏

奏稿卷二十八

辛

金寶圩團練殉難請卹摺 同治四年八月初八日
奏為宣城縣金寶圩團練陣亡紳民懇
恩分別旌卹恭摺仰祈

聖鑒事竊查安徽甯國府宣城縣金寶圩地本膏腴人知好義
自咸豐六年以後鹽提舉銜候選訓導丁壽等創辦義團甯國
府兩次失陷該圩屹然孤立力挫賊鋒至同治元年冬間偽侍
王率領悍黨圍攻數旬十二月二十日破圩而入賊眾銜恨次
骨恣意屠殺一圩之內死者不下八九萬人其逃至蕪湖者老
弱一千餘人臣為籌款賑卹僅存百分之一歷數辦團之堅忍
被害之慘酷謂為各省所無嗣據該圩練總藍翎主簿唐兆

奏稿卷二十八

辛

麟等查明圩內殉難紳民婦女就其可考者造具清冊就近稟
請侍郎臣彭玉麟行營咨送核奏彭玉麟駐營裕溪口周歷沿
江上下親見該圩遭難之慘白骨青燐目不忍觀本年二月間
捐資購買義山收檢枯骼為萬人大冢勒石誌之以表節義每
與臣言及金寶圩死事情形為之隕涕臣查該圩以一隅之地
力抗悍賊至七年之久卒以勢孤力竭萬眾同殉忠義之誠堅
逾金石當將清冊發交采訪忠義局委員詳加核對據該委員
等將宣城縣歷年殉難紳民彙案請奏前來臣覆加查核內一
門殉難者八家共三十九人合家殉難而口數可計名字不可
考者一百三十六家并無口數可計者二十七家官紳殉難者

九十七員名團總團丁殉難者六百七十四名士民殉難者一千三百二十二名婦女殉難者一千零四十三口均屬大節懍然臨難不苟相應繕具清單仰懇

天恩勅部分別從優旌卹以為効忠苦守者勸除事實清冊循案咨部外所有團練陣亡紳民彙案請卹緣由理合專摺具奏伏乞

皇太后

皇上聖鑒再兩江忠義未奏各案俱已移交署督辦理此案係與彭玉麟始終經理該紳民殉節尤慘謹由主稿先行具奏合併聲明謹

奏稿卷二十八

主

奏

移駐徐州整理馬隊并陳近日軍情摺同治四年八月十日
奏為 微臣 移駐徐州整理馬隊并陳近日軍情恭摺仰祈

聖鑒事竊 於七月二十四日自臨淮起程八月初四日行抵徐州旬日來料簡各起馬隊計已到徐州者共有四起一為色爾固善所部官兵七百二十八員名原係高福常星阿溫德勒克西三人分帶奉

旨派色爾固善統帶一為托倫布所部官兵四百八十五員名一為訥穆錦所部吉林官兵一百五十五員名前敵馬勇四百四員名此三起者均係親王僧格林沁舊部合之國瑞本年新調之察哈爾官兵一千名共計四起凡馬隊二千七百七十二

奏稿卷二十八

主

人然舊存者馳驅太久傷病甚多新調者技藝太生遘疾亦重必須大加裁汰訓練成軍方足以利征剿 督飭營務處李昭慶李恆清會同管帶各官認真挑選編立隊伍配齊器械換補馬匹計色爾固善原帶之隊挑出五百一十九人專歸高福管帶托倫布原帶之隊挑出三百五十四人又添併吉林兵三十八人仍歸托倫布管帶該兩起官兵遵

旨均令色爾固善統領節制訥穆錦原帶之隊除酌留吉林官兵併入托倫布部下外專以前敵馬勇四百四員名責成訥穆錦管帶其新調之察哈爾官兵一千名原派營總帕克巴札普貢噶德里克二人久病未愈馬匹亦倒斃過多現僅挑出兵丁

五百一十六人另派營總二員檄令溫德勒克西管帶其餘老弱患病者概行遣撤回旂以上四起共祇挑選一千八百三十一人又挑雷官弁五十七員名一并隨營差遣此外尚有烏爾圖那遜所帶七百零九名前已奏明駐紮周家口據稟該起官兵出征年久殘廢居多請即分別汰留其土默特一起并請全行遣撤臣擬俟周家口防務稍鬆調回徐州大加整頓其應留若干應撤若干另案奏明辦理至富森保所帶一起官兵三百七十四員名前由河南調赴徐州富森保僅帶四十三人來徐其部下官兵均已陸續逃歸湖北經督臣官文奏明咨會臣因并飭富森保於八月初八日自徐赴楚即作為楚省防勦之兵

臣奏稿卷二十八

此臣整理馬隊之大概情形也規模甫定臣本擬親行教練認真操演再行分別調派惟現據各路稟報牛洪任柱陳大喜賴文光等股回竄阜陽縣境之瓦店集迎仙店等處占踞各圩勢甚兇悍英翰部下駐紮潁州出隊截擊略有斬擒安徽撫臣喬松年飭調張得勝一軍由固始回勦克蒙額從潁州繼進臣不臣得已檄飭色爾固善統領該兩起馬隊由徐州前赴潁州會同勦辦並檄周盛波一軍由亳州拔隊南赴太和潁州一帶劉銘傳一軍由周家口拔隊回援潁州各路合力會勦或可一收夾擊之效除各軍戰狀具報到日續行陳奏并遣撤馬隊俟起程回旂分別奏咨外所有臣整理馬隊及近日軍情理合恭摺

由驛馳奏伏乞
皇太后
皇上聖鑒訓示謹
奏

奏稿卷二十八

銘軍屢勝備賊東竄現籌布置摺同治四年九月初一日

奏為劉銘傳一軍屢獲勝仗備賊東竄曹州現籌布置情形恭摺仰祈

聖鑒事竊臣以捻逆竄擾潁州飭令劉銘傳一軍由周家口回援周盛波等協勦於八月十八日奏明在案劉銘傳未接臣檄之先已派劉盛藻唐殿魁率步隊各營張景春劉盛瑞率新練之馬勇二營由周家口馳赴潁州於十一日行抵沈邱與豫軍蔣希夷皖軍康錦文等會同進勦十二日進偃凹張賊寨該逆窺我營未定集馬步賊萬餘人乘機猛撲唐殿魁擊其左劉盛藻擊其右酣戰踰時斃賊三百餘名蔣希夷康錦文兩軍從中路繼進張景春劉盛瑞馬隊兩邊包抄賊即奔潰我軍追三十餘里至洪河南岸瓦店等處擒斬甚夥奪獲器械無算驟馬二百餘匹拔出難民數千破賊寨二十餘座賊狂竄向西南而去十四日又折回洪河之北洋埠兩日夜竄至項城西境之南頓集距周家口五十里劉銘傳遂督軍由項城間道一日夜馳抵南頓飭各營及烏爾圖那遜之馬隊三路并進賊勢披靡我軍疾追十餘里殺斃槍斃賊千餘名生擒三百餘名奪獲馬百餘匹器械千餘件賊乘夜越周家口徑渡沙河而北此劉銘傳一軍在阜陽沈邱兩次獲勝肅清皖境之情形也賊渡潁後由西華竄入太康劉銘傳於十九日追抵太康至則賊又奔向睢州

奏稿卷二十八

二十日追至睢州則賊又已先發矣劉銘傳乃暫棄步軍獨督馬隊馳三十餘里從後追及賊四散狂奔拋棄輜重器械甚多敗潰十餘里復聚馬賊數百迎敵又經張景春及營總白圖善六十七訥爾桓額等擊退其周盛波一軍馳至歸德邀截以賊匪未過宋郡不及而返此十九二十等日追勦四百餘里之情形也自二十日後該逆竄至考城之保庶寨曹境之魏灣集盤踞定陶境內已越三日據劉銘傳送到生擒賊供此次東竄之匪係任柱為主而賴汶光牛洪亦在其中圖入青石關以擄掠富饒之境查羣賊之中以任柱之騎為最悍以賴汶光之謀為最詭如果二酋同來則賊勢已趨重東路而青石關通登萊

奏稿卷二十八

青三府尤為山東膏腴之地不可不速籌援勦除飭潘鼎新一軍扼守運河外頃又調張樹珊之步隊色爾固善之馬隊率徐州全軍馳赴山東協勦又調臨淮六千人以四千接防徐州以二千續往山東調周盛波一軍移駐歸德以遏東賊回竄之路畱劉銘傳一軍仍駐周家口以扼陳汝最要之區惜無大枝馬隊可以縱橫追逐僅就現有兵力東顧齊省西顧豫省中間兼顧徐州臨淮兩處期於首尾相應此近日調度諸軍布置各路之情形也欽奉八月十四日二十二日兩次寄諭飭臣進駐許州并籌游擊之師屢疏覆奏本議四路駐兵之外更添大枝游擊之師惟游兵須以馬隊為主而輔以步

隊之輕迅者今_臣處所接舊管之馬隊不滿二千其餘新調之
察哈爾馬兵新募之兩淮馬勇其數無多其技尤劣不敢驅之
向敵久未辦成游擊之師自問尚無破寇之術日夜焦思彌深
愧悚至賊勢趨重山東自當先勦東路不必遽赴許州

皇上因時制宜想必有權衡於至當者伏乞續示

宸謨俯鑒愚忱之不敢欺最以棉力之所能及_{微臣}幸甚所有

勦賊獲勝及近日調度各情恭摺由驛馳陳伏乞

皇太后

皇上聖鑒訓示謹

奏

奏稿卷二十八

天

密陳湖北軍務請仍歸官文節制片_{同治四年九月初一}

再密陳者_臣欽奉八月二十二日

寄諭所有楚北軍務自應由曾國藩節制調遣以一事權旋奉

二十三日

寄諭勅_臣進紮許州節制皖豫鄂三省軍務惶悚之忱非言可

罄_臣帶兵多年本非畏縮推諉好分畛域之人豈至衰老而改

此常度貽笑遠近夏間奉

命勦捻所以注重東路者實見山東完富之區京餉所出且處

處毗連畿輔動虞北犯此賊已成流寇斷無不貪戀山東之理

故_臣屢次陳奏專重在東路十二府州如果東路穩固自可移

奏稿卷二十八

天

勦豫省之西邊六郡如果豫境肅清亦未始不可協勦鄂中今

賊匪回竄山東_臣於分內之事尚兢兢焉以力小任重為憂焉

能兼籌鄂省伏念湖廣督_臣官文久歷戎行老成持重資格在

臣之先名位居_臣之右所有湖北防務及越境勦賊諸軍久經

官文派定乃以_臣分居節制之名縱官文不稍存芥蒂而駭中

外之聽聞滋將士之疑貳所關實非淺鮮天下至大事變方殷

決非一手一足所能維持伏懇

朝廷廣收羣策不因用一二人而沮眾臣之氣是為至願此次

令_臣節制鄂軍幸尚未明降

諭旨儘可暗為挽回仰祈

皇上於下次

寄諭中飭令湖北軍務仍全歸官文節制調遣鄭重分明再三

申諭俾各省整刷精神責無旁貸庶軍務日有振興之象而

稍免負乘之譏區區愚誠伏乞

皇太后

皇上聖鑒謹

奏

奏稿卷二十八

手

奉 旨覆陳近日軍情摺 同治四年九月十九日

奏為疊奉

諭旨恭摺覆奏并陳近日軍情仰祈

聖鑒事竊 臣接奉九月初六日

寄諭欲令李鴻章親帶楊鼎勳等軍馳赴河洛將豫西股匪撲

滅兼顧山陝門戶而以吳棠署理兩江總督李宗羲丁日昌遞

署漕督蘇撫飭 臣商迅速覆奏又奉十一日

寄諭令鮑超馳赴豫南歸 臣節制各等因仰見

聖德謙冲憂勤彌篤聞

命之下愧悚難名 臣查近日軍情捻眾回竄徧布荷澤曹定等

處潘鼎新已至鉅野由徐州調往之色爾固善張樹珊馬步各

軍均至濟甯正可會合進剿而該匪忽分支狂竄一支回竄徐

州攻破銅山境內之辛家寨邊馬及於鄭家集距徐城僅六十

里一支直趨濟甯之長溝勢將渡運河而東據各路探報馬賊

近萬步賊以六七萬計任柱牛洪賴汶光李允陳大濤各酋俱

已東來其西畱豫境者僅張總愚南陽一股人數較少力亦較

弱是目下賊勢趨重東路不特秦晉暫可無患即宛洛患亦稍

輕自當以全力專顧東路徐州一支恐竄沂州海州而擾及裏

下河長溝一支恐竄濟南泰安而擾及東三府現飭潘鼎新張

樹珊兩軍防剿東北濟泰一路而調郭松林楊鼎勳兩軍防剿

東南沂海一路此外銘傳雷於周家口周盛波雷於歸德府斯六軍者皆淮勇最勁之兵所駐皆三省最要之地其防戍大江以南者僅有劉秉璋等三起分駐蘇松東壩等處萬不能再行調出千里空虛

諭旨飭李鴻章視師河洛該處現無可剿之賊淮勇亦別無可調之師至臣所部楚軍除酌留劉松山等剿捻外餘擬全數遣撤曼經奏明在案臣今所倚以辦賊者全賴淮勇諸軍供其指麾李鴻章若果入洛亦豈肯撤臣布置已定之兵挾以西行坐視山東江蘇之糜爛而不顧是李鴻章之無兵帶赴西路時為之也勢為之也臣屢接稟報閩軍黃少春等攻克鎮平江軍席

奏稿卷二十八

五

寶田斐雲慶等屢獲大捷髮逆勢極窮蹙又有劉典康國器劉連捷周寬世各軍星羅棋布似閩粵餘孽不久即可殲除

諭旨令鮑超改赴河南實屬於粵無損於豫有益惟餉項由楚省解濟未知能否無缺臣擬商之李鴻章若能由江南協解數成則河南多一枝勁旅湖北少一分供應俾

聖主可紓西顧之憂而微臣亦稍塞豫人之責

諭旨垂詢以李宗義暫署漕運總督丁日昌署理江蘇巡撫查李宗義由安徽知府甫於去年保奏以道員出江補用本年奏署運司疊擢安徽臬司江甯藩司一歲三遷已為非常之遭際該員廉正有餘才略稍短權領封圻未免嫌其過驟丁日昌以

江西知縣因案革職三年之內開復原官府道擢任兩淮運司雖稱熟習夷務而資格太淺物望未孚洋人變詐多端非勳名素著之大臣不足以戢其詭謀而懾其驕氣該員實難勝此重任數年以來

皇上求才若渴於疆臣保薦人員往往破格超遷外間因其不次之擢疑為非常之才責備之下加以吹求於是臺諫彈劾生風并歸咎於原保之員若使保升者循資漸進少為迴判多經磨鍊則該員不至見妬於同僚而言路亦不至仇視乎疆吏實於中外和衷之道大有裨益抑臣尤有請者歷觀前史明訓軍事之進退緩急戰守屯駐統帥主之朝廷之上不宜遙制廟堂

奏稿卷二十八

五

之黜陟將帥賞罰百察天子與左右大臣主之闔外之臣不宜干預朝廷而遙制兵事其患猶淺闔外而干預內政其害實深從古統兵重臣遙執國命未有能善其後者同治元年正月皇上命臣保舉封疆大員臣密片奏稱疆臣既有征伐之權不當更分黜陟之柄宜防外重內輕之漸兼杜植私樹黨之端等語仰蒙

聖慈垂鑒今以要缺督撫令臣等往返函商如臣愚見密保尚且不敢會商更覺非宜因不俟李鴻章吳棠商定直抒管見未審有當於萬一否所有疊奉諭旨並陳近日軍情緣由恭摺由驛馳奏伏乞

皇太后

皇上聖鑒訓示謹

奏

秦稿卷二十八

近日軍情片 同治四年九月十九日

再正封摺間又據潘鼎新等稟稱捻逆因濟甯長溝一帶駐有重兵不敢北竄已由武城金鄉南趨豐碭等處據擒賊供稱該匪欲回雒河老巢等語查賊蹤飄忽臣調諸軍甫集曹濟該逆忽擾及徐州徐防兵力頗單祇堪堅守不能迎勦欲調馬步各隊回顧徐郡該逆又將紛竄他處狡謀多端亟肄疲我殊深焦灼又接李鴻章函稱因奉馳赴河洛之

旨欲留楊鼎勳等二軍暫緩前進臣以沂海裏下河一路尙無防兵仍當飛檄調來會勦徐境之賊又接劉銘傳呈稱張總愚一股由南陽西南竄去已近鄂省邊境楚北防範甚嚴似亦不足深慮理合附片陳明伏乞

秦稿卷二十八

聖鑒謹

奏

官軍疊勝該逆仍竄山東摺同治四年十月十一日

奏為官軍疊獲勝仗該逆仍竄山東恭報近日軍情仰祈

聖鑒事竊自九月十五日以後任賴牛李各酋分支直犯徐州

銅山臣於十九日具奏在案厥後曹州之賊知濟甯防守甚嚴

不能渡運河而東遂悉數南竄徐州分布豐沛銅山境內盤踞

湖團一帶臣調張樹珊色爾固善等回軍追剿并調潘鼎新越

境夾擊二十三日張樹珊等駐軍豐魚交界之谷亭紮營未定

賊馬五六百匹突來撲犯我軍迎擊敗之追奔十餘里擒斬數

十名二十八日臣派營務處李昭慶帶忠樸等營會同張詩日

之步隊烏爾圖那遜之馬隊馳剿徐州北境二十九日至柳新

莊賊大隊南來見官軍步伐整齊且戰且走我軍追及於張谷

山烏爾圖那遜馬隊從旁抄擊副將黃金志衝其中堅賊勢不

支紛紛敗竄追逐二十餘里逼入湖中淹斃百數十名陣斬二

百餘名拔出難民三百餘人生擒悍賊二十六名奪獲器械騾

馬甚多賊由劉家集西竄蕭縣而去色爾固善接到臣檄知賊

已逼近徐州二十七日由豐縣回顧郡城初一日行近蕭縣與

賊邊馬遇於郝家集色爾固善令高福托倫布為兩翼而自率

訥穆錦分三路并進賊即敗潰追至胡家莊擊殺數十名生擒

十三名奪獲騾馬五十餘匹餘匪逃入民房我兵縱火焚燒逸

出者盡皆殲斃此徐防諸軍各獲勝仗之情形也臣意賊既由

曹而南竄徐州又由徐州而西竄蕭楊勢必回顧蒙亳老巢矣

據生擒賊供亦云將回蒙亳或云窺伺清江臣飛咨喬松年吳

棠速為籌防不料賊於初二日又復折回豐縣與後股會合徧

布城南十餘里是時鼎軍四營尙留濟甯僅六營先到豐縣兵

力甚單初三日潘鼎新帶六營八成隊赴陳家莊布置粗定自

率零騎逼近賊壘挑戰該逆悉眾抗拒我軍漸退誘賊離莊里

許故示以弱賊見官兵極少縱令馬步各匪約二萬餘人四面

圍裏更番衝突我軍屹立不動俟賊逼近將洋槍連環施放炸

礮迎擊賊陣潰亂我軍乘勝縱擊殺賊一千餘人屍骸枕

藉炸斃馬匹奪獲器械不計其數賊向西南狂奔竟夜不敢停

宿折而北竄直向魚臺一路初四日適遇道員潘鼎琛帶留濟

之四營前來與戰於豐北潘鼎新仍帶六營并調副將王心安

之軍馳往夾擊殺斃無算賊復大敗竄向西路單縣而去此濟

防潘鼎新一軍在豐縣南北兩獲大勝之情形也臣查該逆狡

詐多端飄忽異常從不肯與堂堂之陣約期鏖戰必伺官軍勢

孤力竭之時出不意以困我此次徐濟諸軍各有斬擒惟潘鼎

新以孤軍當狂寇以步隊擊馬賊人人自危竟獲全功差足以

寒賊膽惟該逆死黨極多行走甚速乘虛蹈隙是其慣技當初

竄東省已有由青石關窺伺登萊之說現值運河水涸難保不

潛行偷渡潘鼎新一軍已全隊撤回濟甯防所臣飭張樹珊色

奏稿卷二十八

美

奏稿卷二十八

毛

爾固善暫駐豐縣如賊久駐曹屬該兩軍仍當齊赴山東如果渡運內竄再調李昭慶率大枝游擊之師赴東會剿以保完善之區而遏狂奔之寇所有官軍疊獲勝仗該逆仍竄山東緣由恭摺由五百里馳奏伏乞

皇太后

皇上聖鑒訓示謹

奏

奏稿卷二十八

三

籌商直隸河防片 同治四年十月十一日

再臣接奉十月初四日

寄諭豫省馬隊太單現在直隸河防漸鬆所有副都統安住所帶馬隊即著劉長佑飭令統帶赴豫交吳昌壽調遣等因欽此查捻匪現竄曹單與直隸之東明長垣一帶處處毗連霜降以後黃河水淺歸槽礮船本屬無多轉瞬歲寒冰堅即可鋪草墊土全河皆成坦途尤非礮船所能為力臣方深以為慮黃河北岸汛地甚長目下祇可增兵斷難減戍臣所以注重東路者以山東北鄰畿輔天下之根本也南鄰江蘇臣軍銀米器械所自出楚勇淮勇之根本也賊匪所以注重東路者以山東運河以北平衍富饒不似豫皖之難於覓食也若非數次痛剿而大創之則該匪斷不能忘情於山東山東之事一日不鬆則直隸之防一日難弛相應請

旨勅下直隸督臣劉長佑仍將副都統安住所帶馬隊調回駐守并須酌添步兵使將領皆知冬春之防重於夏秋務保萬全是為至要至豫省馬隊太單亦宜置之不顧惟畿疆防務較重不得不略分緩急如果該逆因此間五次敗挫不敢畱戀山東則必由曹單回竄河南俟其竄過開封陳州以西臣當一面具奏一面咨商劉長佑吳昌壽或調安住馬隊仍赴河南亦當添派大枝游擊之師赴豫會剿愚昧之見是否有當伏乞

皇太后

皇上聖鑒謹

奏

奏稿卷二十八

四

甯陵扶溝等處勝仗摺 同治四年十月三十日

奏為官軍在甯陵扶溝等處擊賊屢獲勝仗並現籌勦辦情形恭摺仰祈

聖鑒事竊捻逆在豐縣南北被我軍兩次擊敗仍竄山東臣於十月十一日具奏在案該逆知東路防守甚嚴不能偷渡運河復不敢久駐曹屬遂折而西竄知歸德有兵欲由舊黃河北岸繞越直趨汴梁與張總愚合股駐紮歸德之周盛波探得此信即傳令帶六成隊裹五日糧於初九日拔隊至睢州迎擊行至甯陵之趙村集途次接得該令稟報縣城被捻逆大隊圍攻勢甚危急即將鍋帳存留趙村整隊直逼城下時已二更賊撤開東面任柱馬隊賴文洸悍黨俱紮離城西南之十五里周盛波恐賊至天明遁去議定乘夜攻之其弟記名提督周盛傳素善夜戰因令與副將衛汝貴董邦傑三營伏於黃河集復派記名總兵周壽昌劉啟福由東路進攻游擊楊安典賈起勝由北路進攻自率副將周盛武楊正國由呂家集中路進攻洋鎗如牆而進出賊不意任賴二逆揮令悍賊圍繞中路不料伏兵忽起橫出截擊鏖戰逾時賊紛紛敗潰我軍四面尾追由呂家集跟追四十餘里至睢柘交界賊狂奔向太康大路而去共殺斃悍賊六百餘名拔出難民千餘解散脅從甚多奪獲器械馬匹不計其數據擒賊供稱偽祥天安袁逆被游擊賈起勝等擊斃牛

烙紅坐馬衣服盡行拋棄偽天將唐矮孜坐馬槍斃等語此初九日夜周盛波在甯陵勦賊大獲勝仗之情形也該匪敗後由太康南竄行走甚速駐紮周家口之劉銘傳聞東賊回竄初十日即帶隊向東迎勦十一日行抵西華之上郭橋十二日中途接扶溝縣稟知縣城被圍求援甚急未刻馳抵扶溝縣之東宏濟橋見賊邊馬當即飭令劉盛瑞張長發帶馬隊兩營為前鋒自督馬隊一營步隊三營為後應復派唐殿魁由北路劉盛藻由南路同時並進賊見我軍驟至向西遁走劉盛瑞等追及擒斬十餘名至城西里許遇賊馬步大隊萬餘人分三大枝將我軍包抄中軍圍裹尤密劉銘傳傳令結陣自固四面環擊斃賊甚多劉盛藻派馬汝霖丁汝昌擊其左唐殿魁派王得成等擊其右我軍伏地猛進施放排鎗賊勢不支劉銘傳令李錫增馬汝霖等連開炸礮打入賊陣該匪駭而狂奔我軍追殺十餘里陣斬二百餘名鎗斃一千餘名奪獲器械無算扶溝城圍立解我勇亦傷亡數十人是夜三更賊尙奔走不息此十二日劉銘傳在扶溝勦賊大獲勝仗之情形也查此次捻逆東竄其初雖未受懲創厥後徐州小捷豐縣大勝俱是攔頭之師今甯陵扶溝之戰亦係攔頭要截該逆處處投觸網羅不能逞其流賊馳騁之故智據生擒賊供甯陵之役僅有任賴牛李等酋一股扶溝之役則已與張總愚一股相合目下不敢東竄將謀擾及

奏稿卷二十八

湖北據吳昌壽咨羣賊現聚襄葉舞陽一帶臣於十八日檄飭色爾固善張樹珊馬步兩軍移駐周家口騰出劉銘傳一軍作為游擊之師謹遵前次諭旨不復拘泥十三府州之說即南汝光許等郡隨賊所向跟蹤追勦其營務處李昭慶所辦游擊之師鞍馬尙未齊備臣已屢次派員進京買鞍出口買馬待至臘底辦齊即令李昭慶馳赴河南與劉銘傳各帶馬兵萬人同作兩枝游兵做照僧格林沁之法與該逆縱橫追逐使之不得休息而濟甯徐州臨淮周家口四處之兵仍舊鎮駐不動以備賊匪流竄時迎頭截擊惟處湘淮各勇向來不住民房支搭帳棚行走不能迅速現擬購雇大車兼買駱駝發交劉銘傳李昭慶等軍裝載輜重俾師行無遲鈍之慮民間無滋擾之虞近歲車輛極少能否多辦以供游兵之用尙未可知除俟辦理就緒續行具奏外所有甯陵扶溝等處擊賊屢獲勝仗並現籌勦辦各緣由恭摺由驛五百里馳奏伏乞皇太后皇上聖鑒訓示謹奏

奏稿卷二十八

擬調鮑超會剿西路片同治四年十月三十日

再 欽奉到十月十五日

寄諭南陽捻逆豫軍既不能剿除恐其日久裹脅愈多前諭鮑超等襄赴豫會國藩覆奏有與李鴻章商籌協餉數成嗣因官文奏稱該提督游勇太多漫無紀律上杭之勇聞有赴豫之信恐引羣呼類而來請飭仍赴江右第念鮑超剿賊向稱勇往若令嚴汰游勇安加鈐束使該提督有敬懼之心未始不可資其攻剿官文恐鄂餉難支因有飭赴江右之奏著會國藩李鴻章妥為商酌於江蘇接濟數成餉需並令該提督將游勇嚴行裁汰不許任意招團即札令赴南陽剿賊統歸會國藩節制以一

奏稿卷二十八

聖

事進而資鈐攝儻事屬可行即著一面札調一面奏聞用期迅捷等因欽此 臣查鮑超之所短在貪將多兵濫收降卒馭下專尚威嚴條理不甚清晰其所長之處在威名久著為賊所憚平日本有敬懼之心又慕古人忠盡之名自金口軍叛以後該提督鑑於前車以後斷不敢輕收降卒若令少統數營赴豫剿捻餉項則不甚缺乏米糧則派員專管獎其多年之勳勞勗以後日之忠慎必於大局有裨惟進兵之路須以襄陽為老營乃能北控南汝西蔽鄖陝凡銀米軍械子藥等事均應由湖北糧台作主江南雖可協餉數成而不能隨時照料 臣前已函商官文一俟接到覆信如可由官文主持一切俾該軍米糧有著 臣即

當奏調鮑超會剿捻匪 專辦西路合先附片陳明仰慰 宸厪伏乞

皇太后

皇上聖鑒謹

奏

奏稿卷二十八

聖

疊奉 諭旨覆奏摺 同治四年十一月二十七日

奏為欽奉疊次

諭旨恭摺覆奏仰祈

聖鑒事竊 臣 欽奉十月二十七日

寄諭以豫省賊數益眾 飭 臣 統籌全局將原設四鎮兵勇移向

西進步步進逼 亦當移營進紮就近督剿又奉十一月初六

日 寄諭飭 臣 斟酌情形相機前進各等因欽此竊 臣 奉

命勦捻業經奏定徐州臨淮濟甯周家口四處設立重兵則此

四處 皆可以駐紮初非有所戀於徐州有所怯於周家口也

不過因東北則畿輔為天下之根本東南則江蘇為 臣 軍之根

本故 臣 視東路略重駐 徐州略久耳自十一月初開捻匪由山

東全數竄豫 臣 即擬進駐周家口又因李昭慶一軍鞍馬未齊

不克遽行赴豫業於上 次奏明在案 於秋開籌算除僧格林

沁雷邁馬隊汰存一千 八百有奇外又有新調之察哈爾馬隊

一千又有餘馬一千又 有借用鮑超所購之馬八百以為必可

敷用不料察哈爾馬匹 倒斃已及三分之二存者亦瘦弱不堪

不得已又復派員出口 買馬屈指計之兩次買鞍者年底均可

回徐兩次買馬者回營 早遲難定 擬派李昭慶於正月統帶

萬人赴豫與劉銘傳分 途進剿無論欠馬若干但就現有馬匹

先行勦辦所恃步隊尚多足以輔騎兵之不及 臣 亦定於正月

進駐周家口就近調度惟 臣 於東路終不放心擬令李昭慶由

徐徑赴河南 臣 則先赴濟甯兗州曹州一帶察看情形并查閱

黃河礮船再由歸德陳州以抵周家口庶地勢之孰重孰輕

兵之宜多宜少 臣 胸中較有把握別有一事與勦捻大有關係

者銅山沛縣等處有湖團焉咸豐四五年間山東曹州一帶黃

河汎漫難民唐守忠等遷徙銅沛境內多係微山湖涸出之地

久之聚至數萬人佔地百餘里當時在事官吏不能遣之回籍

暫與撫綏因就東民所佔地畝設局丈量定為上中下三等科

則納租充餉耕種豐稔漸臻富強在東省難民以為全係湖荒

之地在銅沛居民則以為霸佔有主之產爭訟多年屢釀巨案

吳棠等曾疊次具奏奉 旨查辦本年十月賊竄沛縣逆首任柱牛紅賴汶光等皆住湖

團之內 處生擒賊供多稱係湖團信函邀約而來沛民平日

本與湖團為不解之仇至是愈以團民勾捻紛紛控告有不能

一朝居之勢而湖團中如唐守忠父子罵賊殉難全圩房屋焚

燒殆盡則又忠節昭然乃沛民仍以叛逆目之若不早為之所

則沛民與團民必且械鬪不休而良團與莠團亦復真偽莫辨

擬將通捻之團酌量懲辦而其餘數萬人全數資遣回籍現

經兩次派員前往山東鄆城鉅野等處察看該團民原籍尚足

安插否如其可以安插則遣之東歸在沛縣可免佔產之訟在徐州亦無招捻之窩臣再將資遣事宜專疏奏辦而臣之赴豫則須稍遲如其不可安插臣亦不勉強驅遣在徐州不無後患而臣之赴豫可以稍速理合預為具奏以慰

宸廑又奉十一月初六日

寄諭飭臣檄調鮑超統帶新募各營馳赴湖北由襄陽一帶相機進剿一切進止機宜仍歸曾國藩妥籌調度其鮑超留江蘇部仍令歸婁雲慶統帶勦辦等因欽此本應欽遵辦理惟臣接官文來函鮑超必欲統帶多兵鄂省實難供應雖江蘇分任協餉尚恐不足以資挹注又接李鴻章來函粵中賊氛尙熾汪逆

奏稿卷二十八

哭

悍黨數萬人以一隅遙為牽制而我數省不得解嚴須留鮑超在江方足支撐各等語又聞汪逆近已竄陷嘉應州窺伺閩汀臣思鄂省之餉源既如此江粵之賊情又如彼不敢固執已見致誤事機目下鮑超一軍已由贛州進兵暫難更調應俟江粵全境肅清再檄該軍勦捻庶不至往返僕僕顧此失彼所有履

奉

寄諭恭疏覆奏伏乞

皇太后

皇上聖鑒訓示謹

奏

曾文正公奏稿

卷之二十九目錄

會議長江水師營制事宜摺

同治四年十二月二十八日

賊萃湖北派大軍援鄂摺

全日

查覆山東撫藩等參款摺

全日

酌撥馬隊馳赴奉天勦賊摺

同治五年正月十四日

近日軍情并將湖團分別撤留片

請令劉秉璋襄辦軍務片

二月初八日

查辦湖團酌籌善後事宜摺

二月初八日

報啓行赴周家口日期片

奏稿卷二十九目錄

銘軍援鄂克黃陂縣城摺

二月十五日

鮑超軍北來勦捻籌定餉項摺

三月初五日

近日軍情暫駐濟甯就近調度摺

全日

會議長江水師營制事宜摺 同治四年十二月二十八日

奏為會議長江水師營制事宜恭摺仰祈

聖鑒事竊 臣國藩於同治元年二月覆奏安徽省城仍建安慶

案內請專設長江水師提督及總兵以下各官奉

旨交軍機大臣會同該部議奏旋經吏部等於五月二十三日

定議具奏准其設立長江水師而於總兵副參以至千把應設

幾缺暨分汛修艦各事宜令 臣體察情形再行詳核議奏二年

四月奉

旨以淮揚鎮總兵黃翼升補授長江提督之缺六月克復金陵

濱江五省戰事大定即應將前募之水勇改為經制之水兵核

定章程會議具奏特以勇丁之口糧較多額兵之口糧極少相

去懸絕難於酌中定議展轉籌思是以復奏稍遲 臣國藩於咸

豐二年臘月初招湘勇維時長沙甫解圍各路兵勇往來湖

南絡繹不絕 臣徧查餉章參差不齊惟張國樑之勇每月五兩

四錢江忠源之勇每月四兩五錢該兩軍最為有名於時逮三

年夏開勝保奏請招募陸勇月餉四兩五錢戶部議准江南大

營循而行之遂定為報銷之常例 臣於三年冬開召募水陸兩

軍陸勇酌減為每月四兩二錢而親兵什長稍有增加水勇酌

減為每月三兩六錢而礮手舵工稍有增加厥後銀價日賤米

價日昂咸豐十一年揚載福等請將水勇加為每月三兩九錢

至今未改 臣復詳加詢訪除山東河南餉章微少外其餘江楚

閩浙等十餘省勇餉均係四兩有奇目下各路招集陸勇紛紛

未已若水軍驟為大減則人皆去為陸勇誰復願充水兵故 臣

所議章程於兵餉條暫從其優俟軍務告竣再行酌量核減審

時度勢有不能不出於此者非敢與陸營戰守糧額故示懸殊

也自古養兵本無善政南宋之括財晚明之增餉皆為兵多所

累識者病之我

朝綠營兵丁五十餘萬較之宋明已屬極少然乾隆四十六年

議增缺額名糧大學士阿桂會上疏力爭 臣國藩亦於咸豐元

年疏請裁兵五萬戶部初未議准後乃通行各省酌辦溯自洪

楊倡亂捻回繼變軍興十餘年惟向榮和春大營用兵稍多其

餘皆倚勇丁以集事

國家養兵之費歲逾二千萬當此多事之秋乃未聞綠營立一

奇功出一良將今各省勇丁合計約在三十萬以外而昔年經

制之兵仍未能議裁議減守戰各兵在營之坐糧雖少而出征

外省加以鹽折夫價餘丁等款每兵一名月支亦在五兩上下

平日有糧少之名臨事無省費之實百年受養兵之累應急無

破寇之效統籌全局殊非長策 臣愚以為軍務全竣後仍當綜

核名實裁減陸兵其必不可裁者即當增加口糧此又因今日

設立水營而即為異日綠營之地者也謹議事宜三十條營制

二十四條分繕二摺恭呈

御覽計戰船七百七十四號除提督已頒關防外新設總兵四員撥出兼隸之總兵一員副參游三項營官二十四員都守千把外委等哨官七百七十四員兵數一萬二千餘人兵餉船價廉俸雜費修艦之資約計每月五萬有餘凡選將練兵餉項捕務暨考核教演之法莫不嚴定章程冀垂令典請

旨勅下軍機大臣會同吏戶兵工等部暨總理衙門核議施行所有會議長江水師營制事宜緣由謹會同漕運總督臣吳棠護江蘇巡撫臣劉郁膏安徽巡撫臣喬松年江西巡撫臣劉坤一湖北巡撫臣鄭敦謹湖南巡撫臣李瀚章恭摺由驛具奏伏

奏稿卷二十九

三

乞

皇太后

皇上聖鑒訓示再此摺係臣曾國藩彭玉麟主稿合併聲明謹

長江水師事宜

第一條提督建衙太平府

長江水師提督駐紮原議在於蕪湖建立衙署查蕪湖內河甚小冬令水涸不能安泊戰艦若泊大江之中則洪濤巨浸其患莫測查江南太平府河外通江內通湖可紮戰船數十營右達皖南甯國府南漪固城諸湖左達江蘇高淳溧水兩縣石臼丹陽諸湖兼可扼東壩之要隘擬以提督駐紮太平府設立衙署

第二條提督立行署於岳州

長江水師提督管轄之地上自荊州岳州下自江蘇崇明兩岸支河內湖均歸統轄計程近五千餘里分列五省若僅駐紮太平府恐其照料難周擬於岳州府設立行署該提督分月輪駐

奏稿卷二十九

四

以半年駐下江太平府以半年駐上江岳州府每年周歷巡查駐上江則巡閱至洞庭湖荊州止駐下江則巡閱至狼山止

第三條提督單銜奏事

長江水師提督統轄較遠責任甚重擬請單銜奏事以專責成如遇有與各省地方公事及陸營交涉之件則會商該省督撫分別奏咨辦理如地方公事及陸營有與水師交涉之件該省督撫亦會商長江提督分別奏咨辦理提督之官其初本係文職明末李如松始以武臣而為提督初尚文武兼用後乃專用武職惟九門提督一缺尚是文武兼領江皖晉豫等省提督之

缺尚以巡撫兼領略存舊制今長江提督一缺擬請文武兼用蓋緣長江通商處處與外國交接朝夕相見必須提督平日稍有威權乃足以資彈壓該提督仍歸兩江總督湖廣總督節制

第四條長江共立六標

長江水師共立六標提督駐紮太平府所轄提標五營岳州設一總兵所轄鎮標四營漢陽設一總兵所轄鎮標四營湖口設一總兵所轄鎮標五營瓜洲設一總兵所轄鎮標四營狼山鎮總兵兼隸長江所轄鎮標二營通共二十四營

第五條長江與各省水面分界

長江水師與各省河湖交界之處應即畫分界限各有汛地以

奏稿卷二十九

五

專責成湖北除江面千餘里全歸長江提督外其自荊州以上沂江至宜昌巴東漢陽以上沂漢至襄陽鄭陽及各支河湖汊應由湖北另行設防歸湖廣總督湖北提督統轄湖南除江面及洞庭湖歸長江提督外其湘沅二水應由湖南另行設防歸湖南巡撫湖南提督統轄江西除江面及鄱陽湖歸長江提督外其吳城以上省河及東西支河應由江西另行設防歸江西巡撫統轄安徽除江面與傍江之湖歸長江提督外其淮河自正陽關以下至洪澤湖止并接連蘇屬之支河湖蕩應另設淮揚水師歸淮揚鎮總兵統帶兩江總督漕運總督安徽巡撫兼轄江蘇除江面歸長江提督外其自鎮江以東凡江南之支河

湖蕩應另設大湖水師歸兩江總督江蘇巡撫江南提督統轄其舊設海口之狼山福山蘇松三鎮除福山蘇松二鎮悉仍其舊外擬以狼山鎮兼隸長江提督標下仍聽兩江總督江南提督節制

第六條副參游沿江建衙

副將參將游擊各有專營自應設立衙署惟長江水師營汛其責任專重在水面并無防守城池彈壓市鎮之責其立汛建署須擇有港汊內河可收泊戰艦者庶免風濤覆溺之慮雖孤洲野岸亦可修造衙署宜距城市稍遠乃為妥善

第七條都司以下不立衙署

奏稿卷二十九

六

水師官兵皆宜以船為家不准登岸居住如違例住岸上者官即革職兵即革糧自都司以下皆係哨官即以哨船為辦公之所不准建衙陸居至長江提鎮除例給坐船外各給督陣舢板二號每船額設守備哨官一員兵二十名內舵兵一名頭兵一名礮兵二名槳兵十六名凡提鎮衙門巡捕跟丁執事人等輪流派此船之人值班聽差下班仍以船為家不准在岸居住副參游督陣舢板各一號悉如之

第八條營制船數

副將營制戰船四十三號內長龍船一號舢板船四十號督陣大舢板船一號參將營制戰船三十三號內長龍船二號舢板

船三十號督陣大舢板船一號游擊營制戰船二十三號內長龍船二號舢板船二十號督陣大舢板船一號其雖係游擊營制而用船三十三號者惟岳州漢陽二營凡專立之營皆以都司二員管駕長龍為領哨其各散哨員弁均受約束左領哨專管本營錢糧右領哨專管本營船礮軍裝及一切差遣巡查諸務其舢板之以守備充哨官者為副領哨每守備率領船十號

第九條戰船人數

長江水師額兵副將營督陣舢板船一號兵二十名長龍船二號每船二十五人共兵五十名舢板船四十號每船十四人共兵五百六十名稿書書識十四名共額兵六百三十名共哨官

奏稿卷二十九 七

四十三員參將營督陣舢板船一號兵二十名長龍船二號每船二十五人共兵五十名舢板船三十號每船十四人共兵四百二十名共額兵四百九十名共哨官三十三員游擊營督陣舢板船一號兵二十名長龍船二號每船二十五人共兵五十名舢板船二十號每船十四人共兵二百八十名共額兵三百五十名共哨官二十三員其游擊營亦有用三十三船者全仿參將營之例稿書書識均不在內

第十條都司於本船之外另有打仗舢板

領哨都司除長龍戰船一號有兵外另給無兵之舢板船一號如遇出兵入小河港汊恐長龍遲滯則由長龍撥兵歸此舢板

乘坐領哨出隊以期便捷

第十一條設立書吏

長江水師提督用稿書四名書識八名總兵用稿書二名書識六名副參游皆用稿書二名書識四名都司用稿書一名書識二名守備用書識二名千把各用書識一名

第十二條兵丁糧額

咸豐四年初立水師之時較陸軍勇糧稍減漿手每月三兩六錢舵工四兩五錢頭工四兩二錢不等厥後因銀價日賤米價日貴漿手加為三兩九錢今將水勇改為額兵而各處陸營紛紛招募若遽將水兵口糧太減則人皆去為陸勇誰復肯當水

奏稿卷二十九 八

兵自應酌量暫從其優長龍戰船額設兵二十五名內舵工兵一名每月給銀三兩六錢每日一錢二分管艙兵一名頭工兵一名礮手兵四名每月給銀三兩每日一錢漿手兵十八名每月給銀二兩七錢每日一九分舢板戰船額設兵十四名內舵工兵一名頭工兵一名礮手兵二名漿手兵十名督陣大舢板額設兵二十名內舵工兵一名頭工兵一名礮手兵二名漿手兵十六名月餉均與長龍戰船同稿書與舵糧同月支三兩六錢書識與漿糧同月支二兩七錢俟軍務大定各路并無招募之事再由長江提督江楚總督專案具奏議將口糧酌減乃為定額亦須優於陸兵庶不至似今日綠營之廢弛

第十三條哨官額缺

長江水師副將營協標哨官額缺應設都司二缺守備三缺千總十缺把總十二缺外委十六缺參將營哨官額缺應設都司二缺守備二缺千總八缺把總九缺外委十二缺游擊營哨官額缺應設都司二缺守備一缺千總四缺把總六缺外委十缺以上各營哨官皆以各員所管之船為缺不設衙署

第十四條另給座船

長江水師提督給座船四號總兵給座船三號副參游給座船二號各營哨官都司守備以下直至外委皆無衙署每哨各給座船一號以抵陸營衙署馬匹之費提督每座船月支價銀十

奏稿卷二十九

六兩總兵副參游每座船月支價銀十四兩都守以下每座船月支價銀十二兩

第十五條出缺遞補

長江水師哨官缺出都守千把外委五項應全歸長江提督主政即就長江水師中遊員題補其營官缺出副參游三項擬以七成歸長江水師中題補以三成由兵部就各省水師中推補至總兵缺出由長江提督兩江總督湖廣總督三人各保堪勝人員平日開單保奏屆時恭候

特旨簡放

第十六條餉項出入報銷

長江水師上下五千里分防五省若向五處藩庫領餉分歸五省報銷殊覺散漫無紀戶部難於稽考而各處入款俱有常額若添此項兵餉殊覺別籌維艱查沿江釐卡皆係水師恢復之地承歷年口糧多取諸此今長江既立經制水師酌定永遠章程凡俸廉糧餉船礮子藥一切費用應酌留釐卡數處在兩江境內者歸江甯鹽道經收在兩湖境內者歸武昌鹽道經收

每年屆發餉之時其在楚境各營造冊呈明湖廣總督長江提督赴武昌鹽庫支領其在江境各營造冊呈明兩江總督長江提督赴江甯鹽庫支領江楚兩總督每年各自具本題銷不彙入各省藩庫奏銷案內以免牽混

奏稿卷二十九

第十七條三處設藥彈局

長江水師礮位大者千餘斤次者亦數百斤所須子藥最多須常設子藥局以資操演而備不虞查湖北省城安徽省城造藥均有牛礮最為穩便該二省應各設火藥局常川製造江蘇江西應辦硝斤協濟安徽藥局湖南應辦硝斤協濟湖北藥局至生鐵產於湖南應在長沙設立子彈局常川製造封門大子熟鐵羣子分解湖北安徽兩省所有楚境各營均赴武昌請領子藥江境各營均赴安徽請領子藥至三局造辦子藥之費由武昌江甯兩鹽道庫於釐金項下撥給

第十八條三處設立船廠

長江戰船大礮震驚最易朽壞定每屆三年修理一次十二年即行更換應於湖北之漢陽江西之吳城江南之草鞋夾三處各設船廠排定子丑寅卯等年某年應修整某營某哨之船某年應更換某營某哨之船輪流興工江境兩廠由兩江總督暨長江提督委員監修楚境一廠由湖廣總督暨長江提督委員監修所有船廠經費亦由江甯鹽道武昌鹽道兩庫撥給其風篷一件三年即須更換一次桿索纜絳等物每屆修整之年亦須酌量添換均准在於船廠請領

第十九條雨篷旗幟等費

長江戰船并無竹篷木舳惟以布棚遮避雨露霜雪名曰雨棚

奏稿卷二十九

最易朽腐又如錨本腦索礮繩旗幟紅油白油等項均須時常修換不能待三年之期亦不能赴船廠請領此五者名曰雜費酌定長龍戰船每年發銀六十兩舢板戰船每年發四十兩交該哨官採辦修飾以壯軍容江境之船由江甯鹽道發給楚境之船由武昌鹽道發給

第二十條廉俸兵米

長江水師提督現擬文武兼用其養廉應即加重每年支銀八千兩其餘俸薪蔬菜燭炭心紅紙張等項均照陸營提督之例支給自總兵以下直至千把凡養廉俸薪蔬菜燭炭心紅紙張等項均照陸營之例發給外委准食杞糧雙分仍每年支養廉

銀十八兩惟綠營之例馬改為水師之座船其水師官兵應領之米照各省綠營陸兵例每人日支八合亦由江甯鹽道武昌鹽道兩衙門於釐卡項下購米按季支發以上子藥局船廠雜費廉俸兵米四條均彙入正餉案內題銷

第二十一條禁約三事

長江水師舊日營規甚嚴近來日就鬆懈今立為經制水師應申明定規三條決不可犯者一曰不許登岸居住二曰不許吸食洋煙三曰不許賭博如有登岸居住吸食洋煙者官則革職兵則革職有犯賭者由該管將領察核情節稟明嚴辦

第二十二條疏防處分

現在髮逆肅清長江水師各分汛地專以驅逐游匪嚴防劫盜為重倘有水盜劫船搶巨案逾限不獲由長江提督專案參劾不得以陸營尚未開參文員尚未開參稍涉推諉遲延以重江防而絕盜風

第二十三條已保官階大者借補小缺

長江水師設立營汛待部議准後即須補放實缺查軍興十餘載水師員弁所保官階提鎮居多副參游亦不少所設營缺有限應以保舉較大之階借補較小之缺由臣等會同長江提督開單奏補其現在勇丁營制俟部議准後應即陸續遣撤一俟勇營撤畢即照新定兵丁餉章發給

奏稿卷二十九

十一

一五二一 續修四庫全書 史部 詔令奏議類 4 五一八

第二十四條不准私借戰船

長江水師各有汛地不得私離且長龍舳板均係官物非同私物可以借用凡各省文武出差人員雖有緊急公務非奉有長江提督及五省督撫專札派坐戰船者不得私借戰船乘坐以圖便易違者照不應馳驛妄行馳驛例議處各營哨官非奉有專札而以戰船私借客官及朋友乘坐者照私離汛地例議處

第二十五條船式礮數

長江水師修造戰船式樣長龍底長四丈一尺底中寬五尺四寸舳板底長二丈九尺底中寬三尺二寸督陣舳板略加長大長龍設大礮前後左右六位舳板設大礮前後兩位左右設車

奏稿卷二十九

三

轉小礮兩位小鎗短刀長矛噴筒隨宜配用

第二十六條海口添造大船

狼山鎮總兵現改歸長江提督管轄該處江寬百餘里洪濤浩汗海風不測長龍舳板船身太小有風即不能出港狼鎮所轄均係洋面近來甯鈞沙船帶有礮位槍械每以捕盜為名趁風行劫擬每營造大舳板二十號并造大船數號如紅單拖罟式樣多安礮位巡緝內洋以壯聲威又擬造輪船數號分佈狼山崇明等處於江海防務更資得力

第二十七條不准私設礮船亦不許水師干預鹽務

礮船為江中利器然可以禦暴亦可以為暴如准商民私造礮

船則強盜亦可造礮船以行劫鹽梟亦可造礮船以護私假偽旗萬難稽查此後既立長江經制水師應將民間私造礮船一概禁革雖文武官員亦不准私設礮船以杜奸民影射難於查察如有私立礮船不立時稟報者惟該汛之水師是問至巡緝私鹽本以礮船為最便然亦只准於瓜洲漢陽兩鎮標下奏派戰船若干號巡緝某處其未經奏派之戰船概不准干預鹽務尤不准包庇私鹽如有包庇者由兩江總督湖廣總督嚴行參辦

第二十八條建衙經費

長江水師提鎮暨副參游駐紮之處均須設立衙署軍裝即取諸酌畱釐卡一俟部議覆准即由臣等會同江楚總督長江提督派員勘估次第建造事竣核實報銷

奏稿卷二十九

四

第二十九條沿江舊日水師改隸長江提督

江南之京口狼山等營江西之湖口營湖北之漢陽營湖南之岳州等營凡向有水師之名而無礮船之實者今各該處均立標營改從新章應悉歸長江水師節制以昭畫一其向無水師名目者不必更改

第三十條考糧考缺操演章程

水師以使船為第一義善放礮次之凡考獎糧須令一人駕一小划渡江一兩次凡考礮糧須令連放五礮無走火遲鈍等弊

凡考應升應補之缺須令數船於無風之日盪槳逆行三十里
驗其遲速其哨官仍考試技藝以定等差至校各鎮之優劣每
年春季長江提督會同兩湖總督調集岳州漢陽二標在於武
昌江面或武漢各湖簡閱一次秋季會同兩江總督調集湖口
太平瓜洲狼山四標在於黃天蕩等處簡閱一次閱畢會摺具
奏優者酌量保獎劣者分別參辦

長江水師營制

一岳州設立總兵設中軍中營游擊用船三十三號仿參將營
之例分防自陳陵磯起至鹿角壘石澗潭湘陰一帶

一沅江設立參將屬岳州鎮左營分防君山西湖及常德龍陽
華容等河出湖之處但不進防內河其沅湘等水應由湖南另
行設防

一荊州設立副將屬岳州鎮後營分防自荊州以下江面石首
監利一帶至荆河口止

一陸溪口設立游擊屬岳州前營分防自荆河口以下江面螺
山新堤及倒口以內之黃蓋湖

一麻州設立參將屬漢陽鎮後營分防自倒口以下江面至沌
口止兼防金口以內之斧頭湖

一漢陽設立總兵設中軍中營游擊用船三十三號仿參將營
之例分防自沌口以下江面至團風止并防省城兩岸後湖青
林等湖其漢水上通樊城一千餘里及各支河汊湖應由湖北
另行設防

一巴河設立游擊屬漢陽鎮右營分防自團風以下江面黃州
蘭溪至道士汛止並防樊口以內之樑子湖

一田家鎮設立副將營屬漢陽鎮前營分防自道士汛以下江
面漳源口蘄州武穴至陸家嘴止并防漳源口及隆平以內之

湖

一湖口設立總兵設中軍中營游擊分防自陸家嘴以下江面九江十八號至老洲頭止

一吳城設立參將屬湖口鎮左營分防自湖口以內姑塘南康潛磯一帶

一饒州設立參將屬湖口鎮後營分防都昌鄱陽康山一帶其彭蠡湖東通廣信樂平浮梁各河南通省城贛江均由江西另行設防

一華陽鎮設立游擊屬湖口鎮右營分防自老洲頭以下彭澤香口至東流止並防吉水溝以內各湖

奏稿卷二十九

七

一安慶府設立副將屬湖口鎮前營分防自東流以下江面黃石磯李陽河一帶至樅陽止并防北岸鹽河及樅陽以內之湖南岸通殷家匯之河

一大通設立參將屬提標後營分防自樅陽以下江面池州土橋一帶至荻港止

一蕪湖設立游擊屬提標右營分防自荻港以下江面至裕溪口止並防灣沚青弋江等內河

一裕溪口設立參將屬提標左營分防江面東西梁山至金柱關止並防運漕集縣無為州各內河及巢湖百餘里

一太平府設立提督衙署設中軍中營副將分防金柱關以下

江面至烏江止

一金陵草鞋夾設立參將屬提標前營分防自烏江以下江面至通江集止并防江浦六合之內河

一瓜洲設立總兵設中軍中營游擊分防自通江集以下江面至焦山止并防內河至揚州止自揚州以上高郵寶應諸湖應由淮揚鎮總兵另行設防

一孟河口設立游擊屬瓜洲鎮右營分防南岸各夾江自焦山起至江陰口止其南岸各內河應由松江提標另行設防

一三江營設立游擊屬瓜洲鎮左營分防北岸各夾江自焦山起至靖江口止其北岸各內河應由淮揚鎮標另行設防

奏稿卷二十九

九

一江陰設立副將屬瓜洲鎮前營分防自江陰口以下江面至鹿苑港止及常陰壽興等沙其鹿苑港以下由福山鎮標接防

一狼山鎮總兵即舊日所設者應添設兩營水師兼隸長江水師提督管轄查狼山鎮原統中左右三營鹽捕揚州三江泰州泰興掘港六營共九營今擬一切悉仍其舊惟於通州設一游擊名曰綏通營分防自靖江八圍港以下江面至通州止其船用長龍二號督陣舢板一號二十人之大舢板十號十四人之舢板十號仍酌添紅單拖罟等船

一海門廳設立副將名曰綏海營分防由狼山至海門一帶北岸江口海汊其船隻用長龍二號督陣舢板二號大舢板二十

號仍酌添火輪船並紅單拖罟等船至崇明一帶南岸海汊則歸江南提督分防

以上新設岳州鎮標四營漢陽鎮標四營湖口鎮標五營提標五營瓜洲鎮標四營添設狼山鎮標二營共二十四營內副將六營參將七營游擊十一營

奏稿卷二十九

九

賊萃湖北派大軍援鄂摺 同治四年十二月二十八日 奏為兩路捻黨全萃湖北又有叛勇之變現派大軍援鄂恭摺仰祈

聖鑒事竊任賴牛李各酋於上月竄擾光固臣檄飭劉銘傳進剿該軍以車輛未齊尚未起程旋報該逆已由麻城竄入鄂境接據道員黃家駒等來稟成大吉所部十營原紮宋埠地方忽於本月初二日以索餉為名燒營謀變該統領親出彈壓亦受二傷越三日僅得破圍而出其部下弁勇多已從亂聞游匪唐姓實為主謀勾通捻匪遍擾黃安黃岡黃陂孝感等縣其張總愚新野一股亦已竄至樊城游匪蠶起裹脅日眾旋又接得官

奏稿卷二十九

三

文函牘請臣派兵由麻城黃安援鄂情詞甚切臣一面商之兵部右侍郎彭玉麟令總兵喻俊明等率帶師船駛赴武漢一面檄調直隸提督劉銘傳一軍自周家口馳赴光固麻城徑援黃州劉銘傳未接臣檄之先亦有呈文前來自請率師援楚據稱車輛駱駝俱已辦齊即日可以成行臣處惟該軍人數較多距鄂境較近當不至稍涉遲延惟周家口至黃州尚有七百餘里恐我軍趕到該逆又有變動論臣處之馬隊太少則楚中利用步兵而淮軍之剿辦稍易論臣處之糧運維艱則豫中已有頭緒而湖北之另籌更難臣前屢次具奏但任十三府州之地厥後東路無賊乃推廣及於陳許南汝光五郡今則直隸齊豫三

省皆已無賊自未可堅持初議惟當窮賊之所往不計遠近竭力之所能不計利鈍以期有補於萬一而已所有捻黨叛勇全萃湖北現派大軍援鄂緣由恭摺由驛五百里具奏伏乞

皇太后

皇上聖鑒訓示謹

奏

奏稿卷二十九

三

查獲山東撫藩等參款摺 同治四年十二月二十八日

奏為遵

旨密查山東巡撫藩司等被參各款恭摺覆陳仰祈

聖鑒事竊臣於本年六月十四日承准軍機大臣密寄同治四

年六月初八日奉

上諭有人奏僧格林沁在山東督師剿賊經四十餘州縣闔敬

銘安坐省城不為援應并飭州縣不准支應口糧該親王函致

該撫赴曹助剿該撫藉防河為名竟往東昌迨該親王殉難疾

馳回省將家眷裝扮民婦送往署齊河縣知縣李均署中李均

與該撫係屬親戚以候補知縣久署齊河美缺在省開設錢店

銀樓等鋪每七八日赴省一次寓居鋪內招妓聚飲便衣小帽

出入撫衙該撫將其列入賢能奏保升階丁寶楨在曹州防堵

迄未與僧格林沁會合亦從未獲一勝仗所部勇丁在濟甯焚

搶肆無忌憚兗沂曹濟道盧朝安隨國瑞駐劄濟甯於僧格林

沁追剿喫緊之時該道約同城官員逢迎國瑞開筵痛飲演戲

三日該親王因問之來正在恆舞酣歌之際候補道王繼庭聞

係闖敬銘私人以官為幕居住撫衙本係坐辦文案該撫列入

剿賊案內免補知府保升道員各等語以上各情是否屬實有

無其事著曾國藩詳細嚴密訪查據實具奏毋稍徇隱原摺片

著鈔給閱看將此密諭知之欽此七月十一日准兵部火票遞

到軍機大臣字寄同治四年七月初五日奉

上諭有人奏髮捻各匪竄入東境巡撫毫無布置藩司縱勇殃民恐誤大局一摺據稱張總愚等股由河南竄入東境旋擾江南贛榆復回竄山東郟城等境僧格林沁盡力追勦閣敬銘安坐省城並不發兵守隘任賊奔突致該大臣遇伏陣亡藩司丁寶楨帶勇出省行至蘭山縣聞賊竄江南並不擇要駐紮遏賊歸路輒即折回嗣復出省防堵離賊甚遠始終未與賊遇並縱令兵勇淫掠焚擄閣敬銘置之不問各等語以上所奏該撫等措置失宜各情如果屬實殊負委任即著會國藩按照所參各節確切查明據實具奏毋稍徇隱另片奏山東郟城縣知縣周

奏稿卷二十九

五

士溥於賊匪攻撲楊家圩之時並不督率兵勇力為援救以致被匪攻陷肆行殺戮情殊可恨著該督一併查明參辦原摺片均著鈔給閱看等因欽此 臣博訪該省官紳並派員赴東密查雖未必洞悉毫芒亦已粗得崖略如原摺稱僧格林沁在山東督勦經四十餘州縣閣敬銘不為援應該親王函致該撫赴曹助勦該撫藉防河為名竟往東昌等語查僧格林沁今年督師山東經過曹縣定陶菏澤鄆城鉅野嘉祥濟甯甯陽曲阜汶上東平滋陽鄒縣滕縣嶧縣蘭山郟城共歷十七州縣其中雖有數縣再過者然實無四十餘縣之多馬步諸將現在 處言之甚詳僧格林沁亦無緘致該撫赴曹助勦之事諸將皆略知之

該親王居心仁厚深知各省大吏多不能親臨行陣故但見調將領隨勦之檄從未見調巡撫會勦之文不獨山東然也至東昌防河係遵奉屢次

奏稿卷二十九

五

寄諭先期奏明而往惟該親王殉難後閣敬銘不應疾馳回省彼時賢王新逝遠近震動該撫但宜進駐汶上東平以定眾志不宜暫回省城以惑軍心此軍事閱歷太少之失也至將家眷裝扮民婦送往齊河縣署則 臣歷詢往來各員皆稱未聞此說捻匪向不攻城眾所共知當曹南警信至時鄉民紛紛避亂擊眷進省豈有舍省垣鞏固之區趨旁邑彈丸之地此不待辨而可明者其各牧令請餉接濟大營該撫駁斥一節查山東協餉五萬兩按月批解絲毫無誤戶部有案可稽即該親王身後糧台尚餘銀二十餘萬亦足為餉項無絀之證聞各州縣或因養勇練團稟請動用正項閣敬銘疑其浮銷多從駁斥該撫自負清正往往以不肖待人僚屬怨其刻覈要其於僧格林沁傾心敬服固一無所吝也原摺又謂閣敬銘請添幫辦之疏在該親王陣亡後一日所發伴為不知故示先見果若所言心術豈復堪問查僧格林沁於四月二十四夜殉節其時敗兵四散 臣詢之翼長陳國瑞常星阿等二十五日午刻尚不知該親王存亡確耗國瑞近在濟甯距郟城僅二百餘里二十七日始得真信飛章入奏閣敬銘時在荏平距郟城四百餘里聞此摺係二十

五日所發其為不知主帥已死當無疑義且賢王已逝而偽奏以謂先見之明此至愚之小人所不忍為豈閣敬銘而為之乎原摺又謂齊河縣知縣李均與閣敬銘係屬親戚列入賢能奏保查李均之弟內閣中書李應萃與該撫為親戚齊河一缺係前任撫臣譚廷襄所委閣敬銘因之久未調動又將齊河本任之張聯奎另案甄別酌改簡缺又將李均列入賢員保舉升階外間既疑張聯奎之被劾係為李均騰挪斯缺又疑李均之得舉毫無善政可紀物議多為不平李均於省城西門內開設麟芝公錢店漆店麟芝藥棧原摺所指均屬確鑿其招妓聚飲查無實據而率意妄行算廉鮮恥則眾論多與原奏相符此訪查

奏稿卷二十九

五

閣敬銘暨附參李均之梗概也原奏所稱山東布政使丁寶楨帶勇擾民一節查丁寶楨以癸丑庶吉士回籍捐資募勇毀家紓難在安平鎮遠一帶屢立戰功蒙

恩簡放岳州府知府擢署陝西臬司適值湖南撫臣毛鴻賓奉募勇援剿山東之

旨遂奏令丁寶楨帶勇改赴東省旋授山東臬司該司所帶僅有湘勇千人厥後陸續增募亦僅步隊二千六百人較之捻黨馬步數萬眾寡懸殊本年二月初間帶兵出省甫至曹縣賊已由東明一帶竄入定陶遂與僧格林沁分道跟追二月十六日曾在甯陽縣獲一小勝三月二十四日接僧格林沁之札以賊

擾沂州恐由莒州日照東趨飭丁寶楨即折赴歷城章邱交界之龍山鎮堵禦甫經赴防又接該親王札飭仍回嶧縣駐紮原摺所參四月初二日折回省垣初五日復防東平不知其一往一返皆係奉札而行也四月初二日其部將戰賊於大泛口十一日丁寶楨親自截賊於滕縣之臨城驛殺傷過當十三日與僧格林沁相遇於道頗加慰勞飭令暫回濟甯防守原摺所稱始終未與賊遇并未與該親王接見者殆係傳聞失實之詞該司帶勇恩多於威誠不免於騷擾然並無淫擄重情及畏楚勇甚於畏賊之謠逮僧格林沁殉節以後各路敗兵游勇齊集濟甯凡他營不法之案亦或歸咎於該司部下丁寶楨深為憤悒

奏稿卷二十九

五

鬱鬱恆不自得閣敬銘亦重其才而思全其名將所部改隸他將飭回藩司本任該司心地光明辦事結實山東官民實無間言此訪查藩司丁寶楨之梗概也原摺所參充沂曹濟道盧朝安候補道王繼庭一節查盧朝安係捐納佐雜出身前任單縣知縣時藉團練為名勒索富紳朱姓財物久為眾所指目在濟甯任內辦理大營糧台本年四月與紳士姚姓飲酒觀戲忽傳僧格林沁因問倉皇驚散雖無約同都司周貞元章京玉姓邀請國瑞之事而原摺所指多屬得實閣敬銘亦素惡其人今盧朝安已告病開缺物論猶共鄙之候補道王繼庭前任青州府任為巡撫文煜奏參革職閣敬銘因其熟悉例案延之入幕佐

理文書動中窳要該撫於公事極為認真與該道熟商近以交代款項參劾多員間有過當之處外間疑出王繼庭之意遂共怨其刻薄因并疑其專擅至並未打仗列入保單一層近日疆吏於得力幹員附入戰功通融入奏久為軍營積習各省皆然蓋統領營官之文案皆得保獎而督撫之文案獨令向隅情勢有所難行其中固有冒功倖進者亦有愛惜人才借此以振拔淹滯者顧督撫之心公私何如所保之人邪正何如耳王繼庭未臨行陣自不能為之諱而廉正精細尙屬有用之才此訪查盧朝安王繼庭之梗概也原奏所稱郟城縣西楊家圩被賊攻陷知縣周士溥並不救援一節臣另派一員往查據稱捻逆於

奏稿卷二十九

三月初自費縣蘭山境內西北界柳莊圍三十里至重坊圍十里至曹家樓圍十里至丁家溝圍五里至亭子廟圍二十五里至東南鄉紅花埠圍遂入宿遷桃源界內並無楊家圩名目細問居民俱言亭子廟圍內團長楊倬係已革文生或即楊家圩之誤圍中居民百餘家捻匪來時並未圍攻三月二十日仍從東南竄回西北亦未圍攻破寨則所稱周士溥坐視不救係屬訛傳似無疑義此又訪查郟城民圩之梗概也維臣仰承聖主垂詢固不肯摭拾浮言淆亂是非亦何敢稍涉偏徇上負朝廷好問察言之意就臣所查者酌加擬議藩司丁寶楨功多過少眾望允孚似應免其置議充沂曹濟道盧朝安心術險鄙

聲名尤劣雖經告病開缺未便姑容似應勒令休致候補道王繼庭才尙可用並無劣跡似應開復原官撤銷道員候補知府署齊河縣知縣李均貪鄙妄為似應即行革職郟城縣知縣周士溥似可無庸置議巡撫閻敬銘應如何量予處分之處恭候欽定所有遵查山東巡撫藩司被參各款緣由恭摺由驛具奏伏乞

皇太后
皇上聖鑒訓示謹
奏

奏稿卷二十九

酌撥馬隊馳赴奉天剿賊摺 同治五年正月十四日

奏為遵

旨酌撥馬隊馳赴奉天剿賊恭摺仰祈

聖鑒事竊 臣承准軍機大臣字寄同治四年十二月二十四日

奉

上諭本日據文祥等奏奉天剿辦馬賊緊要請調烏爾圖那遜
統帶土默特本部兵丁百餘名前赴奉省調遣等語烏爾圖那
遜所部兵丁為數無多諒尚可以抽撥著會國藩即飭該員迅
帶所部馳赴奉天省城聽候文祥等調遣勿稍延緩等因欽此
伏查親王僧格林沁舊部 臣於上年八月挑留馬兵九百六十

奏稿卷二十九

无

八員名馬勇四百四員名歸色爾固善統帶曾於八月十七日
奏明在案厥後挑留馬兵五百三十三員名交烏爾圖那遜管
帶其土默特一起出征年久殘廢居多除酌留數員外業經全
數遣撤回旗亦於十月三十日奏明在案色爾固善所統三起
去秋赴山東一次現駐河南陳州府烏爾圖那遜所帶一起
派歸劉銘傳統轄久在周家口駐紮頃據劉銘傳文稱已於十
二月二十四日拔營赴鄂援剿又據烏爾圖那遜稟稱於二十
六日隨同銘軍前進并以舊傷復發請假醫治前來 臣批准給
假一月飭令該軍隨同劉銘傳迅速援鄂現計已入楚境不特
該參領請假醫傷難遽北行即鄂中賊勢正熾劉銘傳攻剿正

殷亦不能將此起馬隊撤回且由楚赴遼程途太遠僅調弁兵
百餘名為數太少誠恐於事無濟反覆籌思奉天實為根本之
地陳州現非喫緊之時尚可移緩就急惟有將色爾固善一軍
派赴關東歸文祥調遣程途較近人數較多當於大局有裨色
爾固善所統三起中有訥穆錦一起徐州馬勇四百餘人不善
放槍 臣已札飭全數遣撤其伯都訥副都統高福一起漢軍副
都統托倫布一起共計九百餘人均係吉林黑龍江弁兵久從
征役還救桑梓或可竭力剿辦勉奏膚功除檄飭色爾固善等
即日遵照啓程外所有遵撥馬隊馳赴奉天剿賊緣由恭摺由
五百里覆奏伏乞

奏稿卷二十九

三

皇太后

皇上聖鑒訓示謹

奏

近日軍情并將湖團分別撤留片 同治五年正月十四日

再捻匪兩路入鄂又有叛勇之變湖北喫緊臣檄銘軍由光固進援黃州於十二月二十八日奏明在案旋據各路文報該逆分擾蕪水羅田境內四出焚掠成大吉潰勇雖已招集七營而軍心未定殊不足恃張總愚一股又由楚境折回河南葉裕等屬并有東竄之意劉銘傳一軍此時計已抵鄂未知能力挫兇鋒以紓鄂人之患否本擬令李昭慶一軍迅赴豫省因湖團一案未清尙恐稍煩兵力臣與地方各官再四籌商議定將安分之唐趙等團畱住徐州將勾賊之王團容賊之刁團逐回山東勒限正月十五以前撤歸本籍如有抗拒遷延即派兵剿辦一俟此事辦妥李昭慶即於燈節後統帶馬步各營馳赴周家口如張總愚東竄齊省則令李昭慶跟蹤追剿除湖團一案另行詳細奏結外理合附片陳明伏乞

皇太后

皇上聖鑒訓示謹

奏

請令劉秉璋襄辦軍務片 同治五年正月十四日

再臣近來目力昏花心血愈耗精神迥不如前久膺艱鉅終虞儼事必須得人相助為理庶可彌縫其失而佐其所不逮查有翰林院侍講學士劉秉璋隨同江蘇撫臣李鴻章轉戰蘇常屢著功績該員志趣堅卓精實耐勞籍隸廬江與淮軍均有桑梓親舊之誼若令襄辦臣處軍務應可聯絡諸將獨當一面現在淮軍文武各員如劉銘傳潘鼎新張樹聲等并蒙聖主鴻恩次第嚮用此外又有翰林院編修張錫嶸籍隸淮北其堅卓耐勞與劉秉璋相等惟軍務閱歷尙淺將來磨厲戎行多更事變似亦可為

國家肩任艱鉅臣於咸豐十年六月奏請將候補四品京堂左

宗棠襄辦臣處軍務荷蒙

諭旨允准今臣精力更遜而捻匪所到之處縱橫三千餘里深

恐照料難周合無顯懇

聖恩飭令翰林院侍講學士劉秉璋襄辦軍務實於大局有裨

如蒙

俞允或令該員駐紮徐州或駐襄陽南陽容臣察看情形續行

具奏理合附片陳請伏乞

皇太后

皇上聖鑒訓示謹

奏

查辦湖團酌籌善後事宜摺 同治五年二月初八日

奏為查辦湖團分別留遣并酌籌善後事宜擬議結案恭摺馳

陳仰祈

聖鑒事竊 臣於上年奏復軍情摺內附陳銅沛境內有與剿捻
相關之湖團一案亟宜查辦以杜後患今年正月復將通賊之
王刁兩團勒限驅逐安分之唐趙等團仍留徐州先後具奏在
案查湖團者山東曹屬之客民墾種蘇齊交界之湖地聚族日
眾立而為團也該處濱微山昭陽兩湖西岸南迄銅山北跨魚
台縣互二百餘里寬三四十里或二三十里不等其在魚台之
團有二曰魏團任團其在銅沛之團有八曰唐團北王團北趙

奏稿卷二十九

團曰南王團南趙團曰于團睢團侯團均以首事者之姓為名
昔之侯團即今之刁團也魚台兩團以東民居東境人數寡而
墾地少一經官為處置漸以相安無事惟銅沛之八團人數眾
而墾地多主客構訟幾成不可解之仇溯查咸豐元年黃河決
於豐工下游沛縣等屬正當其衝凡微山昭陽之湖地銅沛魚
台之民田均已匯為巨浸一片汪洋居民流離轉徙以為故鄉
永成澤國不復顧戀矣厥後咸豐五年黃河決於蘭儀下游鄆
城等屬正當其衝於是鄆城嘉祥鉅野等縣之難民由山東遷
徙來徐其時銅沛之巨浸已為新涸之淤地相率寄居於此墾
荒為田結棚為屋持器械以自衛立團長以自雄前任徐州道

曾文正公奏稿 卷二九

王夢齡以其形迹可疑飭縣押逐回籍繼而來者日多復經沛
縣稟請以東民實係被災困窮擬查明所佔沛地押令退還其
湖邊無主荒地暫令耕種納租經前河臣庚長批准旋議勘丈
湖荒分為上中下三則設立湖田局招墾繳價輸租充餉又飭
於沛團交錯之地通築長隄名曰大邊以清東民與土民之界
限遂得創立各團據為永業此東民初至留任湖團之情形也
銅沛之土民當豐工初決時流亡在外迨後數載還鄉睹此一
片汙地變為山東客民之產固已心懷不平而官長議定所佔
沛地押令退還者又僅託諸空言并未施諸實事且同此巨浸
新涸之區孰為湖荒孰為民田茫無可辨沛民之有產者既恨

奏稿卷二十九

其霸佔即無產者亦咸抱公憤而團民恃其人眾置之不理反
或欺侮土著日尋鬪爭遂有不能兩立之勢咸豐九年侯團為
匪搶劫銅山之鄭家集經徐州道派兵拏辦并將該團民驅逐
出境另行遴董招墾轉更置是為今之刁團同治元年又有
東民在唐團邊外佔種沛地設立新團屢與沛民械鬪爭控至
三年六月遂有攻破劉莊寨連斃數十命之事經漕臣吳棠飭
派徐州鎮道帶兵剿辦平毀新團此咸豐六七年後客民擅墾
疊釀巨案之情形也新團既毀檢斬至千人之多并將團地退
出謂可抒沛民之憤而折其心矣乃沛人貢生張其浦張士舉
文生王獻華等與劉莊事主劉際昌先後赴京以新團一案唐

五二九

守忠主盟指使情同叛逆請將各舊團一概剿辦各情在都察院呈控欽奉

諭旨交吳棠等密速查辦旋經吳棠以唐守忠來團最早其名特著核諸所控各辭毫無實據且與原呈不符不過欲將新舊各團一概驅逐而奪其成熟之田等語復奏在案而沛人紛紛構訟仍復不休臣博採輿論昔年銅沛受害之家被水而田產盡失水退而田復被佔其懷恨與訟自出於情之不得已近則構訟之人并非失業之戶不過一二刁生劣監設局斂錢終歲戀訟不特團民苦之即土民亦以按戶派錢為苦而主訟者多方構煽既以強客壓主激成眾怒又以奪還大利動眾心官

奏稿卷二十九

差

長或為持平之論訟者輒曰為受賄各團豈無安分之民訟者概指為通賊初至有領地之價後來有輸地之租而訟者不問案牘之原委必欲盡逐此數萬人而後快此又新團既剿以後沛民健訟不顧其安之情形也上年八月臣駐紮徐州銅沛紳民赴臣轅控告各團呈詞累數十紙臣以案情重大實兆兵端未敢遽為剖斷至九月間捻眾東竄遠近探稟均稱湖團勾賊訊據生擒賊供亦稱南王團有人函約賊來百口一詞雖反復研究未得主名而平時該團窩匪搶劫積案累累情實可信又刁團平日窩匪與南王團相等此次賊退之後臣飭徐州府縣親赴各團察看情形旋據復稱以擒首牛賴各賊目均往刁團

之中該團房屋糧草器具完好如故其為縱容賊黨亦無疑義又稱唐團練董唐守忠其子唐錫彤其叔唐振海帶練擊賊力細被執脅之以降罵不絕口同時遇害除王刁兩團外其餘六團或憑圩禦賊或圩被被害遭賊焚擄殺掠之情狀歷歷在目其為并未通賊亦屬確有可據而沛縣上年京控湖團之王獻華等一聞湖團通賊之語復行聯名多人指控各團無非賊黨即殉難甚烈之唐守忠仍加以叛逆之名稟請一律剿逐臣親提鞫訊原告既多捏名供情亦多支飾其為刁訟生事亦屬無可置辨臣乃剖別是非平情論斷不分土民客民但分孰良孰莠其有契串各據產業為團所佔急求清還者是土民之良者

奏稿卷二十九

美

也無契串產業但知斂錢構訟激眾怒以興禍端者是土民之莠者也其平日安分耕種如唐團之拒賊殉節受害極慘者是客民之良者也其平日之凌辱土著如王團之勾賊刁團之容賊是客民之莠者也遂於臘月下旬通行曉諭飭令王刁兩團勒限正月十五日前逐回山東本籍派劉松山帶兵前往彈壓頃據各州縣稟報該兩團業已全數徙去安靜回籍臣酌定善後事宜三條檄飭徐州道督同府縣次第經理一曰酌給錢文以卹已逐之團王刁兩團平日之窩匪去秋之通賊眾所共知然除首犯王長振罪在不赦外其餘要犯未能指出姓名應即全數赦宥以安反側之心此外無辜之眾尤應酌加體卹同

沛

朝廷之澤現定於郵城縣設局將兩團原繳地價照數發還其
兩團已種之麥現派徐州鎮兵在彼屯守待至四月收割估價
若干以一半給屯田之兵一半給兩團之民庶東民回籍者不
至流離失所矣二曰設立官長以安畱住之團兩團既去尚有
唐趙等六團畱居徐境擬請設立同知一員俾客民有所依歸
或令徐州同知移駐該處聽斷詞訟稽查保甲籌辦湖團一切
事務俟二三年後安置既定仍將湖團地畝分歸銅沛兩縣奏
明按地升科輸租執業以歸畫一各團所築大隄酌量平毀以
期水利之通暢亦免畛域之太明團中如有窩匪通捻重情官

奏稿卷二十九

奏

為查明小則拏犯誅懲大則派兵剿辦視之同於土著永不再
言驅逐之說亦不許土民妄控目為畬匪字樣盡消爭訟之嫌
同敦睦嫻之誼三日撥還田畝以平土民之心昔年東民開墾
湖荒雖不免侵佔民田然為數要不甚多今王刁兩團退出之
田六百五十餘頃以抵侵佔之數有贏無絀此項田產先儘失
業之民凡有印契糧票者准其照數撥還無契票者概不准撥
以示限制以斷葛藤其次則培植學校凡銅沛兩縣書院之膏
火小考之卷價鄉試之資興費會試之公車費各准撥田若干
以為造士之資縱使民田被佔契票無存私家偶失有限之田
通縣共享無窮之利其餘則概充官田派兵屯種兵或不足召

民佃耕在銅沛可解積年之公憤在東民可免霸佔之惡名矣
所有罵賊之五品頂戴州同銜前平陽屯屯官唐守忠其子文
生唐錫彤其叔衛千總唐振海三名同時被害尤堪嘉憫應請
旨交部從優議卹并建立專坊以為草莽效忠者勸沛縣激眾
構訟之文生王獻華應請褫革衣衿以示懲儆王長振現尚在
逃俟緝獲之日盡法處治以為通匪者戒未盡事宜除分咨江
蘇山東督撫及漕督諸臣妥籌會辦外合將湖團一案擬結緣
由恭摺馳陳伏乞

皇太后

皇上聖鑒訓示謹

奏稿卷二十九

奏

奏

報啓行赴周家口日期片 同治五年二月初八日

再營務處李昭慶一軍於正月十九日自徐州拔營二十五日
至歸德府 將湖團一案奏結定於二月初九日啓程由充濟
歸陳繞赴周家口就近調度并飭劉松山會同張詩日續赴湖
北助剿漢黃一帶久已通飭遵照頃接李昭慶自柘城發來之
稟據稱張總愚股匪現在西平遂平一帶意欲竄入山東各路
生擒賊供皆稱賊圖東竄因改飭劉松山等仍駐徐州湖團等
處俟東路無警再行西征赴鄂 則又未便更改仍以初九成
行理合附片馳陳伏乞

皇太后

奏稿卷二十九

完

皇上聖鑒謹

奏

銘軍援鄂克黃陂縣城摺 同治五年二月十五日

奏為銘軍援鄂克復黃陂縣城恭摺奏祈

聖鑒事竊劉銘傳一軍於上年十二月二十四日自周家口起
行援鄂正月初間行抵羅山苦為雨雪所阻二十日始克拔營
二十四日行抵河口聞賊之大股盤踞黃陂縣城內即由長仙
嶺進規該縣二十七日行抵距城二十五里之王家河記名提
督唐殿魁率師在下石港紮營城內出馬步賊數千直撲該營
唐殿魁張景春率領田履安周志本等分頭迎剿陣斬數名賊
勢不支紛紛奔潰張景春率馬勇百餘名追至西關外賊館手
刃數賊身受矛傷三處唐殿魁督帶步隊各營繼進賊乃敗退
入城我軍亦各收隊生擒賊首宋矮子孫貴等二十餘人二十

奏稿卷二十九

罕

八日五鼓劉銘傳派令劉盛藻率所部六營由馬家山紮營攻
城之東唐殿魁率所部六營由河邊紮營攻城之西自督黃桂
蘭畢乃爾等由甘羅山下紮營直抵城根賊見大兵逼近於已
刻出馬步賊萬餘人分數路來撲劉銘傳亦分數路迎剿唐殿
魁督帶王德成滕學義朱起昌等分兩支攻賊步隊劉盛藻督
帶劉盛休馮如霖龔元友等分三支攻賊馬隊黃桂蘭張士元
張景春等繞攻賊後一合甫交賊即敗退入城其馬賊數千仍
在城外東南一帶排列我軍乘勝攻城劉銘傳令畢乃爾李錫
增由北門開礮王德成率勇首先登城頭受刀傷見骨賊猶未

退田履安丁汝昌劉朝幹韋和禮等復相繼熾附而上賊
由東南兩門奔出當將黃陂縣城克復劉盛藻唐殿魁黃桂
等督帶各營追殺至城東南二十里之芎屋店賊馬數千折回
抵敵仍經我軍擊敗賊盡向新洲一路狂奔而去計陣斬賊二
百餘名生擒七十四名奪獲騾馬三百餘匹救出難民男婦萬
人我勇亦傷亡三十餘人銘軍遠道馳援近城即戰擬在黃陂
暫駐辦備行糧稍息士力即行拔隊前去追剿等情由劉銘傳
呈報前來臣查銘字全軍上年終歲奔馳夏間長溝一戰而退
山東之賊石弓山一戰而解雒河之圍秋冬阜陽之捷扶溝之
捷均未開單請獎此次賊犯湖北該提督自請援鄂甫經到防
奏稿卷二十九

立克堅城實足寒賊膽而慰民心自應酌加獎勵以昭激勸直
隸提督劉銘傳應請開復革職畱任處分仍交部從優議敘按
察使銜補用道劉盛藻請
賞加布政使銜記名提督唐殿魁請遇有提督缺出儘先
簡放記名總兵張景春請
賞加提督銜并
賞給勇號儘先總兵黃桂蘭畢乃爾均請
交軍機處記名遇有總兵缺出提奏補用并
賞加提督銜兩江補用副將馮如霖儘先副將田履安劉盛休
周志本均請以總兵

記名簡放并
賞給勇號儘先副將韋和禮劉明幹均請以總兵
記名簡放參將銜補用游擊龔元友儘先游擊王德成均請免
補參將以副將儘先補用王德成并請
賞給勇號儘先副將李錫增請
賞給勇號游擊滕學義朱起昌請以參將畱於兩江儘先補用
都司丁汝昌請以游擊儘先補用并
賞加副將銜都司吳維章請以游擊儘先補用并
賞加參將銜已革副都統銜即補參領烏爾圖訥遜請開復原
官原銜陣亡之花翎守備陳福祿藍翎守備張思聰儘先守備
奏稿卷二十九

李先道藍翎千總錢萬桂四員請交部從優
賜卹其餘在事出力員弁上年阜陽案內業奉
諭旨准其列保可否容臣併案開單請獎出自
鴻施所有銘軍援鄂克復黃陂縣城緣由恭摺由驛馳奏伏乞
皇太后
皇上聖鑒訓示再臣於初九日自徐州啓行十五日行抵鄒縣
合併陳明謹
奏

鮑超軍北來剿捻籌定餉項摺 同治五年三月初五日

奏為遵

旨徵調鮑超一軍北來剿捻并籌議有著之餉恭摺覆奏仰祈

聖鑒事竊 臣承准軍機大臣字寄正月二十三日奉

上諭現在東南雖已肅清而捻匪鼠擾北路楚豫等省到處戒嚴防剿正當喫緊鮑超一軍前本令其馳赴北路助剿此時粵賊業已辦結即著左宗棠飭令統帶所部迅赴楚豫之交聽候會國藩調遣其江閩各路得力將弁兵勇有可調赴楚豫江皖助剿者并著會國藩迅速函商左宗棠等酌量調往以期厚集兵力早殄逆氛等因欽此又奉二月初一日

奏稿卷二十九

望

寄諭嗣後江西浙江湖南每月可協濟甘省餉銀若干兩并協濟調赴鄂豫江皖助剿勇銀若干兩鮑超一軍調赴鄂豫約有若干名楚北可協濟此軍餉銀若干兩江蘇省能否於現協甘省月餉外再行籌添若干兩均著官文會國藩左宗棠李鴻章劉坤一馬新貽李瀚章妥籌速奏等因欽此又奉二月二十八日

寄諭鮑超奏拔營抵江擬請籌撥餉項採辦戰馬整隊赴豫一摺前因鮑超一軍調豫助剿曾經諭令官文會國藩將該營所需餉項函商奏撥茲據鮑超奏稱豫省地勢平曠利在騎戰現在派員採買戰馬并赴粵購辦馬槍等件俟馬匹到齊編立十

五營操練候調至所部新舊各軍月需餉銀九萬七千零馬隊編立照章需餉三萬四千零合共月需餉銀十三萬一千有奇此時東南軍務告竣江省各軍分別裁撤該營月需餉銀可否仍由江西籌撥馬隊均用洋鎗所需洋藥洋火請飭廣東陸續採運各等語著官文會國藩懷遵前旨將鮑超軍營月餉迅速函商籌撥有著之款源源接濟如鄂省餉需缺乏不能全願鮑超軍餉或由江西每月協濟若干亦著官文會國藩酌度情形奏明辦理其洋鎗所需火藥等件應用若干并著官文等酌定數目咨明廣東趕緊籌解以利師行等因欽此并鈔示鮑超原摺到 臣查捻匪萬騎縱橫行蹤剽疾而步賊則裹脅居多火

奏稿卷二十九

器

器極少 臣所部湘淮各軍戰守俱優而騎兵則馬匹太少技藝尤生是捻匪所長者在馬而不在步官軍所短者亦在馬而不在步署督 臣李鴻章近寄 臣函謂宜裁減步兵酌添馬隊實屬因時制宜之策鮑超所統步隊需餉至九萬七千有奇為數過多應令裁撤三千餘人酌留一萬二千人按鮑超向來營制可編二十營每月給予餉銀七萬兩其馬隊之數應令招募三千二百人按 臣處新定營制可編十二營有奇每月給予額餉三萬兩 臣自抵臨淮以來察看皖北齊豫等省皆以柴草之故兵民相爭動成伏隙因令各營發價購買柴草絲毫不妄取於民間鮑超一軍除口糧外又有柴草之費添換馬匹之費西洋軍

火之費雇買車輛駱駝以資陸運之費每月不下一萬四五千
金通共供支該軍月需十一萬數千兩據鮑超原奏請全由江
西籌撥不至缺乏其致書函亦稱將與撫臣劉坤一面商請
供渠軍鉅款臣查鮑超一軍咸豐十一年馳援江西驅除李秀
成巨股肅清全境同治三年再援江西許灣大捷挽回危局此
次克復嘉應州俾江粵得以撤防有功於江西甚鉅即以此軍
之餉全責江西亦無不可惟江西須協解席寶田赴黔之軍而
本省酌留防兵不無積欠雖劉坤一局量閱遠究恐力有不逮
臣反復權衡擬請

旨飭下江西月解七萬供霆營步軍之餉湖北月解二萬供霆

奏稿卷二十九

聖

營馬隊之餉江蘇月解二萬五千以一萬充馬隊口糧以一萬
數千為購買柴草車駝添補洋藥馬匹之用江蘇供應淮軍湘
軍七萬餘人為款極鉅茲又協濟鮑超軍餉業已入不敷出江
西協黔協豫物力已竭該兩省除前此議定甘餉照舊按解外
似不宜再添協甘之款
諭旨飭令浙江湖南協濟剿捻之餉銀又令廣東籌解霆營之
洋藥臣今皆未議及蓋欲騰出浙江廣東之銀以大批協解甘
肅騰出湖南之銀以全力專謀貴州也至剿捻之師新添鮑超
一軍步隊愈厚馬隊亦不為薄但患調度不善不患兵力不敷
無庸再調遠兵致滋糜費相應請

旨飭下左宗棠劉坤一等將閩江各軍分別遣撤次第銷兵以

靖民氣抑臣尤有慮者鮑超所部各營頗有騷擾之名每當拔
營沿江行走擄掠船隻舟人畏避市肆驚惶去歲金口之變沙
井之譁尤為人所詬病然猶有可原者前此餉項支絀士卒終
歲無銀寄家聞或食米稍缺將領不能以空言撫慰故號令有
所不行今既籌得有著之款十一萬餘兩應即在於襄陽設立
該軍糧臺派襄陽道總司其事仍由江西派一委員駐臺支應
步軍口糧湖北江蘇各派一委員駐臺支應馬隊口糧及洋藥
器械等事步軍欠餉將來仍由江西找補馬隊欠餉將來仍由
湖北江蘇找補俾鮑超得以專精辦賊不分心於管餉以符原

奏稿卷二十九

聖

奏之意河南民圩恨兵如仇積怨已久必須秋毫無犯乃可挽
回此風軍民一氣霆營月餉充足如再有騷擾情事臣必據實
參奏請將該軍遣散一以保全鮑超之令名一以捐循河南之
赤子紀律所在關係甚重不得不預先陳明善全終始所有遵
議鮑超剿捻籌定餉項緣由恭摺由驛馳奏伏乞

皇太后

皇上聖鑒訓示謹

奏

近日軍情暫駐濟甯就近調度摺 同治五年三月初五日

奏為陳報近日軍情 暫駐濟甯就近調度恭摺仰祈

聖鑒事竊 於二月十五日在鄒縣拜摺後十九日行抵濟甯

擬即暫駐數日閱視黃運兩河與護撫 丁寶楨等妥籌布置

再由曹州赴豫尚未成行次日即聞張總愚大股由豫入東之

信續據各路稟報二十二日該逆竄至曹縣二十四五等日遂

由荷澤定陶擾及鉅野鄆城二十六夜攻破鉅屬之太平寨圩

盤踞該寨擄人擄糧有必欲渡運之勢 於二十日飭令山東

臬司潘鼎新一軍酌酌四營防守濟甯而自帶八營馳赴嘉祥

鉅野相機剿辦另調湘軍三營自徐州來濟換防騰出潘鼎新

之軍均赴前敵其自濟甯以上之開河袁口一帶水勢極淺為

該逆渡運熟經之地丁寶楨以五千人分扼其關而親駐袁口

督飭防範本省防邊之軍紮於豫東界上者一為曹州金隄集

楊飛熊之師一為曹縣魏家灣王心安之師賊皆繞越營外深

入腹地該兩軍先後追剿楊飛熊一軍二十六日在曹州之安

興寨接仗先勝後挫王心安一軍二十八日在鉅野之龍壩集

接仗挫損尤甚該兩將勇於赴敵身受多傷 咨商撫 將兩

軍調赴運河以東憑河堵禦藉固北路之防而免偷渡之患該

逆在太平寨盤踞四日潘鼎新於二十九初一等日出隊搗戰

該逆一見旌幟即行退避初二日潘鼎新進攻太平寨該逆已

全數北竄梁山有銳欲渡運之象運河汎地太長防兵太薄不

知果足以扼之否此山東各軍堵剿之情形也至李昭慶一軍

檄令赴豫剿賊已至周家口因賊蹤盤旋無定追逐於鄆陵

洧川等縣迨追至尉氏則聞賊已竄撲汴梁迫行至朱仙鎮則

聞賊已直犯山東於是通許杞縣東行二十九日馳抵曹縣

雖不如賊匪之迅速而日行約六七十里步卒已極疲乏軍糧

亦將罄竭頃據稟報初二日抵鉅野之章逢集少事休息即會

合潘鼎新一軍分道進剿或可一收夾擊之效又據擒賊供稱

桂逆錫楨此次同來欲渡運河前赴曲阜報仇等語 檄調徐

州楊鼎勳之軍來東如聞賊已渡運即逕赴曲阜護衛

孔林賊未渡運即暫駐兗州聽候調遣此李昭慶一軍及添調

徐軍來東之情形也任賴等逆一股自劉銘傳攻克黃陂後竄

出鄂境悉由光息正陽一帶竄至項城沈邱十八日逼近槐店

張樹珊冒雨出隊該逆驟聞官軍之至即折而南趨一日夜竄

至江口集距槐店已二百餘里劉銘傳緊躡賊後二十四日可

抵太和周盛波聞該逆有回踞蒙亳老巢之信亦於二十五日

由歸德馳赴亳州會合銘軍專力辦此一股疊據生擒賊供任

賴等逆窺伺山東完善之區銳志東趨目下南未渡淮北未渡

潁尚在兩河之間或不至遽犯齊境此又鄂賊回竄皖豫交界

之情形也 上年屢次覆奏調宜於四鎮之外另籌數支游擊

奏稿卷二十九

奏稿卷二十九

之師始可與此賊縱橫追逐經營半載甫成劉銘傳李昭慶兩
支擊以應敵今捻逆西逼楚疆東趨海岱相去動三千里馬步
以數萬計官兵步多騎少每每失之遲鈍必須鮑超劉秉璋劉
松山等多成數支游兵庶足以布遠勢而圖近功臣現駐濟甯
應卽在此就近調度俟東事大定再行奏明赴豫所有陳報近
日軍情緣由恭摺由驛五百里馳奏伏乞

皇太后

皇上聖鑒訓示謹

奏

奏稿卷二十九

完

曾文正公奏稿

卷之三十目錄

彙報山東近日軍情相機調度摺

同治五年三月二十一日

銘樹兩軍在皖豫剿賊獲勝摺

全日

密陳剿捻尙無把握片

捻匪自山東回竄追剿獲勝摺

四月初七日

擬於連河增隄置柵片

曹徐淮泗剿捻勝仗摺

四月二十五日

查勘黃運情形片

彙陳各軍近日追剿情形摺

五月二十二日

彙報軍情檄調各軍防剿摺

六月十四日

防守沙河賈魯河片

任賴股匪回竄東路調兵分剿摺

七月初四日

捻股西竄仍辦河防摺

七月二十八日

湘軍迎剿張逆四獲勝仗摺

八月十二日

近日軍情片

捻股東竄河防無成現派軍追剿摺

八月二十三日

請飭李鴻章暫駐徐州調度軍務片

河防無成請寬疏防處分片

彙陳查辦民圩捻斬捻匪摺

全日

彙報山東近日軍情相機調度摺

奏為彙報山東近日軍情相機調度恭摺仰祈

聖鑒事竊自張逆大股竄踞山東鉅野等處

剿業於三月初五日奏明在案初三日臬司潘鼎新率師至鄆

城開該逆在距城西北十八里之潘溪渡屯踞該處跨灘河南

北分峙兩寨被賊攻破其附近之孟家莊樊樓等處一片逆氛

初四日黎明潘鼎新督軍馳進行抵刁家河滿知寨賊未動當

分三路進攻潘鼎立步隊萬國順馬隊抄南寨前路唐宏成余

在榜步隊黃齊昂馬隊抄南寨後路戴春林吳從發潘國英等

進南寨中路該逆自兩寨出拒亦分三路來犯步賊居中馬賊

張兩翼環包先以左翼抄我前路潘鼎立等即施放排鎗炸礮

從後轟發賊不能包即撤左翼聚於右抄我後路唐宏成等力

戰卻之中路步賊吶喊齊進萬國順漲天我勇訖不稍動火箭洋

礮分段齊發賊勢稍卻而孟家莊等處援賊蜂至我軍三路奮

進礮無虛發該逆紛紛敗潰萬國順黃齊昂督馬勇追殺過河

至北寨之西兩寨踞賊不能接應乃令潘鼎立唐宏成等與馬

營一面追剿賊而戴春林等一面環攻兩寨該逆奪門狂竄

被砍入濠及寨門踐死者無算潘溪渡南北兩寨立時攻克附

近各莊登時竄盡其追剿之軍橫衝而前馬賊向北步賊向西

不復成隊經我軍追殺各十餘里自辰至申斃賊千餘生擒二

百餘人奪獲牲口百救出難民三千餘人查閱我勇受傷二

十餘人陣亡二人是夜該逆復陷蕭廳寨去潘溪渡十八九

里附近各圩紛紛請救初六日潘鼎新率隊往攻至離寨八里

之柳條圈賊即排列步仗自西至東離互三四里以馬賊數團

徑前衝突我軍列陣以待鎗礮連發馬賊紛紛敗竄步賊即因

之而靡萬國順黃齊昂黃金志馬隊三營見賊隊已亂分路猛

追去步隊已遠賊馬忽從樹林後回撲如潮而來該三營猝然

被挫直退至步隊紮處風塵障天人馬不辨幸部伍未動鎗礮

連環轟擊傷賊頗多賊仍紛紛敗回我軍至晚始行收隊約計

陣斃賊百餘名我軍亦傷亡四十餘人此潘鼎新一軍初四日

大獲全勝初六日馬隊小挫步隊小勝之情形也營務處李昭

慶一軍自河南迤邐追賊而來行逾千里三月初五日馳抵嘉

祥即接潘鼎新函牘知該逆大股去梁山不遠有急欲渡運之

勢李昭慶酌雷數營扼紮長溝而自擊八成行隊進剿初七日

未至蕭廳寨三里許賊即出隊來迎李昭慶令隊伍分為兩路

排進鎗礮齊施相持兩時之久賊勢不支我軍乘勝擁進寨中

之賊見大隊敗退奪門而走立將蕭廳寨奪回李昭慶令各隊

排列寨前不許入寨移時賊果整隊回撲我軍向前迎敵賊勢

佯敗星騎右營馬隊追逼過猛陷入賊中營官陳玉章中鎗墜

馬弁勇搶護隊伍與賊攪亂親兵中營隨後接應被賊馬及長

槍隊圍裹困於垓心哨官裴兆宏吳坤田登時陣亡營勇傷亡過半營官朱公遠與賊搏戰危急之際風沙霾障不辨天日桂前護衛兩營前往救應與賊之槍隊對敵洋槍子如雨下賊旋倒旋進衝逼愈緊營官韓鳳昌曹仁賢力戰不退曹仁賢身受重傷馬賊仍向前奔突左右旋繞李昭慶加派護軍中營松字右營救應桂字前營松字中營忠樸左營救應護衛營又派溫德勒克西張士芳馬隊迎擊包抄各營槍礮齊發步賊紛紛倒地漸退馬隊槍斃紅衣賊目一名營官王芝生砍斃黃衣賊目一名該逆始全行敗走將重圍解開我軍日暮追至趙王河而返計陣斃賊目二名槍斃者不計其數弁勇陣亡一百餘人受

奏稿卷三十

傷百數十人此李昭慶一軍初七日奪回蕭廳寨與賊力戰互有損傷之情形也自是之後賊踞黑虎廟相持數日十二三日該逆遂漸西走已去百餘里似有回豫之勢以沿河水套一帶地勢沮洳囑各軍穩慎前進潘鼎新率隊跟追十四日行至鄆濮交界之紅川口適遇大股折回北竄潘鼎新率五成隊伍爲方陣以禦之該逆以馬隊三起猛撲步隊繼進我軍鎗礮齊發乘勢逼壓每進一步賊退一步追至正西四五里外各營官鑿於賊馬回撲之悍不敢猛追當即撤回截其尾隊擒斬三十餘人奪獲牲畜百餘此又潘鼎新一軍十四日接仗獲勝之情形也臣接據各路稟報十五日張逆仍回至黑虎廟一帶邊馬

及於運河西岸擾犯沈家口安山等處亟圖搶渡撫臣閻敬銘督率東軍認真堵禦其任賴等逆亦即於十五日竄入曹州圖與張逆合併數日以來張逆萃於濮范境內任賴萃於鄆鉅境內一片寇氛慮潘鼎新孤軍深入前後受敵已將該軍調回靳口兼顧運河北路令李昭慶各營分屯長溝趙邱兼顧運河南路目下但爲堅守之局與該逆力爭運河使不得東以待援軍之至劉銘傳一軍由湖北躡追任賴等逆二千餘里十八日可抵定陶周盛波一軍由歸德帶隊追賊十七日已至曹縣劉松山一軍飭令先其所急十八日由湖團起行不日可來濟甯應俟各軍先後到齊再行會商進擊楊鼎勛一軍行抵鄒縣

奏稿卷三十

以曲阜無驚與閻敬銘往復商榷令改赴韓莊八開一帶以勝運河下游不知果足遏堵否所有潘鼎新一軍陣亡之花翎游擊劉洪盛藍翎千總俞大錫李德明張希堯儘先千總劉成浩儘先把總擬保藍翎千總金起元藍翎把總王國寶楊連富把總吳正陞李福林外委孫幹清陳榮華李昭慶一軍陣亡之都司裴兆宏都司銜守備段道益千總吳坤田蕭永祥朱占鼈把總史兆龍江宏發方恒發汪保朝丁雙隆楊志淮于得寬余德春李長勝外委張懷信奮勇捐軀均堪憫惻請旨飭部查照各該員所保原銜從優議卹以慰忠魂所有彙陳近日軍情相機調度各緣由恭摺由驛五百里馳奏伏乞

皇太后
皇上聖鑒訓示謹
奏

奏稿卷三十

五

銘樹兩軍在皖豫剿賊獲勝摺 同治五年三月二十一日
 奏為銘樹兩軍在皖豫剿賊獲勝恭摺陳仰祈
 聖鑒事竊任賴牛桂等逆自湖北回皖竄至江口集後徘徊於
 淮潁兩河之間劉銘傳一軍緊躡其後二月二十六日兵抵潁
 州與藩司英翰等會商進剿之策皖軍由大橋集前進銘軍由
 潁州西南前進二十七日抵小田市二十八日大雨如注劉銘
 傳派令各營趁雨中賊皆無備分路進擊劉盛藻率所部六營
 由楊家樓抄擊西路以烏爾圖那遜馬隊隨之唐殿魁率所部
 六營由黎樹寨抄擊東路以張景春馬隊隨之而自率黃蘭桂
 畢乃爾等五營并親兵馬隊由中路楊家圩前進甫經出隊該
 逆哨馬見之立即棄館奔逃我軍追趕數里因賊去已遠雨勢
 過大遂令步兵收隊馬隊營總保成吉爾洪額六十七并張景
 春等追及之逆酋賴汝光率賊黨數千回頭迎撲經張景春等
 奮力擊敗該逆盡棄輜重過谷河狂奔而去我軍生擒百餘人
 中有賊目金天福馬太山二名奪獲騾馬多匹是夜官軍即駐
 楊家圩左右劉銘傳以重兵在東料賊必由西竄二十九日自
 率中軍并張景春馬隊前追而令劉盛藻唐殿魁保輜重以徐
 行午刻行抵白菓園即見賊隊當令各營停駐派幫帶官胡鳳
 階率馬勇百名前探甫行二里許猝遇賊馬千餘來迎胡鳳階
 見眾寡不敵且戰且退張景春率全部迎擊賊勢稍卻胡鳳階

奏稿卷三十

六

亦勒馬回剿崔萬榮劉盛瑋亦從兩旁包擊賊即回奔張景春等正欲乘勝追殺忽西南出賊馬步二萬餘人分路來撲劉銘傳恐馬隊不利令黃蘭桂張士元兩營前往接應賊見步兵太少拚死來犯張景春令馬隊三營撤退與步兵隊相依羣賊將我騎步五營包在中心而以另股直撲親兵洋礮等營劉銘傳令畢乃爾等連開炸礮賊陣始亂張勝琦劉銘幹張佩之等衝入賊中生擒數人賊氣始沮是時劉盛藻率所部由西抄擊該逆乃棄黃蘭桂之圍併股迎之唐殿魁率所部并黃旗馬隊保成等亦由東繞擊而出各軍奮力齊進賊乃大挫奪路狂奔而皖軍張得勝程文炳適率所部從南路追來兩面夾擊共追殺二十餘里途中賊口狼籍奪獲器械數百件戰馬四十餘匹當查副將銜儘先參將胡鳳喈於被圍時中槍殞命弁勇亦傷亡數十人此二十八九兩日劉銘傳一軍在潁州追剿獲勝之情形也該逆被擊敗後一日夜疾馳至槐店張樹珊在周家口聞大股北趨之信三月初三日五鼓前進行抵苑寨見有賊馬多起正在該處渡過沙河遂令各營乘其不備一擁而進將該逆截為兩段其大股在寨之東南層層躡至先以馬賊數團前來衝突我軍嚴陣以待用槍擊退隨派三營攻其左三營攻其右張樹珊親率正副兩營擣其中令馬隊直前衝陣該逆步隊萬餘人分股抗拒而馬賊數千分在左右環作包抄之勢我軍鎗礮齊

奏稿卷三十 七

施刀矛迎刺殺賊甚眾左路之賊最為驍悍於鎗子如雨中冒煙死鬪總兵王得勝直前殪一賊酋總兵董大義領隊衝鋒賊卻而復進者數次連用炸礮轟擊人馬紛紛倒斃賊眾散亂總兵宋立新馳入盪決各軍乘勝縱擊賊勢不支自辰至未殺傷千餘人該逆四散奔潰馬隊追逐維時賊之前股向周家口奔竄意欲乘我遠出攻撲老營守營之副將張樹屏出隊迎剿張樹珊亦率師回顧首尾夾擊賊無所遁於周家口下流冒死擠渡窮力奔竄我軍追至日落始行收隊生擒偽天將徐昌先一名偽福裕等賊目五十七名散賊百餘名奪獲騾馬百餘匹偽天將印一方偽官照數十紙我軍亦微有傷亡此初三日張樹珊一軍在周家口迎剿獲勝之情形也是夕張樹珊挑選小隊至大朱樓地方乘夜襲擊該逆驚逃頗有俘斬初四日大隊繼出追至淮甯北鄉之清河堰不及而還據該提督總兵各呈報前來臣查任賴等逆凶悍異常一月之間馳突三省經該兩軍節次邀擊足以稍折凶鋒張樹珊一軍仍檄飭駐紮周家口以顧四鎮根本之地劉銘傳一軍則令尾追緊躡迅赴山東頃已據報該軍於十二日由尉氏起行十八日可抵定陶矣此次銘軍陣亡之副將銜儘先參將胡鳳喈并千總劉得發均堪憫惜相應請旨飭部從優議卹以慰忠魂所有銘樹兩軍剿賊獲勝各緣由

奏稿卷三十 八

理合繕摺馳陳伏乞

皇太后

皇上聖鑒訓示謹

奏

奏稿卷三十

九

密陳勦捻尚無把握片 同治五年三月二十一日

再密陳者竊觀此股捻匪奔突六省攻勦十年久成流寇之症雖人眾不及髮逆而馬隊則數倍過之其凶狠之性狡詐之謀亦不亞於髮逆而中外論者輕視此賊以為殆不足平古稱恐則致福驕則致敗若人人輕視劇寇則驕氣徧於數省豈有奏功之理明季流賊初亦或聚或散時盛時衰終遂至於不可收拾殷鑒不遠能無惴惴愚以為欲求眾心之儆懼須先戒奏報之虛浮奏報之於兵事關係最重所奏果實則一軍之是非悉公

奏稿卷三十

朝廷之賞罰亦當所奏若虛則勞苦多功者從而寒心巧偽僞事者反以得志近日各路奏報頗多粉飾河南湖北兩省尤甚河南今春屢報勝仗查詢實無戰事湖北報正月二十八日鄂軍會同銘軍攻克黃陂查詢是日午刻劉銘傳率師克城追賊西刻收隊并未見別有一兵來會至二更後鄂軍藍斯明劉維楨等始至西門外駐紮今銘軍與鄂軍均准開單請獎有功者與無功者毫無區別實不足以彰公道凡疆臣奏事皆據各將領原稟入告本不能免於虛飾但須略加考察稍為刪改俾黑白不甚顛倒庶中材知所勸懲伏乞皇上不咎既往儆示將來於鄂豫暨各省奏報俯賜鑒察殷勤訓誡其屢報勝仗毫無實際者

一五二子...

嚴旨詰責風氣一振不特疆吏悚懼即幕僚草奏者亦不敢率爾命筆大局幸甚同治三年八九月後親王僧格林沁之師疲勞過甚鄧州呂堰驛羅山等處之敗失去戰馬三千餘匹精銳傷亡太多本不可以再戰向使

皇上灼知實情或令該親王回京休息數月或令在山東河南停兵養銳亦何至有曹南之禍乃各省奏報皆稱捻匪最畏僧格林沁不敢與之交戰或稱殘孽無多殲除在即

朝廷不得確耗早為之所遂致隕喪賢王忠良短氣遐邇震驚痛念及此未嘗不歸咎奏報失實有誤大局也自臣接辦此賊設四鎮駐防之卒籌大枝游擊之師意謂且戰且守或可漸

奏稿卷三十

十一

有頭緒及此次入齊與張總愚股匪相遇本月初旬三次接仗兩次挫衄張逆人數較少即已驍悍若此况益以任賴等逆之眾尤覺難操勝算總緣賊馬逾萬數倍我兵曠野平原步不敵騎屢思多練馬隊不特湘淮各勇騎射非其所長且臣所派兩起買馬之員均據稟稱去冬大雪苦寒口外馬瘦且少不敷購辦處欲添千餘騎而不可得鮑超欲買三千餘匹未知成軍更在何日臣受

命勤拏已滿十月制寇之方向無把握終夜以思且憂且愧外間不察或以迅速成功相期每日所接實僚無非譽言所閱文牘無非諛詞不日旦夕可滅即曰賊無長技此等浮言虛譽既

恐傳播行間長部曲驕矜之氣亦恐上達天聽弛

天聽弛

朝廷兢業之心臣因此次小挫將各軍痛加儆戒尤願我皇上弗輕視此賊常以流寇難治為慮博儲將材以求為可繼稽核奏報以戒其勿欺庶憑

聖主朝乾夕惕之懷終救中原火熱水深之厄區區微忱謹據實附片密陳伏乞

皇太后

皇上聖鑒訓示謹

奏

奏稿卷三十

十一

擒匪自山東回竄追剿獲勝摺同治五年四月初七日

奏為擒匪自山東回竄各軍追剿疊獲勝仗恭摺仰祈

聖鑒事竊張賴等逆全股萃於鄆濮一帶各軍堅守運河劉銘

傳等跟追來東臣於三月二十一日奏明在案臬司潘鼎新自

接奉臣檄後即由梁山拔赴靳口駐紮十九二十等日率隊巡

運河之西岸行抵安山即見賊馬充斥該軍整隊而進北至戴

廟賊見運河東岸東軍防守嚴密而西岸又有梭巡之兵萬難

飛越始輟渡運之謀即於二十一日向西南回竄屯聚鄆鉅之

交劉銘傳周盛波兩軍亦於二十一日同抵鉅野逼賊而軍二

十二日會商進剿之策劉銘傳由鉅城西北出隊行十餘里遇

牛洪前隊經黑龍江馬隊猛進擊之生擒三十餘人賊遂奔潰

張景春馬隊從後追擊不及而還周盛波由鉅之正北出隊亦

行十餘里與逆黨相遇該軍排隊直前斬獲數十人奪馬十餘

匹該逆不肯戀戰遽向西南狂奔此賊棄運河而返銘盛兩軍

迎剿各獲小勝之情形也二十三日劉銘傳率眾跟追行過韓

氏橋十餘里即見賊之馬步大隊與銘軍相距五六里該逆將

步隊藏於村樹林中以馬賊逕撲張景春之師尚未交鋒遽行

返奔劉銘傳知其詐敗不令追逐該逆仍結隊南行劉銘傳亦

率眾南趨與賊并驅旌旗相望行抵烏官屯賊驅老弱西走張

總患自率悍黨排紮不行劉銘傳令各營輜重盡歸烏官屯派

劉盛藻偕張景春之馬隊由南迎戰唐殿魁由中迎戰而自領

中軍及黑龍江馬隊由北迎戰賊見黑龍江馬隊蜂擁來撲保

成等施放洋槍斃賊數名賊勢稍卻畢乃爾連用炸礮轟擊黃

桂蘭劉明幹率隊殺入張景春吉爾洪額六十七等乘勢抄追

擒斬悍賊十餘名馬賊大潰步賊亦退劉盛藻唐殿魁見北路

之賊已敗各督隊猛進甫開槍礮賊即潰走該營官等鑒於前

次之詐猶不令猛追該逆退至四五里仍跑隊南行其時銘軍

已行五十餘里劉銘傳慮其疲乏商詢各營兵將俱願奮力一

戰不肯休息遂率黃桂蘭畢乃爾等由南路擊賊之首唐殿魁

由中路擊賊之腰劉盛藻由北路擊賊之尾保成及張景春馬

隊俱由北路抄擊張逆亦分股迎撲左右兩軍牛逆迎撲中軍

進抵龍坨集西畢乃爾李錫增各放炸礮牛逆勢甚怯弱不敢

前進張逆以馬賊抄我馬隊之後而步賊拚死撲我步隊劉盛

藻派馮汝霖等兩營迎戰自率劉盛休等四營接應唐殿魁派

滕學義等兩營迎戰自率周志本等四營接應張景春保成等

各以馬隊一營迎戰兩營接應馬賊先與我交鋒未分勝負步

賊從後擁進丁汝昌滕學義等各放排槍斃賊滿地賊猶持矛

猛進惡戰片時唐殿魁督軍一呼如牆而進殺賊五六百人餘

皆棄矛奔逃馬賊見步賊潰敗齊來救應復被劉盛藻等擊敗

張景春保成等縱馬追殺所向披靡劉銘傳見張逆馬步俱敗

奏稿卷三十

十三

奏稿卷三十

十四

亦令黃桂蘭等率勇衝擊牛逆之隊該逆即棄矛回奔殲殺者百餘人餘賊向西潰去我軍追奔十餘里暝黑收隊當查營官馮汝霖頭受矛傷弁勇傷亡數十名奪獲長矛千餘桿戰馬百餘匹此二十三日劉銘傳一軍在龍岡集大獲勝仗之情形也周盛波一軍自鉅野接仗後訊據生擒賊供張牛等逆欲由歸德回竄蒙老巢該軍留於歸德僅帶八成行隊來東二十三日趕回防所是夕宿章縫集次日大雨如注二十五日探知逆股竄向城武拔隊疾馳申刻遙見賊隊周盛波派周盛傳率步騎四營前進至城西二三里許該逆大股蜂擁而至見官軍人數極少猛力攻撲我軍屹立不動槍礮環擊鏖戰逾時馬隊橫

奏稿卷三十一

截而出營官周行發手刃逆首張大發一名賊眾立潰適周盛波各營亦至前後掩殺共斃賊匪二百餘名我軍亦微有傷亡二十六日周盛傳仍率原隊前進至荷澤之侯家集該逆正在分攻各寨而其新破之游莊寨毫無準備周盛傳揮兵直進一擁而入殺斃賊眾百餘名就地築住該逆糾黨還撲力戰卻之周盛波於二十七日黎明趕到與周盛傳會合一處探知張牛二逆之精銳盡聚於此令各軍先行紮營然後進剿該逆見我軍分布營壘乃搶踞前後大莊三處拚死來戰我軍一面施放洋槍炸礮一面趕築營壘頃刻而就周盛波派周盛傳等三營剿中路周壽昌等三營剿右路賈啟勝等三營剿左路而自率

親兵小隊及周行發馬隊接應該逆亦分股來敵騎賊前後包衝我軍洋槍炸礮分段齊發往返回合鏖戰極苦槍矛交集一處前者死傷枕藉後者猶冒煙直上經周盛傳指揮連斃賊目十餘名賊隊始亂各營乘勢掩殺賊乃奔潰追逐五六里哺時收隊是役我軍僅二千餘人賊過十倍自辰至酉終能冒險制勝營官周盛傳衛汝貴楊安典楊正國均受矛傷弁勇傷亡者百餘人其夜二更以後周盛波派隊於方埠賊巢之外逼紮兩營二十八日大隊繼進張逆正出隊抵拒我軍用炸礮轟塌土牆攻克該圩捻眾紛紛奪門向東南逃竄圩內搜殺又數百弁救出難民五六百人此二十五二十六二十七八等日周盛波一軍

奏稿卷三十一

追剿大勝一次小勝三次之情形也劉銘傳一軍於二十七日向晚至曹縣探知近城有賊不辨何股令選小隊於三更後潛至賊館分三路掩襲中左二路賊哨驚覺悉數逃去右路滕學義朱起昌等撲入賊館賊俱無備斃殺數十名奪獲騾馬百餘匹又獲小勝一次據該提鎮等先後呈報前來查此次擒黨全數東竄銳意搶渡運河就食完善之區潘鼎新潘溪渡一捷首挫兇鋒厥後初六十四等日接仗及帶隊梭巡西岸牽綴賊勢使不得意東渡該軍於上年六月由蘇州進衛畿輔盛暑航海輪船酷熱物故者多自駐防濟甯去秋之季今春之杪均以力戰保全東境應懇

天恩准將潘鼎新一軍開單保獎以示鼓勵山東諸軍扼防
運河屢次撲犯均經擊退為昔年所未見併懇

天恩准開敬銘擇尤保獎以策效於將來 臣調齊各軍以次進
逼本可合圍痛剿乃該逆遁折而南趨未加懲創正深焦灼幸

劉銘傳龍壘集之捷殺傷精銳頗多周盛波游莊寨之捷以少
勝眾冒險立功有此兩戰足以稍快人心所有銘軍出力之營

總藍翎恩騎尉保成請以防禦儘先補用

賞換花翎佐領吉爾洪額六十七均請以參領補用吉爾洪額

并請

賞換花翎其餘出力員弁仍歸黃陂案內彙獎涼州鎮總兵周

盛波兄弟竭力苦戰膽智俱優可否

頒賞撥指等物交周盛波周盛傳祇領分藏之處出自格外

鴻施其所部盛軍出力員弁暫行存記俟續有戰功再為請獎

所有擒逆自山東回竄各軍追剿屢獲勝仗緣由恭摺由驛五

百里馳奏伏乞

皇太后

皇上聖鑒訓示謹

奏

擬於運河增隄置柵片 同治五年四月初七日

再臣接據各路稟報擒黨大股自二十三日與銘軍接仗後即

分股南趨張牛等逆被周盛波二十七日擊敗連日竄往歸德

虞城旋又由豐縣折回單縣徘徊不去似有回竄曹濮之意劉

銘傳一軍初三日由虞城馳抵單縣之黃岡集緊躡其後 臣檄

飭李昭慶一軍由金鄉馳赴單縣與銘軍會同剿辦而仍以潘

鼎新之軍畱防濟甯長溝一帶備賊回竄劉松山一軍前已調

至濟甯因賊眾回竄又令趕回湖團周盛波一軍已於二十九

日趕回歸德因聞賊有分竄雒河者又於初四日拔赴亳州究

竟藁毫無是賊係何首分股 臣尚未聞其詳也至任柱等一

股則先由永城殲肅竄至睢甯境內之雙溝初二日馬賊已撲

近阜河洋河等處距宿遷不遠該縣現有襄辦軍務侍講學士

劉秉璋一軍駐防與上游密灣等處吳棠派出之軍韓莊八閘

楊鼎勳之軍聲勢尚為聯絡該學士昨來濟甯 臣晤商一切聞

警後即日馳回宿遷布署一切將來即移所部駐紮徐州居四

鎮適中之地仍作一路游擊之師 臣本早擬查督黃運兩河因

賊蹤去而復返盤旋不定遲遲未行 臣以東北則畿輔為天下

之根本東南則江蘇為 臣軍之根本屢經奏明注重東路既以

東路為重不得不藉運河衣帶之水以為流寇阻截之界惟河

淺且窄汛長千有餘里防不勝防 臣擬會同閩敬銘等大加修

浚增置柵能否確有把握俟查勘後續行具奏謹先附片陳明伏乞

皇太后

皇上聖鑒訓示謹

奏

奏稿卷三十

九

曹徐淮泗剿捻勝仗摺 同治五年四月二十五日

奏為捻逆兩股竄擾曹徐淮泗各軍分路剿辦恭摺仰祈

聖鑒事竊捻逆自山東回竄各軍追剿獲勝業於四月初七日

奏明在案張總愚牛落紅一股經劉銘傳周盛波擊敗後連日

盤旋於虞揚豐單四縣之間劉銘傳一軍由虞城馳抵單縣之

黃岡集緊躡其後初三四五等日節次與該逆相遇頗有斬擒

賊向東南奔竄初七日撲近湖團劉松山出隊迎剿旋又折回

單縣十一日竄至城武十二日圍攻曹縣十三日竄至再堽集

十五日復圍曹城適李昭慶一軍由城武劉松山一軍由豐縣

同時趕至會擊立解城圍是夕李昭慶與劉松山會商進剿之

策以湘軍為左路以淮軍為右路兩軍議定相距三四里互為

應援十六日李昭慶等督軍前進離營數里賊即分路來撲李

昭慶飭令各營屹立不動洋鎗洋礮連環轟擊賊隊已亂我軍

馬隊始從樹林內突出橫衝右路之賊全行敗走李昭慶登高

瞭望見賊馬六七百匹步隊千餘人向南繞竄折而東北圖撲

後路營壘一面傳知各營嚴備以待一面調派桂字三營向南

截剿復將另股撲營之賊登時擊退斃賊甚多其撲犯左路之

賊劉松山飭派記名總兵李榮貴等各營分三路進擊而自率

親兵督戰部署甫定賊馬數千已向前衝突各軍鎗礮齊發轟

擊半時之久賊馬傷斃者頗多該逆知衝陣不動遂從兩旁包

奏稿卷三十

十

抄而以步隊大股合力猛撲各營穩持如故奮勇鏖戰槍矛并
 刃十盞十決賊勢不支紛紛敗潰身股之繞過南路牽制官軍
 者亦經我軍擊退計鎗斃殺斃者幾及千名奪獲騾馬六十餘
 匹湘軍陣亡者十三人受傷者七八十名幸獲大勝張牛等逆
 遂由曹南奔潰是日劉銘傳一軍適由碭山而來復遇於王閣
 集劉銘傳督軍迎戰我軍馬隊先與馬賊交鋒生擒十餘名鎗
 斃數名步賊旋蜂擁而至各軍鎗礮齊發賊猶冒煙猛進經周
 志本張士元等持矛惡鬪將接仗悍賊數百名殲斃始盡賊勢
 大奔銘營乘勝追殺陣斬者約四百餘名鎗礮擊斃者尤多獲
 戰馬五十餘匹弁勇傷亡者亦數十名戰罷後劉銘傳與李昭
 慶劉松山會晤該逆悉數向曹縣東南竄走十八日各軍拔隊
 跟追二十日賊已竄至豐縣旋竄銅沛此張總愚牛落紅等一
 股竄擾曹徐之交湘淮各軍十六日力戰獲勝之情形也至竄
 近宿遷清江一股是為賴文光任柱李允等酋該逆於初七八
 等日攻撲運河防守嚴密技不得逞遂折竄泗州靈璧連日盤
 踞該處有搶割二麥之意臣檄飭派駐臨淮之王永勝一軍刻
 日渡淮就剿靈泗一帶又調古州鎮總兵劉士奇七營渡江移
 紮宿遷騰出劉秉璋與楊鼎勳兩軍除酌留數營扼防韓莊八
 開外其餘概作游擊之師專辦靈泗睢宿及蘇皖交界各州縣
 該三軍尙未拔行頃聞泗州之賊業已南竄未知又向何處周

奏稿卷三十

五

奏稿卷三十

五

盛波一軍自移營亳州後重修濠牆料理糧仗聞該逆盤踞泗
 靈十八日率隊由宿州進剿其臨淮一鎮有編修張錫燦陸營
 會同水師防守不至侵犯淮南此賴文光任柱等逆竄擾淮泗
 一帶各軍防守之情形也臣查此次捻黨由山東回竄分為南
 北兩大股久踞曹徐淮泗徘徊不去一則各屬二麥既熟乘勢
 搶割以圖一飽一則牽制我軍冀乘不備襲渡運河竄入齊蘇
 完善之區實屬狡譎異常計臣軍之剿辦北路者則有劉銘傳
 李昭慶劉松山等三支剿辦南路者則有周盛波一支而劉秉
 璋王永勝亦已改為游兵或可一收夾擊之效惟劉銘傳一軍
 自去年臘月以來援鄂援皖援豫援齊馳驅四省將士疲勞已
 極頃據該提督呈請休息一二月藉資整頓臣已批准飭令該
 軍移赴濟甯駐紮騰出潘鼎新一軍代為游擊之師如此更番
 遞戰庶軍士不至過勞亦可以保其常新之氣於剿辦似有裨
 益所有捻逆兩股竄擾曹徐淮泗各軍分路剿辦緣由理合由
 驛五百里馳奏伏乞
 皇太后
 皇上聖鑒訓示謹
 奏

查勘黃運情形片 同治五年四月二十五日

再臣擬將運河查勘一次大加修浚業經陳明在案本月初七日會同撫臣閻敬銘由濟甯啟行沿河查閱自微山湖以北至長溝止有潘鼎新一軍駐守足敷分布長溝以北至開河一段向情有南旺湖水故未設防茲查湖水全涸已由閻敬銘添撥防兵開河以北至靳口一帶水勢稍淺牆壘較低自靳口至安山戴廟水勢甚深差為可恃自戴廟至沈家口十八里夏秋黃河灌運水極深廣冬春沙淤河乾殊難守禦現經閻敬銘籌議條款督同文武將領剋期興工無論河深河淺均增高牆深濠以輔之其沙地及民圩不能掘濠者酌立木柵以補之運河閱

奏稿卷三十

三

軍之後初十一日與直隸督臣劉長佑會晤三人同閱黃河若非隆冬冰堅防守尙易為力十三日還至安山由陸路至東平泰安查看形勢因便一登岱岳十九日仍回濟甯防所濟甯以下微山湖長一百八十里無須設防自湖以南運河淺深不等議定八關暨宿遷等處由學士劉秉璋派兵防守密灣暨成子河等處由漕臣吳棠派兵防守總期力扼此河不使該逆流竄齊蘇膏腴之地未知果否有裨理合附片具陳伏乞

皇太后

皇上聖鑒訓示謹

奏

彙陳各軍近日追剿情形摺 同治五年五月二十二日

奏為彙陳各軍近日追剿情形摺 聖鑒事竊捻逆兩股竄擾曹徐淮泗各軍分路剿辦業於四月二十五日奏明在案張總愚牛落紅一股在曹縣經李昭慶劉松山等軍擊敗後四月二十日竄至豐縣次日竄入沛縣二十三日徐州城西十餘里總兵董鳳高李祥和各以兩營分路出隊擒獲數十名該逆旋即退去是夜李祥和派兵潛劫賊營薄有擒斬奪獲賊馬十餘匹二十五日該逆竄至銅山之雙溝楊家窪一帶二十八日竄至宿遷之埠子鎮洋河集運河二十九日逼近桃源三十日襲辦軍務江蘇臬司劉秉璋

奏稿卷三十

五

督軍馳至洋河集探知賊之大股在圩外五六里紮住馬步萬餘人四出焚掠劉秉璋派令總兵吳長慶況文榜等各帶五成隊伍於三更後徑擣賊巢斬擒近七十名五月初一日黎明收隊隨即傳令各營整隊出擊該逆且戰且走吳長慶況文榜等由舊河隄內外分路夾擊追過倉家集賊陣大亂斃賊甚多該逆另以六七百騎步賊千餘由倉家集西北包出我軍之後直撲營壘守營將士槍礮排擊王占魁率隊回援陣斬三十餘名槍斃賊目二名始全數退走與倉家集之賊合併西趨奔勇陣亡受傷者各十餘名初三日該逆由睢甯之歸仁集回竄適劉松山一軍由徐州追賊而來行抵離城十八里之王家林歸見

賊馬紛紛逼近劉松山一面督飭各營趕築營壘一面派隊迎敵部署甫定賊馬千餘向前衝突各營槍礮齊發穩擊逾時步賊大股踵至各營奮力齊進賊勢不支退至里許馬賊復從兩旁包抄我軍隊伍穩持如故力戰良久賊始敗去計斃賊近三百名弁勇陣亡者四名受傷者二十名此劉秉璋一軍初一日在洋河劉松山一軍初三日在王家林各與張逆接仗獲勝之情形也初四五日該逆晝夜攻撲早河及利運閘馬家渡一帶均經水師鄧長里等擊退由是不復圖犯運東乃由利國驛回竄銅山初八日劉松山進至銅山之苑山圩據報賊之後隊相距僅八九里比即整隊前進行至魏家莊已與賊遇營壘猝不

奏稿卷三十

五

及修劉松山飭令各營將輜重圍聚一處以四成隊固守以六成隊分三路迎擊頃刻斃賊數十名該逆馬步均不肯戀戰紛紛向西南竄走各營乘勢猛逼七八里沿途又斃賊百餘名將該逆截為兩段一段向西北荆山橋李家瓦房而去一段向西南楊家集而去共計斃賊二百餘名生擒十四名弁勇受傷者十七名其賊之前隊已於初七日竄近徐州是時劉銘傳方赴濟甯與臣晤商一切其部將唐殿魁劉盛藻分帶銘軍駐紮徐州以賊氛逼近郡城初八日會商董鳳高出隊行抵離城十八里之趙莊寨偵知賊之前隊盡在荆山橋河左右馬隊張景春保成等渡河直前接仗黃桂蘭劉朝幹等步隊三營渡河接應

李錫增畢乃爾兩營隔河施放炸礮鏖戰逾時馬賊敗入河中上馬步隊兜擊下為荆山橋所阻被我軍擒斬甚眾該逆悉數敗過河東唐殿魁等督軍追至十餘里而還奪獲賊馬二百餘匹斃賊約計百名此張逆自宿遷桃源回徐劉銘傳劉松山兩軍初八日兩處接仗獲勝之情形也任柱賴文洸等大股自四月十三日窺撲泗州城後旋復竄擾宿州二十三日竄至永城縣東湖莊寨正在圍攻之際周盛波馬隊一營先到突衝賊隊擒斬數十名賊眾潰退該營即在胡莊寨駐紮與步軍相離尙十餘里二十四日周盛波率軍前進行甫數里該逆分三路來撲以馬隊猛撲中路周盛波督令童邦傑等排列隊伍併力禦

奏稿卷三十

五

之洋槍炸礮迎頭轟擊該逆抵死不退當派都司周行發率領馬隊由城西抄入賊後賊始驚潰其前路步賊經周壽昌等擊敗後路步賊亦經周盛傳等擊敗自辰至暮各營終日未嘗計斃賊近二百名奪獲騾馬頗多弁勇傷亡者十餘人二十六日該逆竄往歸德二十八日與豫軍接仗三十日又折回永城夏邑之交初二日二鼓周盛傳率隊掩襲小有俘獲初三日由蕭縣之西竄入銅山初八日擾及東賀邨將與荆山橋張逆之股相合適原駐徐城之張詩日李祥和等營出隊至土山寺而周盛波追軍適至遂會商進擊又擒斬百餘名此周盛波一軍二十四初八等日在永城及徐州兩次接仗獲勝之情形也初八

6

以後張牛一股由豐縣碭山竄至虞城以西任賴一股由桃山至宿州竄入懷遠渡渦河而南盤踞下蔡等處臣查該逆自二月北竄以來堅圖渡運前在山東鄆城一帶搶渡後在江南宿遷一帶搶渡徘徊曹徐淮泗者兩月有餘迄不得逞雖足伐其東渡之謀尙未挫其兇悍之氣現在張逆入豫任逆入皖臣已檄飭潘鼎新會同周盛波兩軍爲一路劉松山會同張詩日等兩軍爲一路專剿張牛一股劉秉璋會同楊鼎勳爲一路專剿任賴一股無論該逆竄往何處均與之縱橫馳逐未知能否有濟至劉銘傳一軍改調在徐州駐紮休息騰出劉秉璋全部概作游兵李昭慶一軍以八營赴防韓莊以十營赴防濟甯駐紮

奏稿卷三十

毛

休息騰出潘鼎新楊鼎勳兩軍概作游兵潘鼎新已於十五日拔隊起程前赴歸德矣所有彙陳各軍近日追剿情形捻黨回竄豫皖各緣由理合由驛五百里馳報伏乞

皇太后

皇上聖鑒訓示謹

奏

彙報軍情檄調各軍防剿摺 同治五年六月十四日

奏爲彙報近日軍情并檄調各軍防剿事宜恭摺仰祈

聖鑒事竊各軍追剿捻逆分股回竄豫皖臣於五月二十二日

具奏在案牛落紅一股自五月初八日被我軍擊敗後不能與

張總愚合併周盛波督軍跟追十五日行至永城之同和集探

知牛逆欲由白龍王廟竄過渦河遂催督各營連夜窮追十七

日五鼓抵白龍王廟該逆已竄過渦河周盛波趕搭浮橋渡河

派周盛傳由西路進劉啟福等由東路進周壽昌等由中路進

而令陳明昇周行發各帶馬隊一營從兩旁衝截牛逆勢已窮

蹙疾驅悍賊數千人賊中所謂內五營者蜂擁回拒我軍馬步

各營分路猛擊賊眾冒死抵敵周盛傳坐馬被賊矛刺倒徒步

交戰兵勇皆殊死格鬪賊始大敗正追逐間有步賊一股逃入

路旁廢圩周壽昌率師衝入圩內搜殺淨盡無一脫者餘賊向

南飛奔我軍追殺二十餘里牛逆踉蹌逸去周盛波晝夜追逐

十八日至亳州十九日至鹿邑西南之馬家寨該逆已竄入陳

州境內馳逐四百餘里人馬俱困將士多病即在馬家寨休息

此周盛波一軍大破牛逆股匪之情形也任柱賴文洸一股自

五月初由宿州西竄盤踞鳳台縣屬之平阿山一帶與皖軍張

得勝等相持日久擄脅益眾二十三日王永勝一軍趕至懷遠

二十五日劉秉璋一軍趕至蒙城周盛波亦自馬家寨回援二

奏稿卷三十

毛

十六日至潁州東五十餘里之棗莊集賊聞援師四集遂自平阿山全數西竄欲由潁郡之雷陵口偷渡沙河竄擾光固適遇盛軍突至遂折向東北竄逸繞至烏江河上游意圖抄襲我軍後路周盛波麾軍三面齊進洋槍炸礮連環轟擊逆勢不支向西狂奔奪獲牛騾器械頗多解散脅從難民千餘人二十九日賊竄至太和初一日竄至港溝劉秉璋與皖軍英翰等次第跟追此周盛波與任賴股匪接戰小勝及各軍追剿之情形也張總愚一股自五月中旬由虞城西竄潘鼎新與劉松山張詩日三軍追剿二十一日同抵甯陵探知該逆已至睢州城南之河陽集因會商次日均至睢州察看形勢該逆知官軍緊躡其後

奏稿卷三十

无

不敢停留二十一日一撲陳州城下旋即退去二十二日竄近周家口之北寨牛逆亦由苑寨偷渡河南與張逆分而復合駐防周家口之右江鎮總兵張樹珊派副將閃鳳來馬隊迎擊殺賊數十名奪獲騾馬四十餘匹是夕復分隊雕剿該逆不敢迎戰連夜由逍遙集一帶渡過沙河張逆自鄆城西遁牛逆自商水西遁均奔遂平確山一路訊據生擒賊供均稱該逆欲由信陽竄往光固六安斫取竹牙補製兵器等情此張樹珊一軍迎剿張牛一股薄有斬擒及各軍跟追之情形也查擒逆各股回竄豫皖兩省中原平曠之地四通八達若不擇地設防此剿彼竄終不能大加懲創上年劉銘傳帶兵入豫察看地勢即創

扼守沙河之議驅賊於沙河以南以蹙其勢以彼時兵力未齊未遽允行今張牛等逆既渡沙河以南任賴等逆亦將渡沙渡淮并趨南路本年防守運河屬有成效應即仿照於沙河設防俾賊騎稍有遮攔庶軍事漸有歸宿惟查沙河上流直至邳縣汝州地段太長幾無止境博詢眾議擬自周家口以下至槐店止扼守沙河自周家口以上至朱仙鎮止扼守賈魯河由臣派兵設防自朱仙鎮以北四十里至汴梁省城又北三十里至黃河南岸無河可扼挖濠守之由李鶴年派兵設防自槐店以下至正陽關仍守沙河由喬松年派兵設防自正陽關以下即係淮河由臣派水師與皖軍會防各分汛地層層布置或者

奏稿卷三十

手

漸逼漸緊逐捻於西南山多田少之處官軍較易為力現已檄令劉銘傳自徐州拔赴沙河與潘鼎新張樹珊等熟商防守之策并咨商河南安徽兩撫調兵分防皆憑人力以堅守不以地險為可恃至羣賊南竄不出南汝光固黃州六安等處則鮑超所統之霆軍劉秉璋楊鼎勳王永勝所統之淮軍劉松山張詩日所統之湘軍分路游擊亦尙足敷剿辦擬於十五日拔營東下閱看宿遷桃源一帶隄牆即由運入淮汴流而上逕赴周家口沿途察看賊情地勢續行奏報所有近日軍情及檄調各軍防剿事宜理合由驛五百里馳陳伏乞皇太后

皇上聖鑒訓示謹

奏

奏稿卷三十

三

防守沙河賈魯河片 同治五年六月十四日

再臣於四月初先擬挑濟賈魯河置船設防專商諸東河督
 臣張之萬旋准覆稱賈魯河沙淤已久萬難興挑詢之河南紳
 士言亦相同沙河上下千餘里地段太長防此兩河本係極難
 之事惟念處馬隊不敵賊騎戰事既無把握不能不兼籌守
 事且防河之舉辦成則有大利不成亦無大害是以仍就前議
 竭力興辦劉銘傳首畫此策即令其與潘鼎新張樹珊會防力
 任其難扼守朱仙鎮以下四百里其自朱仙鎮以上必須專資
 河南兵力撫臣李鶴年現已移駐許州豫兵已赴西路追剿臣
 趕辦河防咨商李鶴年請其暫駐省城調回各軍先圖近守不
 必遠剿查自朱仙鎮以北至河南省城四十里又自省城以北
 至黃河南岸三十里以豫省各軍全力守此七十里似乎頓兵
 不進難免外間浮議然此七十里者全係沙地開挖深濠猶恐
 旋開旋壅汛地雖少防禦甚難但使扼防得力將來可與追剿
 之兵同一論功請獎本年三月山東兩軍先在曹州迎剿均經
 失利後在運河扼防均稱得力臣曾奏請獎敘蒙
 恩允許河南兵不甚多即可仿照山東辦理不貪馳剿之虛名
 或收制賊之實效於軍事辦未就緒者向不輕於具奏因臣
 主聚兵防河之說恐使李鶴年蒙頓兵不進之譏不得不預先
 奏明可否請

旨飭李鶴年暫駐汴梁調齊各兵先辦朱仙鎮以北防務設兩河防務不能辦成或有損於大局臣願獨當其咎不與李鶴年相干除由臣詳細函商外理合據實附陳伏乞

皇太后

皇上聖鑒訓示謹

奏

奏稿卷三十一

任賴股匪回竄東路調兵分剿摺同治五年七月初四日

奏為任賴股匪回竄東路調兵分剿恭摺仰祈

聖鑒事竊臣檄調各軍防剿并議扼守沙河賈魯河等情於六月十四日具奏在案臣拜摺後即於十五日由水路東下沿途

水勢盛漲南陽微山等湖與運河連成一片春間所修隄牆自

韓莊以下八閘兩岸較高砂土質鬆大雨之後多已坍塌自黃

林莊以下二百餘里兩岸較低隄身或露二尺有餘或露數寸

一尺或全淹水中隄外亦皆積水如湖節節均有決口與隄內

之河水互相出入目下茫茫巨浸賊匪斷難飛渡將來秋深水

落竟須全數另行興修二十五日行抵宿遷縣二十七日准山

東撫臣閻敬銘咨稱據曹縣稟任賴兩逆因張市朱仙鎮等處

河水驟漲不能西渡仍由扶溝太康回竄已至杞縣之沙窩睢

州之芋香鋪勢將直趨曹境七月初一日又准河南撫臣李鶴

年咨稱據睢州稟報十八日該州西南之馬頭寨已被賴逆攻

破占據豫兵不敷馳剿咨商撥兵救援各等情臣查扼守沙河

賈魯河之議必俟捻逆各股全趨沙河以南方可與辦現在任

賴一股既為沙河大水所阻不敢西行折而東竄則防河之策

斷難遽行應即先行撥兵馳剿劉銘傳接臣飭守沙河之檄業

於六月二十三日自徐州拔行潘鼎新一軍前在西華周盛波

一軍前在太和此三軍者本擬分防沙河現今移赴睢州曹考

一軍前在太和此三軍者本擬分防沙河現今移赴睢州曹考

一軍前在太和此三軍者本擬分防沙河現今移赴睢州曹考

一路專辦沙河東北之賊而鮑超之霆軍劉秉璋楊鼎勳王永勝之淮軍劉松山張詩日之湘軍仍辦沙河西南之賊頃已分別咨行相機剿辦惟自五月下旬以後淮南北諸郡大水為數十年來所未有積潦盈途深過馬腹軍中米糧子藥車載夫運寸步難行不特各軍拔隊因之滯留即處文報往來亦多阻隔遲誤而秋稼被淹民廬漂沒既自憾調度乖方軍務毫無起色又恐飢民失所不免從賊以圖生計辦撫綏兩俱棘手籌思反覆憂愧實深臣在宿遷傳聞數日初聞捻蹤回竄之信本擬改駐徐州就近調度惟賊蹤既分兩支無論駐何處均有不能兼顧之勢入豫之議不可再緩俟與漕臣吳棠會晤後

奏稿卷三十

奏

即在楊莊換船由湖沂淮逕赴陳州周家口籌辦一切所有任賴兩逆回竄東路調兵分剿緣由理合由驛五百里馳陳伏乞

皇太后
皇上聖鑒訓示謹

奏

捻股西竄仍辦河防摺同治五年七月二十八日

奏為潘鼎新一軍迎剿獲勝任賴一股竄至賈魯河以西現仍辦理河防恭摺仰祈

聖鑒事竊任賴等逆回竄東境調兵分剿臣於七月初四日在宿遷馳奏在案山東臬司潘鼎新一軍行至西華縣為大水所阻該司銳意剿賊於六月二十日令各營晁水而進二十二日行抵太康探知太康之崔橋杞縣之五岔口通許之底閣等處逆氛連成一片二十五日逕趨崔橋該逆大敗走退邊馬不絕二十六日分兩營留紮崔橋以馬步十一營裹糧疾進至石頭岡有馬賊數百迎頭而來各勇爭先奮擊獲馬三十餘匹追至

奏稿卷三十

奏

油坊岡之大林賊幟密布知其有伏潘鼎立率三營為中路戴春林率三營為左路吳從發率三營為右路又令唐宏成帶一營於林叢水淖中或隱或伏以為誘賊之計該逆果出林搏戰我軍連營齊進斬擒悍賊數十名追至林後油坊岡大寨潘鼎立揮眾向南寨門一擁而上該逆翻牆北竄追殺四五百名立將大寨奪回留二營守之餘悉向前追剿甫行三里任逆率悍黨驟馬衝至萬國順帶馬隊鏖戰擊殺賊目多名其時附近寨賊俱蟻聚於十里外潘鼎新親督各營整陣以待未幾步賊從中路大至馬賊左右分抄各營如牆而進連環擊逆勢不支紛紛奔北追至武岡沙窩一帶各路寨賊俱遁潘鼎新因勞苦

過甚飭令收隊詰旦二十七日乘勝追剿至高陽集任賴兩股不敢停趾直竄過賈魯河以西潘鼎新因行糧已罄兵力極疲暫停休息該軍將士於盛暑深淖中忍飢追逐一日三捷聞勇丁烏水淹斃者數十人傷亡亦復不少實屬異常出力應由臣暫行存記俟續有戰功彙案請獎臣查前此防河之策甫經議定而該逆回竄杞睢臣深慮其再竄山東則賊分兩路剿辦更形棘手幸得潘鼎新一軍迎頭截擊驅之西去仍應防守賈魯河沙河以扼其回竄之路已檄令劉銘傳潘鼎新張樹珊三軍仍如前議并添周盛波一軍分段畫守豫省諸軍分防朱仙鎮及黃河南岸一帶亦咨撫臣李鶴年迅速舉辦屢接稟報任賴及張牛四逆均已竄至裕州葉縣以西去襄陽漸近兩股似有合併之勢劉銘傳等業已興工修浚紳民亦肯効力防河之議或可辦成惟上下七百餘里地段太長未敢謂防務既成百無一失然臣必始終堅持此議不因艱難而自畫不因浮言而中更以求有裨時局自古辦流寇本無善策惟有防之使不得流猶是得寸則寸之道現在除防兵外尚有鮑超劉秉璋楊鼎勳劉松山張詩日等五支游兵俟河防辦成則令防河者與游擊者彼防此戰更番互換庶足以保常新之氣所有任賴逆股被剿西趨仍辦河防緣由恭摺由驛五百里馳陳伏乞

皇太后

皇上聖鑒訓示謹奏

奏稿卷三十一

美

湘軍迎剿張逆四獲勝仗摺 同治五年八月十二日

奏為官軍在西華上蔡等處迎剿張逆四獲勝仗恭摺仰祈
聖鑒事竊皖南鎮總兵劉松山宣化鎮總兵張詩日等剿擒大
勝臣於七月二十八日附奏大概聲明俟接稟續再行詳奏在
案旋於途次接據劉松山等稟稱張牛兩逆自渡過沙河以西
分股竄擾西平上蔡等屬逆氛連成一片劉松山張詩日兩軍
行抵周家口為大水所阻停住數日六月初六日拔隊沿沙河
西行十七日由歸村行至西華之萬金寨聞張逆大股在前距
寨不遠整隊徐行猝遇賊馬百餘首先衝突該軍甫開槍礮賊
即卻退如此數次劉松山等知賊有伏飭令各營嚴陣以待行

奏稿卷三十

完

未三里該逆大股馬賊齊至步賊亦從兩邊秫林內三道奔出
劉松山張詩日等麾軍力戰斃傷數百馬賊尙抵死不退復經
我軍鏖戰逾時始紛紛潰敗各營追殺十餘里經過永平寨直
抵上蔡之雙廟雙廟為該逆占踞之巢守巢悍賊齊出接應兵
勇混戰一時日已向暮遂行收隊就永平寨外趕築營壘與賊
相持是日檢斬礮斃約逾千名十八日大雨未能出隊時有馬
賊前來搦戰劉松山等伏兵要擊略有斬獲方是時各營輜重
尙留於歸村老營相距三十餘里又據生擒賊供該逆有至西
平約牛落紅救援之說劉松山張詩日等以牛逆來援必由歸
村經過雨路夾攻則首尾不能相顧商令十九日將老營移至

永平寨該逆偵知我軍移營預伏千餘騎於萬金寨旁意圖截
取輜重幸總兵李祥和等督隊護送李榮貴易德麟合軍夾擊
將馬賊擊退斬獲多名其旁竄各村莊者亦經易致中搜剿殆
盡兩軍既合商定進取雙廟決一惡戰二十日張詩日與李祥
和朱式雲等率隊進攻左路劉松山等率隊進攻右路該逆以
大股結圓十餘起前來迎敵張詩日飭令各營槍礮齊發力戰
時許斃賊無算漸漸進追過雙廟之後林中忽出賊馬千餘
包抄我軍步賊亦藉勢猛力回撲經彭秀清楊瑞堂力扼後路
擊斃馬賊百餘賊乃退卻各營乘勢猛進十盪十決該逆大敗
尸骸枕藉直追過義合寨前抵洪河岸側逼入水中淹斃者叫

奏稿卷三十

甲

號淨沈數里不絕其右路之賊劉松山分三路進剿步步穩擊
追至雙廟之後該逆將馬步隊伍頓住散而復整回頭衝突將
士惡戰踰時猶相持不下馬賊千餘忽自右路抄我陣後劉松
山揮令易德麟從陣中橫出將馬賊截為兩段唐光輝以槍礮
連環轟擊傷斃數十馬賊悉向高粱林內遁去步賊亦因之而
靡涉水狂奔劉松山飭令各營分途追殺呼聲震地該逆見官
軍追剿甚急自相踐踏有奔向洪河臭水淹死者有陷入泥淖
甘受刃而不拒者總計兩軍檢斬礮斃者近三千名淹斃者數
又過之解散脅從千餘名奪獲騾馬器械無算此十七十九二
十等日三次大獲勝仗之情形也張逆連次被創後不敢停留

因沙河東路水勢過大遂折向西趨二十二日該軍追至歸村
二十三日及於郟城之召陵劉松山張詩日布署既定如牆而
進該逆馬步全股來敵我軍槍礮火彈分段齊發戰不半時斃
賊甚多該逆無心戀戰劉松山等見逆勢不支各軍屢勝之後
一往直前循潔灣河直追至四合莊沿途撿斬槍斃者雖不及
二十日之多為數亦逾二千騾馬器械拋棄泥塗者不可勝計
此又二十三日續獲大勝之情形也查點我軍七日之閒四次
猛戰劉松山一軍共計陣亡二十八名受傷一百四十三名張
詩日一軍陣亡十九名受傷九十一名其因臭水及疲勞受病
者凡數百名據該總兵等稟報前來 臣查張逆一股自近年以

奏稿卷三十

望

來縱橫於齊豫皖鄂之間從未大受創懲此次經湘軍節次奮
擊克敵頓衰精銳損傷三分之一實足以快人心而伸天討各
營將士於盛暑泥淖之中徒涉遠征忍飢苦戰異常出力可否
容 臣查明出力員弁彙案奏獎以昭激勸之處出自
逾格鴻施所有官軍在西華上蔡等處迎剿張逆獲勝緣由恭
摺由驛五百里馳陳伏乞

皇太后

皇上聖鑒訓示謹

奏

近日軍情片 同治五年八月十二日

再近日軍情任賴一股久踞舞陽葉縣之交八月初間邊馬常
至襄城郟城有回竄東北之勢劉秉璋楊鼎勳於初四日由周
家口前赴郟城堵剿張牛一股經劉松山張詩日暨豫省宋慶
三軍跟蹤追剿七月二十一二十二等日又在新野鄧州續獲
勝仗追至南召魯山該逆被追緊急折而奔寶豐葉縣等處邊
馬至長葛洧川一帶聞有回竄東北再窺山東之意 臣檄劉銘
傳潘鼎新兩軍由中牟尉氏一路迎剿與長葛洧川相距甚近
與劉秉璋楊鼎勳赴郟之師聲勢亦可聯絡又令劉松山張詩
日兩軍跟蹤回剿鮑超由汝甯北出迎剿總以力扼東竄然後
可收兜剿之效至防河之策自朱仙鎮以下業由劉銘傳等興
築堤牆工程約就八分現在一經調撥尙未能分汛地堅守如
果各軍分路剿辦邊賊西趨仍當一面追剿一面防河以符初
議除劉松山等新野鄧州接仗細情續行詳奏外所有近日軍
情調度緣由謹附片陳明伏乞

奏稿卷三十

望

皇太后

皇上聖鑒訓示謹

奏

捻股東竄河防無成現派軍追剿摺同治五年八月二十

奏為捻股東竄河防無成現派各軍追剿恭摺仰祈

聖鑒事竊捻眾擾及長葛洧川志圖再竄山東等情臣於八月

十二日具奏在案十三日以後屢據各路稟報張牛任賴等逆

虜聚於許州禹州一帶決志東竄臣所部游擊之師如劉秉璋

劉松山等軍由西路追賊而東先後趕至許州襄城而賊復逸

邇北竄防河之師如劉銘傳潘鼎新等軍八月初間分防各汛

一律工竣十一十二兩日趕赴汴梁幫修省北濠隄一段十四

日劉銘傳回至尉氏潘鼎新回至樊寨十五日據擒賊供稱該

逆欲於中秋夜由汴梁左右東竄劉銘傳等移紮朱仙鎮以上

一面牽制北路賊勢一面兼顧本管汛地十六夜瞭望火光漸

迤而北逼近豫軍長牆派馬馳探行至離汴省十餘里見隄牆

已毀塌數處詢據余承恩云二更時賊股潮湧而至撫標三營

所守隄牆當被衝破賊已竄逸東去等語劉銘傳即派烏爾圖

那遜等馬隊向東追剿派唐殿魁一軍向北截剿未過之賊烏

爾圖那遜追至杞縣境內遇賊接仗頗有擒斬唐殿魁行至汴

城之南正遇牛逆後股當即攔腰猛擊截回馬步賊千餘人向

南逃去由劉銘傳等先後呈報前來臣查河防陸路七百餘里

水路九百餘里地段太長自張市朱仙鎮直至黃河淨沙壅塞

即使竭數月之力認真修防猶未敢謂百無一失臣於七月二

奏稿卷三十

十八日疏內早慮及之今一處疏失功敗垂成半由於人力未

周半由於賊勢過重聞信之餘實深焦憤現已檄令劉銘傳潘

鼎新兩軍由虞城單縣一路劉秉璋楊鼎勳兩軍由徐州韓莊

一路均赴山東跟蹤追剿又飭張樹珊一軍由徐州馳赴曲阜

預備

孔林其李昭慶一軍本畱在濟甯韓莊等處防守運河計臣所

調度之淮勇七軍除周盛波一軍暫畱周家口外餘均飭赴山

東與羣賊縱橫追逐至運河防務自夏水盛漲隄牆坍塌七八

月間又經加工修築比春閒更為堅固差覺可惜但此次賊眾

且悍四股合而為一誓欲渡運東竄深秋水落能否堵禦完固

殊未敢必且賊蹤紛竄無定黃河防務同時喫緊相應請

旨飭下直隸督臣山東撫臣堅守黃河礮船上下梭巡屏蔽畿

輔務保萬全所有捻股東竄派兵追剿緣由恭摺由驛五百里

馳陳伏乞

皇太后

皇上聖鑒訓示謹

奏

奏稿卷三十

請飭李鴻章暫駐徐州調度軍務片同治五年八月二十三日
再密陳者捻匪行徑已成流寇難於收拾於本年三月奏明
在案從前僧格林沁剿辦此賊馳驅四年有餘幾於無日不追
無旬不戰至三年秋冬挫衄良馬盡被捻眾奪去兵力過疲將
星遽隕臣奉

命接辦鑒於追逐之無濟又自度騎兵萬不逮僧格林沁之精
建議設立四鎮兼議扼守運河沙河且防且剿辦理一年有餘
仍無成效日夜籌思憂愧何極上年九月欽奉

諭旨派李鴻章帶兵馳赴洛陽彼時洛陽并無賊蹤而臣所帶
之兵均係李鴻章所部之卒察看賊志實在東而不在西李鴻

奏稿卷三十

吳

章亦恐一離本任則糧餉軍火均無所出彼此據實奏覆事遂
中止今則賊趨東路而臣駐紮周家口相距較遠且值因病請
假期內萬難迅速移營徐州濟甯若移駐東路又恐賊匪折回
西竄仍覺調度不靈伏查嘉慶道光年間黃河防汛之時兩江
總督出駐清江半年或暫駐徐州數月至催趙漕船并有至韓
莊台莊之時總督出省本有成例可否顯懇

天恩特降

諭旨飭令李鴻章攜帶兩江總督關防駐紮徐州專管本轄之
徐海淮泗各府并與山東撫臣商辦山東軍務現在調赴山東
諸軍皆李鴻章所部之淮勇也惟將帥帶兵剿賊非督撫手有

理財之權者軍餉必不應手湘淮各軍五六萬人食兩江之餉
剿三省之賊年餘以來李鴻章籌畫餉項百計經營而淮勇去
年僅發八關今年僅發至五月士卒已微有怨言李鴻章暫駐
徐州俟東路軍務稍鬆仍當回駐金陵或駐清江竭力籌餉乃
足以固軍心而維大局至西路現雖稍鬆亦不可不預為籌備
臣弟曾國荃駐紮德安業已出省惟歷年賊勢在豫時多在鄂
時少捻匪若擾南汝光汝洛等屬不特鮑超可以馳剿即曾國
荃所部諸軍亦可越境會剿可否請

旨飭下湖北撫臣曾國荃遇河南緊急時攜帶關防移駐南陽
府與河南撫臣商辦軍務遇事稍鬆仍當回駐德安或回武昌

奏稿卷三十

吳

兼籌餉項臣現駐周家口正居數省之中如中路有事臣與豫
皖兩省撫臣商之東路有事李鴻章與山東撫臣商之西路有
事曾國荃與河南撫臣商之庶可聯絡一氣呼吸相通臣才智
本短精力日衰值病體之未痊忽軍情之驟變不得不廣求飲
助冀以免於大戾附片密陳伏乞

皇太后

皇上聖鑒訓示謹

奏

河防無成請寬疏防處分片 同治五年八月二十三日

再密陳者此次捻匪全股東竄出於各處所不及料遠近震驚山東必有非常之風波中外必有紛騰之議論其在東路受害之州縣見賊從豫軍所分之汎地內竄出恐不免歸咎於撫臣李鶴年惟主防主勦意見難於遽同言是言非外議未必允當臣謹為持平之論詳陳

聖主之前庶眾說紛紜不足以惑

天聽朱仙鎮以上豫省防兵係余承恩及撫標三營在所轄汎地失事本應從嚴參辦惟該處係屬砂地難於挑挖七月下旬始行興工時日過於迫促濠牆未能堅深兵勇不及三千人數

奏稿卷三十

聖

太單賊勢浩大不克抵禦尚屬情有可原臣是以未及查取職名會商參辦初八日臣到陳州聞賊將東竄即檄劉銘傳潘鼎新兩軍赴中牟尉氏攔頭痛勦乃僅進駐朱仙鎮之北相隔稍遠遂失機宜亦有不合惟自朱仙鎮以至槐店陸路四百里沿河迂繞則五百餘里皆劉銘傳等糾約各淮軍晝夜修築八月初旬一律畢工其張市以上六十里亦係砂地潘鼎新力任其難修築堅固該兩軍又於十一十二日幫助豫軍修築汴北二千餘丈頗著勞勩雖未赴中牟迎勦稍失機宜而所守汎地究無疏失劉銘傳潘鼎新均應免其置議至籌防沙河賈魯河之議臣於六月十四日具奏未奏以前曾有一咨一函商之安徽

河南撫臣請其趕緊興辦既奏以後又有一咨一函馳商兩臣迭接喬松年李鶴年覆信均稱照議辦理並無推卸之辭厥後安徽認真修防河南未遽舉行臣在途次未之知也及接奉七月二十八日

寄諭始知李鶴年有砂多難辦之奏詢及汴南至朱仙鎮一節余承恩等甫經興工汴北至黃河一節尚未興工八月初十前後倉卒修防諸事未齊被賊攻破李鶴年辦事遲疑不無可議之處惟該撫亦大有可諒者河南各官之議均謂賊衰宜於速勦不必為防河之謀賊勢急欲西趨不至有東竄之患幾於眾口一辭並聞京師人士持議亦多如此李鶴年惑於眾論並非

奏稿卷三十

聖

有意執拗與臣立異迨聞淮軍皖軍河防次第畢工乃續調馬德昭回防汴北而為時已遲矣其朱慶一軍在南陽勦賊得力李鶴年不欲調回修防尚係救民水火之意該撫業經奏明在案倘李鶴年自請議處或言路譏其放賊東竄顯懇聖恩暫予免議以觀後效微臣主持防河之策辦無成效分應引咎自責惟目下不參疏防汎地之員亦宜暫緩請處察看東竄之賊情形輕重若何如果蔓延太廣局勢日壞臣當補奏自請處分甘受嚴譴斷不有自占地步諉咎他人抑臣更有請者本年三月賊竄山東臣會同撫臣閻敬銘堵禦運河幸無貽誤現在賊眾銳

意東趨并據擒賊供稱有限三日竄撲運防之說萬一又如同治二年竟竄東岸青萊等府議者以春能守而秋不能守必歸咎於閻敬銘交章論劾事所難免惟春閱兵力較厚警信稍緩此次兵數既單賊去尤速臣所發文報恐均在賊後且春聞張牛先到任賴後到此次四股同往迅雷不及掩耳倘果搶竄運東閻敬銘必自請議處亦求

聖恩稍予寬假保全廉吏徐圖補救臣非敢要譽於同僚也實見流寇極不易辦又目覩四省水災飢民載道勢必紛紛從賊不待張牛等酋之擄脅氣機深為可憂惟賴督撫和衷彼此各自引咎互相原諒協恭惕厲庶可挽回於萬一若值軍事不順

奏稿卷三十

完

之際彼此各懷疑忌互相謗過將帥水火則事愈不可為矣今湘軍之劉松山與豫軍之宋慶同心苦戰親若昆弟李鶴年重用宋慶臣因而獎勸之師克在和豫事必有起色區區愚誠伏乞

聖慈垂鑒若夫防守沙河賈魯河本係策之至拙者臣非不知之無奈馬隊遠不如賊自去秋以來派員七起出口買馬至今無一匹回營全軍並無良馬即駑馬亦嫌太少專恃步隊追剿斷不能制流寇不得已乃出於防河之下策若賊再回竄仍當扼防沙賈兩河邊賊不得復東庶軍務漸有歸宿仰祈皇上預飭河南撫臣為將來同心設防之計是否有當伏乞

皇太后
皇上聖鑒訓示謹
奏

奏稿卷三十

辛

奏為彙陳查辦民圩擒斬匪摺 同治五年八月二十三日

聖鑒事竊自捻逆擾亂以來奔竄無常而時戀蒙亳老巢以為

歸宿其節次回窺皆有秀民為之勾引居則為民出則為捻若

商賈之遠行時出時歸恬不為怪於雉河解圍以後即擬查

辦民圩以清其源曾於上年七月初八日具奏并鈔告示進呈

御覽旋即遴選各員先從蒙城亳州等屬分途試辦蒙城派委

安徽候補知縣桂中行朱名璵亳州派委即補同知李炳濤補

用知縣薛元啟宿州派委本任知州張雲吉而佐以龍山營游

擊吳峻基阜陽派委候補直隸州知州尹沛清而佐以潁州營

游擊翁開甲飭令會同地方正印各官簡擇紳耆照所擬四

條告示認真稽查於被脅從捻者則多方勸諭許以自新於甘

心從捻者則悉力搜拏立予正法計自各該員任事之日起至

本年六月底止蒙城擒獲積捻五十九名亳州擒獲積捻四十

六名阜陽五名其間或係著名捻首聚黨豎旗或係勾捻破圩

殺傷多命或已降而復叛或陽順而陰逆均屬秀民之尤法無

可貸且恐擊獲後有劫犯逃遁等弊預行頒發

大令由各該員訊明即行正法錄供具稟蒙城亳州二屬擒斬

尤多辦理最善本年四五月間任賴等逆由泗宿而人懷遠牛

落紅一股由永城而窺亳州皆欲回至老巢糾合黨羽該二屬

圩寨疊經各員先期開導良民知所愧悟頗以從逆為非秀民

亦知畏法不敢裝旗勾引以故該逆大股徘徊於懷遠幾及一

月竟不能向蒙亳境內肆行盤踞蓋為前此所未聞該員等勞

力勞心著有成效擬於黃陂案內擇尤保獎其正法各捻相

應繕列清單作為第一案恭呈

御覽以後續獲積捻再行逐案開單彙奏所有查辦民圩擒斬

著名積捻各緣由理合附驛馳陳伏乞

皇太后

皇上聖鑒訓示謹

奏

奏稿卷三十

奏

奏

奏

奏

奏

奏

奏

奏

曾文正公奏稿

卷之三十一目錄

湘軍在新野南陽勝仗摺 同治五年九月十三日

淮軍往來剿賊勝仗摺 全日

彙報近日軍情摺 十月十三日

病難速痊請開各缺仍留軍中効力摺 全日

淮軍勝仗詳細情形摺 全日

調鮑超劉松山兩軍分路援剿摺 十一月初二日

奉到 諭旨先行覆陳片

酌籌西路軍務派員辦霆營軍米摺 十一月十七日

欽奉 諭旨覆陳摺 全日

近日軍情片

欽奉 諭旨再陳下悃摺 十二月初三日

暫回本任仍駐徐州並陳下悃摺 十二月二十一日

近日軍情片

回駐徐州接篆任事摺 同治六年正月二十一日

近日軍情並陳鮑超暫緩入秦片

報銷款目分四案開單摺 二月初八日

恭報自徐州起程日期摺 二月十四日

張錫嘏在陝西陣亡請卹 恩片

報回省日期並近日軍情摺 三月二十日

通籌酌解陝甘軍餉片

鮑超傷疾甚劇酌調大員統軍摺 四月初七日

奏撥二成洋稅銀片

奏稿卷三十一目錄

12521 冊頁下 5 231

湘軍在新野南陽勝仗摺 同治五年九月十三日

奏為官軍在新野南陽等處迎剿張牛逆股疊獲勝仗恭摺仰

祈

聖鑒事竊皖南鎮總兵劉松山宣化鎮總兵張詩曰在新野等處剿賊獲勝臣於八月十二日附奏大概在案旋據劉松山等稟稱七月十四日聞宋慶一軍在刁河被圍立即拔隊馳援十五日行抵南陽探知豫軍業已解圍該逆向東南竄過瓦店一帶適白河水勢陡漲覓船駛渡十七八等日渡畢二十一日行抵濼灘與宋慶相見籌商會剿之策是時賊方攻破南陽之尹家寨屯聚各村議定宋慶一軍進左路張詩曰一軍進中路劉

奏稿卷三十一

松山一軍進右路行二里許步賊大隊分路撲近馬賊從兩旁包鈔勢甚披猖我軍三路迎敵戰未半時賊悉退守尹家寨為負岨死拒之計劉松山揮眾猛攻一鼓下之各軍二路跟追至二十餘里之桑莊寨將賊踞村莊四十五處悉數奪回該逆大潰直奔向侯橋寨一路共計斃賊千餘人解散脅從甚夥是晚趕齊輜重躡宿桑莊寨二十二日整隊進抵侯橋寨張牛馬步大隊蟻聚對河相距四五里各軍商定仍分中左右三路宋慶居左張詩曰居中劉松山居右而於中右兩路又各分中左右三路回環策應蟬聯而進由河之南轉折向東追至新野所屬之上仙岡賊股愈出愈多兩旁村莊步賊結成圓陣數十起分

列以待騎賊數千包鈔我軍之後劉松山見賊挾全勢來抗嚴飭各營屹立穩持施放鎗礮步步轟擊未幾馬賊漸包漸近而中路賊勢尤厚先以大股衝撲中路之右經彭秀清羅朝雲率兩營抵住該逆即直撲中路之左長矛數千分排林立我軍當中路之左者為知府銜浙江同知朱式雲督率星豫三營施放噴筒步賊稍卻而馬賊又從星右營之後盤旋而入步賊於煙焰中持矛衝突我軍以短兵鏖戰一以當十血戰半時之久賊之矛桿摧折者猶徒手爭先裹創力戰星左營受敵最久幾不能支朱式雲持刀躍馬往來督陣賊勢漸靡劉松山張詩曰約同宋慶等率隊猛擊呼聲雷動立斃悍賊六七百名合軍追殺

奏稿卷三十一

十餘里遂收隊至上仙岡暫息是日計殺斃生擒及解散者不下二千名奪獲騾馬二百餘匹查點各軍陣亡者哨官花翎都司鄒明立一名受傷最重者副將黃瑞都司賀大有二名各勇陣亡者十八名受傷者二百四十九名由劉松山等詳細具報前來臣查張牛二逆前經劉松山張詩曰兩軍敗之於上蔡等處茲又迫及南陽之尹家寨新野之上仙岡奮勇鏖戰雖殺賊不及前此之多而賊勢之悍臨陣之猛亦近來所罕見劉松山等聞豫軍被圍即日馳援及解圍後即與宋慶聯絡一氣同心苦戰尤得師克在和之義除將出力各員附上上蔡案內彙獎外其陣亡之花翎都司鄒明立一員仰懇

天恩勅部照陣亡例議卹以慰忠魂所有官軍在新野南陽等處勦賊獲勝緣由恭摺由驛馳陳伏乞

皇太后

皇上聖鑒訓示再此案已據河南撫臣具奏合併聲明謹奏

奏稿卷三十一

三

淮軍往來勦賊勝仗摺 同治五年九月十三日
奏為劉銘傳潘鼎新兩軍往來勦賊屢獲勝仗并現籌防勦事宜恭摺仰祈

聖鑒事竊捻逆東竄後調兵追勦 於八月二十三日奏明在案劉銘傳一軍於二十七日馳抵城武潘鼎新一軍於二十六日馳抵濟甯是時賊正屬聚鄆鉅之間山東撫臣閻敬銘派出之王成謙王正起兩軍三次進勦屢獲勝仗二十六至三十等日該逆猛撲運河之袁口靳口開河等處東軍抵禦嚴密未能搶渡其長溝以下之運防李昭慶一軍修築堅固又經潘鼎新一軍趕至濟甯軍威頗壯該逆未敢撲犯三十日劉銘傳潘鼎

奏稿卷三十一

四

新會於汶上境內之馬村探知賊俱盤據梁山前後火光橫互數十里九月初一日劉銘傳一軍由蔡家陵進潘鼎新一軍由方家廟進分道直薄梁山賊之馬隊由東至西包鈔而來張景春烏爾圖那遜督馬隊迎勦劉盛藻唐殿魁率步軍繼進陣斬悍逆數十名馬賊敗走其另股步賊三千餘名馬賊數百人自北而南正與潘鼎新一軍相遇潘鼎琛余在榜等施放炸礮潘鼎立率隊從旁鈔擊賊即轉向西奔我軍三面齊進該逆盡向王莊奪路竄走烏爾圖那遜追至王莊逕入賊隊手斬馬賊身受矛傷五處猶不少卻經張佩之率隊衝進救護回營北路劉盛藻唐殿魁從後追到南路潘鼎琛等攔頭擊之賊不敢戀戰

悉數狂奔我軍追至二十餘里殲賊無算因天晚俱各收隊查
點旗兵陣亡一名馬勇陣亡受傷十餘名自有此戰賊已膽落
次日向南回竄劉銘傳潘鼎新兩軍并力緊追初二至初五等
日在鄆城荷澤曹縣東明等處或一日一戰或一日再戰該逆
被躡窮急三次整眾來犯連不得逞殺傷逃散甚多牲畜器械
遺棄遍地潘鼎新一軍初八日趕至杞縣接仗小勝劉銘傳一
軍初八日趕至睢州該二軍於兩旬之間往來一千六七百里
縱橫追逐迄未停趾現在杞縣陳畱一帶籌備米糧仍即跟蹤
追剿此次賊鋒已挫其勢或可稍衰既不得志於東必仍狂竄
而西已檄令劉松山一軍由扶溝以北向前迎剿并檄鮑超

奏稿卷三十一 五

一軍由南陽至南召魯山一帶遮截賊入洛陽之路如果驅賊
南趨鄂境當一面派兵與鄂軍會剿一面留兵再辦沙賈兩河
防守事宜冀收夾擊之效除劉銘傳等軍初二至初五詳細戰
狀另行續奏外所有淮軍往來追剿獲勝及現籌防剿緣由恭
摺由驛五百里馳陳伏乞

皇太后

皇上聖鑒訓示謹

奏

彙報近日軍情摺 同治五年十月十三日

奏為彙報近日軍情恭摺仰祈

聖鑒事竊捻逆全股由山東曹州竄回豫境杞縣扶溝等處
於九月十三日馳奏在案維時尚不知賊分兩股之說厥後節
據探稟任賴一股分竄西北徘徊黃河南岸黑岡一帶十一日
賊至滎澤壩十二日偷挖河隄十三日豫軍礮船趕到會同陸
軍宋慶等將賊擊退張總愚一股由扶溝分竄西南十四日
日攻撲許州適張樹珊一軍由山東追賊回豫十五日聞許州
告警即率隊馳援一擊敗之劉秉璋楊鼎勳兩軍亦馳抵許州
之小召鋪逐賊於溟河東岸頗有斬擒由是各賊遂分東西兩

奏稿卷三十一 六

路其東竄者為任柱賴汶光一股西竄者為張總愚全股牛落
紅已死其子牛喜接管賊黨或云隨任賴東竄或云隨張逆西
竄尚無確信於九月十八日檄令劉銘傳潘鼎新張樹珊三
軍馳剿東路一股鮑超劉秉璋楊鼎勳劉松山專辦西路一股
潘鼎新一軍九月二十日自朱仙鎮拔隊四日而馳抵定陶該
逆一日夜行二百餘里先於二十一至二十五等日猛撲蓮河
之袁口開河等處經東軍竭力擊退潘鼎新趕到後逆蹤盤旋
於鄆城鉅野金鄉等處二十八九兩日潘鼎新在嘉祥剿賊獲
勝劉銘傳於二十九日至鉅野之葛店派張景春等選帶馬隊
馳剿賊館十月初一日在羊山擊賊獲勝追至金鄉東北之周

打收隊現在劉銘傳紮金鄉潘鼎新紮濟甯之安居賊在金濟之閒張樹珊一軍由虞城馳赴單縣聞賊若不得逞於山東即竄徐淮圖撲運河李鴻章已至徐州諸軍畢集當可保全運防徐圖兜擊此東路各軍剿賊之情形也賊之西竄者由襄城郊縣汝州一路奔竄鮑超於九月十六日由南陽拔隊初聞賊竄襄城擬由裕州一路進剿及行抵裕州知賊已竄汝郊即兼程行走二十一日馳抵魯山而賊已遁往汝州之臨汝白沙地方旋由宜陽永甯連夜狂奔鮑超亦由汝州洛陽跟追二十九日抵宜陽之韓城鎮十月初二日至陝州之章茂砦每日均行八九十里至百里不等劉秉璋楊鼎勳兩軍自許州獲勝後取道

奏稿卷三十一

七

新鄭鄭州汜鞏一路十月初二日行至陝州之觀音堂賊知道兵將至遂於閿鄉西南之大峪口繞越潼關以南闖入陝西之商州一帶各軍餉項未到米糧罄盡陝閩商雒萬山之中初冬苦寒士卒寒衣未備萬難再進據逃出難民稱賊以陝西無食可窺意欲由荆紫關竄往湖北等語查商州與鄭陽毗連又近南陽之內鄉鎮平等處鮑超現擬由章茂寨回至南陽劉秉璋擬由觀音堂回至新鄭一面籌備米糧一面備剿回竄之賊劉松山拔隊稍遲十月初三日甫至汝州因賊去已遠即在汝屬暫駐續候調度此西路各軍追賊之情形也 臣查此次賊分兩股奔竄東路一股劉銘傳各軍尚能追及邀擊西路一股鮑超

等奔馳千里未及接仗實深焦憤惟陝西艱苦已極不特官軍米糧子藥籌運萬難即該逆志在擄掠亦必無所得食恐不久仍將回竄同治二年羣賊銳意入秦三年正月又乘漢中而回竄鄂皖其明證也 臣所慮者山西防務僅恃一河賊若北渡竄晉為患方長伏乞

皇上飭下山西撫臣嚴扼河防保全完善之區若僅在秦境則數月之內又將回竄豫鄂臣已檄飭各軍沿途確探相機迎剿除劉銘傳等在山東各戰應由李鴻章詳細具奏外所有近日軍情緣由謹繕摺由驛五百里具陳伏乞

皇太后

奏稿卷三十一

八

皇上聖鑒訓示謹奏

病難速痊請開各缺仍留軍中效力摺同治五年十月十日

奏為微臣病難速痊懇

天恩准開各缺仍在軍中效力恭摺仰祈

聖鑒事竊臣因病請假仰蒙

恩准兩次均賞假一月在營調理兩月以來加意調治而心氣

過虧不時出汗不能多閱文牘說話逾十餘句外舌端即塞澀

異常耳亦重聽不說話時耳鳴而尚不甚覺因是終日不願見

客標病則屢有變換近日右腰疼痛陝西撫臣喬松年過此目

觀臣狼狽之狀似此病軀久膺重任斷無不僨事之理再四籌

思不得不仰懇

奏稿卷三十一

聖慈請開各缺安心調理惟臣受

恩深重有不敢遽請離營者人臣事君之義苟有所長所短皆

可直陳於

聖主之前臣不善騎馬未能身臨前敵親自督陣又行軍過於

遲鈍十餘年來但知結硬寨打呆戰從未用一奇謀施一方略

制敵於意計之外此臣之所短也臣昔於諸將來謁無不立時

接見諄諄訓誨上勸忠勤以報

國下戒騷擾以保民別後則寄書告誡頗有師弟督課之象其

於銀米子藥搬運遠近亦必計算時日妥為代謀從不誑以虛

語各將士諒臣苦衷頗有家人父子之情此臣昔日之微長也

今臣病勢日重憚於見容即見亦不能多言豈復能殷勤教誨

不以親筆信函答諸將者已年餘矣近則代擬之信稿亦難核

改稍長之公牘皆難細閱是臣昔之長者今已盡失其長而用

兵拙鈍勦匪或尚可倖勝勦擒匪實大不相宜昔之短者今

則愈形其短明知必誤大局而猶貪戀權位諱飾而不肯直陳

是欺

君也明知湘淮各軍相信頗深而必遽求離營不顧軍心之渙

散是負

恩也臣不敢欺飾於大廷亦不忍負疚於隱微惟有懇懇

天恩准開協辦大學士兩江總督實缺並另簡

奏稿卷三十一

欽差大臣接辦軍務臣以散員留營不主調度賞罰之權但以

維繫將士之心庶於軍國大事毫無所損而臣之寸心無忝即

病體亦可期漸愈感激

鴻施曷有既極所有微臣病難速痊請開各缺仍留軍中效力

緣由謹繕摺具陳伏乞

皇太后

皇上聖鑒訓示謹

奏

淮軍勝仗詳細情形摺 同治五年十月十三日

奏為官軍在鄆城等處追剿屢勝恭摺補奏仰祈

聖鑒事竊九月初旬直隸提督劉銘傳山東按察使潘鼎新兩軍在鄆城等處勦賊屢勝 臣於九月十三日附陳大概聲明續報戰狀在案旋據劉銘傳等呈稱九月初一日該兩軍在梁山破賊後初二日追至鄆城之季家莊與賊相隔半程初三日行抵安興孔集等處探知賊在曹州府東之新集初四日嚮明潘鼎新一軍先馳至新集之南約四五里該逆正思西竄我軍衝入賊陣截賊數段逆勢奔潰劉銘傳一軍馬步亦到追殺十餘里至趙王河沿賊由曹州城北西奔兩軍督隊緊追截殺多名

奏稿卷三十一

十一

并生擒擒首興大剛及賊黨二百餘名初五日又及賊於曹縣朱家寨該逆因連日被創窘急先驅牌尾南走悉整悍眾迎犯其馬賊分數股先撲劉銘傳馬隊步賊分十餘團繼之劉盛藻唐殿魁率軍先至張景春率馬隊由黃集迎勦馬步方接戰時潘鼎新由周集直趨賊後該逆前後受敵顧應不暇陣勢紛亂盡向西南奔潰我軍追殺十餘里該逆又折而東走欲鈔潘鼎新後路復經潘鼎琛潘鼎立等從東路擊敗追至桃源驛寨天已昏暮收隊暫息是夜賊不敢停留即由老黃河向正南奔竄初六日由東明界追至新考城之敬勝寨該逆奔向杞睢之間我軍跟蹤緊追沿途逃散及歸降者無算初七日劉銘傳至睢

州潘鼎新至蘭儀賊於初八日竄至杞縣潘鼎新從蘭儀南來行至離城二十里之陽堽集正遇賊馬奔馳當即整隊而前該逆不意官軍又從北面繞出其前未敢交戰棄械亂竄潘鼎琛萬國順潘國揚乘勢掩殺獲馬百餘匹擒斬悍匪二百餘名統計七日之閒大小六戰縱橫盪決無役不勝由劉銘傳等呈報前來 臣查逆眾東犯銳意竄渡運河自九月初一日梁山一戰賊勢稍卻尙思留戀東境為覓食苟延之計劉銘傳潘鼎新兩軍盡力追勦窮賊所往遂使悉數敗竄東省運防無恙固由守禦之嚴亦賴追兵之速其在事出力人員應即歸入前案彙保所有淮軍在鄆城等處勦賊詳細情形恭摺馳陳伏乞

奏稿卷三十一

十三

皇太后

皇上聖鑒訓示謹

奏

調鮑超劉松山兩軍分路援剿摺同治五年十一月初二日

奏為恭報近日軍情並檄調鮑超劉松山二軍分路援剿恭摺

仰祈

聖鑒事竊東西兩路賊情臣於十月十三日馳奏在案西竄之匪十月二十二日以前臣接各路探報均稱賊將回竄豫鄂自二十三以後五日中探報並無西股回竄之說臣恐該逆深入秦境遂於二十七日檄令鮑超統帶選軍由鎮平內鄉浙川進剿紫關以達商州入秦援剿東路一股劉銘傳張樹珊等軍二十六日在曹州接仗獲勝該逆狂奔南竄二十八日據報邊馬已至太康臣恐該逆回至豫境又將西竄汝洛圖犯秦晉晉

奏稿卷三十一

十三

省防務僅隔一河陝州之三门峡津渡一帶河淺石多冰結成橋若乘閒偷渡延晉境尤屬可慮因檄飭劉松山統帶一軍迅赴汝州攔頭截擊遏其西去之路並至陝州三门峡等處與山西臬司陳澍夾河設守力保晉省完善之區惟是選軍入秦湘軍防營不特秦省米糧極少有錢無市即豫省洛陝一帶糧食亦艱貴異常臣已商兩省撫臣李鶴年趙長齡請其為該二軍辦糧並商致陳澍囑其設法多辦糧米舟運入渭接濟鮑超一軍陸運渡河接濟劉松山一軍不知能源源購運無誤軍食否相應請旨飭下趙長齡采辦解濟其糧價運費或由應協臣餉項下扣

抵或由臣另籌解還均無不可抑臣更有慮者鮑超軍中向少

明幹之員料理米糧等事前在皖南由臣派員辦糧源源接濟在江西時各官紳亦竭力助糧全無缺乏故能專心打仗所向有功一離江皖至福建者即有上杭缺糧之譚赴甘肅者又有金口棄舟之變若入秦以後糧米不繼深恐滋生事端從前多隆阿楊岳斌蔣凝學諸軍一入秦境糧貴路遠勇丁逃回者極多以僧格林沁之忠勇辦捻四年有餘凡捻匪所到之處該親王無不躬自追剿惟同治二年捻股入秦該親王未嘗派兵西追想亦因米糧難購之故臣此次檄調鮑超文內有云如實無米可辦到萬分為難之際亦可中途折回並許以兵行至西安

奏稿卷三十一

十四

省城為止不再西征仍奏明專剿捻匪不剿回匪等語與之約定臣蓋鑒於金口之變故特參以活筆預為維繫軍心之地伏乞皇上曲賜原諒臣仍一面諄催鮑超西行得尺則尺得寸則寸總期有益秦疆不生他患冀副聖主眷顧西陲之意所有近日軍情並檄調兩軍援剿緣由恭摺由驛五百里馳陳伏乞皇太后皇上聖鑒訓示謹奏

奉到 諭旨先行覆陳片 同治五年十一月初二日
再 臣 欽奉十月二十日

寄諭該大臣勳望夙著積勞致疾自係實情著再賞假一箇月
在營安心調理欽差大臣關防著李鴻章暫行署理曾國藩俟
調理就痊即行來京陛見一次以慰廑系等因欽此跪誦之下
感悚莫名查統兵大員非身任督撫有理財之權者軍餉必不
應手士卒即難用命 臣前以侍郎辦賊五年卒無寸功後以江
督辦賊四年乃有成效深知其中之甘苦現在湘勇及淮北勇
月餉須七萬有餘淮勇月餉須三十萬有餘皆李鴻章一手籌
畫本年添出清水潭工江北賑務需銀近八十萬軍餉遂形竭

奏稿卷三十一 五

歷李鴻章或任江督或任蘇撫必有實缺一席乃能籌此每月
四十萬之巨款一離江南境內則糧餉軍火均無所出淮湘軍
心立見渙散此等情形 臣於上年九月本年八月曾經兩次詳
奏因

諭旨詢及李鴻章能否移紮豫境不得不再行縷陳上瀆
宸聽李鴻章既難離江境則接署關防似可暫而不可久 臣自
問行軍太呆不能平此流寇精力太衰不能當此大任一俟靈
軍西行就緒病體調理稍痊約計臘尾春初入京
陛見一以謝累歲高厚之
恩一以請辦捻不善之罪再當面懇

鴻恩准開各缺并懇於李鴻章外另

簡大臣來豫接辦 臣但求開缺以減事權斷不求回籍以圖安
逸仍留軍營幫同照料一切維繫湘淮各軍之心聯絡蘇鄂兩
路之氣既無置身局外之想亦免病軀戀棧之譏庶 臣之寸心
稍安而於大局毫無所損除將關防擇日派員送交李鴻章另
疏恭報起程日期外所有奉到
諭旨理合先行覆陳伏乞

皇太后

皇上聖鑒訓示謹

奏

奏稿卷三十一 十六

酌籌西路軍務派員辦運營軍米摺同治五年十一月十日奏為酌籌西路軍務仍令鮑超一軍援秦並遴派大員專辦運營軍糧恭摺仰祈

聖鑒事竊臣檄派鮑超一軍援秦劉松山一軍防晉曾於十一月初二日馳奏在案旋接鮑超來文瀝陳入秦之難反復辯論所最慮者有三一在米糧之難辦一在餉銀之難解一在回匪之牽制兼以口馬尙未到齊擬在南陽陸續操練一俟馬隊練成陝省米糧轉運等事布置周妥再行入關引上年進援粵省大吏一面催援一面代為預備糧草轉運照料客軍至為周到故進兵雖遲而到防未及十日即能一戰克捷等因咨呈前

來請臣代為陳奏臣詳閱該提督所稱均係實在情形惟所慮之三端回匪牽制一節雖屬意中之事然臣前次檄文內許其專勤擒匪不勒回匪業經奏明此時尙無庸預慮餉銀難解一節該營餉項以江西為大宗撫臣劉坤一力顧大局籌解並未稍遲惟路途太遠轉折太多自難免停軍待餉之憂臣一面咨商劉坤一格外趨早一面咨請河南陝西兩撫臣設法按站接解當不至十分遲誤米糧難辦一節則為軍中最要之事查有陝州靈寶縣丁憂在籍之江蘇候補道前任蘇州府知府薛書常才長心細熟悉秦晉豫三省交界情形臣已派委該員就近稟請山西撫臣領銀二萬兩商之臬司陳澍就地購糧接濟

軍并以軍士入秦艱苦其買糧之價由臣籌款另發一箇月不扣勇丁月餉一箇月之外續辦糧米由臣加價一半在勇丁月餉中酌扣一半事事籌畫清晰咨覆鮑超去後鮑超未接此咨因接臣第二次催函頃已復信言俟接江西協餉日內即可赴秦矣查署陝西撫臣劉蓉先經屢催鮑超入秦嗣又奏請改派劉松山劉秉璋楊鼎勳三軍入秦不知各軍前在洛陝未能赴秦先後退回者皆由米糧太缺之故若秦中米糧有著則劉楊等軍可往鮑超亦可前往現在劉松山一軍業已馳赴汝洛與陳澍協防黃河力扼賊竄晉省之路楊鼎勳一軍駐防周家口劉秉璋一軍臣前調回山東因行至睢州遇任賴回竄跟蹤追

勦四百餘里現經李鴻章調赴清江接防成子河等處此三軍者一時均難更動惟鮑超一軍人數較眾約束亦嚴本年所過鄂豫境內臣時加訪問並無騷擾情事今又為之酌加米價廣辦軍糧自不至更有他虞相應奏明請旨勅下河南撫臣李鶴年行知薛書常本籍催令赴晉領銀并請旨勅下山西撫臣趙長齡迅籌銀二萬兩發交薛書常採辦米糧以濟軍食而利戎行山西所籌銀兩或由應協臣餉項下扣抵或由臣另籌解還仍如上次所奏辦理運軍入秦以後離一千餘里離李鴻章二千餘里似應由提臣鮑超自行奏報軍

情庶

朝廷之見聞較速調度較靈并懇

寄諭中許以專勤擒匪不勒回匪俾鮑超得以安慰軍士之心

免生意外之變是否有當恭候

聖裁所有酌籌西路軍務仍令選軍援秦并遴派大員採辦軍

米緣由恭摺由驛五百里馳陳伏乞

皇太后

皇上聖鑒訓示謹

奏

奏稿卷三十一

九

欽奉

諭旨覆陳摺 同治五年十一月十七日

奏為欽奉

諭旨恭摺覆陳仰祈

聖鑒事竊臣接准兵部火票遞到同治五年十一月初一日奉

上諭曾國藩著回兩江總督本任暫緩來京陛見江蘇巡撫一

等肅毅伯李鴻章著授為欽差大臣專辦剿匪事宜欽此旋准

軍機大臣字寄同治五年十一月初八日奉

上諭著曾國藩即遵前旨將軍務交李鴻章接辦該督即回兩

江總督本任辦理餉需軍火源源解俾李鴻章得離江境統

兵進剿則籌餉與剿匪之功均為國家倚重正不必以開缺赴

奏稿卷三十一

十

營始足為朝廷宣力也等因欽此跪誦之下無任欽感遵即擇

於十九日飭派江蘇候補道林桐芳衡州協副將胡正盛謹齋

欽差大臣關防馳赴徐州交李鴻章祇領至臣仍回兩江總督

本任一節

朝廷體恤下情不責臣以治軍但責臣以籌餉不令離營勉圖

後效但令回署調理病軀

聖恩高厚感悚交并惟兩江總督公牘之煩數倍於軍營而疆

吏統轄文武尤以接見僚屬為要義精力日衰用心久則汗

出說話多則舌蹇不能多見賓客不能多閱文牘業經屢次陳

奏數月以來標病雖除而此二患者迄未痊可若非將舌端蹇

澀之症醫治全愈實難勝江督之任且屢陳病狀求開各缺若為將帥則辭之為封疆則就之則是去危而就安避難而就易平日教訓部曲每以堅忍盡忠為法以畏難取巧為戒今因病離營安居金陵衙署迹涉取巧與平日教人之言自相矛盾不特畏清議之交譏亦恐為部曲所竊笑臣內度病體外度大義減輕事權則可竟回本任則不可故前兩次奏稱但求開缺不求離營蓋自抱病以來反覆籌思必出於此然後心安而理得也既不能回江督本任而李鴻章新膺專征之命又難久署江督之篆亦不可不熟計而兼籌查刻下賊分兩股東股任賴等逆竄至光固非西入鄂即南入皖李鴻章或仍

奏稿卷三十一

主

駐徐州或移駐六安以勦鄂賊或移駐潁州以勦皖豫之賊皆在兩江轄境之內是李鴻章暫署江督於勦辦東股毫無窒礙至西股張逆在秦現多方籌辦糧米湘軍防晉業已起行赴洛霆軍援秦即日亦可入關似兩三月內李鴻章兼署江督尚無損於大局合無籲懇天恩勅下李鴻章以欽差大臣暫行兼署兩江總督一面料理出省事宜兩三月後或請另簡兩江總督或請另簡欽差大臣或令李鴻章自薦等餉大員布置後路該大臣出

省之宜遲宜速均聽

皇上權衡定奪屆時再具疏請開江督等缺目下謹遵諭旨暫緩

諭旨暫緩

陛見仍在周口軍營照料一切維湘淮之軍心聯將帥之情誼凡才力所可勉精神所能到必當殫竭愚忱力圖補救斷不因兵符已解稍涉疏懈致乖古人盡瘁之義請釋宸廬所有欽奉

諭旨恭摺

覆奏緣由理合由驛馳陳伏乞

皇太后

皇上聖鑒訓示謹

奏稿卷三十一

主

奏

近日軍情片 同治五年十一月十七日

再東路近日軍情任賴股匪自山東被勒窮蹙回竄豫境初一日渡過沙河由正陽息縣羅山一路狂奔擾及信陽之南將入鄂境鄂軍甫經出隊迎剿即行折回周盛波一軍跟蹤前進初十日遇賊於羅山縣城之東北逼賊南趨山徑首尾環擊擒斬俘獲甚眾該逆向東南竹竿河一帶驚竄又經馬隊截殺無算奪獲騾馬千餘匹十一十二日該匪竄擾光州光山十三日竄至固始探稱圖犯鄂境此股賊匪先在東省猛撲運河傷亡頗多旋在豐單曹濟一帶經劉銘傳等軍痛剿拋棄器械幾盡此次竄至信陽斫取青竹新矛又經周盛波縱橫攔截沿途遺棄

奏稿卷三十一

賊燄實已日衰現飭張樹珊一軍拔隊追擊劉銘傳一軍疲勞

太久臣令在周口休息兩旬亦即赴鄂會剿又檄李昭慶全軍

由潁亳以達光固六安冀與鄂軍一收夾擊之效除周盛波及

東路各軍詳細戰狀此後均歸李鴻章具奏外理合附陳梗概

伏乞

皇太后

皇上聖鑒謹

奏

欽奉 諭旨再陳下悃摺 同治五年十二月初三日

奏為欽奉

諭旨再陳下悃恭摺仰祈

聖鑒事竊臣承准軍機大臣字寄同治五年十一月二十三日

奉

上諭曾國藩請以散員仍在軍營自效之處具徵奮勉圖功不避艱難之意惟兩江總督責任綦重湘淮各軍尤須曾國藩籌辦接濟與前敵督軍同為朝廷所倚賴該督忠勤素著且係朝廷特簡正不必以避勞就逸為嫌致多過慮著遵奉前旨仍回本任以便李鴻章酌量移營前進並免後顧之憂等因欽此跪

奏稿卷三十一

跪

誦之下欽感莫名臣辦捻無效仰荷

天恩不加嚴譴特令回居優缺又蒙

聖慈垂訓解釋避勞就逸之嫌所以曲諒下情者無微不至臣

具有天良豈不思勉圖報惟兩江總督一缺事繁任重察吏

筭鹽籌餉諸大端外又有洋務交涉之件臣舌端蹇澀不能多

見屬僚於察吏二字已不克舉其職筭鹽籌餉兩者亦須精神

周到乃能提挈綱領釐剔弊端臣用心輒汗實難多閱文牘至

中外交涉之事臣素未推究若剛柔失宜不特貽誤事機兼恐

有傷

國體細度此缺之繁難斷非病軀所能勝任與其勉強回任辜

恩薄職不如量而後入避位讓賢臣上次摺內請俟兩三月後再行請開各缺目下察看軍情東路任賴一股鄂軍雖獲勝仗尙未大加懲創西路張逆一股已至鞏川藍田等處鮑超一軍因等候餉銀馬匹尙未據報起程臣彌深焦灼若非李鴻章迅赴前敵恐軍務終無起色合無仰懇

天恩另

簡兩江總督專辦後路籌餉等事或

勅下李鴻章自薦籌餉大員悉心區畫奏明某款某款專供湘

淮各軍俾得出省調度庶幾上釋

宸廑下慰民望臣即在周口行營調養病體暗中商酌軍務不

奏稿卷三十一

五

敢稍存漠視抑臣更有請者臣才力竭蹶不堪負荷艱鉅曾於

同治元年二年三次具奏又於三年十月附片密陳衰狀上年

五月十三日瀝陳精力衰頹舌端蹇澀等情臣未北征之前業

已五次陳奏並非因辦捻無功而始以引疾為卸責之地倘必

責臣以回任則開缺之疏將累上而不已臣咎愈重

宸聽愈煩輾轉耽延徒稽時日大局或因而有損臣心愈無以

自安惟有顛懇

天恩俯如所請准開兩江總督協辦大學士兩缺從此安心調

治一二年後幸獲全愈臣必趨赴

闕廷再求

簡任圖報

高厚之恩於萬一伏求

聖慈垂察所有欽奉

諭旨再陳下悃緣由恭摺由驛馳陳伏乞

皇太后

皇上聖鑒訓示再此次封摺仿照駱秉章入蜀之例即用木質

關防拜發合併聲明謹

奏

奏稿卷三十一

五

暫回本任仍駐徐州並陳下悃摺同治二年十二月二十一日

奏為遵

旨暫回本任仍駐徐州並再瀝陳下悃恭摺仰祈

聖鑒事竊臣承准軍機大臣字寄同治五年十二月初九日奉

上諭前因曾國藩患病未痊軍營事務繁特令回兩江總督本任

以資調攝並因其請以散員自效復疊次諭令迅速回任俾李

鴻章得以相機進勦曾國藩為國家心膂之臣誠信相孚已久

當此捻逆未平後路糧餉軍火無人籌辦豈能無誤事機曾國

藩當仰體朝廷之意為國家分憂豈可稍涉疑慮固執已見著

即凜遵前旨剋期回任俾李鴻章得專意勦賊迅奏膚功該督

奏稿卷三十一

毛

回任以後遇有湘淮軍事李鴻章仍當虛心咨商以期聯絡一

氣毋許再有固請用慰廩念等因欽此跪誦之下感激莫名臣

受

恩極重勦捻無功何敢固執已見不為

朝廷分憂惟臣屢次陳請開缺實以兩江總督任重事繁非病

軀所能勝任累疏所陳均係實情毫無虛飾乃蒙

聖恩寬假勉以弗涉疑慮示以誠信相孚委曲開導無微不至

揆之古人遇合之隆無以逾此臣再四躊躇欲回任則自揣一

日之精神難了一日之公牘終致貽誤地方欲再辭則臣一日

不回本任李鴻章一日不出江境必先貽誤軍事二者兼權仍

以軍務為重謹遵

諭旨即於正月初旬回駐徐州暫接兩江總督關防俾李鴻章

迅速交卸馳赴前敵仰副

皇上殷殷訓誡之至意惟微臣之下忱有不能不再陳於

聖主之前者江督為疆吏最崇之位又為目前完善之區臣一

回金陵則軍事之成敗利鈍不至叢責於一身卸至重之肩居

極優之缺於臣私計豈不甚便惟臣久任將帥有功則受賞無

功則免罰既覺無以謝清議而臣平日教人常以畏難取巧為

戒今因告病而回任迹涉取巧尤覺無以對部曲豈可便一時

之私圖盡隳平生之素守且臣曾奏稱捻匪已成流寇勦辦極

奏稿卷三十一

夫

無把握為患方長等語兩次密陳在案今又擾及陝西流竄六

省縱橫二千餘里剽疾如風李鴻章一人接辦尚恐照料難周

今即萃各路之兵將竭天下之財力專辦捻匪猶難遽滅縱其

不能亦當遵照上年九月初六日

寄諭東西兩路分別辦理李鴻章精力方盛新綰兵符統籌全

局駐紮則以西路為主臣駐紮徐州防勦惟以東路為主一以

為李鴻章後勁之助一以為微臣補過之資至臣病體未痊不

能多見賓客不能多閱文牘業經疊次詳奏力疾以圖軍事斷

難兼顧地方重任惟有願懇

天恩從容籌議另

簡兩江總督仍俾臣以散員效力行開感沐

鴻慈實無既極兩三月後臣再當剴切具奏理合預為陳明伏

求
聖慈垂察至中外交涉事件臣素未講求殊慮輕重失宜查兩
淮運司丁日昌自廣東差旋尚未回任該員精思果力熟悉洋
務合無仰懇

天恩明降

諭旨准令丁日昌暫行護理通商

欽差大臣關防必能有裨時局臣精力衰頹迹近推諉曷勝戰
栗惶悚之至所有遵

奏稿卷三十一

三九

乞
旨暫回本任仍駐徐州並再瀝陳下悃緣由恭摺由驛馳陳伏

皇太后

皇上聖鑒訓示謹

奏

近日軍情片 同治五年十二月二十一日

再近日軍情東路任賴一股盤旋安陸之白口等處鄂軍疊次
獲勝十二月初六日郭松林挫衄一次沈鴻賓營壘被圍苦守

獲全十一日彭毓楠能登武譚仁芳等三軍在沙港地方鏖戰
竟日殺傷相當十二日該逆逼近安陸府城劉維楨一軍乘夜
擊之遂折而東趨十五日姜玉順一軍在應城迎勦以兵力太

單未能扼截臣接曾國荃十六夜來信賊之頭隊已至義堂鎮
距德安府城四十餘里必向孝感大路奔竄等語計算援勦之

師鮑超一軍於初九日行抵棗陽周盛波張樹珊兩軍初九日
至隨州劉銘傳劉秉璋兩軍亦向隨棗一路進發兵力均在鄂

奏稿卷三十一

三九

省西路賊知援兵將至疾馳東趨此勦彼竄備多力分迄無制

勝之策現惟檄令鮑超劉銘傳等軍仍向鄂東分途追勦不知
能否補救曷勝憂憤西路張逆一股疊據各路報稱賊由臨潼

縣屬之交口等處渡過渭北勢將竄擾同朝窺伺晉省臣前於

初九日接鮑超來文因任賴股匪逼近襄陽業經自行奏明移

師赴鄂先勦東股等語臣以籌畫月餘無兵入秦正深焦灼次

日接喬松年函稱鮑超若由荆紫關入秦正恐逼賊愈西轉形
棘手若由潼關進兵機勢較順臣即改檄劉松山速從潼關入

秦頃據劉松山稟報已於十六日自洛陽拔隊援秦年內必入
潼關或可在同朝等處設法攔勦保全晉省完善之區劉松山

張錫嶸等既已入秦應即在陝州設立糧台仍派候補道薛書常管理江南之餉銀洋藥等件擬由徐州雇備長車解至河南省城請

旨勅下河南撫臣李鶴年亦雇長車轉解陝州如此分段遞運較易集事至三河茅津渡一帶河凍冰堅必須有兵與晉省夾河設防已商之李鴻章於淮勇中酌調一兩軍運赴陝州駐紮矣謹附片具陳伏乞

皇太后

皇上聖鑒訓示謹

奏

奏稿卷三十一

三

回駐徐州接篆任事摺 同治六年正月二十一日
奏為 微臣回駐徐州接篆任事恭摺仰祈

聖鑒事竊臣於正月初三日承准軍機大臣字寄同治五年十二月二十七日奉

上諭曾國藩於來年正月初旬接兩江總督關防後即著回駐徐州力顧東路并顧李鴻章後路辦理糧餉無令缺乏江督事繁責重此豈可以安逸之時該督自以迹涉畏難取巧無以對部曲未免總總慮所請令丁日昌暫護通商大臣關防丁日昌係該督所屬即著責成該員妥辦中外交涉事件仍由該督統率無庸令其護理關防等因欽此

奏稿卷三十一

三

聖恩優渥指示周詳聞

命之下敢不懍遵即於初六日自周家口啟程十五日行抵徐州府城十九日署督臣李鴻章派員將兩江總督關防兩淮鹽政印信并通商

欽差大臣關防齎送前來臣當即恭設香案望

闕叩頭祇領任事伏念臣精力日頹治軍無效本不敢再膺繁劇貽誤地方仰蒙

皇上訓誡再三曲為開導不責其畏難取巧并

諭以事繁責重所以解釋疑慮啟發顛愚者無微不至循誦

聖訓感慚無地惟有誓竭心力圖報涓埃常早作而夜思求盡

一第... 卷三十一

忠而補過庶以仰答

高厚鴻慈於萬一所有

陳伏乞

皇太后

皇上聖鑒訓示謹

奏

奏稿卷三十一

三

近日軍情並陳鮑超暫緩入秦片

同治六年正月二十一日

再近日軍情任賴股匪於上年臘杪又竄白口一帶欲從豐洛河搶過襄水均經鄂中水師擊退劉銘傳一軍緊蹙賊後疊有斬擒正月初一日繞出賊前在冠山口獲一勝仗軍氣頗振該逆受此懲創折而下趨據曾國荃來信言鮑超劉銘傳劉秉璋周盛波等軍會合鄂軍三面布置頗密再調李昭慶一軍由信陽至宋河則四面有合圍之勢但地方遼闊賊情詭譎不知能否聚殲等語查此次賊竄鄂境忽東忽西變遷無定躬辦流寇本不可以無定之賊蹤改已定之成局鮑超一軍前經議定援秦不應於十二月初三日奏改援鄂既已援鄂則鄂事未清不應遽奏赴秦該提督急於立功曾國荃亦無定見遂均有前後歧異之處屢奉

奏稿卷三十一

三

諭旨飭責洵屬明見萬里無微不至在歸德途次聞任賴亦有人秦之意恐鮑超從荆紫關援秦而潼關一路空虛萬一任賴西趨汝洛則秦晉兩省均屬可慮已於初十日檄令鮑超緊躡任賴一股無令再竄秦中凡賊在開封以西如南陽汝甯許州境內均與之縱橫追逐如任賴至汝州河陝等處亦即跟蹤西行助晉省河外之防為陝省援師之繼等語檄行去後頃來徐州與李鴻章熟商亦以為現僅劉松山一軍入秦糧運已極不易若使任賴竄陝省則各軍皆須赴秦以四五萬人之糧

餉從江南運至陝西勢必竭蹶貽誤自應暫留鮑超一軍於豫西攔截任賴不使西竄俟任賴一股賊情定後再行奏調霆軍赴秦乃為穩著是否有當理合附片陳明伏乞

皇太后

皇上聖鑒訓示謹

奏

奏稿卷三十一

三

報銷款目分四案開單摺 同治六年二月初八日

奏為造報軍需款目分為四案開列簡明清單恭摺仰祈

聖鑒事竊 臣接准部咨同治三年七月初十日內閣奉

上諭軍需報銷一事本有例定章程惟近來用兵十餘年蔓延

十數省報銷款目所在多有若責令照例辦理不獨虛糜帑項

徒為委員書吏開需索之門而且支應稍有不符於例即難核

准不得不著落賠償將帥宣力行聞甫邀恩錫旋迫迫呼甚非

國家厚待勲臣之意著照該部所請所有同治三年六月以前

各處辦理軍務未經報銷之案准將收支款目總數分年分起

開具簡明清單奏明存案免其造冊報銷等因欽此仰見我

奏稿卷三十一

三

皇上蠲除煩苛務崇大體之至意 臣自咸豐三年帶兵以來統

轄日廣條目太繁曾於咸豐七年十二月酌擬報銷大概規模

陳奏一次十年四月奉

命署理兩江總督即於五月附片奏明擬自咸豐三年至十年

五月分作三案造冊報銷并先將咸豐三年九月起至六年十

二月止作為第一案專摺具奏照例造冊咨部在案 臣初出帶

兵并未奏派大員總理糧台收放各款隨時遴員經營咸豐四

五六年以今湖南撫 臣李瀚章前任守令時經手者居多八

九兩年以江西候補知府張韶南經手者居多十年五月忝任

江督以後始奏明於江西省城設立總糧台派江西布政使總

司其事臣時駐紮祁門另設行營支應糧台添委江西建昌府知府隋藏珠與張韶南會同經理至十一年秋克復安慶圖攻金陵又於安慶立台名曰江外糧台調隋藏珠管理而以江西候補知府王延長副之其留於祁門者支應皖南諸軍名曰山內糧台其時張韶南物故派安徽候補知府李興銳始終其事其隨臣弟曾國荃在安慶金陵者則有江西候補知府李作士等員別無台局名目但在舟次支應而已臣統軍甚久人數甚多款目甚鉅而委員極少前後十餘年大小委員不滿四十人以故浮費較少頭緒易清此臣營歷年支放軍需大概情形也同治三年七月奉到

奏稿卷三十一

三

諭旨飭開簡明清單即札行各省台局開送歷年所解餉項總數彙齊核對嗣准各處陸續送齊即於四年十一月在安慶省城設立報銷總局派安慶江西兩省布政使總理其事仍令王延長李興銳二人專司勾稽以資熟手又添派安徽候補知府彭嘉玉幫同查核其江西總台案卷則由江西布政使派委候補同知直隸州陳長吉齋至安慶會同清釐一年以來各該員等逐款稽查悉心覈算開單則期於簡明底冊則歸於詳核茲據署安徽布政使吳坤修江西布政使孫長紱前署安徽布政使調任湖北布政使何璟會同詳稱自咸豐二年九月起至六年十二月底止前經具奏者茲亦重開一單列為第一案共收

銀二百八十九萬一千四百一十九兩五錢有奇收米五萬三千七百四十九石八升有奇共支發銀二百六十六萬七千三百七十一兩六錢有奇支放米三千七百九十九石五斗八升有奇所餘銀兩及餘米變價等項共計存銀二十九萬一千三百九十四兩一錢有奇其自咸豐七年正月起到二月二十日臣丁憂回籍之日止陸續支放及各項雜款未經列入初案者另開一單作為第二案共支發銀二十九萬一千三百九十四兩一錢有奇自咸豐八年六月臣由原籍起復帶兵援浙之日起至十年四月底止開列一單作為第三案共收銀一百六十九萬一千六百七十六兩一錢有奇收錢一千一百九十九兩有奇

奏稿卷三十一

三

共支發銀一百六十二萬七千四百六十六兩八錢有奇支發錢一千一百九十九兩有奇自咸豐十年五月臣接任兩江總督起至同治三年六月克復金陵止開列一單作為第四案共收銀一千六百八十五萬四千五百九十九兩七錢有奇收錢九十六萬五千五百五十二兩有奇共支發銀一千六百七十六萬三千七百七十五兩有奇支發錢八十九萬二千八百六十三兩有奇以上四案均就實收實放之款逐一開報其各軍欠餉及協濟各路銀錢等款另行分析開單具詳請奏前來臣查向來軍營放款緩急多少糧台委員得以主持其事臣營則十餘年來無論支發何款無不親自裁度雖有不合例之供支從無不核實

之款自同治二三年間統軍至十餘萬人欠餉至十五六箇月
從未有兵勇向糧台索餉滋鬧者一由於糧台之銀隨到隨發
從無存留一由於發餉之際概由微臣斟酌不與委員相干因
是差免於浮冒之弊而即以取信於將士之心此次彙辦報銷
為時閱十二年之久用款至二千一百三十餘萬之多臣復加
查覈均係確鑿可據除自三年六月以後至四年五月北征之
日止臣督飭各員接辦照例報銷外所有咸豐三年九月起至
同治三年六月底止軍需款目分為四案開列簡明清單恭呈
御覽謹專摺具陳伏乞

皇太后

奏稿卷三十一

三

皇上聖鑒勅部查照辦理謹

奏

恭報自徐州起程日期摺 同治六年二月十四日

奏為學奉

諭旨移駐金陵恭報起程日期仰祈

聖鑒事竊臣於正月二十九日承准軍機大臣字寄同治六年

正月二十四日奉

上諭曾國藩既經接受兩江督篆所有察吏籌餉及地方應辦
事宜均關緊要且金陵亦不可無勳望素著大員坐鎮著即回
住省城以資鎮攝該督公忠體國自當仰體朝廷倚畀之隆勉
為國家宣力一切軍情並調度事宜仍著李鴻章隨時咨商以
資裨益等因欽此旋於二月初一日又奉正月二十六日

奏稿卷三十一

四

寄諭曾國藩奏赴徐接印任事一摺覽奏欣慰著該督即遵前
旨回駐江甯省城籌辦糧餉及地方事宜以資坐鎮等因欽此
跪誦之下感悚莫名臣辦捻無效夙夜疚心自交卸兵符以後
鮑超捷於湖北劉松山屢勝於關西雖較之去歲微有起色
而寇氛仍未大衰殄滅尚無把握臣展轉憂惶以回任為可愧
之事幸李鴻章忠果耐勞毅然以勦捻為己任或可分
宵旰之憂臣補微臣之愆咎而淮湘各軍將士人人以餉絀為

慮

朝廷亦恐後路或不應手前敵即難奏功殷勤

訓誡至再至三臣仰承

慈訓定於十六日由徐起行回駐金陵籌辦一切臣用心軫汗之病近已漸愈披閱公牘尙能盡職舌端蹇澀之病猶未痊愈疆臣之職每日至少須見客五六次察看僚屬詢訪教戒乃爲稱職臣到省之後加意調理如實不能多見賓客自度不克舉其職仍當據實陳情不敢以病軀戀棧如稍可支持自度不至曠官亦不敢託疾飾辭上負

高厚生成之德所有臣自徐起程回省日期恭摺由驛三百里馳奏伏乞

皇太后
皇上聖鑒訓示謹

奏
奏稿卷三十一
聖

張錫嶸在陝西陣亡請加 恩片 同治六年二月十四日再翰林院編修張錫嶸於本年正月初六日在陝西西安府雨花寨地方勦賊陣亡業經喬松年奏奉

上諭張錫嶸着追贈翰林院侍講學士銜照侍講學士例議卹以慰忠魂欽此欽遵在案竊維張錫嶸由翰林院編修大考高等歷蒙

文宗顯皇帝簡用山西副考官雲南學政當其入雲南時人人視爲畏途自抵貴州境後驛路動多梗塞州縣全無供支張錫嶸毅然造征往往徒步而行雜糧充飢速抵滇省後守城數次全未開考卽丁父憂又復徵行賊中間關回皖臣時在安慶與

之接晤聞其往返滇南不避艱險又見其誦法先儒學有本源卽已深器其人四年六月臣駐軍臨淮檄令張錫嶸辦理營務旋令招募靈璧勇立爲敬字三營朝夕訓練該編修戎衣短後

帕首鞭刀能於烈日雨泥之中奔走不輟靈璧爲淮北瘠苦之區其勇丁極耐勞苦慣食麥麪臣舊部湘勇及李鴻章淮南之勇均不慣於麪食臣常慮其於北路不甚相宜既見張錫嶸募

成淮北一軍則期望甚切意欲儲爲西北之用曾於四年七月五年正月兩次具奏并於五年十一月十七日將張錫嶸附片密保謂其習勞耐苦不名一錢與劉銘傳潘鼎新劉松山三人並稱蓋一則以張錫嶸堅苦有守意欲稍加磨鍊漸付艱鉅之

任一則以微臣衰病侵尋意欲求賢自輔冀收桑榆之效也臣前撤湘軍十餘萬人獨留劉松山一軍因其紀律嚴明戰守可靠上年臘月檄張錫嶸與劉松山會合援秦令與湘軍同戰以資觀摩不料正月初六日之役張錫嶸身率百餘卒親自陷陣登時負傷殞命聞報之下深為慟惜既惜該編修好學耐勞齋志以終亦惜勇丁之習慣麪食宜於西北者統將不易再得也臣頃回駐徐州張錫嶸之長子張志敦匍匐來營年僅十三歲已讀經書衣不掩脛家計困窮盡焉傷之謹將張錫嶸生平志行及臣所屬望於該員者略陳梗概可否將其子張志敦量為加恩之處出自

奏稿卷三十一

四三

聖主格外鴻施理合附片具陳伏乞

皇太后

皇上聖鑒訓示謹

奏

報回省日期並近日軍情摺 同治六年三月二十日

奏為恭報微臣回省日期並陳近日軍情恭摺仰祈

聖鑒事竊臣移駐金陵起程日期於二月十四日具奏在案拜摺後十六日自徐州至韓莊由運河水路南下二十二日查看成子河防務二十三日行抵清江與漕臣張之萬晤商一切二十六日至清水潭驗視新修河隄三月初三日至七濠口查閱瓜洲鹽棧初六日行抵江甯省城旬日來接見僚屬披閱文牘勉力支持深以不克稱職為懼疊據各路稟報鄂省賊股由皖境回竄後盤旋黃陂黃岡等處現又擾及雲夢向西北竄走或由德隨遁入豫境或由安陸偷渡漢水均屬可慮臣接李鴻章

奏稿卷三十一

四三

會國荃來函均擬令鮑超由樊城會師東下惟該提督兩次奏請開缺不知其傷疾舉發近狀若何臣已馳函再三勸誠勉其力疾進兵不知能否迅速拔隊至陝省股匪劉松山一軍自二月十五夜攻破銀渠金渠後該逆竄過渭北二十一日劉松山進軍郿縣探知張逆已與回逆合股勢頗蔓延三月初一日我軍出隊迎擊踏平沿河賊巢奪回村莊十餘處該軍自援秦後連次獲勝似於戰事尚有把握惟擒匪之狡譎回匪之齊心均屬悍寇而進兵愈遠運糧愈難孤軍深入尤不放心臣屢囑其暫圖穩慎俟各軍四集別有後繼之師再為猛攻之計臣勦擒年餘無功而返臣弟國荃所部屢次敗衄憂愧無地惟有謹遵

諭旨力籌軍餉源源接濟俾前敵不至匱乏軍心藉以維持或可補救愆尤仰答

高厚鴻慈於萬一所有微臣回省日期及陳近日軍情緣由謹繕摺由驛三百里馳陳伏乞

皇太后

皇上聖鑒訓示謹

奏

奏稿卷三十一

聖

通籌酌解陝甘軍餉片 同治六年三月二十日

再臣於二月初七日欽奉

寄諭陝省需餉萬緊飭令於協甘專餉內按月籌銀一萬兩專

解陝西等因又於二月十五日欽奉

寄諭甘肅餉項支絀必得各省協濟飭令酌量情形每月究能

撥解若干據實具奏等因欽此查協甘餉銀除江海關月撥銀

一萬兩外臣於四年五月奏定每月協濟三萬兩自五月起至

十月止按月均交楊岳斌提餉委員轉解十一月以後李鴻章

議定以二萬兩解楊岳斌軍營以一萬兩解穆圖善軍營按月

解至五年六月止尚未絲毫短少五年六月以後清水潭決口

奏稿卷三十一

聖

江北釐課大減李鴻章奏明協甘之款先儘收數分作三股以

兩股撥陝甘督臣軍營以一股撥甯夏軍營約計每月尚有二

萬兩統計四年五月以後解過銀六十餘萬臣此次回任後核

計應發餉項如淮勇各軍剿捻之師劉松山援陝之師鮑超援

鄂之師及籌解京餉本省應撥綠營漕標兵餉淮揚太湖水師

月餉皆係無可議減之款統算一年入數較之出數不敷甚鉅

淮軍每年正餉僅放九關久欲設法增添而計無所出實為臣

疚心之事即上海鐵廠今年擬造輪船亦尚無款可籌論目下

江南情形本難兼顧外省協餉惟協助甘肅軍需萬無可推諉

之理臣仍照原奏每月二萬兩之議按月籌解即指定之江北

釐金或月收不及三萬亦當以他款補足以期有言必踐若欲於協甘之外添協陝餉實屬無此餘力臣再四思維陝甘軍務本屬相聯一氣目下甘回常竄陝境陝捻亦近甘界軍務本須通籌協餉亦可融解擬於每月協甘三萬兩內以二萬兩解甘肅軍營以一萬兩解陝西軍營仍俟籌解兩三月後察看兩省軍務孰緩孰急再行定議如此通籌酌解則甘肅軍營合之浙江劃抵之一萬兩每月可得蘇餉三萬兩陝西軍營每月可得蘇餉一萬兩如此酌盈劑虛庶足以資周轉理合附片覆陳伏乞

皇太后

皇上聖鑒訓示謹

奏稿卷三十一 聖

鮑超傷疾甚劇酌調大員統軍摺 同治六年四月初七日 奏為提督鮑超傷疾甚劇酌調大員南來統軍恭摺仰祈 聖鑒事竊浙江提督鮑超傷疾舉發兩次奏請開缺調理未蒙 允准臣亦以軍情正緊馳書鄂中再三勸勉屬其力疾進兵向 未接該提督回信頃接李鴻章函鈔寄霆營各鎮將宋國永等 公稟懇陳鮑超病狀據稱本年正月間楊家津接仗獲勝後鮑 超督隊追賊五晝夜迄未少息虛火上炎兩目盡赤嗣以發表 太過引動舊傷日益增劇左手已麻木不仁頂上傷疤肉跳轉 側呻吟三月十二日昏暈一二時之久痰湧咽喉良久始蘇又 加左肋之傷亦復跳痛不止實屬萬分危險請迅派大員前來

奏稿卷三十一 聖

接統近日尚可親為交代萬有不測更無人親算交代等語臣 接閱之下不勝爓灼鮑超帶兵十餘年肅清東南無役不從實 為第一著名驍將其受傷多而且重眾所共知今宋國永等縷 稟如此當無捏飾臣現已派員前往襄陽攜帶藥物屬其酌量 情形如實難支持即由李鴻章奏明前來江甯安心調理或可 冀其漸次痊愈惟霆營人數較多立功最久各營官類皆百戰 餘生資望相等非有才智卓越情誼相聯之大員難勝接統之 任查鮑超部下諸將以宋國永婁雲慶二員為最著宋國永前 在江西之沙井湖北之金口不能定亂因案革職此次在營出 力尚未奏請開復且其才欠剛斷不足以資統率惟現署直隸

提督正定鎮總兵婁雲慶臨敵調度條理秩然同治三年駐軍上杭各勇以缺餉譁謀該員從容鎮靜危而得安是其才堪應變已有明證目前劉長佑添練新兵保衛畿輔亦屬需才孔亟之際然較之鄂豫等省賊氛之熾湘淮各軍求助之殷究有緩急之殊而婁雲慶在直隸日淺尙非必不可少之員以之接統靈軍則可和輯眾心李鴻章來函反覆熟商與臣意見相同合無仰懇

天恩勅下直隸督臣劉長佑迅即派員接署提督篆務俾婁雲慶即日交卸由天津乘坐輪船前來江甯與之商定一切速赴軍營庶靈軍得有主持之人鮑超即可安心養病如鮑超病

奏稿卷三十一

完

勢日愈無須更換統領當令婁雲慶另募一軍在於安慶認真訓練其餉項取之湖北即以郭松林彭毓橘兩部裁撤之款作為婁雲慶新軍之餉當常坐輪船馳至安慶親督操練務成勁旅以遏寇氛前月賊至黃梅宿松之交安慶及附近州縣遷徙一空速准軍星馳往援賊又倏忽西趨若此軍練成則皖鄂之江濱有備各淮軍專勦北路李鴻章可省南顧之憂於大局似有裨益所有酌調大員南來統軍緣由謹會同湖廣總督臣李鴻章恭摺由驛五百里馳陳伏乞

皇太后

皇上聖鑒訓示謹

奏

奏稿卷三十一

手

奏撥一成洋稅銀片 同治六年四月初七日

再回任後通計餉需款日一年入數較之出數不敷甚鉅且有萬不容緩之事須另行籌款者約計數端如製造輪船實為救時要策上海開設鐵廠在滬及洋購買機器兩副大致已屬全備而造船一事則以無款可籌尚未興辦前在安慶曾試造一小輪船不甚得法李鴻章苦心經營獨得要領現在江甯上海各局製造洋礮洋鎗洋火等項均用內地匠人能學外洋機巧以必應速辦之事又有可乘之時有可用之人而坐困於無可撥之銀殊覺機會可惜此一端也勦捻之師如劉松山一軍例支月餉六萬兩入秦以後因添發米價運費將近七萬今

奏稿卷三十一

十一

年尚僅解去兩關該軍孤懸西陲日與捻回兩寇接戰深恐餉項不繼或生他變准勇諸軍人數較多靈軍湘軍上年均發滿餉准勇僅發九關寸心抱歉久欲略為增添而計無所出近則蘇局釐金大減滬釐亦遠不如前鹽務則久無起色似此情形并不能足九關之數目下三四兩關即難湊齊夙夜憂懼深恐無以維繫軍心此又一端也捻逆馳突無定常謂北以黃河防務為主東以運河防務為主南以大江防務為主能守定此數處不使賊蹤竄過一步大局尚不至決裂而長江上下數千里僅恃水師絕少陸兵北岸沿江最要郡縣安慶僅有兩營揚州亦僅兩營滁州和州無為州並無一兵思添練數營布

各城為患患預防之計免致如二月間賊竄江濱上下千里紛紛遷避亦以無款可籌迄未舉行此又一端也運河自清水潭以外處處卑薄墊塌險工林立前月漕臣奏修堤壩又另片奏挑張福口引河修復新隄三案分別勸捐撥款辦理經過准揚察看商民太苦旋經咨商停捐而各工均不可緩銀款又無可撥此亦一端也臣在營十餘年每謂疆臣自有籌餉之權從不敢以支絀情形輕瀆

奏稿卷三十一

十一

之不辦再四思維實有萬難周轉之勢查江海關洋稅一項自扣款清結以復提解四成另款存儲部庫本係奏定專撥之款未敢動用絲毫惟現當餉需萬緊合無仰懇天恩俯准將洋稅解部之四成酌留二成以濟要需如蒙俞允擬以一成為專造輪船之用以一成酌濟淮軍及添兵等事其餘二成仍隨時按結報解俟輪船辦理就緒各軍餉項稍裕即當奏明仍按四成全數解部以符初議理合附片陳請伏乞

皇太后 皇上聖鑒訓示謹

奏

奏稿卷三十一

五

曾文正公奏稿

卷之三十二目錄

陳明天旱水涸及東西兩路軍情片 同治六年五月十日

謝授大學士 恩摺 六月初十日

江甯昭忠祠合祀楚軍水陸營官片 七月二十九日

霆軍分別撤雷婁雲慶另募新軍摺 全日

籌撥直隸安徽協款試辦導淮摺 全日

李朝斌本姓王氏請仍歸李氏片 十一月初三日

籌辦本年江北新漕摺 十二月初三日

江甯建立軍營官紳昭忠祠摺 全日

擬補長江水師各缺續陳未盡事宜摺 同治七年三月初五日

陸營借補小缺請 飭部核議片 全日

六年江北冬漕併歸海運詳議章程摺 全日

擬赴上海查閱鐵廠片 四月初七日

遵 旨酌提制錢解津摺 閏四月十四日

直隸陝甘協餉分別籌辦摺 全日

催劉銘傳赴營密片

謝授武英殿大學士 恩摺 五月初八日

預籌撤勇經費摺 七月二十二日

查明運河水誌情形摺 全日

陳明天旱水涸及東西兩路軍情片同治六年五月十五

再任賴逆股自鄂省出竄現在擾至葉裕許州一帶已有東趨

之勢山東防務以運河為最要去年逆蹤三次竄撲均經苦戰

擊退固由防務之嚴密亦恃水勢為屏蔽本年天氣亢旱河水

乾涸臣率屬步禱已逾兩旬雖於四月二十四日五月初三初

十日得雨三次均未霑足農田枯坼禾稻不能栽插鹽河無水

鹽斤不能出場遠近祈禱人心皇皇皆由微臣位高德薄上干

天和累及斯民憂愧無地徧詢各處湖南江西浙江等省及蘇

松徽甯等府已得透雨安廬鳳潁淮揚江鎮等府及鄰省湖北

均未得沛甘霖若過夏至不雨則旱災已成不特民食軍餉兩

無所出且恐飢民流而為寇軍務愈形棘手目前運河日涸水

師無可展施早兵尙嫌單薄賊如悉數猛撲恐上年之濬河修

牆前功盡棄此東路軍情之可慮也至陝西張逆一股屢經劉

松山擊敗逆燄漸衰聞有回竄出關之意如又竄至豫鄂應請

旨敕下李鴻章仍檄劉松山追賊東還不宜久留秦中一則道

途太遠糧餉難運一則該軍與捻逆接仗已多深悉賊中伎倆

應令各軍全力合謀先保中原腹地臣治捻無功抱愧莫釋天

時人事交惕於中苟有所見不敢不據實上陳伏乞

皇太后

皇上聖鑒訓示謹

奏

奏稿卷三十一

謝授大學士 恩摺 同治六年六月初十日

奏為恭謝

天恩仰祈

聖鑒事竊臣接准吏部咨開同治六年五月初九日內閣奉

上諭曾國藩著補授大學士仍留兩江總督之任欽此當即恭

設香案望

闕叩頭謝

恩訖伏念臣材識疎庸班資尚淺謬點參知之位久懷覆餗之

虞比以勤捨無功回居本任尤抱慙於衾影若冒涉於冰淵茲

乃欽奉

奏稿卷三十一

三

恩綸晉階端揆處人臣之極地為稽古之至榮當此時事多艱

討賊無效既幸寬於譴責反洵晉乎台司

恩遇彌隆悚惶何極臣自回江南倏逾三月精力日減舊病未

痊文牘憚於詳求賓僚艱於接見不特軍國大計無補絲毫即

論吏事之多疎已覺斯職之不稱五月初間本擬具疏陳情讓

賢避位時以亢旱為災民心惶懼今則羣賊東竄軍事方殷自

當補救乎艱虞未敢輕言乎進退赧顏而拜

新命撫躬而省舊愆惟有勉竭愚誠強扶衰疾更集思而廣益

冀補過而盡忠或以仰答

高厚鴻慈於萬一所有微臣感激下忱謹繕摺叩謝

天恩伏乞

皇太后

皇上聖鑒謹

奏

奏稿卷三十一

四

江甯昭忠祠合祀楚軍水陸營官片同治六年六月初十日
再江甯省城建立昭忠祠請祀湘軍陣亡各員弁臣於同治三年十月二十二日具奏欽奉

諭旨允准在案當建祠之始係在金陵初克之時就偽王府略加修葺專祀圍攻金陵之陸軍將士計陣亡病故不下二萬四五千人未能推及水師亦因水師昭忠祠先於咸豐八年奏建於湖口縣之石鐘山已足以妥忠魂不必更以金陵專祠為重也惟論金陵克復之功實賴水師肅清江面斷絕賊糧上游三千里濱江城隘皆由水軍苦戰得來最後九洲洲一役戰功尤偉死事更多而江甯昭忠祠僅及陸師未列水師究不足以彰公道現擬略易規模重加釐訂其陸軍哨勇之祀祀者業於同治三年編立神牌應即仍如其舊惟將祠內正屋改造一層並祀水陸之統領營官庶幾於理至順於心始安相應奏明請旨准將江甯昭忠祠合祀楚軍水陸各營仍飭地方官一并春秋致祭在

奏稿卷三十一 五

國恩尤為公溥而眾心亦皆允愜理合會同兵部侍郎臣彭玉麟附片具陳伏乞

皇太后
皇上聖鑒訓示謹

奏

霆軍分別撤留婁雲慶另募新軍摺同治六年七月二十九日
奏為霆字全軍分別撤留並檄婁雲慶另募新軍以備防剿恭摺仰祈

聖鑒事竊提督鮑超回籍養病臣於六月初十日具奏旋奉六月十八日

寄諭曾國藩奏鮑超傷病深重懇准回籍一摺本日已明降諭旨允准其所部各營並令婁雲慶接統矣該提督馬步各營人數太雜紀律未嚴應如何嚴加裁汰分別撤留之處著曾國藩李鴻章悉心籌商著責成婁雲慶嚴加整頓毋貽他患等因欽此查霆軍步隊二十營馬隊十二營自鮑超患病後暫交前宣

奏稿卷三十一 六

化鎮總兵宋國永代統數月頗稱安靜而宋國永秉性謹慎偏於慈柔又鑑於昔年金口之變屢次來稟不敢接統臣奏調正定鎮總兵婁雲慶統轄該軍而霆軍各將領又畏婁雲慶之嚴明公稟不願隸其部下五月之季婁雲慶自直隸馳至金陵臣與之商酌該鎮亦以霆軍人數太多彈壓匪易各將領共事已久勢分本相等夷雖公稟不過出於一二人之私意而情誼既有未孚臨急必難得力不敢冒昧接統臣又與李鴻章及湖北督撫兩臣往返函商僉謂代統全軍固難其人分統各支亦非長策遂定分別撤留之議霆軍之制步隊每營六百人馬隊每營二百四十人步隊苦戰多年為賊所憚馬隊募練未久尚無

威名於是酌定先撥馬隊十二營步隊六營留留步隊十四營
舊日臣等國臺主持調度仍令宋國永駐營照料一面即令婁
雲慶馳赴安陸府另招步隊九營俾已撤者可應新營之募新
招者仍係慣戰之兵由臣分別檄行去後正在籌辦間續奉六
月二十一日

寄諭譚廷襄奏此軍人數較眾內多降勇一議遣撤勢必藉端
索餉枝節橫生祇可議分不可議撤等語所奏不為無見著曾
國藩李鴻章設法籌辦總期駕馭得宜毋滋事端等因欽此
早夜籌思亦嘗深慮及此故不敢以未定之事遽行入告仰煩
宸念茲據宋國永馳報於七月初一日起至初四日止先遣步

隊六營次遣馬隊十二營籌給口糧收回器械各弁勇悉遵約
東並無浮言間有不法之勇欲肆煽惑立即查獲正法其遣撤
之勇有回籍歸農者有至婁雲慶新營應募者各聽其便遣散
時既已安靜則沿途必不至另滋事端宋國永辦理此事極為
妥協所留之十四營現仍駐紮襄陽之八條岡該軍若防堵鄂
境必可得力若令征剿外省則宋國永久勞之身苦求卸肩
亦慮其過於慈柔難勝重任容當續為籌商奏明辦理其雲營
馬隊既撤之後內記名提督譚勝達唐仁廉曹志忠等均係著
名驍將臣令其酌帶鞍馬另募北人附入淮軍步隊之中會同
剿賊現經李瀚章等檄令挑選精騎一千匹帶赴濟甯歸李鴻

章請遣大約馬隊雖撤仍須就現有馬匹補招足額不過裁減
南勇多換北人改彙軍之名目就淮勇之範圍以便會剿一路
耳至婁雲慶新招之營已據稟報於六月二十八日前赴安陸
府開招將來募練成軍飭駐何處防剿宋國永既不能遠征或
將其部下各營酌量撥歸婁部統轄均俟另案陳奏所有彙軍
分別撤留並檄婁雲慶另募新軍緣由恭摺由驛四百里馳奏
伏乞

皇太后

皇上聖鑒訓示謹

奏

奏稿卷三十一

八

籌撥直隸安徽協款試辦准摺日 治六年七月二十九
奏為遵

旨籌撥直隸安徽協款並另行籌款試辦修復淮濱事宜恭摺
仰祈

聖鑒事竊准部咨覆奏候補四品京堂彭祖賢奏旱災較重請
籌賑濟一摺議提江蘇釐金銀二十萬兩解京支放等因同治
六年五月二十六日具奏奉

旨依議欽此又准軍機大臣字寄同治六年七月初三日奉
上諭江海關應協餉前經部議照常撥解現在皖軍出境防
堵需用甚亟著曾國藩郭柏蔭迅為按月籌撥等因欽此臣查

奏稿卷三十一 九

直隸賑銀皖省協餉均屬必不可緩之事而此二事之外尚有
為時較緩而需款尤鉅之事本年二月間准揚紳士公稟請復
淮水故道臣以費用須百餘萬金無款可籌不敢批准而念上
年清水潭之變官帑之用出及少征者已逾百萬民間所失之
數尚不止此目覩淮揚民困又復不忍批駁遲之數月始議定
撥銀試辦以上三端共需銀數十萬兩目下江蘇之全力皆以
供勦捻之緊餉實有不敷周轉之勢請為

皇太后

皇上粗陳其略即如直隸賑銀一項部咨指令於釐捐項下籌
撥查江蘇釐捐共分三處一為江北釐金除指供甘餉每月三

萬外并無盈餘一為蘇州釐局一為松滬釐局除認供淮軍巨
餉外尚有淮揚太湖兩支水師月餉撫標兵丁額餉織造大運
等項皆於釐局取之此外入款又有鹽釐茶釐關稅三宗出款
又有陝西湘軍之餉湖北霆軍之餉漕臣月協之餉車駝轉運
之費製造軍火之費近日師集膠萊又添米糧海運之費款目
浩繁支應絡繹以入抵出本年尚短銀七十萬以外斷無餘力
分撥他處惟直隸為根本重地無論如何為難必應設法籌濟
臣現飭令蘇州布政司丁日昌於地丁項下籌銀六萬兩分批
解京以供支放此外實難再撥仰求

奏稿卷三十一 十

以無款可撥從未起解喬松年在安徽巡撫任內皖營十分支
絀而未經奏催江海關一款即英翰上年請留丁漕摺內歷數
各省協餉亦未議及此款皆深知關稅短絀無可勻撥也目前
英翰出省防勦需餉尤亟奏催海關協餉自係萬不得已之舉
臣亦諒其苦衷當英翰未催關稅之先臣於六月就准軍月餉
項下騰出銀一萬兩解皖濟用七月又籌濟銀一萬兩解交宿
遷行營此後八九兩月尚擬籌濟二萬兩共湊四萬兩以助皖
軍要需八月以後英翰奏留之丁漕三萬必可按月提用不至
十分支絀江海關之常稅洋稅入款戶部及總理衙門皆有案
可稽所有月撥皖餉二萬無以應之擬請

旨即行停止以歸核實江皖皆臣轄境斷無膜視之理今年除
四萬兩外如力能再撥少許不必指定何款臣當與英翰熟商
辦理至興復淮水故道一事金明昌年間黃河奪淮瀆之道自
是七百餘載水患頻仍咸豐初年黃河北徙軍事方殷未暇導
淮水之故瀆并未暇修運河之長堤上年清水潭隄決爲害甚
大此外可決之處尙多淮水之患無已雖復瀆之大利不敢必
其遽興然淮揚之大害不可不思稍減減害之法不外分淮流
以入故道或從成子河分淮以出桃源或從張福口分淮以出
清口總須興工以減運河之漲擬本年撥銀十萬兩在雲梯關
以下試辦挑濬并於清江設立導淮局從容籌議不求速效但
求實際此事辦成與否未敢預必而爲糜餉之一大宗不敢不
預行陳明上瀆

奏稿卷三十一

十一

宸聽並將公呈一件章程十六條有利無害論一篇及臣批答
一件彙錄咨送軍機處以備查核臣素不善籌餉江南財賦之
邦又斷不能求助於外省計今歲湘淮各軍之餉本短銀七十
萬加以直隸賑濟及協皖導淮三事又增二十萬均屬無款可
指俟冬間設法籌措再行具奏導淮大工如果興辦需銀百數
十萬尤屬無款可指俟明年設法籌措再行陸續陳奏所有遵
旨籌撥直隸安徽協款及試辦興復淮瀆緣由謹會同漕運總
督臣張之萬署江蘇巡撫臣郭柏蔭恭摺馳陳伏乞

皇太后
皇上聖鑒訓示謹
奏

奏稿卷三十一

十一

李朝斌本姓王氏請仍歸李氏片同治六年十一月初二日
 再江南提督李朝斌本姓王氏襁褓中為李氏父母撫養鞠育
 至於成立迭遭艱虞王氏本生父母隔絕不相聞問李朝斌初
 不自知為王氏所生也本年三月間有善化人王正儒來處
 稟稱李朝斌係所生季子自幼育於李氏請飭復姓歸宗等語
 臣當即詢之李朝斌究竟是否有因李朝斌茫然不解即寄書
 至家詢其族叔李傳誠等始據詳告頗末蓋李朝斌未生以前
 王氏本生父母已有子三人世俗之見以多子為累王正儒與
 李朝斌之父相識故指腹訂定墮地後即任聽李氏攜去王氏
 父母固已棄之如遺矣事隔四十二年忽有呈請復姓之議李
 氏族人謂王氏恩誼已斷寄書詳論極陳不應歸宗之義其言
 亦頗中肯臣復加查核此事關係綱常名義未可憑空臆斷查
 本朝言禮之書尙書秦蕙田所纂五禮通考最為精核其於異
 姓為後之事反覆辯論一以原情為主所引金史張詩一事詩
 本李氏子育於張氏閱三十年始知之初議歸宗終以張氏無
 子遂仍其舊秦蕙田稱張詩為孝今王氏本生之父母有子三
 人而李氏撫養之父母別無主後正與張詩之事相類伏查定
 例出嗣之子歸宗亦以所後父母有無子嗣為斷若令李朝斌
 歸宗則在王氏本生之父母不過於三子之外又增一子而在
 李氏撫養之父母竟至斬馬不祀撫子者將抱恫於九泉為子

者將難安於畢世核諸古禮參以今律李朝斌應於李氏別為
 一宗但後其撫育之父母而不祭其以上之祖宗於王氏則不
 通昏姻一以報顧復之深恩一以別族屬之大義其於王氏之
 父母則曲盡敬養庶為兩全之道該提督天性純摯未忍自決
 臣為之參酌定議詳晰批示徧告宗人情義既可兼盡眾論亦
 已僉同惟以提督大員異姓為後必應奏明立案以昭鄭重而
 垂久遠用敢詳陳本末上達
 宸聰伏乞
 皇太后
 皇上聖鑒訓示謹
 奏

奏稿卷三十一

十四

籌辦本年江北新漕摺 同治六年十二月初三日

奏為查明本年江北新漕徵解實數現在籌辦情形恭摺具奏 仰祈

聖鑒事竊臣承准軍機大臣字寄同治六年九月十四日奉 上諭戶部奏來歲海運河運新漕請飭各省力籌足額提前趕 辦一摺江北漕糧仍當遵照規妥速兌運等因欽此遵經轉 飭江甯藩司會同江安糧道安速籌辦茲據會詳前來查江北 漕糧自咸豐三年後概徵折色截留充餉同治四年揚防凱撤 是年冬漕各州縣仍每石折解銀二兩四錢經前署督臣李鴻 章等奏明民折官辦以漕米四萬石試行河運尚餘米三萬餘

奏稿卷三十一

石照部定變價每石解銀一兩四錢節存銀一兩貼補河運之 費五年冬漕因高郵漫口僅徵揚通等府所屬熟田漕米一萬 四千餘石奏准全數截留撥補江南各標營兵米此軍興以來 江北歷年冬漕徵解之章程也本年春夏苦旱秋後西水盛漲 補種之晚稻又被水淹現據勘定歉收分數除徐州府屬變價 解充徐台軍餉海州等七屬向徵折色外統計淮揚通三屬應 徵熟田起運漕糧正改兌正耗米六萬九千六百八十餘石內 應請截留撥補災缺綠營兵米九千四百石有奇實應起運本 色米六萬二百石有奇其截留之米同日另片具奏此本年起 運正漕之實數也現當京倉匱乏民間維正之供自應飭解本

色第江北折徵已久民間完納稱便且各州縣廢倉未修收米 無處儲積祇可仍按折價徵收現飭各州縣酌減收米之價以 恤民艱並准各州縣將應解漕米變價每石減銀三錢實解銀 二兩一錢仍由官買米辦運盈餘之款即作運米之資此本年 徵解之情形也查起運通倉米石自漕船停廢以後驟難重整 舊章部力籌河運事宜原圖規復全漕大局無如黃水穿運 如張秋南壩頭等處節節淺阻逐段加挑而淤墊太甚仍盼大 雨盛漲始得通行然同治三年雖得長運抵通而原船不能回 空船戶拆賣板料怨讟滋多同治四年不能長運抵通另於臨 清一帶換船刺送計運漕及盤刺等項每石約合銀三兩七八

奏稿卷三十一

錢山東挑河之需猶不在內本年江北六萬石之米為數無多 實不敢再為試行耗費巨款等督飭司道再四熟商不如仿 照蘇浙章程併歸海運在江北雖屬創舉然較之河運之費所 省正復不少現查上海沙船衛船甚少不敷蘇屬運米之用須 待來年三月頭批回空方得裝運江北之米上屆江北河運係 至次年五月始得北行如用上海頭批回空之船不過旬日抵 津似較河運猶為迅速惟春令米價必增各屬折價一時不能 解到現飭司道庫先行籌墊遴委委員分赴產米地方趕緊採 買設法存儲俟明年三月蘇屬海運沙船回空即將前項漕米 六萬二百石零全數海運屆時萬一沙船太少尚可雇用夾板

裝載倘或別有窒礙無船可用仍可將所買之米變價解京不致延誤所有籌辦本年江北新漕緣由謹會同漕運總督臣張之萬署江蘇巡撫臣郭柏蔭恭摺陳奏伏乞

皇太后

皇上聖鑒訓示謹

奏

奏稿卷三十一

十七

江甯建立軍營官紳昭忠祠摺 同治六年十一月初三日
奏為江甯城內建立軍營官紳昭忠祠恭摺仰祈

聖鑒事竊臣於同治三年十月二十二日奏請於江甯省城建立昭忠祠專祀湘軍陸師陣亡各員弁嗣於本年六月初十日奏請增祀水師陣亡各員弁均經奉

旨允准在案惟江甯自咸豐三年淪陷向榮和春等駐兵八載陣亡之文武將弁殉難之官紳士民為數極多尙未建祠崇祀實為闕典前准禮部咨稱同治五年五月十六日奉

上諭御史朱鎮奏請飭查殉難官紳建立專祠等語咸豐三年間粵逆竄擾江甯省城所有殉難之將軍祥厚等及紳士曹森

等或臨陣捐軀或積勞病故均堪憫惻著准其在江甯省城建立忠義專祠即著李鴻章將江甯前後殉難各官紳詳細查明一併附祀其迭次殉難之民婦著該署督查明一併奏請建祠以表忠盡而彰節烈欽此前署督臣李鴻章遵

旨飭派委員於城東

關帝廟左側建立一祠甫經落成未遑經理即已督師北征臣回任之後親往查驗見其地隘宇卑規制多闕祠中未立栗主婦女別無設位之處寸心怒焉不安旋值秋祭之時勘得湘軍昭忠祠在城北蓮花第五橋係克城之初就偽王府略加修葺者工程雖稍簡陋地基極為寬宏因與僚屬集議就該處並建

三祠中間仍為湘軍陸師昭忠祠但拆其朽者改建後棟兩廡東邊新建金陵軍營官紳昭忠祠西邊新建湘軍水師昭忠祠俾各省各軍前後抗志捐軀者忠魂毅魄萃於一處官既免於分祭民亦便於觀瞻始覺理得而心安其三祠應祀人數中祠原祀湘軍陸師將士甲子冬間已查明一萬二千餘人各立神牌應仍其舊西祠祀湘軍水師將士因先於咸豐八年奏准在江西湖口縣之石鐘山建有總祠設立木主此間僅祀水師營官及九洲洲殉難之員為數較少查辦較易惟東邊一祠應祀之人最多稽查之事最難綜舉大綱約有六端一曰咸豐三年金陵城陷滿漢文武殉難之員二曰自癸丑至庚申八載向榮和春營中陣亡傷亡及病故之員三曰江甯七屬歷年殉難之紳及外籍而寓居金陵遇害之紳本籍而陣亡於外省之紳四曰生平久居金陵大營其後盡節他處如鄧紹良周天受張玉良之類五曰揚州鎮江兩軍皆因圖克金陵而設兩處陣亡傷亡病故之員亦應附祀省城祠中六曰金陵滿漢婦女不屈而死者應別立貞烈祠祀之臣現派道員杜文瀾楊鍾琛朱履恒查此六色人等詳考事實書立神牌同享明禮期無遺漏派道員桂嵩慶鳩工庀材悉求堅實約計明年二月祠工可以蒞事合無仰懇天恩明降

諭旨准立金陵軍營官紳昭忠祠飭令地方官春秋致祭前奉准建湘軍陸師昭忠祠
上諭一道臣曾敬謹繕寫伐石樹碑此次欽奉諭旨亦擬恭錄勒石庶使雙碑並峙千古不刊聖謨與日月同昭臣節偕山河並壯於熙朝衰忠勸善之道不無裨補所有建立軍營官紳昭忠祠緣由謹繕摺具陳伏乞
皇太后
皇上聖鑒訓示謹
奏

擬補長江水師各缺續陳未盡事宜摺同治七年三月初五日

奏為擬補長江水師各缺並續陳未盡事宜恭摺仰祈

聖鑒事竊長江水師營制事宜臣等會同定議於同治四年十

二月二十八日具奏欽奉

諭旨敕下軍機大臣會同該衙門妥議具奏嗣於五年八月初

七日准兵部咨開逐條會議具奏奉

旨允准又於六年十一月初十日接准兵部咨催長江所設各

缺均未奏補有人飭令迅速揀員請補以專責成而符定制等

因先後行文到臣查各路水師以臣玉麟所部內江水師及前

陝甘督臣楊岳斌所部外江水師閱時最久人數最多楊岳斌

赴陝甘之任將水軍調改陸路者居其大半留江人員為數已

減此外又有黃翼升所部淮揚水師李朝斌所部太湖水師而

江西湖南湖北三省水師中亦各有資格較深功績較著之員

臣等公同商酌以各軍立營之先後分此次得缺之多寡遵照

奏定章程以大銜借補小缺各加遴選開單咨送臣國藩臣玉

麟復加稽核其岳州漢陽湖口瓜洲四鎮總兵擇其勞績最著

足膺闡寄者擬定四員請

旨簡放其副參游三項營官二十四缺都守千把外委七百七

十四缺擬定員名分析開單恭呈

御覽伏查定例武職自守備以上選補各缺均須引

見補授此次設立長江水師百事創始分防汛地嚴定營規雖

以久募之勇改為經制之兵似若易於就緒而裁撤各軍以此

營而歸併彼營配補各缺以江境而互調楚境實覺頭緒繁多

非數月半年所能定局相應奏明請

旨暫緩引

見敕部先行頒給劄付以昭信守仍俟立營停妥各歸本汛後

由部中分年分期起調取引

見乃可從容料理原奏所議事宜三十條經部臣核復允行立

法已屬周密惟創立水師造端宏大不厭詳求茲將未盡事宜

續議十條另開清單恭求

訓誨溯查咸豐三年衡州試辦水師之始初非有舊例之可循

亦非能一辨而即妥大抵屢試屢變漸推漸廣前月所立之法

後月覺其不備而又增之今歲所行之事明歲覺其不便而又

改之即如因船中無主而始設哨官因棧止不便而始加雨篷

因巨艇不甚靈活而全用舢板因弁勇不可陸居而另給座船

若此之類皆履之而後知試之而後改逮規模之粗定遂習慣

而成常新舊所擬事宜四十條皆就習慣者而著為台典在目

下已不敢謂立法之善將來時移事異更恐有窒礙難行之處

且法待人而後舉苟非其人則雖前賢良法猶或易啓弊端况

臣等才智短淺創議新章深慮弊竇之叢生致煩後人之譏議

夙夜兢兢不勝祇懼所願數十年後濱江之督撫提鎮隨時損益以補今日之闕疎遇事講求以冀將材之輩出庶幾有舉不廢歷久常新則臣等所禱祀以求者也其請鑄關防清單請裁各缺清單一併開列恭呈

御覽請

旨敕下各衙門議覆施行所有擬補長江水師各缺並續陳未盡事宜緣由謹會同湖廣總督臣李鴻章漕運總督臣張之萬江蘇巡撫臣丁日昌署安徽巡撫臣吳坤修江西巡撫臣劉坤一護理湖北巡撫臣何璟湖南巡撫臣劉崐長江提督臣黃翼升恭摺具

奏稿卷三十二

五

奏伏乞

皇太后

皇上聖鑒訓示謹

奏

謹將長江水師前奏未盡事宜續行定擬開單恭呈御覽

第一條頒發關防條記

一請鑄關防於官銜上均冠長江水師字樣如四鎮總兵岳州鎮曰長江水師岳州鎮總兵官關防漢陽鎮曰長江水師漢陽鎮總兵官關防湖口鎮曰長江水師湖口鎮總兵官關防瓜洲鎮曰長江水師瓜洲鎮總兵官關防狼山鎮仍循其舊副參游都守等官請鑄關防條記字樣另開詳細清單進呈

御覽各營均用本汛地之名如荊州則曰荊州營陸溪口則曰陸溪營皆就府縣口岸之名以為營名其草鞋夾地名太俗改

奏稿卷三十二

五

名曰金陵營惟提標中營不刻汛地之名至前奏所擬之綏通營綏海營茲亦改名曰通州營海門營使人易曉其千把外委等官即由外刊刻鈐記以昭信守

第二條酌留釐卡充餉

一原奏第十六條內戶部議酌留沿江釐卡供給水師製造軍火器械船礮以各處商貨暢滯時地不同經收數目難以懸定多則中飽少則貽誤餉需不可不預杜其弊應如何酌盈劑虛俾垂久遠妥籌章程奏明辦理等因臣等查長江水師兼轄五省所需餉項合之則見多分之則見少應於五省各留釐卡一處湖南即留岳州一卡湖北即留漢口一卡江西即留湖口一

卡安徽即留大通一卡江蘇即留瓜洲一卡岳州漢口兩卡所收之釐每年每卡各提十餘萬兩解交湖北鹽道衙門供支水師之用其餘入款仍歸兩湖藩司收用湖口大通瓜洲三卡所收之釐每年每卡各提十餘萬兩解交江甯鹽道衙門供支水師之用其餘入款仍歸三江藩司收用歸水師用者由江楚總督報銷歸藩司用者由該省巡撫報銷俟水勇裁撤完畢經制水師立定之後此五處卡員即由江鄂兩鹽道會同該省藩司委員經收自此五卡之外各省釐卡俟軍務大定本應全行裁撤倘有願留一二卡添補永遠經費者由各督撫體察專案奏辦

第三條裁撤水勇日期

一原奏第二十三條內戶部議江南軍務大定所有各營勇丁自當陸續遣撤酌留水勇改為經制水師應令將遣撤勇丁數目何時撤盡糧額何時起支一併奏報等因臣等查長江水勇向分內江外江兩軍除留補缺額外所有內江一軍水勇已經臣彭玉麟陸續遣撤其數目業經咨報兵部在案其外江水勇此次奏定補缺一案即將勇目次第裁撤俟撤盡再行咨報此外尚有淮揚水勇一軍太湖水勇一軍原議第五條內另設淮揚經制水師太湖經制水師現已將大概規模議定臣國藩擬於一兩月內會奏定案俟經制水兵之案奏定後即將淮揚水

勇太湖水勇遣撤陸續具報

第四條派船巡查私鹽

一原奏第二十七條內戶部議礮船為長江利器以之巡緝私鹽固最便利而包庇私鹽實難稽查若不嚴定章程將來弊竇叢生礙政因此而壞營制即因此而弛關繫實大應令提督會同江楚總督公同遴選師船奏派若干隻另立旗幟字號仍令兩淮鹽運使及湖北鹽道會同各營嚴密查訪其未經奏派之哨船不准干預鹽務如有包庇私鹽官則參辦兵則比照尋常私梟加等治罪其如何明定官兵處分罪名應令悉心酌擬奏明定案等因查前奏由漢陽瓜洲兩鎮標派船巡緝私鹽茲定

第五條酌定礮械旗幟

瓜洲鎮派巡鹽船三號一年一換歸運司暨瓜棧委員稽查其餉即由瓜棧支發漢陽鎮派巡鹽船三號一年一換歸湖北鹽道暨督銷局稽查其餉即由督銷局支發所巡不過上下四百里不准太遠以防流弊此外戰船一概不准干預鹽務至弁兵包庇私鹽或失察或知情或受賄或通同與販各有本例將來應按照情節問擬毋庸另立處分罪名轉啓遷避之漸

一原奏第七條內工部議戰船應配旗幟礮位等項應令查明各船應配何項礮位旗幟器械若干即將名目件數造冊送部查核等因查長龍戰船頭礮二位係洋庄各重八百斤一千斤

不等邊礮四位洋庄各重七百斤梢礮一位洋庄重七百斤舢
板戰船頭礮一位洋庄重七百斤八百斤不等梢礮一位洋庄
重六百斤七百斤不等兩邊轉珠小礮二位重四五十斤不等
此外洋鎗鳥鎗刀矛之類隨宜分配至戰船旗幟悉以桅旗並
梢旗爲主凡桅上用方旗長龍船桅旗長一丈二尺寬七尺舢
板戰船桅旗長九尺寬六尺上半節俱用紅色下半節俱用白
色或畫北斗或畫太極圖或畫如意之類提鎮各標各畫一樣
以示區別船梢用尖角旗長龍梢旗長一丈一尺寬九尺舢板
梢旗長九尺寬七尺均寫明某標某營某哨字樣此外各標各
營哨或桅上添一小旗或船頭設一立旗或寫姓號爲記顏色

奏稿卷三十一

制度各聽其便

第六條更換額缺官階

一岳州漢陽湖口瓜洲四鎮中軍游擊營制惟岳州漢陽兩鎮
用船三十三號其湖口瓜洲兩鎮中軍僅用船二十三號該兩
營地當衝要不敷分布瓜洲又有應派巡鹽之船尤嫌其少查
原奏第七條長江提鎮例給坐船外各給督陣舢板二號以守
備爲哨官本應設立守備十二缺茲將此十二缺裁去撥六缺
歸湖口中軍營撥六缺歸瓜洲中軍營改爲守備各一缺干總
各二缺把總各三缺各成十二缺之數與原奏七百七十四哨
總數相符而四鎮中軍船數亦不致多寡懸殊所有提鎮督陣

舢板之兵丁由中軍派員管轄

第七條議裁舊日額缺

一原奏第二十九條京口狼山湖口漢陽岳州等營凡向有水
師之名而無礮船之實者今各該處均立標營應改從新章悉
歸長江水師提督節制以昭畫一其向無水師名目者不必更
改等語查原議之意濱江舊設之水師仍不裁革不過改歸長
江提督節制而已近來細加講求舊營斷不能與新營相合舊
制雖名水師而無船無礮官員各有衙署新章則水師專以船
礮爲主自都司以下即無衙署以船隻爲辦公之所舊制水兵
口糧不過月支一兩至二兩爲止新章則水兵口糧月支二兩

奏稿卷三十二

七錢而官員之俸薪養廉船價亦與舊制迥別舊營水兵不習
使船放礮等事新章則專重使船放礮若將舊營與新營並存
則規制懸殊必生缺望若令舊官補新營之缺則舟居不慣必
難得力再四籌思迄無善策惟有將濱江舊日水師酌量裁去
如湖北原設之荊州參將營漢陽副將營湖南原設之洞庭水
師營岳州水師營江西原設之鄱湖南湖九江水師營均應裁
去所裁之缺副將參將游擊都司等均請兵部另行調補陸營
實缺守備千把外委等均由該省督撫另行調補陸營實缺其
未經調補以前仍在原省支食本缺廉俸其兵丁則竟行裁去
無庸另募茲將應裁各缺開單進呈

御覽至長江水師西至荊州為止其自荊州以上沂江至宜昌
巴東原奏事宜第五條聲明另由湖北設防所有宜昌鎮標水
師三營應仍其舊但歸湖北督撫提督統轄不歸長江提督節
制又如江南舊有京口水師副將三營及狼山以東各水師舊
營現議將江蘇水師認真整理或裁或改由 國藩另案奏辦

第八條各省督撫節制

一長江水師雖以提督為主而在五省境內應各歸五省督撫
節制調遣副參游以下歸本境巡撫節制總兵並歸總督節制
即以湖南而論去太平府提督衙門甚遠若該省有土匪竊發
須用戰船剿辦者即由湖南巡撫檄調境內水師往剿岳州鎮

奏稿卷三十一

總兵接到咨檄立即發兵不可等候長江提督回文致誤軍機
湖北江西蘇皖四省巡撫皆然至總督調度轄境水營尤屬通
行之舊例平日無事之際督撫偶調水營操演一接檄文立即
前往應操不可藉口等候長江提督回文致誤操期益立法雖
密設或長江提督不得其人則法皆不行口糧既恐虛糜船礮
亦恐廢壞若督撫中有一省認真者則一省之水軍不致廢弛
有兩省勤操者則兩省不致廢弛自調兵調操兩事而外凡水
營政務各督撫仍商之長江提督聽候主持

第九條核定疎防處分

一原奏第二十二條遇有劫盜案件即由長江提督專案參辦

而未將處分詳細聲明查武職疎防搶劫案件向例查明離汛
里數分別參處有五里以內五里以外之分又有專汛協防兼
轄統轄之別今長江水師分布江面自都司守備以下即以座
船為衙署本應隨時上下梭巡不能指定汛地五里之起訖確
在何處擬以哨官為專汛之官營官為本轄之官遇有搶劫案
件專汛哨官係何職名應由該營官指出初參仍照定例四月
限滿題參疎防專汛官住俸本轄官罰俸六箇月二三四等參
向例一年限期者酌量加重改為各予限八箇月二參限滿專
汛官降一級留任本轄官罰俸一年三參限滿專汛官加重降
二級留任四參限滿專汛官加重降二級調用不准抵銷如汛

奏稿卷三十一

守內有一夜連劫數次情事仍照舊例俟三箇月限滿犯無弋
獲即將專汛官降二級調用本轄者降二級留任毋庸立協防
外委名目亦毋庸議統轄官之處分倘能於限內獲犯過半兼
獲盜首均准免其參處遵照原奏由提督查明隨時專案參辦
如提督遲不開參即由督撫參奏以示江面劫案較陸路尤為
慎重又有應酌議者水師處分既已加重則江中漁船應概歸
水師稽查管轄向來江中水盜均以漁船為窩藏出沒之所嗣
後魚稅仍歸州縣經收漁船則歸水師編查以清盜源而一事
權

第十條各營輪流更調

一水師所重者以船爲家不准登岸居住若永遠駐紮一處則
經年累月戰船全不移動必致廢弛朽壞相率私造屋宇棄舟
楫而住室廬不可不防其漸茲定江楚各營每逢半年更調一
次副將與副將之營互調參將與參將之營互調游擊與游擊
之營互調每營調居客汛二次駐紮一年又准調回本汛一次
駐紮半年其互調之或遠或近聽提督隨時斟酌總不令其廢
弛安逸依戀陸居而已惟哨官之有疎防處分者不准調動以
杜規避

陸營借補小缺請飭部核議片 同治七年三月初五日

再武職各官大銜借補小缺 於六年五月十五日具奏欽奉
諭旨允准在案嗣准部咨以同一軍營出力官職大者補缺之
途太廣官職小者補缺反致無其不足以服軍心而作士氣仍
應照章議駁等因咨會前來 臣等此次奏補長江水師各缺甚
至以提鎮之銜而借補千把之缺未免駭人聽聞然勇丁出身
入營之資格極久列保之次數較多而家中貧寒如故情願補
一小缺爲終身衣食之資此亦人之常情 臣等既不忍拂其意
而又取其入伍多年可收駕輕就熟之效伏乞
皇上敕下該部議准以從衆願仍遵照兵部原議將來此項人

員用竣不准再行借補以示限制至陸路人員 臣近來奏咨大
銜借補小缺者均經兵部議駁在兵部之意一則恐銜缺懸殊
名實不符或有礙於體制一則恐千把微員永無升階或屈抑
乎人才此等苦心 臣亦能曲體而深亮之惟查軍興十餘年凡
綠營弁兵略有才力膽識無不奮迹行閒但有僥倖優保者斷
無屈抑未保者是人才本無沈淪之患若慮未弁永無升階則
請暫於此二十年內准以大銜借補小缺截至同治二十七年
爲止以後仍照舊例按班序補亦即兵部所云此項人員用竣
不再借補之意也至於名實不符有礙體制之說查崇階而退
居小缺在補缺者已覺得不償失在獎功者尙恐賞不酬勞上

下雖不滿意究無損於政體若崇階而承無補期則功績最淺者轉得各占實缺勞苦最久者反致長抱虛榮是缺望更深所損更大矣統計各省軍營保至武職三品以上者不下數萬人將來軍事大定各路撤兵此項有階無缺之員難保不滋生事端同治三年沈葆楨奏請安置此項人員自提鎮至都守均照實缺之例給與俸銀米石

諭旨頗以為然飭令臣等核議臣以糜費太鉅未經議准若大銜借補小缺則毫無糜費雖不能安置多員而要可略安望缺者之心相應奏明請旨將陸營借補小缺一案一併飭部核議如蒙議准臣等仍隨時察看或每年將借補者酌補六七成序補者酌補三四成總期衆志交孚不虞偏廢理合附片陳請伏乞

皇太后
皇上聖鑒訓示謹
奏

奏稿卷三十一
奏為同治六年江北冬漕併歸海運詳議章程摺仰祈
聖鑒事竊照江北淮揚通三屬同治六年分徵解實數籌辦情
形業經臣等於六年十二月初三日專摺具奏在案嗣准部咨
江北漕糧海運議令全用夾板船裝運等因伏查海運漕糧本
以雇用沙船為正辦此次江北漕米無多沙船大號可裝二千
餘石者不過需用三十號小號可裝七八百石者亦不過需船
七十餘號現已委員馳赴上海先儘沙船雇用如實不敷用或
仍參用夾板船總期體察情形及時酌辦不致遺誤所有江北
同治六年分漕糧除奏明撥抵兵糧外實計起運米五萬七千
三百餘石又高郵泰州寶應三州縣帶徵五年緩漕米二千四
百餘石應隨同新漕一併起運共實該交倉漕糧正耗米五萬
九千八百餘石計需沙船經制食耗等米六千餘石又籌備二
升餘米一千一百餘石應派江安督糧道王大經酌帶委員紳
董先期赴津承辦交米事宜並由部臣屆時咨請
欽派大臣一併驗收以昭慎重此外應辦一切事宜業已分別
次第舉行據江甯布政使李宗羲江安督糧道王大經查照蘇
屬海運成案參以江北情形悉心酌擬章程詳請具
奏前來臣等復加酌核相應繕具清單恭呈
御覽如有未盡事宜容隨時

奏稿卷三十一
奏為同治六年江北冬漕併歸海運詳議章程摺仰祈
聖鑒事竊照江北淮揚通三屬同治六年分徵解實數籌辦情
形業經臣等於六年十二月初三日專摺具奏在案嗣准部咨
江北漕糧海運議令全用夾板船裝運等因伏查海運漕糧本
以雇用沙船為正辦此次江北漕米無多沙船大號可裝二千
餘石者不過需用三十號小號可裝七八百石者亦不過需船
七十餘號現已委員馳赴上海先儘沙船雇用如實不敷用或
仍參用夾板船總期體察情形及時酌辦不致遺誤所有江北
同治六年分漕糧除奏明撥抵兵糧外實計起運米五萬七千
三百餘石又高郵泰州寶應三州縣帶徵五年緩漕米二千四
百餘石應隨同新漕一併起運共實該交倉漕糧正耗米五萬
九千八百餘石計需沙船經制食耗等米六千餘石又籌備二
升餘米一千一百餘石應派江安督糧道王大經酌帶委員紳
董先期赴津承辦交米事宜並由部臣屆時咨請
欽派大臣一併驗收以昭慎重此外應辦一切事宜業已分別
次第舉行據江甯布政使李宗羲江安督糧道王大經查照蘇
屬海運成案參以江北情形悉心酌擬章程詳請具
奏前來臣等復加酌核相應繕具清單恭呈
御覽如有未盡事宜容隨時

奏明辦理所有臣等酌議海運章程緣由謹會同漕運總督張之萬江蘇巡撫臣丁日昌恭摺具奏伏乞

皇太后

皇上聖鑒訓示謹

奏

奏稿卷三十一

五

謹將江北淮揚通三屬同治六年分漕糧海運酌擬章程十條繕具清單恭呈

御覽

計開

一米色應挑選乾潔也江北淮揚一帶出產稷米無多從前兩屆河運均係紅白兼收稷米並買此次改由海運仍當照辦遴派委員分投採購並令多辦稷米認真挑選乾潔不准稍有潮雜以重倉儲

一分定米數應畫一分收也查同治六年分江北淮揚通三府州屬應徵熟田漕糧除

奏稿卷三十一

五

奏明撥抵兵糧外實該起運米五萬七千三百六十八石七斗四合六勺內正兌正米二萬八千七百二十石九斗八升八合六勺加三耗米八千五百四十三石四斗一升八合九勺改兌正米一萬六千三十八石三斗五升一合一勺加二五耗米四千三十三石八斗八升三勺加二二耗米三十二石六升五合一勺又高郵泰州寶應三州縣帶徵同治五年分緩漕米二千四百六十八石二斗五升一合一勺內正兌正米一千七百十七石一斗五升九合一勺加三耗米五百十五石一斗四升七合七勺改兌正米一百八十八石七斗五升六合一勺加二五耗米四十七石一斗八升九合以上共該起運交倉米五萬九

千八百三十六石九斗五升六合五勺查照向章按漕斛採買
交倉亦歸漕斛現用部頒小口鐵斛製造木斛由糧道轉準發
交買米各員應用仍令各備樣米俟交兌沙船時呈驗加貼印
花連道庫鐵斛一並帶通較兌以歸畫一

一江北米數無多應從簡辦理也查蘇屬歷屆海運在蘇州設
立省局由司道督辦委蘇州府總司其事並委首廳縣隨同辦
理又在上海設立滬局委辦雇船驗兌各事宜此次江北漕糧
改辦海運事屬創始然米祇六萬石當此經費支絀自應格外
撙節由藩司糧道會同督辦毋庸設立省局所有雇船驗兌各
事宜酌派委員會同蘇屬滬局員董妥為經理毋須另設一局

奏稿卷三十一

以節糜費其天津交米事宜應派江安督糧道王大經酌帶員
董馳赴天津經理交兌會同直隸委員妥辦
一江北漕米應雇沙船裝運也向來漕糧海運均用沙船歷著
成效江北此次海運因上冬沙衛船隻甚少故前奏有參用夾
板船之議現已委員赴滬先儘沙船雇用飭令挑選妥實商船
責成同行互相結保編列號旂排泊浦江受兌放洋時准其二
成載貨照案免稅咨明各關查照至由津回空販運北地貨物
並准照案全行免稅該沙船倘遇有在洋遭風即時報明所在
地方官驗明除折桅鬆艙糧貨俱損
奏明豁免外如貨物並未拋棄獨棄官糧者雖鬆艙屬實仍令

賠補如果承運無誤並准援案分別給獎至回空沙船如往天
津牛庄各口販貨應由局查明米石交清方准填給全行免稅
印照持赴各關呈驗放行其交米不清之船一概不准給照以
示區別以上俱指雇用沙船而言或參用夾板船隻另議章程
咨明辦理

一耗餘等米應備帶本色也查海運章程天津剝船食米每漕
米一石給米一升一合五勺通倉經紀耗米每石給米一升五
合均以洪斛核計又每石備帶餘米二升隨正交倉又沙船耗
米每石給米八升江北漕糧海運自應查照一律購齊本色解
滬兌交隨正開報至沙船耗米一項原備到津或有折耗彌補

奏稿卷三十一

之用如有盈餘由官收買咸豐五年復議於此項耗米內限定
提出三成由津局按照市價收買亦應照辦該船戶等於裝兌
後不得私行糶變查出嚴究以裕倉儲
一水腳應照章核給也查歷屆海運雇用沙衛等船每裝米一
石給水腳銀四錢上屆
奏准加給銀一錢五分連神福犒賞等共七款每石給銀五錢
七分八釐一毫此次江北漕糧海運自應照辦俟船隻備齊核
明應需銀數解滬局兌收轉給以利進行
一津通經費應核實開支也查海運章程天津官制每百石給
剝價雜費銀八兩四錢四分七釐三毫民剝每百石給銀九兩

八錢八分四釐八毫箇兒錢每百石給銀二兩江北此次海運均應照章辦理此外津道經費除輕齋席木銀兩由糧道衙門照例批解外其津局用項在津收買沙船餘米各款係屬創辦難以豫定擬仿照舊章寬為籌備以免缺誤至沙船水腳及一切經費係在漕項本折及此次所買米價盈餘款內抵支如有不敷仍應由司籌撥事竣分別造冊核實報銷如果委員辦理無誤准其援案請獎俾示鼓勵

一 米船放洋應責成巡護也查歷屆海運舊章准令沙船各帶礮械出口給領入口呈繳於放洋時由捕盜局派令員董選撥輪勇各船出洋護送一面責成沿海水師鎮將多派備弁兵船

奏稿卷三十二 无

在於所轄各島嚴密巡防逐段迎護催償趕速抵津並先咨明直隸山東各督撫臣一體分飭護送開具專任分任各職名送部查考以昭慎重

一 米船交清應責成經紀也查歷屆海運均經戶部奏請

欽派大臣赴津查驗並由倉場侍郎揀派坐糧廳酌帶經紀解手直隸總督派委天津道總辦在案江北此次海運應請照案屆時仍由各衙門奏請

欽派並請於米船抵津時隨到隨驗除實有霉變應立時風晾外如係乾潔之米務須隨驗隨收至已交之米由津運通由通運倉應照戶部奏定章程責成經紀承管如有偷漏潮溼攙和

等弊責令賠補究治不得牽涉原裝沙船以免羈候而示體恤一 餘米應循案抵補也查歷屆海運遇有沙船在洋遭風失事及霉變遲到等米均以本屆籌備餘米並上屆存倉米數抵補交足具報全完續到米船由天津道驗運交倉另檔存記留抵下屆正供之用歷經循辦有案此次應請照辦以速正運

奏稿卷三十二 无

擬赴上海查閱鐵廠片 同治七年四月初七日

再江南外海水師向設戰船一百七十一號道光二十四年前
任兩江督臣璧昌奏稱一概朽爛漂蕩無存彼時雖奏請減船
加工另行修造而其費出於攤捐故其船成者極少咸豐三年
兵燹以後燬廢殆盡近年洋面不靖屢有劫案亟應規復水師
出洋捕剿惟外洋開仗較之長江開仗其難數倍臣往年所用
之長龍舢板均不便於出洋現於上海鐵廠製造輪船又於蕪
湖等處試造廣東艇船俟船成之後仍須酌改營制略仿西洋
之法一船設一專官乃可角逐海上日起有功查上海吳淞口
出江入海華洋雲集商船輻輳尤為盜蹤出沒之所臣擬於近

奏稿卷三十二 聖

日親至上海一行會同撫臣丁日昌周歷履勘博詢洋面戰爭
之道細查鐵廠製造之工再行酌議外海水師章程會核具奏
所有臣衙門日行公事照例由藩司代拆代行理合附片陳明
伏乞

皇太后

皇上聖鑒謹

奏

遵 旨酌提制錢解津摺 同治七年閏四月十四日

奏為遵

旨酌提制錢解津謹將大概情形恭摺由驛覆奏仰祈

聖鑒事竊臣等承准軍機大臣密寄同治六年十一月初五日
奉

上諭戶部奏請飭濱臨江海各省解錢籌銅一摺前因銅斤缺
乏鼓鑄當十大錢原為一時權宜之計行之日久不無流弊近
來市塵行使暗中折減於國用民生均有未便惟欲規復園法
必須籌備制錢京師自通行大錢以來所有制錢大都運往外
省若欲鼓鑄新錢又非一二年所能驟復戶部議令濱臨江海

奏稿卷三十二 聖

各省籌解制錢實為便捷之法前經譚廷襄商湖北督撫擬
於鹽釐項下酌提制錢由輪船運津據稱事屬可行此外如江
西江蘇浙江廣東四省均有海船可通各該省釐金較旺自可
一律提解著曾國藩郭柏蔭英翰馬新貽瑞麟蔣益澧李瀚章
何璟劉坤一各於鹽卡釐卡收款內每年酌提制錢三十萬串
由輪船裝運天津交崇厚擇地嚴密收存聽候提用酌提錢文
准照銀價劃抵應解京餉其制錢一千台銀若干及運腳若干
即著各該督撫迅速議定具奏所提之錢務須年清年款以兩
年為止不准稍有短解此項錢文即名為天津練餉以昭慎密
不可稍有宣露致令外來商民傳播都城有礙錢法是為至要

其湖北施宜等處向多銅礦著該督撫飭屬招商試辦酌抽礦稅試行有效即籌款收買商銅以裕鼓鑄並著妥議章程具奏至濱海商賈向有販運紅銅條銅等項應如何招商收買之處並著各該督撫三口通商大臣妥速議奏等因欽此當經轉飭司道欽遵籌議伏查理財之道全在酌盈劑虛

京師為首善之區錢法尤民生所繫今因大錢相率折減亟須調劑均平等忝任疆圉必應公同籌畫惟查制錢一項蘇省軍興以後因滇銅采辦維艱業已停鑄多年現在市肆所有錢文均係就地周轉散而不聚亦鮮有徙而之他者所收鹽釐貨釐雖以錢數入冊實則紋銀與洋錢兩項折算者多且撥充軍

奏稿卷三十一

聖

餉等項均係易銀批解是以民用未形不足若遽以數十萬串提運出省則錢少價昂小民衣食之需勢必漸臻騰貴實亦不可不防等往復籌商竊以應解京餉以兩淮上海為最且鹽釐均在兩淮貨釐半在上海地之相去幾及千里分路籌出則不見其多按季解交則不形其驟擬由兩淮運司蘇松太道本年各解錢十五萬串分作四季勻解如錢款不敷即由司關隨時與釐局兌換以免市僧居奇至銀錢市價低昂不一現在每錢一千約易銀六錢有零將來起運時長落尚難預定所有自滬至津輪船水腳保險以及麻袋繩索捆紮辛工每錢百千約需銀六兩有零加以押運委員薪水川資及到津駁運挑力等

項每次約銀二百餘兩其由兩淮解至上海轉解者尚須加給水腳等項應俟起解時分別給發統在應解京餉項下開支事竣彙計銀數核實造報即以抵作奉撥京餉另行

奏咨俟運足三十萬串如錢價不致過昂民用亦無窒礙仍當酌量情形接續起解仰懇

宸廑如因運解過多錢價驟增即當奏明下年少解數成期於中外通籌無畸重畸輕之弊此項錢文謹遵

諭旨名為天津練餉以昭慎密至紅銅條銅大半產自外洋蘇省從前鼓鑄之時係由官民兩商自備船隻采辦洋銅現在東洋各貨悉聽泰西各國運行銅商無利可圖以致華人望而卻

奏稿卷三十一

聖

步應如何招商收買變通辦理已飭司道體察情形確切籌計俟辦有眉目再當另行核

奏除飭司道將解錢日期呈報分咨外合將遵辦緣由恭摺由

驛覆陳伏乞

皇太后

皇上聖鑒訓示再此案久擬覆奏臣國藩因有會查海口之舉寄信與臣日昌面商定奪頃臣國藩於初三日至蘇州初七日會查太湖十一日同來上海議定一切是以覆奏稍遲合并聲

明謹

奏

直隸陝甘協餉分別籌辦摺 同治七年閏四月十四日

奏為奉撥直隸軍餉先行酌數籌濟並將近年協撥陝甘軍餉情形彙摺覆陳仰祈

聖鑒事竊臣等承准軍機大臣字寄同治七年二月二十八日奉

上諭官文奏請飭各省協撥軍餉一摺捻匪竄擾直境將及兩月各省官軍雲集為數幾及十萬雖餉需未必盡資於直省而各軍隨帶餉銀用盡即須由直隸接濟糧米柴草亦須籌備直境上年被旱被擾民間蓋藏空虛購辦之費較鉅亟應寬為儲備著湖南湖北江西江蘇廣東福建各督撫速於捐輸鹽釐並

奏稿卷三十一

聖

華洋關稅項下無論何款每省各撥助餉銀十萬兩刻期由海道輪船解赴天津交崇厚驗收即由崇厚轉解保定交官文應用以期迅速等因欽此又奉三月二十八日

寄諭穆圖善奏請飭江南等省撥解甘餉各摺片覽奏均悉江南等省欠解甘餉甚多著曾國藩丁日昌將上年七月以前應撥甘餉如數迅解等因欽此又奉四月初七日

寄諭劉典奏請催原撥廣東江蘇協餉各摺片陝省軍務方殷待餉孔亟前經諭令閩海粵海江漢等關於四成洋稅內各按月撥解銀一萬兩又原撥廣東江蘇兩省協餉按月一萬兩乃廣東等省撥解寥寥設因餉需不繼兵勇譁潰於大局甚有關

繫江蘇月協陝餉著丁日昌就近派委道員胡光墉按月催領起運并著曾國藩瑞麟丁日昌將前欠陝省協餉迅即籌款如數分起補解仍按月源源籌解以資接濟等因欽此均經轉行欽遵在案伏查捻氛竄擾直境大兵雲集需餉浩繁等忝膺疆寄分應協力圖維以期餉足兵精迅殲醜類是以臣等正月間一聞捻匪北竄之信即迅籌糧餉軍火陸路由清江轉運水路由天津轉運源源解俾前敵准湘各營軍士安心追剿又籌銀七萬兩並提前預解固本京餉三萬五百兩統計十萬五百兩委員裝搭輪船迅速赴津分別解交總理衙門戶部轉解神機營俾資杯水之助茲奉

奏稿卷三十一

聖

飭籌官文軍餉何敢稍有歧視惟江蘇自用兵以後連年出款極鉅已成強弩之末臣曾國藩李鴻章先後統師北征餉源皆取給於江蘇去年李鴻章剿平東捻任賴一股所有軍火賞卹轉運各款尤為繁重蓋緣道路愈遠征戰愈苦則費用愈繁兼之提督劉松山一軍向由江蘇供支自到直隸後運費日增漕臣張之萬清淮一軍現調至黃河以北亦由江蘇協濟提督黃翼升淮揚水師一軍現調至張秋以北亦由江蘇支應是現在直隸山東剿賊之兵大半出自江蘇之餉較之他省略供前敵之餉與全未供前敵之餉者緩急情形迥不相同加以本省旗綠各營之兵餉洋槍隊及水師之勇糧湖北靈峻等營之協

餉款目浩繁亦為各省所未有江蘇釐金昔年收數甚旺近來輪船夾板分我江海之利華商本小利薄遂漸停歇稅釐日形短絀臣等久思將各局卡分別裁撤歸併以甦商困而支用太繁未敢輕議更張入款日減出款反增實屬力盡筋疲不敷周轉惟是

畿輔需餉無論如何為難敢不稍竭微忱臣等公同熟商擬籌湊二萬兩委員解赴天津交三口通商大臣崇厚驗收轉解其餘銀兩能否續解仍俟察看前敵情形再行酌量辦理至江蘇協甘軍餉三萬兩向在金陵釐捐撥解同治六年四五六共三箇月應協之餉經臣國藩

奏稿卷三十一

七

奏明以一萬兩解陝西以二萬兩解甘肅早經報解清楚七月以後陝甘督臣左宗棠有洋商借款在於江海關因劃抵扣至十二月止計借款十八萬兩亦已抵解完竣七年協甘之餉每月以二萬兩解左宗棠軍營以一萬兩解穆圖善軍營左營則解現銀者三箇月抵借款者十箇月穆營則全解現銀臣國藩於上年十二月初三日本年三月初五日兩次奏明在案刻下正二三四等月業已解清並無短欠穆圖善所稱欠解之處或係未知上年協餉全歸左營本年協餉尚在途次乎至劉典所奏江蘇應協陝餉一萬兩即係戶部議覆喬松年洋稅摺內所指之款此項協陝萬金當初本無確定之案是以臣國藩六年

三月二十日奏撥陝餉即在月協甘餉三萬之內酌抽一萬解陝解滿三月即行停止目下江蘇支絀如此即有額協定款亦應奏明停解况陝西本無定案自應俟直隸肅清淮軍漸撤乃可另議協秦之法所有直隸陝甘協餉分別籌辦情形謹合詞恭摺覆陳伏乞

皇太后

皇上聖鑒訓示謹

奏

奏稿卷三十一

吳

催劉銘傳赴營密片 同治七年閏四月十四日

再臣國藩前經奏明赴滬察看海口閱視鐵廠初四日蘇州途次接奉四月二十五日

寄諭前因劉銘傳剿賊較爲出力且三月假期已滿是以諭令李鴻章傳諭該提督迅赴直隸山東一帶剿賊茲據李鴻章奏

稱已兩次手書傳令到營襄助曾國藩亦爲懇切留催等語劉銘傳受朝廷不次之擢任重專闕邇來捻勢披猖自應奮勇誓

師滅此朝食以圖報稱且三月假期已滿痲疾諒已全愈豈可藉病推諉自耽安逸現在捻逆逼處黃運之交各路大兵已集

機會大有可乘李鴻章既稱劉銘傳熟悉捻情即著再行飛催奏稿卷三十二

銷假迅速到營不准片刻稽延致誤軍事并著曾國藩吳坤修就近催令啟行銘軍啟行時如有應需款項著曾國藩代籌助

給以利過行等因欽此臣一面咨會劉銘傳一面專弁齎函乘坐輪船由上海至裕溪口登陸馳赴合肥催令啟行臣查上年

秋冬運河之守任柱之戮其謀皆自劉銘傳發之追賊之速打仗之勇亦以劉銘傳爲最而勞苦疲乏亦惟銘軍獨甚是以九

十月間即與李鴻章訂約一俟東捻就平便當回籍調理厥後勦滅任賴股匪即行請假馳歸以踐前約其時張總憲一股業

已渡黃竄晉李鴻章欲強留劉銘傳同剿西股不令回籍劉銘傳怨李鴻章忽背前約又疑其論功一疏僅與諸將平列未能

特筆表其謀略心中頗懷鬱鬱其實李鴻章背約之故係因西股已入直隸不能不改變前說而銘軍之善謀苦戰宜予休息

李鴻章別有密片表之特劉銘傳未之知耳該提督到籍一月之後李鴻章疊次專弁持函催促臣與丁日昌亦馳函懇切催

之及因病體未愈不耐鞍馬尙未啟行此次欽奉諭旨飭催該提督自必迅速就道惟念張逆縱橫畿輔將近半

年各軍均極疲乏若非去年先滅任賴一股大局不堪設想劉銘傳既有偉績於前又將策成效於後將來到營之日願懇

天恩於寄諭各帥臣之便將該提督計謀之臧追勦之苦偶一傳諭及

之則奏稿卷三十二

天語一字之褒勝於李鴻章屢疏之薦屢贖之催萬萬矣銘軍應需款項自當設法籌給以期迅奏膚公仰慰

宸廑所有臣國藩謹密陳伏乞

皇太后

皇上聖鑒訓示謹

奏

奏為預籌撤勇經費摺 同治七年七月二十二日

奏為預籌撤勇經費恭摺仰祈

聖鑒事竊兩湖督臣李鴻章統帥剿捻所部淮軍馬步水師五萬餘人暨劉松山老湘營一軍皆由蘇省供支自乙丑至今已閱四年悉索轉輸不遺餘力今幸仰託

聖主威福東西捻股一律肅清亟應趕緊裁撤以節餉需而蘇民力惟蘇省按月應用之餉本係各指各款毫無贏餘本年上半年撥款更有出於指定款項之外者如撫臣丁日昌兩次籌解神機營銀十一萬兩運河馬棚灣堤工用錢十三萬餘串均係騰挪籌撥各台庫移借一空聞四月間因周轉不敷曾咨商

奏稿卷三十一

五

浙江撫臣借銀十萬兩以應急需預計下半年應用之款又有出於指定款項之外者如戶部指撥陝西每月銀一萬兩前以西捻未平尚難籌解撫臣劉典商臣處臣允以捻股蕩平必當籌濟此後自不能按月協解又如裏下河民田以運河東西兩堤為保障現在勘估小羅堡一段工程約須錢十餘萬串亦屬必不可緩之款蘇省餉源以釐捐為大宗聞四月間臣至上海商民稟求減釐業已飭局量予裁減六月初因苦雨為災蘇民環跪訴求免釐又經撫臣將銷捐釐金裁免入款既有所減出款轉有所增若欲再籌巨款為撤勇之資更屬力有未逮臣等往返商本思向洋商借銀五十萬兩因利銀太多而中

謝授武英殿大學士 恩摺 同治七年五月初八日

奏為恭謝

天恩仰祈

聖鑒事竊臣准吏部咨開同治七年四月二十四日內閣奉上諭曾國藩著授為武英殿大學士欽此當即恭設香案望闕叩頭謝

恩訖伏念臣謬居揆席兼領封圻愧無尺寸之功祇切滿盈之懼茲乃欽承

恩命忝長班行溯通籍於三十年前未預纂修之役拜新命於

奏稿卷三十一

五

九重天上適承遭遇之隆就詞館而論班資同朝尚多先達以疆臣而登台輔從古詫為殊榮自顧顛蒙倍深悚惕當此寇氛猶警民力未紓臣惟當盡瘁鞠躬勤補拙恤疲氓以培元氣求賢士以集眾思常履薄而臨深冀盡忠而補過庶幾仰答高厚鴻慈於萬一所有感激下忱謹繕摺叩謝

天恩伏乞

皇太后

皇上聖鑒謹

奏

國屢借洋銀亦屬疆臣之恥惟有向浙江江西湖北等省暫時挪借尚可設法通融查前借浙江銀十萬兩或作協款或作借款本擬秋開定議具奏而目前情形不特前款無可籌還並須續行添借江西省供應軍兩年來按月撥解已逾百數十萬撫臣劉坤一力顧大局方時以為款本不欲作盡忠竭歡之舉而目下需用甚亟不得不再商籌借湖北本年境內無事養兵極少又係李鴻章本轄之境自可緩急相通合無籲懇天恩敕下浙江江西兩撫各借銀二十萬兩湖北借銀十萬兩撥解處為遣撤淮湘各軍之用仍由蘇省於四箇月以後陸續歸款浙江之款則由松滬釐局解還江西之款則由西鹽督銷局解還湖北之款則由鄂鹽督銷局解還或李鴻章履任後酌量籌辦一轉移間蘇省之力稍紓而三省亦尚無所損至閏四月間所借浙江之十萬兩更無餘力籌還應請旨飭下浙江撫臣作為協蘇之款將來即由浙江歸入軍需報銷以省輻輳所有預籌撤勇經費緣由理合會同兩湖督臣李鴻章江蘇撫臣丁日昌恭摺陳伏乞

皇太后
皇上聖鑒訓示謹
奏

查明運河水誌情形摺 同治七年七月二十一日
奏為遵
旨查明運河水誌情形恭摺覆陳仰祈
聖鑒事竊臣等承准軍機大臣字寄同治七年閏四月初六日奉
上諭都察院奏江蘇舉人蔡則澐等遭抱以壩水頻年被淹請復舊誌等詞赴該衙門呈訴據稱現在改誌原為保堤而設但運河存水常行在一丈以外今減為一丈四尺勢必連年開壩民力均屬拋荒仍請水誌遵行一丈六尺立秋後始准開車壩壩處警後始准開中新等壩成案等語該舉人等所稱各情應如何因時制宜仍復舊案以衛民生之處著曾國藩張之萬丁日昌悉心會商妥為辦理原呈均著鈔給閱看等因欽此伏查運河水誌前經臣之萬會同前署督臣李鴻章參酌成案議定立秋節前高郵誌椿長至一丈四尺啟放車邏壩仍每加四寸遞行接啓南中新壩如逾立秋則照一丈二尺八寸按章遞啓等因於五年十一月初十日奏明在案茲據舉人蔡則澐等呈請仍復誌椿舊案查呈內所稱舊案有水誌一丈六尺始行開壩之說督臣衙門案卷全失無可稽考飭據淮揚道鈔錄成案前後參觀並無水誌以一丈六尺為度之說自係該舉人等得自傳述並非有案可稽至所請立秋處暑節後始行開壩一節

查各壩遲開一日則下河受益一日自是正辦然水勢長落每
年遲早不同若必待立秋以後且必限定誌椿一丈六尺始放
車邏壩萬一盛漲潰決則運河之啓壩稍遲下河之受害更大
且誌椿尺寸雖經奏定臣等總以得守且守督飭工員細心體
察斷無專顧堤工急於開壩之事查五年奏定章程以後六年
七月十五日始開車邏壩已在立秋之後本年水勢較小現在
處暑已逾半月並未開放各壩如果他年並無異常盛漲則終
歲不必開壩更爲盡善總之裏下河之居民以運河之兩堤爲
命脈十餘年來久未興修險工林立本年春間撥錢十餘萬串
派員將最險之馬棚灣一段修整九月間尙擬籌款續修小羅
壩一段擬於二三年內將東西兩堤全行修築務期格外高厚
堅實能使水誌過於一丈四尺尙不開壩則捍衛有資保全更
大臣等愚見以爲隄工加一分則裏下河受一分之益若徒爭
開壩之尺寸較時日之早遲則放壩之際浩瀚奔注立成澤國
雖比諸潰決之禍稍輕而其有傷於農田則一也五年奏定之
案甫經二年行之無弊未便遽議更改該舉人蔡則澐呈請改
定誌椿尺寸之處應毋庸議所有臣等遵
旨查覆緣由理合恭摺具陳伏乞

皇太后
皇上聖鑒訓示謹

奏稿卷三十二

奏

奏

奏稿卷三十二

奏

曾文正公奏稿

卷之三十三目錄

謝調補直隸總督 恩摺

同治七年八月初六日

陳明服中帶兵未能終制片

新造輪船摺 九月初二日

請禁川私行楚收復淮南引地摺

十月初五日

陝甘協餉歸湖北轉解片

湘軍第五案報銷摺

十一月初三日

酌議江蘇水師事宜摺

全日

酌擬武職借補章程摺

全日

奏稿卷三十三目錄

請傳辦要件統歸內務府大臣行文片

恭報起程日期片

謝調補直隸總督 恩摺 同治七年八月初六日

奏為恭謝

天恩籲懇

陛見恭摺仰祈

聖鑒事竊臣准兵部火票遞到同治七年七月二十日內閣奉

上諭曾國藩著調補直隸總督欽此當即恭設香案望

闕叩頭謝

恩訖伏念臣自咸豐十年仰蒙

文宗顯皇帝簡任兩江已越九年中閒軍書旁午身在戎行於

吏治未得盡心即在江甯任所前後二年籌畫餉需顧此失彼

仍未能講求吏治惠卹疲民夙夜抱慙惟以不獲稱職為懼茲

乃欽承

恩旨調任畿疆聞

命之餘倍深悚惕目前中原軍務一律肅清所有撤勇事宜業

與湖廣督臣李鴻章往返商榷有頭緒新任督臣馬新貽到

任後可與李鴻章和衷妥辦現將經手未了事件趕緊清釐

籲懇

天恩俯准於交卸後入都

陛見俾得瞻仰

天顏跪聆

聖訓冀一切有所遵循而弊除案內累荷高厚之

恩勤捨案內仰沐優容之

德亦得叩謝

關廷稽首頓首志感志愧庶以稍抒惻忱於萬一所有微臣感

激下忱并願請

陛見緣由理合繕摺具陳伏乞

皇太后

皇上聖鑒訓示謹

奏

奏稿卷三十三

陳明服中帶兵未能終制片同治七年八月初六日

再臣自咸豐七年二月在營丁父憂回籍八年六月以浙江軍

務緊迫欽奉

諭旨催促赴援勉循金革無避之義復出帶兵守制尙欠一年

雖墨經從戎與接篆居官者有閒而臣丁母憂亦僅五箇月即

遵

旨赴省辦團並未在家終制兩次冒禮從公耿耿此心如嬰重

咎臣在家時父母葬地未能詳慎嗣由臣弟等改卜遷葬至今

已越十年並未一展謁墓之禮瞻望松楸難安夢寐至臣剿擒

無功不屬疚心之事而回任以後又不克勤於其職從前置臣

奏稿卷三十五

有聲於時者屬員之賢否公事之源委無不博諏而默識之一

一了然於心方足經緯萬端措置精當臣舌蹇心悸之證迄未

痊愈不能多見僚屬即接見之時亦因艱於言語不能暢論公

事不能殷勤訓勵暗中多所廢弛論今日之有負重任則無以

對吾

君論前此之有忝子職則無以對吾親凡此愧歉兩端常恐難

言之隱未能自達於

聖主之前今幸交御在即赴

闕有期除俟到京後剴切具奏外謹先附片陳明伏乞

皇太后

皇上聖鑒訓示謹奏

奏稿卷三十三

四

新造輪船摺 同治七年九月初二日

奏為新造第一號輪船工竣並附陳上海機器局籌辦情形恭摺仰祈

聖鑒事竊中國試造輪船之議臣於咸豐十一年七月覆奏購買船礮摺內即有此說同治元二年間駐紮安慶設局試造洋器全用漢人未雇洋匠雖造成一小輪船而行駛遲鈍不甚得法二年冬閒派令候補同知容闈出洋購買機器漸有擴充之意湖廣督臣李鴻章自初任蘇撫即留心外洋軍械維時丁日昌在上海道任內彼此講求禦侮之策製器之方四年五月在滬購買機器一座派委知府馮燦光沈保靖等開設鐵廠適容闈所購之器亦於是時運到歸并一局始以攻剿方殷專造槍礮亦因經費支絀難興船工至六年四月臣奏請撥留洋稅二成以一成為專造輪船之用仰蒙

奏稿卷三十三

五

聖慈允准於是撥款漸裕購料漸多蘇松大道應寶時及馮燦光沈保靖等朝夕討論期於必成查製造輪船以汽鑪機器船壳三項為大宗從前上海洋廠自製輪船其汽鑪機器均係購自外洋帶至內地裝配船壳從未有自構式樣造成重大機器汽鑪全具者此次創辦之始攷究圖說自出機杼本年閏四月閒臣赴上海察看已有端緒七月初旬第一號工竣臣命名曰恬吉輪船意取四海波恬厥務安吉也其汽鑪船壳兩項均係

廠中自造機器則購買舊者修整參用船身長十八丈五尺闊二丈七尺二寸先在吳淞口外試行由銅沙直出大洋至浙江舟山而旋復於八月十三日駛至金陵臣親自登舟試行至采石磯每一時上水行七十餘里下水行一百二十餘里尙屬堅緻靈便可以涉歷重洋原議擬造四號今第一號係屬明輪此後卽續造暗輪將來漸推漸精卽二十餘丈之大艦可伸可縮之煙筒可高可低之輪軸或亦可苦思而得之上年試辦以來臣深恐日久無成未敢率爾具奏仰賴朝廷不惜巨款不責速效得以從容集事中國自強之道或基於此各委員苦心經營其勞動亦不可沒也溯自上海初立鐵

奏稿卷三十三 六

廠迄今已逾三年先後籌辦情形請爲皇上粗陳其概開局之初軍事孔亟李鴻章飭令先造槍礮兩項以應急需惟製造槍礮必先有製槍製礮之器乃能舉辦查原購鐵廠修船之器居多造礮之器甚少各委員詳考圖說以點線面體之法求方圓平直之用就廠中洋器以母生子觸類旁通造成大小機器三十餘座卽用此器以鑄礮鑪高三丈圍逾一丈以風輪煽熾火力去渣存液一氣鑄成先鑄實心再用機器車刮銑挖使礮之外光如鏡內滑如脂製造開花田雞等礮配備礮車炸彈藥引木心等物皆與外洋所造者足相匹敵至洋槍一項需用機器尤多如礮捲槍筒車刮外光鑽挖內膛

曾文正公奏稿 卷三三

銓造斜棧等事各有精器巧式百出槍成之後亦與購自外洋者無異此四五年間先造槍礮兼造製器之器之情形也該局向在上海虹口暫租洋廠中外錯處諸多不便且機器日增廠地狹窄不能安置六年夏間乃於上海城南興建新廠購地七十餘畝修造公所其已成者曰瀋鑪廠曰機器廠曰熟鐵廠曰洋槍樓曰木工廠曰鑄銅鐵廠曰火箭廠曰庫房棧房煤房文案房工務廳暨中外工匠住居之室房屋頗多規矩亦肅其未成者尙須速開船塢以整破舟酌建瓦棚以儲木料另立學館以習繙譯蓋繙譯一事係製造之根本洋人製器出於算學其中奧妙皆有圖說可尋特以彼此文義扞格不通故雖日習其

奏稿卷三十三 七

器究不明夫用器與製器之所以然本年局中委員於繙譯甚爲究心先後訂請英國偉烈亞力美國傅蘭雅瑪高温三名專擇有裨製造之書詳細繙出現已譯成瀋機發軔瀋機問答運規約指泰西採煤圖說四種擬俟學館建成卽選聰穎子弟隨同學習妥立課程先從圖說入手切實研究庶幾物理融貫不必假手洋人亦可引伸另勒成書此又擇地遷廠及添建繙譯館之情形也茲因輪船初成之際理合一併附奏該局員等殫精竭慮創此宏規實屬著有成效其尤爲出力各員可否顯懇天恩給予獎敘恭候命下遵行如蒙

六一三

俞允臣當與李鴻章丁日昌酌核清單由新任督臣馬新貽會奏所有新造第一號輪船工竣並附陳機器局籌辦情形謹會同湖廣總督臣李鴻章江蘇巡撫臣丁日昌恭摺具陳伏乞

皇太后

皇上聖鑒訓示謹

奏

奏稿卷三十三

八

請禁川私行楚收復淮南引地摺同治七年十月初五日奏為請禁川私行楚收復淮南引地以復舊制而整釐綱恭摺仰祈

聖鑒事竊照楚省本係淮南引地定額最多銷鹽最廣從前淮網盛時歲徵各岸課銀甲於天下其徵諸蘇省者不及十之一徵諸江西安徽者不過十之三徵諸兩湖者則居十之六是淮網之興替全視楚岸之暢滯為轉移軍興以後長江梗塞淮鹽不能行楚經楚省督撫奏明借食川鹽原屬權宜之計臣於同治二三年間整理釐務維時淮商即以收復楚岸為請祇因引地被占十有餘年行之既習為常禁之未便太驟是以暫將鄰

奏稿卷三十三

九

鹽釐稅酌量加重原冀川私本重而日衰淮鹽漸進而日旺不謂川販巧於遷避百計漏釐每運兩引之鹽僅完一引之稅臣訪知其弊上年曾派委員至宜昌會同楚省委員公同掣驗本年又減淮鹽之釐期收敵私之效非不多方臣救乃查鄂湘兩局積壓淮鹽不下十餘萬引存數極多銷數極滯而川私紛至沓來較前尤甚推原其故總由鄂省利食川鹽雖有掣驗之名而明讓斤兩近聞宜昌抽收川稅仍不過六七折以致川販成本大輕來源愈旺是前此繞越而偷行者今更肆行而無忌川鄂官商幾忘引地之應屬何省請舉淮之受害於川者數端為皇太后

皇上縷晰陳之淮鹽逆流上駛歷長江洞庭之險每船至少須裝千餘包船笨載重計自瓜洲開行非四五箇月不能達鄂非六七箇月不能達湘偶遇暴風山磯立時淹消巨萬本銀悉歸烏有川鹽則自川江順流而下勢等建瓴雜用小船靈便異常計程途則淮遠而川近論舟行則下易而上難此運道之捷於淮者其害一也淮南之鹽以餘東呂四兩場爲通場之冠俗所稱餘呂眞梁者也從前暢行楚岸其鹽色之潔由於商力充足本年所產之鹽堆至次年始行開售堆愈久則滷愈淨近年垣商疲乏隨收隨售鹽色不無稍減川鹽則自行楚以後廣開井竈其色甚白其質甚乾川販因之而居奇淮岸因之而日廢喧

奏稿卷三十三

賓奪主莫斯爲甚此鹽色之勝於淮者其害二也淮鹽定章以五百引起票係有鑒於道光末年改辦票運不拘引數聽商稟認厥後承辦數千引之大販皆爲一二十引之小販搶運所誤故新章定以限制一以杜無本冒充之弊一以驗有力承運之資計請鄂湘引票五百引非現銀七八千兩不辦川鹽則計斤不計引集資數百千即可辦運鹽皆散裝既官私之莫辨釐不預納亦來去之自由此籌運之巧於淮者其害三也鄂湘兩局售鹽皆以到岸之先後定出售之遲速鹽未到輪不准搶賣近數年來銷雖極疲而商未跌價深得整輪之益但在船守風抵岸守輪計一檔之鹽非一年之久不得脫銷川鹽則到處可售

得價則賣銷路廣則窮鄉僻壤徧地皆私賣價輕則鋪戶行家非川不鬻此籌銷之便於淮者其害四也有此四害淮何能與川敵川鹽一日不停淮鹽一日無暢銷之望議者謂川鹽停止於川省業鹽人等有礙殊不知淮南通泰二十場垣商煎丁以及鈎損細忙人等不下數百萬戶兵荒年久困苦顛連爲從來所未有滿望江路通行規復引地徐圖轉機不料鄂湘最暢之岸盡爲川私所占西岸亦爲粵私閩私所占場運各商倒歇之家固眾而煎細各役失業之人尤多比之川省業鹽者何止數倍凡認淮引之商屢赴臣衙門呈遞稟詞請堵川私幾無虛日譬之家有田產任客民多年占據爲尊長者忍視子弟之啼飢號寒而不爲之救有是情乎至湖北軍餉原以川釐爲大宗刻下髮捻俱滅軍事大定鄂省存營極少餉項足敷周轉况淮鹽內亦收鄂釐淮銷果暢鄂餉即因之而增此時堵止川私核與前准部文俟淮鹽暢行應即申明舊章嚴禁鄰私毋任侵占等語實相脗合相應請旨敕下四川湖廣各督撫停止川私行楚以復昔年之舊制而收經久之利權臣職司釐權歷有歲年所徵課銀因軍餉緊要未能多籌解京私衷抱歉耿耿於心今雖交卸鹽篆猶思籌異日之有餘補近年之不足我朝鹽法沿明舊制畫分引地係大經大法一成而不可易今南

奏稿卷三十三

六二五

北軍務告竣而不力爭以圖規復則二百餘年之憲典自臣而
墮其拂逆商情斂一時之怨厥咎尙輕敗壞成法貽後世之譏
厥咎更重用是纒晰具陳如蒙

諭旨准禁川私應如何分立限期漸減漸停如何堵緝粵私潞
私浙私閩私不復抽收鄰稅統由新任督臣馬新貽核議章程

奏明辦理所有請禁川私行楚收回淮南引地緣由理合會同
兩江督臣馬新貽恭摺具奏伏乞

皇太后

皇上聖鑒訓示謹

奏

奏稿卷三十三

三

陝甘協餉歸湖北轉解片 同治七年十月初五日

再廣東提督劉松山所統老湘營一軍自同治五年冬閒入陝
以後凡餉項軍火帳棚雜械一切俱由江南供支其運送承接
之處一曰清江轉運局一曰徐州糧臺一曰靈寶糧臺三處接
遞源源轉輸彼時捻蹤無定各軍奔馳於道清江徐州兩處供
應繁多非專爲老湘營而設其靈寶糧臺一處則係奏明專管
老湘營餉項現在捻股蕩平各軍凱撤其轉運局糧臺各有長
雇之車馬有護送之勇丁費用浩繁應卽次第裁撤以節經費
惟劉松山一軍奉

命西征所有該軍餉項與新任督臣馬新貽撫臣丁日昌面

奏稿卷三十三

三

商仍歸江蘇接濟俾劉松山無後顧之憂方能一意勦賊其轉
運之路則須從長計議籌一可久之策從前江南餉項解至清
江登陸由徐州轉解汴梁洛陽等處入關旱路近二千里勢迂
而費多不若由江路直達湖北襄陽之老河口再行登陸則由
浙川入荆紫關旱路三百餘里勢順而費少該軍月餉約計每
月正項需銀六萬有奇嗣後江蘇協餉每月籌銀六萬兩解交
湖北省城甘肅後路糧臺接收合之左營穆營之三萬兩劉典
營中之一萬兩計江蘇協濟陝甘之餉每月共十萬兩均解湖
北由陝甘委員彙同各省協餉併解襄陽老河口登陸入關昨
據徐海道高梯稟稱蘇豫交界地方游兵散勇三五乘騎絡繹

來往槍械馳逐解餉深恐遺誤等語此時糧臺未撤已有戒心
頃已將靈寶糧臺裁撤而徐州糧臺清江轉運局明年亦必
裁撤數千里無一營盤又無臺局勇丁護送陸路太遠實不放
心不若改由襄陽入秦水路愈遠愈便陸路愈少愈好至老湘
營未經剿捻以前截至四年五月底止欠發銀九萬九千四十
九兩有奇尙係兩江境內剿賊時之款仍應由江南籌發業經
臣札飭湖南督銷淮鹽局分作十箇月每月籌銀一萬兩解至
湖北交甘肅後路糧臺轉解該軍以清積欠臣交卸之際應將
經手事件略爲結束相應奏明請
旨敕下陝甘江南河南各督撫查照辦理謹附片陳明伏乞

奏稿卷三十三

古

皇太后

皇上聖鑒訓示謹

奏

湘軍第五案報銷摺 同治七年十一月初三日
奏爲湘軍第五案軍需款目遵
旨造冊報銷恭摺仰祈
聖鑒事竊臣欽奉同治三年七月初十日
上諭同治三年六月以前各處辦理軍務未經報銷之案准將
收支款目總數分年分期開具簡明清單奏明存案免其造冊
報銷其自本年七月起一應軍需凡有例可循者務當遵例支
發力求樽節其例所不及有應酌量變通者亦須先行奏咨備
案事竣之日一併造冊報銷等因欽此所有同治三年六月以
前簡明清單分爲四案臣於六年二月初八日專摺具奏並聲

奏稿卷三十三

古

明三年六月以後至四年五月北征之日止督飭各員接辦照
例報銷在案查四年閏五月以後湘淮各軍同爲剿捻之師應
由臣與湖廣督臣李鴻章會同造報另案辦理其自同治三年
七月初一日起至四年五月底止臣尙未奉
旨剿捻以前所有隨時遣撤及留防之湘軍一切用款仍由臣

飭派江西候補知府王延長安徽候補知府李興銳彭嘉玉一
手經理逐款清釐作爲湘軍第五案茲據安徽藩司張兆棟等
督率王延長等詳稱仿照簡明清單據實開報之意而另造細
冊咨部查核以符造冊報銷之義綜計收款第四案簡明清單
內實存銀九萬八百十五兩有奇實存錢七萬二千六百八十

九千有奇新收江皖湘鄂各省藩庫道庫關稅釐捐茶稅鹽釐及扣存製造轉運等項平餘共銀七百七十二萬六千四百一十二兩有奇內除補放各軍欠餉三百四十二萬四千七百三十五兩有奇錢一萬九百三十一千有奇協濟外省餉銀一百三萬三千一百五十三兩有奇計實收銀三百三十五萬九千三百四十九兩有奇錢六萬一千七百五十七千有奇開除正雜各款實銷銀三百三十四萬七千五百二十二兩有奇錢三萬六千九百一十千有奇實存銀一萬二千二百九十六兩有奇錢二萬四千八百四十七千有奇歸於勦捻軍需下案接辦以上各營用款自同治三年七月初一日接報起截至同治四年五

奏稿卷三十三

共

月底出省勦捻止畫清界限各歸各報其有未調勦捻隨後裁撤之湘中強中義從吉左湘副後長勝各營附入此次造銷以了湘軍東征積贖入款不足則酌提五月以後釐金鹽釐兩項補足以清款目等因具詳請奏前來臣查從前各路軍營辦理報銷均按軍需則例分款開報其有與例不合者必一一遷就求合乎例而後止在當時定例誠以軍營用款最易冒銷故於萬不能定數之事而使之束縛於定例之中所以杜冒濫定限制立法未為不嚴用意未為不善然相沿既久不問用款之有無虛實但求造冊之針孔相符內外胥吏互相勾結以冊式為秘笈以報銷為利藪而於公家帑項毫無裨益臣此次造冊報

銷虛餉各委員認定實用實銷四字不准設法騰挪不准由為彌縫情願與部例不符不願與實數不合蓋部中則例定自乾隆年間其時全用經制之兵用部撥之餉與此次兵由外募餉由外籌情形迥不相同即嘉慶年間參用勇丁而所募之數甚少所定之例甚略從未有一軍募至十餘萬之多行之十餘年之久如此次者也臣於咸豐三年初募湘勇係照江忠源營中發餉章程酌量核減散勇每月四兩二錢親兵四兩五錢什長四兩八錢在衡州將章程刊刻一次頒發各營厥後略有增改在江西刊刻一次至咸豐十年在祁門又刻一次自後遵守多年不復更改臣之刊章雖未進呈

奏稿卷三十三

七

御而東南各省傳播已徧即京師亦間有流布者當在聖明洞鑒之中臣於咸豐七年九月具奏報銷規模同治四年臘月具奏水師事宜均將發餉數目大概陳明而駱秉章胡林翼喬松年前後所奏均有照處刊本章程發餉之語是臣營餉章昭昭在人耳目斷難一字掩飾茲將咸豐十年所刊營制營規各一本隨摺咨送軍機處備查此次報銷即係照刊本核算從前江南大營請銷兵丁口糧每名月支銀三兩八錢有奇仍支本身餘丁本色口分米糧加以管帶員弁大小約三十餘員鹽糧等項連原省坐糧每用兵一千名每月約需銀七千兩請銷勇營口糧每名日支錢三百文錢價酌中折銀每名月需

銀六兩以外加以管帶各官薪水雜支每勇千名每月亦逾六千兩臣部湘勇以五百人為一營營官哨官勇夫薪糧公費統計一營月支銀二千八百兩有奇每勇千名合計不過五千七百餘兩較之江南大營成案有減無增向例軍營各官遞升一階則酌加薪糧若干或得一巴圖魯勇號則領餉更優臣所定湘軍陸師章程專論差使不論官階營哨各官論功則隨時保擢領餉則從不加支即使從干把保至提鎮而薪糧如故其巴圖魯等項亦但有虛榮而無實惠他如旗幟號衣書醫匠役例准支銷者悉包括於公費一項之內故由後來論之則安徽河南山東等省之餉章較之臣軍而更少由前此論之則向榮和

奏稿卷三十三

六

春張國樑等軍之餉章較之臣軍而更優自臣定章以後湘軍四出援剿鄂皖江浙秦蜀黔粵等處大率從臣章者居多亦有先從而後改大同而小異者又有雖隸臣部下而鮑超之靈字營劉松山之老湘營王可陞之陞字營不盡遵臣刊章者要之凡勇千名月餉總不得越五千八百兩李鴻章所部諸軍同治元年初至上海孤軍特起地處極危不得不稍加優異以鼓士氣四年二月閒李鴻章附奏軍需用款一片係指在滬蘇用兵時發餉而言款目稍異情形不同然亦千勇未嘗逾六千兩之數迨四年五月臣奉旨督師所用各軍准多湘少同為勦捻之軍仍照刊章一律支

曾文正公奏稿 卷三三

放此又因時權衡而仍力求撙節之本意也向來採買製造為銷款之弊數臣於帳棚軍火再三推求博訪而預籌之但有製辦太多之患而無價值過昂之弊向來軍需正款收放一律庫平惟雜款每百兩扣平餘銀一兩臣營初亦純用庫平自咸豐九年起與胡林翼議定無分正雜用款概以湘平支放而所收各處庫平每百兩申出三兩六錢另列入款撥用積少成多所省頗巨向來花名清冊為送台領餉之據即為送部備查之案然兵冊則的名居多勇冊則假名居多相沿已久蓋勇丁去來無定原籍本無伍符可稽而又有汰革者告假者隨時更換又或疫疾連喪數十人大敗連喪數百人倉卒難以募補則其空

奏稿卷三十三

九

缺之時應有截曠銀兩在營官之賢者或將此項截曠銀兩多養死士修補軍械不肖者則以此自肥私橐臣每於各營遣撤之時飭令繳出截曠銀若干平日則未及深究若令按月造送名冊彼不能將曠缺一一呈明必造假名冊以應之積習牢不可破臣洞悉此弊故刊章內但以勤於點名為重而不以造花名冊為重各營無冊送臣處臣遂無冊送部咸豐九十年閒戶部屢次催造花名冊臣迄未造送其有違部例者在此其不欺朝廷者亦在此此心可質鬼神初無絲毫意見敢與部臣相抗也今此案造冊報銷亦但造銀數冊仍未造花名冊實不欲以臨時編造偽名稍涉欺飾伏乞

六一九

皇上垂察敕下該部曲為鑒亮幸甚將來勦捻軍需淮湘各軍同支江南之餉臣與李鴻章會同造報亦擬不造花名冊以歸簡易理合預行陳明所有湘軍第五案造冊報銷緣由專摺具陳伏乞

皇太后

皇上聖鑒敕部核覆施行謹

奏

奏稿卷三十三

三

酌議江蘇水師事宜摺同治七年十一月初三日

奏為酌議江蘇水師事宜恭摺仰祈

聖鑒事竊臣擬酌改江南外海水師營制業於本年四月初七日附片陳奏大概在案伏思釐訂新章必須參稽舊制查中樞

政考所載江南水師向分外海內河兩支外海兵六千七百七

十六名官一百一十八員內河兵八千零二十一名官一百三

十三員其船數則無可稽考道光二十四年前督臣璧昌奏稱

江南舊例營船二百七十五隻業已破廢不堪另造船板船一

百二十五號大船船十二號等語約而計之其船不過裝載二

千數百人額定之兵尚有萬餘人無船可載有水師之名無舟

楫之實不能不大為變通講求實際竊謂水師之多少宜以船

隻之多少為斷無船則兵無用武之地官為虛設之員欲定水

兵之額數必先籌口糧之入款兼籌修船之經費即如外海船

隻須用廣艇紅單拖罾之類每造一號動費數千金夾底者或

萬餘金加以大小修整繩索損具子藥礮械所費更為不貲上

而火輪兵船用款尤鉅下而舢板小艇需費亦繁竭江蘇之物

力不過辦船百餘號裝兵三千餘人而止其不能不大裁舊制

之兵酌減舊設之官者勢也至於養兵之餉舊制水師亦照陸

營之例有馬糧戰糧守糧等名目平日或小營營生或手藝餬

口尚不足以自存今既責令常住船上不得不稍從優厚故長

奏稿卷三十三

三

江章程兵糧月支二兩七錢或三兩不等較戰糧已加一倍較
守糧幾加二倍今議江蘇水師亦宜仿照長江之例外海則尚
須略增自軍興以來綠營之兵無功各省之勇著績兵丁亦頗
以平素餉薄爲辭今欲一兵收一兵之用不能不酌增口分者
亦勢也惟既增出款即須籌畫入款長江之餉五省各留釐卡
一處係出於正賦之外臣尙以太多爲慮江蘇水師則經費出
自司庫斷不能於正額之外添出無著之餉尤不可徂抽釐之
說留一永遠之卡溯查乾隆四十七年增兵六萬有奇其時大
學士阿桂上疏陳論以爲國家經費驟加不覺其多歲支則難
爲繼臣國藩於咸豐元年在侍郎任內奏請裁兵即引伸其言

奏稿卷三十三

五

歎爲遠慮今日整理水師豈肯盡背前言江蘇水師嘉慶道光
年間每歲用銀若干蘇省無案可稽此時約略計算總不欲使
新章之銀浮於舊制之外如其不敷更須酌裁陸兵以補救之
不獨江蘇爲然也即沿海各省整頓水師均須核算餉項如使
新餉果浮於原數即應兼裁陸兵以酌濟水餉蓋水師久無戰
船非修造兩三年不能集事陸路縱缺額兵苟募勇兩三月即
可成軍陸路則有事招勇無事裁撤水路則製器於多年取用
於一旦權衡緩急海疆似以水營爲重其他省之但有陸兵并
無水師者縱不遽議裁撤趁此中原大定之際亦可將出缺之
弁兵緩至二十年後再議募補將來重募之日儘可仿辦江之

例大減額兵酌加口糧此又因節省經費而兼籌陸營之計也
謹議江蘇水師事宜十四條營制十六條繕具清摺恭呈
御覽伏乞

敕下各衙門詳細會議歸於至當凡疆臣奏事每畏部臣駁詰
亦古來之恆情獨至此等大政則不畏駁詰且惟恐其不駁惟
恐其少駁目前多一詰難日後少一愆尤不特求部臣再三駁
詰即江蘇前後各任如協辦大學士湖廣督臣李鴻章在蘇省
用兵最久洞悉水陸情形兩江督臣馬新貽在浙江辦理減兵
事件講求已熟江蘇撫臣丁日昌素有捍禦外洋之志並請
敕下李鴻章馬新貽丁日昌各抒所見將江蘇水師船政妥爲

奏稿卷三十三

五

核議務使外防與內盜并謀舊制與新章兼顧臣雖離兩江尙
有所見仍當續行陳議期於利多弊少不特江蘇爲然即長江
水師亦乞

敕下沿江五省督撫隨時察看如有不妥之處二年以內儘可
奏明斟酌損益臣斷不因係初議之人稍存迴護之見臣之微
意不過欲使中國兵勇以舟楫爲室家以海洋爲坦道庶幾事
以屢試而漸精人以狎水而漸壯至於船式如何而後善營制
如何而後強自當再探羣言不敢略執成見也一俟江蘇水師
定章後沿海閩粵各省均可參酌辦理大局幸甚所有酌議江
蘇水師事宜緣由謹會同兩江督臣馬新貽江蘇撫臣丁日昌

恭摺具奏伏乞

皇太后

皇上聖鑒訓示謹

奏

奏稿卷三十三

三十四

謹將酌議江蘇水師事宜十四條開單恭呈御覽

第一條分別內洋外海及裏河三支

江蘇轄境江海匯歸之處固稱澤國即江以南蘇常松太等屬亦復湖河紛歧跬步皆水原制水師內河外海分爲兩支今擬改爲三大支曰內洋曰外海曰裏河自江陰之蝦蟇山以東至崇明之十墩口四百餘里皆長江之尾闈此內洋也自十墩口以東八十里至柰山出柰山以北至贛榆縣之鷹游門出洋約八九百里與山東洋面毗連內爲五條沙外爲黑水洋由柰山迤南至金山衛出洋約二百七八十里與浙江洋面毗連此外

奏稿卷三十三

五

海也至腹地之水以太湖爲巨浸太湖入海凡分三道北爲劉河南爲黃浦江中爲吳淞江此裏河也就內洋而論北岸之港五十有四南岸之港二十崇明之港五十有五沙路叢出最易藏奸就外海而論羊山馬蹟花腦陳錢有嶼避風皆爲盜賊出沒之所其沙船遇盜則柰山前後尤多就裏河而論太湖久爲盜藪而泖湖澱山陽城昆城等湖及福山江陰等口亦常有搶劫之案外而禦侮內而詰奸三支水師均不可少

第二條內洋外海水師公立營數

江南水師向以提督所屬之南匯一營蘇松鎮之中左右三營及所屬之吳淞川沙二營福山鎮之左營一營狼山鎮之右營

一營及所屬之掘港一營為外海九營近年長江章程內新議添設狼山鎮屬有通州海門二營共為十一營今酌量核議應於其中分五營為內洋水師分六營為外海水師查福山一鎮係道光年間所創外海之營太少今擬撥蘇松鎮之川沙吳淞二營改歸福山鎮管轄凡內洋五營曰蘇松鎮之右營曰福山鎮之左營曰狼山鎮之右營通州海門營凡外海六營曰提督之南匯營曰蘇松鎮之中營左營曰撥歸福山鎮之吳淞營川沙營曰狼山鎮之掘港營內洋五營略分汛地北岸上游狼山右營主之北岸下游通州營主之南岸上游福山左營主之南岸下游海門營主之崇明南北皆蘇松右營主之外海六營則不分汛地當以吳淞口十墩兩處為各艇船停聚之所無事之時則分別月分輪流巡哨有事之際則不分畛域一體剿捕至於分月巡哨之章程失事之處分統俟初次部覆到後再行續議其內洋五營與長江水師之江陰營如何分別巡哨互相防衛之處亦俟下次續議

第三條裏河水師分立營數

江蘇裏河向有提標右營太湖水師左營右營茲仍其舊而另添淞北營淞南營共為五營淞北營巡緝吳淞江以北之支河湖蕩如尙湖昆城湖陽城湖金雞湖之類並查劉河北茆七了福山江陰等出江之口淞南營巡緝吳淞江以南之支河湖蕩

如澱山湖澄湖龐山湖營原湖營葉舍蕩王江涇等處與浙江接界鎗船出沒之所汛地至三泖為止太湖左營巡緝東路蘇州所屬湖面右營巡緝西路常州所屬湖面兼查運河東沈西沈長蕩湖滬湖等處提標右營巡緝自三泖起至吳淞口止專防黃浦江駛入腹地之門戶凡裏河五營不復分隸各鎮專歸提督統轄仍聽督撫節制惟從前舊制內河各營雖名水師實則并管陸路各有汛地此次五營所分地段太寬支流太多凡近水面有事皆係水師之責近水口岸亦可兼顧若離岸稍遠水師不能兼顧

第四條狼山鎮新設之通州海門二營仍須酌改規制

長江章程第二十六條內載狼山江寬百餘里洪濤浩瀚海風不測長龍舳板船身太小有風即不能出港擬每營造大舳板二十號并造紅單拖船等大船數號等語茲查長江之舳板槳枝多而船身低於該處甚不相宜而紅單等船又嫌其太大惟現造之八團舳板尚屬合用但專靠風力不用人力無風無潮則不能行駛且修造之價頗貴為數不宜太多今酌船隻之大小以定營制之多寡應改為通州營八團舳板十二號海門營八團舳板十二號較原議共減去二十三號至臣國藩於同治四年臘月議長江章程一案營制摺內通州海門兩營皆係舳板二十號事宜摺內副將營應派舳板四十三號本年三月議

補缺案內將海門舢板補四十三缺但顧副將營四十三號之
通例遂忘海門營二十四號之專條係屬錯誤應請
旨將 國藩交部議處此外如續有查出錯誤之處容隨時奏
請更正至江蘇內洋外海水師既已另立規制則通州海門二
營仍應歸江南提督專管長江提督兼轄

第五條各營船制數目

江南水師船數兵燹以後無案可稽僅由蘇松鎮衙門鈔
得原任督臣璧昌道光二十四年十一月奏案一件據稱舊例
江南營船二百七十五隻業已破廢不堪璧昌等乃議減數另
造計外海大船船十二號內洋大舢板船八十五號小舢板船

奏稿卷三十三

五

三十八號當時船式今不可考於本年釘造廣艇仿廣東紅
單拖營之式僅成一號釘造八團舢板已成十餘號尚屬合用
將來經久章程擬造廣艇十二號外海六營每營各撥二號每
號配兵約四十名擬造八團舢板六十四號內洋五營每營各
撥十二號每號配兵約二十名擬撥長江之式舢板七十六號
淞北淞南營各十五號太湖兩營各十三號兼用八團舢板各
二號提標右營二十號每號配兵十四名擬造火輪兵船四號
每號配兵約五十名至八十名不等共計戰船一百五十六號
較之璧昌奏案多出二十一號較之舊制尙少一百十九號蓋
弁兵之薪糧宜增而司庫之經費有限不宜多設額缺耳

第六條添用火輪協巡

八團舢板及廣艇皆須乘風乘潮一遇風逆湖阻均難行駛惟
輪船則風水兩無所礙擬以現在海生小輪船一號交福山鎮
管轄飛龍小輪船一號交狼山鎮管轄專巡內洋以捕盜局天
平輪船一號交提督管轄鐵皮輪船一號交蘇松鎮管轄專巡
外海上海鐵廠今年造成者尙非兵船此後即續造火輪兵船
擬造四號分撥提督及蘇松狼山福山三鎮爲專巡外海內洋
之用

第七條設廠修造戰船

上年因船隻太少海面屢有搶劫之案本年雇廣艇八號民船
二十餘號巡緝尙稱得力又在廣東借艇船二號在揚州買艇
船一號其在吳城船廠新造者廣艇甫成一號八團舢板已成
十餘號尙欠四十餘號明年春夏乃可辦畢現定於金陵之燕
子磯設立船廠若辦艇船十二號則須吳城燕子磯兩廠並造
又須至廣東購造以輔之計三處經營二年乃可辦畢每成一
號即將現雇商人之艇船退去一號至上海鐵廠修造輪船本
年造成者尙非兵船此後乃續造兵船如造四號亦須二年乃
可辦畢其襄河五營所用之舢板即用李朝斌所部太湖水勇
之船目前暫可無須另造然其中多有咸豐八九年以後所修
造者漸已朽壞勢亦不能久待即當陸續抽換將來三年一小

奏稿卷三十三

五

修十二年一更換均照長江之例排定于丑寅卯年分舳板在金陵船廠輪流興工輪船則在上海鐵廠興工廣艇一項則或在金陵船廠修造或借上海船塢整理或赴廣東購造隨時斟酌妥辦船廠所以設於金陵者以木簰不宜入鎮江以內之裏河不宜出江陰以下之內洋也故在上游較爲穩便

第八條新營與舊制酌量更改

向來水師之制新章有必須更改者舊時雖有水師之名并無船礮之實將弁皆常住衙署新章則宜常住船上舊制水師亦有戰兵馬兵守兵之名新章則不分馬步但有舵工水手之名舊制江南戰船經費司庫所撥甚少悉令道府州縣攤捐新章

奏稿卷三十三

三

則以船廠爲最要之務經費宜籌巨款舊制水兵月支一兩至二兩不等口糧太輕誰肯效命於大海風濤之中新章擬增加口糧欲加口糧不得不裁減昔年之兵額查中樞政考內載江南內河水師兵丁八千零二十一名外海水師兵丁六千七百七十六名內河副參游都守共二十一員千把外委一百零四員外海參游都守共十七員千把外委九十九員今擬定新章水師專以管船爲主每船各設一官船大者酌設兩官其無船之官無船之兵皆須裁撤約計應裁去兵一萬一千餘人應裁去官六十餘員乃與船數相符茲將各營酌改舊制及擬裁官兵另開清單恭呈

御覽

第九條弁兵薪糧

長江章程兵丁中舵工月支三兩六錢管艙頭工礮手等月支三兩槳手月支二兩七錢茲定江蘇三支水師其裏河五營內洋五營將弁兵丁書識等悉照長江水師章程給發至外海六營弁兵格外辛苦均宜稍從豐厚凡養廉俸薪蔬菜燭炭紙張等項擬請副將月加銀二十兩參將游擊月加十六兩都司加十二兩守備加十兩千把外委加八兩廣艇舵工月給銀九兩班手月給銀六兩其餘兵丁書識月給銀四兩五錢庶與內洋及裏河水師顯示區別至火輪船之將弁舵工兵丁俟兵船造成後另行續議其外海提鎮酌加廉銀亦俟奉到部覆另行續議

奏稿卷三十三

三

第十條前議淮揚水師應行緩辦

長江章程第五條內載安徽淮河自正陽關以下至洪澤湖止并接連蘇屬之支河湖蕩應另設淮揚水師鎮江以東凡江南之支河湖蕩應另設太湖水師各等語今此案太湖水師即包於裏河五營之內是江以南之湖河業經粗定章程矣至江以北淮揚海三屬舊制本有東海鹽城營若與安徽之洪澤湖一帶共立一支水師係屬正辦亦嘗與安徽撫臣往返咨商將淮揚水師章程議妥將行具奏矣近聞榮澤決口黃河南趨渾

水已入洪澤湖內若使大溜果注江南則局勢全變泛濫無定所有淮揚水師之說自應緩辦東海鹽城兩營祇可姑仍其舊置之不議如明年榮澤合龍黃流北趨江淮晏安則蘇省之東海營水師鹽城營水師自可酌修礮船整理舊制而皖省之洪澤湖上下亦可添立二三營為一支水軍以詰奸而禦侮惟經費有常必須量入為出現議江蘇水師極力撙節斷不使新章之費浮於舊制之外將來議淮揚水師亦須加意撙節或裁陸營之兵增水營之餉不使新章之費浮於舊制之外乃為可久之道此外如湖北湖南江西三省支河湖汊原議亦有另行設防之說今軍政大定長江之礮船足敷各省之調遣該三省如

秦稿卷三十三

三

須另立水師似亦宜裁減陸兵添濟水餉不使新章之銀浮於舊制之外庶臻妥愜臣因淮揚而兼及安徽因安徽而兼及兩湖江西蓋緣數省水軍設防之議發自微臣恐糜費過巨不得不慮及久遠也

第十一條 緩撤太湖水勇

江蘇之太湖水師係同治二年所立歸李朝斌統帶當時軍務喫緊處處皆須礮船防剿厥後蘇境肅清李朝斌補授江南提督此項礮船即為調剿捻匪捕拏水盜及保護釐卡之用臣回任後陸續裁撤四營現在尚存七營今裏河既立五營自應將水勇七營之船改為經制五營之船但移換之際最難妥協若

將七營之哨勇遽行裁撤改用舊官舊兵則陸居已久操舟不慣勢難用短而捨長若全留水勇分隸各營概以舊官管帶則兵將不習必至不相融洽若以水勇改為水兵即以現在之營哨官充補舊缺則舊官又無從位置再四思維惟有將七營水勇儘明年內緩緩裁撤每撤一營騰出船礮即交舊官舊兵使用舊兵不足者募水勇以充補此一年數月之中遇有裏河五營缺出即將應撤之營哨官酌補使勇營之官與舊營之官狎處相習庶兵丁可漸慣舟居矣

第十二條 裁出之缺分標另補

秦稿卷三十三

三

此次裁缺人員江蘇之內河外海水師共裁千把外委六十五人係中樞政考舊定之缺長江之通州海門兩營共裁守備千把外委二十三人係本年奏定新設之缺該弁等本有實缺人員勢不能不還以一缺調補他處今擬通州海門兩營裁去之員俟有長江水師缺出即歸於長江提督黃翼升會商總督先行敘補必須此項有缺人員補完之後始能另補他項人員外海內河各營裁去之員俟有江蘇水師缺出即歸於江南提督李朝斌會商先行敘補必須此項有缺人員補完之後始能另補他項人員此兩項舊官其於未經補缺之先仍准酌給薪俸以資贍養至江蘇所裁之缺因遷就姑存舊官是以全裁外委未裁千把將來千把出缺應以一半酌改為外委之缺以期與

營制相合其究應裁千把若干外委若干俟初次部覆到日再行續議

第十三條三鎮酌留陸兵

從前蘇松狼山福山三鎮所轄外海內河各營雖名水師實則兼管陸路故解餉看守城門等事皆屬陸兵之責各鎮皆有中軍皆有隨身兵丁伺應差事今既酌改舊制水兵以船為家則陸路公私差使無人承應擬三鎮各留陸兵百人以備差遣至中軍係標下之領袖蘇松鎮中營今議仍舊即以中營游擊為中軍狼山鎮中營現議裁去該鎮本駐通州即以新設之通州營游擊為中軍福山鎮中營亦議裁去該鎮所屬尚有左營仍舊即以左營游擊為中軍所留陸兵均歸中軍兼管庶水陸截然分途而體制仍存舊規

第十四條計算出入經費

江蘇水師自嘉慶道光以來每歲用銀若干蘇省無案可考惟就中樞政考所載水師十九營官弁兵丁之數約略計算每歲需用俸薪餉項銀七萬六千餘兩兵米四萬九千一百餘石每石以銀一兩三錢合折需銀六萬四千餘兩共銀十四萬餘兩又就鈔得璧昌之奏案內稱江南舊設外海水師船一百七十一隻三年小修三年大修又三年拆造九年一周例動司庫銀十九萬七千七百八十九兩有奇內河水師船一百四隻三年

小修五年大修又三年小修三年拆造十四年一周例動司庫銀五萬九千七百兩有奇每屆一周除司庫正支外由道府州縣攤捐銀約在百萬以外各等語是除攤捐之百萬十二年中司庫實用銀二十五萬七千兩有奇每年牽算僅二萬餘金耳司庫所發太少而攤捐之銀又有名無實以致咸豐初年并無一船其流弊遂至於此臣於此次酌定章程審之又審總求常有堅船而又不欲使文員攤捐分文又不欲使新章之銀浮於舊制之外除火輪兵船一項擬在二成洋稅另議動支外約計十六營官兵俸餉每歲需銀十五萬餘兩再加修船及各項雜費歲需銀約三萬兩兵米歲需銀約一萬餘兩較之原制每歲多用銀三萬餘兩此外尚有坐船書識子藥等費不能不議裁陸兵以補水師額餉之不足如陸兵不可裁則需再減船數兵數此事關係各省大局應俟奉到初次部覆乃可詳細續議

奏稿卷三十三

三

謹將江蘇水師酌改舊制及擬裁官兵開列清單恭呈御覽

計開

提督所屬之外海南匯營原制都司一人守備一人千總一人把總二人外委二人共官七員配兵四百一十四名

今擬仍為提督之南匯營添游擊一員為營官用廣艇二號每號正副哨官各一員頭號正哨都司一員副哨千總一員二號

正哨守備一員副哨把總一員配兵各四十名共兵八十名再增輪船一號正哨都司一員副哨守備一員兵數俟續議 照舊制裁去外委二員其把總一員移於提督右營其所添之游

奏稿卷三十三

擊擬以福山鎮內河中營游擊移調其所添輪船之都司一員擬以狼山鎮左營都司移調其所添輪船之守備一員擬以太

湖營守備移調

蘇松鎮所屬之外海中營原制游擊一人守備一人千總二人把總四人外委六人共官十四員配兵八百一十名

今擬仍為蘇松鎮之中營以游擊為營官用廣艇二號每號正副哨官各一員頭號正哨守備一員副哨把總一員二號正哨

千總一員副哨把總一員配兵各四十名共兵八十名再增輪船一號正哨添都司一員副哨千總一員兵數俟續議 照舊

制裁去外委六員其把總二員移於太湖營其所添輪船之都

司擬以內河京口協左營都司移調

蘇松鎮所屬之外海左營原制游擊一人守備一人千總二人把總四人外委五人共官十三員配兵八百零一名

今擬仍為蘇松鎮之左營以游擊為營官用廣艇二號每號正副哨官各一員頭號正哨守備一員副哨千總一員二號正哨

添守備一員副哨千總一員配兵各四十名共兵八十名 照舊制裁去外委五員其把總四員移於太湖營其所添之守備

擬以福山鎮內河中營守備移調

蘇松鎮所屬之外海吳淞營原制參將一人守備一人千總三人把總六人外委七人共官十八員配兵一千八十九名

奏稿卷三十三

查道光二十三年添設福山鎮總兵僅立外海一營今擬將蘇松鎮之吳淞營改歸福山鎮標下以參將為營官用廣艇二號

每號正副哨官各一員頭號正哨守備一員副哨把總一員二號正哨千總一員副哨把總一員配兵各四十名共兵八十名

再增輪船一號正哨都司一員副哨千總一員兵數俟續議 照舊制裁去外委七員其千總一員移於淞南營把總四員移

於淞北營其所添輪船之都司擬以劉河營都司移調 蘇松鎮所屬之外海川沙營原制參將一人守備一人千總三

人把總五人外委七人共官十七員配兵一千五十名 今擬將蘇松鎮之川沙營改隸福山鎮標下以參將為營官用

廣艇二號每號正副哨官各一員頭號正哨守備一員副哨千
總一員二號正哨守備一員副哨把總一員配兵各四十名共
兵八十名 照舊制裁去外委七員千總一員其千總一員移
於太湖營把總四員移於淞南營其所添之守備擬以狼山鎮
內河中營守備移調

狼山鎮所屬之外海掘港營原制都司一人千總一人把總二
人外委二人共官六員配兵二百四十一名

今擬仍為狼山鎮之掘港營添游擊一員為營官用廣艇二號
每號正副哨官各一員頭號正哨守備一員副哨把總一員二
號正哨添守備一員副哨把總一員配兵各四十名共兵八十

奏稿卷三十三

奏

名再增輪船一號正哨都司一員副哨千總一員兵數俟續議

照舊制裁去外委二員其所添之游擊擬以狼山鎮內河中
營游擊移調其所添之守備擬以狼山鎮內河左營守備一員
蘇松鎮右營守備一員移調

以上外海六營用艇船共十二號營官六員正副哨官共二十
四員兵共四百八十名輪船四號正副哨官共八員事宜內議
定提督及蘇狼福三鎮各帶輪船一號將來或并不分標分營
俟輪船成後再行續議

蘇松鎮所屬之外海右營原制都司一人守備一人千總二人
把總四人外委五人共官十三員配兵八百名

今擬仍為蘇松鎮之右營但改作內洋字樣添游擊一員為營
官用八團舢板船十二號共哨官十二員內都司一員千總二
員把總四員外委五員每號配兵二十名共兵二百四十名
照舊制裁去守備一員移於掘港營其所添之游擊擬以內河
京口協中營游擊移調

福山鎮所屬之外海左營原制游擊一人守備一人千總二人
把總四人外委六人共官十四員配兵七百三十三名

今擬仍為福山鎮之左營但改作內洋字樣以游擊為營官用
八團舢板船十二號共哨官十二員內守備一員千總二員把
總四員外委五員每號配兵二十名共兵二百四十名 照舊

奏稿卷三十三

奏

制裁去外委一員

狼山鎮所屬之外海右營原制游擊一人守備一人千總二人
把總四人外委六人共官十四員配兵八百三十八名
今擬仍為狼山鎮之右營但改作內洋字樣以游擊為營官用
八團舢板船十二號共哨官十二員內守備一員千總二員把
總四員外委五員每號配兵二十名共兵二百四十名 照舊

制裁去外委一員

狼山鎮所屬新設之通州營長江水師營原制議用二十五人
之長龍船二號二十人之督陣大舢板船一號二十人之大舢
板船十號十四人之舢板船十號營官游擊一員哨官都司二

員守備一員千總四員把總六員外委十員共官二十四員配兵四百一十名

今擬改用八團舢板船十二號仍以游擊為營官共哨官十二員內都司二員守備一員千總二員把總三員外委四員每號配兵二十名共兵二百四十名 照前制裁去千總二員把總三員外委六員

狼山鎮所屬新設之海門營除誤補之十九缺已於事宜單內聲明外查長江水師營制原議用二十五人之長龍船二號二十人之督陣舢板船二號二十人之大舢板二十號營官副將一員哨官都司二員守備三員千總十員把總九員共官二十

奏稿卷三十三

單

五員配兵四百九十名

今擬改用八團舢板船十二號仍以副將為營官共哨官十二員內都司二員守備一員千總四員把總五員每號配兵二十名共兵二百四十名 照前制裁去守備二員千總六員把總四員

以上內洋五營用八團舢板船共六十號營官五員哨官共六十員兵共一千二百名

提督所屬之內河右營原制參將一人守備一人千總三人把總四人外委七人共官十六員配兵七百四十七名 今擬改為提標裏河右營仍以參將為營官用長江舢板船二

十號共哨官二十員內守備一員千總七員把總九員外委三員每號配兵十四名共兵二百八十名 照舊制裁去外委四員其所添之千總四員擬以劉河營千總二員福山鎮內河中營千總二員移調其所添之把總五員擬以劉河營把總四員南匯營把總一員移調

提督所屬之太湖左右兩營原制副將一人都司一人守備一人千總三人把總四人外委四人共官十四員配兵七百七十七名

查原制官數兵數若干屬左營若干屬右營無案可稽今擬仍為提督之太湖左右兩營左營以副將為營官右營即以都司

奏稿卷三十三

單

為營官仍歸副將統轄每營用長江舢板船各十三號兼用八團舢板各二號哨官各十五員內左營千總三員右營千總三員兩營把總各十員外委各二員長江舢板每號配兵十四名八團舢板每號配兵二十名共兵四百四十四名 照舊制裁去守備一員移於南匯營其所添之千總二員擬以川沙營千總一員狼山鎮中營千總二員移調其所添之把總十六員擬以福山鎮中營把總二員蘇松鎮中營把總二員左營把總四員狼山鎮中營左營把總各四員移調 督標所屬之內河京口協中營原制副將一人游擊一人守備一人千總一人把總五人外委六人共官十五員配兵九百三

十五名

今擬改為淞北營仍以副將為營官用長江舢板船十五號共哨官十五員內守備一員千總三員把總十員外委一員每號配兵十四名共兵二百一十名 照舊制裁去外委五員其游擊一員移於蘇松鎮右營其所添之千總二員擬以狼山鎮左營千總二員移調其所添之把總五員擬以吳淞營把總四員福山鎮中營把總一員移調

督標所屬之內河京口協右營原制游擊一人守備一人千總二人把總五人外委六人共官十五員配兵八百七十六名今擬改為淞南營以游擊為營官用長江舢板船十五號共哨

奏稿卷三十三

望

官十五員內守備一員千總三員把總十員外委一員每號配兵十四名共兵二百一十名 照舊制裁去外委五員其所添之千總一員擬以吳淞營千總一員移調其所添之把總五員擬以福山鎮中營把總一員川沙營把總四員移調以上裏河五營用長江舢板船共七十六號八團舢板船四號營官五員哨官共八十員兵共一千一百四十四名 漕標所屬之內河鹽城營原制游擊一人守備一人千總二人把總二人外委二人共官八員配兵六百九十六名今擬暫仍其舊 漕標所屬之內河東海營原制都司一人千總一人把總二人

外委二人共官六員配兵四百五十二名

今擬暫仍其舊

督標所屬之內河高資營改為京口協左營者原制都司一人把總一人外委二人共官四員配兵五百八十四名

今擬裁去此營其都司一員已移調他處實只裁把總一員外委二員

提督所屬之內河劉河營原制都司一人千總二人把總二人外委四人共官十一員配兵六百九十四名

今擬裁去此營劉河營之汛地即新章淞北營之地也其都司一員千總二員把總四員已移調他處實只裁外委四員

奏稿卷三十三

望

福山鎮所屬之內河中營原制游擊一人守備一人千總二人把總四人外委六人共官十四員配兵七百七十四名今擬裁去此營其游擊一員守備一員千總二員把總四員已移調他處實只裁外委六員 狼山鎮所屬之內河中營原制游擊一人守備一人千總二人把總四人外委三人共官十一員配兵七百三十六名今擬裁去此營即新設通州營之汛地也其游擊一員守備一員千總二員把總四員已移調他處實只裁外委三員 狼山鎮所屬之內河左營原制都司一人守備一人千總二人把總四人外委三人共官十一員配兵七百五十五名

今擬裁去此營即新設海門營之汛地也其都司一員守備一員千總二員把總四員已移調他處實只裁外委二員以上擬裁者五營

以上江南舊制見於中樞政考者外海內河水師二十一營官二百四十一員兵一萬四千七百九十七名除鹽城東海兩營仍舊外今改為十四營存官一百六十二員實裁去千總一員把總一員外委六十三員存兵二千四百四十名實裁去一萬一千二百零九名除官弁隨時補足外兵則有目前未招足者如外海川沙營原額一千二十三名現僅招一百名內河太湖左右營原額七百六十一名現僅招七十五名其餘可以類

奏稿卷三十三

四四

推是今之所裁者皆空缺之兵非已補之兵也亦有目前招募將足者如吳淞營現有兵千餘人狼山蘇松兩鎮現有兵二千餘人提右營現有兵九百餘人此項已招之兵應仿浙江之例分別裁遣俟接到初次部覆再行續議至長江新設之通州海門二營原制官四十九員並誤補者凡六十八員勇丁凡九百名今仍定為二營存官二十六員實裁去四十二員存兵共五百二十八名勇丁則全行裁遣

酌擬武職借補章程 同治七年十一月初三日 奏為酌擬武職借補章程恭摺仰祈 聖鑒事竊准兵部咨會議具奏嗣後曾經軍務省分綠營各缺暫准奏請通融借補提鎮准借至副參副將准借至游擊以次遞借不得借至三級以下其已經借補實缺之員即以本銜在任候補不得照借缺品級再行陞借他缺至已經借補一缺每項不准接續借補年終開單奏明借補成數統計至多不准過五成如逾此數仍於次年將序補人員補還至長江水師各缺亦應按此次定章以三級為限統俟十年後再察情形應否仍復舊例奏明酌核辦理等因於同治七年五月初三日欽奉

奏稿卷三十三

望

諭旨著照所議辦理欽此查部臣所議章程斟酌時宜仍不肯乎古法極為周妥自應遵照辦理惟與現在情形不能再求變通者約有數端一在借補官階部議不得逾三級查軍營出力人員游保崇階者太多不得不推廣借補以為安插之計擬請嗣後各項補缺提鎮借至副參游止副參游借至都守止都守借至千把止如此明示限制雖與部議稍有不符而品級不甚懸殊體制亦無窒礙惟千把補缺向歸咨案現以大銜借補擬請改歸奏案以示區別其本班擬補千把者則仍歸咨案辦理一在借補人數部議不得逾五成查十餘年來各路軍營搜拔人材稍有才略者斷不致沈淪未弁循例應補之員較之降

格借補之員才具之優劣迥殊人數之多寡亦異即使借補人
數十居八九亦不致令本班之人頓形缺望惟部臣慮及借補
太多易滋流弊擬請嗣後各項補缺借補者三缺得二揆補者
三缺得一借補則分考試當差兩班擇其技藝嫻熟差事勤奮
者按班借補揆補則分候補應升兩班核其名次在前歷俸較
深者按班揆補如此明定班次既可超拔人材亦頗限以資格
似與部議尙相脗合一在借補後升轉之途部議祇准照本銜
候補自屬簡便良法惟尙有未能限定者如提鎮借補參游之
後本班額缺較少斷難冀倖

奏稿卷三十三

聖

簡放而著有勞績亦不能不循例升轉以下遞推本班之難於
得缺情形相同嗣後借補各官如遇升轉擬請隨時酌量奏明
請

旨定奪仍照部議以十年爲限十年之後應否仍復舊制再行
體察情形奏明酌辦臣所以鯁鯁過慮者實因三江兩湖用兵
太久武職保舉大員太多姑存借補小缺之途以爲安插閒將
之地臣今奉

命調任直隸該省募勇無多武職保舉之員較少本可不再置
議然東南江楚等省遣撤將弁惶惶無所依歸者實不乏人
不敢以身離兩江遂不謀一安置之法且處處可以收標省省
可以考試技高者固可考補實缺技劣者亦可稍沾薪糧庶漸

少游無歸之員亦足戡鬱凌不靖之氣謹將江南近年考試
武職章程錄呈

御覽至長江水師初次擬補各缺尙未明定章程卽第二次三
次出缺酌補亦尙難期畫一臣今議奏江蘇外海水師應俟部
議允准暫闕粵等省水師次第議定後再由部臣議一水師班
次遷補章程與陸軍畫分兩途而疆臣亦各參末議庶爲可久
之道所有酌擬武職借補章程恭摺具奏伏乞

皇太后

皇上聖鑒訓示謹

奏

奏稿卷三十三

聖

謹將江南省近年考試武職章程分別四條恭呈御覽

一校閱弓箭技藝初定章時每月於二十五日考試一次試以射步箭挽大弓演鳥鎗習長矛馬上放鎗五事各員弁報名時聽其自行註明願考何技五事中以能試兩技為合格優一技者不准與考屆期由臣自行閱看如一人不能徧閱或咨提督或札司道隨同閱看嗣改為馬箭步箭鳥鎗三項先馬後步本年五月乃改為先射步箭以中三矢為合式予考馬箭鳥鎗若中箭不及三矢免考馬箭鳥鎗屆臘月封印以後經前署督臣李鴻章定為免考一次仍照章酌給賞項俾資度歲而示體恤

奏稿卷三十三

完

一分定班次額數軍營遺撤人員官階大小不同治四年二月初定考試章程係列兩班游擊以上者為一班都司以下者為一班丁卯年武闈鄉試後又有武生稟求附考因再酌分班次游擊以上仍為一班都守千把世職武舉另立一班外委武生又為一班共分三班其考取之額數初定章時並未限定取數年來報考者不下三百人現定游擊以上每二名取一名都守千把世職武舉等項五名取二名外委武生兩項三名取一名武生一項求收考者極多上年十月收錄三十餘人後旋即停止不准預考他省若行此法則武生宜概不收考一酌給薪水獎賞初定章時游擊以上列為一榜超等月給薪水

水錢十二千文特等月給錢十千文一等月給錢八千文二等以下列為一榜超等月給薪水錢八千文特等月給錢六千文一等月給錢四千文嗣因營中哨弁及隨轅當差人等有願與考試者該員弁等本有月支之薪水略給獎賞由司道等酌議游擊以上一班無薪水者超等給洋錢十二元特等八元一等六元都司以下至武舉一班無薪水者超等給洋錢八元特等六元一等四元游擊以上本有薪水者如取超等一名給獎賞銀五兩二名以下給銀四兩特等給銀三兩一等給銀二兩都司以下至武舉本有薪水者超等第一名給獎賞銀二兩二名以下給銀二兩特等給銀一兩五錢一等給銀一兩其外委武

奏稿卷三十三

完

生一班無薪水者超等給洋錢四元特等三元一等二元有薪水者減半此項月需經費均由善後局籌款動放統歸外銷業經咨明戶兵二部有案一酌量補缺委署初定章時略仿書院月課之式專為鼓勵人才起見本擬屢次前列者即准儘先拔補各員弁等人人奮興每日自赴校場練習功課甚密無如缺少人多四五兩年考班拔補者甚屬寥寥六七年開始酌量拔補委署其中如陳勝輝五次列超等第一委署松江城守營游擊楊治三次超等第一補京口左營都司黃炳恆三次超等第一補江陰營把總譚新益兩次超等第一補安徽宿州營守備馬祺華兩次超等第一

補淮安城守營守備其餘一以超等第一者如鞠登樞署安慶
協副將顏連玉署泗州營都司王步雲補柘林營都司劉傳愈
署江甯城守營都司陳瑞麟補蘇松鎮中營千總陳得順補金
山營千總其列於超等第二者如劉玉堂署洪湖營都
司劉青山署蕪蕩右營守備劉得勝署鎮江營把總奎秀補吳
淞營參將向從龍補溧陽營都司張鵬程補蘇州營右軍守備
王占鼈補提標右營把總略足以示獎勵由是考班始有欣欣
向榮之意惟勇丁出身撤營投標者尚多技藝出眾之材嗣後
仍不得不隨時遴選或酌補或委署以慰將士之心

奏稿卷三十三

五

請傳辦要件統歸內務府大臣行文片
再臣未交卸以前兩次接造辦處來文俱稱移會兩淮監督並
附紅單兩件內開預備

皇后所用活計等因查各省承辦

上用物件向例或由內務府大臣咨明督撫或由織造轉咨督
撫籌款辦理造辦處係內務府之司官祇有移會織造監督之
文並無徑咨各省督撫之事至此來文俱稱移會兩淮監督
查兩淮祇有鹽政並無監督自道光十一年裁撤鹽政歸併總
督兼管迄今已近四十年在京各衙門無不周知造辦處豈不
知之而杜撰一兩淮監督之名滋人疑慮殊不可解

奏稿卷三十三

五

本朝設立內務府衙門其總管大臣即以前內閣部院大臣為之
將前明宦寺擅權征求外省之弊革除淨盡實為千古善政內
務府之堂官司官與部院之堂官司官體制相同部院行文於
督撫皆用堂官之印不列各司之銜則內務府行文於督撫亦
應用堂官之印不列各司之銜除將兩次來文鈔送軍機處查
核外相應奏明請

旨敕下該衙門嗣後遇有傳辦要件統歸內務府大臣行文督
撫不宜徑由造辦處移會以待定制而杜弊端理合附片陳明
伏乞
皇太后

皇上聖鑒訓示謹奏

奏稿卷三十三

幸

恭報起程日期片 同治七年十一月初三日

再臣交卸督篆暫緩起程業於十月初五日陳奏在案揚州教
堂一事派委運司李元華關道應寶時等辦竣十月十七日會
咨總理衙門結案旋接李鴻章途中來函計程十月杪可到囑
臣在金陵稍待李鴻章於十月二十六日行抵江甯省城臣與
之會晤面商一切所有淮勇各營業經斟酌定議分別去留何
營駐防何處由李鴻章專疏具奏前此借撥之撤勇經費已由
浙江等省陸續解到尾批亦起解在途足敷支放至霆字營未
撤者僅餘駐紮湖北黃安之正新九營臣與湖北督撫臣往返
商酌亦已妥為遣撤一律安靜回籍臣經手事竣定於十一月

初四日啟程理合附片陳明伏乞

皇太后

皇上聖鑒謹奏

奏稿卷三十三

幸

曾文正公奏稿

卷之三十四目錄

略陳直隸應辦事宜摺

同治八年正月十七日

到任接印摺

二月初八日

舉辦永定河工片

留臬司張樹聲清理積訟摺

三月十六日

覆陳劉松山湘軍情形摺

五月初四日

覆議直隸練軍事宜摺

五月二十一日

再議練軍事宜摺

八月二十七日

核辦永定河工程款項摺

九月二十一日

條陳長蘆鹽務摺

十一月初一日

蘆綱億累請減成本摺

十一月十九日

擬賑卹畿南災歉摺

十二月二十四日

陳淳沱河水患大概摺

全日

略陳直隸應辦事宜摺

同治八年正月十七日

奏為略陳直隸應辦事宜並請酌調人才以資差委酌撥銀兩以濟要需事竊臣奉

命移督直隸自顧精力衰頹夙夜兢兢深以不克勝任為懼上年十二月

召對之次荷蒙

皇太后兩次

訓示以畿輔空虛必須認真練兵吏治尤須整頓等諭臣恭聆之下悚佩難名近復詳加察訪練兵飭吏二端誠為直隸最大之政其次則治河亦屬要圖謹就此三者略陳梗概伏候

奏稿卷三十四

明訓指示直隸近歲以來北有馬賊南有教匪東南與齊省接壤則梟匪出沒之區而降捻游勇亦多散處其間伏莽堪虞一旦竊發旬日嘯聚動以千計非有數千勁兵星速剿捕即恐釀成大變此內患也其無形之外患陝回現尚猖獗宣化固宜嚴為置防洋務雖曰安恬天津亦宜暗為設備綜計數者必須練兵二萬有奇乃足以敷調遣目下劉銘傳一軍萬餘人駐紮張秋該軍精勁冠時應請

敕下李鴻章即以銘軍長作拱衛

京畿之師其餉項照舊由江南供支業經李鴻章奏明在案待

劉銘傳

陛見以後或將該軍全調北路或因運米之故分紮東直之交
 再與之商酌辦理此外尚須鍊兵萬人或專就原議之六軍
 調省城而合鍊之或兼用湘淮之營制募北勇而另鍊之俟
 到任後再行察度奏明辦理惟二萬餘人果能鍊成勁旅敬求
 皇上不輕調動凡兵一經調出卽難遽歸倉卒有警畿輔仍屬
 空虛上年釐穀震驚可爲鑒戒此不能不預爲陳明者也直隸
 之吏治臣入境以後略詢民間疾苦大約積獄太多羈累無辜
 聞有州縣到任年餘未曾坐堂一次訊結一案者又因連年用
 兵差徭甚重大戶則勒派車馬供支柴草小戶則攤派錢文擄
 充長夫劣紳勾通書役因緣訛索車輛有出而無歸貧戶十室

奏稿卷三十四

而九逃今雖軍事大定尙復派修城之費索前欠之費誅求無
 已大吏過於寬厚罔恤民艱加以政出多門相忍爲國劣員於
 此處敗露方懼嚴參而彼處鑽營反得優保總督之事權不一
 屬僚之徑竇愈多玩上則簸弄是非虐民則毫無忌憚風氣之
 壞竟爲各省所未聞臣到任後不得不大加參劾擬以清理積
 訟停止雜派爲先務嚴立法禁違者重懲臣自問素非苛刻者
 流近在江南亦係失之於寬今忽變爲嚴厲劣員或求書函以
 圖救全或騰謗議以冀寬弛皆屬意中之事臣隨時體察攻伐
 之劑去病卽止苟使數月期年風氣稍轉亦無難漸就和平復
 我常度而下車伊始則非剛猛不能除此官邪是亦宜預爲陳

明者也直隸之大河凡九其不經東西二淀而徑入海者三
 其經過東西二淀而後入海者有六六者之中惟永定河滹沱
 河常泛溢而爲民患論者謂二淀爲民間田廬所佔不能容納
 眾流日就淤塞上年永定河決被水之縣甚多臣於河工素未
 講求出京以後擬先看永定河再行履任審度情形奏明興工
 惟查永定河工從前每年部撥歲修銀近十萬兩中隔數年輒
 復另案發帑加培土工自道光二十二年後而另案之土工停
 矣自咸豐三年以後而歲修十萬僅發四分之一矣近雖由劉
 長佑奏請歲發五萬而司庫支絀不能如期到工以致堤身處
 處受病常常潰決上年南四汛大工原請經費十一萬而部撥

奏稿卷三十四

之閩海三萬山東三萬泊未報解將來三月興工無款籌墊不
 能不奏請先從部庫借撥又聞所估之數只可敷衍目前斷難
 堅實經久恐須添籌巨款乃可一勞永逸此亦宜預先陳明者
 也此三者非有人不能振興非有財不能展布河工尙難計算
 卽鍊兵一事除戶部六軍經費照常撥解外所短尙多請
 旨敕下兩江總督馬新貽江蘇巡撫丁日昌每月撥銀三萬兩
 解至直隸稍資周轉臣請兩江員紳中開列數人請
 旨敕下吏部調至直隸俾得指之助不勝感幸所有直隸應
 辦事宜緣由恭摺具陳伏乞
 皇太后

皇上聖鑒訓示謹奏

奏稿卷三十四

四

到任接印摺 同治八年二月初八日

奏為微臣到任接篆恭摺叩謝

天恩仰祈

聖鑒事竊臣於正月十七日請

訓陛辭二十日束裝就道由蘆溝橋以下查閱永定河工程自

宛平縣之南上汎至永清縣之南七汎計程二百餘里二十四

日查工粗畢即於是日西旋二十七日行抵保定府城二月初

二日署督臣官文將直隸總督關防及長蘆鹽政印信委員齎

送前來當即恭設香案望

闕叩頭祇領視事伏念臣菲材薄植久領大藩顧精力之衰頹

荷郊畿之重寄私衷惴惴若涉深淵惟早作而夜思冀盡忠而

補過凡

諭旨所示飭吏整軍之道暨微臣所陳治河弭患之方謹當督

率僚屬次第施行明道不敢計功習勤祇以補拙庶期仰答

高厚鴻慈於萬一除到任日期恭疏具題外理合繕摺叩謝

天恩伏乞

皇太后

皇上聖鑒謹

奏

奏稿卷三十四

五

舉辦永定河工片 同治八年二月初八日

再臣查閱永定河見南北兩隄高於隄外之民田一丈二丈不
等高於隄內之河身不過二三尺且有河身與隄相平者兩隄
相去約三四里許中間容水之地不為不寬柰淤塞太久河中
壅成沙洲高平堅實樹木蕃生遂使河之中泓有窄僅數丈者
水逼而無所洩則衝刷隄身處處潰決議者多思更改河道以
南隄作北隄而於南邊另築一隄臣思數百里田廬墳墓百姓
豈肯遷改且此河本挾泥沙而行徙隄數年之後新河淤成高
洲又將改徙何處即使再增巨款加培兩隄隄高而河淤亦高
是勞費而終無益也伏查乾隆年間初定章程歲修銀一萬兩

奏稿卷三十四

六

挑挖中泓銀五千兩疏濬下口銀五千兩歲修者培河上之兩
隄也挑中泓者於冬春乾涸時挖河身之淤沙也濬下口者疏
三角淀之尾閘也厥後雖經費屢加而辦法則仍三者并舉頗
著成效近數十年以來三角淀淤成平陸而濬下口之法廢矣
河身久不開挖而挑中泓之法廢矣兩法雖已久廢而部撥經
費仍留此兩款之名目臣愚以為當此窮極思通之時宜復挑
挖中泓之法每歲除五六七八盛漲之月冬臘正堅冰之月不
計外其餘五箇月均可興工挑挖凡春深秋盡之時此河有水
之處不過數十丈其乾涸之處尚餘數百丈挖出乾處之土近
南岸者覆於南隄近北岸者覆於北隄雇車以運遙隄之上引

溜以趨新泓之中年年挑掘節節開挖河患或可少減是查有
濟臣擬試辦一二處續行具奏目下二三四五月尚有最要之工
上年南上汛決口本未堵塞南四汛南七汛兩處決口雖經堵
塞尚未開挖引河合之各處要工共估銀十一萬兩經戶部撥
山東銀三萬兩閩海關銀三萬兩均無報解消息現擬即日興
工趕於四月初間合龍司庫銀兩因去年僅發兵餉一季刻下
須補發一季之餉別無餘款可以挪用相應請
旨敕下戶部借發銀六萬兩趕修河工一俟山東及閩海關之
銀解到即行解部歸款臣因要工刻難延緩是以正月請
訓摺內即已預為陳明茲經詳查再申前請伏乞

奏稿卷三十四

七

皇太后

皇上聖鑒訓示謹

奏

爾臬司張樹聲清理積訟摺 同治八年三月十六日

奏為欽奉

寄諭恭摺覆奏仰祈

聖鑒事本月十三日承准軍機大臣字寄三月十二日奉

上諭本日降旨已令張樹聲調補山西臬司直隸臬司令史念祖補授矣史念祖由軍營出身人尙明白惟未經歷地方事務是否勝臬司之任着曾國藩留心察看據實具奏以重地方欽此竊 履任月餘見直隸日行公事訟案居十之七八他件不過十之二三頻年辦理軍務積壓極多督署應題之本未辦者二百三十餘件府局京控上控之案未結者一百三十餘件

奏稿卷三十四

各屬委審及自理之案未完者殆以萬計或延擱二三年或五六年八九年不等吏治之疲民生之困端由於此 臣與臬司張樹聲力籌清釐積案之法日夜孜孜甫有端緒 臣自誤清訟事宜十條令司道及局員等覆核尙未刊刻完竣又囑張樹聲議限期功過章程十餘條 臣為之覆核尙未斟酌妥善其中最要者直隸舊章州縣積案若干件按月有四柱冊報監禁若干名管押若干名亦按月有四柱冊報未獲之賊痕斃之囚按月亦有稟報立法本屬盡善無奈虛應故事遂無成效今特令各屬實力奉行 督同臬司實力稽查每月將各屬報冊詳細核對分別功過懸榜院司官廳且催且誡以冀日起有功張樹聲任

臬司四年刑名之條例已精直隸之情形尤熟 臣每詢屬員之賢否巨案之源委所對多得要領若該臬司能留畿輔佐 臣不逮計一年之內可將積案全數清結若張樹聲遽赴山西 臣精力衰頹自度萬不能了此數千滯獄史念祖初入仕途縱有過人之才智而欲究諳刑律熟悉地方殆非數月期年不能合無 籲懇

天恩准令張樹聲暫留直隸臬司本任助 臣一臂之力將州縣月報各冊悉心稽核積案清理完畢再行遷調使 臣區區整飭畿甸之志不至盡託空言亦非獨 臣之幸也聞山西刑名案件不及直隸之半史念祖若陳臬晉省較易稱職能否勝任似亦可由鄭敦謹察看覆奏 謹將 臣所議直隸清訟事宜十條

奏稿卷三十四

九

鈔呈 御覽此等告誡僚屬之文本不敢輕瀆

聖聽緣其中委曲繁難必得極熟之臬司乃可相助為理伏乞 聖明垂鑒至張樹聲所誤限期功過章程 臣核定後亦當附鈔呈奏其中微有變通舊例者俟續奏時再為聲明所有欽奉 寄諭緣由恭摺覆奏伏乞

皇太后 皇上聖鑒訓示謹

奏

覆陳劉松山湘軍情形摺 同治八年五月初四日

奏為遵

旨籌議恭摺覆陳仰祈

聖鑒事竊臣前於三月十四日承准軍機大臣字寄三月十三日奉

上諭據御史宋邦德奏陝省營勇變亂請飭左宗棠詳察情形等語本日已寄諭該大臣斟酌辦理矣營勇因開餉滋事已屬亂萌而此番劉松山所部留防綏德州之四營據城以叛高連陞所部竟至戕其主將實為各營所未聞雖據左宗棠奏稱因查拏哥老會起衅而勇丁之好亂樂禍難以有功亦可概見該

奏稿卷二十四

十

御史所稱勇丁因地瘠缺望起見諒亦有之而召募土勇能否奏效亦難確有把握削平粵匪以來楚勇暮氣已乘此時應如何變通以弭後患著即悉心籌度據實以聞用副疇咨之意原片著鈔給閱看將此諭令知之欽此查克復金陵以後楚勇從征過久官秩日高暮氣將乘難資得力迭經臣於同治三年秋冬及四年夏開先後奏明在案及臣奉

命剿捻所用專係淮軍其時湘勇十餘萬人裁撤略盡隨臣北征者僅劉松山一軍及張詩日等數營至次年張詩日因病遣撤則臣之舊部僅留劉松山老湘一軍矣當時楚軍將士驕矜自足真氣日衰獨劉松山矯厲奮興尚有旭日初升之象臣因

令其添募選練獨當一路數年以來轉戰秦晉燕齊所向有功號為勁旅湘軍之名自是復振此次陝西宜君綏德兩處旬日之閒楚勇再變

諭旨殷殷垂詢恐勇丁好亂樂禍難以有功查楚軍之在秦者他營臣不能盡知老湘營紀律素稱嚴整勇丁之好亂樂禍者可決其不甚多也其所以有綏德之變雖由主將遠出會匪起衅不善彈壓之咎推原其故實亦軍士久役勞苦思歸所致大抵艱難百折不辭勞瘁者將領之壯志也從征十載懷歸少息者士卒之恆情也上年平捻之後議令湘軍西征臣見該營苦戰十年力窮氣憊必應量予休息曾檄令劉松山暫緩西行帶

奏稿卷二十四

十

回長沙遣撤舊勇另行招募如戚繼光所謂澄定渾水再汲新水之說庶幾重新壁壘克戡全功劉松山未接此文遽行渡黃西征善長者頗懷歸志桀黠者或蓄譎謀遂致倉皇煽亂有此一失幸賴劉松山平日馭眾有法恩誼相孚足以懾伏叛黨不旋踵而事即定而勇丁之好亂樂禍者究不甚多亦即於此可見矣至御史宋邦德所奏地瘠缺望之說老湘營亦向無此弊五年冬開張總愚竄入秦中臣檄霆軍援秦遷延不進臣改檄湘軍入關當時諸將皆以奉隴為苦臣恐湘軍西行必難迅速劉松山一奉檄調投袂而起毫無難色該營勇丁亦皆感激効命未聞有以地瘠缺望者臣亦優待該軍奏明每勇每月加米

價銀四錢五分迄今已閱三年閒聞感戴之語並無怨望之詞起衅之端殆非由此此軍還秦以來迭次獲勝回逆望風吐款收降董福祥等十七萬餘人軍威大震乃因此次小變致損令名臣深惜之

諭旨懲前毖後飭籌變通湘勇之法臣竊以爲去年湘軍未入秦境之先本可休息數月帶回湖南撤換舊勇當時未行此策今在秦境勦辦得力之際斷難再議撤退另換他營凡軍氣之盛衰全視主將之強弱劉松山精神未懈近雖經此波折銳氣亦未少減頃接該提督三月杪來函仍擬再接再厲整軍深入由北路進兵規取金積堡老巢扼賊北竄草地之路並稱陝甘

奏稿卷三十四

十一

之糧取給山西遠至千數百里必須妥籌轉運擬由軍渡以至綏德由綏德以至鎮靖堡由鎮靖堡以至銀條梁至花馬池節節計里分站用營中之馱騾勇夫及降眾中挑選壯丁分班搬運別其險易而均其勞逸臣觀其艱難措置規畫精詳竊以爲有古名將之風當期從容奏績而秦中自克復董志源以後軍事已大有起色亦無煩改絃更張若新募秦隴之人未經戰陣未諳營制雖得善將者統率訓練亦非寬假歲月不能有爲撤大枝之勁旅募烏合之士軍沮已定之成謀冀難必之後效誠恐新舊乘除之際該逆得以乘閒聚合死灰復燃則於大局所損甚鉅固不僅欠餉難於籌給遣勇難於綏輯也臣於秦隴各

楚軍不甚諳悉專就劉松山一軍而論自應暫仍舊貫毋庸更議變通所有微臣遵

旨籌議緣由恭摺覆陳伏乞

皇太后

皇上聖鑒訓示謹

奏

奏稿卷三十四

十一

覆議直隸練軍事宜摺 同治八年五月二十一日

奏為遵

旨籌議練軍事宜恭摺覆陳仰祈

聖鑒事竊 臣 去年十月初六日在江南接奉

寄諭直隸營務久經廢弛前經總理各國事務衙門會同戶部

兵部議定選練六軍誠以根本重地當為自強之謀迨捻匪北

竄直隸官兵打仗仍不得力雖云訓練未精然國家歲糜鉅萬

帑金養此無用之兵實堪痛憾此時賊匪既平亟應將前定練

軍章程從新整頓曾國藩久諳戎事應如何因時變通之處著

於到任後詳慎妥籌悉心經理務期化弱為強一洗從前積弊

以衛畿疆倘因直境甫就救平毗連東豫一帶應暫撥勇隊以

資彈壓一併由該督斟酌奏明辦理曾國藩未到以前官文務

飭各員弁照常訓練不得稍有懈弛神機營原摺均著鈔給閱

看等因欽此迨 臘正兩月展覲

天顏仰蒙

聖訓周詳亦以直隸練軍為要務 臣 於二月抵任檢閱六軍案

卷見內外臣工章奏於直隸不宜屯留客勇一節言之詳矣當

此全境救平若留大枝勇隊駐於近畿窮年累月無可勤防

無可防不特於居民難期和協即於事勢亦同贅疣是以諸臣

之議多主練兵而不主養勇惟養勇雖非長策而東南募勇多

年其中亦儘有良法美意為此開練軍所當參用者 臣 請略言

數端一曰文法宜簡勇丁帕首短衣樸誠耐苦但講實際不事

虛文營規只有數條此外別無文告管轄只論差事不甚計較

官階而挖濠築壘刻日而告成運米搬柴崇朝而集事兵則編

籍入伍何應差使講求儀節即有一種在官人役氣象及其出

征則行路須用官車紮營須用民夫油滑偷惰積習使然而前

此所定練軍規條至一百五十餘條之多雖士大夫不能驟通

而全記文法太繁官氣太重此當參用勇營之意者也一曰事

權宜專一營之權全付營官統領不為遙制一軍之權全付統

領大帥不為遙制統領或欲招兵買馬儲糧製械黜陟將弁防

勒進止大帥有求必應從不掣肘近年江楚良將為統領時即

能大展其材縱橫如意皆由事權歸一之故今直隸六軍統領

迭次更換所部營哨文武各官皆由總督派撥前往下有翼長

分其任上有總督攬其全統領並無進退人材綜管餉項之權

一旦驅之赴敵羣下豈肯用命加以總理衙門戶部兵部層層

檢制雖良將亦瞻前顧後莫敢放膽任事又焉能盡其所長此

亦當參用勇營之意者也一曰情意宜洽勇營之制營官由統

領挑選哨弁由營官挑選什長由哨弁挑選勇丁由什長挑選

警之木焉統領如根由根而生幹生枝生葉皆一氣所貫通是

以口糧雖出自公款而勇丁感營官挑選之恩皆若受其私惠

奏稿卷三十四

十四

奏稿卷三十四

十五

平日既有恩誼相孚臨陣自能慮難相顧今練軍之兵離其本營本汛調入新哨新隊其挑取多由本營主政新練之營官不能操去取之權而又別無優待親兵獎拔健卒之柄上下隔閡情意全不相聯緩急豈可深恃此雖欲參用勇營之意而勢有所不能者也又聞各營練軍皆有冒名頂替之弊防不勝防蓋兵丁之常態口分不足以自給每兼以小賢營生手藝營生以補事畜之資此各省所同也直隸六軍以此處之兵調至他處訓練其練餉二兩四錢在練營支領其底餉一兩五錢仍在本營支領兵丁不願離鄉往往正身仍留本處特於練營左近僱人頂替應點應操少分練軍所加之餉給與受僱冒名之人一

奏稿卷三十四

七

遇有事調使遠征受僱者又不肯行則又轉僱乞丐窮民代往兵止一名人已三變練兵十人替者過半尚安望其得力耶臣兩月以來博采眾論參以愚見就目前練軍之規模即使力加整頓亦難遽化弱為強將欲倚為干城備禦強寇殊無把握今當講求變通之方自須先杜頂替之弊擬令嗣後一兵挑入練軍即將本營額缺裁去練軍增一兵底營即減一兵無論底餉練餉均歸一處支放或因事斥革即由練營募補底營不得干預冀所練者皆為正身或少變積習此外尚有須酌改者如馬隊不應雜於步隊各哨之內應另立馬隊營使臨敵不至濶亂一隊不應增至二十五人應仍為什人一隊使士卒易知易

從若此之類臣本擬定一簡明章程重整練軍練足萬人以副朝廷殷勤訓飭之意乃近者節逾夏至亢旱如故二麥業已歉收秋禾多未播種深恐歲饑民困藩庫入款太減不能不長慮卻顧暫緩興辦查直隸司庫本屬入不敷出同治六七兩年收數尤少而欠發各款除京協各餉及文職應領之款共欠一百五十餘萬外專就本省武營言之欠發綠營及駐防俸薪養廉三十二萬餘兩欠發兵餉二百七十餘萬兩欠發米折及公費銀十三萬餘兩近來武營俸餉本僅支五折七折八折不等既折之後又欠發三百餘萬是以各將士紛紛訴苦衣食無資辦公無費即令六軍選練極精而各底營存餘之兵已廢弛不可

奏稿卷三十四

七

救藥矣通盤籌算本省可指之銀斷不能撥濟練軍之餉若於現存四千人之外增練六千或八千人仍須由部另撥的餉二萬兩按月解直乃可應手久辦徐圖功效其未挑入練者各底營存餘之兵亦須略為料理未可聽其困窮墮壞擬略仿浙江減兵增餉之法不必大減兵額但將老弱者汰而不補病故者闕而不補即以所節之餉項量發歷年之欠款俾各營微有公費添製器械旗幟之屬庶足壯觀瞻而作士氣數年之後或將五折七折八折者全數賞發兵丁之人練軍者所得固優即畱底營者亦足自贍營務或可漸有起色而畿輔練兵之議亦不至屢作屢輟事同兒戲至騰出裁兵所省之餉彌補練軍所

增之餉多寡尙難預定要亦少有裨益是否有當請

旨敕下原議各衙門核議施行所有遵

旨籌議直隸練軍緣由恭摺覆奏伏乞

皇太后

皇上聖鑒訓示謹

奏

奏稿卷三十四

六

再議練軍事宜摺 治八年八月二十七日

奏爲再行酌議練軍事宜恭摺仰祈

聖鑒事竊臣接准部咨會奏直隸練軍事宜一摺令臣迅即籌

定簡明章程奏報定議等因咨行到臣竊維用兵之道隨地

形賊勢而變焉者也初無一定之規可泥之法或古人著績之

事後人效之而無功或今日致勝之方異日狃之而反敗惟知

陳迹之不可狃獨見之不可恃隨處擇善而從庶可常行無弊

即就紮營一事言之湘勇初出亦屢爲粵匪所破既而高其壘

深其濠先圖自固之道旋即用此以制敵厥後准勇諸軍繼起

亦皆以高壘深溝爲自立之本善紮營者即稱勁旅直至移師

北來改勦捻匪每日計行路之遠近分各營之優劣曾無築壘

挖濠之暇而營壘之或堅或否於勝敗全不相涉即詢及陝甘

勦回貴州平苗亦不以築壘挖濠爲先務至天津捍禦外洋雖

堅壁亦不足恃即此一端已知陳迹之不可狃兵勢之變化無

常矣然安營支帳埋鍋造飯一則不擾閭閻一則自固壁壘斯

乃古來之常法并非勇營之新章終未可棄而不講也愚以

爲直隸練軍宜添學紮營之法每月拔營一次行二三百里爲

率令兵丁修壘浚濠躬親畚築以習勞動不坐差車以慣行走

至運米搬柴則勇丁不過偶爾爲之如今年近事老湘營之勇

由綏德州運米至花馬池銘軍之勇由濟甯州運米至張秋是

也論平日之常例則採薪等事每勇百人照章有長夫三十六名兵丁百人舊例亦有夫役三十名并有報銷四十名者臣意練軍既拔營行動即須添募長夫百兵給三十名雖所費較鉅似亦不可省之項有長夫任樵汲負重之事則兵丁可不任搬運之勞既以稍示體恤又以見築壘挑濠等事必須躬親寬於此者正欲其嚴於彼至部臣所議兵丁宜講衣冠禮節臣意老營操演儘可整冠束帶以習儀文拔營行走仍宜帕首短衣以歸簡便凡此皆一張一弛擇善而從者也臣前摺所謂重統領之權者蓋因平日之事權不一則臨陣之指麾不靈臣在南中嘗見有藩臬衙門募勇多營平日之領餉拔缺請獎等事皆由衙門主政至臨陣之際則另派武員統領率之打仗致指麾不克如意即巡撫及大帥所部多營平日無一定之統領臨時酌撥數營派一將統之赴敵終不能得士卒之死力而江楚諸省倖獲成功者大抵皆有得力統領其權素重臨陣往來指揮號令進退之人即係平日發餉挑缺主持賞罰之人士卒之耳目有專屬心志無疑貳是以所向有功臣所謂事權宜專本意如此然亦會逢其適幸遇塔齊布羅澤南李續賓楊岳斌多隆阿鮑超劉銘傳劉松山諸人或隸臣部或隸他部皆假重權而樹偉績苟非其人權亦未可概施部臣所議得良將則日起有功遇不肖則流弊不可勝言洵為允當之論良將者可倖遇而不

奏稿卷三十四

三

可強求者也嗣後直隸練軍統領臣當悉心察看遇上選則破格優待盡其所長遇中材則隨處防維無使越分庶幾兩全之道耳部臣復議及兵將相習可收一氣貫通之效又言轉弱為強不必借才於異地等語臣竊意就兵言之以士著為主以保狀為憑斷無令外省客勇充補之理而客勇亦無願補遠省額兵之志就官言之則武職自一命以上直至提鎮皆准服官各省况畿輔萬方輻輳尤志士願效馳驅之地是各路將弁有出色者皆可酌調來直不得以借才論直隸練軍詢諸眾論不外二法一曰就本管之鎮將練本管之弁兵一曰調南人之戰將練北人之新兵而已訪聞前此六軍用本管鎮將為統領者其情易通而苦於闔營無振作之氣用南人戰將為統領者其氣稍盛而苦於上下無聯絡之情將欲救二者之弊氣之不振本管官或不勝統率之任當察其懈弛擇人而換之臣今擬於前留將或不知士卒之艱當令其久處積誠以感之臣今擬於前留四千人外先添三千人稍復舊觀一於古北口暫添千人該提督傅振邦老於戎行安詳勤慎一於正定鎮暫練千人該總兵譚勝達勇敢素著志氣方新二處皆以本管官統之者也一於保定暫添千人令前瓊州鎮彭楚漢以南將統之與中軍冷慶所轄千人姑分兩起俟察驗實在得力而後合併一軍此因論兵將相孚而擬目前添練之拙計也部臣又令籌定簡明章程

奏稿卷三十四

三

再行按月給餉并查明直隸未經遣撤之勇飭令回籍妥為安插臣查直隸勇丁上年經督臣王文奏留十二營臣今年撤去余承恩三營其後夏麥秋禾疊遭亢旱常有匪徒竊發因恐散勇窮無所歸聚而滋事是以遷延未及續撤俟秋末安靖再當遣撤數營即以裁勇之銀添作練軍之費至准勇銘軍乃臣所奏為拱衛京畿之師其大隊紮於張秋分數營駐紮保定數營駐紮臨清目下不擬裁撤另行附片覆奏練軍規模臣擬仍以四軍為斷二軍駐京以北二軍駐京以南每軍三千人統將功效尤著者或添至四千五百人其餘常行章程已詳具於部及前督臣劉長佑所議條款中臣昨議練餉底餉一併支領

奏稿卷三十四

馬隊不潤步隊之中一棚只以十人為率亦經部議允准此外如頂名冒替是前此之積弊未知將來能否革除參用南將是前此所已行未知此後能否融洽此次所議添募長夫每月按營亦未知有無窒礙斯三者一有未妥則全局皆須變更臣不敢遽定章程恐不久仍須更換也可否請

旨一面交各衙門覈議一面先行試辦其餉需用江南協款俟定議後再由戶部撥發俟試行果有頭緒然後刊刻簡明章程俾各軍一律遵守所有再議練軍事宜恭摺覆陳伏乞

皇太后

皇上聖鑒訓示謹奏

核辦永定河工程款項摺 同治八年九月二十一日

奏為核明永定河工程酌擬辦法請撥款項恭摺仰祈

聖鑒事竊維永定河北下四汛隄岸於五月二十一日漫決接連伏秋二汛未克合龍八月間奏派候補道蔣春元前往署理籌度興工并飭周歷下游詳加察勘下口是否疏通中洪是否無阻一一勘明免致此處甫經合龍彼處又報決口仍蹈近年之覆轍茲據蔣春元稟稱自八月二十一至二十五等日督同文武員弁周歷查勘永定河自南北七汛以下河道寬至數十里由道光二十三年至今所謂下口者或傍南岸而行或傍北岸而行或歸中道而行均下抵鳳河以達於海遷徙不常茲勘得舊傍北岸之河北七頭號至三十一號均係河身寬深距隄亦遠形勢極順無如三十一號以下河距隄身太近其形甚窄至四十八號以下並無隄身水出則漫淹武清東安是改歸北岸之議未可舉行其舊行中道之河若由北七工三四號向望河樓調河頭仍引入中道距南北兩隄均遠一線順流無所依傍直達鳳河形勢亦順無如開段淤墊太長漸成平陸有并無河影者所需經費過鉅是引歸中道之議亦未可行惟近年水傍南隄之河即係道光二十二年以前之故道目前水入下口不能不循此道而行人力稍覺易施惟下口既傍南岸而行則南七各號即係初近下口喫重之地查南七五號同治六年

奏稿卷三十四

漫口秋後堵閉因限於經費未將攔河大壩修復合龍之後凌
汛漲發即已鼓裂塌陷幸去年南四決口該處未經過水今年
南上合龍大潤甫過該處水上埽面與隄相平岌岌可危現在
隄身受病隄內坑塘太深頭分引河太窄是南七之六七號實
爲下游第一險工茲擬向前第五村之東南隅另挑引河工長
七百丈下與舊挑之河身相接并於南七工頭二號做一截水
大壩鑲埽簽椿工長百丈撇水入新引河不入坑塘仍於壩根
兩傍作一圈埽工長千丈以衛前辦之隄估計土埽各項需銀
一萬六千兩有奇此南七初近下口預防危險擬辦引河壩埽
之工也至龍王廟上下河身甚窄並未刷寬須加挑至十二丈
寬寶店窰以下五百丈亦宜挑寬加深估需實銀一萬八千兩
有奇其餘河槽稍寬及離鳳河較近之區姑置後圖此疏通下
口之工也南六南五北五兩岸以上至張家墳西頭工段甚長
紆曲過多水來則壅積難下以致上游擡高急應節節挑挖或
裁灣取直或切坎順軌只存南五十七號北六十三號兩處次
險之工其餘一切險工皆已撤去盛漲來時或可勢同建瓴徑
行無滯估需實銀二萬二千兩有奇此挑挖中洪之工也至北
下四壩工均皆墊陷堅實惟秋汛以來金門口刷寬現尙有十
二三丈應行進占金門口水深一丈一二尺一丈三四尺不等
新估背後之土加寬加高又添做養水盆河頭則須向南展寬

奏稿卷三十四

五

以順來流引河又須加挑以通去路併前此搶辦時用過之費
共估需銀二萬四千兩有奇此堵合北四決口之工也此數者
惟北下四汛堵口係屬正案其餘皆係另案然不辦中洪下口
則合龍後水勢不能下行不惟新工喫重即凡水經過之處隄
身處處堪虞四項工程共估需銀八萬餘兩伏乞源源發款及
時趕辦至向來方價料價皆有常例此次剔除積習核實力減
以求樽節等情具稟前來臣查永定河工近年多係由外捐辦
去歲經署督臣官文奏請帑項十一萬仰荷
聖恩允准臣春閒到工又於南七南四引河增撥銀二萬三千
兩已屬非常之舉今冬又需專款八萬殊覺糜費過鉅第既據
該道暨各員勘明不辦中洪下口則水勢不能暢行仍恐合龍
之後旋即失事隄身受病已久本屬在在堪虞臣不得已札飭
核減銀九千兩准其一面與辦至由外勸捐歷年成案皆係由
司庫借撥現銀再於歲修項下按年攤扣歸款歲修等銀久經
裁減又加扣去捐款則河員之領項愈微到工之實銀愈少河
務所以日壞皆在於此臣愚以爲欲整頓河務必須停止攤捐
發給現銀免致廳汛有所藉口即以作弁兵夫役之氣合無籲
懇
天恩飭部撥銀四萬兩下少三萬餘兩臣即於江南協直項下
撥發今年直隸水旱報災近七十縣民力窮困藩庫無可動撥

奏稿卷三十四

五

伏希

聖慈亮鑒如蒙

俞允臣當分別辦理張家墳一帶挑挖中洪龍王廟以下疏通
下口二者皆多年失修之工即用部撥之款其北下四汛堵塞
決口南七六號添做壩埝係近日應辦之工即用外籌之款如
此區別造報庶不失慎重帑項之義所有核明永定河工程酌
擬辦法請撥款項緣由恭摺具奏伏乞

皇太后

皇上聖鑒訓示謹

奏

奏稿卷三十四

奏

條陳長蘆鹽務摺

治八年十一月初一日

奏為長蘆鹽務按照部議分條覆奏仰祈

聖鑒事竊臣於同治八年五月初一日奉到

寄諭前因給事中陳鴻翊奏請整頓長蘆鹽務當經降旨交戶
部議奏茲據奏稱陳鴻翊所擬各條或得申明成例或係現辦
有案或款由外銷向未報部總之蘆綱積弊在引岸虛懸乏人
認運因而交款日絀浮費過重商力難紓正供遂致暗虧請飭
迅速整頓等語著曾國藩按照部議各條督飭長蘆運司將應
辦事宜趕緊修舉汰陋習實力埽除如尚有未盡事宜並著
體察情形酌擬章程具奏等因欽此當即恭錄札飭運司恆慶

奏稿卷三十四

奏

據實詳覆以憑核奏旋據該運司將鹽捐錢文津貼剝船一條
先行詳請咨復其餘九條亦於六月間詳復臣以其中利弊未
能詳細釐剔所陳尚有不實不盡批令再行確查具詳九月初
間又經另委候補知府李興銳馳赴天津按照原奏各條明查
暗訪悉心考究據實稟復茲據該司及委員先後查復前來臣
參觀互證酌擬辦法分條具陳如左

第一條認辦懸岸宜定期查蘆商認辦引地向例於具稟之
後飭綱查明是否家道殷實仍由本商自覺散商聯名出結具
保由綱總循例加結始由運司轉詳咨部更名一面給發行知
領引辦理此等層折原為慎重課帑由來已久其中緊要關鍵

重在出結之保商不在加結畫押之總商其或商本實不充足或外來人地生疎綱中無商承保則往返查訪稽延時日亦事勢所常有並非該商總等有意刁難藉端需索也惟新商認岸之初辦干引者向令先交兩課銀一千餘兩不等名曰寄庫以驗殷乏又認運租運捆運之外另有試運章程試之二三年果不能辦准其稟退有寄庫則資本之證據早明有試運則本商之進退裕如在綱總不必過於慎重徒啟壟斷之疑不以爲因循廢公卽以爲靳惜美岸迹近把持情同勒捐後新商具呈但有散商聯名結保者卽令綱總酌定期限於二十日內加結畫押運司亦迅速發給行知庶眾商可資鼓舞

秦稿卷三十四 天

第二條保結商人宜專責成查長蘆向例新商人綱取具聯名商保保其家道殷實如有貽誤課運願甘分賠甘結惟各商因通綱向有隨引帶交參課銀兩遇有參商拖欠課款除以查抄家產變抵不敷外均在商交參課內彌補是以從無保商攤賠之案迨至道光二十九年引岸參懸無商認辦懸課過多參課不敷彌補通綱添捐懸岸課一款隨領引時每引交銀四分專補懸課之用無如懸岸日增歸補愈難所有續參商課雖逐案飭令分賠總未據完交實銀且查蘆綱商人多因誤運誤課其本商名下自能保全出綱者甚屬稀少若再責令分賠代人受過並不于年限難免不紛紛畏累遠避則蘆屬引地從此有

參無認殊於全局有礙自應量爲變通擬請仿照保固三年定限如果三年正課之內認商貽誤課運被參卽將應交正課除抄查備抵外其餘參欠課銀分作三成在於參商名下追交二成出結之散商加結之總商分賠一成如逾三年之期認商業經完過奏銷引課可稱家道殷實卽與保商無涉以示限制似此酌核辦理於課款分賠有著而於各商亦不致有畏累不保之虞矣

秦稿卷三十四 天

第三條督催總商宜先完課查蘆商完課無論總商散商均照通綱一律辦理近年奏銷後所欠勒限課銀委係累商欠交之款綱商名下應交正課均經依限催完惟向來章程每屆上課之期運司派委鹽務候補數員率同綱總督催委員平日與眾商情誼不洽於鹽務底裏不明督催無權虛應故事每屆籠統完至八分以上爲率而此八分中孰多孰寡孰先孰後無從稽考是總商之拉勻掙算從中取巧其物議亦由此而起嗣後惟當遵照部議敕令綱總首先完納每屆奏銷將總商名下課款是否清完之處附案聲明仍由運司將總商另立簿冊散商亦立一簿將已完幾成未完幾成據實登註隨同銷冊詳文送鹽院衙門備查綱總無從牽拉眾商無從朦混開誠布公共見其聞征收亦當日有起色

第四條捆運懸岸宜交全額查長蘆懸岸前於道光二十八年

經

欽差王大臣查辦鹽務案內將無商州縣五十五處除有州縣自行運銷者十一處無容更改外其餘四十四處之河南懸岸二十州縣盡改票鹽仿照淮北成案先課後鹽無論資本多寡一經交課給票護運直隸懸岸二十四處予限半年責令各州縣或招商或招販一律整理倘商販無人責成各州縣領運如州縣實有不能辦理之處仍由鹽運司遴員官運等因今查直豫各處懸岸除陸續招有新商具認外尚有豫屬之新鄭太康扶溝長葛直屬之成安開州並先經曾有商認辦復又參懸之豫屬鄆陵沈邱項城洧川又二十八年以後續經參懸引岸除

奏稿卷三十四

三

隨據新商接認外尚有南岸之祥符許州禹州臨潁鄆城直隸之永清邢臺鶴澤隆平鉅鹿衡水唐山曲周統計二十三處內除衡水現有新商稟認試辦外其餘各岸疊經該司出示招商並通飭各屬一體廣為招募迄今無商認辦引岸虛懸民食堪虞自不得不照案飭令官商民販招運藉濟民食以補課款惟捆運多寡無定原與包額認辦不同若輩維利是圖能多捆一包之鹽即多獲一包之利亦未嘗不願多運多銷而卒之所運無幾蓋亦有故或因資本微薄無力多捆或因岸地滯銷有虧成本以致未能按額捆運現在既准部議自應遵照飭令捆運之各官商如果情願包額認辦限一年之內出具認狀保結詳

請咨部更名一面由司另行招募新商稟認妥辦如有實在銷滯無商認辦之處每岸專案詳咨不復以籠統浮詞搪塞蓋懸岸為中外所同慮捆運乃鹺政之弊端本無所容其掩飾也第五條長蘆綱總宜令更代查山東綱總雖係按年更換第山東先課後引長蘆先引後課綱總之責任兩不相侔換期太促必以甲年應完之課款責成丙年之綱總督催恐此推彼誘之弊必且層見疊出且綱總為通綱領袖要在遴選得人非其人即一月一換無裨實政得其人即累年不換亦恆與情蘆商殷實者少殷實而認真辦事者尤少年更換恐中選之人無多而廢弛之患滋甚現經運司於舊綱總四人之內挑留楊俊元

奏稿卷三十四

三

華楨斥退高凌漢黃昭融於本年六月具奏眾論尙屬允協嗣後綱總擬不必限定換期為眾商所翕服者酌留接充如其不然隨時撤換詳請咨部查照

第六條代銷融銷宜行分別查長蘆滯岸積引例准融與暢岸分成代銷當辦理融銷之初原為蘆商疲累居多銷路又滯每至奏銷屆限雖引地積有存鹽而課項無措力不能完勢必紛紛參追各商以融鹽與融引事同一律稟請將積鹽融賣與別商銷售以所得之鹽價即交庫抵課惟復價一項歸買商完交其餘一切課款仍由賣商按限呈納仍為保全奏課起見同治三年前任督臣劉長佑奏覆河南撫臣張之萬奏參蘆商把持

案內將融銷引鹽一層業經詳細聲明有案可稽檢查近三年案卷亦係疲累之商或因正課無措或因復價到限無力措交不得已將所運之鹽融賣與別商運赴暢岸銷售其所得價銀由買商呈出交官以濟目前之急是賣商得價融銷即與自運銷售無異在買商既經按包交價並非得無課之鹽在賣商鹽已收價亦非上無鹽之課融賣融買事出兩商情願並非買商圖得便宜致有弊竇且代銷與融銷稍異之處代銷則賣主津貼銀每引三錢五六分至四錢不等其正雜課復價等款概歸買主完納融銷則買主代交正課六錢復價五錢解費二分一釐其餘各款仍由賣主自行完納代銷則賣主出津貼之費融銷則賣主有自納之款其辦法不同而使累商得稍資周轉則同賣者買者彼此扣算定價兩相情願則亦同所有各商融銷引鹽除捆運之商仍遵三年奏案飭令一概領引運鹽不准融銷外其行商融鹽應請照舊辦理免其禁革以保頹綱而重帑項

第七條歷年積欠宜令代交查歸補庫墊積欠一項自道光二十八年清查案內共計銀二千三百四十三萬一千四百餘兩每年議定庫墊銀六萬兩積欠銀十一萬兩分年按引攤交每引攤銀二錢四分零自同治二年起因商力拮据改爲外引撥出銀一錢二分京引撥出銀八分領引時隨引完納其餘銀兩

仍照案按限帶交嗣於同治五年因綱情愈疲稟請外引減交銀一錢京引減交銀六分自道光二十九年起到咸豐八年止除已完現商淨欠交銀五十九萬八千三百三十餘兩業經奏奉部覆准自咸豐十一年奏銷後分作五年代完又自咸豐九年起至同治七年止續應征銀一百七十萬兩內除參懸無著銀四十九萬九千二百四十餘兩永平七屬官辦暨天津公共口岸未撥銀四萬四千二百三十餘兩現商應交銀一百十五萬六千五百二十餘兩內已完銀三十五萬六千七百餘兩連前實計現商共未完銀一百三十九萬八千一百五十餘兩其已交銀兩均經奏撥各餉動用按季冊報在案其欠交銀兩雖屢經嚴諭飭催無如各商僉稱因近年引地被擾被災領運失時額引滯銷商力拮据願運願課已屬萬分竭蹶前項積欠代交前商參累之款一時無力賠交委屬實情且近來參商迭出長蘆懸岸已屬不少若以此紛紛參辦通綱無商不欠幾至無岸不懸全綱掣動所關非細茲准部議除將欠交銀兩趕緊設法嚴行催交以清積欠外所有隨引先交之款按每年出庫引數核計應完數目造入春秋撥冊聽候部撥至於欲紓商力必須減成本臣當另案陳奏

第八條報災補運宜再詳查查各州縣詳報被搶被水各商引鹽有詳運司已經委員會勘尙未勘覆詳報者是以失鹽數目

即院司兩處案卷已覺未能相符茲據該司逐細詳查除奉部覆准補運五六等年被梟匪髮逆燒搶之甯晉臨城杞縣七年被捻逆焚搶之定州南樂清豐大名開州東明臨漳等州縣商人益德裕等被搶失鹽一萬六千零二十九包不計外實在現據委員勘復陸續詳報之清苑等處商人被搶失鹽四萬五千六百七十七包又新城等州縣被水衝淹鹽一萬八千六百三十一包又已委未經復勘之濟源等州縣并未經委勘之安平縣商人被搶失鹽一萬零八百五十六包又因案情未符批飭覆查未據詳覆之溫縣等處商人在途被搶失鹽三千二百四十六包除由司核明照例分案敘詳并將未經通詳之各州縣

奏稿卷三十四

分飭另行補報以昭核實外所有州縣商名鹽數分別另造清冊呈送備查謹將原冊封送軍機處并分咨戶部以備考核第九條加飭抽錢宜行禁止查道光二十八年清查案內每包加鹽一百五十觔合計北鹽重五百六十七觔有奇南鹽重五百七十二觔有奇違者即以私論各商赴地築鹽向由批驗所大使驗明秤掣按包編號之後始行飭商裝運前奉部飭即經該運司明查暗訪出示嚴禁并親赴關所查照鹽包挨次編列號數按包抽提當堂秤掣均屬相符訊據各商僉稱伊等赴地按引築包均由批驗大使查驗秤掣編號有一鹽必有一引造關時按號抽提過秤既有官司稽查又有部劾飭兩眾目共睹

非商等所能行私朦混且伊等深知例禁綦嚴亦當自顧身家何肯犯法取利至造關時裝載備掣者即係批驗所過秤編號之引鹽此外實在並無另有私築號鹽意圖夾私加飭情事復飭據小直沽批驗所大使王鳳岡以查明各商赴地築運均係遵照部劾飭兩一律辦理並無夾飭加帶另築號鹽以備掣抽情弊出具印結詳送到司該司恐尚有不實不盡復經連日逐細查訪僉稱如一此後惟有嚴益加嚴督飭委員暨批驗大使認真秤掣不時密查倘有奸商夾私加飭情弊立即照例從嚴懲辦亦當不時由省委員赴津密查掣驗事宜斷不敢稍存姑息以杜流弊而肅鹺政至隨引每包抽收津貼錢五十文乃

奏稿卷三十四

係同治六年海運案內各商公議捐作津貼漕剝民船之用並無浮收抑勒情弊業經另行詳明咨部覆准在案第十條墨筆科則宜加裁革查道光二十八年欽差王大臣查辦鹽務核定科則曰正雜課曰平飯曰補欠曰歸補積欠曰王范滿垣租息曰領告雜費曰緝費曰各項解費曰內外帑利共九款每引攤交銀二兩六釐刊單通行飭商遵照此木板之則也後有續增商捐款項因年限多寡並無一定一經捐足即由各商隨時稟請停止並非作為定額是以向用墨筆添寫刊單之後同治三年河南撫張之萬奏參蘆商把持運使受其朦弊案內指稱墨筆私加私用經前運司克明查

出墨筆添寫者曰懸岸課曰捐補參價曰欽天監生息曰歸補
緝費曰口岸汛工曰籌補津貼曰選墊辦公曰酌增領告曰朝
袍冊寶曰修署曰報效軍需曰隨引復價凡十二款當將墨筆
原委逐款造冊由前督臣劉長佑奏覆有案可稽嗣將朝袍冊
寶六釐修署一分報效軍需二分三款先後停止同治六七年
閒因迭奉內務府奏派長蘆採辦絹箋以及蘆勇口糧並捐築
金堤挑挖府河等事增添一款初曰寄庫還款改曰金堤還款
其餘均照前奏之數並無絲毫加增此外又有南場各商稟添
大河口巡費一款南引各商捐添報效豫省協餉一款係不在
通綱科則之列皆墨筆之則也至所稱領引時外交者三款查
有津貼辦貢一款因前辦彩緞貢商人張鑑歷年賠累各舊商
公議情願每引津貼辦貢銀三分五釐又津貼辦公一款因總
商辦公一切費用出自已囊眾商公議願每引幫貼辦公銀六
釐迨因舊商星散新商心力不齊完交寥寥本年已將此二款
停止矣至巡費津貼一款係承辦青靜滄鹽四處引地緝費裁
減不敷通綱公議每引願幫銀四釐此為保護引地而設應仍
其舊斯三者外交幫貼之則也據該運司造具木板科則一冊
續增墨筆一冊外交幫貼一冊並將領告科則款式呈送前來
理合封送軍機處並分咨戶部備查至部議以浮費過重行令
認真釐剔分別禁止亦深知蘆綱之疲由於成本太重銷路

奏稿卷三十四 奏

太滯而眾商亦稟訴苦累情形呈請拯救頃至天津與運司面
商一切即日將各項科則酌擬裁減具奏以輕成本而挽頹綱
以上十條就部文所指者逐細登覆至於引滯商疲全綱不振
別圖補救之方容即於酌減科則案內另行具陳伏乞
皇太后
皇上聖鑒訓示謹
奏

奏稿卷三十四 奏

蘆綱億累請減成本摺 同治八年十一月十九日

奏為查明蘆綱億累日甚亟宜減輕成本以蘇商困而保頹綱

恭摺

奏祈

聖鑒事竊照戶部議覆給事中陳鴻翊條奏長蘆鹽務摺內謂蘆綱積弊在於引岸虛懸交款日絀浮費過重商力難紓洵為洞悉源委之論奉

旨飭 臣體察情形酌擬具奏 臣已按照十條逐一確查分晰覆

奏惟於裁革科則一條僅先將原定木板科則續增墨筆科則並外交幫貼三款按項分晰臚陳其如何酌擬裁減聲明即日

奏稿卷三十四

三

另

奏在案伏查長蘆鹽務自道光中年以來疲乏已久至二十八

年

欽差王大臣載銓等查辦加勦減價裁費恤商科則僅二兩六

釐有奇滿擬商力可紓乃因加勦而未及減引銷數仍形疲滯

咸豐同治年間領引科則屢次遞增較查辦時加至三分之一

加以私梟迭起侵佔搶掠捻逆縱橫擾亂焚毀眾商虧累日深

本年銀價昂貴每兩換制錢一千八百上下而滹沱河北徙順

廣等處之引不能行舟到廠大清河枯旱保定等處之引到岸

過於遲滯豫省加價黃河以南之引盡被鄰私侵灌各商之難

處不同而累狀則無少異莫不由於交款太多成本太重銷路

太滯前據通綱商人聯名稟訴疾苦嗣於雙口途次又據京引

商人聯名投訴 臣委員至天津明查暗訪又接晤運司恆慶均

稱商情疲憊若不趕緊調劑勢必家家受累處處參懸 臣囑該

司通盤籌計務求有益於商人而又不甚礙於庫款斟酌裁減

以期變通盡利茲據該運司恆慶核議詳覆前來 臣細加參核

理合奏懇

恩施曲加矜恤以甦商困而保頹綱謹分條陳列如左

一木板科則中三款可暫停也查原定木板科則共九款業於

十一月初一日造冊具奏內除七款無可裁減外惟第三款曰

奏稿卷三十四

三

補欠銀八分七釐九毫有奇第四款曰歸補積欠銀一錢六分

一釐一毫有奇此二款係因積欠太鉅道光二十八年議定每

年歸完銀十七萬兩由各商按引攤交彌補舊欠是虧欠者乃

數十年前之商捐補者乃數十年後之商李代桃僵本屬勉強

從事嗣因各商拖欠不完於同治二年起改為隨領引時外引

先交銀一錢二分京引先交八分其餘銀兩仍照案依限催交

同治五年綱情愈疲又改為外引交銀一錢京引交銀六分每

年按出庫引數約征銀五萬餘兩前奉戶部飭撥以備長蘆採

辦布疋絲勛之用目下通綱疲累異常現商辦運交課自顧不

遑更無餘力代完舊商之欠擬請將隨引攤交補欠歸補積欠

銀兩暫行停止五六年後如鹽務稍見起色察看情形再行酌量征收以蘇商困嗣後如遇傳派長蘆採買布疋絲筋並請仍由引課項下動支報部核銷

一續增墨筆科則中二款可減五款可裁也查墨筆添寫科則共十一款業經造冊具奏內除四款無可裁減外擬酌減者二款全裁者五款其酌減者一曰軍需復價外引銀五錢京引二錢五分此項復價原為天津海防軍需而設每年按出庫之引約征銀二十餘萬兩每月撥解天津支應局六千兩解保定省局一萬一千兩開或另文提用為數更增目下餉需依舊本難議減惟商力日形拮据不得不量為核減以全大局擬請外引

奏稿卷三十四

罕

減去一錢四分每引交銀三錢六分京引減去七分每引交銀一錢八分隨領引時外引交銀九分京引交銀四分五釐下餘外引二錢七分京引一錢三分五釐仍照案以三個月為一限分作三限完納一曰金堤還款銀三分六釐此款前因迭奉內務府傳辦絹箋並劉景芳蘆勇口糧每引捐交二分六釐名曰寄庫還款嗣因修築新堤挑挖府河捐賑等項增為三分六釐改名曰金堤還款計運庫墊發之款商捐歸補尙有不敷當此綱情疲敝不得不設法恤商所有金堤還款擬減去一分六釐酌留二分嗣後遇有內務府傳辦絹箋價值運費擬請作正開銷直字營馬隊餉需令運司另行籌解奏咨辦理右二者皆

可酌減者也其全裁者一曰復價解費二分一釐二毫擬即在於木刻解費項下通融搭解一曰籌補津貼銀三分此款現已捐交足數矣一曰懸岸課銀四分此款自道光二十九年商攤貼參懸無着之課款眾商求免未允嗣後改為蘆園經費同治五年正月間各商稟請豫省免抽鹽釐案內又改為協濟豫餉之用名實久已不符擬請停止豫省協餉免捐此款以紓商困一曰還墊辦公銀一分此係昔年商墊軍營米麵天津壕牆之用今早已歸款矣一曰酌增領告銀二分此款係咸豐十年所增應即裁除其中有應行支解者可由木刻之領告雜費項下酌量籌撥右五者皆可全裁者也至此大墨筆款目比上

奏稿卷三十四

罕

次所奏款目微有參差上次未列復價解費一款此次未列大河口巡費協濟豫餉二款耳一京引商人宜加補救也查京引原額十萬五千九百餘道從前銷六成滯四成自道光元年以後減引二次停引一次淨行銷引七萬二百餘道銷數已不及前道光二十八年欽差王大臣查辦鹽務每包加鹽一百五十觔未曾減引從此滯銷更甚自京師行使大錢諸行蕭索每年銷鹽不過二萬六七千包是所銷不過三成七八分其餘六成二三均係滯銷之數以二萬六七千包之鹽價上七萬餘引之課款是一引幾及三課包賠過鉅商力如何能支且百物均隨銀價長落推賣

鹽例皆用錢而完交課款又須易銀目今銀價日昂展轉虧賠加以引多商眾股之不一心志不齊此商賤價求售彼商即被牽掣同治四年眾商設立內廠收鹽亦恐搶跌賤售之故案費本有限價仍難齊緣京引累商較多辦運交課悉由重息借貸鹽既運出公私交迫本京油鹽店窺見底裏又復多方勒措累商圖得現銀暫應眉急不得不賤價濫售一唱百隨即殷商亦難自立成本虧折愈辦愈累刻下雖將科則以漸減輕而滯銷太多包課太重仍不足蘇其困茲據運司核議具詳擬懇天恩飭下該部俯念京綱苦累實情准自同治九年起暫停額引二萬道俾包課略輕商力可漸紓展餘存額引五萬二百餘

奏稿卷三十四

望

道督令勉力辦運俟綱情稍轉行市暢旺再行相機議加

一河南加價宜請停免也河南撫臣前因防剿兵多餉無所出奏明豫鹽每觔加制錢二文先由商人按包總交雖曰取之於民並非取之於商惟其價先由商墊商已不勝其累屢次求免未允不得已稟明每年捐銀八萬兩分四月十月兩次呈交無如豫引運道過遠成本過重上年被災被擾商本虧折辦運益覺艱難今年請領引目不及十分之七現計每引按四錢六分派攤不敷呈解之數且河南一省分食潞淮東蘆四省之鹽減價尚不能敵私一經加價則別省私鹽更易侵灌充斥商賈惟利是趨居民擇賤而食三路皆賤鹽獨貴孰肯舍彼而取此

滯銷愈甚攤數愈多近年豫引各商除逃匿參懸外餘均岌岌自危有朝不保暮之勢刻下中原肅清豫省兵數可減商力實在不支應請

旨飭下河南撫臣准將加價停免不使商引各商捐此八萬兩之數蘆綱幸甚

一山東館陶釐捐宜請停止也山東撫臣前因逆氛孔熾防餉難籌因就館陶設局抽釐凡豫引鹽船由此經過者每包抽收津錢三百六十文以備接濟餉需在東省積少成多籌款不無小補在蘆商筋疲力困元氣實已大虧現在軍務已靖餉項稍紓本省應用款項尚為分別可緩可停普將科則裁減以輕成

奏稿卷三十四

望

本此項釐捐應請

皇上飭令山東撫臣將館陶鹽釐准予停免以紓商力以上五條第三條專恤京引之商四五條專恤南引之商第一二條為通綱商人力籌挽救之法計木板刊刻並墨筆添寫之科則連閏每引銀二兩七錢三分七釐六毫有奇今裁減銀五錢二分六釐三毫有奇尚存銀二兩二錢一分一釐三毫有奇雖較之道光二十八年查辦時尚多二錢有餘而較之近年已覺輕減眾商稍有轉機不至相對歛歛但得此後不復參懸懸岸漸可認辦則名為卸商而裕課亦即寓其中至滹沱河改道下西河舟運不通已屢次派員查勘俟勘定後當奏明籌款

挑挖一律深通務期暢行無阻俾西河各商免受改道改履之累長蘆鹽務可望漸有轉機感荷天恩實無涯涘所有蘆網疲憊減輕成本緣由理合恭摺具奏伏乞

皇太后

皇上聖鑒敕部核議施行謹

奏

奏稿卷三十四

擬賑卹畿南災歉摺 同治八年十二月二十四日

奏為遵

旨查明畿南所屬災歉較重來春應行賑卹酌擬辦法奏祈

聖鑒事竊臣接奉十月二十八日

寄諭給事中陳鴻翊奏直隸西南各屬本年雨澤稀少災歉已

成聞有報災未遂人懷亂萌之說又廣平屬之清河威縣毗連

河南安陽等縣大名府則與曹州接壤捻幅餘匪難保不潛伏

其間其開州等處人心亦多浮動現聞各處已漸有均糧等事

若饑民相率效尤各匪乘機竊發必至貽害地方請飭曾國藩

查明辦理等語著曾國藩迅即派員查明各該地方被災輕重

奏稿卷三十四

呈

情形分別賑濟如有應蠲應緩之處並著趕緊奏明辦理以惠

災黎而消隱患原摺著鈔給閱看將此諭令知之欽此十一月

初一日臣即將通省被災各州縣應徵錢糧按照分數懇請蠲

緩會同兼管順天府尹臣萬青藜府尹臣王榕吉等具摺恭奏

於十一月初四日荷蒙

恩諭准行並附片具奏南路大順廣一帶雨澤尤艱種麥尤少

明春恐須另籌賑撫奉

旨知道了欽此均經欽遵行知在案查本年直隸收成以永平

遵化為最豐天津河間宣化正定次之順天保定深冀易趙定

等府州所屬均在歉薄之列南路大名廣平順德為最下八九

月間南三府各屬所報災歉情形均不甚重與臣在省所聞者不符頗深疑訝蓋州縣積習多以辦災為難緣荒政之條例甚嚴關係甚重初報災時不論災之輕重即有先發一月口糧之例厥後不論貧之極次又有普賑一月之例旋又有續賑摘賑大賑加賑之例蠲免則有七分六分四分之別徵緩則有三年二年次年之差皆視其災之分數以為區別而分數憑官之一言以為斷豈能恰如其量同一縣也或東鄉九分而西鄉六分同一鄉也或左村四分而右村五分百姓起而相爭以為參差之處或涉偏私即將來之或蠲或緩多賑少賑高下懸殊分數之所辨甚微而民間之所爭甚巨故州縣之不樂辦災非盡恐

奏稿卷三十四

免徵之後辦公無資亦由賑事繁重對百姓則易於見怨難於見德對上司則易於見過難於見功耳臣前聞南三府災情較重恐州縣格於成例狃於積習所報或有不實不盡因函囑升任按察使大名道錢鼎銘親歷各處認真稽查借重編門牌之便抽記極貧戶口於臘月內彙齊稟報該升道旋即出外查勘徧歷三府二十六州縣之地茲據錢鼎銘稟稱伏查三府中旱歉情形以廣平為最大名次之順德又次之緣順郡沾百泉河之利井地又多夏秋間偏得陣雨雖九屬高下不同要皆可以支持無須調劑大郡開東長三處因得黃河之潤轉歉為豐南樂清豐光景尚不窘迫廣郡則磁州清河威縣最佳雜澤曲周

稍次而以肥鄉廣平成安邯鄲及永年縣毗連肥鄉之數十村莊及大名所屬之大元兩縣為最苦之區尤以肥鄉廣平為極重成安邯鄲永年為次重大名元城二縣為略輕此七處急須設法補救兩旬餘轍迹所經體察真情博採輿論種種成法皆不易行惟有按口給錢最為直截了當但勘災宜細判等差而望澤殊不分彼此嘗接見久官直省素肯盡心之守令輩僉謂本年酌辦緩徵災輕之區紛紛觀望不肯輸納則將來酌辦抽賑必致多所窒礙然事關民瘼又安能因噎廢食反復推求惟有寓賑於貸之一法就各屬中著名災重之縣就各縣中著名災重之村復於一村中擇老弱病廢婦女及無業丁壯種地不

奏稿卷三十四

滿十畝者往時尚可借貸今年災廣告貸無門名曰極貧即在其次重編門牌上詳細揭出編定戶口徧行榜示某戶某口加恩酌借口糧兩月大口每日給制錢若干小口減半由本村公正紳耆出具保狀俟秋成後酌量清還不日賑而日貸則鄰近災輕之區無可比較不致生覬覦之心二月中旬開辦竣後大張告示宣布

皇仁按村曉諭概行蠲免毋須清還俾窮黎得沾實惠名為貸而實則賑矣至災區中之次貧者本非無告之民類皆有田之戶或有他技濟生或有春收指望察核情形尚可支持至三四月間再行酌辦暫且不必調劑若果雪澤不沾春雨復少此等

次貧之戶固須接濟恐各屬災輕之區亦宜普為設法屆時春荒一成實屬難於著手是惟虔禱天心之仁愛默為轉移庶幾司牧之愆尤或可稍道等情稟覆前來臣查戶部則例內開被災五分者准酌借來春口糧等語五分乃極輕之災本有准借口糧之例廣平等七州縣據各屬原報雖有尙不及五分者而被災較重遠近周知錢鼎銘擬用酌借口糧之例以暗行其賑濟之實期則寬以兩月足救春末之飢惠不及於次貧足杜冒濫之弊所議尙為妥協其按口給錢亦古人所稱施粥不如放米散銀不如發錢者恰相符合惟七屬貧民每縣多或數萬人少則萬餘人所費亦殊不貲合無籲懇

奏稿卷三十四

哭

天恩敕部於天津存儲現錢項下撥制錢十萬串由天津運至大名卽交錢鼎銘經理賑卹事宜預弭畿南無形之患大局幸甚微臣幸甚至於以貸為賑係恐災輕之區或生覬覦之心故借此名以息爭端惟我

朝遇災蠲卹之典

皇仁最溥良法最多然法之最善者分數亦必有輕重貧戶亦必有極次斷不能無向隅盼望之人亦不能無倖澤爭競之事此次雖未必盡合成法然意在先救極貧是謂之借貸也可卽謂之賑卹也亦可但使稽察精細心術公平縱有盼望爭競當亦不足深慮若賑卹之地無糧可買尙應擇要設平糴局數處

糴入則較市價略貴糴出則較市價略賤庶米商可廣為招徠而貧民亦稍沾便益倘其商賈流通糧價不甚昂貴則無須由官設局是亦當預為議定者也除通省各屬應否調劑同日另案具奏外所有遵

旨查明畿南所屬災歉較重應行賑卹緣由恭摺覆奏伏乞

皇上聖鑒訓示謹

奏

奏稿卷三十四

哭

陳滹沱河水患大概摺同治八年十二月二十四日
奏為滹沱河改道北流已閱兩年各屬被害亟應設法修治謹
陳大概情形仰祈

聖鑒事竊維直隸有五大河子牙河居其一其上游即滹沱河
也該河源出山西繁峙縣入直隸平山縣境逕靈壽正定藁城
等縣下抵晉州前此滹沱由晉州東行至衡水武強會合滄陽
河經過獻縣而後名為子牙河又逕河間大城靜海等縣由天
津縣之海河入海自同治七年秋初河從晉州藁城之間改道
北徙遂與滄陽河不復相通因漫及東鹿深州安平饒陽肅甯
河間獻縣任邱保定雄縣霸州各州縣均被其患而文安大城

奏稿卷三十四

辛

受害最重俗所稱文安大窪者也維時又值永定河南岸上汛
決口未合下游竄入大清河致清河日受其累節節淤淺臣抵
任後飭永定河道於三月閒分段趕修四月初旬南上合龍又
飭清河河道挖濬清河口亞古城龍灣村張青口各段積淤並挑
濬府河修建石閘厥後永定河北岸復決大清河亦未能一律
深通是微臣抱愧之事然二河皆能興工開辦究亦不無裨補
惟滹沱河未能興工一則因藩庫難籌經費一則因該河別無
去路是以久未定議而文安被害日深亟思涸復田業遂會商
大城兩縣紳民捐貲集眾自行興辦於該縣之東隅開挖避莊
引河由王口歸入子牙河將大窪積水洩去三尺有餘淺處一

律種稻滿擬秋收可望不料六月中滹沱河上游水漲來源洶
湧其患仍與上年相等不特文安一邑變為洪湖即大城雄縣
任邱饒陽安平等屬亦皆淹沒田廬浸占驛路小民蕩析離居
栖託無所而滹沱既已北徙舊河斷流向之由西河運鹽至順
廣正趙等處者今則舟楫不通鹽商誤運所關亦鉅且文安與
雄縣交界有西堤一道文安則聚眾築塞堵禦上游之水雄縣
則聚眾掘開以洩本境之水竟用鎗礮器械傷斃文安守堤民
夫七月九日迭次爭鬪兩造洶洶相持不決現雖經委員彈壓
勸諭暫停械鬪而水患未除爭端終不得息仍恐數縣交訌激
成巨案此皆最切之患不可不急為修治者也臣數月以來博

奏稿卷三十四

辛

采羣言有議改平山縣治河以分其勢者查元時曾開治河首
為經流不與滹沱相合雍正元年怡賢親王亦奏稱治河引入
洩河則滹沱之猛可減然洩河本入甯晉泊今泊已淤塞難容
巨水且滹沱挾水至多亦不待會同治河方能為患是分關治
河未必有益也有議由雄縣之辛莊挑引河入王口鹽河者查
辛莊至王口八十餘里皆穿文安之境文安形同釜底若道滹
沱橫貫縣境則永遠為患且避莊王口亦並不能暢洩河水以
救目前之急是辛莊引河更不宜挑也有議從去年新徙之道
開濬以復其舊者查晉州下至武強二百餘里河徙之後一片
礮砂舊道多成平陸閒有河形亦若隱若見絕少大段槽道勢

難開挖且前明至今滹沱屢次遷徙從不能挽由故道而行誠以河因高壅而決水徙沙停斷難遽還舊觀是故道不能竟復也有議於南旺村開通引河以達獻縣回子牙之故道者臣派員至該處測量高下人力似尙可施惟田畝皆膏腴之地百姓不願開河且由獻縣修治上游仍然泛濫鹽運仍然不通此獻縣之不宜開挖也有議開王村廢開引滹沱之水分消西淀歸入大清河者查大清河地勢較高不惟不能多消滹沱積水且恐引西淀之水灌入文安大窪是開王村開未必有益也迭經委員查勘迄無定議最後派委清河道費學曾候補道陳重前往細勘另籌修治之法訪得藁城南樓村迤南尙有乾隆五十

奏稿卷三十四

五

九年迄咸豐元年滹沱開行之故道自藁州東門外起經晉州趙州甯晉之境計共河路一百八十里至藁州邵村下會滄陽河形尙存其下游且間有寬至二十餘丈深至一丈餘者雖亦多有淤平若就此施功尙可著手該道等於九月履勘繪圖貼說會同稟覆臣批令會商藩運兩司酌籌款項設法興辦並飭令再赴藁城一帶覆加勘估茲據費學曾等於十一月底回省勘得藁城新徙河口水深一丈面寬七十一丈接連兩岸老坎嫩灘共長三百一十丈擬築大壩以堵塞之高二丈五尺底寬十五丈頂寬五丈兩旁依次遞減惟旁無堤埝築壩無處生根擬接修土埝長九千一百五十丈計五十餘里以遏旁溢而固

壩基其引河之新開者擬自藁城東門外壩前起至陳村舊河首止裁灣取直共長一千一百六十丈以下接入舊河間有平灘至晉州界止連前共長九千七百三十四丈擬挑寬二十丈至十餘丈不等又晉州境內工長一千二百八十丈藁城境內工長四百丈趙州境內工長三千四百五十丈晉州境內工長二千八百五十丈甯晉境內工長九千二百七十丈約計估銀二十萬兩有奇該道等所以不能確估定數者據稱專就引河壩埝工料計之其數尙不過十七萬兩惟壩埝所占之民田若民間索取地價則多寡難以預定又引河所經之處應納地糧有從前除額今未升科者有從前緩征今已起征者現在皆成

奏稿卷三十四

五

熟地若民間求索地價則多寡尤難預定論大河官工之常向無價買民地之理此費本屬可省然亦須察看輿情權衡事勢乃能定局臣本擬於明年二月興工急拯文安等處之災惟經費太巨前在天津與運司商酌擬令挪墊銀十萬兩將來按引攤捐數年歸款此外尙短十餘萬兩無從籌措而訪諸眾論皆稱修治滹沱河係豪無把握之事或謂該河性善遷徙卽就東鹿縣志而論自順治至乾隆百年之間已徙二十五次一縣如此他縣可知遷徙既無定所修築亦屬徒勞或謂滹沱河剽悍激烈不受約束隄防愈堅衝決愈甚且其下有伏流往往水尙未至土已迸裂居民見而預避不久卽有橫流經過築隄埝於

伏流之上斷難久峙或謂滹沱河挾沙最多質本磽薄性最鬆浮從前怡賢親王修治之時亦係旋開旋淤今僅築埝濬河勉救目前仍非經久之計若必遠築長堤大開引河不得不議歲修既有歲修必設汎官將來日增無窮之費而水害仍不能免臣正慮籌款之無著而聞此數說者又恐巨款付之一擲不得不徘徊瞻顧然念文安之淪為巨浸雄縣之互相鬪爭及西河鹽船之別無運道又不忍置之不問反復焦思迄無長策茲擬改於明年八月秋收後籌定經費再行興辦理合先行具奏請旨敕下部臣核議此雖疆吏之責本不必重煩廷議惟水患迫近畿郊當此眾說紛紜或辦或否或別有良圖得在廷臣工討

奏稿卷五十四 奏

論裁奪則是非得失可以折衷至當而遲至明秋則籌款購料等事措置亦覺暇豫所有滹沱河改道北流亟應設法修治緣由謹會同兼管順天府尹臣萬青藜府尹臣王榕吉恭摺具奏伏乞

皇太后
皇上聖鑒訓示謹

奏

曾文正公奏稿

卷之三十五目錄

- 直隸清訟請獎摺 同治九年二月初二日
- 報銷剿捻軍需第一案摺 二月二十一日
- 臚陳劉松山事蹟摺 全日
- 試辦練軍酌定營制摺 四月十六日
- 籌議邊防片
- 報赴天津起程日期摺 六月初七日
- 查明津案大概情形摺 六月二十三日
- 覆陳津事各情摺 六月二十八日
- 覆陳津案各情片
- 覆陳彭玉麟等出處江海異形片 七月十九日
- 天津府縣到案日期摺 七月三十日
- 謝恩并辭江督任摺 八月初七日
- 訊取天津府縣親供摺 八月十四日
- 審明津案各犯摺 八月二十三日

奏稿卷三十五目錄

直隸清訟請獎摺 同治九年二月初二日

奏為直隸清訟舊案陸續完竣新案辦理就緒請將勤奮各員酌予獎勵恭摺仰祈

聖鑒事竊維訟獄為民命所關審辦之遲速民生之休戚繫之直隸訟案之繁甲於他省聽斷稍稽即虞積壓自咸豐初年軍興以來地方官或辦理防堵或供應兵差未能專治訟事而前任督臣及歷任臬司均因督辦防剿節次公出軍務緊急遂將刑名事件稍置緩圖日積月累年復一年截至同治八年三月底止通省未結同治七年以前之案積至一萬二千餘起之多微臣履任以直隸軍事已定民困未蘇清釐積案尤為當務之

奏稿卷三十五

急即經奏請張樹聲暫留直隸臬司本任以資熟手奉

旨允准酌議清訟事宜並飭司議定期功過章程一併刊發各屬實力奉行將積案及監押逸犯四種開列四柱單冊按月造送臣衙門及藩臬兩司三處臣署派奏調之知縣金吳瀾等幫同經理臬署派縣丞陳本等幫同經理藩署派知縣夏子鑒幫同經理參互稽核分別勤惰記功記過每月懸榜院司官廳大眾閱看以期羣相砥礪其詞訟案內交差管押人證往往州縣漫不經心書役人等難保無私放濫押情弊復經隨時委員分投密查其有人數不符者立予記過撤任至保定府臬局歷年積案一百三十餘起多係京控奏交重大之件添派臬幹委

曾文正公奏稿 卷三五

員幫同該府恩福上緊審理開遇疑獄派前臬司史念祖會督局員悉心核議以昭慎重計自上年四月開辦起至十一月底止共八箇月歷據各屬審結並註銷息銷七年以前舊案一萬二千零七十四起又結八年新案二萬八千一百二十一一起此外尚存未結舊案僅止九十五起或緊要犯證無獲或隔省關查未覆均已咨部展限又未結八年新案二千九百四十起不足一月新收之數不難漸就清理此次辦理清訟印委各員振刷精神悉心推鞠間有平反重案悉臻允協多年淹滯塵牘為之拂拭一清凡無辜被牽者從此得免拖累該員等不無微勞可紀首府臬局為通省之表率該府恩福會督委員無閒寒暑

奏稿卷三十五

所宵悉心研鞠審辦完竣尤屬勤勞卓著據兩司具詳前來謹將七年以前舊案在百起以上至千餘起一律全清者及記功較多者擇尤開單恭呈

御覽合無仰懇

聖恩俯准照蘇省成案給獎以示鼓勵所有直隸清訟完竣請將各員酌獎緣由恭摺具

奏伏乞

皇太后

皇上聖鑒訓示再積訟已就清理臬司張樹聲自應欽遵

諭旨飭赴山西臬司之任惟新任直隸臬司錢鼎銘前已奏明

六七五

奏 西辦畿南一帶賑務請俟事畢再行各赴本任合併陳明

奏稿卷三十五

三

報銷勦捻軍需第一案摺 同治九年二月二十一日
奏為湘淮各軍勦捻軍需自同治四年閏五月起至五年底止
第一案收支款目造冊報銷恭摺仰祈

聖鑒事竊照前因豫東等省捻匪蔓延 臣國藩於同治四年五
月開奉

命督師勦捻旋調湘淮水陸各軍並將吉林等起馬隊官兵歸
臣節制又經陸續添募馬步兵勇分投堵截游擊追勦 臣國藩

先駐臨淮關後到徐州濟甯繼移營周家口各路分設行營糧
台儲備軍米並轉運軍械各局所以供支應而免缺乏金陵省

城設立北征糧台飭由江甯藩司總理 臣鴻章先在金陵料理
後路糧餉等事厥後奉

命督師進駐徐州各處糧台局所均仍其舊所用各軍准多湘
少同為勦捻之師同支江南之餉仍照刊章一律支放所有四

年五月底以前軍需各款畫清界限湘軍准軍各歸各報四年
閏五月以後勦捻軍需應由 臣國藩與 臣鴻章會同造報前於

湘軍第五案報銷摺內縷晰陳明奉
旨著照所請該部知道欽此欽遵當飭江甯蘇州兩藩司於金

陵省城設立報銷總局督同局員自四年閏五月初一日起截
至五年底止為一案逐款清釐併案造報茲據署江甯藩司候

補道孫衣言蘇州藩司張兆棟督同局員江西候補知府王延

...

長道員用安徽候補知府石楷等詳稱總計收款舊管項下安慶報銷局湘軍第五案四月底止報銷案內實存銀一萬二千二百九十六兩有奇錢二萬四千八百四十七兩有奇蘇省軍需報銷局淮軍四年五月底止報銷案內實存銀四千八十一兩有奇錢二萬一百一十九兩有奇又存米合價銀二百一兩有奇新收項下直隸山東等省協餉安徽江蘇藩庫關稅釐捐茶稅鹽釐絲茶身帖紳富等捐並本案扣存平餘共銀一千二百七萬九千七百五十四兩有奇錢九萬八千串文內除登除協撥各款共銀四十三萬三千四十六兩有奇錢四千七百五十七兩有奇又除補發湘軍欠餉銀五十萬八千六百七十七兩有奇錢八千九百一十九兩有奇又附銷徐防城守官弁勇丁鹽糧等項銀九萬二千六百一十六兩有奇又除本案附請專案

奏銷洋鎗礮隊英法官兵教練勇糧等四款共支銀一百六萬三千三百一十九兩有奇計實收銀一千萬六千四百八十三兩有奇錢一十二萬九千二百八十九兩有奇開除正雜各款遵照同治八年九月二十九日戶部議奏酌定軍需報銷章程各歸各部核銷計應歸戶部核銷銀九百二十八萬三千七百九十四兩有奇錢二萬九千八百八十八兩有奇應歸兵部核銷銀一十九萬四千三百三十二兩有奇錢七萬五千七百七十二

奏稿卷三十五

五

千有奇應歸工部核銷銀四十八萬五千五兩有奇統共請銷銀九百九十六萬三千一百三十三兩有奇錢一十萬五千五百八十八兩有奇實存銀四萬三千三百五十五兩有奇錢二萬三千七百八十八兩有奇歸於勦捻軍需下案舊管接報等情具詳請奏前來臣伏查此次造報湘淮勇營仍循前案未開花名清册係照楚軍刊章一律發餉吉林等起馬隊官兵暨續立馬隊勇營均經臣等酌定薪糧支給隨營文武員弁薪夫采辦製造轉運雜支等項均係實用實銷並無浮冒所有正雜各款概發湘平折實庫平造報仍扣雜款一分平餘除飭將六七兩年用款趕緊接續清釐造報外合將勦捻軍需第一案收支款目造册報銷緣由謹合詞專摺具

奏並繕清單恭呈御覽伏乞

皇太后

皇上聖鑒勅部覈覆施行謹

奏

奏稿卷三十五

六

臚陳劉松山事蹟摺 同治九年二月二十一日

奏為提督劉松山宣力最久忠勇邁倫據該軍諸將稟請具奏仰祈

聖鑒事竊廣東陸路提督劉松山力攻回寨受傷殞命業經欽奉

恩旨賜卹飾終之典至優極渥惟臣接該軍分統章合才蕭章

開營務處黃萬友劉錦棠等公稟臚陳事蹟求臣轉奏有不敢

塞於上聞者劉松山初隨道員王鑫繼隨臬司張運蘭轉戰各

省其功績多歸於統將故其事不甚著逮咸豐九年十年在

江西皖南統轄老湘營一軍同治元年十月之杪張運蘭因病

請假回籍臣乃奏派劉松山與易開俊分統該軍當未為統領

之先咸豐九年六月十四日官軍破景德鎮各營猛追三十里

隊伍散漫將至浮梁縣中有浮橋三道賊因過橋擁擠回頭猛

撲城內亦出悍賊數千乘瑕擊我劉松山在東橋邊縱橫苦戰

力遏賊衝少頃後隊到齊各軍賴以保全咸豐十一年三月十

二日官軍進攻徽州分駐民村三更後賊出偷營呼聲震地諸

元年冬暨二三年間皖南羣盜如毛甯國等處疾疫盛行該軍

堅守郡城四出截剿歷年戰事已由臣節次奏報在案同治四

年夏臣奉

命赴北路辦捻湖南將士因不慣北方麪食多不願隨征獨劉

松山毅然請從由甯國帶隊至江甯之龍潭渡江士卒或索餉

不肯北渡劉松山誅戮數人而撫慰其眾師次臨淮易開俊告

病開缺調理於是老湘營一軍全歸劉松山統領是後馳驅江

蘇山東河南等省一面訓練部卒講求髮逆捻逆辦異宜首

責行走迅速隊伍整嚴一面聯絡民圩使遠近聞風信服廣籌

米糧使士卒不因乏食而思歸未幾山東河南一帶官民皆稱

老湘營紀律之嚴所至逢迎恐後而部下亦習而安之不以北

征為苦臣於五年冬間密保劉松山忠勇樸實堪倚平寇是時

捻逆張總愚竄入秦中臣檄鮑超率霆軍赴援霆軍遲延不進

改檄湘軍劉松山不辭艱苦慷慨入關臣已解兵柄以賊擾關

中寸心負疚旋聞老湘營晝夜馳逐竟以臘底趕至西安上以

釋

朝廷之憂下亦贖微臣之咎是尤臣所感而敬之者也厥後在

秦疊報大捷奉

旨補授廣東陸路提督兼拜小刀荷包之

賜有喬松年等具奏在案七年春間由陝晉追至直隸捻逆全

一第 冊 續修四庫全書 第 44 版 反內

股蕩平拜黃馬褂輕車都尉世職之

恩有左宗棠具奏在案臣以劉松山年逾三十尙未完婚且該軍勞苦太久或須資遣疲卒另募新勇休養數月始可西征乃該提督未接臣牘業已起程在洛陽請假成婚未及而月又復率師入關行抵綏德州土回兼勦竭六晝夜之力轉戰數百里收降董福祥等十七萬餘人設法安插既而定計由北路進兵規取金積堡以陝甘之糧取給山西遠至千數百里妥籌轉運由軍渡至清澗歷安定邊至花馬池按程設站用營中馱騾勇夫及降眾中挑選壯丁分班搬運別其夷險而均其勞逸糧運粗足長驅西向蕩平回寨堅壘約五十座賊巢九十餘處克

奏稿卷三十五 九

復靈州城池方意回氛已衰蕩平有日不圖大功未竟長城遽摧報

國丹忱齋志入地可勝悼歎劉松山在軍無日不討部卒而訓迪之雖戰罷宵深猶懇懇勸誠不休絮語格言至誠既足感人而其平日公忠自矢但知軍國是圖不以室家為念又實足以激發士氣是以守甯國之時疾疫盛行十人五病餉項久虧而有警則一呼齊振弁勇不以為困渡江勦擒誅罰不用命者弁勇不以為酷北山崎嶇之中軍士盛暑運糧與騾驢負重並行而弁勇不以為虐即至綏德之役哥老會匪叛變一聞主將歸來即相與羅拜輸服亦不聞退有怨言眾情之翕服實為近時

曾文正公奏稿 卷三五

所罕見其餘各軍交際不特准軍諸將如劉銘傳潘鼎新等久已水乳交融即豫軍之宋慶張曜皖軍之郭寶昌輩及秦隴諸將亦皆推心置腹至性相孚臣意眾望所屬將必為國家肩任艱巨中道淪謝悵惋何窮據章合才劉錦棠等合詞具稟前來謹就咸豐九年以後事蹟臣所夙知而未經詳奏者臚陳一二伏乞

奏稿卷三十五 十

皇上聖鑒訓示謹奏

（此處為奏稿正文的空白欄位，內容已包含在上方Text中）

六七九

試辦練軍酌定營制摺 同治九年四月十六日

奏為試辦練軍略有端緒酌定營制次第舉行恭摺仰祈

聖鑒事竊照直隸練軍臣於上年八月再行酌議事宜一摺擬

照舊制略為變通先行試辦一面

奏明一面咨行提督傅振邦於古北口提標兵內挑選千人正

定鎮總兵譚勝達於正定鎮標兵內挑選千人前廣東瓊州鎮

總兵彭楚漢於督標兵內挑選千人共三千人立成六營其前

署督臣富文裁贖之四千人分地操防相因未改嗣於十一月

內接准部咨令即先行試辦俟半年後察看果皆妥善再行酌

定永遠章程奏明核辦等因分別行知在案查新練步隊六營

奏稿卷三十五

十一

自去冬成軍後各立營壘認真操演本年三月初旬凍解春融

彭楚漢帶保定兩營拔赴正定一次譚勝達帶正定兩營拔赴

保定一次四月初旬提督臣傅振邦帶古北口兩營拔赴保定

一次沿途支搭帳棚不入村鎮兵丁築壘挖壕每日習熟不以

為苦惟北方野曠風勁冬臘正二等月單帳易裂鐵鏃難穩若

古北口及宣化則十月已不能支棚矣將來嚴寒出師或須分

駐村鎮趨程追賊或當暫棄鍋帳在諸將隨時酌辦此外則逐

日安營荷鋤修壘皆直隸弁兵之所優為者也其脫逃頂替者

每軍不過數人多者十餘人此在無事之際不知將來驅之赴

敵不至如往年之紛紛逃避否畿南騎賊頗多聚散不常動輒

數十騎聯鑣疾走非有得力馬隊不能制之直隸綠營官馬缺

額極多存者大半疲瘦蓋綠草料昂貴每日非實銀一錢不能

養馬一匹而例領馬乾七折每日僅得銀二分一釐不敷甚鉅

是以營馬瘦弱不堪不特直隸為然即各省官馬從未見臚壯

可愛者獨勇隊中常多良馬銘軍馬尤肥健蓋以其為勇丁之

私馬是以愛惜珍重調養得宜臣與僚屬熟商欲求馬隊精強

必令馬為士卒之私物欲令士卒惜其私馬必以勇營為之倡

而以兵營效之適值李鴻章奉征黔援秦之

命銘軍勢難久留直隸臣因飭譚勝達募馬勇二營彭楚漢募

馬勇一營王可陞練馬兵一營每營二百五十人四營合成千

奏稿卷三十五

十一

人勇則各帶私馬以來兵則先給官馬每月扣銀一兩俟將馬

價扣畢即作為該兵之私馬使人人自護惜其私馬則闔營皆

勁騎矣茲將步隊馬隊營制鈔呈

御覽請

旨勅下部核議其中如馬隊不濶步隊之中一棚只以十人

為率及練餉底餉併作一處支領均經部議允准在案此外應

行事宜大約比照湘勇准勇舊章參酌增損如步隊之章可行

則前署督臣富文所畱之四千人除宣化鎮之千人已檄王可

陞改為步隊兩營馬隊一營外其餘三千人均擬改從新章并

添練三千人足成一萬之數如馬隊之章可行尚擬添練千人

定成二千之數如馬步勁健可恃即將馬勇陸續裁撤仰副
朝廷整頓綠營少用勇丁之本意至淮勇銘軍乃臣所奏拱衛
京畿之師大隊紮於張秋分調八營紮於保定彈壓巡防深資
得力今秦隴軍事吃緊該軍恐須入關臣已飭駐紮保定之臬
司丁壽昌暫留銘軍馬步六營仍增募淮勇二營以備緩急之
用待直隸練兵萬二千人概有成效再將銘軍分別調遣庶幾
輔有警不至倉皇失措至每月餉項現有部餉四萬蘇餉三萬
長蘆復價一萬一千已統歸練餉局派委司道經管目前足敷
支用將來如有短絀再行奏請飭撥至軍火器械馬步各營均
以半用洋鎗半用長矛爲得力此間難於購辦臣於冬閒已派

奏稿卷三十五
三

人前赴安徽採辦竹桿長矛又檄飭上海機器局先製造洋鎗
二千桿并代買馬鎗千桿暨洋藥銅帽之屬以資應用惟恐須
購自外國遲速尙難預定目下操練器械均不精良難期遽有
起色合併陳明所有試辦練軍酌定營制緣由理合恭摺具陳
伏乞

皇太后

皇上聖鑒訓示謹

奏

直隸練軍步隊營制

一營之制

營官一人哨官四人哨長五人什長四十人正兵三百六十人
營官親兵五十人哨官護兵四十人以上共五百人伙夫長夫
在外

營官自帶中哨之制

每營五哨前後左右四哨皆有哨官哨長中哨則營官自帶別
無哨官只有哨長每哨八隊中哨第一隊洋劈山礮礮車二輛
礮四尊親兵十二人什長一人第二隊刀矛親兵十人什長一
人第三隊洋開花礮礮車二輛親兵十二人什長一人第四隊

奏稿卷三十五
四

刀矛親兵十人什長一人此外又有雜項親兵六人如藍旂紅
旂掌號令金鼓之類皆在其內以上五十人皆食親兵之餉又
有第五隊火器第六隊刀矛第七隊火器第八隊刀矛每隊正
兵十人什長一人此四隊與各哨之正兵相同不食親兵之餉
凡八隊每隊伙夫一人營官哨長及雜項親兵共伙夫二人
前後左右四哨之制

每哨一三五七凡四隊皆用火器二四六八凡四隊皆用刀矛
每隊十人又什長一人共正兵八十人什長八人又護兵十人
以六人隨侍哨官四人隨侍哨長共百人外八隊伙夫八人哨
官哨長暨護兵共伙夫一人火器現用抬鎗烏鎗將來或改用

洋鎗凡都守千把外委等皆可充當哨官哨長以差事為主不以官階為重

長夫之制

平日營哨官及每棚各用火夫一名或以餘丁為之或另雇人為之無論坐營行營皆不可少計一營已用伙夫四十六名矣此外四哨之哨官應各用長夫三名營官用長夫十二名共二十四名無論行營坐營皆准募足至拔營之時每隊添用長夫二名負運帳棚鋤鍬之類共八十名合成百五十名之數其統領營官非本省寶缺人員准再添長夫四名

薪水口糧之制

營官月給薪水銀五十兩辦公費一百兩凡練軍章程中所有州縣佐雜各員及管帳目軍裝醫生工匠薪糧及置辦旂幟號補各費均在其內哨官每月十兩哨長每月六兩什長每月四兩二錢親兵護兵每月三兩九錢正兵每月三兩六錢伙夫長夫每月各三兩每營每月酌發柴草銀一百四十兩由營官分派以免騷擾百姓

帳棚之制

營官幫辦書記軍火糧餉等共用夾帳棚八架單帳棚二架每哨哨官哨長護兵共夾帳棚一架單帳棚二架中哨哨長夾帳棚一架營官親兵每隊夾帳棚一架單帳棚一架正兵每隊單

帳棚二架每營共用夾帳棚十七架單帳棚八十六架惟統領加大夾帳棚一架兼帶一營者減夾帳棚二架

底餉練餉合領之制

舊制練兵所領底餉以七折扣之參差不齊如馬糧除去乾銀除去朋扣銀合米折計之每月可領實銀一兩五錢四分戰糧除去朋扣銀合米折計之每月督提標可領實銀一兩五錢七分五釐標可領一兩三錢有零守糧除去朋扣銀合米折計之每月可領實銀八錢八分九釐今正兵定為每月三兩六錢在馬糧僅加二兩有零在戰糧則督提二標加二兩有零五釐標加二兩二錢有零在守糧則加二兩七錢有零由藩司於底營之餉扣出概交練營統領與練餉一併支發

挑募之制

初挑之時由底營本管官作主入練營派充什長親兵護兵正兵如因事故開除即由練營統領營官作主就地招募挑作練兵底營之本管官不得干預仍知照各底營及藩司衙門備案但不得以別省之人充補應專募直隸本省之人

出征加餉之制

原定練軍之制正兵月餉二兩四錢加馬戰兵底餉則三兩九錢餘矣親兵月餉三兩五錢加馬戰兵底餉則五兩餘矣今新定之章守兵較舊制稍增馬戰兵較舊制已減應於出征時酌

量增加出征本省無論正兵親兵護兵什長均照前督臣奏准之例每兵月加四錢出征外省每兵月加六錢以示體卹

統領之制

統領自帶一營其所得之薪水公費照營官之例月支一百五十兩統至三千人以上者每月加公費銀百兩不滿三千人者月加五十兩為修補軍械等用如設翼長一員薪水照舊章給六十兩

新章與原定章程不符者列後

原定每軍總統一員薪水八十兩又親兵十六名

今改為統領自帶一營親兵五十名

奏稿卷三十五

七

原定每軍文武翼長二員薪水各六十兩親兵各八名

今改為有人則用翼長一員無其人則闕聽統領自酌擇用

原定每營管帶官一員薪水每月二十兩

今改為薪水公費百五十兩

原定每營幫帶官一員薪水每月十五兩

今不用幫帶官

原定哨官五員薪水每月十兩

今減去哨官一員薪水相同又加哨長五員薪水每月六兩

原定每營隊長二十名每隊管二十五人步隊長月餉三兩底餉在外

今改為每營隊長四十名稱曰什長各管十人月餉四兩二錢底餉在內

原定每軍文案州縣二員薪水每月四十兩糧餉州縣一員薪水每月四十兩佐雜一員薪水每月二十四兩軍火州縣一員薪水每月四十兩佐雜一員薪水每月二十四兩

以上五項今刪去聽統領營官自行擇請或稱幫辦或稱委員或一員或數員其薪水即出於統領營官公費之內

原定每營步兵四百名餉每月二兩四錢步隊長十六名餉每月三兩底餉在外

今改為步兵連底餉共三兩六錢隊長連底餉共四兩二錢

奏稿卷三十五

六

原定每營馬兵一百名餉乾每月五兩四錢馬隊長四名餉乾每月六兩

今改馬隊另立專營另議營制

原定總統翼長營官皆有親兵餉每月三兩五錢底餉在外哨官餘丁二名

今改為每營親兵五十名每哨護兵十名餉每月三兩九錢底餉在內

原定每隊有餘丁三名餉每月一兩五錢

今改為每隊伙夫一名拔營時添長夫二名每月餉三兩

原定每營書手醫生獸醫鐵匠木匠裁縫皆有定數

今皆聽營官酌用或即在親兵之中或另行雇募其餉不另增

奏稿卷三十五

九

馬隊營制

一直省練軍馬步合為一營難於訓練今另立馬隊營即募本省樸實健捷之人充當馬勇其督隊官以上之員不拘省分所募馬勇概募直隸人即令帶私馬入營嗣後如有倒斃隨時由官籌款買補發給該勇每月扣銀一兩將馬價扣畢即作為該勇之私馬若係綠營官兵挑選無論馬糧戰糧守糧概照勇丁之例每月發餉乾銀七兩更不另發底餉其發給官馬亦每月扣銀一兩待馬價扣畢即作為該兵之私馬既為私馬則兵勇自知珍重愛惜蓄養臚壯矣

奏稿卷三十五

三

一馬隊人數每營營官一員幫辦二員字識一名分前後左右中五哨督隊官五員每哨馬兵五十名即以營官為中哨內提二十名為親兵前後左右四哨每哨哨官一員每哨五棚每棚什長一名正兵九名什長共二十五名正兵二百二十五名營官幫辦字識共用伙兵二名四哨哨官督隊官共用伙兵四名二十五棚每棚伙兵一名共用伙兵三十一名外營官馬夫四名幫辦二員各用馬夫二名字識用馬夫一名四哨哨官各用馬夫二名督隊官各用馬夫一名共用馬夫二十二名一營員弁兵夫共三百一十六員名
一營官馬四匹月給薪水銀五十兩馬乾銀十二兩公費銀一百兩獸醫工匠旂幟號補均在其內又柴草銀八十兩分給全

營幫辦馬二匹月給薪水銀十兩馬乾銀六兩字識馬一匹月
給薪水銀六兩馬乾銀三兩哨官馬二匹月給薪水銀十二兩
馬乾銀六兩督隊官馬各一匹月給薪水銀九兩馬乾銀三兩
以上皆不扣建什長日給銀一錢五分馬乾銀一錢親兵日給
銀一錢四分馬乾銀一錢正兵日給銀一錢三分三釐三豪馬
乾銀一錢每月餉乾共七兩均各帶馬一匹伙兵日給銀一錢
馬夫日給銀一錢以上皆扣建一營共需馬二百七十二匹餉
乾銀二千三百四十兩零五錢

一出征防剿巡哨搬運帳棚軍械子藥麩料應添公長夫四十
名每名日給銀一錢月支銀一百二十兩或以夫價僱備大車
六輛亦足敷用營官用一輛五哨用五輛無論用夫用車照此
分派坐營停給馬隊較步隊稍優出征本省概不加餉出征外
省每兵月加銀二錢

一馬隊駐紮老營與步隊一律浚濠築牆營內應做營房馬棚
馬槽以備寒暑訓練之所出征防剿巡哨各帶鋤鋤支棚野宿
不得借住民房其老營修房經費准其核實開報
一召募馬勇除自備鞍轡帶馬來營者不須給發鞍轡外其新
買之馬應由營官置備鞍轡油皮韁皮紮鐵嚼鋤草刀麩料口
袋號衣挑選馬兵除馬糧不發鞍轡外其由戰糧守糧挑入者
亦由營官置備鞍轡油皮韁皮紮鐵嚼鋤草刀口袋號衣之類

初立營之始准營官報銷一次其大小掃把鐵刮馬槽柳籬出
自營官公費其修補鞍上坐褥布屨後鞅轡頭肚帶及拴肚帶
寬皮條拴燈窄皮條均由乘騎之人自備惟小鎗洋鎗長矛子
藥帳棚應由軍需局發給或由營官置備核實請銷

新章與原定章程不符者列後

原定每營除中哨外其前後左右四哨每哨分爲四隊每隊二
十五人第四隊馬二十五匹馬上小槍兵八名弓箭兵八名長
矛兵八名隊旗兵一名共二十五人爲五伍四哨計馬一百匹
今改爲馬隊立專營一營馬二百七十二匹員弁兵夫三百十
六員名

奏稿卷三十五

原定每營戰馬百匹鞍轡鞅轡全備給兵領騎定以三年滿
一年內倒斃者本兵賠償二年內倒斃者兵賠三分之二哨隊
官賠三分之一三年內倒斃者本兵賠半哨隊官賠半
今改爲馬勇自帶私馬入營如有倒斃隨時由官員補每月扣
銀一兩馬價扣畢卽作爲該勇之私馬若係綠營官兵挑選入
營其發給官馬亦每月扣銀一兩馬價扣畢卽作爲該兵之私
馬
原定馬兵餉乾每名月支銀五兩四錢加底餉一兩五錢四分
不等每月六兩九錢有零隊長餉乾每名月支銀六兩加底餉
一兩五錢四分不等每月七兩五錢有零

今改爲正兵日給銀一錢三分三釐二毫馬乾銀一錢月共支銀七兩什長日給銀一錢五分馬乾銀一錢月共支銀七兩五錢

奏稿卷三十五

籌議邊防片

同治九年四月十六日

再臣前奉本年四月初三日

寄諭察哈爾額固巴雅爾暨庫克額爾濟地方均有馬賊數百竄入肆行焚掠察哈爾地方遼闊東與直隸張獨多三廳接壤張家口尤爲緊要之區著會國藩飭令地方文武認真巡緝等因欽此續奉初十日

寄諭前因文盛奏軍台被賊竄擾當以察哈爾東與直隸張獨多三廳接壤諭令會國藩飭令地方文武認真巡緝嗣據張廷岳等奏稱內地勒敗餘匪由札薩克阿巴爾米特游牧竄入圖什業圖汗部落到處滋擾復在賽音諾彥部落肆行焚搶並探

奏稿卷三十五

五

另有大股圖犯庫倫等語庫倫至察哈爾一帶地勢平曠並無扼要處所可以守禦萬一匪蹤飄忽突向南竄恐直境人心未免震動亟應嚴爲戒備會國藩當勤加偵探於沿邊一帶應如何不動聲色嚴密設防以備不虞之處即著妥籌辦理前經劉盛藻派趙宗道管帶銘軍八營移紮保定該軍是否勤加訓練足備調遣嗣後有續調來直者否該督前奏酌議練軍事宜古北口又添千人即由提督傅振邦統帶此軍是否足恃其餘譚勝達等所統正定等處練軍遇有緩急能否備調以資策應著會國藩統籌全局豫爲布置將此諭令知之欽此業經先後分別咨行欽遵並飭宣化鎮道嚴密防範在案查文盛所奏竄

擾軍台之賊據犯供由甘肅甘州竄出尙在瀚海以南當是甘
省回黨沿邊而東犯者張廷岳等所奏竄擾四愛鼻之賊據稱
係內地勦敗餘匪既至瀚海以北當是甘省回黨度漠而北犯
者雖未能確探賊蹤而同時似有兩股并出或因勦敗而紛奔
或該回勾結外匪令其四出竄擾分我兵力皆未可知若官軍
分援漠北漠南遠道窮追適中該匪多方誤我之計聞賊數無
多擾及蒙古游牧者內外札薩克之兵當足禦之惟匪蹤飄忽
突向南竄事在意中誠宜嚴密設防備豫不虞查直隸張獨多
三廳惟張獨二口近扼邊牆多倫一廳孤懸邊外距張家口五
百餘里地勢曠衍無險可扼臣當咨商察哈爾都統相機策應

奏稿卷三十五

宣化鎮本有舊練之軍千人王可陞於二月
陞見之後臣令其改從新章提出馬隊另練一營派兵二百足
成步隊兩營刻下計已成軍王可陞尙係宿將若在張家口一
帶扼守邊牆加意防禦當無疏失十一日奉到
諭旨之時提臣傅振邦適率練軍來省臣與面商一切如賊竄
熱河該提督當統新舊練軍二千出關會勦若灤陽無警仍當
在古北口堅守邊關乃有把握其譚勝達在正定彭楚漢在保
定新練之軍續有警報皆可赴防張家口一帶以壯聲援至保
定銘軍八營前係趙宗道管轄上年九月趙宗道赴部引
見後卽赴江南候補續委記名按察司丁壽昌統帶前恐銘軍

有赴黔赴秦之行曾經往返商擬留六營在於直隸臣又飭
續募二營令丁壽昌統之留防畿輔其餘廿二營令劉盛藻統
之續入關陝粗有定議今北口烽燧告警練軍以直隸之兵防
沿邊之寇係屬分內之事應可勉力支撐若出塞遠征則不惟
新練之軍不足深恃卽銘軍百戰勁旅而風土未宜形勢未熟
馳逐草地亦必疲敝無功若腹地有事則銘軍易於奏效耳謹
將現議辦理情形附片覆陳上紓
廛慮伏乞

皇太后

皇上聖鑒訓示謹

奏稿卷三十五

奏

報赴天津起程日期摺 同治九年六月初七日

奏為遵

旨前赴天津恭報起程日期仰祈

聖鑒事竊臣於五月二十九日覆陳赴津查辦一摺奉

上諭曾國藩眩暈之證現已十愈其八日內如可支持即著前

赴天津會同崇厚悉心商辦等因欽此數日以來在署練習行

步登階降階不令左右扶掖雖飲食尚未復常而兩足漸覺有

力已於本月初六日自省啟行

諭旨飭查各節容俟抵津後與崇厚面商妥辦其傷斃人口據

天津縣知縣稟報已獲屍具妥為棺斂者法國十三人俄商三

人其餘尚未查確其焚燬房屋據天津縣知縣稟報法國教堂

一處公館一處仁慈堂一處洋行一處又誤毀英國講書堂四

處美國講書堂二處與崇厚往返函商擬先將俄國誤傷之

人及英美誤毀之講堂速為料理應賠償者先與賠償不與法

國一併議結以免歧混此議能否辦到現尚未敢預期至教堂

牽涉迷拐之案訊供雖稍有端倪倘未能確指證據天津倡首

滋事之眾彈壓雖漸就安戢然而未敢查拏正兇二者查辦之

要莫大於此而棘手之處亦在於此臣智慮短淺此次赴津深

懼措置乖方失機僨事除俟到津後隨時奏明請

旨遵行外所有起程日期恭摺由驛馳報伏乞

皇太后

皇上聖鑒訓示謹

奏

奏稿卷三十五

夫

查明津案大概情形摺 同治九年六月二十三日

奏為查明天津滋事大概情形恭摺仰祈

聖鑒事竊 臣國藩於六月初九日靜海途次承准軍機大臣字

寄六月初八日奉

上諭會國藩奏起程赴津籌辦情形一摺據稱教堂牽涉迷拐之案訊供稍有端倪尙未能確指證據等語此案啟衅之由因迷拐幼孩而起總以有無確據為最要關鍵必須切實根究則曲直既明方可再籌辦法至洋人傷斃多人情節較重若不將倡首滋事之犯懲辦此事亦勢難了結著會國藩崇厚悉心會商體察事機妥籌辦理以期早日完案免滋後患會國藩擬將

奏稿卷三十五

五

悞斃俄國人命及悞毀英美兩國講堂先行設法議結不與法國牽混所見甚是著即會同崇厚妥為商辦以免輾轉將此由五百里各密諭知之欽此 臣等伏查此案起衅之由因奸民迷拐人口牽涉教堂並有挖眼剖心作為藥材等語遂致積疑生憤激成大變必須確查虛實乃能分別是非曲直昭示公道 臣國藩抵津以後逐細研訊教民迷拐人口一節王三雖經供認投藥與武蘭珍然尙時供時翻又其籍在天津與武蘭珍原供在甯津者不符亦無教堂主使之確據至仁慈堂查出男女一百五十餘名口逐一訊供均稱謂教已久其家送至堂中參養並無被拐情事至挖眼剖心則全係謠傳毫無實據 臣國藩初

曾文正公奏稿 卷三五

入津郡百姓攔輿遞稟數百餘人親加推問挖眼剖心有何實據無一能指實者詢之天津城內外亦無一遺失幼孩之家控告有案者惟此等謠傳不特天津有之即昔年之湖南江西近年之揚州天門及本省之大名廣平皆有檄文揭帖或稱教堂拐騙丁口或稱教堂挖眼剖心或稱教堂誘污婦女厥後各處案雖議結總未將檄文揭帖之虛實剖辨明白此次詳查挖眼剖心一條竟無確據外聞紛紛言有眼盈罈亦無其事蓋殺孩壞尸採生配藥野番兇惡之族尙不肯為英法各國乃著名大邦豈肯為此殘忍之行以理決之必無是事天主教本係勸人為善

奏稿卷三十五

三

聖祖仁皇帝時久經允行倘戕害民生若是之慘豈能容於康熙之世即仁慈堂之設其初意亦與育嬰堂養濟院略同專以收卹窮民為主每年所費銀兩甚鉅彼以仁慈為名而反受殘酷之謗宜洋人之忿忿不平也至津民之所以積疑生憤者則亦有故蓋見外國之堂終年局閉過於秘密莫能窺測底裏教堂仁慈堂皆有地窖係從他處募工修造者 臣等親履被燒堂址細加查勘其為地窖不過隔去潮溼度置煤炭非有他用而津民未盡目覩但聞地窖深遠各幼孩幽閉其中又不經本地匠人之手其致疑一也中國人民有至仁慈堂治病者往往被留不令復出即如前任江西進賢縣知縣魏席珍之女賀魏氏

六八九

帶女入堂治病久而不還其父至堂婉勸回家堅不肯歸因謂
 其有藥迷喪本心其致疑二也仁慈堂收留無依子女雖乞丐
 窮民及疾病將死者亦皆收入彼教又有施洗之說施洗者其
 人已死而教主以水沃其額而封其目謂可升天堂也百姓見
 其收及將死之人聞其親洗新尸之眼已堪詫異又由他處車
 船致送來津者動輒數十百人皆但見其入而不見其出不知
 何故其致疑三也堂中院落既多或念經或讀書或傭工或醫
 病分類而處有子在前院而母在後院母在仁慈堂而子在河
 樓教堂往往經年不一相見其致疑四也加以本年四五月間
 有拐匪用藥迷人之事適於是時堂中死人過多其掩埋又多

奏稿卷三十五

三

以夜或有兩尸三尸共一棺者五月初六日河東叢塚有為狗
 所發者一棺二尸天津鎮中營游擊左寶貴等曾經目覩死人
 皆由內先腐此獨由外先腐胸腹皆爛腸肚外露由是浮言大
 起其致疑五也平日熟聞各處檄文揭帖之言信為確據而又
 積此五疑於中各懷悲恨迨至拐匪牽涉教堂叢塚洞見胸腹
 而眾怒已不可遏迨至府縣赴堂查訊王三豐領事對官放鎗
 而眾怒尤不可遏是以萬口譁噪同時並舉猝成巨變其浮言
 固屬可惡而其積疑則非一朝一夕之故矣今既查明根原惟
 有仰懇
 皇上明降諭旨通飭各省俾知從前檄文揭帖所稱教民挖眼

奏稿卷三十五

三

剖心戕害生民之說多屬虛語布告天下咸使聞知一以雪洋
 人之冤一以解士民之惑並請將津人致疑之端宣示一二天
 津風氣剛勁人多好義其僅止隨聲附和者尚不失為義憤所
 激自當一切置之不問其行兇首要各犯及乘機搶奪之徒自
 當捕拏嚴懲以儆將來在中國戕官斃命尚當按名擬抵況傷
 害外國多命幾開邊衅刁風尤不可長惟當時非有倡首之人
 預為糾集正兇本無主名津郡人心至今未靖向來有曰混星
 子者結黨成羣好亂樂禍必須佐以兵力乃足以資彈壓頃將
 保定銘軍三千人調紮靜海此軍係記名臬司丁壽昌統帶該
 員現署天津道缺一俟民氣稍定即以緝兇事件委之該署道
 督同府縣辦理當可勝任至武蘭珍犯供既已牽涉教堂經
 崇厚飭令地方官赴堂查驗實為解釋眾疑起見近日江南亦
 有教堂迷拐之謠亦即如此辦理其後豐大業等之死教堂公
 館之焚變起倉猝非復人力所能禁止惟地方釀成如此巨案
 究係官府不能化導於平時不能預防於先事現已將道府縣
 三員均行撤任聽候查辦由臣國藩揀員署理同日另片具奏
 其殺斃人口現經確查姓名實數惟仁慈堂尚有女尸五具未
 經尋獲其餘均妥為棺殮交英國領事官李蔚海收存俄國三
 人已由該國領事官孔氣驗明掩埋謹開列清單恭呈
 御覽法國公使羅淑亞業經到津議及賠修教堂事宜等擬

卽派員經理餘俟議有端緒續行陳奏其誤斃俄國之人命誤毀英美兩國之講堂亦俟議結另行具奏所有查明大概情形謹具摺先行會

奏伏乞

皇太后

皇上聖鑒訓示謹

奏

奏稿卷三十五

覆陳津事各情摺 同治九年六月二十八日

奏為欽奉

諭旨恭摺覆陳仰祈

聖鑒事竊臣承准軍機大臣密寄六月二十三日奉

上諭有人奏風聞津郡百姓焚毀教堂之由由教堂內起有人眼人心等物呈交崇厚收執該大臣於奏報時並未提及且聞現已消滅等語所奏是否實有其事著曾國藩確切查明據實奏聞至所稱傳教有礙通商一節應如何設法弭衅之處並著詳察情形妥籌具奏原摺著鈔給閱看將此密諭知之欽此同日又奉

奏稿卷三十五

上諭前據曾國藩奏本月初六日啟程赴津現抵該處已逾多日此案起衅根由想該督必已詳細查明妥為籌辦矣迷拐一案究竟有無確據此係緊要關鍵即著該督迅速具奏以慰屢系並將現在籌辦之法及該處近日民情一併奏聞崇厚已派出使法國自應及早啟行著曾國藩體察情形如崇厚此時可以交卸即著該侍郎先行來京陛見以便即日起程其通商大臣事務著曾國藩暫時接辦成林現已病痊銷假不日亦可馳赴天津俟該京卿到時曾國藩即可將通商事務交卸將此由五百里各密諭知之欽此 臣於二十三日業將查明大概情形會同崇厚恭摺具陳在案洋人挖眼取心之說全係謠傳毫無

確據故彼族引以為恥忿忿不平焚毀教堂之日眾目昭彰若有人眼人心等物豈崇厚一人所能消滅且當時由教堂取出必有取出之人呈交崇厚收執亦必有呈交之人此等異事紳民豈有不知 臣抵津後查訊挖眼取心有無確據紳民俱無辭以對內有一人言眼珠由陳大帥自帶進京大帥者俗開稱陳國瑞之名也其為訛傳已不待辨原其訛傳所起由崇厚前月二十四日專弁到京向總理衙門口稱有搜出眼珠盈罇之說其時倉卒傳聞該弁未經考實致有此訛其實眼珠若至盈罇則堂內必有千百無目之人毀堂之時何無一人見在即云殘害其屍具又將何歸此可決知其妄者

奏稿卷三十五

五

諭旨垂詢迷拐一案究竟有無確據 臣查挖眼剖心決非事實迷拐人口實難保其必無天津之王三安三河閻學獲之王三紀靜海現留之劉金玉供詞牽涉教堂在在可疑 臣前奏係力辨洋人之誣請發明諭故於迷拐一節言之不實不盡誠恐有礙於和局當時另有片奏密陳迷拐之可疑旋因慮及偶有漏洩法使羅淑亞必致又與波瀾洋人此時斷不肯自認理虧不如渾含出之使彼有轉圜之地故臨發時將密片抽出將來此案辦結仍當再申前說請令教堂仁慈堂均由地方官管轄庶冀永弭衅端至諭旨垂詢傳教堂有礙通商一節 臣上年在京會與 臣文祥論

及傳教不宜兼設育嬰堂 文祥力言其勢不能禁遏禁育嬰堂且不能況能禁傳教乎

諭旨垂詢現在辦法 臣已為昭雪挖眼剖心等事之誣以平洋人之心其焚毀教堂公館業已委員興修王三屢經翻供現已釋遣教民安三迷拐被獲因獄詞未定而該使索之甚堅亦經暫行釋放至查拏正兇措手稍難已飭新任道府拏獲九名拷訊鞫羽至俄國誤傷三人前經委員與俄國領事官孔氣商酌每傷一人給予卹銀五千兩該領事當以請示國主為辭昨經 臣處動用公牘再為詢商惟法使羅淑亞必欲將天津府縣及陳國瑞三人擬抵經 臣照復該使府縣並非有心與洋人為難

奏稿卷三十五

五

陳國瑞不在事中仍復曲徇所請將該府縣奏交刑部治罪昨據該使照會仍執前說必令該三員抵償又遣繙譯官德偉力亞來 臣處面稱必如照會所言方不決裂 臣與辨論良久問該使稱府縣主使究有何據德偉力亞不能指出然其辭氣始終狡執未就範圍 臣查府縣實無大過送交刑部已屬情輕法重該使必欲議抵實難再允所求由 臣處給予照復另錄送軍機處備查彼若不擬構衅則我所斷不能允者當可徐徐自轉彼若立意決裂雖百請百從仍難保其無事

諭旨垂詢近日民情雖經 臣屢次曉諭而其疾視洋人尚難遽子解化良民安分畏事每欲自衛身家莠民幸災樂禍輒欲因

亂搶奪浮動之意至今未定故有邀集眾紳往見羅使者亦有
擄毀教堂告示者現有銘軍二千人在此彈壓當可無虞但
舉措多不愜輿情堪內疚耳

諭旨詢及崇厚如可交卸即著先行來京現在辦理雖有端倪
羅使尙未應允臣於夷務素未諳悉且病勢久深崇厚與洋人
交涉已久無事不熟應請

飭令該侍郎暫緩赴京畱此會辦俾臣不致債事於大局實有
裨益所有微臣奉

旨查詢緣由謹繕摺覆陳伏乞

皇太后

奏稿卷三十五

七

皇上聖鑒訓示謹

奏

覆陳津案各情片 同治九年六月二十八日

再臣正繕摺聞承准軍機大臣密寄六月二十五日奉

上諭會國藩崇厚奏查明天津滋事大概情形一摺另片奏請
將天津府縣革職治罪等語已均照所請明降諭旨宣示矣會
國藩等此次陳奏各節因爲消弭衅端委曲求全起見惟洋人
詭譎性成得步進步若事事遂其所求將來何所底止是欲弭
衅而仍不免啟衅也該督等現給該使照會於緝兇修堂等事
均已力爲應允想該使自不至再生異詞此後如洋人仍有要
挾恫喝之語會國藩務當力持正論據理駁斥庶可以折敵燄
而張國維至備豫不虞尤爲目前至急之務會國藩已委記名

奏稿卷三十五

奏

臬司丁壽昌署理天津道篆其駐紮張秋之兵自應調紮附近
要隘以壯聲威李鴻章已於五月十六日馳抵潼關所部郭松
林等軍亦已先後抵陝此時竄陝回匪屢經官軍勦敗其燄漸
衰若移緩就急調赴畿疆似較得力著會國藩斟酌情形趕緊
覆奏再降諭旨日來辦理情形若何能否迅就了結並著隨時
馳奏總之和局固宜保全民心尤不可失會國藩總當體察人
情向背全局通籌使民心允服始能中外相安沿江沿海各督
撫本日已有寄諭令其嚴行戒備陳國瑞當時是否到場到津
後即可質明虛實已令神機營飭令該提督赴津聽候會國藩
查問矣將此由五百里各密諭知之欽此臣查此次天津之案

事端宏大未能輕易消弭中國目前之力斷難遽啟兵端惟有委曲求全之一法臣於五月二十九日覆奏摺內曾聲明立意不與開衅而月以來

朝廷加意柔遠中外臣民亦已共見共聞臣等現辦情形仍屬堅持初議而羅酋肆意挾卒未稍就範圍

諭旨所示洋人詭譎性成得步進步若事事遂其所求將來何所底止是欲弭衅而仍不免啟衅確中事理洞悉敵情臣等且

佩且悚目下操縱之權主之自彼誠非有求必應所能潛弭禍機此後彼所要求苟在我稍可曲徇仍當量予轉圜苟在我萬難允從亦必據理駁斥惟洋人遇事專論強弱不論是非兵力

奏稿卷三十五

愈多挾制愈甚若中國無備則勢饒張若其有備和議或稍易

定現今張秋全隊九千人拔赴滄州一帶略資防禦李鴻章前在潼關臣已致函商論萬一事急恐須統率所部由秦入燕此

時陝回屢受大創若令李鴻章入陝之師移緩就急迅赴畿疆辦理自為得力英法兩國水師提督頃已均在大沽具請示國

主旬日內當有覆信法國若僅與津人為難則稱兵必速若要求無厭直與

國家為難則稱兵較遲李鴻章若於近日奉旨移軍東指當不嫌其過緩臣於洋務素未研求昨二十一日

眩暈之病又復舉發連日心氣耗散精神不能支持目光愈蒙

二十六日崇厚來臣處面商一切親見臣昏暈嘔吐左右扶入臥內不能強起陪客該大臣已有由京另派重臣來津之奏臣自咸豐三年帶兵早矢效命疆場之志今茲事雖急病雖深而此志堅實毫無顧畏平日頗知持正理而畏清議亦不肯因外國要挾盡變常度

朝廷接崇厚之奏是否已派重臣前來應否再派李鴻章東來伏候

聖裁抑臣更有請者時事雖極艱難謀畫必須斷決伏見道光庚子以後辦理夷務失在朝和夕戰無一定之至計遂至外患漸深不可收拾

奏稿卷三十五

皇上登極以來外國盛強如故惟賴守定和議絕無改更用能

中外相安十年無事此已事之成效津郡此案因愚民一旦憤激致成大變初非臣僚有意挑衅倘即從此動兵則今年即能

倖勝明年彼必復來天津即可支持沿海勢難盡備朝廷昭示大信不開兵端此實天下生民之福雖李鴻章兵力

稍強然以外國之窮年累世專講戰事者尚屬不逮以後仍當堅持一心曲全鄰好惟萬不得已而設備乃取以善全和局兵

端決不可自我而開以為保民之道時時設備以為立國之本二者不可偏廢臣此次以無備之故辦理過柔寸心抱疚而區

區愚慮不敢不略陳所見伏乞

皇太后

皇上聖鑒訓示謹

奏

奏稿卷三十五

早

覆陳彭玉麟等出處江海異形片同治九年七月十九日

再臣前奉六月十四日

寄諭令彭玉麟迅赴江南并垂詢劉銘傳能否來直楊岳斌起

用能否得力等因續奉六月二十七日

諭旨令臣檄催劉銘傳兼程赴直統帶銘軍以備緩急等因欽

此查捻逆肅清以後劉銘傳即堅請開缺臣七年北上時遇劉

銘傳於清江再三慰留該提督面稱畿輔如有警急仍當投袂

而起臣檄調張秋銘軍即經致函勸駕催令迅速赴軍目下

淮勇半已遣撤李鴻章所部多係選用宿將添募新勇惟銘字

一軍尚係百戰之舊卒其開花礮隊亦較他軍為尤精但駐防

奏稿卷三十五

望

過久恐於戰事稍疏若令劉銘傳親出統馭不難復還舊觀戮

力用命劉銘傳在同時諸將中實為魁傑之材此次催令來直

可否稍事優異之處伏候

聖裁彭玉麟前治水師積勞過久謝病還家近來每與臣書屢

言病狀增劇

諭旨飭赴江南未審能否即出楊岳斌上年不憚千餘里之遙

訪鮑超於夔州李鴻章過夔門聞有此事即欲薦令復出治軍

海上與臣往返函商其後楊岳斌覆鮑超書以親老身病為辭

議遂中止今奉

諭旨臣已致書楊岳斌彭玉麟二臣詢其能否再出俟有復信

續行奏陳臣竊謂治海上之水師與江面之水師截然不同江則輕舸小艇已為利器海則非有堅重輪船配用巨礮斷不足自立以與敵爭衡江則兩湖三江之人皆可召募海則風潮掀簸非閩廣甯波沿海之人往往嘔吐發軟不能便習重洋江則支湖小港一望可知海則浩無津涯非練習多年不足以定方向而測淺深其餘均須艱難創造另起鑪錘長江得力之將帥用之海上殊恐遷地弗良今中國輪船甫經修造尙不盡如洋人兵船之式洋槍洋礮甫經操練亦不能及洋人技藝之精至若召募水軍出海操演此時尙未議及苟欲捍禦外侮徐圖自強自非內外臣工各有臥薪嘗膽之志持以二三十年之久未

奏稿卷三十五

望

易收效然因事端艱鉅畏縮不為俟諸後人則後人又將託辭以俟後人且永無自強之一日茲當閩滬兩廠船成之時即當於兩處選立統將慎擇船主出洋操練無論有警無警窮年累歲練習不懈或者求及三年終有可以卽戎之時愚昧之見附陳梗概伏乞

皇太后

皇上聖鑒訓示謹

奏

天津府縣到案日期摺同治九年七月三十日
奏為提解已革天津府縣到津日期恭摺覆陳仰祈
聖鑒事竊臣等前奉七月十一日

寄諭曾國藩現將天津府縣解交刑部治罪本日軍機大臣呈遞毛昶熙信函有羅淑亞即擬進京之語該府縣解送到部時萬一羅淑亞欲到刑部親看審訊殊屬不成事體不若仍令張等等在津呈遞親供將來定案時仍由刑部覆核等因欽此

又奉十二日

寄諭府縣抵償一節萬無允准之理昨已傳諭錢鼎銘將張光藻等解赴天津並令曾國藩等取具該府縣親供今羅使既因

奏稿卷三十五

望

不遂所欲悻悻回京此時中外一心力拒詭謀曾國藩等仍當飭張光藻等速遞親供在津候質等因欽此仰見朝廷法外施仁於該府縣等曲予保全以伸正氣而崇國體凡在臣僚同深感激續奉十六日

寄諭張光藻劉傑現在何處已否到津趁此洋人在京趕緊取具親供奏明辦理庶其中不至為難若以奉旨治罪之員任其他去既於國體有傷在該革員等亦非計之得者等因欽此續又奉二十日

寄諭本日據軍機大臣呈遞直隸按察使錢鼎銘稟南據稱已革天津府知府張光藻因患病出省在順德府調治已革天津

縣知縣劉傑亦在密雲縣治病已派員分赴守催等語覽奏不勝詫異張光藻劉傑以奉旨治罪人員即使患病屬實亦應在天津聽候查辦乃該革員等一赴順德一赴密雲捏病遠避直視諭旨如弁髦尙復成何事體試思該革員等不呈遞親供辨別是非總理各國事務衙門王大臣等與洋人終日辨詰何能以空言相抵朝廷之令該革員等赴津者實曲示保全之意乃皆不能體會脩然置身事外若使洋人聞之豈不益滋口實此事關係重大不可再涉遷延著錢鼎銘懍遵前旨星夜派員前往將該革員等迅解天津不准藉詞託病仍著將起解日期趕緊覆奏會國藩於張光藻等革職後率行給假他出實屬不知

奏稿卷三十五

五

緩急並著派員勒限催提俟解到日會同毛昶熙取具該革員等確切親供以憑核辦若再託詞遠避國法具在豈能寬宥將此由五百里諭知會國藩並傳諭錢鼎銘知之欽此臣國藩查該府縣自六月十六日撤任以後即行請假離津臣初見該員等本無大過不欲於撤任之後更予重咎故各允其所請其時尙未奏參也迨羅淑亞到津照會臣處欲將府縣擬抵臣與崇厚酌定革職交部皆在府縣離津數日之後不惟該員等不及聞知即微臣初意亦不及此實非奏參後仍復縱令潛逃其後奉到七月十一日改解津郡之旨仰體設法保全之意即經飛檄催提而該員等一往順德特

曾文正公奏稿

卷三五

就醫藥一往密雲安置管界相距較遠臣檄臬司委員分提騎兼程而道途回遠水潦阻滯未能迅速到案其張光藻以十八日由順德起程劉傑以二十二日由密雲起程業由錢鼎銘專摺馳報二十五日劉傑解到天津二十七日張光藻亦已解到臣等擬即會同丁日昌當堂審訊取具該員等切實親供奏明辦理旋接總理衙門來信稱法國繙譯官德微理亞遞洋文照會大意言府縣及陳國瑞主使證據現飭同文館速行繙譯該府縣親供應俟所譯洋文寄津後按照所指各節逐一詳細質訊敘入供摺方免歧舛應即遵照辦理俟寄到洋文之後再行取具供摺分送總理衙門刑部以便核辦至拏犯一節現在

奏稿卷三十五

五

已獲三十七名仍嚴飭地方文武員弁認真購線將在逃首要兇犯儘數弋獲一面設局派員隔別研訊不任狡展首者擬以實抵從者擬以軍流爲此分別嚴辦庶足以杜外患而消亂萌除俟訊明府縣確供續行會奏外所有該革員等提解到津日期及現在辦理情形理合會同江蘇撫臣丁日昌具摺馳報伏乞

皇太后

皇上聖鑒訓示謹

奏

六九七

謝 恩并辭江督任摺 同治九年八月初七日

奏為恭謝

天恩並陳下情仰祈

聖鑒事竊臣接准兵部火票遞到同治九年八月初三日內閣

奉

上諭曾國藩著調補兩江總督未到任以前著魁玉暫行兼署

直隸總督著李鴻章調補欽此當即恭設香案望

闕叩頭謝

恩訖伏念臣猥以菲材久膺重寄媿涓埃之無補實隕越之時

虞昔歲勦捻無功回任江南至今抱慙無地上年量移畿輔於

奏明之吏治軍政河工三者毫無績效惶悚尤深乃蒙

新命之優加更許舊官之重蒞在

聖主曲加體恤不以無用而棄樗櫟之材在微臣感荷

恩知亦思竭誠而圖桑榆之報惟臣自本年二月以來衰疾日

甚前在假期之內奉

旨馳赴天津實因津事重大不敢因病推諉而目疾已深將來

必須開缺調理曾於摺內預為聲明到津以後眩暈時發又感

受暑邪有嘔吐泄瀉等證近日標病雖已痊除目疾實難醫治

右目久經無光左目亦日加昏眵疆臣之職必以披覽文牘為

要臣目病甚重往來文件難以細閱幕僚擬稿難以核改江南

庶政殷繁若以病軀承乏將來貽悞必多臣自去春履任直隸
今已一年六箇月自問曠官溺職負疚甚深倘以病目重履江
南則曠官溺職必更有甚於今日者臣受

皇太后

皇上委任尤隆優容尤至即捐糜頂踵不足云報豈復愛惜身

命自便私圖然因病而不能居官與居官而不能勤政其辜

恩究有輕重之分再四籌思惟有避位讓賢乞迴

成命合無顯懇

聖恩另簡賢能畀以兩江重任目下津案尚未就緒李鴻章到

津接篆以後臣仍當暫留津郡會同辦理以期仰慰

聖廕一俟津事奏結再行請開大學士之缺專心調理倘能仰

託

聖主福庇目光復明仍當泥首

宮門求

賞差使再圖酬報

鴻慈於萬一所有微臣感激下忱謹繕摺叩謝

天恩伏乞

皇太后

皇上聖鑒訓示謹

奏

訊取天津府縣親供摺同治九年八月十四日

奏為訊取已革天津府縣確實親供請

旨交部核議仰祈

聖鑒事竊臣等於七月三十日將提解已革天津府縣到津日期恭摺奏報奉

上諭羅淑亞所遞洋文即著會國藩等按照所指各節逐一詳訊取具切實親供其事所必無者固應明白剖晰其情所或有者亦不可諱飾避就庶有以折服洋人之心不致再滋口實等因欽此臣等查府縣改解津郡

朝廷權衡至當具有深心疊奉

奏稿卷三十五

四九

奏稿卷三十五

五

諭旨催取革員等親供以為辨難之資而總理衙門來書於府縣擬抵一節亦皆堅持定力不肯曲從正論持之自上已足張國勢而懾敵情臣等曷勝欽佩張光藻劉傑抵津後即據呈遞親供臣等彼此面商誠恐供詞內仍有不實不盡之處上孤聖主矜全之恩下授洋人吹求之柄議由臣等在津先加駁詰凡該員等敘供有本係疏虞意存迴護者亦有本無大過語未分晰者均經臣等摘出詰問令其逐條登復其羅淑亞所遞洋文由總理衙門鈔寄到臣亦令該革員等按照所指各節一一供明羅使照會內稱此次洋文業經分送各國意謂懸之國門垂為定論府縣供詞亦必令各國共知推問尤宜嚴實臣等合

署理天津道丁壽昌會同臣昶熙臣成林奏帶司員臣國藩奏派之道員先行會審臣等親加鞫問務令該革員等心服仍復有辭以對洋人方為確實謹將府縣親供及登復洋文各條鈔送軍機處備呈

御覽臣等細核此案雖由謠言肇衅而百姓之聚眾滋事實緣豐大業之對官放槍倉猝致變未經放槍以前該領事怒責巡捕趨赴商署持械出入百姓并皆讓路任令行走初無傷害之心若使豐大業不兩次放槍必可安然無事迨至滋事以後則眾人洶洶已成不可禁遏之勢該府縣等臨時失於彈壓事後不能緝兇揆其情勢雖亦不無可原惟地方釀成如此大變邊

奏稿卷三十五

至

衅幾從此開自非尋常因案被議者可比相應請旨飭下刑部核議具奏其應如何定讞之處伏候

聖裁至滋事兇犯現已掣獲八十餘名設局審訊各犯恃無旁證異常狡展計確有證供應正法者已得七八人略有證供應治罪者約二十餘人唯尚時供時翻將來定案但取情節較真恐不能拘守常例俟各犯嚴訊明確再行會奏所有臣等訊取府縣確供謹繕摺具奏伏乞

皇太后

皇上聖鑒訓示謹

奏

查明津案各犯摺 同治九年八月二十三日 奏為查明天津案內各犯分別定擬恭摺仰祈 聖鑒事竊臣等遵奉

諭旨飭將津郡五月二十二日案內滋事兇犯迅速辦結近又接奉八月二十日

寄諭飭將未獲各犯勒限嚴拏現獲之犯認真研鞫不得稍涉寬縱致令兇徒漏網轉滋洋人口實等因欽此臣等自承辦此案久經督飭文武設法購拏悉心研鞫自七月下旬設局發審嚴立限期晝夜追求直至中秋節前僅得應正法者七八人應治罪者二十餘人臣以辦理日久人犯無多深負委任更恐洋

奏稿卷三十五

至

人不肯輸服轉致枝節橫生日來激厲各員不得稍存寬縱務令多緝正兇以示持平而全大局惟此案事起倉猝本無預先糾集之正兇而洋人多已傷亡又無當堂質對之苦主各屍初入水火旋就掩埋並未驗傷填格絕無形迹可為物色兇手之資用是漏網之犯難於掩捕已獲之犯不肯認供天津無賴之徒有稱為混星子者向以能熬刑自詡此次輒以為出於義憤雖酷刑而不畏而鄰右亦不敢出而質證恐為輿論所譏彈又慮仇家之報復欲求罪當情真定案萬難迅速欲以無辜充數則問心既有所不忍而亦不足服洋人之心棘手甚多愈辦愈窘反復籌思若拘守常例實屬窒礙難行有不能不變通辦理

者常例羣毆斃命以最後下手傷重者當其重罪此案則當時眾忿齊發聚如雲屯去如鳥散事後追究斷不能辨其孰先孰後孰致命孰不致命但求確係下手正兇不復究其毆傷何處此變通辦理之一端也常例斷獄決囚必以本犯畫供為定其本犯供詞狡展則有眾證確鑿即同獄成之例此案則各犯恃無屍親堅不吐實旁人又不肯輕易指質眾證亦殊難得等議定本犯無供但得旁證二人三人指實取具切結亦即據以定案此又變通辦理之一端也計訊定供證確實者十一人無供而有確證者四人共計可以正法者十五名擬辦軍流者四人擬辦徒罪者十七人共計可科輕罪者二十一名除即日將各犯恭摺咨送總理衙門暨刑部外謹先繕具清單恭呈御覽其情節較重訊有端倪供證均未確實者尚有十六名擬歸於第二批辦理情節較重在逃未獲者尚有十一名一併開單先呈御覽以釋宸廩將來第二批奏結或再辦首從犯各數名或與洋人訂定抵償實數中國如數辦到請旨敕下總理衙門核定行知臣等以便遵循此次定擬各犯若遂速行處決將來等審辦第一犯分別定擬緣由謹繕摺併案辦理所有

奏稿卷三十五

五

具陳伏乞
皇太后
皇上聖鑒訓示再臣國藩於六月初十日到津今已逾七十日始將要犯具奏辦理遲延應請旨將臣曾國藩交部嚴加議處合併陳明謹奏

奏稿卷三十五

五

會文正公奏稿

卷之三十六目錄

報交卸日期摺 同治九年九月初六日

謝 恩賜壽摺 九月十六日

恭請 陛見摺 全日

報接印日期摺 十一月初一日

會議海運交米摺 同治十年正月十二日

籌辦河運事宜摺 全日

覆陳淮南鹽價難增摺 二月初二日

議復楚省淮南引地摺 三月十九日

聖訓頒到謝 恩摺 六月十三日

大閱事竣摺 十一月初一日

續議江蘇水師事宜摺 十二月二十二日

楚岸鹽引淮川分界行銷摺 同治十一年正月十八日

報交卸日期摺 同治九年九月初六日

奏為 交印日期恭摺奏報仰祈

聖鑒事竊 臣前奉 諭旨調任兩江并飭新任督 李鴻章馳赴天津接篆茲李鴻

章於八月二十五日行抵天津九月初六日 臣飭派署天津府

知府馬繩武大沽協副將張秉鐸賁送直隸總督關防長蘆鹽

政印信交李鴻章接受任事其

王命旂牌等件存於保定署內天津滋事之案第二批首從各

犯訊辦已有端倪數日內即可奏結此後應辦情形均經詳細

熟商新任督 李鴻章必能斟酌機宜曲全大局仰釋

聖慮所有 微 臣 交卸日期理合繕摺具陳伏乞

皇太后

皇上聖鑒謹

奏

謝 恩賜壽摺 同治九年九月十六日

奏為恭謝

天恩仰祈

聖鑒事竊 臣於本月十二日承准軍機大臣咨交到

恩賞 臣六十生辰

御書勳高柱石匾額一面

御書福壽字各一方梵銅壽佛一尊紫檀嵌玉如意一柄蟒袍

面一件小卷吉綢十件 臣當即恭設香案望

闕叩頭祇領伏念 臣忝任封圻渥承

知遇愧涓埃之無補憾歲月之侵頽迺當馬齒漸加復荷

龍光下逮暗昭回於

宸翰彩煥雲霞增兢惕於 臣心

褒慚柱石託

福林而自

天降祐依

壽寓而由

帝錫齡對茲寶相莊嚴彌深恪敬捧到瓊枝溫潤用效指磨黼

黻生華備彰施於五采絲絃入詠增晏粲於三英 臣惟有勉竭

愚忱堅持晚節偕兆民而蹈德共沐

一人有慶之麻瞻

九陛以陳詞更普

萬壽無疆之頌所有 微 臣感激榮幸下忱謹繕摺恭謝

天恩伏乞

皇太后

皇上聖鑒謹

奏

奏稿卷三十六

三

恭請 陛見摺 同治九年九月十六日

奏為遵

旨赴任兩江恭請

陛見仰祈

聖鑒事竊 臣前奉

諭旨調補兩江總督當因目病已深不能重履江南奏請另簡賢能畀以兩江重任八月初十日奉

上諭曾國藩奏瀝陳病目情形懇請另簡賢能畀以兩江重任俟津事奏結再請開大學士缺專心調理一摺兩江事務殷繁職任綦重曾國藩老成宿望前在江南多年情形熟悉措置咸

秦稿卷三十六

四

宜現雖目疾未痊但能該督坐鎮其閒諸事自可就理該督所請另簡賢能之處著毋庸議仍著俟津事奏結即行前赴兩江總督之任毋再固辭欽此

訓辭懇至惶悚曷任 臣前承乏江南初無治狀荷蒙

獎勵抱愧已深今則衰疾相尋尤難再膺劇職

聖主體恤備至許以坐鎮不令固辭慚感交并罔知所報欲勉從

後命則病軀難供驅策必致隕越貽譏欲自遂初衷則

聖恩已極優容何敢再三瀆請謹當遵

旨赴官力疾視事揆諸古人鞠躬盡瘁之義一息尚存不敢稍

敢安逸特日病萬難痊除兩腳近復浮腫貽誤實在意中早夜慄慄常懼辜負

聖恩目下津案首從各犯業已奏結二批和議不難即定 臣可毋庸久留惟有仰懇

天恩准令入都

陛見面聆

訓示再赴新任本日又奉九月十五日

寄諭曾國藩等本係特簡查辦津案之員此時該繙譯業已抵津修堂撫恤諸事在津易於定議即著該督等晤商德微理亞妥籌辦理迅速具奏等因欽此查德微理亞業於十三日回京

秦稿卷三十六

五

由天津府派外委郭仲奎護送此閒別無法國人員無從與議賠償撫恤等事應否在京定議如德繙譯再來津郡似可即由

督 臣李鴻章等與之議結恭候

聖訓遵行所有 臣額請

陛見緣由謹繕摺附驛具奏伏乞

皇太后

皇上聖鑒訓示謹

奏

報接印日期摺 同治九年十一月初六日

奏為恭報微臣接印日期仰祈

聖鑒事竊臣入都

陛見跪聆

聖訓後於十月十五日出京二十八日至山東濟甯州由水路

南下閏十月二十日行抵江甯省城二十二日准署督臣魁玉

飭派署江甯府知府蒯德模署中軍副將周良才齎送兩江總

督關防鹽政印信

欽差大臣關防及

王命旗牌文卷等件一併移交前來臣當即恭設香案望

奏稿卷三十六

六

關叩頭謝

恩任事伏思兩江地大物博政務殷繁臣前此承乏數年於一

切察吏安民防江籌海諸大政頗思實心整理均有志而未逮

茲以衰病之軀渥被

新綸重臨舊地凡清議所責望眾情所瞻矚臣心所素願自

勉者自揣精力更遜於前能否隨事補救尚無把握五中循省

悚惕滋深惟有廣集眾思力圖補過勉策桑榆之效冀收尺寸

之長以仰答

高厚鴻慈於萬一所有微臣接印日期除恭疏具題外理合專

摺陳奏伏乞

皇太后

皇上聖鑒再通商事件未經奉有

明諭目下蘇州巡撫新舊交替尚未履任臣自應將洋務日行

文件從權核辦暫用總督關防所有

欽差大臣關防敬謹封儲聽候

諭旨合並聲明謹

奏

奏稿卷三十六

七

會議海運交米摺 同治十年正月十二日

奏為遵

旨會議海運米石改由糧道赴通徑交擬俟下屆再行試辦恭摺仰祈

聖鑒事竊臣等承准軍機大臣字寄同治九年十一月二十日

奉 上諭海運交卸一節該部擬請按照河運章程改由糧道赴通徑交係為掃除積弊起見著曾國藩李鴻章英桂張兆棟張之萬楊昌濬斟酌情形詳細妥商會同覈議具奏原摺片均著分別鈔給閱看等因欽此 臣國藩當即劄飭江蘇糧道英樸會同

奏稿卷三十六 八

藩司核議詳覆 臣昌濬亦即劄飭浙江糧道如山會同司道核議詳覆旋據浙江糧道如山等會詳稱海運章程始自道光六年由滬運津責成南省委員由津運通責成北省委員釐然判而為二各有專責奉行既久法非不善而弊即叢生今欲大改章程不外除弊節費二事然運通之弊全在剝船若改由糧道委員押運以隔省人地生疏之委員稽察隔省積慣作弊之船戶恐呼應不靈其弊更甚至海運經費係按照米數備帶赴津力求撙節方可敷用向來北省押米員弁多至一百數十員今若改由南省帶員赴北薪水既多川資更鉅即此一項已形糜費其餘各款亦必驟增恐於事未必有濟而所費更屬不支又

津局以起剝為重通壩以交卸為重糧道專駐津局則交米之事無所專責先赴通壩則起剝之事又恐羈延而沙船在津等候太久耗費更多尤慮畏累遠避有礙於下次之招雇種種窒礙未敢輕議更張等語由 臣昌濬咨商 臣國藩察核所陳各節均係切中事理並非意存推諉即擬據詳會奏矣適又接江蘇糧道英樸稟稱邇來海運弊不在商船之運津而在剝船之運通剝船弊固由積習之相沿亦由水腳之過少該船戶既虧累於平時復需用於臨事偷漏攙和無弊不作致令乾圓潔淨之米一交剝船米色頓壞殊為可惜今欲力矯前失惟有遵照部議由南省糧道徑運交通自津過剝以後慎選委員以押運

奏稿卷三十六 九

舟分設卡段以司稽查嚴定偷漏罪名以鈐制之節省經紀等費以優恤之或可一洗剝船之弊至封僱彈壓等事仍由直隸地方官妥為照料南北通籌恩威並用漕務當有起色現已草創章程十四條雖不能十分周密請即試辦一年等語 臣國藩以該糧道英樸在浙江辦理海運三次調任江蘇又辦九年分一次一切情形久為熟習既肯力為其難勇於任事果能除漕米攙水潮雜之弊豈非大有裨益復經函商 臣昌濬酌核辦理 臣昌濬旋又覆函以為運通之弊果能改絃更張實為中外所共願惟改章而仍用額設之經紀向有之剝船則從前錮習牢不可破若欲重立新章另行雇船另行派人則事屬創

始必須通盤籌畫確有把握方可試辦接准閩浙督臣英桂來
函亦深慮驟然改革諸多窒礙現在米船將次放洋為期已迫
糧道如山議請俟下屆再行試辦與其倉猝改革不如從容集
議臣之萬覆函亦稱直隸督臣李鴻章覆奏海運事宜摺內業
已聲明今年新漕只能照章在津驗收

諭旨允派倉場侍郎一員赴津會辦若改為徑運赴通驗收則
南北辦理兩歧奏咨商改多費周章殊覺不便臣國藩參考眾
論酌度時勢本年海運應仍在天津驗收江蘇糧道英樸既有
創辦徑運赴通之志浙江糧道如山續行覈議亦有下屆試辦
之請臣等公同定議檄飭英樸如山於馳抵天津後先將本年

奏稿卷三十六

十

糧米查照向章辦理再將下屆糧米運通改革之處面稟李鴻
章應將經紀若何更換剝船若何整頓各項經費若何覈實動
用一一籌度不厭精詳俟下屆漕糧海運由臣等先期議定新
章奏明辦理以昭慎重所有海運米石改由糧道赴通徑交擬
俟下屆試辦緣由謹會同閩浙總督臣英桂漕運總督臣張兆
棟恭摺覆陳伏乞

皇太后

皇上聖鑒訓示謹

奏

籌辦河運事宜摺 同治十年正月十二日

奏為陳明河運艱難情形應行設法預籌恭摺仰祈

聖鑒事竊九年分江北冬漕遵照部議仍辦河運臣於十一月
十二日專摺陳奏在案伏查八年分江北漕米於九年河運赴
通節節阻滯水陸兼運直至十月杪始能蒞事一切經費雖由
糧道王天經格外撙節不至過鉅而人事之艱時日之久較之
海運難易懸殊該糧道交米事竣赴部引

見現已馳回江甯臣面詢情形證以臣出京時由運河南下所
見者其言多屬相符若不預為籌畫恐下次又蹈覆轍據稱本
屆承辦河運在事六月之久中間處處阻滯歷歷可數如嶧縣

奏稿卷三十六

十一

境內之大泛口該處為山水經由之所一遇暴漲則汎流急湍
迫水退之後則沙淤停積今年漕船經過該處水深不及二尺
河底碎石縱橫最礙舟行必須由山東認真興挑挖深四五尺
並將近灘石堆剷除與河底配平方利行駛自大泛口而北則
有滕縣境內之郝山口該處為入湖要道淺而且窄又微山湖
內之王家樓滿家口安家口獨山湖內之利建閘南陽湖北之
新店閘華家淺石佛閘南旺閘分水龍王廟以北之劉老口袁
口閘處處淤淺或數十丈或百餘丈亦須由山東逐段勘明一
律挑深方可無阻此未渡黃以前阻滯之處宜預為籌辦者也
議者謂早日開兌早日過湖即使費力尙不愆期不知濟甯以

南淺處已多濟甯以北運河尤為乾涸總須守候伏汛盛漲方足以資浮送至黃水穿運之處漸徙而南自安山至戴家廟三十里自戴家廟至八里廟二十二里運河舊有之隄盡被黃水衝破缺口極多黃水湍悍而勢急漕船載重而質脆斷難破浪而行需用划船下梳以立之根然後由漕船繳關步步上移否則簸蕩急湏之中無復收泊之處而十里鋪姜家莊道人橋等處又極淤淺似須由山東設法一面於淤阻處極力疏濬一面於運隄各缺口排釘木椿貫以巨索俾漕船經過有所依傍牽挽不至為洪溜所吸倉卒失事此渡黃時艱滯情形宜預為籌辦者也及至渡黃以後若在伏汛未落以前或易為力若伏汛

秦稿卷三十六

已過等候秋汛即屬杳茫不可必之數九年在八里廟守候兩月之久可為前鑒自張秋至臨清二百餘里河身有高有下其疏導之法須量河身之高下高者開挖宜深下者開挖稍淺庶可高低相等一律深通再於黃流已長未落之時即下閘板蓄水以免消耗或就平水南開迤東築一挑水壩引黃入運皆多方設法力圖斡旋之策此渡黃以後運道易涸宜預為籌辦者也山東水勢長落無定或先長而後忽落或先小而後復大漕船經由東境一千數百里向歸嶧滕魚臺濟甯東平東阿各州縣封雇船隻以備起剝之用而地方官相距甚遠兼顧不遑九年所雇剝船不免臨時逃散擬請酌改章程責成東省管河廳

員雇滿船小者裝米三十石大者至百石為止一遇漕船淺阻即酌起剝而由糧道按石給發飯錢以免枵腹至閘夫亦改由河員招集歸其約束一併由糧道給予工食庶不缺誤此又略改舊章宜預為籌辦者也東平州運河之西有一鹽河倚山為障為東省鹽船所經要道漕船若由安山左近繞入鹽河至八里廟仍歸運道計程二百餘里較之徑渡黃流上有缺口大溜下有亂石樹椿者其難易懸殊是以商船率多避黃而趨此路上年因非運漕正道未敢試行十年行抵安山時如遇黃流過猛祇宜變通改道惟自安山三里堡入鹽河之路亦須預先勘明何處平順先立標竿為誌免致臨時周章此又渡黃改道

奏稿卷三十六

宜預為籌辦者也以上五端皆河工應辦事宜又皆在山東境內從前糧艘運北沿途修閘築壩挑河過剝均由南河東河兩督臣治黃治運注意專在漕務事事各有考成處處不惜重費故能駕輕就熟事無不舉今則黃流橫決運河失修河員之經費大減河運之米數極微欲以江北一隅數萬之漕而責山東以全力治河治運未免獨為其難然部臣所以不冒竟廢河運者亦因成法不可輕改圖事不可畏難具有遠慮丁寶楨見義勇為力願大局亦必不因米數太少之故而忽視沿河應辦之工糧道王大經躬肩重任既已經歷險艱茲令再試危途不得不預為綢繆免其遲誤現在欽奉

諭旨飭派漕臣張兆棟前往山東會勘築隄東黃事宜必可與

東河督臣蘇廷魁山東撫臣丁寶楨面商一切相應請

旨敕下該督撫等通籌運道全局建可久之宏謨并將臣此摺

所指興工之處分投興辦利目前之漕務臣當飭催該糧道等

趕緊兌米及早開行仰慰

宸廑所有河運艱難設法預籌緣由謹會同漕運督臣張兆棟

江蘇撫臣張之萬恭摺由驛馳陳伏乞

皇太后

皇上聖鑒訓示謹

奏

奏稿卷三十六 十四

覆陳淮南鹽價難增摺 同治十年二月初二日

奏為淮南鹽價難議增恭摺覆陳仰祈

聖鑒事竊查接管卷內接准部咨議覆督辦西征糧臺侍講學

士袁保恆奏請權加鹽價以濟軍餉一摺應由兼管鹽務各督

撫轉飭各運司鹽道將現辦綱引地方能否計飭加價體察商

力民情據實覆奏等因同治九年九月初十日奉

旨依議欽此欽遵轉咨前來當經前兼署督臣魁玉札飭運司

及各鹽道悉心籌議茲據兩淮鹽運使方濬頤署江南鹽巡道

凌煥等先後詳覆臣查袁保恆原奏意在停捐以除積弊增價

以裕軍儲用意未始不善惟各省鹽法情形不同即就淮南而

奏稿卷三十六 十五

論窒礙難行者數端請為

皇太后

皇上縷晰陳之夫所謂加增鹽價者將加之於商乎商人運鹽

不能零星起運淮南奏定章程以六百觔為一引五百引為一

票資本不足一票者即不准運今擬每觔酌加三四文約計每

票須增成本一千餘串分言之則形其少合計之則見其多此

時淮南運商迥非昔比類皆集資湊運商力實有未逮其窒礙

難行者一也將加之於民乎近來西楚鹽價較承平時已屬騰

貴一由鹽釐之過重一由銀價之過昂均以京外餉需緊迫未

能減輕售價民間既以鹽貴為苦局中又以銷滯為患若再按

勛加價則水販無利可圖勢必聞風而裹足梟徒有私可圖又將乘隙以賤售其室礙難行者二也原奏謂一省獨加則滯各省同加則通此固可免避貴食賤之患殊不知市價難齊物情使然不獨一省有一省之價即淮南自附揚州縣起推而至於江甯皖省以達楚西此岸與彼岸價皆不同緣路有遠近之分即價有低昂之判今欲比而同之雖法令亦有時而窮其室礙難行者三也原奏又謂加價之款即與各省鹽勛出場時隨同正課收納此亦可杜以多報少之弊殊不知淮南新章之尙易招徠者全在緩納課釐成本藉以減輕轉輸可期待捷應納之課須緩至場鹽售與運販後再繳應納之釐須緩至到岸售與

奏稿卷三十六

七

水販後再繳引額以兩淮為獨多加價即以兩淮為更鉅一日責令商竈在於鹽勛出場之前完納鉅萬鹽價勢有不能其室礙難行者四也以上各層係就淮南商力民情言之若論川淮交匯則淮引受害為尤深前此長江未通川鹽行楚同一占銷淮地而彼時淮南兵燹之餘通泰二十場商逃竄困斂廢埽荒場鹽既不能達岸引地原不妨讓人自賊平以後另定新章新舊各商添斂修埽逐漸整頓產數日增而湖北湖南為銷鹽最廣之區迄今盡為川私所占現計存垣存棧存岸淮鹽積壓過多苦無出路商人資本久擱年復一年運商則決裂堪虞場商尤困窮無賴竈丁貧而生變亦屬意中之事譬之治河下游無

歸墟之處上游必有溢瀆之患今欲求疏通淮銷非規復引地不可欲規復引地非禁止川私不可臣於同治七年曾經劄切陳奏而四川湖北湖南各督撫皆以軍餉為重交章力爭部臣亦調停其間是江督之於川鹽方欲遏之使絕而楚省且招之使來臣目擊淮引地面盡被川私佔奪不禁川則盡壞我朝之成法欲禁川則先開鄰省之釐端辦理掣肘焦灼萬分部議謂節經江督奏請減價以敵鄰私淮引尙難暢銷是淮南目前情形部中亦所洞悉斷不敢預存推諉不顧邊陲亦何敢稍涉遷就貽誤磋商局所有淮南鹽價礙難議增緣由理合恭摺覆陳伏乞

奏稿卷三十六

七

皇太后

皇上聖鑒訓示謹

奏

議復楚省淮南引地摺 同治十年三月十九日

奏為湖南永州寶慶二府引地未便改運粵鹽恭摺覆陳并陳楚省引地被川鹽侵佔太甚懇請

敕部核議仰祈

聖鑒事竊准部咨議復湖南巡撫劉峴奏請於永寶二府試行官運粵鹽一摺衡州以下各屬能否不致侵灌近來淮南鹽釐收數遂形短少永寶二府係淮南口岸應由兩江督臣通盤籌畫有無窒礙准綱之處妥議覆奏等因同治九年九月初十日具奏奉

旨依議欽此欽遵轉咨前來先經前兼署督臣魁玉咨明粵省

奏稿卷三十六

九

會商妥辦茲准兩廣督臣瑞麟咨稱准粵鹽務引地各有定界不能攙越行銷湖南永寶二府自粵東禁海遷竈以後向食淮鹽歷年引課奏銷例由淮綱核辦今湘省議行官運粵鹽將粵課撥歸淮綱不特款項轉轄考成難以核計且由粵運鹽至湘節節均係粵省引地其中不肖船戶影射夾帶沿途酒賈情弊勢所難免實於粵省引課大有關礙况粵東遞年場產鹽劬亦僅敷粵引配運並無溢額若加增永寶二府食鹽場產不足又復從何購買湘省此議雖為籌裕餉源起見而更易口岸委屬窒礙難行咨復核辦等因臣查湖南永州府一州七縣寶慶府一州四縣自康熙六年題准行銷淮鹽雍正乾隆時屢有改食

粵鹽之議均經內外臣工奏駁有案前人立法具有深意行必分界限係我

朝大經大法凡兩省接壤之區不許鄰私稍踰尺寸引界一定縱有奸商偷漏影射越境即以私論民向知所畏懼官亦便於稽查即如蘇松常鎮皆係浙鹽引地與淮南場竈僅隔一江鎮江與瓜洲淮棧僅隔咫尺路既便捷價亦輕減然必須行銷浙鹽而不能改食淮鹽者正以界限分明則紀綱永守也湖南之永寶二府地居湘岸極邊又被粵私遍地侵灌淮鹽久已不至該處然不敢以二府改隸粵引者誠以永寶一經改隸則衡州亦將佔奪長沙亦將侵銷紀綱一紊萬事紛亂且聞此二郡藉

奏稿卷三十六

九

以保長衡之藩籬尚可冀將來之暢旺且鹽政不敢棄引地而不顧猶之疆臣不敢棄邊邑而不守今兩廣督臣既咨稱窒礙難行而兩淮運司方濬頤亦詳稱湘省各商均不願以永寶引地改屬粵中所有湘省官運粵鹽行於永寶之處未敢輕於議准抑臣更有請者部庫餉源以鹽課為大宗鹽課又以兩淮為大宗而兩淮引地之被侵奪者湖北全侵於川鹽湖南則既見侵於粵鹽又大侵於川鹽臣初次奏定淮南新章但重加抽鄰稅不遽拒絕鄰鹽旋因軍務大定又於七年奏請禁止川私入楚無非欲收回引地冀復昔時之盛現查川私侵楚以鄰稅收數計之同治四五年間其勢稍衰自七年分逐漸加增八九

兩年川鹽愈來愈旺照淮南之六百觔成引者計之每年占銷不下二十萬引蓋一萬二千萬觔之多而繞越夾帶漏稅之私尚不在此數湖北九年分所銷淮鹽僅七萬餘引比川鹽銷數不過三分之一喧賓奪主莫此為甚運庫課釐日減上年秋冬所收短絀尤甚以致部撥

大婚彩綢之款不能應解鹽積如山庫空如洗場商數百家艱窘尤甚現在存堆在途到泰到瓜之鹽共有五十餘萬引無處銷售存堆者成本之占摺已多到瓜棧者有上倉住船之費有換包折觔之耗公私之虧累尤巨日內紛紛至處呈稟請令運商先買繳價運商亦因楚岸不銷觀望不前今年垣產甚旺

奏稿卷三十六

三

臣勉強借給銀十五萬兩令場商收買春產場商猶以款少鹽多不能遍收深恐竈丁賣私通梟尤慮其貧極生變而船戶數千亦因無鹽可運窮迫無聊蓋淮南自官商以至船籠夫役數十萬人此兩月間皆皇皇焉若生計之將盡者不料鹽務竭蹶一至於此臣辦理不善咎固難辭亦實由楚岸引地盡被川鹽侵佔譬之農家被人奪去田產舉室無措也部文有云通泰各分司場籠所產鹽觔無從銷售必致私梟競起關係全局所以百數十年無有改易淮南口岸之議殆不啻目擊淮南近日苦况矣臣於七年九月奏禁川私入楚一疏經戶部議准欽奉諭旨飭李鴻章等撤局停稅飭吳棠封禁并竈并令嚴議覆奏

旋於八年秋冬李鴻章覆奏川鹽未可遽禁者六端而議於沙市設局以川鹽八成淮鹽二成配銷吳棠覆奏川鹽濟楚難以遽停者四端而力言井之不宜封禁經戶部先後議覆均令前兩江督臣馬新貽力圖補救妥商覆奏厥後沙市二八配銷之局初議以觔計繼議以包計川鹽每包三百五十觔至八十觔不等八成則近三千觔淮鹽每包連包索八十六觔二成則僅一百七十二觔名為淮占二成實則不及一成由此川勢日旺淮銷日微淮商吞聲飲憾而無如之何今欲挽回一二惟求皇上敕下戶部主持全綱剖斷是非縱不能全禁川私入楚亦當使淮多於川保守

奏稿卷三十六

三

國家之大經大法或淮八成而川二成或淮七而川三川雖極多亦不得滿四成庶幾官私判別成憲常昭其分成之法或指明某府某縣暫准借食川鹽或鄂境每歲准行川鹽若干萬觔不許溢額但求部臣將大概規模斷定其餘細微條目臣當與川楚諸臣妥商章程具奏凡疆吏辦事全賴各省和衷乃克有濟向來江督鹽務本仗楚督緝私催銷始有起色道光年間林則徐周天爵為楚督時則淮鹽大暢他人為督其時並無袒護川鹽之事而苟非一心維持則淮銷常滯蓋責弁役以緝私課州縣以銷數非本省大吏不足鞭策之也目今湖廣督臣李瀚章曾在軍久管糧臺相得益彰深知其顧全大局毫無私見

於處事件無不竭力相助然外間頗議其袒護川鹽膜視淮
鹹非與淮為難也該督覓鄂中水陸各營京協各餉需款甚鉅
恐一旦川鹽不暢餉項驟減前數任已成之規不欲自已而墮
且見貧民散勇謀食於川鹽者多恐其失業滋事此二者籌之
愈熟故於川鹽護之愈堅今欲楚岸離綱之平允但在楚督一
心之轉移一心向川則川銷旺而眾商有恃矣分心向淮則淮
銷旺而眾商亦有恃矣臣所求者淮鹽堆積場棧者五十餘萬
引堆積鄂湘者十餘萬引於此七十萬引中稍稍行銷楚岸則
運商場商之氣為之一蘇煎丁細役及謀食於淮之眾不至失
業滋事即為大幸而淮南本分之引地不至棄而他屬亦臣盡

奏稿卷三十六

職之一端至於餉項之贏絀則臣絕不敢爭昔年初定章程淮
鹽行楚每引撥釐銀四兩二錢解交湖北糧臺後遞減為二兩
四錢初章撥釐銀六兩一錢二分解臣安慶糧臺後遞減為三
兩九錢二分七釐今欲鄂省減去川鹽入款願將臣處應得釐
銀多撥數成歸鄂抑或全數歸鄂如其全數歸鄂則每銷淮鹽
一引鄂省可得銀六兩三錢有奇以近日銀價計之合錢十一
千有奇較之鄂省銷川鹽六百觔僅收川釐十千有奇尚屬淮
勝於川於鄂餉有盈無絀果能勤緝川私鄂中應無難辦之處
倘蒙
皇上乾斷楚省引地必歸淮南作主其餘各節臣當與李瀚章

吳棠妥商無不通融辦理俟湖北酌堵川鹽稍有起色再商湖
南堵川之法續行奏辦所有議覆永州寶慶二府未便改運粵
鹽暨楚省引地被川鹽侵佔太甚緣由恭摺具奏請
旨敕部核議伏乞
皇太后
皇上聖鑒訓示謹
奏

奏稿卷三十六

聖訓頒到謝 恩摺 同治十年六月十三日

奏為恭謝

天恩仰祈

聖鑒事竊 臣 欽奉

頒發

文宗顯皇帝聖訓全部共二十二函由便員自京帶出敬謹祇

領當即恭設香案望

闕叩頭謝

恩訖伏維我

朝成憲於恭纂

奏稿卷三十六

五

宮錄之外

特派臣工編集

聖訓一書所以表

勲業於文章炳球圖於霄漢也我

文宗顯皇帝臨寓十有一年無時不以法

祖愛民為念無日不在憂勤惕厲之中

聖德謙沖

訓詞深厚慶中外臣民之望軼漢唐詔令之文偶舉偏端無不

經天緯地獲觀全帙允足震古鑠今

偉烈豐功陋封禪於七十二代

盛德大業契真源於三五六經凡黃閣之傳宣暨

丹毫之記注罔弗虛牟六合函蓋四瀛摹繪乎乾坤神明乎短

矐仰維我

皇上道隆繼述

志在繼承合人閱共讀之至文成天上難窺之祕笈

命史臣而詳校

寵疆吏而分頒虹光下賚於石渠鴻寶遠傳於江介 臣 拜經比

重發篋增榮感

三朝優渥之

恩懷兩宇因循之

奏稿卷三十六

五

誠在昔備員卿貳親聆

天語提撕泊乎承乏戎旃悉稟

廟謨指授追思往事具在斯編仰

鉅製於訓誥典謨欽

至德於聖神文武書萬本而誦萬徧如見

先皇圖治之心謨不顯而烈不承大啟

聖主中興之業所有 微 臣 感激下忱謹繕摺叩謝

天恩伏乞

皇太后

皇上聖鑒謹

奏

奏稿卷三十六

奏

大閱事竣摺 同治十年十一月初一日

奏為 微臣 查閱營伍事竣回省陳明大概情形恭摺仰祈

聖鑒事竊同治九年輪應查閱江蘇營伍前督臣馬新貽未及

舉行臣莅任後奏請展緩嗣經定於八月十三日出省校閱均

附片具奏在案伏查江蘇通省水陸各營大閱之典自道光三

十年以後迄未舉行東南用兵十有餘年綠營幾同虛設軍務

肅清稍補募缺額尙多而挑練改設日有增損此次通行校

閱約有四宗曰原設之綠營即經制額兵也曰新改之水師即

七年冬月所奏經部議准者也曰挑練之新兵即就各營挑

出另練馬新貽丁日昌所奏准者也曰留防之勇營昔年未撤

之勇陸續酌留者也臣先於八月十二日在省城閱看江甯督

標四營暨新兵五營又星字勇丁二營十三日啟程十八日至

揚州二十日閱看揚州城守鹽捕二營並調閱奇兵泰州泰興

瓜洲青山三江等營又慶字勇丁三營二十九日及九月初一

初二日在清江閱看淮揚鎮標中右兩營及挑練之新兵營並

閱漕標中左右三營淮安城守海州鹽城東海宿遷廟灣佃湖

洪湖等營初三日由陸路赴徐州初九初十日閱看徐鎮中營

城守營及挑練之新兵二營並調閱蕭營宿州營又鳳字勇丁

二營仍由清淮南旋二十日在鎮江閱看鎮江營並調閱淞南

淞北二營二十三日在常州閱看常州營並調閱孟河江陰靖

汪等營二十六日在福山閱看福山鎮標左右二營並調閱狼
 山鎮標陸汛及右營劉河通州海門等營十月初二日在蘇州
 閱看撫標左右城守等營並調閱平望太湖等營又慶字等勇
 丁二營初六日在松江閱看提標中左前後松江城守等營並
 調閱金山青村柘林等營又駐防鳳凰山洋人教練之勇丁三
 營十二日在吳淞口閱看吳淞川沙南匯掘港等營並調閱提
 右營及蘇松鎮標中左右等營又在海口閱看外海艇船六營
 內洋八團舢板五營及新造輪船操演一次遂於十五日由輪
 船回抵江甯省城綜計通省水陸各營除浦口溧陽二營兵數
 太少淮揚鎮左營清江城守營蔣壩營及葦蕩左右二營均係

奏稿卷三十六

五

河營改操但將官弁校閱未經調閱兵丁外其餘各營查閱一
 周計陸營四十有一水營十有一挑練之新兵營十有一匪防
 各勇之營十有二兵數則原額三萬三千四百名有奇現存二
 萬四千二百名有奇其中多寡參差不一有已逾原額之半者
 有不及原額三分之一者兵數較多之營演陣尚有可觀其畸
 零不成隊者數營合操仍難整齊緩急殊不足恃臣悉心酌核
 就今日之情形準以舊時之條例參訪當世有識之議論其必
 宜更改者約有數端向例營兵差操二字混在一處然差則護
 餉押犯緝捕等事必須散處塘汛各專責成操則習技練陣聽
 令等事必須聚處營盤同受約束其事迥不相同近來聚處紮

營者如神機營直隸練軍及江甯蘇州之新兵皆於額兵之中
 另挑立營既須屯聚常練即不能散處當差而各項差使勢又
 不能盡廢將來經制之兵似宜分差操為兩起差則兵宜散而
 少官宜以分塘分汛為額操則兵宜聚而多官宜以分營分哨
 為額此舊制之宜改者一也向例綠旗餉銀馬兵二兩戰兵一
 兩五錢守兵一兩米則一律日支八合三勺即使照數滿發猶
 不足以供事畜之資而各省司庫支絀尙有祇發七成八成者
 勇丁口食或多至一倍二倍兵丁或小質營生或手藝餬口應
 名充數出征則漫無關志毫不足恃此天下綠營之通病目前
 直隸練軍及江蘇新兵各營皆已加餉然加餉而不裁兵則度

奏稿卷三十六

五

支立匱斷不足以持久此舊制之宜改者二也向例各營軍械
 俱用烏鎗門藥風則吹散雨則沾溼實不利於戰陣近年各處
 兵勇俱用洋鎗銅帽精而且捷風氣一開人人以烏鎗門藥為
 苦在上者雖有大力不能強遏人情軍事最貴神速而最忌遲
 鈍準情度勢恐不能不全用洋鎗而各項器械亦有當用洋製
 者此舊制之宜改者三也向例各路水師並不講求船隻造船
 經費不取之於司庫但令官員攤派或由紳富捐辦兵丁仍用
 馬戰守名目殊覺名實不符竊謂既號水師即宜居住舟中官
 兵皆以狎水為能但有頭舵鎗礮之分並無馬兵戰守之名日
 漸月摩或者由支河而漸及大洋由小舟而漸及巨艇由防內

而漸及禦外亦銖積寸累之義將來各省水師似皆宜籌造船之費以船為家但可兼操陸隊不能分管陸汛此舊制之宜改者四也以上四端如水師先重船隻一節臣於同治七年奏改章程厥後馬新貽修造外海內洋裏河各船隻大致粗備操練亦頗勤篤其軍械全用洋鎗一節各省果能籌款均可自行奏改其差兵與操兵分為兩途及酌加餉數二者則大變舊章關係全局非奉有特旨飭改或由部臣議定通行外省臣工不敢率爾立意遽議更張臣前改水師已自覺其鹵莽今閱陸營豈敢復有變更惟當就缺額最多之營飭令招足一半認真操練稍復舊觀亦未敢必其遂堪折衝禦侮也所有查閱營伍事竣回省陳明大概情形緣由理合繕摺具奏伏乞

皇太后
皇上聖鑒訓示謹
奏

秦稿卷三十六

三

續議江蘇水師事宜摺 同治十年十二月二十二日

奏為續議江蘇水師事宜恭摺仰祈

聖鑒事竊臣議改江蘇水師章程於同治七年十一月初四日專摺具陳旋准兵部會議復奏請

旨敕下兩江總督等查照各條妥為辦理各等因於同治八年

三月間知會到蘇彼時臣已赴任直隸前兩江督臣馬新貽逐

條核辦與提臣李朝斌及蘇松狼山福山三鎮總兵詳細斟酌

略有損益並諮訪熟於江蘇營伍之人參酌舊制釐定新章二

十五條馬新貽業已定稿過印擬於大閱之時察看各處地勢

再行具奏臣接任後查閱馬新貽所定原稿大致略備其中有

數事與原奏稍異者如裏河五營內之淞南淞北兩營地段太

寬船隻太少提臣李朝斌屢有改章之請馬新貽以奏定之案

不欲率爾更張往返籌議至再至三今年派員勘查裏河各地

段一次始定仍如前議略添船隻而於汛地之中專以官塘幹

河為重支河汊港處分從寬俾責任較專而巡查易遍此馬新

貽尚未確定而近日議妥者也又如蘇松狼福等三鎮額兵臣

初次議奏除水兵分船派定外每鎮各留陸兵一百名本謂水

師以船為家不必尚存陸兵名目嗣後馬新貽博采眾議僉謂

三鎮陸兵有必須承應之差有不可盡廢之勢改為蘇松狼山

兩鎮各留兵五百名福山鎮本有右營陸兵計原額五百三十

三名現祇存兵二百名擬再招二百名合之原奏之一百名亦成五百名之數其統帶之官弁互有更換又如海門一營原奏擬歸狼山鎮統轄嗣經李朝斌與馬新貽會商以海門營汛地離狼山鎮為遠而離蘇松鎮為近擬改撥蘇松鎮管轄以期形勢聯絡此二條皆馬新貽所改定 臣復加察核無以易之者也其餘各條俱就原奏應辦之事一一臚列大致與長江章程相彷彿惟彼則創始此則酌改故於新章之中仍須兼顧舊制馬新貽屬稿時苦心經營實屬詳備 臣就原稿二十五條中刪減三條歸併一條定為二十一條另繕清單恭呈御覽伏乞

奏稿卷三十六

三

敕下各衙門詳議定奪 臣之微意總以水師之住船警諸陸師之紮營狎習舟居為水師之根本講求船礮為禦外之根本是以區區籌議迭次瀆陳然皆不過就嘉慶道光年間之規模稍加整理至異日輪船愈多或者外海內江悉用輪舟則今日所辦之船所立之法將悉為可棄之筌蹠是所望於後之賢者因時變通 臣之才智尙未暇及此也至馬新貽所議章程近年行之已有成效自應參酌上陳以補 臣原奏所不逮所有續議江蘇水師事宜緣由謹會同江蘇巡撫 臣張之萬恭摺具奏伏乞 皇太后 皇上聖鑒訓示謹奏

謹將續議江蘇水師章程二十一條開單恭呈御覽

第一條外海六營輪流巡哨

查原奏外海六營無事之時輪流巡哨有事之際一體剿捕該六營既不分汛地自應按月輪巡今擬定以十二船分為三起第一起四船駐馬蹟東巡至陳錢西巡至大小羊山七山北巡至四礁雞骨礁等處第二起駐十墩東巡至奈山北巡至洋漲沙木錨套南由銅沙巡至乍浦交界之葛蓬墩瀉水漕東南巡至大小七山及雞骨礁等處第三起駐塘鱸港南巡至洋漲沙木錨套東北巡至東凌斗窰王家等港一帶南匯營與掘港營

奏稿卷三十六

三

合為一起蘇松中左兩營合為一起吳淞川沙兩營合為一起由各該鎮督帶分起出洋每起每營分雙單月第一號承值上半月第二號承值下半月遇有失事即將承值員弁參處候定案後彙同營制送部查核

第二條內洋五營劃分汛界

查原奏內洋五營略分汛地自應劃清界限以專責成狼右營轄北岸上游所部八團舢板十二號擬以狼山港駐四船營船港駐四船老洪港駐四船西以張皇港與長江之江陰營分界東以牛洪港與北岸下游之通州營分界南以中洪與南岸上游之福左營分界通州營轄北岸下游所部八團舢板十二號

擬以朱季港駐四船太平港駐四船三丁支港駐四船西以牛
洪港與北岸上游之狼右營分界東以塘鱸港與外海分界南
以協安永旺青魚楊家惠安等沙中洪與蘇松右營分界福左
營轄南岸上游所部八團舢板十二號擬以白茆港駐四船游
浦港駐四船鹿苑港駐四船西以蝦蟆山與長江之江陰營分
界東以七丁港口與南岸下游之海門營分界北以中洪與北
岸上游之狼右營分界海門營轄南岸下游所部八團舢板十
二號擬以劉河口駐四船吳淞口駐四船黃家灣駐四船惟黃
家灣一帶並無泊船之港擬令暫於吳淞寄棹仍按日赴該處
巡哨西以七丁港口與南岸上游之福左營分界東以紅星塔
與海外分界東北以江流入海並崇寶石頭等沙中洪與蘇松
右營分界蘇松右營轄崇明南北兩岸所部八團舢板十二號
擬以當沙頭駐四船協安沙駐四船永興沙駐四船西南以江
流入海並崇寶石頭等沙中洪與南岸下游之海門營分界北
以協安永旺青魚楊家惠安等沙中洪與北岸下游之通州營
分界東以十激外沙脚淺水與外海分界各按五日會哨一次
逢五與本營會哨逢十與別營會哨再北岸上游之狼右營南
岸上游之福左營其迤西均與長江之江陰營交界應令於每
月初一十五兩日各會哨一次庶江海聯為一氣可以呼應靈
通至各該營與陸營分界以近岸一里為率其沿江各口與陸

奏稿卷三十六

營分界以進口五里為率所有各汛地段應俟定案後彙造營
制冊圖送部查核

第三條裏河五營劃分汛界

查原奏淞南淞北兩營分轄吳淞江南北兩岸太湖左右兩營
分巡太湖東西兩路提標右營專防黃浦一江凡水師與陸營
交界之處固應劃清界限即各該營汛境亦應明晰分定今擬
提右一營分前後左右四哨內前後兩哨每船五號左右兩哨
每船四號尚餘兩號作為營官總巡之船太湖左右淞南北四
營各分前後左右四哨每哨四船共計十六船太湖兩營各餘
八團舢板兩號淞南淞北兩營各餘舢板二號均作為營官總

奏稿卷三十六

巡之船淞南營轄吳淞江以南自三江口以東以吳淞江為
界三江口以西以致和塘與淞北營分界南以運河震澤梅埕
塘與太湖左營分界淞北營轄吳淞江以北自三江口以東
以吳淞江分界三江口以西以致和塘與淞南營分界致和塘
以西以運河與太湖右營分界太湖左營巡緝東路東南以運
河震澤梅埕塘與淞南營分界太湖右營巡緝西路西北以運
河與淞北營分界其左右兩營即以沙墩港口分界其運河由
望亭至沙墩港口歸左營巡緝由沙墩港出口即歸右營湖面
仍歸吳塘馬山埭嘴沙墩各汛巡緝提標右營專防黃浦一江
自三泖起至吳淞口止專歸巡緝惟太湖等四營汛地湖蕩支

渠紛歧錯出應以官塘幹河為專責以支河汶港為兼巡每一營四哨分紮四段輪流巡哨各專責成各該營與陸營分界應以近岸一里為率其鎮市設有陸汛係在官塘幹河者一里以內水陸分任其責其有與長江內洋各營分界處所應以進口五里為率所有各該營分隊駐船汛界已飭開具細摺呈送應俟定案後彙造營制冊圖送部查核

第四條 淞南淞北太湖左右四營酌添船隻

查原奏淞北淞南兩營各設舢板船十五號太湖兩營各設舢板船十三號兼用八圍舢板各二號提標右營設舢板船二十號每舢板船配兵十四名復查提右營專防黃浦一江船隻尙

奏稿卷三十六

敷分布淞南北及太湖左右四營地段太寬船隻太少分巡扼要在在難周今擬該四營各添船三號每船仍配兵十四名計四營共添船十二號應添兵一百六十八名加以添派官弁應給廉糧經費雖不免增多而於設防巡緝較有裨益

第五條 水營所遺陸汛分別移併留防

查江蘇水師營分均係水陸兼防新章水師以船為家所遺陸汛不特巡緝地面兼有城池倉庫接遞之責必須撥歸附近之陸汛兼管其相離較遠無可歸併者仍須留撥陸兵以資巡緝而免偏廢內太湖左右兩營所轄之東山馬蹟山等處孤峙湖心汪洋巨浸無附近陸營可以歸併擬於該兩營酌留陸兵五

十名外委一員以資分布巡緝並於舊制額外內酌留一員糧餉即在五十名兵數內支給其所留之兵即於提標各營未經募足之空額內調撥各按派防汛地歸該兩營管官就近兼轄其陸汛之鄰近蘇常等汛者仍就近撥歸分管至提標右營退出陸汛撥歸附近之松江城守營兼轄並擬將提後營遊擊移駐嘉定轄吳淞劉河兩營所遺陸汛以柘林營都司移駐南匯接管川沙南匯兩營所遺陸汛以收居中調度之益其柘林營所遺本汛則撥歸金山營兼管其中南匯營營汛之一帶地方與青村營相近擬即撥歸青村營管轄其提後營所遺全汛撥歸提前營兼管又福山鎮中左兩營所遺陸汛查有福山右營

奏稿卷三十六

現係專管陸路應將該兩營舊汛併歸管理其福中營議裁之兵一百名歸右營分防陸汛又狼山中左右掘四營陸汛地面甚廣附近之泰州泰興等營相距太遠勢難兼顧該鎮原留之陸兵一百名實屬不敷分布茲擬於狼山鎮兼轄之泰州泰興揚州三營各撥兵額一成或一百四十三名又在附近之常州江陰靖江三江等營抽撥兵丁二百名又於提標空額內撥補五十七名共成四百名千把外委八員前赴狼鎮所屬於城守及緊要汛地分別填紮原奏以通州營為狼山鎮中軍今查通州營地處下游離城較遠應改以泰州營遊擊為狼山鎮中軍所有原留及擬調之陸兵即歸該中軍遊擊就近兼轄應

餉均照陸營舊制其泰州地方擬將泰興都司移駐以重汛地
所有各該營水陸分汛冊圖俟定案彙齊送部查核

第六條京口三營陸汛礮堤分別管轄

查京口中右兩營新章改爲淞南淞北兩營京左營裁撤該三
營江面均係長江水師汛地其臨江之小洲水師亦可兼顧惟
各營原轄有大沙洲一處迴環百有餘里必須撥歸陸汛巡防
查該處與北岸三江營相似擬在該營抽兵四十名移駐大沙
洲並留京左營裁缺千總一員作爲專汛歸三江營守備管轄
又道光年間奏設防江礮堤京口中左右三營汛內有原管大
小石灣劉閘沙崗山大二磯頭東生洲等礮堤數處事關江防

奏稿卷三十六

美

舊制既無陸營接防擬撥歸附近之長江水師管轄以昭慎重

第七條酌擬改隸營分並留設守備

查原奏內洋南岸下游海門營主之歸狼山鎮管轄今查海門
營新汛在川沙寶山太倉州境內與狼山鎮相隔幾及百里呼
應欠靈而與蘇松鎮則相離較近應將海門營改隸蘇松鎮管
轄又太湖左營係副將營分並統轄右營都司而本營所屬僅
止千把弁缺與營制稍有未符擬請留設守備一缺即將原奏
移調南匯營之太湖右營守備移調太湖左營專管錢糧子藥
軍裝等件既與體制相洽亦於人地相宜並於該營添設之三
船內少設外委一缺以符其數至南匯營應添之守備一員改

以狼中營撥歸川沙營之守備一員移調其川沙營二號船船
正哨查原奏川沙營本有應裁千總一員應請毋庸議裁撥歸
該艇填補以免輾轉調撥

第八條緊要陸汛酌定多留陸兵

查蘇松鎮駐紮崇明四面皆海中左右三營所遺陸汛週圍三
四百里汛口七十餘處外接大海內連長江向爲水陸兼防扼
要之區新章中左兩營改爲外海右營改爲內洋哨官住船不
准登岸則所遺陸汛萬難虛懸且有城池倉庫錢糧接遞之責
非有陸兵駐防不足以資巡緝又上海地方華洋雜處人煙稠
密該處向設之提標右營現已專管水師縣城內外地面冗闊

奏稿卷三十六

美

戢暴查奸在在均關緊要亦非酌留陸兵不可現擬於蘇松三
營所遺陸汛內除原留陸兵一百名外加留四百名千把外委
十員歸蘇松中營兼轄上海留兵二百名汛弁兩員並添設守
備一員仍歸提右營參將就近兼轄所留弁兵均於提標各營
未經募足之額內調撥餉項不另加增其守備一缺擬於水營
中多留千總一員而調一守備於陸汛庶幾海疆要隘不致有
空懸之慮

第九條核定將弁處分

查舊制武職疏防搶劫案件分別參處現在外海內洋裏河三
大支水師均係住船而自都司以下均屬哨官並無離汛里數

遠近之分亦無專汛協防兼轄統轄之別四船駐防一處遇有失事之案未便將四船哨官一律開參茲定外海艇船十二號分三起按月輪流巡哨計兩營四艇為一起每起每營分雙單月分一號承值上半月二號承值下半月如有失事即將承值將弁參處由營官將職名開送查參各營一律照辦內洋每港派駐四號分兩船出巡港之上游兩船出巡港之下游仍按逢五與本營會哨逢十與別營會哨以一船承值半箇月派巡地段內設有失事即將輪巡員弁參處亦由營官將職名開送查參裏河五營內提右一營專防黃浦一江如有失事由營官開送職名查參其餘四營每營分為四段每段派船四號以官塘

秦稿卷三十六

四

幹河為專責以支河汶港為兼巡各認汛地不必會哨如有失事在官塘幹河者照專汛之例由營官開送職名查參在支河汶港者照兼轄之例開參均應照長江章程以都守千把外委五項哨官為專汛之官以副參遊都司四項營官為本轄之官遇有搶劫案件專汛哨官係何職名應由該營官指出初參仍照定例四月限滿題參疏防專汛官住俸本轄者罰俸六箇月二三四等參向例一年限期者酌量加重改為各子限八箇月二參限滿專汛官降一級留任本轄者罰俸一年三參限滿專汛官降二級留任四參限滿專汛官加重降二級調用不准抵銷如汛內有一夜連劫數次情事仍照舊例俟三箇月限滿犯

無弋獲即將專汛官降二級調用本轄官降二級留任倘能於限內獲犯過半兼獲盜首者均准免其參處失事之時營官一面報明提鎮移知臬司州縣官一面稟明本府臬司如本營屆期不參即由臬司揭參

第十條各營現定船數

查原奏外海六營各撥艇船二號內洋五營各撥八團舢板十二號裏河五營內提標右營撥長江舢板二十號淞北淞南兩營各十五號太湖兩營各十三號兼用八團舢板各二號又提鎮各撥火輪船一號又現撥淞南北及太湖左右四營各添船三號共計十二號所有外海艇船十二號已由廣東釘造齊全

秦稿卷三十六

四

按營撥給其內洋五營八團舢板六十號太湖兩營八團舢板四號亦經吳城燕子磯兩廠如數造齊分派駕駛其有須改用領江船者經費相等俟下次修造時酌量改換裏河五營內太湖左右淞南北四營所用舢板亦經飭廠次第造齊其提標右營所須長江舢板二十號先在太湖水師裁撤之船內擇用五號其餘十五號另行釘造給領至輪船一項現在尚未造齊已另案奏明歸前臺灣道吳大廷統轄操演俟將每年參養輪船經費籌定後應否分撥一提三鎮為巡防外海內洋之用屆時專案奏辦

第十一條酌定外委缺數

查部議江蘇所裁之缺因難就始存舊官全裁外委未裁千把究應裁千把若干外委若干應令妥洽情形再行籌議復查各營舊制每千把一員設立外委一員將來千把出缺應照該營缺數補遺外委計南匯營應裁二號副哨把總一員改設外委一員蘇松中營應裁二號副哨把總一員改設外委一員蘇松左營應裁二號副哨千總一員改設外委一員吳淞營應裁二號副哨把總一員改設外委一員川沙營應裁二號副哨把總一員改設外委一員掘港營應裁二號副哨把總一員改設外委一員蘇松右營福山左營狼山右營通州營原定千總外委缺數應請照舊海門營應裁千總二員把總二員改設外委四

奏稿卷三十六

望

員提標右營應裁千總三員把總四員改設外委六員太湖左右兩營應裁把總七員改設外委七員淞北營應裁千總一員把總三員改設外委四員淞南營應裁千總一員把總三員改設外委四員以符營制又福山左營現留陸兵一百名應留該營原額外委一員專管陸兵

第十二條酌定裁缺外委薪糧

查部議現任武職裁缺留標另補照原任職銜支給俸薪惟外委一項向食馬兵糧餉而本案營制又無馬步戰兵名目其應作何支給之處酌定報部查核復查長江水師新章外委支給槍糧雙分轉較裁缺千把為優茲酌定裁缺外委支給槍糧單分

月給銀三兩六錢額外月給銀三兩以資養贍

第十三條營官建署地方

查原奏外海六營不分汛地以吳淞口十激為各艇船停聚之所又離岸稍遠水師不能兼顧等語現在外海六營十二船分為三起派駐地段輪流巡哨所有該六營營官衙署應於吳淞口塘鱸港兩處建立查各該營現在均有舊署應准暫行借住俟新署造成再行遷移內洋裏河十營均應於該管汛內近水之處建立衙署庶一切呼應較靈內狼右蘇右兩營尚仍循其舊海門營應以劉河營舊署為新署該營舊署已廢應行另建通州營新汛離城較遠應於新港建署福左營已無舊署應

奏稿卷三十六

望

行另建提標右營上海城內本有參將衙署毋庸另建淞北營應於常熟城外建署淞南營應於周莊鎮西隅建署太湖左營應在東山重建新署太湖右營應在宜興之烏溪關建署以重汛守其各船哨官自都司以至外委不立衙署不准登岸居住違者官卽革職兵卽革糧再各營官建署後應各給差兵十名以資照料均於提標各營未經募足之空額內撥給

第十四條各營座船數目

查原奏第十四條科算出入經費聲明此外尚有座船書識子藥等費又長江水師第二十條內陸營之例馬改為水師之座船是各官均應給予座船俾資辦公惟江蘇水師提鎮兼轄陸

營與長江新設者不同例馬一項仍應照舊開支自不得乘交
座船其自營官以下則應仍照長江章程辦理副參遊各給座
船二號各營哨官自都司以至外委各給座船一號副參遊每
座船各月支銀十四兩都司以下每座船各月支銀十二兩惟
太湖右營係以都司為營官應准給座船二號以示區別

第十五條官兵數目

查外海六營其艇船十二號內設參將二員遊擊四員為營官
都司一員守備八員千總六員把總三員外委六員為哨官又
輪船四號原奏係設都司四員守備一員千總三員為正副哨
官每艇船配兵四十名共四百八十名每輪船原奏配兵六十

秦稿卷三十六

名共二百四十名內洋五營共八團舢板六十號內設副將一
員遊擊四員為營官都司五員守備四員千總十員把總十八
員外委二十二員為哨官每八團舢板一號配兵二十名共一
千二百名裏河五營共八團舢板四號長江舢板八十八號內
設副將二員參將一員遊擊一員都司一員為營官守備三員
千總十五員把總三十二員外委三十七員為哨官每八團舢
板一號配兵二十名共八十名每長江舢板一號配兵十四名
共一千二百三十二名通共設副將三員參將三員遊擊九員
都司十一員守備十六員千總三十四員把總五十三員外委
六十六員共配兵三千二百三十二名惟輪船一項現派道員

統領操演未歸提鎮管轄與原奏官兵數目不符將來籌定養
船經費尚須專案另奏

第十六條核定書吏名數

查江蘇水師現改新章各官應用書識應援照長江水師章程
核給江南提督衙門本有額設稿書書識與長江水師新設者
不同無庸增添總兵各用稿書二名書識六名副參遊各用稿
書二名書識四名都司各用稿書一名書識二名惟太湖右營
都司係屬營官應用稿書二名書識三名守備各用書識二名
惟淞南淞北太湖左狼山右福山左五營並無都司專設守備
一員事務較繁應各加稿書一名其各船千把外委同係哨官
亦有應辦之事各准用書識一名以上共用稿書五十三名書
識二百八十六名

秦稿卷三十六

第十七條雨篷旗幟等費

查內洋裏河各船並無雨篷木勝惟以布棚遮蔽其旗幟一項
尤應整齊現當立營之始各營旗幟號衣均須隨船新製普發
一次以後歲修之需查長江章程龍戰船每年發銀六十兩
今八團舢板與長龍相等擬定每年亦發銀六十兩長江舢板
照章每年發銀四十兩交各營哨官採辦修飾至艇船一項船
身既大且終年出入外洋風擊蟲蛆最易損壞每年油艙燻洗
四次所費甚鉅其旗幟號衣篷帳等項亦所必需擬定每船每

年各給銀二百四十兩隨時修理以壯軍容而昭慎重

第十八條官兵糧額

查原奏內洋裏河十營將弁兵丁書識應須廉俸蔬薪等項悉照長江水師章程給發至外海六營均宜稍從豐厚除營哨各官月加公費業經部議核准外查水師提督及蘇松狼福三鎮額定廉俸本屬無多嗣後既須常出督巡責任重大亦應酌加公費用示體卹擬提督每月加給巡洋經費銀一百兩總兵每月加給巡洋經費銀八十兩以資辦公至原定廣艇舵工等項訪之久於巡洋者尚應稍為變通擬每船設正舵一名月給銀九兩副舵一名月給銀七兩二錢班手線手各二名月各給銀

奏稿卷三十六

聖

六兩副舵一名月給銀六兩木匠船匠各一名月各給銀五兩以上共九名均係出洋捕盜必不可少之人且仍在每船額兵四十名之內所加餉項亦屬無多其艇船稿書與繚糧同月給銀六兩書識與兵糧同月給銀四兩五錢又各營稿書書識並非兵丁應照例俟五年後滿考職送部

第十九條各營船隻酌用槍礮數目

外海六營艇船十二隻每船應配礮十尊洋槍十二桿內洋五營八團舢板六十隻每船配礮五尊洋槍六桿裏河八團舢板四隻每船配礮五尊洋槍六桿裏河五營舢板八十八隻每船配礮二尊洋槍四桿通共大小礮位六百一十六尊洋槍八百

八十桿此外長矛刀杖噴筒亦須隨官配用現於甯蘇軍裝局將水陸各軍繳存礮位洋槍軍械儘數勻撥倘有不敷另行添購足數

第二十條各船火藥洋火子彈等項數目

查各船大小礮位六百一十六尊大者三四千觔次者一千餘觔小者六七百觔不等每月約用土藥近七千觔洋槍八百八十桿每月約用洋藥四百四十餘觔洋火三萬六千餘觔洋鉛子四百四十餘觔此外皮紙更香封門大小熟鐵羣子若遇緩急應隨時酌數請領其月需經費約在千兩左右按年總共約需銀一萬餘兩土藥鐵子鉛丸擬在蘇州設局製造洋藥洋火等項擬在上海陸續購買將來外洋六營就近在上海請領內洋裏河十營就近在蘇局請領

奏稿卷三十六

聖

第二十一條核計餉項

查前奏部議按照道光二十八年以後兵馬銷冊及咸豐二年估冊內開江蘇水師二十一營歲需薪俸餉乾米折其銀二十六萬二千一百七十三兩六錢三分四釐內除未經裁減之鹽城東海兩營餉米共銀二萬一千一百十六兩八錢四分及原定蘇狼福三鎮各團兵丁一百名餉米五千五百兩零八錢均仍支舊餉應行扣除外計原設水師二十一營額支舊餉二十四萬零三十四兩五錢七分八釐現在新立外海內洋裏河十六

營除輪船餉需另行核計外所有官兵俸薪養廉餉米加以提
 鎮公費馬乾書識各營哨官公費座船書識又每船月給雜費
 通盤核計每歲若需銀二十三萬兩有奇核之十九營額餉尙
 屬有減無增惟改定章程條目太多將來或尙有續增之款總
 使新定之餉不浮於舊額之數以符原議而重帑項其狼山營
 酌留兵四百名係由揚州等營抽撥及提標空額內募補蘇松
 鎮添留兵四百名上海留兵二百名太湖留兵五十名各營署
 共留差兵百六十名均係在於提標各營未經募足之空額內
 調撥本有舊餉可抵毋庸另行核計至於各營更調官兵有由
 江屬撥歸蘇屬者有由蘇屬撥歸江屬者又有此營撥歸彼營
 者原額餉銀應由江蘇兩藩司先行查明分別撥抵再由各營
 查照向章按季備具領冊送候核明統歸藩庫放給彙同陸營
 餉項按年題銷至每年所用火藥子彈皮紙更香等項需款甚
 鉅又各營船隻風浪之沖擊燬火之震動不能不隨時修整必
 須籌有專款溯查部議從前修造船隻司庫例動銀十九萬七
 千餘兩按照十年攤算每年應動銀一萬九千七百餘兩現擬
 卽儘此款作為採辦軍火修造船隻之用統歸糧餉案內一律
 報銷此外尙有裁撤外委四十五名酌留候補每月各給養贍
 銀三兩六錢每年共計銀二千一百餘兩此項人員將來補一
 少一原非常年額款尙屬易為籌計至輪船各項經費原奏第

十四條內聲明在二成洋稅項下動支不在例定額餉之內將
 來造成日多必須另籌首養輪船之費另案奏辦

楚岸鹽引淮川分界行銷摺 同治十一年正月二十八日

奏為楚岸淮南引地業經會商定議暫與川鹽分界行銷恭摺

聖鑒仰祈

聖鑒事竊楚省引岸被川鹽侵占太甚經 國藩於同治十年

三月間縷晰具奏嗣准戶部奏覆應由兩江會同湖廣四川妥

議章程奏明辦理同治十年六月二十五日奉

旨依議欽此恭錄轉咨前來 臣等伏查行鹽各有引界今以川

淮兩省之鹽同行湖北一界之內此暢則彼滯勢有必然近年

淮南銷數日疲存鹽壅積無術疏通皆由川鹽到處酒賣遂使

淮引之界幾被川鹽占盡論鹽筋則色白味鹹川貨本甚於淮

論搬運則下水順流川路較近於淮論民情則楚人食川習慣

而已成自然論官事則川販聚楚驟禁而恐生事變故川私侵

佔淮南引地雖屬大案紀綱之事而有萬難遽變之勢今欲於

積重難返之後挽回一二仍當暫分疆界為徐圖規復之計湖

北淮引之地九府一州此

國家之大法終古不變者也就川私侵淮之地而於其中收復

數府專行淮綱酌分數府准銷川鹽者此目下之權宜四面兼

顧者也 臣等函牘往來籌商再四就湖北九府一州計之現定

將武昌漢陽黃州德安四府先行歸還淮南專銷淮鹽其安陸

襄陽鄖陽荊州宜昌荆門五府一州仍准川鹽暫行借銷議定

淮分之界不准川鹽侵人分寸而川分之界仍可由淮商就中

酌設子店撥售零引以明本係淮引地方不可喧賓而奪主一

劃而永棄前於沙市所設配銷局既於川販多所未便而淮銷

亦並無成效應將此局裁撤移設新堤改為分銷淮鹽局至武

漢黃德四府內湖北所設抽收川稅水陸局卡亦一律裁撤禁

止川鹽不得顆粒侵銷四府地界此會議分界之大略也淮鹽

滯銷之由固由川私充斥而銀價日昂鹽價日貴亦屬有礙銷

路初定章時湖北每銀一兩約易錢一千五百餘文今則增至

一千八百餘文居民買鹽則用錢而局中售鹽則收銀水販成

本因之暗增不能不量予酌減查楚岸定章本定每引售銀二

十四兩厥後遞減至十九兩二錢現擬每引再減售價一兩二

錢每正引六百筋定售銀十八兩所減之價在於應解鄂淮鹽

釐內各半分扣將來銀價如跌再將鹽價隨時酌提以昭平允

此減價之大略也地方州縣本有緝私疏銷之責若不加意整

頓深恐完稅之川鹽雖申禁令而無稅之川私勢更熾延加以

潞私北私交相侵濫名雖定界仍無補於淮銷除湖北飭派緝

私各兵勇照常佈置外所有武漢黃德四府擬擇扼要之地設

卡分堵凡潞私北私及川鹽越界漏稅之私仍由 漸章通飭

各州縣不分畛域幫同局卡實力緝拏每年年終由督銷局會

同湖北鹽道視銷數之暢滯定州縣之勤惰開具清摺送由 臣

S
4121.5
152

3094643



ZW 21101800504002

續修四庫全書 史部 詔令奏議類

等會同考核酌量勸懲以收實效一面由臣國藩責成運司督飭各場講求煎煉之法務使淮南鹽色日潔期與川鹽相敵倘有以醜劣低鹽運棧立將場員記過撤委此又講求緝務整頓鹽色之大略也兵燹以後戶口大減各岸應銷之鹽較昔年額數已屬極少而業鹽而謀食者人數日眾場井之產亦日多等不敢期銷數之極旺但求業准鹺者不至因銷路被奪而遂絕生計業川鹺者不至因銷路被堵而別出事端是即兩全之道此次分界之後如果准釐有贏鄂釐日細即當貼補鄂餉其於勻分餘利而止如果准銷仍滯川銷大暢即當嚴堵川私期於不侵新略而止若其軍事大順滇黔肅清川鹽自有本管之引地則今日分割之五府一州仍當歸還淮綱淮南引地行之數百年不刊之典未敢輕於議割也總之隨時體察川淮情形補偏救敝務在不戾時宜不墜憲章至湖南堵川之法前經臣國藩奏明俟湖北酌堵川鹽稍有起色續行奏辦現查湘省祇有岳州常德澧州三屬行銷川鹽岳州係達省會之門戶常德係入辰沅之要津均為淮鹽緊要口岸亦經議定專歸淮銷惟澧州與荆州相近川鹽運往路捷價輕應暫分與川銷其餘未盡事宜俟開辦數月再行酌核續陳所有等會議暫行分界銷售緣由理合會同四川督臣吳棠署湖南撫臣王文韶恭摺具奏伏乞

皇太后
皇上聖鑒訓示謹
奏

奏稿卷三十六

三